





1. 3. 131





Ex leg. C. R. &  
offic. Praetor  
de curia



4-3.13,

IOANNIS ANTONII CA  
EPISCOPI AFRVTINI,

**OPERA**  
**SELECTIONIORA.**

QUIBUS CONTINENTVR  
DE REBUS GESTIS  
**ANDREAE BRACHII**  
LIBRI SEX,  
CVM VITA PII II, PONTIFICIS  
MAXIMI, DESCRIPTIONE THRASIMENI,  
DE INGRATITVDINE FUGIEN A LIBRIS  
TRIBVS, DENIQUE DE REGENDO MAGISTRATV,  
ET DE DIGNITATE MATRIMONII,  
LIBELLIS SINGVLARIBVS.

RECENSUIT  
**FRID. OTTO MENCHENIUS.**

---

LIPSIÆ,  
APVD IACOBVM SCHVSTERVM.

MCCC.



4.2.131



## LECTORI SALVTEM.

**V**t nunquam ego cum inepto illo et moroso hominum genere rem habui, quibus extra patriam prorsus nihil placet, et qui sua malint stercore lambere, quam lautissimis aliorum dapibus ingenium animumque pascere; ita, IOANNIS ANTONII CAMPANI, eruditissimi Italorum, quae supersunt monumenta aurea, et ad posteros commemoranda, quam primum eorum dignitatem ac praestantiam inspexi, facile a me impetraui, ut in manus traderem Germanis meis. Sed poenitet me laboris



# PRAEFATIO.

mei, si eo forsan res ceciderit, ut uanam hoc ipso gloriam captasse, et aliquod inter eruditos occupasse nomen, dicar. Non me fugit, quam sit pretio ea res aestimanda leui et exiguo; et aliorum dudum exemplo didici, ingenio ad haec, quae praestiti, opus esse admodum pusillo, et sudore nullo prorsus. Quin mihi ipsi risum mouent, si quos uideo interdum alienis laboribus superbire turpiter, omnemque famam suam ex scriptis aliorum petere, et inter suauissima ingenii torpentis otia numerosas Scriptorum cateruas emittere. Quo artificio ii inprimis vtuntur, quibus alia omnia, quam ingenium sagax et foecundum, natura concessit, et ad conatus magnos dedit uirium et facultatis parum. Quos, ceteroquin ita comparatos, uel in obscuro latere turpe putent, et intra prae-

# PRAEFATIO.

praecordia sentiant effraenem  
 quandam inclarescendi libidinem,  
 facile patimur, per hos cuniculos  
 in arcem gloriae et honorum in-  
 uadere, et imperitae plebis iudi-  
 cio calide in rem suam vti. Mihi  
 uero, quod minime pudet publi-  
 ce hic eloqui, illorum exemplum  
 imitari, et incerta hac lubrica-  
 que uia ad immortalitatem graf-  
 fari, nunquam in mentem uenit.  
 Etenim de his, quorum opera  
 uetustatis sordibus purgatae, ad  
 pristinum nitorem redeunt prae-  
 stantissimae magnorum homi-  
 num reliquiae, ita ego prorsus  
 existimo, rem utique bonam, et  
 ad futuras aetates omnes longe  
 fructuosissimam, suscipere, quin  
 illud a nobis impetrare facillime,  
 ut ad literarum incrementa haud  
 contulisse parum dicantur, at  
 eruditionis magnae, et ingenii  
 nulli ex uulgo dati, frustra a no-

# PRAEFATIO.

bis laudem expectare. Et, quem admodum de panno artificiose contexto non tam mercator, qui uendit, quam artifex, qui texuit, laudatur, et aedificium pulcherri-  
me exstructum architecto maio-  
rem, quam his, qui instrumenta  
et materiam praebuerunt, famam  
parit, ita callidissimi illi et hone-  
ste otiosi alienorum Operum edi-  
tores non tam suae, quam alio-  
rum, existimationi consulere, et  
ferendi quidem, forsán laudandi  
etiam, sed intra eorum, qui ex se  
ipsis gignunt pulchrum et uenu-  
stum, aliquid, longe collocandi  
subsellia uidentur. Neque adeo,  
quo ipse indignum me fateor,  
plausum posco; sed, ut nemini  
inuideo laureolas suas, simili la-  
bore furtim ex Helicone surre-  
ptas, ita, si, praeter haec ipsa, ni-  
hil ego unquam praeclari et exi-  
mii perfeci, aut in posterum per-  
fici-

ficiam, ipse referri nomen meum inter uiros bonos, quam cruditos, malo. Quo ipso rem facere gratissimam iis uideor, qui, laudatissima quaeque, et in praestantissimis habenda, nihili putare, et palam proscindere, natura ipsa edocti, hoc liberiores se nactos uituperandi occasionem putant, quo minus in re ipsa decoris inesse atque gratiae intelligunt. Rudes nempe illi et inficeti homines, qui malint per omnem uitam suam clausum os gerere, quam laudanda laudare semel, et quibus nugae et quiskiliae suae auro quouis cariores habentur, alia aliorum omnia uix obolo aestimantur aut teruncio. Sed ab his ipsis ut laudari nunquam cupio, et, si cuperem, frustra cuperem, ita nec reprehendi me de facto per se bono, et, si non post hominum memoriam maximo, tamen honesto,

# PRAEFATIO.

patiar. Neminem de hoc labore meo praeclare nimis et magnifice sentire, sed nec nimis sordide quemquam et abiecte, uolo. Multum profecto interest, vtrum non laudanda praestitisse, andigna contentu, et culpanda publice, dicaris. Illud honeste te uiuere et secure finit intra parietes tuos, hoc latere te nec volentem patitur, sed foras exire iussu, communi omnium ludibrio exponit. Non me male adeo de te mereri, intelliges, puto, Lector, si rationem aequitatis habes. Et, si blando interdum ac benigno uultu legis scripta aliorum putida et inficeta, in quibus succum neruumque frustra quaeras, si, grassari hos impune per orbis eruditi theatra, et rideri, dare exteris Germaniam nostram, tolerabilem rem putas, si in miselli et inelegantis ingenii partu inueniusto ac deformi conatum pro-

# PRAEFATIO

probas, et admurmuratione tua  
 excitandos ad maiora putas ho-  
 mines natura ineptos, et suae  
 imbecillitatis minime ignaros,  
 quidni ego aliqua Lectorum di-  
 gnus gratia existimer, qui, ab il-  
 lo inde tempore, quo primum li-  
 terarum sacris me addixi, illud  
 unice agendum mihi ratus, ne  
 quid loquacitate mea uel mole-  
 stus sim eruditibus, uel damnosus  
 honori patriae, tacere docui, do-  
 nec aliquando maturescerent,  
 iuueniles musas meas, et, ne  
 turpe cuiquam rusticumue dici  
 posset silentium meum, gra-  
 uiores interea in mei locum  
 Oratores substitui. Nec fo-  
 re ex Lectorum meorum nume-  
 ro tam rudis et ignobilis palati  
 vnum arbitror, qui post conditif-  
 sima CAMPANI fercula crudas et  
 incoctas offas nostras appetat, et  
 diuitiis his paupertatem nostram

# PRAEFATIO.

praeferat. Optime profecto cum  
 literis actum, optime cum multo-  
 rum fama, esset, si, quae mihi, ea-  
 dem illis omnibus mens esset,  
 quibus non satis, est ineptire do-  
 mi, sed foris et ante oculos omni-  
 um insanire, atque iucundum orbi  
 spectaculum facere, in magna lau-  
 de putatur. Nam, quod adhuc  
 nostro tempore contempta iacet  
 nationibus finitimis, et, quo-  
 cunque circumspexeris, ignobile  
 nomen habet Germania nostra,  
 non tam doctorum prudentum-  
 que hominum paucitati tribuas,  
 quam impune delirantium Scri-  
 ptorum copiae; et aeternam illi  
 Principi a posteritate gratiam  
 spoponderim, qui lege publica, nec  
 eadem nimis leni, prurientes mul-  
 torum digitos castigauerit. Me  
 quidem CAMPANI mei, non, cur  
 pudeat, unquam erit; eius quip-  
 pe uiri, qui non ipse tantum omni-  
 um

um  
to-  
ea-  
let,  
lo-  
ni-  
rbi  
au-  
ruc  
cet  
io-  
ile  
ra,  
m-  
as,  
ri-  
illi  
um  
ec  
il-  
se  
ur  
p-  
ui-  
m

um consensu in praestantissimo-  
rum Scriptorum ponendus sit nu-  
mero, sed qui alios etiam hanc  
elegantem scribendi docere artem  
possit. Ita, quum alios id laborare  
magis uideas, ut perdant lite-  
rarum decus, quam ut altius pro-  
ferant, et a barbarie defendant,  
laudem hanc, si qua nempe est,  
ipse mihi tribuo, quod, quae suis  
iam exsoluta tenebris, in solem &  
puluerem produxi, accommoda-  
tissima sint partim ad usus ciui-  
um meorum publicos, partim ad  
conseruandam literarum digni-  
tatem. Hunc tu Scriptorem,  
in sublimi iam monumento posi-  
tum, uenerare, Lector; hoc sa-  
pientiae antiquae, et Romani fer-  
monis, magistro utere, et, quas  
liberali manu offert, accipe bo-  
no animo diuitias. Quem si Se-  
culo illo adhuc satis sordido et  
impolito, in media Italiae barba-  
rie,



# PRAEFATIO

rie, uel ingenio, uel exercitatio-  
 ne diligenti, ad ueteris Latii ele-  
 gantiam masculumque robur  
 tam accessisse prope intelligis ;  
 non est profecto dubitandi causa  
 ulla, quin in clarissima hac luce,  
 inter fulgidissima tot scientiarum  
 artiumque lumina constitutus, eo-  
 rum omnium, quos admiranda  
 sapientiae doctrinaeque exempla  
 aetas nobis vetustior proponit,  
 leuissimo negotio aequaturus sis  
 gloriam. Satis te profecisse in  
 literis, et orationis Romanae fa-  
 cultate, putabis, ubi CAMPANI in  
 dicendo affecutus uim, et quasi  
 senatoriam grauitatem, melleae  
 non expertem suauitatis, fueris.  
 Neque uero is ego sum, qui ma-  
 nibus Tuis excutiam antiquissi-  
 mos illos Romae septicollis Sena-  
 tores, admirabiles omnis elo-  
 quentiae conditores et artifices,  
 quibus qui carere se posse putat  
 hoc

hoc nostro tempore, nae is fallitur multum, et, quarum dulcedinem non sentit, nunquam Romani sermonis ueneres et gratias attinget ; uerum, si uarietatem, et optimorum Scriptorum gratam uicissitudinem, amas, si, quid ualeat hoc nostro aeuo ad dictionis uere Latinae elegantiam partim studium continuum, partim ingenii non uulgaris quaedam dexteritas, ipsis edoceri exemplis cupis, denique si ueteres imitandi artificium petendum ex recentioribus, iisque omnium optimis, existimas, vnum ex superiorum temporum memoria CAMPANVM legendum, vnum hunc diligenter manibus uersandum, vnum prae ceteris tenerrime complectendum, suadeo. Nam, si in aliis flumen uerborum et numerosam orationem TULLII, in aliis nervos et pondera sententiarum

Li-

# PRAEFATIO.

LIVII, mollem in aliis SALLUSTII  
 dictionem, aut facundiam QVIN-  
 TILIANI, admiraris; quanto plu-  
 ris aestimandum eum putas, in  
 quo non harum uirtutum vna  
 aut altera, sed coniunctae omnes  
 atque consociatae eminent, ami-  
 cissimeque conspirant. LUIANI  
 sermonis in affectata gravitate de-  
 lectaris? *Historiam CAMPANI*  
*Brachianam* lege, primo hic,  
 ut uides, loco collocatam, quam  
 ipse ille TITVS meus facile agno-  
 scat partum suum, et qua, nescio,  
 an quid magis unquam scriptum  
 Latine extet, magis quod uetusta-  
 tem oleat, et aures animosque le-  
 gentium permulceat. SALLUSTIA-  
 NOS prae ceteris uerborum floscu-  
 los lacteamque vbertatem amas?  
 Iucundissimum ingenii pabulum  
 CAMPANI *de Ingratitudine fu-  
 gienda* libri dabunt, compositissi-  
 mi profecto, et, ut pleni praece-  
 ptis

ptis morum et antiquae uirtutis  
exquisitissimis exemplis, ita ex  
ipsa orationis structura, et molli  
uerborum compositione, singula-  
rem ad persuadendum uim ha-  
bentes. Quibus si vnum *in-  
gratitudinis* uocabulum exularet,  
quippe barbarum, et delicatis au-  
ribus oppido molestum, sed quod  
ipse SCALIGER *necessarium* dicit  
*ad significandum id, quod frequen-  
tius, quam sol ipse, inuenitur*, uix,  
quod reprehensione in his di-  
gnum iudicarem, quidquam ef-  
fet. De reliquis CAMPANI scri-  
ptis nihil dicam, sed, ut me  
ipsum, haec legisse, nunquam poe-  
nituit, ita nec tibi, Lector, quod  
certo scio, fructum eorum lectio  
nullum afferet. Et quid opus  
his esse commendatione putem,  
quae parentem suum CAMPA-  
NVM agnoscunt, sui ubique simi-  
lem, et leuissimas aetatis suae la-  
be-

# PRAEFATIO

beculas, quibus non nisi raro admodum deformatum conspicias, praeclaris multis eximiisque virtutibus compensantem. Diu est, quod tuum, Lector, plausum tulere huius maximi Italorum politissimae *Epistolae*, et mirae uenustatis *Carmina*, quibus id effectum est dudum, ut nihil de CAMPANO dici possit tam praeclare et magnifice, quod non iure ipse suo ferre a posteritate uideatur. Et, si, quod laetus animaduerto, continuo haec tuis manibus tenes, si dormire tecum pariter ac vigilare iubes, denique si TULLIANO illas, haec CATVLLIANO aeuo dignissima putas, non habet, cur minorem sibi de his, quae cura nostra partim iam prouident, partim sequentur proxime, a te gratiam promittat CAMPANVS noster. Sunt illa, quod probe te me-

meminisse credo, anno Seculi praesentis septimo a Parente meo, IO-  
ANNE BURCHARDO, prelis Lipsiensibus excusa; maximo profecto eorum omnium commodo, qui, uetustioribus illis *Operum* CAMPANI editionibus, unde scilicet haec nunquam antehac exierant, destituti, mellitissimis his deliciis non sine dolore summo sibi uiderant carendum. Et, ut maiores ei, quam forte putes, suscepto hoc labore, superandae difficultates fuerint, quod Codex ille *Operum* CAMPANI, quo utendum ipsi vno fuerat, Venetorum formis A. 1502. expressus, mendis esset prorsus innumeris corruptus, et Augiae stabulo commaculatio, unde factum, ut, nisi coniectura et ingenio, plerisque medela adhiberi nulla potuerit, iamque adhuc quaedam, uix Criticorum acutissimo sananda, uulnera

b                      fu-

# PRAEFATIO.

superfint, a) tamen, quum eius rei gratiam a bonis multis iniisset, et audidissime exceptum Germanis aequae, atque exteris, CAMPANVM suum intelligeret, non taceret ipsum laboris coepit, sed eodem modo, Operum CAMPANIVM quicquid supererat, inueteratis prorsus sordibus liberare, et in Germanorum aliqua luce collocare, plane ipsi fuerat constitutum. At, quum in eo iam esset, vt opus, laudatissime inceptum, sed interruptum postea, et satis diu intermissum, tandem, nobis applaudentibus, perficeret, honestum hoc consilium, vt his similia non pauca, quae animo uolebat olim, mors praematura

ra

a) Sunt haec Parenti, non sine iniquitatis nota, exprobrata a Biographo Gallo, NIGERONIO, in *Commentariorum, ad Usas et scripta eruditorum pertinentium*, quos ad hunc usque diem edere sermone uernaculo pergit, *Tomo II p. 277.*

# PRAEFATIO.

ra intercept. Itaque, paterna  
uelut haereditate deriuatam ad  
me arbitratus hanc prouinciam,  
vt partim optimi Parentis mani-  
bus rem gratam facerem, et hu-  
ius pie colere memoriam uide-  
rer, partim obsequii mei docu-  
menta publica coram iis ederem,  
quibus auctoribus ipsa haec ag-  
gressus sum, simulque commu-  
nem ciuium meorum sitim re-  
stinguerem, *Epistolis* et *Carmi-  
nibus* CAMPANI, annos iam  
fere triginta inter Germanos  
uersantibus, nunc demum iun-  
genda duxi scripta doctissimi Ita-  
lorum reliqua, id, nisi spes mihi  
falso blandiatur, hoc ipso affecu-  
turus certissime, ne quis, lectis  
his, frustra a me propositum Le-  
ctoribus nouum hoc limatissi-  
mae doctrinae et Romanae fa-  
cundiae exemplum criminetur.  
Iamque proposito meo, et tuae



## P R A E F A T I O.

expectationi, satisfactum ex parte uides; nec, carere te his, quae restant, culpa mea, patiar, modo non haec a te fastidiri, sed expeti et flagitari serio, intelligam. Et, si per spatii, quo circumscriptimus nos ipsos, angustiam, et scriptorum CAMPANI copiam, id licuisset, uenissent utique, quaecunque nos debemus politissimo huius Itali ingenio, coniuncta iam in manus tuas. Sed non id scilicet mensura libri tulit, sequatur, si fieri posset, molem *Epistolarum CAMPANI*, ab optimo Parente editarum. Non igitur hac uice, nisi *de rebus gestis Brachii Libri VI*, cum *Uita Pii II, Pontificis Maximi*, nec non *Descriptione Thrasimēni, de Ingratitudine fugienda Libris III*, denique *de regendo Magistratu*, et *de Dignitate matrimonii*, libellis, in publicum conspe-

spectum prodeunt. Sed sequen-  
tur hac ipsa presso pede *Orationes*  
uariae, eaeque mirae uenustatis  
singulae, in quibus CICERONIANAE  
eloquentiae facile uestigia cogno-  
scas. Implebunt haec similiter,  
vt *Epistolae*, et illa reliqua, quae  
iam dedimus foras, Uolumen in-  
tegrum, vt, acceptis his, habitu-  
rus sis *Operum* CAMPANI cor-  
pus pulchrum et compositum,  
trium spatio Uoluminum inclu-  
sum, idque apte, meo iudicio, et  
ad vsum Lectorum prorsus ac-  
commodate. Sed, age, iam de  
me ipso pauca. Nam, quod alii  
multis uerbis, nec sine cothurno,  
facere consuerunt, id breuiter  
me et restricte exequi coram Le-  
ctore sagaci et intelligente con-  
uenit. Quod ad ipsum edendi  
laborem attinet, non hic, fateor,  
tantum mihi molestiarum deuo-  
randum fuisse, quantum Parenti

# PRAEFATIO.

olim, suis fordibus *Epistolas* et  
*Carmina* purganti, propterea,  
 quod subsidia, quibus in rem  
 meam vterer, comparata mihi  
 plura longe, eademque insignio-  
 ra, essent. Nam, vt dicendi ini-  
 tium ab *Historia Brachiana* fa-  
 ciam, eam vt emendatissimam  
 hic exhiberem, oppido me iuuit  
 labor GERHARDI IOANNIS  
 HEROLDI HOECHSTETENI,  
 qui librum eleganter doctum an-  
 no Seculi XVI quinto et qua-  
 dragesimo Basileae in forma mi-  
 nori, quam octauam uocant, satis  
 emaculate edidit, nec non cele-  
 berrimi Uiri, LVDOVICI AN-  
 TONII MVRATORII, Musae  
 nostrae amantissimi, qui nuper  
 demum huic *Historiae*, nec ei  
 immerenti, locum dedit in *Scrip-*  
*ptorum Italiae Uolumine XIX*  
 p. 431, praëclare ita de ciue no-  
 bilis-

PRAEFATIO.

bilissimo et vniuersa Italia pro-  
meritus. Hos ego duces secu-  
tus, et MVRATORIANA prae-  
fertim editione hoc oportunius  
fidentiusque usus, quod eliminandae  
illi insignem opem attulisset In-  
terpretatio huius Operis Italica,  
tentata olim a POMPEIO PEL-  
LINO, Perusino ciue, et A. 1572  
Uenetiis uulgata, Historiam, si  
quid mihi recte blandior, inte-  
gerrimam et plane incorruptam  
dedi, talem nempe, cuius non  
poeniteret profecto, si uiueret,  
Auctorem suum. Neque tamen  
solertia hic aut labore mihi opus  
fuisse nullo putes; quin ita potius  
persuade tibi, quantumuis in *men-*  
*dis et erroribus restituendis b)* uin-  
dicandisque laborauerit HOECH-

b 4

STETENVS,

b) Sunt haec uerba HOECHSTETENI in  
litteris ad Philibertum ac Christophorum,  
Principes Badenses, ipsi CAMPANI Hi-  
storiae praemissis.

# PRAEFATIO.

NVS, quam diligentem etiam hi  
 Commentarii editorem nacti sint  
 MVRATORIVM, accidisse tamen  
 haud raro, vt in vno eodemque er-  
 rore conspirantem vtrumque ani-  
 madverterim, vbi, pro ingenii  
 modulo, nunc perperam coniun-  
 cta separanda, nunc, quae incu-  
 ria scribarum exciderant, sup-  
 plenda, nunc, quae alieno loco  
 errabant, in ordinem redigenda  
 fuerint. Nec pauca obuénisse  
 mihi memini, quae, an ita scri-  
 pta essent a CAMPANO, subdu-  
 bitabam mecum, sed quibus  
 uim inferendam, ne oleas edi-  
 toris transilirem, non putaui.  
 Cuiusmodi locutiones, aut senten-  
 tiae, sicubi inter legendum te of-  
 fenderint, aut, his facile carere te  
 posse, crede, aut rectiora, si quid  
 uales ingenio, substitue. Quae  
*Vitae Brachianae*. adiuncta ha-  
 bes scripta CAMPANI reliqua,  
 non,

non, nisi ex *Operibus* eius, coniunctim editis, innotuisse mihi, fateor. Nam, etsi dudum noueram, *Uitam Pii II, Pontificis*, Francofurti apud *Egenolphum*, forma quadruplicata, c) et de *Regendo Magistratu* librum Louanii primum A. 1548 ex officina *Seruatii Sassenii*, forma minima, d) postea A. 1618 Coloniae Agrippinae, e) sigillatim prodisse, nunquam tamen ita mihi esse felici contigit, ut libellos hos intueri propius, et meis tenere manibus, potuerim. Transcribenda igitur haec mihi omnia ex ipsis CAMPANI *Operibus* fuisse, non quidem illis, quae diximus in Uenetorum officinis excusa, sed aliis uetustioribus, et

b 5                      ue-

c) Vid. GESNERVS in *Biblioth.* p. 383. B.

d) Vid. *Biblioth. Telleriana* p. 362.

e) Vid. TH. HYDE *Catal. Biblioth. Bodlei.* p. 131.

# PRAEFATIO.

uenerabili aetate sua in cimeliorum loco habendis, quin ita hic locorum raro obuiis, vt; qui uisa sibi testentur, sint paucissimi, nec ipse in horum numero fuerit olim Parens meus. *Impressa haec Romae, characteribus Ueneticis, per Eucharium Silber, alias Franck, unius ipsius Michaelis Ferni, Mediolanensis, cura, correctione, et impensa, Anno Christi. Sal. MCCCCXCV, pridie Calendis Nouembris, ultima Codicis nostri pagina testatur. Ingens frontem et magnifice in lignum incisa campana ornat, quam uerba cingunt sententiosa, et ad CAMPANI laudem composita. Addidit Inscriptionem Editor:*

*Pulsa-*

PRAEFATIO.

xv

*Pulsabat solida et toti notissima  
mundo,*

*Per coelum et terras fama  
vagata mea est.*

*Turbida tempestas rupit me,  
sola Tyferni*

*Nubila dum sonitu rumpere  
posse puto.*

*Me miseram fului rapiebant  
frusta metalli,*

*Et, qui curaret reddere, ne-  
mo fuit.*

*Sed me iterum Fernus uigili  
sudore Michael*

*Iam tandem fudit prae pie-  
tate meus.*

Haec, vltro olim atque liberaliter  
mecum communicata ab erudi-  
tis.



# PRAEFATIO.

tissimo Uiro, IOANNE ERHARDO KAPPIO, Oratore Lipsiensi, et hoc tempore Academiae patriae Rectore Magnifico, rebus nostris inter paucos amicissimo, quam primum accuratius inspexi, et cum Codice illo *Operum* CAMPANI altero, paullo recentiori, contuli, equidem, in quo discrepent haec inter se, quantum ad res ipsas, nihil inueni, at, quod ad integritatem literarum, et curam operarum, attinet, Codicem hunc Romanum multis modis praefendum illi Ueneto, cognoui. Biberunt igitur ex hoc fonte arua nostra, et, quamuis errorum, (vt nunquam penitus his carent uetustiores libri,) non omnino tollendum nihil fuerit, toleraui tamen aequo animo has molestias, quippe nihili putandas, si cum illis comparentur, quas et Parenti olim

olim deuorandas dederat, et mihi ipsi, si hoc nempe vtendum vno fuisset, minabatur codex Uenetus. Idque adeo si actum a me diligenter uides, ne culpa nostra gemmae hae Campanae amitterent natium et uenustum decus suum, nec, in Germaniam translatae, alieni soli maculas contraherent; iam praestitisse hoc in loco, quo parum glorioso Editoris munere defungor, mihi satis uideor, nec ipse a me quidquam, amice Lector, praeterea desideras. Praestiti tamen his ipsis plura, Lector, et tuis commodis, quod spero, satis inseruient appositae partim ad paginarum marginem notae breues, et dictorum CAMPANI argumenta continentes, a quibus tamen seiungendae sunt nonnullae aliae, in *Historia Brachiana* obuiaae, quippe ex editione Basileensi huc translatae, et criticae indu-

# PRAEFATIO.

dustriæ uestigia præbentes, partim notabiliorum rerum Index locuples et copiosus, ad calcem Operis adiectus, cuius utilitatem satis cognoscent ii, qui rerum magis, quam uerborum, in CAMPANO delicias sectantur. Denique, ut aliorum magis, quam meo, testimonio de horum librorum dignitate et præstantia constaret, horum nonnullis commendatitias MICHAELIS FERNI, primi Editoris, ad Lectorem Epistolas præmisi, quibus lectis, quid cuique libro boni insit, uel ipso me tacente, intelliges. Plura non addo, nec, inter uepres et dumeta nostra te morari, amoeniora iam CAMPANI uireta ante oculos habentem, fas existimo. Age, iam Deorum domicilium, dulcissimam Campaniam ingredi, et, inter otia iucunda, suauitate loci, quantum satis est, et ipse potes, frui.

IOAN.

IOANNIS ANTONII  
CAMPANI,  
EPISCOPI APRVTINI,  
DE  
VITA ET GESTIS  
ANDREAE BRACHII  
LIBRI SEX.





ANTISTITI PERVSINO,  
 IOAN. ALEX. VI.  
 PONT. MAX. DATARIO  
 OPTIMO,  
 PERENNI MEMORIAE ET IM-  
 MORTALI GLORIAE DICAVIT.  
 MICHAEL FERNVS,  
 MEDIOLANENSIS.

*N*on parua est gloria, Pater Reuerendissi-  
 me, ei urbi quum Principi dominari con-  
 tingit, unde aliquando uiri clarissimi, bello,  
 paceque, domi, militiae, prodire. Commu-  
 nisquē prope est cum Principe ciuium etiam  
 demortuorum splendor, et gestorum fama, sicut  
 ea gloria etiam nostra censetur, et nobilitas,  
 quam ex gente nostra maiorum aliqui  
 peperere. Inter Opera, quae praestantissimum  
 illud Campani, Episcopi postea Aprutini, ingenium  
 prouidit, quae ego edenda

## MICHAELIS FERNI

dà meo summo labore, studio bonorum literatorum, suscepi, celebratissima habetur Brachiana Historia, vipore in qua is omnes eloquentiae nervos qui totus sublimis et excelsus in omni scriptorum genere, fuerat, iam, quum iunior, intendit. Vt plane doctissimus quisque fateatur, nihil ab annis mille citra scriptum maiori gratia, seu sili maiestate quadam et elegantia, seu luce, fide historiae, et rerum gestarum dignitate et magnificentia. In qua res vnius Brachii huius olim, et principis huius tuae inclytæ urbis, cui Pontificem tua Te praestantissima uirtus, nulla suffragiorum mendicatione, propriis uirtutum comitiis, suffecit, complexus, uisus est mihi Qu. Curtium imitatus esse, qui vnius Alexandri Macedonis uitam, bella gesta, uictorias, consilia, dicta, facta, complexus fuit, nisi quod, quum par illi semper incedat, praecellat interdum, nunquam deficiat. Et hoc gratior esse perenniorque potest Historia, quod integra exstat, illa plurima sui parte deperiit. Et Campanus in concionibus, ubi historiae uis tota desudat, uehementior. Viuidius penetrat, urget impensius, suadet dissuadetque uelocius, in proponendo uarior, irritando asperior, sedando et dissoluendo aptior et faciliior. Summus

# PRAEFATIO.

*mus in delectando, ubique docet, ubique delectat, ubique afficit, semper alacris, grauis, et magnificus, splendore uerborum, et sententiarum grauitate, ubique admirabilis. Ut, quum nec Curtius quidquam, quod in Historia expeti possit, in commendando vno Alexandro posthabuerit, facile tamen deprehendas, interesse plurimum Italo et Barbaro, et gloriae Brachii nihil defuisse, nisi quod illis priscis Seculis nasci non contigit. Quibus quum multi certare gloria cum Alexandro perhibeantur, rerum gestarum magnitudine, felicitate, et successu, pauci etiam anteponantur; Brachius quidem, et is aliquanto etiam intervallo, anteponi potuisset, quod nec maiori militum numero pauciores pugnas obtulit, nec minoribus cum Regibus praeliatus, tenuiores copias fudit, deleuitque. Vbi hoc ad gloriam accedit, quod in media Italia, quum res bellica floreret, pugnacissimos contra imperatores semper uictor exstitit, uictus, nisi in morte, nunquam fuit. Hanc ego tanti Principis historiam cui dicarem, dubium me plura diu detinere. Et erant tam magnifica gesta Principi dicanda, et, cui dicanda, integrum non erat. Tua religio, tua sanctissima uita, a sanguine et bellico fremitu aliena, tam natura, quam moribus, et*



## MICHAELIS FERNI

uitae instituto, pium aliquid ex adytis diuo-  
 rum, et de sacris penetralibus, exposcebat.  
 Vicit me gloriae cupiditas tuae; expugna-  
 uit illa ipsa in Te, tuamque Perusinam vr-  
 bem, disciplinarum altricem, deuotio. Qua-  
 si nefarium me piaculum committere senti-  
 rem, nisi, quod vnum non multis ante Seculis  
 florenti illi et imperio maximae affulsit, affli-  
 ctæ iam, et factionibus detritæ, vrbi, lumen  
 intra principes suos continerem, et iucandio-  
 rem sub tuo numine ciuibz tuis magnani-  
 mi olim Principis sui lectionem redderem,  
 Teque hac immortalitate, cui semper labo-  
 res omnes meos, fortunas, sanguinem, ui-  
 tam, deuotas habui, apud ciues tuos conda-  
 narem. Fuere etiam complura, quæ me in  
 hanc sententiam et allegerunt, alia, et con-  
 firmarunt. Nam, si paullo accuratius po-  
 t- ris hanc Historiam percurrere, fuit hic  
 genti tuæ deditissimus, vt pro his asperrima  
 bella gesserit, et denique pro illorum imperio  
 stabiliendo opes, sanguinem, uitam; non uoue-  
 rit moda, sed uel etiam effundere non peper-  
 cerit. Quotus enim nationis tuæ hunc non  
 summa ueneratione, ne Te modo dicam, non  
 prosequetur, quo constet, Alfonsum Arago-  
 nensem, Regum, qui vnquam in Italia re-  
 gnarint, pace belloque clarissimum, cuius  
 ne-

# PRAEFATIO.

XIX

nepotem, alterum Alonsum, atque alterum Ferdinandum, pronepotem, hoc anno tantis uestris periculis aduersus Gallorum tempestatem defendere annexi patrio quodam studio estis, cariorum neminem habuisse, et cui maiori fide se, exercitum, imperium, fortunas, uitam denique ipsam, cognouimus commisisse. Huius ille uirtute in regnum apulit, huius industria, uigiliis, labore, studio, pacatissimo regno potitus. In hunc unum quum sanguineas acies cruentus Mars concitaret, quum non tam de imperio, quam de salute et uita, dimicaretur, securus quiescebat. Hunc in regiam stirpem adsciuit. Huic Capuanum principatum tradidit, et praeclaris et immortalibus beneficiis affecit. Porro cui non iucundum et plenum summae uoluptatis esset, illas Thebas, Athenas, Megaras, illam Corinthum, Lacedaemonem, Babyloniam, Macedoniam, nouo Principi perlustrare, et pro religione quadam, suspensio pede, tantorum memoria ducum peragrar, et quaerere, qua in urbis parte ille Epaninondas, ille Agesilaus, ille Alcibiades, ille Themistocles, ille Cyrrhus, ille Alexander, uiui consedisent; quo in loco Senatus haberetur; illi effigiatos, illi exactissimi naturae expressores diuersarentur. Sentio iam mecum

## MICHAELIS FERNI

illam mirificam cordis titillationem, solidam-  
que delectationem. Hanc Historiam quum le-  
geris, quoties aut negotium eo Te postulabit,  
aut secedendi uoluptas alliciet, ubi illos Bar-  
bolos, illos Baldos, illos Angelos, illa legum  
scrinia, et Iurisconsultorum uberrima pe-  
tiora, gymnasium omne, euolueris, Academi-  
am omnem percensueris, ubi augusta moenia  
perlustraueris, fidem Perusinarum, robur et  
uetustatem, contemplatus eris: quaeres po-  
stremo, nisi quod magis autumo, inprimis,  
ubi illa alta Balionum domus, in qua tum  
celebre Brachio insonuit praeconium? Vbi  
felix illa tellus, quae Brachium ipsum, tan-  
tum imperatorem, sustinuit? Quibus altus  
in aedibus? Quo sub tecto tanti Principis ui-  
ta peracta? Aderunt cani senes, qui a pro-  
genitoribus fide integra hausserint omnia, re-  
censebunt stupido Tibi angustias imperii Pe-  
rusini auctas, et unius huius uirtute, consilio,  
et robore, amplificatas. Quae Tibi expres-  
sior, quae optatior, poterit contingere uolu-  
ptas? Ego Tibi semper, nescio, quo fidere,  
propensissimus fui, Te colui, Te Numinis in-  
star habui, obseruau. Cum haec mecum  
cogitarem, non potui equidem hanc non Hi-  
storian, ex qua tantam concepturus esses  
cum tuae gloriae recognitione delectationem,  
par-

xx  
P R A E F A T I O .

paruum quidem munus, sed quo nihil inops,  
qui sola uirtute nitatur, praestare maius  
possit, dedicare. Tu, cuius ingenium uni-  
cum est, quo totus obsupeat orbis, qui nun-  
quam rerum magnitudine, sicut nec ille qui-  
dem Brachius olim, frangeris, si non bella,  
sanguinem, caedes, bellicosissimi Ducis proba-  
bis, ingenium tamen illud Campani nostri,  
proditum ad lumen et gloriam seculorum no-  
strorum, qua soles praeclara omnia, comple-  
tere. Cerne saltem, quibus praeesse Te de-  
derit uiris, cui, et quam gloriosae, ciuitati,  
Deus. Et, quum per otium leges, tui addidisti-  
fimi mancipii, Michaelis, qui in Te totus ui-  
uit, didiceris memor esse. Vale.

Ad Eundem:

Desine mirari ueterum iam denique  
pompas,

Fortunas, animos, praelia clara Du-  
cum.

Non minor en nostris uirtus et gloria;  
par est

Pectoris ingenium, corpore robur idem.

Quantus Alexander, quantus uel Caesar  
in orbe,

Tantus et in Latio Brachius iste fuit.

Non

MICHAELIS FERNI PRAEFATIO.

*Non contra Reges, populi, non Roma, nec  
urbes,*

*Uix contra soli praeualuere Dei.*

*Inuictus semper prostravit cuncta, nec  
vni*

*Francisco puduit succubuisse Duci.*

*Ille viros inter nostros, mortalia certe*

*Inter nec fuerat corpora, Diuus erat.*

*Aspice sed, quanto nitidus splendore per-  
egit*

*Noster Campanus, qua quoque cun-  
cta fide.*

*Audio, quum diuina fuit facundia, dices,  
Historiae cunctas hic habet unus opes.*



IN

IN LIBROS

DE

VITA ET GESTIS  
ANDREAE BRACHII,

IOANNIS ANTONII  
CAMPANI

*PRAEFATIO.*

**V**itam & res gestas BRACHII scri-  
pturus, si nihil aliud, hoc cer-  
to spero me assecuturum lau-  
dis, quod aetati consulere con-  
abor meas. Nam, quid alii sen-  
tiant, nescio: mihi quidem illud imprimis  
videri solet honestissimum, quia quisque na-  
tus sit tempestate, eam omni cura efficere  
praeclaram, & quo maxime potest, studio,  
aut factis, aut dictis illustrare, nec pati eos  
occidere, qui summa ope, ut immortales  
sefe facerent, studuerunt. Nec est, in quo  
magis accusari negligentia nostra possit,  
quam si, quae tempora nos in lucem edi-  
derunt, ea nos incognita praeterire, & ab-  
dita iacere in occulto, plus quam ingrati,  
patia-

Laus eorum,  
qui aetati suae  
consulere co-  
nantur.

Δ

patia-

patiantr. Ut enim anni vices poma, sic aetates ingenia suo decori atque ornamento perpererunt. Nec tempus ullum fuisse censeo, in quo & qui gerere praeclaras res, & qui gestas scribere possent, natura abunde non tulerit, alteros ut tanquam metuerent gloriae segetem, alteros ut horreo penique repositam instruendae posteritati, tanquam familiariae alendae, reservarent. Nullum enim iucundius est animi alimentum, quam memoria gestarum rerum: qua qui careat, is neque imitari praeclara majorum possit facinora, & veluti novum quendam ejectus in orbem, rudis omnium rerum imperitusque versetur, nec maximam ac certissimam naturae suae partem dignitatemque respiciat. Siquidem praesentia brevia sunt, evanescentque uno ictu oculi: futura vero, nulli mortalium explorata. Sola, quae praeterierunt, & certa sunt, & in immensum repetuntur: ut tam diu fuisse quis in vita, quam longe repetere praeterita videatur. Sensu enim hominis vita, non spiritu est metienda. Sed, cum tanta sit magnitudo rerum aetate nostra mari terraque in Italia gestarum, ut exercere vel summa possint ingenia, feci, quod solent, qui in hortos aut rosaria admissi, quia cuncta pudet, pauca quidem illi, sed tamen pulchriora, decerpunt, & graviora suscipere etiam ipsis molestum est, quae feruntur. Tum hic mihi unus visus est, non modo quem nostris homi-

Cum animi  
iucundius ali-  
mentum non  
sit, quam me-  
moriam gesta-  
rum rerum;

ipse Autor  
res gestas Bra-

hominibus anteponerem, sed quo iusta acie cum vetustate certare posset aetas nostra, si modo, ut homines, sic etiam tempora considerentur. Quem enim ex omni antiquitate reperies, nullius ope atque auxilio fretum, eo imperii gloriaeque pervenisse? Veterum alios patria atque avita extollebant regna, aliis civitates & respublicae stipendia, commeatus, delectus, suppeditabant. Plerosque domi literis atque otio deditos favor populi repente ad militiam emittebat, (quali idem esset gladio certare, quod lingua, idem soro moderari, quod acie,) qui si magna peperere imperia, non tamen uno seculo, non uno privatae opis duce, tantum accessionis est factum. Nam & magnis copiis, & multis annos, vel circa unam haerebant urbem: huic omnia contra; militiae & labori deditum virtus militem, eadem imperatorem effecit: & patria nudus ejectus, intra paucos annos, parva manu, totam aut domuit, aut agitavit Italiam. Nec est, quod vetustatem accusem, sed nostros interdum homines priscis comparo: quos, si jure id facere possem, cur non libenter etiam anteferrem? Quo magis eos demiror, qui vetera consecreti, dum aliena colerent, sua inculca desertaque reliquerunt. Sic probant, quae non viderunt: quae viderunt, tanquam neglecta improbatque praetereunt. Nam pauci sic periclitum complexi sunt Italiae gesta, ut desiderium nobis,

chii scriptis  
exponere in  
animum in-  
duxit.

In morem enim,  
qui non  
nisi vetera  
consecantur,  
graviter inve-  
nitur.



4 IO. ANTONII CAMPANI PRAEFATIO.

non notitiam, reliquisse videantur: quorum  
sublimia & praeclara ingenia, nisi quod alie-  
nis invigilarunt, etiam in hoc ipso scriben-  
di genere veteres aequare potuerunt. Nec  
tamen illorum me magnitudo deterrebit.  
Spero equidem, ut senes puerorum solent  
ludos, ita illos mea haec acerba atque im-  
matura rudimenta, summa cum delectatio-  
ne, nulla cum invidia, spectantes, errata acta-  
ti, cetera industriae daturus. Et fortasse in  
hoc quoque pueros imitati sumus, qui, pro  
laudis aemulatione, graviora, quam ferant

Omniem adu-  
landi suspicio-  
nem a se stu-  
det remove-  
re.

humeri, suscipere onera consueverunt. Ut  
cunque tamen futura res est, magno acce-  
demus animo ad res gestas tanti Viri per-  
scribendas: qui si annum quintum, ante  
me natum, est mortuus, tanto nos magis  
adulandi vacabimus suspicione. Et qui eius  
gerendis rebus interfuerunt, ita eas me-  
moriter solent enarrare, ut ipse quoque  
mihi, qui nondum eram, videar interfuisse.  
Nonnulla tamen, quanquam certi erant  
autores, quia superare fidem videbantur,  
sponte nostra praetermisimus, satis haec fu-  
tura arbitrati, quae tanquam illius clarissimi  
Viri primitias nostrae aetati redderemus, si-  
mulque ut ceteros pari spe aut immorta-  
litate, aut, si hoc nimium est nobis, certe  
diuturnitatis excitaremus ad  
gloriae decus.

Omnia ea  
praetermitte-  
re constituit,  
quae fidem  
superare vi-  
deantur.

IO. ANTONII CAMPANI  
EPISCOPI APRVTINI,  
DE VITA ET GESTIS ANDREAE  
BRACHII, PERVSINI, ITALICAE MILITIAE  
IMPERATORIS OLIM STRE-  
NVISSIMI,

*LIBER PRIMVS.*

**B** Rachiorum familiam, sunt, qui in Origines Fa-  
Barchinos Carthagenenses referri miliae Brachi-  
velint, autoremque originis fuisse orum.  
Hannibalem, quod neque a vetu-  
state generis, & magnitudine gestarum  
rerum, neque a nominis similitudine dicunt  
abhorre: nam, & a Barchinis Brachios  
potuisse dici, & vulgus aliquid, ut solet in-  
tenta diuturnitate temporis, intercidisse pu-  
tant. Sed res est perobscura, & quæ non  
modo in ætates multas, sed supra ipsam  
pene vetustatem, repetatur. Quocirca mi-  
hi neque affirmare est in animo, propter tam  
longam antiquitatem temporum, diversifi-  
catemque regionum, neque negare. Illud  
fatis constat, a forti ac robusto eius familiae  
viro, cui primo id inditum nomen, forte  
Brachios appellatos, eosque Perusiae multis  
tam seculis nobilitate atque opibus clariuis-  
se, principemque civitatis tenuisse locum.  
Hoc, non opinione solum iam instita &  
inveterata, sed certissimis eius urbis, vetu-  
tissimisque annalibus, comprobatur, existisse

ex ea familia multos foris domique claros viros, qui partim militaribus dediti studiis, partim reipublicae regendae intenti, non parvam sibi ac suis posteris gloriam pepere-  
runt. Extant enim monumenta maiorum, quae, etsi non accurate magnificeque scripta sunt, continent tamen aliquid, quod legi possit, & sunt cognitione dignissima, iis praesertim, qui non tam scriptorum elegan-  
tiam desiderant, quam notitia delectantur antiquarum rerum. Sed Perusinum impe-  
rium haud sane stabile fuit: quippe nunc optimates gerebant rempublicam, nunc ple-  
bei, suis usi viribus, invadebant: & civita-  
tis regimen non aequitate & moderatione, sed vi atque armis, quaerebatur; qui victo-  
res fuissent, victos alios caede, alios exilio mulcabant. Plebeiis rempublicam obtinenti-  
bus, multi ex ea familia caesi, plerique in exilium pulsi; contra vero, cum ad opti-  
mates pervenisset imperium, plebeiis ma-  
gna ex parte civitate ejectis, paucis etiam trucidatis. Forte Brachiorum autoritas at-  
que opes summae habebantur: illi magi-  
stratus gerere, legationes obire, & cum paucis civitatis statum defendere solebant:  
finitimis quoque regionibus magni atque in-  
clyti. Etsi scio, me non de vetustate ge-  
neris & splendore maiorum, sed de unius  
BRACHII gestis, dicere instituisse. Nasce-  
tur BRACHIVS Perusiae, Calendis Iuliis, anno  
religionis nostrae millesimo trecentesimo  
sexa-

Nativitas Bra-  
chii.

sexagesimo octavo, patre Oddone, viro  
 inprimis claro, matre autem Jacoba ex ve-  
 tustissima Montemelinorum familia: ut, u-  
 trum genus nobilitate præstaret, plane ef-  
 fet incertum: potentius tamen paternum  
 habebatur. Tradunt, Andreæ huic primum  
 fuisse nomen; mox, propter ingentem con-  
 ceptam spem, gentili nomine Brachium ap-  
 pellatum: parentem vero, qua die natus <sup>Mathematico-</sup>  
 esset, ad Mathematicos detulisse, consuluif- <sup>rum de eo-</sup>  
 se, quid puero boni malique portendi arbi- <sup>dem præsa-</sup>  
 trarentur, responsumque, in summum & <sup>gium.</sup>  
 ætatis suæ clarissimum bello virum evasu-  
 rum. Hinc maiore cura ac studio educa- <sup>Adolescentis</sup>  
 ri coeptum: hinc paedagogos, qui & in- <sup>institutio.</sup>  
 corrupte custodirent, & prima literarum  
 præcepta traderent, adhibitos esse. Inter-  
 ea, mortuo patre, pueritiam sub matris tu-  
 tela egit, nec minore cura instructus, jam  
 tum magnitudinem animi ultra ætatem  
 ostendebat: nec, quibus ceteri adolescen-  
 tes, deditus voluptatibus, sed equitandi, sal-  
 tandi, currendi, studiis intentus, corpus per  
 varios labores exercebat. Transactus Mon-  
 tonum, paterni iuris oppidum, nutritice sibi  
 oppidanorum animos conciliavit. Sed na- <sup>Insidiæ ei</sup>  
 ta ex virtute (ut sit) invidia, qui alterius <sup>structæ.</sup>  
 erant factionis, (nam hic quoque erant si-  
 mulitates) tendere in eum ac duos natu  
 grandiores fratres insidias coeperunt: quæ  
 cum parum procederent, aliam aggressi  
 viam, fraternas discordias serere. Sed,

cum nec eae quidem processissent, omnia intestina seditione agitare, manifestas odii faeces popularium animis iniicere conabantur; maxime eius adolescentis virtus, ut amicos ad favorem, sic inimicos ad invidiam & maturandum facinus armabat. Res ad tumultum venerat. Fratres primum consilii inopes, sedare eam rem, omni, qua possent, aequitate & in moderatione tentaverunt, sed, iniunctis noctes ac dies ad juvenum perniciem tumultuantibus, primus BRACHIVS arma cepit, vel iussu fratrum, qui aetati magis imputari facinus volebant, si quid accidisset, vel quod illi magis populus fauebat; sic, clientum collecta atque armata manu, alterius factionis principes, autores seditionis, diversa via adortus, duos medio in foro obruncat: tertium, qui Perusiam forte perrexerat, eadem illa die in itinere revertentem excepit, atque sua ipse interfecit manu. Quieta res post haec ab tumultu fuit, omnium animis in ejus adolescentis spem erectis. Sed, cum iam matura militiae videretur aetas, decimum octavum natus annum, vel quod fata eum ad maiora vocarent, vel, quod animus natura magnus nihil existimaret otio turpius, non amplius domesticis deliciis vires emolliendas, sed tentandam rei militaris fortunam, constituit: quo maiores suos, quorum praeclara facinora memorabantur, aut aequaret gloria, aut, quod magis cupiebat, antiret. Sic ani-

anum ad maxima quaeque paratum, incertum tamen, quo potissimum intenderet, variis consiliis agitabat. Sed, cum per id <sup>Primum eius stipendium militare.</sup> tempus inter Ariminenses & Feltranos bellum esset exortum, Montono sub matris ac fratrum imperio relicto, perexiguo comitatu in Feltranorum castra concessit: illi perbenigne acceptum 15 equitibus praefecere. Hoc primum eius stipendium fuit, quod non tam virtute, cuius nullum adhuc foris extabat exemplum, quam generis nobilitate, adeptus est. Adeo nobilitas ipsa, nescio quid magnum, etiam tacita, pollicetur. Nec multis post diebus, cum acrius instaret bellum, gloriae cupiditate incensus, maius aetate ac viribus opus aggressus est. Non procul a castris oppidum Forum Sempronii Ariminensium praesidio tenebatur, quod non solum armis, sed etiam situ naturaque munitum, Feltrani capere non poterant. Hic BRACHIUS, suis appellatis militibus, paucis etiam adiunctis alienis, hostilem <sup>Excursionem faciens,</sup> agrum excurrit, magnaue pecorum coacta praeda, compluribus etiam captis agrestibus, laetus in castra revertebatur: tum vero, qui oppido praesidebant, a fronte statim, atque a tergo ex occulto, adoriuntur; oppidani quoque suos adiuvabant, & clamore pugnantiem hostem saxisque territabant. Ingens hic oritur praelium; illos peritor atque ira, hos periculi magnitudo stimulabat. Vicit tamen multitudo paucitatem:

capitur a Fel-  
tranis, graviter  
vulneratus.

& qui praedam egerant, fusi fugatique ter-  
ga verterunt. BRACHIVS, multis acceptis vul-  
neribus, ab oppidanis morientis similis cap-  
tuit: nam, inter cetera vulneta, & medio  
pectore traiectus erat, & alterum telum ad  
alteram partem humeri penetraverat. Op-  
pidani, quem pugnantem non poterant, cap-  
tum interficere cupiebant, non tam mor-  
tem, (quam non multo post putabant futu-  
ram) quam mortis accelerationem quaeren-  
tes. Cessit tamen immanitas avaritiae, quippe,  
dicente illo, si se vivum servassent, duo mil-  
lia nummum accepturos, tandem vitae pe-  
percerunt. Interea, qui terga verterant, ut  
est fortuna belli, praeter spem resumpti  
animis, tanto conatu referuntur in hostes,  
ut impetum illi sustinere non possent: at-

Suorum vir-  
tute in liber-  
tatem vindicatur.

que ita perterriti, BRACHIVM multis confos-  
sum vulneribus reliquerunt; exceptus sta-  
tim a suis, & reductus in castra, magna cum  
diligentia curatus, tanto periculo praeter  
spem omnium liberatur. Nec multis post  
diebus, cum eundem agrum popularetur,  
cervice vulnus accepit, quo laevum con-  
tractum latus diu mansit immobile: sed  
aetate fretus & Medicorum diligentia, post  
aliquot menses movere brachium coepit;  
illi fomenta, illi balneas, illi omnia genera  
medicamentorum adhibebant, quo reliquo  
lateri sensum motumque restituerent; bra-  
chio autem libere laxato, cruri quidem pe-  
nitius mederi nequiverunt, sed tamen  
solum

Navum, id-  
que gravius,  
inter depo-  
pulandum  
vulnus acce-  
pit.

solum ut ambulare posset, sed etiam, ut ne deformiter quidem incederet, effecerunt. Ea tempestate Perulinorum status penes Turbae Perulinas optimates & nobilitatem erat: sed, quo plebs finae. Perulinorum reliqua intelligi possint, pauca quaedam aliquanto alius repetemus. Perulinorum imperium, fama est, satis magnum potensque fuisse: ex altera parte Tyrrenum mare, Adriaticum ex altera, contingebat. Aretinos, Clusinos, Cortoneses, Thudertinos, & qui finitimi sunt populi, in eorum voluntate fuisse potestate. Sed nihil humanis in rebus potest esse perpetuum. Nam, cum ciues otio dediti, imperio atque opibus valerent, superbia simul cum divitiis aucta est: & quibus finitimi resistere non poterant, in sua ruentes viscera, ipsi sese domuere. Acres deinde seditiones ortae, coepta inter bellum bella, plebs factionibus primum elata, mox a nobilitate oppressa, in vices acta est. Optimatibus deinde inter se dissidentibus, plebs ipsa cepessit imperium: optimates civitate pelluntur: tam diu in exilium acti, donec armis plus possent. In tantis rerum fluctuationibus fines imperii angustiores facti: & qui ad utrumque mare pertinebant, vix in paucos monticulos modicumque agri recessere; cetera finitimi, sola concordia potentiores, invaserunt: satis magnum exemplum futurum posueris, nisi mortalium oculos stulta cupiditas occaecasset: nullum corpus constare posse, cuius mem-



Italiam factiones, civiliaque & domestica bella conficiunt.

membra inter se ipsa dissident: Nemo est, qui rem publicam privatae anteponat atque suae. Sed esto, concedatur hoc hominum aviditati: nemo est, qui dignitate sua sit sine civium suorum calamitate contentus. Ergo nostram hanc Italiam, principem omnium terrarum, non exterarum gentium nationumque victoriae illustrant, sed diversae factiones, civiliaque & domestica bella conficiunt. Quae imperia maiores nostri sua virtute peperere, ea temeritate nostra defecerunt; conflagimus, oppugnamus nos ipsos; &, quorum maiores universum terrarum orbem obtinebant, nostri nos parietes & tecta non capiunt, cives nostros pellimus civitatibus, vicinos & familiares non urbe solum, sed tota interdum regione praecipitamus, &, quorum tueri deberemus vitam, eorum spiritum ac sanguinem affectamus. Nam quae in Italia, non dicam civitas, sed exigua & montana villa, non domesticis factionibus distinetur? Qua ex urbe? Quo ex oppido non exules plures, non etiam rebelles, invenias? Quocirca illa arma, illae vires & conatus veterum, clarissimos triumphos innumerabilesque victorias ex hostibus reportabant: nos, quia nostra tela in viscera nostra perstrinximus, nostro frangimur impetu, &, veluti maris undae, unum in locum ex diverso concursantes, nostra sola impulsione collidimur. Nam quis est per Deum immortalem, qui

non

non magis cogitet, quo pacto cives suos possit invadere, quam quemadmodum fines imperii propagare? ut plane in omnium seculorum aetatumque sortes, & in postremam morum foeditatem, incidisse videamur. Quorum eadem sunt testæ, iidem lares, sepulchra, templa, parietes, aspicere non possumus: quibus iura, leges, instituta divina atque humana communia sunt, eos domo exturbamus, alienos & peregrinos invitamus. Sed ne feramur longius. Ea tempestate Perusinum imperium nobilitate obtinente, plebei partim erant trucidati, partim, quo sua quemque fors egerat, vagi atque, exules ferebantur. Qui civitati prae-  
 rant, cum Bonifacio, summo Pontifice, foedus cum Pontifice ini-  
 dus percusserant. Non multo post, quo tum.  
 tutiores forent, ad eundem civitatis cura im-  
 perioque delato, adeo libertatem suam amittere, quam alienam reddere, maluerunt. Inter haec, qui alterius erant factio-  
 nis, oppidum in agro. Unde origo  
 intraverunt, quorum Dux Biordus Michilo- sequentium  
 ctus, bellicae rei laude insignis, atque illa turbarum.  
 aetate clarissimus, cum magnum in Gal-  
 lia exercitum comparasset, ubi exules invaluisse, & captum oppidum a suis, accepit, in Perusinum cum septem millibus delecto-  
 rum militum proficiscitur: castris deinde secundum Tyberim locatis, urbem obsidere instituit. Qui civitatem regebant, vel quod inter se dissiderent, vel quod hostium  
 exti-

extimescerent potentiam, resistere hosti atque in praelium venire minime ausi; procedente obsidione, cum res frumentaria, & quae ad tolerandam eam rem necessaria sunt, in dies fierent erctiora omnia, legatos, qui de pace agerent, ad Biordum miserunt. Auditi sunt ab illo perbenigne, ut cui nihil patria esset optatius. Pacis conditiones fuere, ut legati ad summum Pontificem mitterentur, ille Perusiam profectus rem stabiliret. Adventu Pontificis ceteri exules, quorum erant circiter duo millia, revocantur, Biordus cum omni exercitu in agrum Picenum contendere iussus est, transireque Apenninum montem, proculque a Perusinorum finibus, cum omnibus copiis, quadraginta passuum millia, decedere. Sublata iam discordia, vel potius sedata, videbatur, cum plebei, maioribus freti viribus, repente arma capiunt, forum invadunt, nobilissimum quemque trucidant: inprimisque optimatum principem, Pandulum Balionium, domi potentem, atque antiquissima natum familia, confoderunt; optimatibus interfectis, armati urbem excurrunt, caesae nobilitatis opes fortunasque diripiunt: domos aut funditus diruunt, aut igni atque incendio vastant. Urbe per hunc modum amissa, Pontifex, & cum eo octingenti cives, secuti nobilitatem, Asisum confugerunt: multi optimatum, quos hostes in tumultu capere non poterant, per urbis moenia sese

Quae adventu  
Pontificis  
paululum re-  
stringuntur;

statim vero  
multo gravius  
erumpunt.

Fuga Ponti-  
ficis.

deji-

deicientes, Montonum, ubi BRACHIVS morabatur, profecti, oppidum in Pontificis fide continuerunt; quædam etiam Perusinarum munita castella, in Pontificis mansere potestate. Fracta quoque, flumine munitum oppidum, illius fidem sequebatur: arcem Tutius quidam præfectus obtinebat. Sed, animos hominum mutante fortuna, ubi plebeios imperium invasisse, accepit, tradendi oppidi consilium coeperat; quare per oppidanos cognita, BRACHIVS, quod & Brachius Fractam profectus capitor. finitimum erat oppidum, & inter montium situm angustias, ut hostium vel impedire; vel aperire transitum posset, parva coacta manu, de tertia illuc vigilia proficiscitur, quo aut confirmaret oppidanorum animos, aut, si hoc facere non posset, vi subita in arcem irrumperet. Tutius vero, qui ejus adventum (nescio quo pacto) præsenferat, duo expedita agmina non procul ab oppido jussit insidere: quæ transeuntem per angustias ex occulto adorta, primo statim impetu ceperunt: deductumque ad arcem, in vincula coniecerunt. Dum Biordi adven- hæc in Perusino gererentur, Biordus, (de tus, quo supra diximus) audita primum populi seditione, mox de victoria suorum certior factus, Perusiam cum omni exercitu contendit; qui cum, & Fractam ab hostibus defecisse, & captum BRACHIVM, accepisset, inter Fractam ipsam & Montonum positis castra: misitque, qui BRACHII fratres, qui Mon-

Montonum tenebant, ad deditionem sollicitarent. Illi saepe ante BRACHIVM redimere conati, tradito oppido, fratrem receperunt,

Ad Brachium  
alloquium.

Fertur Biordus, antequam ille rediret ad suos, perbenigne hominem allocutus, obtulisse, si secum militare vellet, stipendium, quantum ne apud Feltranos habuisset. Magna & in hoste & in victore clementia. Illum vero egisse gratias tradunt, & in hunc ferme modum respondisse: non voluntatem sibi deesse sub illo militandi, ceterum fortunam adversari: *Si tua, inquit, stipendia sequi velim, aut ipse ignavum me senties, aut patriae proditorem: si enim tua secutus signa in acie non fuero, si tuum hostem non feriam, si castra deseram, quid, nisi ignavi militis & perfidi transfugae opus, egero? Sin vero inter primos in acie con-*

Huius respon-  
sio.

*sistito, contra quos erit eundum? Si egregie pugnvero, quos petam? si fugientes persecutus fuero, si gladium perstrinxero, non fratres invadendi crunt? non ferendi amici? non patria denique ipsa violanda? Proinde quod fortuna nostra non patitur, nec tu petere debet, nec ipse praestare. Ille animi magnitudinem admiratus, abeundi potestate facta, hominem apud suos saepe postea commendavit: ut saepe virtus etiam apud hostem laudari solet. BRACHIVS. amisso paterno oppido, armis equisque spoliatus, Burgum in exilium proficiscitur. Per id tempus Florentini, vel ut sui fines impe-*

Exul est Bra-  
chius.

*rii*

rui tuerentur, vel quod bellum finitimis inferre statuissent, ingentem peditum atque equitum exercitum comparaverant. Omnibus autem copiis praeerant duo clari bello viri, Crassus Venusinus, & Binnus Montopolitanus. Ad quos scribam cum misisset BRACHIVS, triginta equitum stipendium accepit, atque ita, rebus omnibus, quae bello usui forent, equis, armis, militibus, comparatis, in Florentinorum castra pervenit, animo nunquam amplius rei militaris intermittere. Inter haec Biordo, quem supra ab exilio revocatum ostendi, a suis interfecto, variae res secutae sunt: exules in spem recuperandae civitatis erecti, crebra inter se consilia agitabant, & qui urbem obtinebant, morte eius viri percussi, novis factionibus laborare, crebrosque tumultus facere nunciabantur. Qua spe elatus BRACHIVS, pauco coacto milite, ad Mitiam quendam Perusinum proficiscitur. Erat autem Mitias vir inprimis bellicosus, domi nobilis, ex Oddonum familia, qui & ipsi non postremum inter optimates nobilitatis locum obtinebant. Hominem hortatur, ut impetum faceret in Perusinum agrum, facile oppida quaedam in eorum potestatem esse ventura, plebeiis capitali inter se odio dissidentibus. Ergo primo impetu Montemmelinum & Castellum vetus, duo montana oppida, receperunt. Bonifacius quoque Pontifex, haud oblitus iniurias, Broliam quendam, magnum illa tempe-

In Florentinorum castra pervenit.

Novae turbae Perusinae.

Res gestae Brachii atque consilia.

slate virum, legionibus exercituque praefectum, bellum movere in Perusinos iussit. Ille apud Asisium castris locatis, hostium agrum excurrere, populari, vastare omnia, et, si aperto bello non posset, insidiis opprimere conabatur: saepe ad urbis portas una cum BRACHIO sese ostentare, ut & plebeios contereret, & optimatum, qui clam favebant, animos excitaret. Plebei, tantis difficultatibus circumventi, tradendae Galeatio, Mediolanensium Duci, urbis consilium iniere; missi legati, qui & deferrent ultro imperium, & Ducis auxilium implorarent. Non ingrata res Mediolanensi fuit. Missa ad defendendam urbem delecta militum manu, quamdiu Perusini in fide mansere, auxilium praestitit. Anno sequenti, mortuo Duce, maiora, quam unquam antea, secuta bella. BRACHIVS, ceterique exules, qui nihil nisi de recuperanda patria cogitabant, quod ipsi per exiguas haberent copias, cum Pontifice agere coeperunt, ut, quantum maximum posset, exercitum compararet, exules optimatesque reduceret; futuram profecto deinde Perusiam sub Pontificum potestate, quieturumque ecclesiae imperium: optimates quamdiu civitatis gubernacula gessissent, summis Pontificibus paruisse semper. Plebeios, quum ad delendum ecclesiae imperium finitumorum auxilia defuissent, externa & peregrina invexisse arma, atque ex alio coelo tela, milites, duces, accitos esse. Movere Pontificem iustae exul-  
 lum

lum preces. Itaque, novis factis auctionibus, maioreque decreto stipendio, copias, quantas nunquam ante, comparavit. Duces exercitus fuere quatuor: Paulus Urfinus, vir armis & consilio clarus: Mustarda, cuius nomen bellicis in rebus hand obscurum fuit: Comes Carrariae tertius, cuius aetate nostra multae res gestae variaque bella memorantur. Hi omnes Pontificis fratri parere iussi. Ille ducebat exercitum, illi datum imperium movendi belli: sed tamen, ut eorum, quos paulo ante dixi, consilio uteretur, quod locorum situm tenerent, & rei militaris peritiores haberentur. Florentini quoque, qui superiore anno cum Pontifice societatem fecerant, auxilia misere. Duces Florentini exercitus fuere Crassus & Binus, sub quibus, ut supra dictum est, BRACHIVS paulo ante militaverat. Tantis unum in locum coactis copiis, Nonis Octobribus in fines hostium pervenere. Perusini, quod ad se tuendos expedire arbitrati sunt, ne improvisos hostis adoriretur, equitatum non parvum, sed pro tempore non satis magnum, coegere. BRACHIVS omni vi atque studio duces, ut urbi appropinquarent, hortabatur: quod eo consilio faciebat, ut plebei aut in desperationem adducti dederent sese, exulesque reciperent, aut, quod magis futurum exstimabat, totis viribus in certamen egrederentur; quod si fecissent, non dubitabat, paucos a multis, imperitos ab exercitatis, posse superare.



rati. Ipse interea totius exercitus gratiam  
inire, amicos sibi ex optimis fortissimisque  
viris plurimos facere, studebat. Sed ama-  
tor virtuti non deest. Iam cuncto exerci-  
tui carus, & ducibus non minus, quam  
militibus, acceptus erat. Itaque multi eum  
benigne alloqui, nonnulli suam polliceri o-  
peram, atque omnes eius virtutem admira-  
ri. Ille, quos sibi amicos fecisset, secum u-  
na ducere, ex omni parte hostium fines  
excurrere, vexare omnia atque incendere.  
Noctu haud aliter, quam interdiu, praedae  
undique agebantur; hostibus ingens terror  
incutiebatur. Milites propterea nonnullos  
subornat, qui ad hostium castra transeuntes,  
transugas sese esse simularent, explorarent-  
que, quid praesidii, quid spei, quid etiam  
consilii apud hostes ageretur. Qui, statim  
imperata facientes, omnia ad BRACHIVM  
ipsum, certa explorataque referebant. Quae-  
dam etiam oppida partim metu sollicitata,  
partim corrupta promissis, sese Pontifici  
quum dederent, pleraque unius BRACHII  
nomen interponebant, illum pacis, illum  
foederis autorem invocantia. Intra pau-  
cos dies quatuor & quinquaginta castra  
ab hostibus ad Pontificem defecere. Inter-  
ea Perusini omnem peditatum equitatum-  
que dies atque noctes in armis esse iubent,  
quo libere vagantem hostem aut procul a  
finibus arcerent, aut, si hoc facere non pos-  
sent, a continuis excursionibus populacioni-  
bus.

busque prohiberent, aut, si ne id quidem liceret, hostes non longo intervallo sequerentur, oppidaque oppugnare aggressos ipsi a tergo incompósitos perturbatosque invaderent. Paulatim deinde audaciores facti, maioribusque accitis copiis, cum ereptam hostibus oppugnandi facultatem putarent, non iam illatum propulsare bellum, sed ultro ipsi inferre, videbantur. Itaque per eos dies, quasi deletio & non a tergo relicto hoste, oppidulum plebis, sex millium passuum procul ab urbe Perusia situm, quo plerique optimates initio belli convenerant, omnium generum machinis oppugnare statuerunt. Hac re per transfugas cognita, BRACHIUS, cui pro magnitudine animi cuncta tardius geri videbantur, & victoriam mente conceperat, ducum tarditatem plerumque criminatus, nunc per imprudentiam elapsam, nunc per ignaviam neglectam victoriam exprobrabat. Cognoscere illos per aliena, alienoque certare imperio: se vero ac ceteros exules pro vita, pro salute, pro dulcissima patriae caritate, dimicare. Haec totis iam castris efferebantur, unum esse, qui maledicta in duces intorquere non dubitaret. Eam rem plerique in bonam, nonnulli deteriorem, ut sit, in partem accipiebant. Duces ad se vocatum paucis increpant: mox, quid ipse faciendum putaret, quasi ludibrio quaerunt. Ille non eos, sed cupiditatem suam accusandam esse respondit: cui

pro desiderio patriae, quicquid factum non esset, fieri potuisse videretur: ceterum, si suum consilium non aspernarentur, brevi Perusinum exercitum posse deleri, modo dignum putarent, cuius monitis uterentur. Ducibus, consilio inter se inito, placuit primum, quid ille cogitasset, audire. Mox omnes, eius probata sententia, rem illi uno consensu detulerunt. Postridie eius diei BRACHIVS duces monet, ut exercitum omnem arma capere, totaque die in equis esse, iubeant: se, quid hostes facerent, expedita manu exploraturum. atque eorum invasurum castra: ipsi paulatim appropinquantes, eius fugam expectarent: daturum operam, ut irritati hostes ultra ducum castra sese a laeva insequerentur: ipsi deinde, a tergo palantes, dissipatosque, adorirentur. Affuit benigne fortuna. Nam, quum Perusini milites suos, qui pabulatum ierant, fugientes, atque inimicorum insequentia signa, conspexissent, magno clamore atque impetu in BRACHIVM feruntur. Ille fugiendi resistendique dubitabundus, paulatim cedendo, iam a laeva suorum castra reliquerat: tum vero, ingenti sublato clamore, simul ipse a fronte restitit, simul a tergo universus exercitus, perturbatos insequendi studio ordines, effusamque hostium aciem, invasere. Pugnatum est magnis utrinque animis; alteri, quod propriis sedibus decerarent (quæ res excitare potest etiam igna-  
vos)

vos) acerrime praeliabantur: alteros partim gloria bellicae rei, partim patriae cupiditas, incendebat. Hic unius BRACHII virtus claruit maxime, cum quod eius consilio gesta res esset, tum quod, ubi gladio decertandum fuit, unus multorum sustinuit impetum, & quem ceperat, locum, quoad reliquae appropinquarent copiae, fortissime defendit, demum, ubi permixtae fuere acies, alios hasta percutere, alios stricto mucrone ferire, hostium ictus scuto excipere, gradum sibi victoria facere, cernebatur. Postremo, cum illi vim hostium diutius sustinere non possent, alius alium in locum diffugere. Hoc praelium haud sane cruentum fuit, paucis admodum militibus caesis. Ceterum capti equites circiter mille: signa militaria & machinae complures. Hac tam subita victoria potiti duces, non amplius, quam mille passus, procul ab urbe castra posuere. BRACHIVS, tametsi omnia recte procedebant, in summa celeritate suorum tarditatem atque ignaviam accusabat, ipse cum ceteris exulibus noctes atque dies in armis, in equis esse, vexare hostes, plerumque ad civitatis portas manus cum hoste conferere, inimicos contumeliose appellare. His rebus perterriti plebei, cum obsidionem in dies acriorem, atque omnem spem auxilii viderent esse sublatam, veriti, ne quis in civitate tumultus per alterius factionis viros concitaretur, legatos ad Pontificem misere, qui pacem peterent, & si

Quibus effecit, ut Perusia in potestatem Pontificis veniret.

alio pacto impetrari non posset, urbem imperiunq; deferrent, obsidesque promitterent. Pontifex, ceteris conditionibus repudiatis, daturum se pacem respondit, si modo & exules reciperentur, & imperium sibi traderent civitatis. Ad haec legati respondere, de imperio quidem tradendo conditionem accepturos esse: de exulibus autem recipiendis nihil iniussu populi promissuros: habere certos legationis suae terminos, ultra quos nihil sine populi consensu, atque autoritate suorum civium, possent statuere. Pontifex, ut est natura mortalium plerumque ad utilia, quam honesta, propensior, urbem eo pacto recepit in potestatem, ut cives stipendia solverent, ceteraque imperata facerent, exules autem a finibus viginti millium passuum intervallo decederent. Hac re exulibus nuntiata, quibus victoria iam manibus pressa teneri videbatur, & patrii lares, quo plus affuerat spei, eo magis obversabantur animis, incredibili dolore affecti sunt: in desperationem adductos etiam iniuria stimulabat, quippe qui magna spe plenos extrema subiisse pericula, solosque victoriam Pontifici se dicerent peperisse, nunc ab illo deceptos, a Diis atque hominibus destitutos esse, nunquam amplius patrios lares, nunquam maiorum sepulchra, revisuros. Sed, ubi vis dominatur, vana est, etiamsi sit iusta, querela. Post Perusiae deditionem, ceteri exules, quam procul iussi erant, profugi abiere: BRA-

CHIVS

Deceptus a  
Pontifice  
Brachius.

CHIVS, Rinnum & Crassum secutus duces, Proficiscitur  
 Florentiam ad militiam proficiscitur. Inter Florentiam  
 haec mortuo Bonifacio, novoque suffecto Pon- ad militiam.  
 tifice Cosma Sulmonensi, qui cognomento Tumulus  
 Innocentius septimus est appellatus, Roma Romani.

tumultus afferebantur: Ludovicam, Pontifi-  
 cis nepotem, duodecim cives Romanos, quod  
 seditionem excitassent, securi percussisse: uni-  
 versam deinde civitatem concitatum ad arma,  
 in molem Hadriani fecisse impetum: Pon-  
 tificem occulte per Ianiculum Viterbium ef-  
 fugisse. Hac re audita, BRACHIVS, qui Quo se con-  
 nihil nisi bella quaereret, Romam se contu- fert Brachius  
 lit, ubi quum forte Mustardam, quem Bonifa- militaturus.  
 cii copius praeesse dicebamus, primo statim  
 adventum offendisset, militare sub eo statue-  
 rat, quod & illi cognitus esset, & Mustarda  
 summo contenderat studio, ne vir strenuus  
 ac manu promptus sub alio quoquam mili-  
 taret. Sed, fortuna toties spes eius iam con- Spe vero sua  
 ceptas abrupte, postridie, quam ipse Ro- excidit.  
 nam venisset, Mustarda per invidiam inter-  
 ficitur. Novum consilium capiendum erat; Fata eius Vi-  
 tandem, multis. ultro citroque agitis, Vite- terbii.

turbium petere constituit. Septem eum co-  
 mites sequebantur. Huc quum satis vesperi  
 venisset, fertur coenandi gratia in merito-  
 riam divertisse tabernam: quum pecunias,  
 quas hospiti solveret, non haberet, alteram  
 vestis partem disuisse, argenteis lymbis He-  
 trusco & Gallico more distinctam, atque  
 eam hospiti pro pecunia dare voluisse: il-

Volsuvii,

&amp; Fulginei.

Scipendis  
Brachii a-  
pud Alberi-  
cum Barba-  
neum.

lum autem hominis liberalitatem admiratum, simul & misertum necessitatem, non solum non accepisse tunicam, sed ultro quatuor aureos nummos invito tradidisse, scripsisseque ad filium, qui Volsuvii forte idem exercebat, ut BRACHIVM transeuntem susceperet hospitio, & quatuor praeterea aureos dono daret: filium vero parentis iussis magnifice paruisse. Summa profecto liberalitas, si & dantis conditionem, & accipientis fortunam, consideres. BRACHIVS, omni spe destitutus, quum Florentiam redire decrevisset, iter Fulgineo fecit: sed forte domo, qua dormiebat, incensa, equos, arma, vestes, uno incendio amisit. Erant haec, ut arbitror, fortunae praeludia, quo gratiora, quae secuta sunt, viderentur. Nudum ducein nudi comites intuebantur, & quid iam miseri agerent, aut quid consilii caperent, nesciebant. Qui Fulginei regnabant, diu antea eius nobilitate & familia cognita, tam acerbum casum miserati, vestes, equos, arma, pecunias, contulerunt. Ubi Florentiam ventum est, quum omnia quietiora viderentur, in Galliam proficiscitur. Per id tempus bellum inter Albericum Barbaneum & Bononienses asperrium gerebatur. BRACHIVS, quo liberiores praedandi occasionem nancisceretur, in Alberici castra concessit, acceptoque duodecim equitum stipendio, singulis diebus clam aperteve, quae melior dabatur occasio, in hostium fines impetum faciebat, saepeque magnum

magnum hostibus incutiebat terrorem, magna eius facinora utrisque castris praedicabantur, & quo plus peperisset gloriae, eo militibus carior, ducique acceptior evadebat. Habet hoc virtus bellica, ut admiratione, quam invidia, praestet. Bononienſes, poſt magnos delectus habitos, Berardonem quendam exercitus imperatorem fecere. Hic, non minus copiarum magnitudine, quam virtute militum, fidens, non multum procul ab Alberici exercitu poſuit caſtra: hoſtium deinde ſpreta paucitate, ſaepe aciem expediebat, ſaepe ad hoſtium caſtra faciebat impetum, quo non ſolum pugnandi praeberet facultatem, ſed etiam hoſtium animos ad pugnam irritaret. Alberici caſtra inter Caſtellum Bononiense atque Imolam, non procul a flumine recedebant: hoſtium vero ſtationes, ſecundum flumen ipſum, Sanguinarium accolae uocant, poſitae conſpiciebantur: utraque acies ad decertandum parata, ſpe tamen plenior Berardonis exercitus. Hic BRACHIVS, ut erat natura impiger atque ardens ſtudio gerendarum rerum, Albericum hortatur, ut cohortes in armis eſſe iubeat, totumque exercitum contineat in ordine: videre hoſtes quidem magno animo capeſſere bellum, contra vero ſuos non parum multitudine eſſe perterritos, ideoque opus eſſe conſilio; primum locum occupari oportere, quo ſui commodius in hoſtes praeliarentur, ſe cum centum delectiſſimis equitibus ſeceſſurum in laevan,



vam, proculque inde flumen mille passuum intervallo traieciendum, mox, cum in certamen utrinque itum esset, hostes pugnantes & perturbatos a tergo aggressurum. Placuit duci consilium, statimque pauca pro tempore locutus, BRACHIO cum equitibus, quos mallet, abire iussit, aciem & ipse explicavit. Principio hostes, quanquam maiore freti copiis, militum tamen virtute repellabantur: mox, paulatim labente paucitate, maiore facto impetu, ordines perturbant. Albericus, desperata victoria, terga verterat, fugientem hostes persequuntur. Inter hæc BRACHIVS, a tergo se ostendens, mittit, qui Alberico nuntiarent, sisti a fuga militem, & in hostem converti. Ipse interea clamando persequentes adoritur. Illi, subito tumultu perterriti, in fugam sese vertere conabantur, sed, iam a fronte atque a tergo instante hoste, omnes ad unum aut capti, aut caesi sunt. Paucis post diebus, nondum hoc finito bello, Albericus, a Duce Mediolanensium accepto stipendio, novam expeditionem parabat. Proficiscens interfluentem amnem traicere oportebat. Hac re cognita, hostes, non multum procul inde locatis castris, transitum prohibebant. Rhenum flumen vocant accolæ, qui iugis Apennini defluens, Bononiensem irrigat agrum. Erat a tergo explicata hostium acies, parata, si traicere coepissent, extremos adoriri: tum fluminis ingens altitudo, vadumque perangustum, ut non statim totus simul

Brachii victoria.

Nova Alberici expeditio.

mul exercitus, sed vix finguli, aut ad sum-  
 mum bini equites, transmittere possent. Ho-  
 stes non procul a flumine fossa altissima mu-  
 nierant castra, animo non prius abeundi,  
 quam aut invaderent transeuntes, aut fame  
 conficerent. Hac re permotus Albericus,  
 incertus, quid consilii caperet, milites in con-  
 cionem vocavit, tum etiam a minimis postu-  
 lata sententia. Alii rates aedificandas, alii  
 equitatum noctu natationi subiiciendum, ple-  
 rique expectandum hostium discessum cense-  
 bant. BRACHIVS, sententiam rogatus, *Brachii sen-  
 tentia & con-  
 silium.*  
 haud dubium, inquit, non antea discessurum  
 hostem, quam nos exercitum traicerimus,  
 quod sine periculo nostro non putant futu-  
 rum; habeo tamen consilium, si vobis etiam  
 probetur, nullo cum periculo transeundi.  
 Iussus aperire, materiam, inquit, censeo ex  
 proximis sylvis caedendam, tresque simul  
 aedificandos pontes: fossam post haec, qua  
 subitus adventus hostium, quoad traiciantur  
 cohortes, impediatur, procul inde deducen-  
 dam. Placuit res duci, multaque deiecta  
 materia, tres uno die pontes, non multo in-  
 teriecto spatio, aedificantur. Fossa deinde  
 non longe a pontibus duum millium passuum  
 complexa longitudinem, sudibus trabibus-  
 que ex altera parte munitur. Quod ubi Bo-  
 nonienses intellexerunt, impedituri munition-  
 em, liberum in campum exiere, nec tam  
 ut facultatem praeberent pugnandi, quam ut  
 intra munitionem, si transire hostes coepis-  
 sent,

sens, magno impetu irrumperent, fossamque transilientes caederent ultimos, atque diriperent. Interea BRACHIVS, cuius diligentia placebat duci, impedimenta & leviter armatos milites per omnes simul pontes anteire iubet, statim deinde Albericum cum ceteris cohortibus subsequi. Ipse cum delectissimis equitibus ad fossam, quo iam hostes pervenerant, conuersus, ad illorum conatus atque impetum resistebat, & ne vallum transire possent, impediēbat. Sic ubi omnes copiae ad alteram fluminis ripam evaserunt, ipse, paucis acceptis vulneribus, priusquam hostes fossam superarent, proximo ponte celeriter se recepit ad suos. Hae res adeo gratae duci fuere, ut unius BRACHII consilio atque opera, & victum Berardonein, & flumen traiectum esse, fateretur: statimque, ubi ad Fornaces est ventum, stipendium auxit, equos largitus est, & qui ante id tempus duodecim praeerat equitibus, septuaginta praefecit. Hoc primum virtuti praemium datum. Paucis post diebus Albericus, castris inter Mutinam & Castellum francum locatis, BRACHIVM ad se venire iussu magnifice pro concione laudavit, & centum quinquaginta equitum aucto stipendio, hortatus est ceteros, ut non inviderent hominis fortunae, sed eius potius similes esse conarentur: satis multa praemia habituros, si illius cum fide, tum virtutem, imitarentur: solum esse, cuius opera & prostrigasset hostium copias, & pontem

Laudatur virtus Brachii ab Alberico pro concione,

incolumi exercitu traieciſſet: qui niſi fuiſſet, aut ferro, aut fame omnibus fuiſſe pereundum. Tum non ſolum ſtruxiſſe tot pontes, & ſoſſam vallumque duxiſſe, ſed cum paucis hoſtium gladijs ſe obiectiſſe: totum exercitum eius conſtare beneficio, a quo, dum alienae ſaluti conſuleret, ſuam eſſe neglectam: proinde velle oſtendere, apud ſe & ignaviam & virtutem internofci, alteram ornaturum ſe praemijs, contempturum alteram, & ne no-  
mine quidem appellaturum. Haec quum dixiſſet, Arcerium, Galdarinum, Arnaldum, atque alios, qui cum BRACHIO ad vallum ſubſidio remanſerant, ſub eodem militare iuſſos, equeſtri ordine & militari dignitate donavit: qui poſtea ſuum ſecuti Imperatorem, in clariffimos viros evaſere. BRACHIO Et mirifice  
compensatur. autem exercitus imperium, militarium ſignorum cuſtodiam, & praeterea ſua domeſtica inſignia, maiorumque ornamenta, conceſſit: quibus eius poſteri in hunc uſque diem uſi ſunt. Dum haec geruntur, Veneti, quorum opes late mari terraque patebant, vel quod de finibus contenderent, vel quod latius propagarent imperij terminos, Patavinis bellum inferre coeperunt. Albericus propter affinitatem, quae erat ſibi cum Patavinorum Tyranno, novo audito bello, legiones in expeditionem eductas auxilio miſit: tres viri iuſſos, Mittitur Brachius Patavinis auxilio  
contra Venetos. ſi legionibus exercituique praeeſſe, BRACHIVS primus, alter Laurentius Cotignolanus, tertius Ruſſus Aquilanus: omnes manu

Interes con-  
stat ipſi  
invidia.

nu & conſilio prompti. Patavium profe-  
ctis, quod uſu venire ſolet, ex gloria &  
virtute, livor atque invidia conſtata eſt. Nam  
BRACHIUM, multa facinora rei bellicae  
fortiter cauteque gerentem, favor militum  
ingens eſt ſubſecutus; illum omnes comita-  
ri, eundem in acie ducem habere cupiebant,  
quos ille duxiſſet in praelium, non poſſe  
vinci, arbitrabantur. Nam & locum ad prae-  
liandum aequum iniquumque dignoſcere,  
aciem quam apertiſſime ordinare, & boni  
cum militis, tum imperatoris, munus obire,  
omniaque & fortiter audere, & conſulte fa-  
cere, cognoscebant. Reliqui duces, tametiſi  
graviter ferebant, primum tamen iracundi-  
am tenere, mox, ubi paulatim intuneſcens  
invidia ſe amplius cohibere non potuit, di-  
ſcordias ferere, & ſeditionis cauſas capere  
coeperunt. Poſtremo imperium, quod erat  
commune tribus, menſtruo iure ſuo quique  
ſibi menſe arripuerunt. Tertio iam adve-  
niente menſe, quo BRACHIO debebatur  
exercitus, conſilio inter ſe inito, tradere ve-  
xilla recuſabant: rati, duobus unum, viribus  
& autoritate imparem, reſiſtere nullo mo-  
do poſſe. Milites, ubi rem cognoverunt,  
concitati ad arma, impetum in ſigna faciunt,  
ſigniferis erepta ingenti cum clamore ad  
BRACHIUM deferunt: illum ducem, il-  
lum imperatorem ſuum, magno plauſu fa-  
voreque appellantes, virtutem in coelum tol-  
lunt, eius auſpiciis atque ductu ſe invictos  
eſſe,

esse, reliquos non honesta gloria, sed turpi ambitione, contendere: hac de re, quae testior erat invidia, in apertum odium similitudinemque conversa. Literae ad Albericum datae, quae grave ambitionis crimen, invasum a BRACHIO imperium, deferebant. Denique, ubi, confecto bello, ad Albericum rediere, ut quisque aut oratione subdola, aut apertis conviciis valebat, insensum illi suspectumque facere conabantur: qui, ut sunt aures hominum nimis in re sua credulae, facile persuasus est, adversante nemine. Quocirca illis ipsis, quorum impulsu haec faciebat, ad se vocatis, consilium de interficiendo BRACHIO inivit. Uxor erat Alberico honesta in primis, & mansueti ingenii mulier. Haec Ruffi & Laurentii orationibus saepe apud virum interfuerat, criminaque toties ad maritum delata petceperat: quae cum non inscia consilii, virum magna incensum ira non potuisset mitigare, BRACHIO per fidelem nuntium significat, ut quamprimum Alberici sinibus decedere festinaret, coepisse illum consilium eius interficiendi; docet deinde, quo modo, & a quibus persuasus, id agere statuisset. Scire se, eius virtutem marito saepe opitulatam, fidem vero plurimis argumentis perspectam esse, ideo suam etiam gratiam interposuisse, ut eum viro reconciliaret: illum falsa oratione adductum, ira praecipitem agi; proinde fugeret statim, ac temporis cederet: si quidem pati non potuisse, ut & vir ingratus,

Initur consilium de eodem interficiendo.

Quod ipsi per uxorem Alberici nuntiatur.

Unde ad hostium castra perfugit.

Quod egre habet ipsum Alberici exercitum.

Alberici poenitentia & ad Brachium literae.

& parricidae voti compotes efficerentur, innocentissimi & fortissimi viri morte. Hoc nuntio accepto, BRACHIVS, qui procul inde duum millium intervallo stationes habebat, de tertia vigilia, ad hostium castra perfugit: magna pars suorum militum nudis equis, sine sella, sine freno, vecti; tanta erat fugiendi festinatio. Albericus non prius de fuga certior factus, quam exercitus omnis sublatum paucorum invidia clamaret: iam homines ignavos, quibus nihil nisi verba magnifica forent, assecutos esse, quod saepe antea tentassent: quem ipsi ostendere nequivissent, duci perdendum curasse: habere tamen gratias Deo immortalis, quod sceleratorum manibus incolumem eripuissent: iam statim audituros, qua gratia hostes essent recepturi, quae daturi virtutis praemia: mox sensurum Albericum, quantam acceptionem hostibus fecisset. Dum haec totis legionibus efferuntur, Albericus, fera poenitentia ductus, scripsisse ad eum fertur: habere gratias Deo, qui, ne furori locus esse posset, de fuga eum admonere voluisset: scire se, nihil BRACHIVM, nisi nobilitate sua dignum, molitum esse. Memorare deinde coepisse fortia gesta, & fidem laudare, quam cum saepe alias, tum proximo bello, perpexisset: nec negare, de eius morte cogitasse, affirmare tamen, non sponte motum sua, sed alieno impulsu concitatum: satis illi magnas poenas & poenitentiam suam, & calumniatorum contem-

tura

tum esse daturum: orare per pristinam amicitiam, ad se rediret, id non solum tute facere posset, sed maius etiam stipendium accepturum, modo iniurias ipse oblivisceretur: saepe ex huiusmodi suspicionibus arctiores conflatas amicitias. Haec ab illo scripta referuntur. Ad quae BRACHIUS in haec Huius Responso. verba respondit; extant enim exemplaria literarum eius subsignata manu, quanquam vulgari & quotidiano sermone perscripta: Ego quidem, Alberice, quamdiu tuum secutus sum imperium, nulla in re offendi dignitatem tuam. Quod ipse interficiendi mei consilium ceperis, facile putarem ignoscendum, nisi scire debuisses, imperatorem nemini utramque aurem pandere oportere, sed alteram conviciatori accommodare, defensori servare alteram: ipsum deinde medium, tanquam arbitrum, inter duas aures sententiam ferre. Qui autem tibi de mea, ut ego censeo, virtute, ut ipsi volunt, ambitione, detulerunt, fecerunt callide: quod enim ipsi praestare non poterant, id in altero acculaverunt. Nam, si in acie fortiter dimicare, pericula pro laude adire, exercitum aut victorem, aut incolumem, in castra reducere, gloriam quacere imperatori suo, ambitio dicenda est, fatebor equidem, ambitiosum me fuisse; fatebor, si hoc est eripere imperium, me tibi imperium eripere voluisse: sin, quae in rem tuam conducere, omnia diligenter executus, mortem tamen timere a te potui, non



est mihi consiliū, iterum vel fidem tuam, vel meam fortunam tentare. Magna illa & ampla tua in me beneficia, etiam si nova perfidia violata non essent, ingratum certe me non habuerunt. Saepe periculo capitis mei gratum me cognovisti, tametsi provide gessimus omnia: quae si aequum iudicem nacta forent, non tu curator meae mortis, sed ultor, esse debuisses. Nunc vero, quando ita res tulit, habe tibi, atque amplectere, qui magis amicos tuos lingua pellere, quam hostes manu fugare, didicerunt. His literis acceptis, Albericus, quo sibi eum aut omnino reconciliandum, aut saltem leniendum, tentaret, Pontificis legato, qui Bononiam praefidio tenebat, BRACHIVM per literas quam amplissime commendavit. Legatus, cui multa eius viri iam pridem erant audita facinora, trecentis equitibus praeesse iussit; quae res partim eius virtuti, partim Alberici commendationi, tributa est. Paucis post mensibus finito stipendio, ad Mediolanensium Ducem profectus, illo quieto, nec bellum cum quocquam gerente, ad Bononienfes reversus, eadem, qua prius, cognitione receptus est; cum in itinere agrestes, quod ad pabulationes frumentationesque extra callem milites exirent, inpetum in eum fecissent, in fugam conversos, intra oppidum Ossam compulsi, statimque ex omni parte aggressus, sine machinis, sine sagittariis, expugnavit: cetera in praedam militibus data: ipse quatuor millibus nummum

Commenda-  
tur ab ipso  
Alberico Bra-  
chius Pontifi-  
cis legato, Bo-  
noniam prae-  
sidio tenenti.

\* *conditio.*

mum acceptis, captivos liberos dimisit. Aliquot Bononiam re-  
 post deinde mensibus Bononiensium finito sti-  
 pendio, animo ad patriam intento, in Hetruri-  
 am cum suo equitatu venire contendit: multi  
 eum sine stipendio secuti, partim diuturna  
 consuetudine, partim futuri belli spe, moti:  
 existimabant enim, virum strenuum, cupidum  
 gerendarum rerum, nullo pacto quieturum. Ita-  
 que, magna ad eum militum frequentia con-  
 fluente, quam primum Burgum pervenit, oc-  
 cingenti equites, lustrato exercitu, in castris re-  
 perti sunt iam in ipso itinere. Imolae tyran-  
 num quatuor millia nummun dare sibi coe-  
 gerat, bellum minatus, nisi dedisset. Inter haec  
 Innocentius Pontifex moritur, succititurque  
 Gregorius, qua tempestate tres simul Pontifices  
 creati memorantur, Gregorius, Benedictus, A-  
 lexander. Quae seditio aliquot mensibus agita-  
 ta, divina atque humana cuncta permisit. Pe-  
 rusini, quorum res penes plebeios alterius fa-  
 ctionis erat, cum BRACHII subitum ad-  
 ventum intellexissent, (iam enim tantus eva-  
 serat, ut inimicis terrori esse posset,) solliciti  
 de imperio, statim, ne quid ille de impro-  
 viso moliretur, exercitum undique coegere,  
 Paulo Ursino omnibus copiis praefecto: soli-  
 tum in mensem stipendium datum. Missus  
 deinde magnus peditatus atque equitatus ad  
 oppidum Fractam, in extremis eorum fini-  
 bus situm: admoniti, ut, quid ille consilii ca-  
 peret, explorarent, & si copias traicere in Pe-  
 rusinum agrum vellet, transitum per angu-

versus, contem-  
 dit in Hetruri-  
 am.

Novae rurbæ  
 Romanae.

stias facere prohiberent. Dum haec geruntur, Ludovicus Firmanus, quem superior Pontificis nepotem ostendi, reliquo Piceno agro armis subacto, Rocham contractam, quae ab eius defecerat imperio, magno apparatu omnium rerum oppugnabat. Equitum erant circiter duo millia: par peditum: numerus posita castra non procul ab oppido, quod in monte editissimo situm, nisi diuturna obsidione capi non poterat, montis radices occupaverant. Oppidani, alterum obsessi mensem, cum, re frumentaria deficiente, fame gravissima premerentur, durissima quaeque experiri, quam deditionem facere, malebant. Consilio igitur inter se inito, legatos ad BRACHIVM mittendos decrevere, qui, ostendentes, quanto in periculo versarentur, auxilium per omnem conditionem implorarent, orarentque, ut obsessos beneficio suo liberaret, in potestatemque reciperet, dicerentque, non se ad libertatem respicere, sed dominum mutare statuisse. BRACHIVS, data dextra, legatos bono animo esse iussit, seque ut biduo, aut ad summum triduo, expectarent, admonuit: aut omnino liberaturum ipsos obsidione, aut praesidium atque annonam impositurum. Postridie eius diei, incertis omnibus, quo proficisceretur, Picenos versus castra movit: vix decem millia passuum progresso, literae oppidanorum nomine redduntur, quibus significabatur, obsidione liberatos, pacem fecisse, non amplius auxilio opus esse: dis-

ces-

A Rothen-  
bus per lega-  
tos implora-  
tur Brachius.

Auxilio ipsi  
venit.

cessisse Ludovicum cum omnibus copiis, atque in ultimos Piceni agri fines exercitum esse dimissum. BRACHIVS, cognita fraude, celerius succurrendum iudicavit; continuo quoque diurno ac nocturno itinere properanti, aliae redduntur literae, quibus idem, quod prioribus, continebatur. Nec iis quidem demoratus, quo minus, quam citissime posset, in Picenos perveniret, quum iam sex millia passuum oppido appropinquasset, misit, qui obliquo tramite, procul hostium castris ingrediens, auxilium venisse nuntiaret. Venienti Eos ab ob-  
 portae aperiuntur, atque una voce, uno consensu omnium, dominus est appellatus. Haec prima iacta fundamenta futurae magnitudinis, primum tam magni imperii domicilium. Hoste statim abeunte, BRACHIVS Calzarolum, porta egressus, Calzarolum, quod ab hostibus tenebatur, oppugnare adortus, primo impetu irrupit: hic triginta equites, qui praesidio erant relictis, capiuntur: oppidanorum opes direptae sunt, corpora illa caesa liberaque permansere. Altero deinde die, Castitionum, Castitionum, quod erat finitimum castellum, eodem impetu capit. Ranerius Perusinus, cum quinquaginta equitibus praesidio collocatus, a BRACHIO dimissus, a Ludovico, pro re male gesta, in vincula conicitur. Continuo proximum castellum, Montem altum vocant incolae, situ egregie munitum, expugnavit. Huic Rodulfus Perusinus cum triginta millibus praefidebat: capti ad unum :  
 C 4 qui

quibus redimerendi facultas esset, in vincula coniecti sunt: ceteri, sine armis, sine equis, dimissi. Quatuor continuis diebus quadruplici victoria potitus, hoc modo paulatim

Quibus rebus  
valde percer-  
ritus Ludovi-  
cus Firmanus,

fundatum imperium proferebat. Interea Ludovicus, subita suorum defectione atque expugnatione permotus, proxima castella munire, praesidium disponere, turres murosque reficere, fossa valloque moenia praecingere, iter variis locis interrompere, ramis truncisque impedire, denique cuncta, quae ad reprimendum hostilem impetum conducerent, parare, festinat. Sed, ubi omnia vi superari videtur, veritus, ne subito hostis adventu inire praelium cogeretur, in extremos Piconos refugiendum constituit, sibi diffusus ipsi, si forte manus conserere, aut in apertum certamen universis copiis venire, contenderet.

Quod consi-  
lium praefec-  
tis militum  
detectum,

Igitur, praefectis militum ad se vocatis, quid sibi faciendum videretur, aperuit, adiecitque, munita esse vicina oppida, oclusos hosti aditus, angustias proximorum montium occupatas: quo diutius illic cum reliquo exercitu moraretur, hoc plus rei frumentariae consumpturos: satius esse, frumenti quod superesset, relinqui oppidanis, quam milites nequidquam absumere; BRACHII impetum perbreve fore, frumentum illi & comineatus brevi defecturos: suis vero, si in fide manerent, se aliunde subministraturum, omniaque belli adiumenta suppeditaturum. Plena desperationis videbatur oratio. Angelus Per-

Pergulensis, Perius Navarinus, reliquique<sup>ab iis omni-</sup>  
 praefecti militares, uno consensu dehortari,<sup>bus damna-</sup>  
 consilio abeundi damnato, coeperunt, si  
 hostibus cederet, non oppida solum, sed  
 etiam illa ipsa praefidia, quae imposuisset, in  
 eorum ventura potestatem. Quae proxima  
 castella non defectura, si fugientem apexis-  
 sent illum? in quo retentura spes auxilii,  
 si ab eodem deserantur? Plurimum inter-  
 esse, fugere quisquam, an timere, videatur:  
 illud temere desperantis esse, hoc consulte  
 providentis. Quanquam ne timorem qui-  
 dem praefendum esse bella gerenti. Pro-  
 bum imperatorem aut spē, aut spei simula-  
 tione, plenum esse oportere. Eius frontem  
 atque oculos intueri ceteros, eo animo exer-  
 citum esse, quem praestari ab imperatore  
 suo videant, si timidum, si haesitantem, si  
 denique rebus diffidentem suis, aspexerint, ne  
 bonum paria detinere fugientes: sin ducem  
 alacrem & magna spe plenum, circumeun-  
 tem & hortantem suos, viderint, ne in magno  
 quidem periculo pertimescere: saepe dubiis  
 in rebus spem profuisse, metum ne in se-  
 cundis quidem iuvare. BRACHIVM ho-  
 minem esse novum, non suis opibus, non  
 alieno stipendio, sed sola virtute, nitentem.  
 Pecunias perpaucas, quas vi & rapinis coe-  
 gisset, iam omnes consumptas, conductos mi-  
 lites, ubi stipendio fraudentur, turmatim  
 transfugituros: proinde resisteret statim in-  
 terminituras procellae. Nam, si hunc fuge-  
 ret,



bus, diuturna obsidione vexatis, frumentarias etiam molas hostes eripuerant, casamque diruerant. Illi, reficere cupientes, quod hostium exercitus prope esset, descendere sine magno praesidio non audebant. Secuti erant BRACHIVM centum equites, ex omnibus, quos haberet, delectissimi, non tam studia pugnandi, quam ne hostes furtim excurrentes in se incederent: quippe incognitam hostibus eam protectionem arbitrabantur. Angelo, ut sunt prava hominum ingenia, per transfugas nuntiatum est, BRACHIVM prima statim aurora cum paucis ad rivum profecturum. Sic, ubi primum illuxit dies, cum septingentis equitibus, ad eum locum contendit. Prior tamen BRACHIVS ad rivum pervenerat. Qui, conspecta appropinquantium hostium acie, magno in se clamore atque impetu venientium, equum conscendit, conversusque ad suos, in ma-  
 gno, inquit, periculo aut fugiendum est no-  
 bis, aut fortiter resistendum: indecorum il-  
 lud & ignavi militis opus, hoc vero magni  
 est animi & praeclara cupientis. Possumus  
 nos quidem tute fugere, sed quid aliud opta-  
 re hostem putatis, quam fugientium terga  
 respicere? Non incius ad hoc discrimen  
 veni, sciebam, hostes impetum in nos esse  
 facturos, eamque ob rem ex omni vos ex-  
 ercitu delegi, ut hic dies & virtutem no-  
 stram, & hostium ignaviam, testaretur. Scio  
 enim, non opus esse hortationibus, nec stre-  
 nu

Brachii ad  
 suos adhorta-  
 toria oratio,



nui militis est, plus de aliena multitudine, quam de sua virtute, cogitare: Totius vos exercitus nostri robur obtinetis; si reliquis copiis decertarem, milites, iam dadum de fuga statuissem. Gladios vestros non magis Ipse hoc bello vidi, quam hostes sentire. Soli vos in acie dimicastis, soli in castella impetum irruptionemque fecistis. Reliqui milites, nisi quod ornamento sunt, impedimento nobis, non auxilio, fuere. Plura dicerem, nisi hostis appropinquaret. State animo praesenti, & venientium impetum sustinete, magnam hodie reportaturi gloriam. Haec cum dixisset, milite in ordinem atque agmen disposito, collem proximum paululum editum occupavit: Putabat enim, universum hostium adeste exercitum. Nam & ingens venientium strepitus exaudiebatur, & pulvis late surgens, quo minus omnes eorum cerneret copias, impediabat. Suos deinde, iussos expectare hostem, in collis radicibus collocavit. Collis autem non praeruptus atque asper, sed molli acclivique iugo surgebat, ut, si multis pauci resistere non possent, in supremum recipere iugum sese equites potuissent. Haec agentem magno cum impetu hostes adoriuntur. Armati milites, superiore pugnae loco, venientium agmen exceperunt, fortissimeque resisterunt. Hostes, nunc paululum regressi, nunc recentem submittentes turmam, quasi murum ariete percuterent, assiduos in BRACHIVM impetus

Cum Angelo  
pugna.

petus faciebant. Ille suos, ut ordinem servarent, nec locum, nisi dato signo, defererent, admonebat. Ipse nunc eminens hasta, nunc cominus gladio, venientium adversa ora feriebat: mox lassatos hostium ordines conspicatus, signum manu dat, ut apertos inordinatosque adorianitur. Illi, imperata facientes, in adversam efferuntur aciem. Mox, multa edita caede, ne circumventi a multitudine, seceptu prohiberentur, colligunt sese, multisque acceptis illatisque vulneribus, ad tumultum revertuntur. Hostes instaurant praelium, & recentes fessis, vulneratis integri, succedunt. BRACHIVS, ne lassitudine milites afficerentur, omnes quidem in acie esse, sed a fatigatis tutiore loco dimicari, iubet, observataque occasione erumpendi, hostes primos in fugam convertit, reliqui ad subveniendum excitantur. Hoc modo quatuor continuis horis pugnatum est: demum hostes, multis cohortibus unum in agmen acceptis, delectam peditum manum in duo cornua partiuntur: his praecipunt, ut, dum equestre agmen ad radices totis decertarent viribus, ipsi dextra laevaue in interiora colliculi iuga penetrarent. Hac re cognita, BRACHIVS quindecim equitibus descendendum ab equis, & ne pedestris acies pugnantes a tergo superne adoriretur, ordinemque perturbaret, iugum inature occupandum, demonstrat. Pedites, quorum pauci ad mediunt iam evaserant collem, ab equitibus

tibus multis cum vulneribus repelluntur. Interea conferti hostium, cunei ad radices uno totius agminis impetū dimicabant. BRACHIVS primum in multam descenderat planitiem, mox paulatim cedendo pro tumuli radicibus decertabat. Hostes victoriam conceperant animis, & spreta paucitate, acer-

Brachii singu-  
laris in reli-  
gendo virtus.

rine praeliabantur. BRACHIANI, qui, quanto numero vincebantur, tanto animis & virtute vincebant, ordinum lassationem expectabant, intentique ad ducis nutum, uno momento & recipiebant sese, & ubi aperta hostium latera viderent, adversam in aciem erumpebant. Hoc modo resistendo, invadendo, ad noctem usque traxere praelium. Nox pugnam diremit. Nec desunt, qui asserunt, hoc praelium, si numerus utrinque spectetur, omnia, quaecunque in Italia gesta sunt, periculo & magnitudine superasse. Cae- si ex hostibus duodecim equi, confossi fere omnes BRACHIANI, omnes vulnerati; inter quos Spinta quidam, qui sub BRACHIO iam inde a puero militaverat, una cum equo, centum & quinque confossus vulneribus, Gulielmus Mecha, duobus & septuaginta. Res omni posteritate memorabilis. Hac pugna perterriti hostes, nihil minus, quam aequo loco, iustaque dimicare acie, cupiebant. Quo praelio omnium finitimorum animi, ut alienati ab hostibus, sic BRACHIO conciliati sunt, fortunam belli magis, quam fidem, secuti. Proxima castella

Felices eius  
in dimicando  
successus.

non

non modo non expectabant obsidionem, sed, ultro missis legatis, praefidiisque hostium direptis, portas aperiiebant. Intra paucos dies capti ex praefidiis equites trecenti, qui armis equisque spoliati, atque una veste dimissi, ceteris incussere terrorem. Angelum quoque, tanti modo exercitus ducem, milites deseruere, atque ad BRACHIVM, assidua bella molientem, se contulerunt. Ille cum paucis Firnum concessit. Per id tempus Tudertini, orta seditione, qui civitate eiectioni sunt, cum BRACHIO societatem iniere. Rebus prospere gestis, BRACHIVS, cui nihil otio & quiete molestius erat, cum omnibus copiis in maritimam agri Picensis oram impetum facit. Anconitanis pecora erepta, frumenta deportata, agri villaeque vastatae sunt, agrestes multi capti, denique ingens rerum omnium coacta praeda. Ergo suo magno incommodo prudentes facti, legatos, qui & captivos redimerent, & quanto commodius fieri posset, de pace tractarent, ad BRACHIVM miserunt. Legatis perbenigne acceptis, data pace, captivos, quod legati ipsi statuissent, pretio restituit. Qui, magnas agentes gratias, septem millia nummum pro captivis & reliqua praeda promiserunt. Stetit inde cum Anconitanis amicitia. Paucis post diebus educto in expeditionem exercitu, Montem Conscium, munitum situ oppidum, vi cepit. Inter haec, Ludovicus omnes Italiae Duces sollicitare, spe, promissis,

missis, pecunia, allicere, copias undique comparare, & omni conatu hostem, quem venientem arcere non poterat, iam prementem submovere conabatur. Adscitis deinde sibi Martino Faventino, & Carrariae Comite, equitibusque ad tria millia comparatis, adversus BRACHIVM, qui ad Montem Conscium, paucis ante diebus captum, stativa habebat, cum omni exercitu proficiscitur.

Pugna Brachii  
cum Ludovico,

& victoria.

Eorum adventu cognito, BRACHIVS, ne detrectare pugnam crederetur, passuum duomillia processerat. Ibi parva in planitie structis utrinque ordinibus, quod erat reliquum diei, pugna consumtum est. Pugnatum est aliquot continuis horis: hostium equi attriti multi, capti etiam nonnulli: belli finis repulsi duces fuere: qui, magna vi reiecti, in proxima se castella receperunt. BRACHIVS haud dubie victorem exercitum in castra reduxit. Fama invicti ducis iam undique per finitimos vagabatur. Sed, cum ceteri pacem postularent, soli Fanenses non misere legatos, vel quod maritimam incolentes oram, multo intervallo ab inimicis distare se crederent, vel quod Ludovici praesidio tenerentur. At BRACHIVS, qui omnem eam regionem aut vi subegerat, aut societate coniunxerat, cum parte copiarum, expeditisque militibus, Fanum contendit, finesque depopulatus, aliquot non satis munitis castellis expugnatis, petentibus pacem dedit. Hac fama belli ingens ad eum militum

tum multitudo praedae cupida confluebat. Ludovicus, cum videret nunquam sine suo detrimento, & suorum perniciē contēdisse, oppida praeterea alia vi expugnata, alia sua sponte secuta victorem, &, quae in fide mansissent (quae pauca erant), vestigalia tardius pendere, pleraque etiam omnino recusare, milites (quod liberior praedandi esset occasio) quotidie ad hostes transire, animos popularium, aut repentinis rebus perterritos, aut more suo cupidos novarum rerum, odio & fatietate esse mutatos, consulendum rebus suis, nec omnium defectionem expectandam, decrevit. Mittuntur igitur legati, qui cum BRACHIO pacem atque amicitiam facerent, initaque societate, foedus aequo iure percuterent, dicerentque, placere Ludovico, ad colloquium venire, velle se cum BRACHIO multis de rebus agere, ipse diem locumque constitueret, se eius fidei salutem suam crediturum. Legati, pace impetrata, de colloquio retulerunt. Placuit ea res BRACHIO: sequens dictus est dies, quo in agrum Cingulanum dux uterque conveniret. Ludovicus cum quindecim equitibus, sine telis, sine armis, ultra eum locum processerat, BRACHIVS etiam cum paucis inermibus obviam profectus est. Complexi mutuo sese, multa in eam sententiam dixere: non de sanguine & vita inter se, verum de gloria atque imperio, esse certatum: consuluisse tandem

D

utri-

Conveniunt  
Brachius &  
Ludovicus,

utrique fortunam, quae, omni sublata contentione, inceptum bellum victi ac victoris amicitia composuisset. Sperare, sempiternam eam fore benevolentiam, modo alter acceptas bello iniurias oblivisceretur, alter illatas oblivioni traditas non dubitaret. Profecto nihil mortalium animis, cum furore stultitiaque armantur, pertinacius: inde caedes, inde, quae sedari saepe nullo modo possunt, odia & similitates, oriuntur. Contra quum humanitatem & rationem induerunt, nihil mollius flexibilisque reperies. Paucis verbis, uno nutu, uno officio, ardentissima quaeque odia restringuntur. Duo duces, paulo ante infensissimi, non prius ex eo loco discessere, quam ex inimicis atque hostibus socii atque amici facti, omnia inter se pollicerentur: saepe inde alter alterius usi opera. Quibus diebus haec facta sunt, ex castris Ludovici quingenti equites transfugerunt, atque Asculum concesserunt. Opinio est, sollicitatos ab Asculanis, qui paulo post rebellionem fecerunt, & pecunia esse corruptos. Ludovicus, Asculi defectione audita, ingenti dolore affectus, quod urbs erat situ munitissima, & a suis etiam militibus, qui transfugerant, defendebatur, odio atque ira incensus, ut alteros fugae, alteros rebellionis crimine punire posset, consilium capiebat. Placuit tandem mittere, qui a BRACHIO peterent auxilium, periculum facturo, an verbis facta responderent. BRACHIO

CHIVS

CHIVS statim, ut & amici & socii ulcisceretur iniurias, simulque ut suis militibus praedandi occasionem non denegaret, exercitum in expeditionem eduxit. Iunctis copiis, Rogerium ac Fabricium, suae factionis viros, qui & ipsi Perusia exulabant, exercitumque mille & quingentorum equitum comparaverant, vocandos per literas adiungendosque constituit. Illi, acceptis literis, cum omnibus copiis ad BRACHIVM convenerunt. Paratis, quae ad expugnationem erant paratasque ad obsequium redigit. da, Asculum, qua parte adiri expugnarique posset, tanto impetu sui milites irruerunt, ut, qui in moenibus erant collocati, omnibus deiectionis propugnaculis, BRACHIANORVM impetum sustinere non possent: transfugis omnibus equi armaque erepta sunt, fugae autores trucidati, urbem diuturna pace opulentam milites diripere, autores rebellionis capitali supplicio damnati, alii in crucem sublati sunt, alii securi percussi. Ludovicus, Asculo recepto, BRACHIANIS quidem militibus dona distribuit, BRACHIO autem ingentes egit gratias, expertus & hostem perniciosum, & socium fidelem sibi utilemque fuisse. Dum haec ad Asculum geruntur, Carolus Malatesta, qui Ariminensibus imperabat, bellum contra Camertes suscepit. Causa suscipiendi non satis certa, nisi quod aviditas imperii, quo plura habet, hoc maiora concupiscit, nec ulla re tam facile potest, quam aliena calamitate, satiari. Camerini



Carolus Ma-  
latestem ex  
finibus Ca-  
mertium  
pellit.

rini imperium duo fratres obtinebant : ii suis diffidentes viribus, auxilium a BRACHIO atque opem per legatos imploraverunt. Iam hostes castellum Ramunni, quod erat in Camerti agro, expugnaverant, proximumque agrum strage atque praeda late populati, quae asportare non poterant, incendendo villas, aedificia diruendo, cuncta vastabant. BRACHIVS, omni cunctatione abiecta, cum omnibus copiis in Camertium fines pervenit. Eius adventu perterriti hostes, primum praeda rapinisque abstinerunt. Mox, illuc adducto exercitu, nec pugnam facere, nec obsidionem expectare, sunt ausi. Itaque fuga praecipites acti, castellum, quod vi ceperant, metu reliquerunt. Tuti celeritate hostes fuere. Vix enim quinque passuum millia BRACHIVS appropinqua-  
verat, cum illi non prius consulere de conflictu, quam de fuga statuerunt, ac Fabrianum, finitimum Camertibus oppidum, quam celerrime confugerunt. BRACHIVS, ne milites longo itinere lassos nimio studio insequendi fatigaret, ingressus castellum, unius diei quietem concessit. Omnibus deinde corpora curare iussis, ad insequendum hostem prosligandumque contendit. Ipse de tertia vigilia delecto equitatu antecedens, subsequi reliquos iussit. Id eo consilio factum, ut paucitatem despicientes hostes, in certamen venire, & multi cum paucis manus conserere non dubitarent: quod si fa-  
cerent,

rent, facile interventu reliquarum copiarum opprimi posse existimabat: sin vero intra moenia se illi continerent, totum se agrum ante eorum oculos vastaturum. Oppidanorum oculis triste spectaculum. Hostes primum non ausi sunt ad praelium descendere: mox per exploratores de eorum adventu ac numero certiores facti, quadrato agmine, ut redeuntes cum praeda, graves impeditosque invaderent, duo millia passuum processerunt. Quippe aut fugituros BRACHIANOS putabant, aut, si praelium intrare velent, praedam esse dimissuros. Praelium aliquandiu de industria tractum, donec reliquae cohortes, quas subsequi iussas ostenderam, advenire potuissent. Illae, praedae cupiditate adductae, diverso itinere per hostium agrum fusae palantesque vagabantur. Quae res ubi per suos BRACHIO est nuntiata, veritus, ne, si ipse pugna discederet, cohortes ab hostium equitatu diriperentur: simul ipse bellum fortissime sustinet, simul mittendos curat, qui reliquas copias a praeda revocarent, aut, si egissent praedam, reducerent. Milites statim dicto audientes fuere. Hostes, ubi ingentem conspexere praedam, greges atque armenta abduci, agrestes vinctis trahi manibus, tabulas, ligones, sarras, asportari, magno pudore atque ira perciti, impetum in dissipatos facere voluerunt. Conversos BRACHIVS a tergo adoritur, ordines perturbat, & qui recupe-

rare praedam volebant, praeda & ipsi efficiuntur. Capti sunt equites ducenti, reliqui Fabrianum praecipiti fuga delati. Ibi collectae reliquiae confirmatique ad resistendum animi, maxime omnium ad iniquitatem loci cogi hostem atque opprimi posse arbitrabantur: & BRACHIANI aequae recentis praelio, & longo discurfu fagitati, deficiebant. Iam ad Apennini radices pervenerat, cum non procul a tergo Fabriapensium ingentem sub armis manum conspicatur, modico intervallo a dextra properantium. Horum consilium erat instare ad montis usque suprema iuga, eaque, si possent, priores occupare, hostemque adscensu prohibere. BRACHIVM multa impediabant, nox iam imminens, loca salebrosa atque ardua, & hostibus quam sibi notiora: maxime omnium lassitudine equorum promovebatur: non illi urgeri calcaribus, non virgis excitari poterant: singulo quoque gradu subsistere, ac spiritu, ac spuma & sudore laborare. Milites periculi magnitudine attoniti esse, plerique munienda vallo & fossa castra cense-re: quae res ut prope necessaria videbatur, ita plus periculi, nihil cibariorum, nihil pabuli habentibus afferebat. BRACHIVS primum anceps animi, mox omnibus ultro citroque agitatis, ex omni praeda equas ante mittit, atque iis equos alios intermisceri, alios haerere vestigiis, permittit. Illae recentes stimulis actae, magno

magno cursu ad montis iugum evadunt.  
 Equi, natura (ut sit) libidine incitati, for-  
 tius subsequuntur, cursum quamvis fatigati  
 adaequant. Hac celeritate effectum, ut prior  
 ipse occuparet cacumen, atque equi lassitu-  
 dinem, quasi natura ita iubente, deponerent.  
 His rebus gestis, BRACHIVS, adventu bru-  
 mae, militem ad hyemandum dimittit: nec  
 multis post diebus, cum apud Rocham hy-  
 bernaret, nuntiatum est, trecentos Martini  
 equites oppidum Lepirum, quod situm est  
 non longe a Cingulanorum finibus, occu-  
 passe. Qua re nuntiata, BRACHIVS,  
 omnibus copiis ex hybernis deductis, illuc  
 noctu agmine infesto proficiscitur, oppidum-  
 que egregie munitum aggressus, oppidanos  
 se dedere volentes non audivit. Captum  
 oppidum, atque direptum est: trecenti  
 Martini equites, rebus omnibus spoliati, di-  
 mittuntur. His rebus permoti Cingulani,  
 quod nimis vicinum haberent bellicosum  
 hostem, agri vastationem caufati, quinque  
 millia nummum, si agro discederet, oppi-  
 dumque traderet, obtulerunt. Accepta con-  
 ditione, stipendium ex ea pecunia militi-  
 bus datum est, exercitus iterum ad hyber-  
 na reductus. Quieturus iam BRACHIVS  
 videbatur, cum Cingulani, Lepiro oppido in  
 potestatem recepto, timere de fortunis suis  
 coeperunt, veriti, ne, vere adveniente, hostes,  
 meliorem nacti tempestatem, aliquam belli  
 causam occasionemque perquirerent: nunc

Lepirum ca-  
 pit & diripit.

Cingulano-  
 rum cum  
 Martino Fa-  
 ventino con-  
 spiratio.

demum, priusquam periculum incumbere-  
rent, providendum esse rati. Consilio in-  
ter se inito, legatos ad Martinum Faventi-  
num mittunt, petentes, quantum praesidii  
opus esset, ad hostium excursiones rapinas-  
que coercendas: malle se affirmantes eius  
copias suis rebus alere, quam hostibus diri-  
piendas vexandasque praebere. Faventinus,  
probato consilio, gratias egit, quod in se  
fidem habuissent, mittique sexcentos equi-  
tes, ex iis, quos haberet, delectissimos. His,  
iubet, ut Cingulanorum fines ab hostium  
populationibus tueantur, simulque ne teme-  
re praelium cum hoste committant: satis  
habere dicens, si a rapinis atque incendiis  
prohiberent. BRACHIUS datam sibi oc-  
casionem suscipiendi belli non putavit ne-  
gligendam. Confirmatis suorum animis,  
nos, inquit, bella, o milites, saepe quae-  
sivimus; at, illa nunc sua sponte cum sese  
offerant nobis, eamus, quo pavor hostium  
longa quiete sopitos excitavit. Satius est  
inferre bellum, quam propulsare. Augea-  
mus sane terrorem, ne otio nostro confi-  
dentes, erigantur animi. Facilius enim op-  
primuntur, qui de fuga & calamitate, quam  
qui de victoria & praeda cogitaverint. Iis  
dictis, per omnes stationes militum edici iu-  
bet, postmodum in armis essent, & quae ad  
profectionem multorum dierum necessaria  
forent, compararent: paucos deinde prae-  
misit, qui a proximis oppidis peterent com-  
mea-

Huius ad  
suos adhor-  
tatio.


Proficiscitur  
hinc Brachius

meatus, negantibus bellum indicerent, ipsi in agrum  
 cogendo frumento, in primis hostium fini- Cingulano-  
 bus eius adventum expectarent. Quod eo rum.  
 consilio faciebat, ut, si diutius in Cingulano-  
 runi agro morandum esset, magna frumen-  
 ti suppeteret copia. Nam asperitate hyemis  
 rara pabula reperiebantur, & hostes omnia;  
 quae exercitum alere possent, aut in oppi-  
 dum ex agris contulisse, aut, quae suppor-  
 tari nequiverant, incendisse, ferebantur. Cir-  
 citer Calendas Martias cum omnibus copiis  
 in Cingulanorum fines profectus, haud pro-  
 cul ab oppido duum millium intervallo con-  
 sedit. Vix castra erant munita, cum per ex-  
 ploratores, quibus ille, militari more, etiam  
 minimis in rebus utebatur, nuntiatum est,  
 Cingulanum populum armatum occurrere:  
 esse equitum septingentos, peditum duo mil-  
 lia. BRACHIVS, quod equitatu praeval-  
 lebat, in patentem processit campum, atque  
 ibi, structa acie, hostium adventum expecta-  
 bat. Oppidani, magna spe destituti, quod  
 speraverant de improvviso castra munientem  
 adoriri, pugnam eo in loco committendam  
 non putaverunt, ne, si quid adversi accidisset,  
 recipiendi sui in oppidum, quod pro-  
 cul certaretur, facultas esset erepta. Hac de  
 causa, paulatim cedendo, ne ordines pertur-  
 barentur, ad oppidi muros pervenerunt,  
 parati expectare hostem, si manu decernere  
 statuisset, eum locum peropportuno fore,  
 nec oppidanos ab equitatu hostium circum-

Eiusdem cum  
his pugna,

veniri posse arbitrabantur, & si acrius premerentur, facilem in oppidum esse receptum. Contra BRACHIANOS aut nullam victoriam, aut insignem calamitatem, reportaturos. Si vincerent, paratum esse victis perfugium in oppidum: si vincerentur, quo se recipere non habituros. BRACHIVS, etsi cognoscebat hostium consilium, confusus tamen militum virtute bellicue peritia, quadrato & ipse agmine incedebat, ratus, oppidanos, ubi moenibus appropinquassent, conversos in se praelium inituros: fieri posse, ut freti vicinitate oppidi, ab ordine discederent, dissipatos facile opprimi posse. Nec sua eum consilia sefellissent, nisi, qui praesidio erant relictis, assueti bello viri, in ordine continuissent populum, & quid, si non parerent, futurum esset periculi, ostendissent, iubentes, ut extra moenia belli exitum expectantes, sinerent militem cum milite, equitatum cum equitatu, contendere: tunc se oppidanorum opera usuros, cum praelii ratio postularet. Quod si omnino aliquid & ipsi facere voluissent, contenti essent procul confertum in hostem conicere tela, & pugnante saxo sagittaque propellere. Inito bello, acriter utrinque pugnatum est: hostes saepe repulsi intra portas se recipiebant: mox, maioribus resumtis viribus, in BRACHIANOS magno cum impetu eruptionem faciebant, quos cum rursus intra portas agerent, ab oppi-

oppidanorum telis confodiebantur. Perdurante ad noctem praelio, tribus continuis nocturnis horis, facibus lychnisque accensis, & per oppidi moenia dispositis, tanto utriusque studio pugnatum est. Nam & oppidani victoriam ex fatigato hoste superabant, & BRACHIANI bellandi studio tenebantur. Haec duo praelia, Cingulanum, & quod apud Rocham gestum est, maxime omnium, quae gesserat, illustria & periculosissima fuisse memorantur. Milites ex utraque acie vulnerati fere omnes, equi plerique eviscerati caesique traduntur. Pugnatum est, quamdiu pugnandi facultatem hostes fecerunt. BRACHIVS, insigni & illata & accepta calamitate, victorem exercitum, quod hostem intra moenia compulisset, pro concione laudavit. Medici ex proximis urbibus acciti, qui vulneratos diligentissime curarent. In ipso reditu, Fabrianenſi depopulato agro, Saxiferati Tyrannum in societatem recepit.





IOANNIS ANTONII,  
EPISCOPI APRVTINI,  
DE VITA ET GESTIS AN-  
DREAE BRACHII, PERVSINI,  
ITALICAE MILITIAE IMPERA-  
TORIS OLIM STRENV-  
ISSIMI,

*LIBER SECVNDVS.*

Ladislaus,  
Rex Neapolitanus, mit-  
tic legatos  
ad Brachium.

**D**um haec in Picentis geruntur, Ladislaus, Rex Neapolitanorum, magnis ex Italia coactis copiis, quum Hetruscis inferre bellum, Romamque occupare, statuisset, legatos ad Brachium misit, Ottinium Neapolitanum, summae autoritatis virum, & Matthiam Perusinum, qui nobilitatem secutus, in exilium cum ceteris optimatibus eiectus, aliquot annos sub Rege ipso militauerat. Legati, magnifice accepti, Regis mandata exposuerunt: nunc tempus esse recuperandae patriae, non negligendam eam occasionem, Regem modo sequeretur; haud defuturum exulibus auxilium: Regem ad paucos dies in Hetruriam magnas traiecturum copias, atque ipsum in expeditionem esse venturum: comparasse equitum viginti millia, quibus non modo Perusiam oppugnare posse, sed omnem Italiam brevi esse subacturum. Proinde sequeretur in-  
vi-

victi Regis auspicia, nec offerenti sese fortunae deesset: exules si nunc in tanta rerum opportunitate negligerent, non semper eam occasionem habituros. Polliceri Regem stipendii quantum ipse copiarum coegisset, non equitibus, non peditibus pecuniam deserturam. Haud difficile fuit persuadere cu-  
 Huius re-  
 pientem; tamen, ne quid inconsulte facere sponso.  
 videretur, legatis respondit: se quidem tanto Regi immortales habere gratias, velle tamen cum militibus consultare, postero die quam plenissime responsurum. Omnibus igitur equitatus peditatusque ductoribus ad se venire iussis, primum Regis mandata aperuit, mox etiam a minimis postulata sententia, cum adiecisset, nihil se sine militum consilio statuere voluisse, ingens omnium clamor est subsecutus: eius esse consilium capere, utrum statueret, in eius arbitrio & potestate esse. Quod ad se pertineret, nunquam deserturos imperatorem suum, maxima quaeque adituros pericula: duceret, mitteret, quo videretur, se, quoties opus esset, omnes pro eius dignitate morituros, illum ducem, illum parentem esse. Multis animi studio excussae lacrymae, vocem ferre prohibebant. Constat enim, omnium aetatum imperatorum neminem suis militibus fuisse cariorem. Nam animi magnitudinem in admirationem conversam, insita a natura linguae suavitas adornaverat: nemo blandius appellare milites, nemo nec lenius  
 erra-

errata castigare, nec ardentius ad bellum excitare, consuevit: tum milites in summa discrimina non mittere, sed ducere, labori, vigiliis, inediae, non magis, quam ceteri, succumbere, praedam reliquam militis facere, sibi solum imperium quaerere: hinc amor exercitus, hinc illa ingens militum benevolentia constata est. Igitur Calendis Aprilis, quatuordecim millibus nummum acceptis a Rege, stipendioque militibus distributo, cum omnibus copiis Romam versus contendit. Erant in exercitu equites ad mille & ducentos, pedites circiter mille, pauci Picentum praesidio relictis. Iter erat per Fulgineatam agrum. Cives eius, transitum aegre ferentes, frumentum & commeatus exercitui praebe-

Brachius  
cum copiis  
Romam ver-  
sus contem-  
dit.

In quo icine-  
re Verchia-  
num capit.

re noluerunt. Qua re permotus BRACHIVS, agri parte infesta populatione vastata, oppidum Verchianum, decem millibus passuum procul ab urbe, praecipiti atque edito in colle situm, expugnauit, diripiendumque militibus dedit. Plenum erat oppidum frumenti, quo agrestes ex omni agro, veluti ad munitum & commune horreum, comportauerant. Post haec, in Tuderlinorum fines castris permotis, secundum Tyberim aliquot dierum stativa habuit, quoad reliquae copiae, quas undique acciverat, convenirent: quum nec legati quidem ipsi, quod Regis literas expectabant, protectionem accelerarent. Dum in Tuderino moram traheret, ne milites continenti bello

Collem me-  
dium occu-  
pst.

bello assueti otio torpescerent, Collem medium, Tudertinorum oppidum, quod non longe a Perusinorum finibus aberat, durissima oppugnatione aggressus, in Regis ditionem subegit. Hac re permoti Perusini, quibus iam pridem eius potentia suspecta erat, Ruffum Aquilanum & Ciccholinum Michilotum, plebeae factionis principem, ad proxima tuenda castella miserunt, qui, cum apud Derutam, munitissimum situ oppidum, cum suis copiis morarentur, Collis medii oppugnatione audita, inconditum BRACHII exercitum, & capiendo oppido intentum, de improvviso adoriri, hostesque aut cadere, aut oppugnatione prohibere, statuerunt. Itaque, vix coepta oppugnatione, Ruffus Aquilanus & Guido Perusinus cum quadringentis equitibus a tergo sese ostenderunt. Hos subsidiarii equites quingenti, quibus Ciccholinus praeerat, cum magna agrestium multitudine, quanto intervallo cerni ab hostibus non possent, subsequabantur. BRACHIVS, hostium adventu per Perusinos speculatores cognito, Gulielmum Mecham <sup>fugat,</sup> cum duabus cohortibus procedere, & praelium committere quam aequissimo loco, iubet. Eius impetum hostes sustinere non potuerunt. In fugam terga vertentibus, Ciccholinus, quem subsidio suis venire monstraveram, infesto occurrit agmine, factoque in persequentes impetu, BRACHIANI multitudinis vim non sustinuerunt. Tum  
BRA-

BRACHIVS centum delectos atque hastatos innittit equites, iussos, hostem, suis imminentem, quanto maximo possent, conatu adorirentur. Ii tanto impetu in adversam se intulere hostium aciem, ut, plerisque equo excussis, reliqui in fugam vertentur, non prius sine fugiendi facto, quam Derutam fusi contreritique pevenissent. BRACHIVS victum ac dissipatum hostem persequendum militibus demonstrat, qui, imperata facientes, vulneribus tardatos corripere: pedites aegre fugam molientes ad unum capti vinctique in castra retrahuntur. Gulielmus, cum duabus illis cohortibus reliquisque hastatis equitibus persecutus hostem, ad Derutae portas pervenit. Deruta, in colliculo paulo editiore sita, planitiem habet ad portas late iacentem, in qua cum alia quaedam aedificia, tum meritoriae tabernae plurimae, viam, qua Romam itur, hinc atque hinc cingunt. Hic cum omnes hostium copiae, quae ex conflictu evaserant, colligere sese, ac instaurare bellum coepissent, auxiliantibus oppidanis, & in BRACHIANVM militem superiore loco tela ac saxa iacentibus, pugnatum est aliquamdiu acerrime. Sed hostes, priore calamitate perterriti, plerique intra oppidum refugere: capti equites ducenti quadraginta, inter quos & Ruffus Aquilanus, paulo ante exercitus ductor, victoriam insigniorem fecit: aedificia illa, quae diximus, direpta atque incensa omnia.

omnia. Interea BRACHIVS oppugnationem oppidi non prius dimiserat, quam intra moenia milites, plurimis circum erectis scalis, irrupissent. Igitur, duplicata victoria, utrumque militem, & qui profligaverat hostes, & qui oppidum expugnaverat, pro concione laudavit. Haec in Tudertino genti, Regis literae perferuntur, quibus significabatur, captam esse Romam ad aedem Hadriani, & praeterea sanum divi Petri obsessum habere, aditus undique esse praecclusos, venturum se cum omnibus copiis in Hetruriam, nec opus esse obsidionem suo praesidio firmare: Romanos ipsos urbana exercitu & arcem & templum obsessuros, se nullo pacto exercitum distrahere statuisset, habere in armis equitum viginti milia, peditatum dimidio minorem: materaturum, ut quam primum totum bellum in Hetruriam transferretur: orare BRACHIVM, quas coegisset, copias, ut cuique opus esset, equis atque armis communiret, expectaretque eius adventum: interea augeret, quoad posset, exercitum, & quot posset, pedites undique & sagittarios compareret, iis maxime opus esse oppida atque urbes oppugnatura. His literis acceptis, BRACHIVS, quod existimabat, Regem non tra statim venturum, munitis ad medium tollem castris, saepe nunc Tudertinum, nunc Perusinum excurrere agrum, finitimis magno erat terrori. Fama erat, Regem nullo

Litterae Regis  
Ladislai ad  
Brachium.

Variae huius  
excursionis.

la humana vi contentum, regna atque imperia subverſum venire, eieſtunt eos, qui regnarent, atque exules, quorum poſtea fide uteretur, in ſuas urbes, atque in ſuam quemque patriam reduſturum. Peruſini, iam pridem hac fama perterriti, ubi, capta Roma, tantas Regis copias adventare ad invadendum Hetruriae imperium acceperunt, conſulendum rebus ſuis, nec tantam belli molem expectandam, ſtatuērunt. Itaque, publico inito conſilio, Legatos, qui, niſi de reducendis exulibus, nullam pacis conditionem recuſarent, commeatu auxiliaque promitterent, poſtremo, ſi aliter omnino non poſſent, civitatem atque imperium dederent, ad Regem mittere decreverunt. Legati Romam profeſti, de pace primum agere coeperunt: ſed, Rege in exules propenſiore, multum diuque nequidquam peractum eſt. Illi, pace non impetrata, ſocietatem facere contendebant: quem ille imperaſſet, eundem Peruſinos vel amicum, vel hoſtem, habituros eſſe, affirmantes: tranſitum, arma, tela, frumentum, militem, praebituros. Nec hanc quidem conditionem accepit Rex, ratus, conſtantius in fide manſuros exules, qui ſua opera civitatem recuperਾſſent. Hac re animadverſa, legati frangendum Regis animu imperii cupiditate tentaverunt. Aditu itaque rerum ad Regem poſtulado, nova interpoſita conditione, civitatem atque imperium obtulere, ſi modo exules omnes pro ho-

Peruſinorum  
Legati ad  
Ladiſlaum,  
primum de  
pace cum eo  
agunt,

poſt civita-  
tem atque  
imperium ipſi  
offerunt.

• *ignotum.*

hostibus haberi, & regio exercitu ac regno decedere, iuberentur. Rex tantam invadendae Hetruriae occasionem non putavit repudiandam, eam unam esse urbem, bello, quam paci, commodiorem: nec frumentum solum (cuius est feracissima) suppeditare: sed viros bello assuetos, sed arma etiam, subministrare posse. Utraque enim re Perusini abundare ferebantur: quippe factiones iam inveteratae, crebraeque seditiones, & popularium animos ad bellum assuefecerant, & omnis generis invexerant arma: tum saepe ex multis audierat gentem esse sua quadam natura bellicosam. Haec Regem movere. Sunt, qui fuerint opinati, inter ceteras conditiones rem scelestam ac nefariam adiectam esse: promississe Regem, cum primum BRACHIVS ad se venisset, statim in vincula coniecturum, receptaque deinde civitate, aut suorum manu necaturum, aut Perusinis necandum traditurum. Quam perfidiam, etsi a regia dignitate alienissima censenda est, tamen, quae secuta sunt, verisimilem effecisse indicantur. Et Rex ille, sanguinis, quam gloriae, avidior, multis cladem intulisse ferebatur, atque aliis inedia, aliis ferro, vitam ademisse. Post Legatorum discessum, Rex, priusquam traiceret copias, ad BRACHIVM scribit, ut, quam maturissime fieri posset, cum omni exercitu contenderet Romam: statuisse, non ante movere castra, quam cum eo de ratione moven-

Perfidia Regis  
in Brachium.

Illius ad hanc  
litteras.



di belli communicaret, exercitumque con-  
 iungeret. Cum literae essent redditae, con-  
 suetudine sua, BRACHIVS, omnibus du-  
 ctoribus ad se vocari iussis, Regis imperata  
 ostendit, simulque edicit, ut equos atque ar-  
 ma in parato habeant, prima luce iter in-  
 grediendum esse. Haec dicenti literae  
 Ottinii, regii Legati (quem diximus), asserun-  
 tur; is erat longe acceptissimus Regi, &  
 eum ipsam ob rem omnium particeps con-  
 siliorum, quem BRACHIVS, cum Legatus  
 ad se venerat, magnifice acceptum honora-  
 tumque remiserat: pollicitationes quoque  
 multae cum intercessissent, utriusque animum  
 summa (ut fit) benevolentia & singulari amo-  
 re devinxerant. Igitur Ottinius amici magis,  
 quam Legati, officio functus, BRACHIVM de  
 Regis consilio certiorum faciendum putavit.  
 Literae fuere eiusmodi: Cum Rex Legatum me  
 mississet ad te sollicitandum; nihil feci reli-  
 quum, quo minus eius tibi societatem persua-  
 derem. Sperabam, vestram amicitiam Regi  
 quidem usui, tibi vero & usui & ornamento,  
 fore, nec existimavi, ut, cuius foedus atque  
 amicitiam postulabant, ei cladem atque exi-  
 tium importarem. Maiores mei, cum  
 opibus & potentia claruissent, magis tamen  
 fide & vitae integritate claruerunt. Habeo  
 proposita mihi exempla maiorum, malle  
 cum fide oppetere mortem, quam perfidam  
 vitam agere. Sic mei me parentes edocue-  
 runt, non aliter serviendum esse Regibus,  
 quam

Epistola Ot-  
 tinii.

quam honeste, & cum nullius calamitate, servandum. Eam ob rem, cuius ego curavi dignitatem, eius indignissimam mortem sustinere non potui. Proinde cave, ne in Regis devenias manus; video, illum magis alieni commodi, quam sui decoris, habere rationem. Cave, cuiquam te credas, ne ad eum profectus, nimis bona fide capiare. Quid ille paraverit, ne quaeras. Nihil tam honeste fieri, quam scelus, potest. Vale, & tui curam habe. His literis acceptis, BRACHIVS, suspensus aliquamdiu & attonito similis, non modo sermone abstinuit, sed vultum coloremque variat in ammirati milites sunt. Tabernaculum deinde ingressus, ostio obsecrari iussu, lectaque iterum epistola, animum, in diversa consilia agitabat: non posse credere, tantum Regem dolo eum petere, a quo nulla in re esset offensus, id ne tyranni quidem esset: tum Ottinium Legatum haud temere in suspicionem se coniecisse. Repetere deinde altius coepit, iussisse primum Regem, ut ipse cum suo exercitu in Etruria remaneret, expectaretque eius adventum: mox, ubi Perusinum Legati ad eum venissent, statim mutasse sententiam, & pacem cum Perusinis factam audiebat, etsi nihil certi de deditione referebatur: quid eius equitatu Regi opus esse Roma capta? non hostes prope adesse, non illic geri bellum. Ubi commodius, quam in hostium sinibus, copias iungi posse?

Maxime hinc  
perturbatur  
animo Brachius.

Optime se excusat Ladis-  
leo.

Huius consilium de capi-  
endo Brachio.

Nam, si consulere de bello velit, quid euntem militem fatigare, paulo post rediturum? Si Hetruscos bello petere decrevisset, quid Romam in Hetruria bella gerentem exercitum revocaret? Cum multa ad suspicionem concurrerent, inprimis tamen Ottinii literis movebatur, hominis fama & nobilitate clari. Sed, ne fraudem odio incenderet, ad Regem misit, qui dicerent, adversa teneri valetudine, eamque ob rem statim literis parere non potuisse, ceterum, quam primum cessaret morbus, cum equitatu profecturum Romam, &, quae essent imperata, facturum omnia. Eam rem moleste tulit Rex, cum quod verebatur, detecta fraude, ingentem regio splendori maculam profusam, tum quod Perusia quam maturissime potiri cupiebat, eui rei maxime obstare putabat BRACHII salutem. Sed, quo celeriter incepta perficeret, sex millia delectorum equitum in Hetruriam quam ocysime traiecit, ducemque his Troiae comitem praefecit, eique imperavit, ut celeriter ad BRACHII castra contendens, direpto exercitu, ipsum in vincula coniceret, nec cuiquam professionis suae causam, nisi re perfecta, patesceret. BRACHIVS, cum esset nuntiatum, tantum copiarum Regem praemittere, crebros speculatores in venientium castra mittendos curavit, qui omni via atque studio tam subiti adventus causam certam ad eum explorataeque referrent. Et, cum Tuderinam ingres-

fi

si agrum, & decem millia passuum appropinquasset, Gulielmum Mecham ad eorum ducem cum muneribus mittit, eique imperat, ut Ottinium, quem una venire intellexerat, quam occultissime posset, conveniret. Ille, ut erat imperatum, ad castra profectus, hominem conventum per fidem atque amicitiam orat, ut, si quid BRACHIO impendeat periculi, certiores facere eum velit: sua opera in Regis amicitiam venisse, sua opera insidiis non esse circumventum, nunc accumulandum beneficium esse. Ille regem omnem, ut se haberet, edocuit: promississe Regem Perusinarum legatis, ceteros quidem exules perinde atque hostes habiturum, BRACHIVM vero aut necare, aut tradere necandum: ea conditione Perusinos civitatem atque imperium esse pollicitos. His rebus cognitis, BRACHIVS, haud amplius expectandum ratus, trecentis equitibus Tudertinorum praesidio relictis, ipse cum cetero exercitu in agrum Picenum concessit, primaeque habuit stativa inter Senogalliam & montem Alboddi. Mox, Esi urbe recepta in potestatem, Regis copiae, quas adventare monstraveram, ad urbem oppugnandam venerunt, munitamque situ & armis obsidione cinxerunt. Hic, BRACHIO eruptionem faciente, saepe acriter pugnatum est. Hostes, post aliquot praelia, multis acceptis vulneribus, discesserunt. Interea Rex cum reliquis copiis, modico Romae praesidio re-

De quo certior factus  
Brachius,

a copiis regis  
oppugnatur,

sed sua virtute liberatur.

Paratur a Rege  
bellum contra  
Florentinos.

Quorum res  
describuntur.

licto, Senas, placidissimam Hetruriae urbem, contendit, quod sperabat, inita prius Senensibus societate, oportere bellum Florentinis movere posse, quod agrum Senenses haberent finitimum, & conumeatus abunde suppeditare possent, tum ex altera parte ad inferum mare pertinerent. Qua spe adductus, complures onerarias naves aedificandas curaverat, ut, quae res bello usui forent, sagittae, tormenta, & alia machinarum armorumque varia genera, mari celerius, quam terra, veclarentur. Florentinorum opes ea tempestate haud satis magnae erant, sed angustos imperii terminos insita genti calliditas tuebatur. Iis nullae gentes neque animo ad res magnas gerendas, neque consilio, praestant. Saepe cum finitimis populis rem gessere, cum aut ipsi ultro inferrent bella, aut ab aliis illata propularent; nunquam tamen succubuisse, sed latius semper propagasse imperii fines traduntur: non satis bellicosi illi quidem, (ut plane possit intelligi, bella ipsa non magis vi corporis, quam animi consilio, procedere,) sed industria rerum gerendarum mirifice praediti: tum lautitii & domesticarum rerum magnificentia clari. Tempia, fora, parietes, privata atque publica aedificia, cuncta, sublimia. Multo spatio circum urbem altissime surgunt villae, nec pressius agrestes casae, quam urbanae domus, erectae conspiciuntur. Florentinum ingressus agrum, alium quandam censeas patere orbem:

orbem: ubi urbem intraveris, alterius orbis domicilium videas. Hanc civitatem multi Reges, multi populi, bello petiere. Sed tanta in libertate defendenda vis fuit, ut saepe, necessitate inveniēte consilium, Regum ac populorum incepta conatusque perfregissent, & ubi bellum a potentioribus esset illatum, uno statim momento concitarent finitima bella, & cum semper Italiam, tum plerumque magnam orbis partem, ad arma impellerent, Reges atque auxilia ex alio quodam accirent orbe. Iam nunc reliquae Italiae non tam viribus, quamquam & illae supra modum auctae sunt, quam consilio atque astu, metuendi. Ergo, ubi tanti exercitus adventum acceperunt, peritos rei militaris ad conducendum ex omni Italia exercitum dimisere: ad BRACHIVM quoque, Mierone Le. quem iam pridem suspectum Regi atque geros ad Brachium. insensum audiverant, eorum venere Legati, petentes, ne peregrinum & incognitum Hetruscae genti Regem patrium atque avitum regnum occupare permetteret: nunc ulciscendas esse acceptas iniurias, non solum deceptum esse a Rege, sed etiam proditum esse, hoc ipse sibi persuaderet. Florentinos non ante libertatem, quam vitam, amissuros, nec ulla re alia, quam Regis aut discessu, aut fuga, destituros a bello. Iam pecuniarum tantum exactum esse, ut totum biennium exercitum, quantum opus foret, queant conducere: illos in patria, Regem in alieno fo-

lo, inter ignotas atque ideo infirmas gentes, dimicaturum : sperare, ultorem affuturum Deum : nullis illum laceffitum iniuriis, nulla in re offensum a populo Florentino, quietis & nihil ad sua iura pertinentibus inferre bellum. Quid facturum putaret Hetruria subacta? quibus insidiis eius caput petiturum, cuius nunc violata fide, sanguinem vendere ausus esset? Proinde resisteret inimici nefario sceleratoque furori, &, ut ceteri Hetrusci, auxilio veniret : Regem, etiam si esset amicus, unum esse & multis periculis expositum hominem, brevi, aut suorum insidiis, aut hostili vi, aut (quod necesse esset) actatis maturitate, occisurum. Populum Florentinum immortalem fore: nec libidine legere amicos, sed fide atque officio tueri, solitum. Nunc illi & persequendi inimici, quod etiam ignavi cupiunt, & invicti populi beneficio devinciendi occasionem datam. **BRA-  
CHIVS**, haec cuncta quam verissima reputans, simulque suorum omnium hortatu in castra Florentinorum, quae non procul ab Aretio erant posita, cum omni exercitu profiscitur. Eius adventu ingens totis castris laetitia est exorta. Vix equo descenderat, cum iidem illi Florentinorum Legati mille & quingentorum equitum stipendium dinumeravere. Interea Rex, motis ad Aretium castris, urbem muro fossaque munitam, nec oppugnari facilem, obsidere constituit. Quare praevisa, Florentini Sfortiam, non parvi exer-

Huius in eorum castra cum exercitu adventus.

exercitus ducem, urbi praesidio collocaverant. Qui cum se obsideri videret, priusquam arctius ab hostium copiis clauderetur, emit- tit clam, qui BRACHIVM consulerent, quid in tanto discrimine faciendum putaret. BRACHIVS postmodum eius diei ex supe- <sup>Consilium</sup> rior parte urbis erumpendum censet, atque <sup>Brachii.</sup> in hostes subitum & improvisum impetum faciendum, daturum se signum erumpendi, atque statim hostibus a tergo incubiturum: proinde venientem se & tuba canere iu- bentem observaret, statimque extra murum composito educto agmine, prior explicaret aciem, quo ipse facilius a tergo pugnantis & altero praelio intenti hostis ordines pertur- baret: facile hoc modo praeclarum aliquod facinus praelio esse facturos. Ille, ut erat imperatum, postero die intra murum com- ponit agmen, acceptoque signo, extra portas instructam paratamque aciem educit. Apud <sup>Florentino-</sup> hostes undique ad arma est concursus, pau- <sup>rum cum re-</sup> cisque oppositis turmis, quae erumpentium <sup>giis pugna,</sup> impetum morarentur, utrinque egregie pu- gnabatur. Cum hostes, armandi sui spatium nacti, undique vi magna confluerent, BRA- CHIVS, qui non procul inde ad fluminis ripam sese contulerat, inconditione & temere concurrentem hostem a tergo invadit. Tan- tus terror Regi est iniectus, ut, repulsis lon- go intervallo suis, ipse de fuga cogitaverit. Ceterum multitudine fretus, inter resistendi horumque <sup>fuga.</sup> fugiendique consilium, trium millium pas- sum



suum intervallo reiectus est. Equi, arma, tela, & reliqua belli instrumenta, passim iacentia videbantur, cecidereque ex hostibus multi, capti etiam fuere nonnulli. Hac insperata calamitate perterritus magis, quam attritus, Rex, Cortonam viginti passuum millia recepit, confessus, nunc primum scire, aliud esse magni, aliud strenui exercitus ducem esse: quippe fusa fugataque viginti millia equitum, decem peditum, a paucis, non prius consistere ausa esse, quam persequendi finem hostis fecisset. Cortonae, regnabant tres fratres, qui, quod Aretinis multisque aliis Florentinorum municipiis finitimi erant, eorum societatem atque amicitiam sequebantur. Rex montanam urbem & muro egregie munitam obsidere coepit, sperans, quos vi non posset, aquarum penuria domitutum. Nec multis post diebus ciues, facta conspiratione, & urbem, & dominos, Regi prodiderunt. Hoc primum peregrini atque externi militis receptaculum in Etruria fuit. Nam Perusinos, quod remotiores a finibus hostium erant, nondum adierat Rex. BRACHIVS, tantae urbis defectione audita, ne hostes, novo imperio exultantes, vastando & populando latius vagarentur, proximaque oppida rebellionem Cortonensium exemplo facerent, defendente nemine, ad Castellum Aretinum, regis copiis mature occurrendum decrevit. Oppidum erat procul ab hostium castris millia passuum

Cortona ob-  
fidetur,

Regique ipsis  
a civibus  
prodicitur.

Cui Brachius  
occurrit.

DE REBUS GESTIS BRACHIL LIB. II. 77

suum quinque: hic licentius vagantem & excurrentem hostem diu in castris continuit. Sed nec faciebat cum universis copiis pugnandi facultatem, & dissipatos mira cum celeritate paulatim carpendo prosligabat, ut, quoniam aperto non auderet bello, arte atque insidiis cum hoste contenderet. Tum Florentini, nihil aliud, quam dilationem, quaerentes, iam ab initio ipsius belli, ne collatis signis in pugnam descenderet, inhibuerant: ut quibus satis foret, si ab expugnationibus & vastatione agrorum arceret hostem, paulo post fame confectum abiturum. Multa secunda praelia a BRACHIO facta. Nam interdum, si qui hostium frumentatum pabulatumque exirent, intercipiebat, & noctu ad castra usque magno cum impetu delatus, non arma exuere, non dormire, sinebat Regem, qui saepe, quos in primis stationibus & vigiliis disposuissent, capi atque abduci, nonnunquam extremis castris ignem iniectum, audiebat. Itaque pudore atque ira percitus, saepe BRACHIVM ad apertam pugnam provocare tentavit. Quod cum parum procederet, & hic quoque confessus est, non se vi atque armis, sed celeritate atque industria, esse superatum. Tandem, re frumentaria deficiente, Cortonae praesidio relicto, Perusiam proficiscitur. BRACHIVS, iussus a tergo insectari hostem, Regis audito discessu, quod existimabat, aliunde bellum esse moturum, Tyfernum urbem, nunc Castellum vocant,

Variae cum  
regis vexationes.

Occupat Brachius Castellum.

sant, cum omnibus copiis pergit. Cuius professione cognita, Rex, hortatu Perusino-  
rum, duo millia equitum, quibus Iulium  
Caesarem quandam, nomine, quam factis, il-  
lustriorem, praefecerat, ad oppidum Fra-  
ctum dimisit. His statim ingressus oppi-  
dum, eaduceatorem ad BRACHIVM init-  
tit, qui (ut est hominum vana iactantia) ad  
coenam cum omnibus suis copiis invitaret.  
Quod si forte recusaret, diceret, se cum suo  
ad eum exercitu coenatum venturum, at-  
que ante Castellum moenia pulcherrime coe-  
naturum. BRACHIVS tam lepide invita-  
tus ad bellum, abito, inquit, quam primum,  
& isti tuo imperatori sic dicito: me qui-  
dem ita consueisse, vocatum in convivium re-  
cusare nunquam, ceterum raro mea sponte  
quenquam invitare, si qui ultro me appel-  
lent, accipio equidem opipare. Quanquam  
non adeo demens sum, ut velim meae domi  
Caesarem expectare; dignus est, quem suae  
conveniam. Illic, si me invitabit, sentiet,  
spero, non parum edacem convivam invita-  
tum, & qui apparitoribus ne ipsa quidem  
ossa relinquet. Haec ultro citroque delata,  
utrumque ducem ad pugnam irritavere. Er-  
go postridie eius diei BRACHIVS, ducentis  
equitibus Castellum praefidio relictis, orto  
iam sole, exercitum tuba in expeditionem  
eductum ita componit, ut, quacunque oc-  
currat hostis, parata atque instructa sit acies.  
Toto itinere quadrato agmine incessum est.

Hostis.

Invitatur  
eum omnibus  
suis copiis ad  
coenam a Iu-  
lio Caesare,  
praefecto re-  
gio Fractae.

Gui elegan-  
ter respondet.

Suos in aci-  
em educit.

Hostis, verbis, quam factis, magnificentior, nihil interea, nec de coena, nec de belli apparatu, cogitaverat. Ubi, BRACHIVM non longe a portis infesto agmine instare, vigiles retulerunt, partem copiarum praemisit, quae venientis retardaret impetum, ipse interea partem reliquam, ut quisque celerrime se armaverat, ita primum portis emissum, in praelium accendit: postremo, omnibus eductis copiis, ipse paucis stipatus equitatu, fugientibus suis subsidio venit, trepidos ac fuga salutem sibi petere contententes excipere, tardos excitare, omnes pristinae virtutis suae, egregiae dignitatis, admonere. Sed BRACHIANI militis tanta vis fuit, ut perturbati hostes, & plerique ipsis excussis equis, impetum sustinere non possent. BRACHIVS, insecutus hostem, cum fugientem in oppidi moenia compulisset, dixisse fertur: se quidem venisse ad convivium, sed Caesarem convivas suos bona fronte adpicere noluisse. Capti ex hostibus equites quinquaginta, quodum hostes abscedente BRACHIO liberare contenderent, facto a tergo magno impetu, Siniducium, BRACHII nepotem, vagantem extra ordines, & longo intervallo subsequentem, ceperunt, statimque, non expectato BRACHIANORVM impetu, in propinquum sese oppidum receperunt. Ea res minus laetam victoriam fecit. BRACHIVS, agro vastato, Tyfernum cum victoria revertitur; Regem interea multis diebus Parusiae commora-

Caesarianos  
fugat.

**Belli Hetru-  
sci fines.**

**Ludovici ,  
Galli, in Ita-  
liam vocati,  
traiectus.**

**Turbæ Ro-  
mæ.**

morum, Tudertini, Perusini finitimi, vocaverunt. Illo profectus, post aliquot dies, compositis Tudertinorum rebus, Romam pergit. Hunc exitum habuit Hetruscum bellum, longe maiore apparatu, quam robore, gestum. Inter hæc Florentini, qui, consuetudine sua, iam inde ab initio belli aliunde opem excogitaverant, Ludovicum, ex nobilissima Gallorum familia, in Italiam accieverant, spe quadam iniecta Neapolitani Regni recuperandi, (quod a maioribus suis longa vetustate obtentum, patrium atque avitum, ad se quoque hæreditario jure pertineret) facile perpulerunt avidum imperii animum, ut, cum copias ea spe paulo post ad ipsos in Italiam traiecisset, cum Florentino exercitu coniungeret: communem esse hostem afferentes, alterius occupasse regnum, alterius occupare voluisse. Populum Florentinum, ubi suis finibus expulisset Regem, in regnum iniecturum manus, & pro Ludovico bellum suscepturum. Ergo Florentini, magna Gallorum accessione facta, paribus copiis Regem insequi decreverunt. Tum Roma magni motus afferebantur, Paulum Urfinum a Rege defecisse, & eam urbem obtinere partem, quæ trans Tyberim pertinebat: Regem vero Capitolium & reliquam urbem habere in potestate. Magnos fieri apparatus bellicos, Regem a suo regno integras accire copias, Paulum ab Hetruscis auxilia petere; munitiones & propugnacula in utraque Tyberis ripa construi. BRA-

CHVS,

C H I V S, Florentini exercitus imperator, Ad quas se-  
 Romam profectus, copias cum Paulo con-  
 iunxit. Saepe gravissime pugnatum est; flu-  
 mine tamen altissimo, duos exercitus inter-  
 fluente, magis minus tormentis, sagittis, saepius cum  
 ceterisque missilibus, quam cominus hasta regiis con-  
 gladioque, certabatur. Bruma iam adveni-  
 ente, BRACHIVS, caritate annonae Ro-  
 ma abiens, in Tudertinum hyemandi gratia  
 concessit, captoque oppido Fractula, tota hye-  
 me in hybernis habuit exercitum. Fractu-  
 la expugnata, Perusinis novus metus iniectus  
 est. Neque enim Regem praesidio habe-  
 bant, & Florentinos, quorum animos supe-  
 riore Hetrusco bello vehementer offende-  
 rant, ne quid ipsi quoque alia parte concita-  
 rent belli, metuebant: sed, trepidatione in  
 solitudinem versa, cogere novum exerci-  
 tum, stipendia maiora decernere, vectigalia  
 iusta atque iniusta exigere, coeperunt. Mox,  
 satis magnis pro tempore conductis copiis,  
 Tartalianam, egregium bello virum, exercitui  
 praefecerunt. Hic ad opposita inimicis op-  
 pida traducere exercitum iussus, BRACHIO,  
 quocunque proficiscenti, sese a fronte, mon-  
 tosis & situ munitis locis ostendebat, nec ta-  
 men descendere audebat in pugnam. Quia  
 re animadversa, BRACHIVS, ne tempus  
 otio tereret, Clusina arva, pecorum atque  
 agrestium plena, excurrere decrevit. Ea  
 Thrasimenum lacum claudunt ad occiden-  
 tem solem, Perusini tunc agri, nunc etiam  
 F in-

damas Ro-  
 mam profe-  
 ctus Brachius,  
 saepius cum  
 regiis con-  
 fixit.

Inde in hy-  
 berna con-  
 cessit,

Interea pa-  
 rant bellum  
 Perusini.

Excursiones  
 Brachii.

imperii, terminus, late sane & vaste patentia loca, tota herbida, partim nemorosa, cuncta pecori pascendo accommodata. Ex altera parte Thrasimeno, ex altera Clusinis paludibus, concluduntur. Proxima etiam castella lignatum illo pabulatunque accedunt. Perusini semper alias opportunitate loci, nunc etiam belli metu, pecora cuncta, ex oppidis castellisque deducta, eadem in arva univèrsa compulerant. Igitur BRACHIVS magnam partem equitatus, cum paucis peditibus, hosti, montana saluosaque petenti loca, opponit. Ipse cum quadringentis equitibus, totidemque peditibus, per medios hostium fines, nihil hostiliter agens, transitum fecit. Cum iam viginti millia passuum processisset, tantum enim spatii intercedebat, in patentes diffunditur campos. Tum vero pastores, nihil tale metuentes, omnes vertuntur in fugam: greges atque armenta passim errantia in praedam abiguntur: agrestes, lignatores, pabulatores, capti sunt omnes: omnium maximum fuit, octoginta captivos, decem millia minorum pecorum, boum quinque millia, mille equas, per media hostium oppida, a tam paucis agi potuisse. Erant in illo duce multae praeclaraeque virtutes, consilium rerum gerendarum, magnitudo animi, gratia militum: omnia tamen perficiendi celeritas superabat. Perusini, audita hostium profectioe, Ciccholinum, quem parti copiarum praeposue-

Opima praeda.

rant,

rant, ad occupanda munita loca, reditusque intercludendos, misere, qui magna cum celeritate profectus, non procul a Thrasimeno editissimum collem, cuius radicibus BRACHIVS transitum facturus erat, occupavit: angusta sane & salebrofa via, nec solum ingentibus impedita saxis, sed nunc praeceps ad infunam ducebat vallem, nunc ardua atque aspera, etiam recentem atque inermem militem fatigatura surgebat: tum hinc atque hinc praerupti atque altissimi impendebant limites, ut facile multi a paucis vel gleba, si lapides deessent, nedum armis, opprimi potuissent. BRACHIVS per exploratores, quos omni sua protectione praemittere consueverat, insidiis cognitis, militibus omnibus, praeter paucos, qui pecora agerent, equis descendere iussis, utrumque viae superiorem limitem, atque angustias, maxime qua collis radices attollebantur, occupare contendit. Interea, qui equis vehebantur pauci, pars strictis mucronibus, pars intentis hastis, pecora praecedebant: reliqui, agentes praedam, greges atque armenta subsequebantur. Hostes, qui peditatu superiores se fore putaverant, tantam peditum multitudinem conspicati, non ausi sunt in pugnam descendere. Sed, BRACHIO in superiorem evadente viam, illi in suprema collis iuga se collegerunt. Iam milites conscenderant equos, cum hostes equitatu pro peditatu usum BRACHIVM cognoverunt, tum se, tum fortunam accusare,



quod graves atque impeditos armis leviter armati fatigare, opprimereque subiecta atque angusta in valle potuissent. In reliquo autem itinere secuti a tergo saepe praedam eripere, & cum loci opportunitas affuisset, manus conferere, tentaverunt. At BRACHIVS, qui omnia, quae evenire possent, eventura cogitaverat, aptaque insidiis notaverat loca, equitatum omnem in geminam partium aciem, medium recipere praedam iubet: peditatum non longo intervallo ad occupanda gradatim loca praemittebat: hostibus plerumque a tergo adorientibus, leviter fiebant certamina, cum nec illi BRACHIO impetum expectare, nec BRACHIVS praedam relinquere statuisset. Militibus in castra reductis, praedam virum distribuit. Singulis militibus dena circiter contigerant pecora. Postero die, illis unoquoque sua pecora pascentibus, dixisse per iocum fertur: secum quidem actum esse praeclare, qui ex militibus pastores effecisset. His rebus a BRACHIO gestis, Perusinis, qui paulo ante quieturi sub Regis tutela videbantur, nova sollicitudo est injecta, quippe insensis ceteris finitimis, quod incognitum & externum secuti Regem, bellum ipsi suae genti vel intulissent, vel illatum comineatu, frumento, armis, adiuvisent, solliciti, ne reliqua Hetruria, ob recentem offensionem, facta cum BRACHIO societate, magnum aliquod & periculosum bellum excitaret, exercitum, quan-

Perusinorum  
sollicitudo.

quantum maximum possent, conducendum, & praefidia per omnia castella disponenda, curaverunt, maxime qua arcendi & excursionibus hostes prohibendi erant. Inter haec  
**BRACHIVS**, a Pontifice accersitus, omnibus relictis copiis, iisque Iacobo Archiepiscopo, magnae inter optimates autoritatis, atque ex illustri familia viro, praefecto, Bononiam proficiscitur. Iacobus, post multa praeclara facinora, a Tartalia, quem Perusini Mariano oppido praefidii causa imposuerant, captus atque in vincula coniectus est. Igitur exercitus, & imperatore absente, & rectore capto spoliatus, cum intra moenia se contineret, Gulielmus Mecha, accusata timiditate, animisque militum accensis, Collazonium, asperum situ & montosum oppidum, oppugnare adortus est. Prodit per quandam arce, captum statim reliquum oppidum, diripiendum militibus est datum. **BRACHIVS**, non multis post diebus Bononia reversus, adscito sibi Sfortia, bellicosissimo viro, Torlianum, Perusinorum oppidum, non procul ab urbe passuum millia quinque situm, capere cupiebat. Igitur milites ad se vocatos, primum magnam vim scalarum cogere, deinde corpora ante noctem curare, nocte incipiente itineri paratos esse, iubet. Deinde, postquam eundi tempus visum, milites levi armatura scalis oneratos, incertos, quo profecturi, aut quid molituri essent, nocturnum iter ingressus, sequi se iubet: pau-

Brachius Bononiam proficiscitur.

Eius exercitus Collazonum expugnat.

Descriptio  
Perusiae.

clam, ingressu atque aspectu urbis abstinere nequivisse, suburbanaque ingressum aedificia, magnam asperrimamque gessisse pugnam. Sed, quoniam res admonuit, ut de suburbanis dicerem, pauca de situ eius urbis dicenda constitui. Perusia, nisi quod Tyberim flumen ad orientem relinquit, media inter Hetruriae atque Umbriae fines, editissimis in collibus proiecta vaste magis, quam sita, est. Urbis ambitus paulo eminentior, & veluti cellam in arcem exurgens, vetustissimo & quadratis lapidibus erecto cingitur muro. Ad eius inuri radices, quinque in longitudinem porrecta suburbia exoriantur: tria paulo longiora, recto planoque iacent tractu: duo sub ipsum urbis caput, ad Occidentem & Septentrionem paulum recurve excurrentia: tertium in meridiem vergens, pari longitudine, in urbis veluti caudam extenditur: reliqua duo, angustiora contractioraque ceteris, per collium pendencia iuga descendunt. Univerfa deinde perpetuus ac latior concludit murus. Igitur urbs in medio atque in edito sita, prospectus habet omnem in partem late pulcherrimos, &, nisi quod altitudine praestat, suburbia veluti stella, minores maioresve radios, circumfundit. Tria, quae diximus, ut planiora porrectioraque reliquis, ita maiora celebratioraque sunt, angustioraque reliqua contractioraque magis, veluti minores radii ab urbis gremio recesserunt. Quinque sub-

suburbiiis quinque magnifice erectae portae, totidemque extra portas opera strucliffimi fontes adpiciuntur. Urbem leni clivo pendentes excipiunt colles, hinc vineta olivetaque dorsis late confita, cum ipsis collibus delabuntur: mira omnium rerum fertilitas, nec minor facies atque amoenitas. Haec omnia paulatim ad Orientem & Meridiem in amoenissimam desinunt planitiem. Eam quoque Tyberis fluvius mediam praeterlabitur, qui alveo lato magis, quam alto, perpetuis ad Chiasium usque transit vadis, inde maiores incipiens moliri undas, altioreque fluens gurgite, rara praestat & profunda vada. Nihil hac ipsa Tyberis ora felicius, nihil proximis a planitie surgentibus clivis laetius. Qua enim parte Perusia ad Meridiem spectat, perpetui quidem illi, sed non multum editi, stant colles. Eorum collum magna fertilitatis cum amoenitate certatio: quippe duodecim millia passuum (tantum enim se porrigunt) duodecim castella, pari intervallo distantia, recto per iuga visuntur tractu, quae in laevam lenissimo descensu, nec dissimili cultu, ad Thrasimenum Occidentem versus proferuntur, tanta soli aequabilitate, ut, colles sint, an campi, non facile dignoscas. Thrasimeni ora nulla beatior, veluti ubi multum terrae peragraveris, in maritimam plagam tepentiorē amoenioremque desinatur. Igitur, qui benignius sentiunt, agrum Perusinum totius

Italiae censent cultu & amoenitate pulcherrimum: qui vero patriae suae studio quidquam detrahunt, hoc affirmant, nullam montanam Italiae regionem huic esse, neque adpectu, neque ubertate, comparandam. Sed, qua inter Septentrionem & Occidentem vergit, loca sunt paulo vastiora, quibus rata, & ea ipsa aspera atque montosa, prominent castella, ut nec lignandi quidem pabulandique copia desit. Sed iam ad BRACHIVM redeamus, qui, cum ad constitutum venisset locum, magnamque partem noctis in occulto confedisset, ubi vigilias civium in armis agi, & urbem, diligentius munitam, strepitu nocturno resonare, surrectae aures captavere, desperata proditione, vel desiderio patrii soli adspiciendi, vel (quod verisimilius est) belli cupiditate incensus, impetum in meridionale suburbium facit, civitatis portas effringit, immissoque celeriter equitatu, ad interiorem urbis murum pugnando vastandoque pervenit. Cives, partim qui pro stationibus vigilabant, partim ingenti clamore excitati, undique ad arma concurrunt: qui superiore loco pugnantes, hostium equitatum summa vi repellere conabantur, tela saxaque deicientes: mulieres quoque aliae cinerem servidamque aquam suggerebant, aliae fenestris nutu, manu, voce, viros ad pugnam cohortabantur. Inter haec Tartalia, quem ad urbis atque agri defensionem superiore mense conductum ostenderam, cum omni

In quam irrumpit quidem Brachius cum suis;

omni equitatu delatus in hostes, tantum conatum in subiectos milites fecit, ut perturbati statim, atque extra portam repulsi, eius impetum sustinere non possent. Ubi ad portas est ventum, BRACHIO incendente militum animos, & iam manifestam sistente fugam, tum vero acerrime pugnari coepit. Tartaliæ, primo impetu, quam reliqua pugna, ferociorem, intra portas BRACHIANÆ acies compulerunt: quem insecutus est statim omnis equitatus. Erat res admiratione dignissima, inter tot civium millia, nunc fugere, nunc acrius instaurare praelium, nec quemquam nisi armatum gladio hastaque ferire, etsi ingentem telorum ac lapidum vim circumfusa inermium turba in BRACHIANVM militem coniciebat. Dum hæc ab equitatu gererentur, pedes, prædæ magis, quam praelio, intenti, per suburbium late excurrere coeperunt: tum vero ianuas excidere, diripere atque incendere cuncta, videbantur. Iam Tartalia, suis equitibus fatigatis, intra urbis moenia se recipiebat, cum subito ingens armatorum civium multitudo, quibus arma capiendi temporis satis fuerat, confluere undique, & in subiectas turmas facere impetum, coepit. BRACHIVS, ubi nimis augeri hostium copias videt, veritus, ne a multitudine circumventus caperetur, signum receptui dedit, tandiu hostibus incumbens, donec dissipati & præda onusti pedes colligendi sui tempus habere.

Spe vero eius  
expugnandæ  
excidit.

habere potuissent : mox quadrato agmine paulatim praelio excedendo, portas egreditur, praemisso equitatu, ne hostes praecipiti lapsu descendente adorirentur, pediatum omnem obfistere prementibus iubet, qui & concitatus currere, & firmius praerupto iugo consistere possent, & cum opus esset, donec in aequiorem locum equites devenissent, pro equitatu dimicarent. Atque ita, ne urgente quidem hoste, incolumem exercitum reduxit. Dum haec ad Perusiam geruntur, Ludovicus, quem Pisas venisse ostendi, & Pontifex, qui per id tempus Bononiae morabatur, Florentinum in agrum cum omnibus copiis convenerunt. Florentini quoque suum commiserunt exercitum. BRACHIVS, a Pontifice accersitus Hetruriam, cum suis & ipse copiis in Florentinorum fines pervenit, eique statim omnium copiarum summa delata est, Gallorum Italorumque consensu. Tanto coacto exercitu, primum Viterbium, mox, relictis impedimentis, Romam, ad opprimendum Regem proficiscuntur. Cum Viterbium esset perventum, BRACHIVS, statim de suo hospite percontatus, cum magnitudine aeris alieni coniectum in catenas audivisset, primum creditoribus satisfecit, mox vinculis exemptum, secum in exercitu postea habuisse traditur, & liberaliter magnificeque tractasse. Rex interea, omnibus, quaecunque bello usui erant, comparatis, certior de Pontificis adventu

Tum praeficitur maximo Gallorum Italorumque exercitui.

Singulare gratiae mentis specimen.

Rex occupat Janiculum.

tu factus, per Transtiberim ad Ianiculum penetraverat, Ianiculoque occupato, praedidum firmissimum inposuerat: ipse ad arcem Hadriani, quae Pontificis fidem sequebatur, venientes hostes infesto expectabat agmine. Omnem Pontificis exercitum BRACHIVS in frequentia partiverat agmina, unicuique cohorti sua signa, suus dux praeerat: nec tamen universo exercitu, sed uno gradatim agmine, certabatur. Primo congressu duorum exercituum, Galli, qui primum cum suo Rege locum obtinebant, ante omnes praelium susceperunt. Pugnatum est aliquamdiu atrociter, Gallis pro gloria bellicae laudis in hostium ruentibus tela: Neapolitanis, qui sub Rege militabant, nobilitate atque acimulatione praeliantibus: utrique autem, quod de regno certari dicebatur, pro dignitate sui Regis fortiter mori, quam turpiter fugere, malebant. Aderant praelio fortissimi Reges: illi militis, illi imperatoris officium gerere: illi infesto se adspectare lumine, & alter in alterum pertinacius magis, quam fortius tela dirigere, manu quidem dimicare, ac ferro locum sibi in acie facere, voce autem incendere militum animos, atque in suum uterque hostem irritare, adspiciebantur. Nusquam certatum est ardentius, nusquam aetate nostra tot milites praelio desiderati. Galli, pugnae diuturnitate fatigati, enses dimittere, levissimos incutere ictus, paulatimque sudore simul ac labore defi-

Gravissima inter hunc & Brachium pugna.



deficere, cernebantur. Ludovicus quoque, nimii laboris impatiens, cum deficere suos videret, terga vertit. At BRACHIVS, qui subsidiariam cohortem in parato habebat, ubi victum Gallum praelio excedere cognovit, partem copiarum urgenti obiicit Regi. Ipse cum delectissima manu modico intervallo regressus, in angustum atque inflexum penetrat vicum. Interea Neapolitanus, ne a fessis cum integris pugnaretur, recenti producto equitatu, pugnam fortissime instauraverat: & iam subsidiariae quoque cohortes inclinare, perturbarique ordines, coeperant, cum repente BRACHIVS a tergo adortus hostem, tanta in praeliantem Regem concitatione fertur, ut subito statim dissipati ordines, & milites incerti, a fronte, a tergo, se defenderent, nihil nisi de fuga cogitantes, perturbarentur. Tum vero reliquae Pontificis acies, ubi aperta hostium latera prospexere, omnibus simul cohortibus aggrediuntur. Earum adventu hostes, cum iam dudum impetum sustinere non potuissent, fusi fugatique per Ianiculum, in alterum fluminis ripam evaserunt. Praesidia, quae Ianiculo erant relicta, diripiuntur. Haec pugna adeo Regis attrivit animum, ut statim post conflictum munitionem pro pontibus faceret, fossam, latissime productam, vallo atque aggere praecingeret. Quae omnia, una nocte mira cum celeritate confecta, ingenti praesidio firmavit. Postridie eius diei.

diei, cum varia belli consilia agitentur, BRACHIVS, antequam Rex novas acciret copias, tentandam eius munitionis expugnationem censuit: eam si perumperent, facile, Tyberi amne traiecto, Regem reliqua urbe posse depelli. Galli, cum superiore die parum feliciter pugnatum meminissent, quo pristinam belli gloriam vindicarent, primum sibi certamen impetrare: sed patens belli, quam oppugnationum, peritiores, a regis militibus multis cum vulneribus repelluntur. Hos postridie secutus Paulus Ursinus, diu atque acriter nequidquam ad hostium munimenta pugnavit. Eius milites magno impetu reiecti, & a regis sagittariis vulnerati, recesserunt. Tertii diei oppugnatione, Laurentius Cutignolanus, & Rosarii milites, collecta nullo duce manus, aggressi sunt impetu, quam unquam antea, maiore. Sed hi quoque post multa accepta vulnera aut victi, aut fatigati, praelio excesserunt. Sic Maletesta Ariminensis, qui Pontificem erat secutus, sic Sfortia, suo quisque die munitionem frustra oppugnaverunt. Nam & Rex ipse primo pontis aditu obsistebat, & praeter incredibilem multitudinem sagittariorum, machinae varii generis intendebantur. Sexta iam aderat dies, cum reliqui duces nihil profecissent. BRACHIVS, ad quem ultima vel gloriae, vel periculi, restabant discrimina, praeter ceteros bellicarum rerum apparatus, magnam vim aggerum totam noctem

Oppugnatus  
laniculum.

stem

Cohortatur  
Brachius suos  
ad fortiter  
pugnandum.

stem comportari iubet. Prima deinde luce, vocatos ad se milites, nunc magnum illis datam ostendit occasionem, qua totius Italiae milites gloria superarent, meminissent pristinæ virtutis, non dubitare, quin primo, aut ad summum altero impetu, intra hostium munitionem irrumpere, atque intra vallum proflirent: Gallos incitior & insuetudine belli esse reiectos, ceteros duces nimis temere atque incaute suum militem hostium telis obiecis, atque ideo & ipsos esse superatos. Se vero levi expedita manu fossam aggere completurum, lectissimosque milites, & armis munitissimos, contra hostes immisurum. Non diffidere, si militum virtuti, si modo ipsi ducis prudentiæ, confidant: proinde eant in praelium bono felicio auspicio: hunc illum illuxisse diem, in quo si acri fuerint animo, flos atque robur totius Italiae reputentur. Ex brevi periculo perpetuam gloriam parari oportere. Nec segnius hostes, quæ superioribus diebus excussa erant, propugnacula mira cum celeritate refecerant. Putabant enim, quoniam continuis superioribus praeliis nihil hostes profecissent, maximum atque ultimum conatum esse facturos. Vallum altissime munierant, turres & tabulata erexerant, atque hæc omnia solida compleverant terra: saxa, tela, calcem, cinerem, in turres & tabulata convexerant. Tormenta præterea, & omnium generum machinae a fronte oppositæ mi-

minabantur. Hac re animadversa, BRACHIVS, veritus, ne temeritas in periculum verteretur, militem tam diu continuit, donec duae lignae turres impositae atque enixae rotis conficerentur, opportunissimum factu ratus, si pari loco, nec alter altero superior, dimicaret. Turribus confectis, & omnibus rebus atque armamentis importatis, graviter armatis militibus, praelium capere, & in munitionem facere impetum, iubet. Hostes, superiore loco pugnantes, ingentia saxa praecipitabant, tormentis quoque a fronte directis plerique traiciebantur. Virtus militum, quod iniquo loco praelium committeret, in irritum recidebat. Ducis tamen hortatu non prius ab oppugnatione desistere, quam propugnacula quadam ex parte labefacta delicerent. Tum vero, dato signo, qui rotas agebant in munitionem, quanto maximo fieri potuit, clamore atque impetu confertas militibus turres admovent. Hostes, nihil tale cogitantes, quod lapidibus se certaturos existimaverant, eamque ob rem paucas convexerant hastas & tormenta, ad inferiora feriebant, telis atque hastis confodiebantur. Iam ipsis excussi propugnaculis, vix intra vallum se continebant. Tum BRACHIVS leviter armatis militibus imperat, ut fossam mediam inter duas acies compleant aggeribus, atque intra munitionem irrumpant. Brevis fossa aequata solo, BRACHIANI milites in pontem summa vi prosiliunt. Rex ipse

Ianiculumque  
capit.

Insecuta Regis  
fuga.

Quem perse-  
quitur Bra-  
chius.

ipse inter primos pugnabat, sed pontis angustiae, quo minus toto exercitu decerneret, fuere impedimento: vix enim centum aut ad summum ducentos milites capiebant. Pulsus tandem Rex, omnibus deiectis munimentis, & ponte ab hostibus occupato, in interioriorem se recepit urbem, veritusque, ne libero aditu hostes se adorirentur, proxima nocte cum omnibus copiis effugit in regnum. Ea res mirifice BRACHIUM conciliavit Pontifici, cui, vocari ad se iussu, per laetiam dixisse fertur: eius milites brachio, ceteros pede, duce dimicare. Eam ob rem illos pede fugam moliri, suos brachio pugnam facere, consueisse. Placuit deinde, Roma capta, fugientem persequi Regem. Igitur, biduo ad quietem militibus dato, magnis itineribus in Sorianorum fines, quo fugisse Regem audiebant, cum omnibus copiis pervenerunt. Rex, ubi adventare hostem intellexit, sperans, victoria exultantem ad loci iniquitatem adduci posse, aciem ad montis radicem explicavit. BRACHIUS, mira gerendi belli solertia praeditus, cum manus cum hoste conferere, & paulatim de industria in planiciem cedere, coepisset, signum reliquo exercitui dedit, ut inter montem & planitiem ad hostium terga penetrarent. Regii milites duplici malo circumventi, veriti, ne, si terga verterent, a BRACHIO caederentur, sin acris praelio instarent, reliquae hostium copiae a tergo invade-

vaderent. Hoc periculo perterriti, quod Domumque  
propinquum habebant receptum, manifesta <sup>redire, cogit.</sup>

fuga se in oppidum receperunt: paucisque  
post horis, Rex, per averfam egressus portam,  
in intimum regnum concessit. Soram,  
statim expugnatam, milites diripuerunt. Romam  
deinde rediens, BRACHIVS cum Pontifice egit,  
ut, facta sibi potestate abeundi, Torrianum,  
quod eius tenebatur praesidio, petere liceret. Pontifex, ample magnificeque locutus, memorare coepit, quicquid  
<sup>Laus virtutis Brachianae.</sup>

ille pro sua dignitate atque imperio gessisset:  
eius manu atque opera devictum & profligatum Regem,  
recuperatam Romam, attritum paulo ante & pene  
extinctum Romanum imperium restitutum: quod ad se  
pertineret, non immemorem futurum tantarum rerum.  
Bono animo esset, virtutem ac fidem, duo mortalibus  
maxima bona, aditum illi ad amplissima quaeque  
patefacere: acciperet suarum copiarum quantum  
vellet, non se pecuniis, non exercitu, defuturum.  
Inter haec literae BRACHIO redduntur, ut, quam  
maturissime fieri posset, Torrianum contenderet,  
oppidanis, & qui praesidio erant relictis, ad summam  
rei frumentariae egestatem atque inopiam esse  
reductos: segetem omnem ab hostibus esse  
succisam, agros undique incensos, nec portas  
egredi audere, continuas incursiones pati.

His literis acceptis, BRACHIVS, maturandum  
sibi quam ocyssime, constituit, ne ho-

<sup>Huius reditus Torrianum.</sup>

stes munito & finitimo oppido, quod vi capere non possent, fame atque inopia potirentur. Igitur altero die continuis dinturnis nocturnisque itineribus Torsianum pervenit. Quod ubi Perusiae est nuntiatum, perinde quasi inermem hostem essent invasuri, ad arma concurritur. Ciccholinus & Tartalia, qui Perusinatorum copiis praeerant, omnem peditatum equitatumque in expeditionem eduxerunt: hos quinque millia armatorum civium, nullo habito delectu, sed utcumque libido incessebat, secuta traduntur, qui tanta multitudine aut statim profligare BRACHIVM, aut intra oppidum obsidere, statuebant. BRACHIVS, ubi eorum adventum cognovit, simul de numero hostium certior factus, simulato de industria metu, exercitum intra moenia reduxit, ubi parata atque instructa acie frequens agmen componit, & quem primum, quem ultimum, egredi velit, ostendit. Cohortibus per hunc modum ordinatis, primum viginti equites, qui praedium caperent, extra portas emittit. Quos cum adorti hostes circumvenire conarentur, centum statim deinde hastatis, subsidio suis ut eant, imperat: qui uno veluti globo collecti strictique in confertissimos hostes incurrerunt. At Perusinatorum, tanquam de laude & gloria, non de salute & victoria, certaretur, universa agmina in paucos undique temere corruunt. BRACHIANI, dum acerrime se defenderent, hostium ordines diffi-

*Prælium inter Brachianos & Perusinos.*

dissiparunt, qui, paululum secedendo, partim  
 sese capere permittebant, partim veluti de-  
 sperato auxilio simulata trepidatione in di-  
 versa fugiebant. Iam hostes, insequendo &  
 capiendo sparsim fusque, sine modo, sine  
 ordine ferebantur. Tum vero BRACHIVS, Horum clades  
 signo erumpendi dato, universa acie per du-  
 as oppidi partes educta, infestis in hostem  
 telis impetum facit, tanto quidem conatu,  
 ut non oculos illi aut vultum intueri, nedum  
 impetum sustinere, potuerint. Fusi fugatique  
 alii, ex altissima Tyberis ripa se decidentes, ad  
 alteram fluminis oram evadebant: alii in  
 propinqua se recipiebant oppida: nonnulli,  
 dum fugere, armis impediti, non possent,  
 passim ab hostium exercitu capiebantur. Cap-  
 ti sunt equites sexcenti, desiderati \*nulli re-  
 feruntur. Civium, qui arma ferre potue-  
 runt, ingens capta multitudo, qui in vincula  
 coniecti, multis millibus nummum, quibus  
 stipendium militibus datum, se redemerunt.  
 Hac calamitate mirum in modum attriti sunt  
 Perusinorum animi. Per hos dies, Paulus  
 Urfinus & Sfortia, de quibus supra feci  
 mentionem, superiore Romano bello socie-  
 tate facta, ad BRACHIVM venerunt. Con-  
 iunctis castris, exercituque lustrato, inven-  
 ta sunt equitum circiter quatuor millia, pe-  
 ditum numerum perexiguum fuisse, com-  
 perio. Tantis unum in locum coactis co-  
 piis, BRACHIVS, ne tempus otio tereretur,  
 Nonis Augusti, Torsiano, ingenti relicto

\* mille.



Capitur dein-  
ceps Pons Pa-  
rulus,

praesidio, exercitum movit. Ea die amplius, quam duo millia passuum, progressus, inter Tyberim & Bucarellum, nunc dirutum oppidum, posuit castra. Postero deinde die, prima statim luce signo expeditionis dato, per ripam Tyberis, itinere celeriter facto, ad Pontem Patulum contendit. Oppidum ad Occidentem flumine abluitur Tyberi, qua vero in campos liberos ad Orientem exit, latissimo cinctum muro, fossa etiam valloque munitur. Multis aliis de causis eo petiri oppido BRACHIVS cupiebat, maxime tamen omnium, quod pontis aditum ad traiciendum flumen necessarium cognoscebat. Ubi ad locum pervenit, oppidanis improvisis, concitatissimo impetu pluribus simul admotis scalis, (quae consuetudine sua a leviter armatis militibus ferebantur,) oppidum cepit, eademque celeritate, traiecto statim ponte, in superiora & monticulis posita castella percurrit. Plurimis direptis atque incensis villis, & praeda, quanta nunquam antea, abacta, illo ipso impetu & celeritate, ad civitatis portas se ostendit. Hac de re tantus civium animos invasit pavor, ut cum superiore calamitate, tum hac subita incurfione, perterriti, nemo arma capere, aut urbem exire, ausus sit. Quarta die post captum Pontem, inferiorem agrum, qua Tyberis interfluebat, cum leviter armatis militibus depopulatus, Praetulam, quae in fluminis ripa sita est, directam milites incenderunt.

Praetula,

Plu-

Plures eo die molae frumentariae. effractae atque disiectae. Ceterum, quod cives pecora atque armenta subdlexerant, parum praedae est actum. Villae atque aedificia passim igni ferroque vastata. Paucis post diebus, ad superiorem fluminis oram castris permotis, multa castella sua sponte venere in potestatem. Petramelina, magnum & munitum oppidum, ut expugnata atque direpta est, Paulus Urfinus, cum proximum quoddam castellum oppugnaretur, telo per alterum oculum traiecto, confoditur. Ea de re statim est ab oppugnatione cessatum. His rebus in Perusino gestis, BRACHIVS, Hinc contendit Brachius in Tudertinum. ad Pontem & reliqua castella duabus cohortibus praesidio relictis, quo liberius copia frumenti & commeatus suppeditari posset, in Tudertinum concessit, commodiorem eum arbitratus excurrendi ac praedandi futurum locum. Nam Perusini, qua parte Tyberis praeterlabitur, pecora intra moenia & munitissima quaeque proximaque urbi castella compulerant. Postridie quam in Tudertinum est accessum, Perusinum agrum ex adverso latere cepit excurrere, sed, qua parte Perusia ad Derutam pertinet, Tyberis, confluite Chiasio atque undas intermiscente, minus frequentia habet vada. Trans-euntibus iter est per pontem, quem novum appellant, nunc quidem totum pene collapsum pontem, tunc vero etiam hominibus habitatum, & arce munitum, oppidum.

Capitur dein-  
ceps Pons Pa-  
tulus,

praesidio, exercitum movit. Ea die amplius, quam duo millia passuum, progressus, inter Tyberim & Bucarellum, nunc dirutum oppidum, posuit castra: Postero deinde die, prima statim luce signo expeditionis dato, per ripam Tyberis, itinere celeriter facto, ad Pontem Patulum contendit. Oppidum ad Occidentem flumine abluitur Tyberi, qua vero in campos liberos ad Orientem exit, latissimo cinchum muro, fossa etiam valloque munitur. Multis aliis de causis eo petiri oppido BRACHIVS cupiebat, maxime tamen omnium, quod pontis aditum ad traiciendum flumen necessarium cognoscebat. Ubi ad locum pervenit, oppidanis improvisis, concitatissimo impetu pluribus simul admotis scalis, (quae consuetudine sua a leviter armatis militibus ferebantur,) oppidum cepit, eademque celeritate, trajecto statim ponte, in superiora & monticulis posita castris percurrit. Plurimis direptis atque incensis villis, & praeda, quanta nunquam antea, abacta, illo ipso impetu & celeritate, ad civitatis portas se ostendit. Hac de re tantus civium animos invasit pavor, ut cum superiore calamitate, tum hac subita incurfione, perterriti, nemo arma capere, aut urbem exire, ausus sit. Quarta die post captum Pontem, inferiorem agrum, qua Tyberis interfluebat, cum leviter armatis militibus depopulatus, Praetulam, quae in fluminis ripa sita est, directam milites incenderunt.

Praetula,

Plu-

Plures eo die molae frumentariae effractae atque disiectae. Ceterum, quod cives pecora atque armenta subduxerant, parum praedae est actum. Villae atque aedificia passim igni ferroque vastata. Paucis post diebus ad superiorem fluminis oram castris permotis, multa castella sua sponte venere in potestatem. Petramelina, magnum & munitum oppidum, ut expugnata atque direpta est, Paulus Ursinus, cum proximum quoddam castellum oppugnaretur, telo per alterum oculum traiecit, confoditur. Ea de re statim est ab oppugnatione cessatum. His rebus in Perusino gestis, BRACHIVS, Hinc contendit Brachius in Tudertinum. ad Pontem & reliqua castella duabus cohortibus praefidio relictis, quo liberius copia frumenti & comeatus suppeditari posset, in Tudertinum concessit, commodiorem eum arbitratus excurrendi ac praedandi futurum locum. Nam Perusini, qua parte Tyberis praeterlabitur, pecora intra moenia & munitissima quaeque proximaque urbi castella compulerant. Postridie quam in Tudertinum est accessum, Perusinum agrum ex adverso latere cepit excurrere, sed, qua parte Perusia ad Derutam pertinet, Tyberis, confluyente Chiafio atque undas intermiscente, minus frequentia habet vada. Transcuntibus iter est per pontem, quem novum appellant, nunc quidem totum pene collapsum pontem, tunc vero etiam hominibus habitatum, & arce munitum, oppidum.

Ibique expu-  
gnat Pontem.

Montis vero  
occupandae  
spe excidit.

BRACHIVS, traiecto per superiora vada  
flumine, Pontem ex utroque latere oppu-  
gnare aggressus, duabus continuis horis  
praelio consumptis, expugnavit. Hac re mi-  
rum in modum elati sunt militum animi,  
quod videbant, etiam si pluvius crevisset flu-  
men, libere iam in hostium fines excursu-  
ros. Nec multis post diebus agro undique  
vastato, BRACHIVS ad lacum Thrasime-  
num cum duobus millibus equitum profi-  
ciscitur. Causa fuit spes potiundi Montis, si-  
tu & natura muniti loci. Oppidum est in  
Thrasimeni littore positum, a quo tribus fe-  
re lateribus abluitur, reliquo latere lato &  
eminenti cingitur muro, tum crebrae per  
eius moenia erectae turres, mediam adspi-  
ciunt & tuentur arcem, undique foris emi-  
nentia alte assurgunt propugnacula. Qui-  
dam ex oppidanis factioni homines, & ipsi,  
dum res optimatum stetit, domi potentes,  
prodendi oppidi consilio habito, BRACHIVM  
in suos fines vocaverunt. Thrasime-  
nus, duabus pulcherrimis & cultissimis in-  
teriectis insulis, tertia deserta adornatur. Ea-  
rum incolae, ut ceteri, qui extrema inco-  
lunt littora, multis variisque navigiis utun-  
tur. Aliquo exorto bello, navigia omnia  
in insulas subducunt. Quod eo faciunt con-  
silio, ut & ipsi succurrere finitimis queant,  
& si quod forte oppidum hostes capiant, na-  
vigandi ad insulas facultas eripiatur. Igitur,  
cognito BRACHII adventu, ingens acco-  
larum

larum multitudo ad oppidum Montem lacu terraque confluit. Quocirca, qui oppidum statuerant prodere, perterriti multitudine, signum non dedere. BRACHIVS, cum multis horis non longe ab oppido confedisset, ubi rem minime procedere intellexit, omni vastato agro, re infecta reduxit exercitum. Nec multum procul inde Castilionum & Monticellum, duo exigua oppida, modico impetu expugnata, diripiuntur. Praesidio relictis ducenti pedites, qui finitimum agrum vexarent. Aliquot post diebus ex omni parte infestatus hostem, oppidum Casilinum oppugnare aggressus, iam vallum atque pontem transfilerat, iam undique scalis muro admotis, milites hostium compleverant moenia, cum ex adverso excussa bombardae Gulielmum Mecham altero crure corripuit. Casu tanti viri non tam ab oppugnatione destitit milites, quam manifestam dimisere victoriam. Ille, exceptus a suis, pridie Calendas Septembres moritur, vir manu strenuus, & suo duci fide atque consilio inprimis carus. Huius mortem BRACHIVM molestissime tulisse ferunt. Nam, citra dignitatem & magnitudinem animi, temperare lachrynis nequivisse, & magnificentius, quam opus esset, iussisse sepeliri, mortuum etiam, in castris pro concione laudatum, non minus sibi, quam omnibus militibus, excussisse lachrymarum: multisque diebus incessisse squalidum,

Interea tamen  
Castilionum  
& Monticellum  
capit.

Casilinum  
quidem oppugnat.

Sed casu Gulielmi  
Mechae re infecta inde  
recedit.

Perusinorum  
apparatus bel-  
licus.

& illum in coena, illum in sermone, appella-  
re auditum. Sed, ubi videt dolorem atque  
incommodum nihil aliud, quam incommo-  
dum, adiicere, accusata hominum fragilitate,  
& instabilitate fortunae, animum ad bellum  
convertit. Interea Perusini, tanta belli mo-  
le oppressi, proximis castellis partim ex-  
pugnatis ac directis, partim, vastato incen-  
sioque agro, bellum sustinere nequeuntibus,  
ultimum conatum ad excutiendum hostem  
facere decreverunt. Plurimis ad conducen-  
dum per omnem Italiam exercitum cum  
pecunia dimissis, domi ingentes apparatus,  
machinas, arma, tela, faciebant. Castella,  
quae nondum in hostium venissent potesta-  
tem omnia, praesidio, & frumento munie-  
bant: quae defendi moenium imbecillitate  
non possent, ipsi incendebant. Agri finiti-  
mi, hostibus ne pabula suppeditare possent,  
ferro atque igni vastabantur. Denique, qua-  
cunque hostes aditum sibi armis facturi,  
quacunque agrum depopulaturi viderentur,  
quae in urbem subduci non poterant, omnia  
corrumpabant: saevire in se ipsos crederes,  
cum universum populum, pari consensu, sua  
quemque praeda exurere, incendere, aedificia  
demoliri, villas casaque, videres. **BRACHIVS** per vastatum & exinanitum a-  
grum iter sibi ad interiora proximaque  
urbi armis facere, pecoris, quod fuerat reli-  
quum, in praedam agere. Iam Perusiae  
magnae copiae convenerant, ut obsistere ho-

hosti, & bellum non modo propulsare, sed etiam inferre, posse viderentur. Albericus Babianus, sub quo BRACHIVS aliquot ante annos militaverat, equitum duxerat duomillia & quingentos, Comes Carrariae quingentos, Ciccholinus sexcentos. Tantis coactis copiis, coniunctoque trium ducum exercitu, milites, qui in hybernis passim per arva morabantur, plerique Fractulae ad BRACHIVM convenere. Hostes, ne frustra tantum exercitum coegisse viderentur, simul ne paulatim copiae deficerent, Fractulam obsidere statuerunt. Itaque, eo ducto exercitu, non procul ab oppido stationes & castra muniebant. At BRACHIVS, veritus, ne, si hostes munimenta perficerent, prohiberi commeatibus, & cum vellet, exitu intercludi posset, repente capere arma milites iubet, ordinibusque intra moenia dispositis, quadrato agmine, & veluti uno globos confertis, sibi instantibus, cohortibus, aliquot leviter armatos, qui fugam simulant, ex inferiore porta dimittit, ordine quam longissimo, veluti copiae omnes ex oppido demigrarent. Hostes, qui superiorem occupaverant locum, dimissis munimentis, in fugientem militem dissipantur. Ille, ad inferiora de industria tendens, spem capiendi sui faciebat. Haec cum essent BRACHIO cognita, per superiorem portam educto agmine, vacua praesidio ac prope derelicta hostium castra nullo cepit negotio: du-

Fractula ob-  
sidentur.

cea



Statim vero  
a Brachio li-  
beratur.

Pugna cum  
Querqueten-  
sibus.

ces deinde persecutus, quod in editum eva-  
ferant locum, profligare non potuit. Illi,  
soluta obsidione, omnibusque amissis impe-  
dimentis, in proxima se castralla receperunt.  
Postridie, reliquis copiis, quae superiori prae-  
lio non interfuerant, ex hybernis deductis,  
BRACHIVS in hostium fines contendit,  
sperans, duces ipsos, multitudine fretos,  
praebita facultate pugnandi, ad praelium  
esse venturos: tum, quo magis hostium ir-  
ritaret animos, per ipsas oppidorum portas  
transitum faciebat, occurrente nemine. Mar-  
sianum eodem die profectus, quod de pro-  
dendo agebatur, non procul a moenibus in  
ripa fluminis confedit. Sed, signo diu ne-  
quidquam expectato, ratus, rem detectam,  
per Collinam, frequentibus castellis cultissi-  
mam regionem, Querquetum pervenit. Ma-  
gna hic hostium convenerat manus ad op-  
pidum defendendum, & praeter innumeros  
pedites, & eos, qui confluerant, Comes Car-  
rariae cum aliquot cohortibus delectorum  
equitum eius loci praesidio erat impositus.  
BRACHIVS quadrato agmine ante oppi-  
di portas transitum fecit. Ille, parata atque  
instructa acie, eduxit quidem extra portam  
exercitum, sed pugnam magnifice detre-  
ctans, suos inunito & sublimi loco, nec mul-  
tum procul a moenibus, continebat. BRA-  
CHIVS, ubi videt, metu laborare hostem,  
levis armaturae milites geminas dimittit in  
partes: alteros, ut in oppidanorum oculis sub-

subiectum depopularentur agrum, alteros, ut intra hostium frequentem aciem tela conicerent. Ipse cum delectis equitibus, denso & glomerato agmine paratus subsidio, intentis hastis expectabat. Tum Comes, metu dissimulato, signum dat extra munimenta profiliendi, ratus, id quod erat futurum, BRACHIANVM militem, dimissa populatione, ad praelium recursurum. Interea oppidanos, qui in agros pabulatum lignatumque exierant, colligendi sui facultatem habituros. Hic, praelio a paucis leviter commisso, BRACHIVS, paulatim loco cedens, patentes in campos eliciebat hostem; qui, quamquam suorum confidebat virtuti, non tamen iniquo loco pugnam committendam putabat. Ubi in campos est ventum, aciem, paulo ante, ne hosti terrori esset, confertam, quantum opus visum est, explicavit, atque, magno facto in hostem impetu, ordinibusque late perturbatis, mira celeritate convertit in fugam. Capti praeter agrestes, quos laevis armaturae milites interceperant, equites octoginta, ceteri, quod proximum erat, in oppidum refugerunt. Hac celeritate non intermissa, BRACHIVS per proxima quaeque castella excurrens, ad urbis usque portas progressus, praeda, quanta nunquam antea, coacta, Fractulam exercitum reduxit. Haec uno die, uno cursu, gesta sunt omnia, ut, si iter, si praelia, si intervalla, consideres, ultra humanam vim putes,

mil-

Maxima praeda coacta.

Montonum  
vult per pro-  
ditionem ca-  
pere.

millia passuum circiter quadraginta decursa, Marsiani confessum in infidiis, Querqueti cum victoria pugnatum, ventum ad portam urbis, praedam maiorem, quam superioribus bellis, peractam, exercitum cum praeda reductum. Haec omnia uno die geri potuisse, vix ipse credo, qui scribo, et si omnia certa a nobis explorataque scribuntur. His rebus in Perusino gestis, cogitare coepit, si quo pacto Montonum recuperare posset, paternum atque avitum oppidum: sed, quod erat natura atque opera egregie munitum, ut vi expugnari non posset, agere cum oppidanis coepit, qui ei plurimum afficiebantur. De tradenda arce dictum tempus, dicta dies est. Qua die proditio convenerat, in agrum Montonensem cum omnibus copiis sub occasum solis profectus, tota nocte militem in armis habuit. Fertur, paterna in sylva consedisse exercitum, sed, militibus ignes nimium late facientibus, reliqui oppidani, cognito hostis adventu, vigilias duplicavere: custodes arcis plerique inutati: excubiae circum moenia tota nocte in armis habitae. Re per hunc modum patefacta, milites sylvam omnem, & pastoria quaedam tuguria, latissimo incendio vastavere. Quos cum BRACHIVS per iocum increparet, quod in se bellum convertissent, paterno vastato praedio; respondisse nonnullos ferunt: immo vero tu tibi inferebas bellum, cum tuis hostibus belli alimenta praeberes. Omni-

Omnibus deinde populatis finitiinis locis, d ripam fluminis Tyberis castra promovere, nec procul ab oppido Fracta, quod Perusinorum praesidio tenebatur, agere praelara, coeperunt. Oppidani, nihil hostile metuentes, in agros pecora deduxerant, passumque toto agro suis intenti studiis aratores adspiciebantur. Ingens pecorum atque agrifolium captus numerus. Ciccholinum, qui Fractae praesidii causa morabatur, milites ad pugnam concitavere: sed primo impetu repulsus, aliquot amissis equis, in editum & oppido finitimum collem effusissima fuga se recepit. BRACHIVS, omni fluminis ora vexata, ad Pontem Patulum exercitum perduxit. Inter haec Ciccholinus, ex proximis castellis accito milite, Perusiam primum, deinde, ut hostem anteverteret, Brufam, contendit, iniquo loco hostem invasurus, hostem, sperans, inter fluminis montiumque angustias, aut oppressurum transeuntem exercitum, aut, si id non posset, praedam erepturum, aut, si ne id quidem daretur, incursionibus atque reliqui agri vastatione prohibiturum. Nec BRACHIO quidem consilium defuit. Composito enim procedens agmine, praedam omnem in medio collocaverat: tum, ubi ad angustias est ventum, leviter armatos milites ad occupandum supremum montis iugum praemitit. Qua re cognita, hostes, veriti ne de superiore loco inviderentur, non solum absti-

Proditione  
 vero detecta,  
 totam regio-  
 nem vastat.

abstinuere praelio, sed etiam loco excedentes, liberum iter militibus reliquerunt. Sed angustias celeriter praetergressi, proximisque Brusae collibus occupatis, superiores a latere praedam atque hostem insequabantur, tam modico intervallo, ut duorum agminum sese ad praelium irritantum verba exaudirentur, telaque utrinque conicerentur.

Quae res BRACHIANVM militem, ne latius praedari posset, in ordine continuit, hoste nec facultatem pugnandi, nec excurrendi potestatem, faciente. BRACHIVS, continuo itinere per medium hostilem agrum facto, ad oppidum Fractulam cum exercitu incolumi revertitur. Illic laudatis pro concione militibus praedam distribuit: continuos deinde complures dies excursionibus factis, locupletatum assidua praeda militem ad sua quemque hyberna dimisit. Perusini, ex omnibus partibus infestante hoste, iam non solum ad bellum acrius sentire, sed manifesta premi obsidione, videbantur: quippe superiorem agrum, vergentem ad Septentrionem, asperum & montosum, qui ad Pontem Patulum praefidio

• *populabantur.*

erant relictī, late • *populabantur*, inferiorem, qui Torsiano praerant, quique Fractulae, diripiebant. Qua vero pertinet ad Occidentem solem, Castilium & Monticellum, superioribus diebus expugnata, finitimos durissime laceſcebant. Parva quidem illa oppida, sed libero patentia tractu, & pedi-

ditum praesidio egregie munita. Cum igitur tantis undique excursionum quasi stimulis vexarentur, non portas egredi, non suburbanos agros visere audebant: omnia pavore atque metu haesitantia. Urbs magna, munita, populosa, semper noctu, nonnunquam interdiu, portas claudere, totas noctes vigiliae in armis fieri, plerumque incerti tumultus citari, concurrere undique in forum cum armis. Urgebat praeterea inimica plebi fames, quam exusti agri, succisa frumenta, maiorem in dies acerbio remque promittebant, & quo minus aderat spei, hoc plus formidinis invadebat: murmura erant varia Reipublicae miseriam deplorantium, cives inter se diversa sentire, principes qui erant civitatis, reliquo populo non satisfacere, ipsis frumentum abunde esse, ceteros, quorum maior esset numerus, egere, aut carnis sanguine constare: a paucis de industria trahi bellum, qui pacem possent vel pecunia, vel aliqua pacis conditione, redimere. Conductum exercitum magis augere famem, quam agrum defendere, quas non villas incensas, quae castella, quos agros non ab hostibus esse direptos dicere. Duces omnes esse superatos, seque in oppidis timidius, quam ipsos oppidanos, continere, eosque ipsos rapinis intolerabiliores, quam hostes, esse. Illos aperte gerere bellum, ut caveri posset, hos, quo nihil esset remedii, clam furtis latrocinisque vexare, & se magis, quam hostes, la-

H

cesse-

Perusinorum  
terror atque  
querelae.

Turbæ Ca-  
mercinæ.

cessere, tum non modo pecunias publici a-  
rarii, sed sanguinem populi, stipendiis exhau-  
stum esse. Haec palam publiceque iacta-  
bantur, & prope erat, ut, nisi alia res avertis-  
set hostem, seditio in civitate fieret. Per  
id tempus Camertes, quibus Berardus im-  
perabat, cum varia inter se agitent  
consilia, magnam domino seditionis suae  
suspicionem iniecerant. Nam illi quoque  
factionibus acerrime laborabant, quorum  
plerique, vel quod servire domino non po-  
terant, vel quod aliis imperare cupiebant,  
eiiciendi Berardi consilium cepisse dice-  
bantur. Quam suspicionem augebant permul-  
ta: iussi venire ad curiam non parebant:  
noctu per forum armati atque inermes, ut  
cuique erat libido, grassabantur. Nocturnos  
coetus, turbulentas conciones facere, deni-  
que omnia insolenter superbeque agitare,  
domini autoritas contemtui habebatur. Ve-  
ritus igitur Berardus, ne qua tumultuosior  
orta seditio, imperium ac civitatem, & for-  
tasse vitam, eriperet, BRACHIVM accivit  
veteri familiaritate officioque devinctum, ut  
est devinctus, qui non referre magis, quam  
accumulare, debet beneficium, quem BRA-  
CHIVS a Ludovicò Firmano, quem a Mar-  
tino Faventino, quem a Fabrianensibus pau-  
lo ante defenderat. Cum omnibus igitur  
copiis profectus in Camertes, ut, si gratia  
sedare non posset seditionem, autores vi ci-  
vita-

ate depelleret: urbem placide amiceque  
gressus est, ac postmodum primum singulos  
ocutus, deinde universos vocatos in con-  
nem, paucis benigne modiceque castiga-

Cuius mihi digna visa est Oratio, quam  
s gestis infererem. Equidem, inquit, vi-  
Camertes, non tam Berardi gratia, quam  
ad Camertes.

iculo permotus vestro, huc veni. Nam  
saepe alias prodesse poteram, vobis, si  
ic defuisset, amplius non poteram. Im-  
ium, ubi est amissum, recuperari potest  
quando.

Ubi civium animos intestinae  
les invasere, perpetuum est malum. Nec  
le sedatur odium, quod per vim atque  
iriam hominum animos inflammavit:  
d in filiosum, illud in nepotum penetrat  
ntes, nec ulla potest extingui vetustate,  
semel gladii vis incubuit: nequidquam  
stas verbis, aut moriendum est tibi, aut,  
d aequum miserum est, civium tuorum  
e vincendum. Utrunque sane calamito-  
& miserabile. Nam pelli civitate, spo-  
i vita, fortunis, liberis, quid hoc tandem  
est esse miserius? Cives autem tuos fer-  
nterimere, quid hoc magis calamitosum  
ne nefarium? Praeterea amicos, affines,  
pinquos, quos, ubi offenderis, metuas, ne-  
est: nec tui erat arbitrii, quos potissi-  
m offendas, diversam factionem secutu-

Et parentes a liberis civili bello saepe  
ntiunt. Atque ideo civile dissidium ce-  
bella inhumanitate vincit, quod non bar-

H 2 bari,



bari, non incogniti aut alieni virtute atque robore, sed tui propinqui, sed, quod nescio an arctius est vinculum, cives tui erunt offendendi scelere atque iniuria. Praetereo illorum ipsorum umbras, quos occideritis, quae continue versari vobis ante oculos, & magnas in vos concitare furias videbuntur. Quid dicam ultorem Deum, qui cogitato, medium perfecto, scelere, poenas petit. Ille vobis unas aedes, una templa, una sepulchra esse voluit, vos vestros cives suis in domibus quiescere non sinetis? Ruitis in factiones, perpetuum & perniciosum, etiam validis urbibus, malum. Quid agitis, Camertes? vestramne vultis exinanire civitatem? an, quoniam vestrum non capitis, alieno populo moenia complere statuistis? an & hoc quoque non cernitis, graviora esse arboribus aliena poma, quam sua? si, qui eodem coelo nati, iisdem orti progenitoribus, iisdem moribus instructi sunt, ferre non potestis, quo pacto feretis incognitos? Quid existimatis, si factiones & civilia excitaveritis bella, num putatis liberos vestros, num etiam nepotes esse quieturos? Saepe in matris utero latuit, qui paternas iniurias persecutus est. Nunc etiam, cum haec agitis, in matrum visceribus ad inimicitias simulatesque vestras armantur. Sugitur enim atque ebitur cum ipso lacte civile odium &, ubi senel est degustatum, sanguine atque caedibus satiari nunquam potest. Turpe est, praedia

dia quidem liberis vestris thesaurosque relin-  
quere, quos amittere illi varia fortuna  
possint: odius autem & inimicitis, quae de-  
poni non possint, vacuos non relinquere.  
Ponite vobis ante oculos civilis belli incom-  
moda, caedes civium, electiones liberorum;  
domorum incendia, spoliaciones agrorum,  
opum fortunarumque direptiones, nocturnos  
diurnosque tumultus: tot metus, tot peri-  
cula, tantas & tam continuas clades, cuncta  
libidine, nulla legibus moderanda. Haec  
etiam ei possunt displicere, qui fecerit, & ta-  
men in incerto est, cui belli fortuna attri-  
bit, quae, etiam si secundam se ostendat, non  
poterit esse diuturna: veluti concussa do-  
mus, cuius altera pars prior labefactata con-  
cidit, altera diutius constare non potest: ni-  
si quod altius cadunt urbes, quam domus.  
Maiores mei civitate fuere eieci, & me quo-  
que eadem fortuna vexavit, quid facere pu-  
tatis illos ipsos, quorum nos maiores eiece-  
runt? Non somnum, non quietem capere  
possunt, accusant parentes atque avos suos,  
qui ad haec se discrimina periculaque genti-  
erunt: & quae ipsi non conceperunt, odia  
atque inimicitias, ea nunc alere inviti exer-  
cereque coguntur: qui si etiam dormirent,  
si quiescerent, si nihil timerent periculi, hu-  
manius tamen putarent, nos domi esse, quam  
foris. Sed quid haec commemoro? Ego  
multos annos continuum bellum gero, ut  
cives mei domi esse possint: vos vestros

sua, & vos ipsos vestra tentatis euicere. Non haec agimus, dicetis. Ego quoque scio, vos ista non agere. Habent enim summa mala, leuia atque infirma, nonnunquam etiam honesta principia: & parvae radices in magnas arbores paulatim excreverunt. Nondum eo ventum est, at serpit occulte hoc malum, & ubi semel mentem invasit, recidi nullo modo potest: profert sese latius, & cuncta civitatis viscera pervagatur. Nunc enitendum est vobis extirpare nondum corroboratam pestem, nequidquam paulo post, ubi omnium animos occupaverit, extirpaturi. Nam quid per Deum immortalem vobis habetis, quid quaeritis, nisi vestra vos nimia bona corrumpant? Civitatem habetis inprimis opulentam, dominium iustum, clementem, magnificum, liberalem. Quid ab illo concupistis unquam, quod non statim impetraveritis? Sed haec omnia perinde sunt, ut quisque utitur. Nam, ubi neque tuis rebus contentus sis, neque ei pareas, cui leges parere te iubeant, quid tandem remedium erit, Camertes? Copia in fastidium vobis, liberalitas in contemptum versa est, nec iustitiam in vobis pati vultis, nec eadem in aliis carere potestis. Omnium malorum origo vestra simulas est, quam nisi hodie deposueritis, vereor, ne mihi quoque dolendum sit, qui iam pridem afficio vobis. Superiore bello, quod cum Ariminensium Duce gessistis, quod opem ferre potui, nihil equi-

quidem cessavi: implorantibus vobis auxilium, domestico intermisso bello, cum omni exercitu praesto fui: hostem vestrum aut vici, aut fugavi. Satis mihi tunc quieti esse videmini: otio corruptis, & in factionem euntibus, vereor, ne opem ferre non possim: veluti intemperanti aegro nulla possunt medicamenta conferre. Quam enim in urbe civium studia voluntatesque dissentiant, eam nulla arma, nulla moenia, tuebuntur. Dicerem, hoc mihi fatis futurum solatii, quod, quoties de calamitate vestra cogitarem, toties huc me venisse, praemonuisse, futura haec vobis dixisse, recorderer. Magnum etiam in parente, nedum in amico, solatium. Sed propensior est animus meus in civitatem vestram, quam ab hostium prope manibus eripui, eam a domesticis factionibus defendere, utinam sic possim, ut cupio. Cum vestra moenia, cum vos ipsos intuerer, videbam, nonnulla beneficiorum mei extare vestigia: cum vero, muliercularum more de domestica venustate contendere vos, audirem, interponendam putavi & gratiam, & auctoritatem meam, ne priora beneficia vestra internectione deleerentur. Si quid unquam egi pro vobis fortiter, viri Camertes, si hostem vestrum iam vobis ad portas imminentem a cervicibus vestris repuli, si, quae illi oppida expugnaverant, ea ego in fidem vestram potestatemque revocavi, oro vos, obtestorque, ut ista odia, similitudines, dissidia, si non

Horum Re-  
sponſio.

ſaluti veſtrae, meae ſaltem gratiae, condone-  
tis: ut, quos ego ab hoſtili ſervitute liberavi,  
gloriari poſſim a domeſtica caede inteſtino-  
que diſſidio deſendiſſe. Haec cum dixiſſet,  
ingens populi ſecutus eſt clamor, illum ami-  
cum, illum dominum, illum civitatis paren-  
tem eſſe: ſe vero indignos eſſe, quos ipſe  
cum olim bello, tum nunc etiam in pace  
ſervaveſſet. Iam eo ſuperbiae ventum a pau-  
cis, ut nullum ſui modum rationemque ha-  
berent, & domino aequari velle, quos mul-  
ti civium dignitate anteirent: ceterum da-  
ret veniam omnibus, ſperare nunquam poſſe  
hac in eam deſipientiam redituros: compo-  
neret rem, dominum civibus, cives domino  
reconciliaret: ſperare, hunc diem civitati  
populoque Camerti felicem fauſtumque fu-  
turum. Multis admixtae verbis lachrymae  
proſuebant. BRACHIUS, utendum oc-  
caſione ratus, dum civium animi recenti  
perſuaſione tenerentur, totum triduum com-  
moratus, omnes privatas publicasque con-  
tentiones ſuſtulit. Erat in BRACHIO non  
ſicta & ſimulata calliditas orationis, ſed gra-  
vis nudaque in dicendo ſuavitas: non arte,  
ſed natura, non nihil etiam induſtria, com-  
parata. Nemo iratos hominum animos re-  
miſſius demulcere, nemo hortari vehemen-  
tius, ardentiusque excitare: in milites blan-  
dus, nec tamen rigidus aut triſtis in ceteros.  
Admixta praeterea ingens quaedam cum bel-  
lica ſeveritate civilis atque urbana modeſtia,  
ut

ut non magis belli militiaeque versatus esse, quam domi egisse aetatem, videretur. His Continuae Brachianorum excursions. rebus Camerini confectis, ad oppidum Fractulam revertitur, productoque, ut erat, in aciem exercitu, novas excursions quotidie facere, hostes, qui eius discessu respirasse aliquantulum putabantur, multo acrius atque infestius, quam antea, vexare, ne unus quidem, aut ad summum alter, praeterire dies, quo non ille ad urbis sese portas cum praeda, cum exercitu, ostentaret. Cum ad Fractulam stativae haberentur, BRACHIO Gualdum occupatum. nuntiatum est, Gualdum, quod vocant Catinae, opulentum ac munitum Ciccholini oppidum, seditionem fecisse. Repente igitur expeditis cohortibus, Gualdum summa cum celeritate est profectus: captoque subita atque improvisa oppugnatione oppido, equites quinquaginta, qui praesidio erant relictī, praedae militibus dati, oppidum a direptione servatum. Nec multo post, Fulginsium tyranno, quatuor millibus nummum acceptis, traditum. Interea hostes, audita Fractula a Perusinis oppugnata. BRACHII profectio, speculatores ad Fractulam misere: quod ubi nullo teneri praesidio est nuntiatum, parva & expedita manu expugnatum ire statuerunt. Ducenti equites erant, quos Perusini ad Papianum oppidum tuendum reliquerant, quorum ductor, Antonius Neapolitanus, animo, quam ingenio, vastior. Ergo pulcherrimum gesturi facinus, ad Fractulae moenia pervenerunt.

Forte BRACHIVS, paulo ante Gualdo reversus, vix equo descenderat, cum, cognito hostium adventu, claudi portas iussit, metum ab oppidanis simulari. Ipse interea, expeditissimo milite in cohortes distributo, agmina levissimae armaturae non procul a porta disponit. Hostes, rati oppidanos metu liberare, iam scalas admoveant muris, turbarique a stationibus oppidanos conabantur.

Hi vero ab oppidanis dissipati pluresque capti.

Tum vero apertis portis, subitaque militum facta magno cum impetu eruptione, hostes ingenti terrore percussi, per oppidi fossas sese praecipites dare, fugere, scalas equosque deserere, sed a leviter armatis militibus plerique invasi, capiuntur. Antonius cum quinquaginta equitibus in proximam Tuderinorum confugit arcem, sed a custode in interiorem turrim non receptus, inter extrema & levi fossa tenuique muro praecincta munimenta se coniecit, robustioribus duntaxat equis in arcem subductis. Hunc cum paucis insecutus BRACHIVS, cetero exercitu paulatim confluyente, totam noctem munimenta oppugnavit, pauloque ante primam lucem, Antonius, desperata salute, hosti se permisit. Custos arcis cum dedere, quos subduxerat, equos recusaret, BRACHII iussu, emissâ clam sagitta traicitur. Quo paulo post mortuo, & turris, & equi, venere in potestatem. Capti ea professione equites quinque & sexaginta. Postero die BRACHIVS, nulla quiete militibus data, Tyberis

Inter quos ipse dux Antonius.

ris

ris pontem, qua iter est ad Afisium, imposi-  
tamque ponti turrin, occupavit, propius iam  
infestaturus haesitantem hostem. Nec enim  
amplius duobus millibus passuum, distabat ab  
urbe. Quatuor deinde intermissis diebus,  
duo parva castella, proxima Torsiano, in si-  
dem recepit. Marianum armata manu  
proficiscenti, oppidani portas statim ape-  
ruere. Haec tanta celeritate conficiebantur,  
ut hostes neque consilium capere, neque, qua  
parte magis tueri se oporteret, scire possent,  
adeo cuncta BRACHII celeritate praeve-  
niebantur. Civitatem interea varii metus  
variaeque formidines agitabant, sive propior,  
sive paulo remotior esset hostis, plus semper  
periculi incumbere, plus detrimenti ca-  
pere querebantur. Itaque, publico inito  
consilio, Legatos, qui significarent, quo in  
statu essent eorum res, quamque in periculo  
versarentur, simulque ut subsidium implo-  
rarent, mittendos ad Regem decreverunt.  
Acres fuere Legatorum querelae: post He-  
truscum bellum, solos fuisse, quos undique  
bella, rapinae, incendiaque, vexassent: finiti-  
mos, quod cum Rege sensissent, infestios esse,  
magnis hostium conatibus eripi imperium,  
nec tam periculosum ipsis, quam Regi turpe,  
esse, suam secutos fidem, suo deditos impe-  
rio, non defendere. BRACHIVM non  
iam agro, quem totum aut subegerat, aut  
vastaverat, sed ipsis urbis moenibus immine-  
re. Quod si cum finitimis de regno aut fi-  
nibus

Legati Peru-  
sinorum ad  
Ladislaum.



Huius auxilium.

Duae inter  
Comitem Car-  
rariae & Bra-  
chium pu-  
gae,

nibus certarent, omnia fuisse passuros, potuissent se urbano tueri praesidio, nunc cum his bellum esse, adversus quos nihil magis, quam cives, extimescerent. Nec de agro & laude bellica, sed de vita sanguineque, dimicari: nec quaeri, ut novo pareant imperio, sed ut omnibus affecti malis, domo & civitate pellantur, ut praebeant iugulum, denique ut perpetuo patria & vita careant. Rex, legatione accepta, quod de inferendo iterum Hetruscis bello consilium teneret, simul ne deseruisse vectigales sociosque videretur, Sfortiam, qui paulo ante sub se stipendium facere coeperat, cum aliquot cohortibus, Perusinis auxilio mittit. Sed ante Sfortiae adventum aliquantum temporis atque belli intercurrit. BRACHIVS, in ditionem accepto Marsiano, commodiorem belli locum nactus, cuncta hosti difficiliora faciebat. Nam fertile ac munitum oppidum, intra primos Perusinarum fines situm, pabulationis frumentationisque magnam copiam suggerebat, & quod praeterlabente abluitur Nestore flumine, late hostibus minabatur. Inter haec Carrariae Comes, quem Querqueti praesidio diximus impositum, ut ipse quoque egregium aliquod moliri facinus videretur, Marsianensium agrum excursurus, quo tutior procederet res, magnam & bene armatam equitum manum, ante oppidi moenia, de tertia vigilia, sub ripa fluminis collocavit, sperans, BRACHIVM, parva manu occursum praedato-

datoribus venturum, casurumque in insidias.  
 Si, reliquis copiis late agrum depopulari iussis, ipse cum paucis rei eventum expectabat, aut subsidio venturus suis, aut palantem effusumque militem a praeda revocaturus. Igitur prima luce agrestes, qui partim pecora agebant, partim colebant agros, cum BRACHII stativis tutos se esse arbitrantur, late diffusi per agrum, ab hostibus invaduntur. Tolluntur undique ad coelum clamores. Nam, hostes ut terrori essent, oppidani ut auxilium accirent, altissimis vocibus conclamabant. BRACHIVS, non temere profectum hostem arbitratus, repente omnibus militibus arma capere iussis, duas cohortes ad occupandum reditum praemittit, ipse cum ceteris copiis in palantes effusissime facit impetum. Qui ad ripam fluminis confederant, BRACHIANIS cohortibus a fronte sese ostenderunt, factoque in eas incurfu, inanus conferere coeperunt. Comes, ubi confertam aciem est conspicatus, ratus, eo praelio BRACHIVM implicitum, de superiore statim occurrens loco, suorum confirmabat animos: sed, interea cohortibus acri animo se defendentibus, milites, qui praedatum ierant, vim BRACHIANORVM ferre nequiverunt, dimissa praeda conversique in fugam, pars capti sunt, pars sese ad Comitum receperunt. Ille, cum incolum exercitu se recipere potuisset, quod BRACHIVM praelio adesse existimabat, sperans, capere eum posse,

posse, ultimum belli discrimen adeundum constituit. BRACHIVS, cognita suorum pugna, partem militum mittit ad occupandum transitum, quo pervenire duae priores cohortes non poterant, ipse cum reliqua parte copiarum suis iam fessis subsidio venit, tanto cursu & clamore, ut hostes, non expectato impetu, statim in fugam converterentur. Fugientibus praemissae cohortes occurrerunt, magnamque ex his numerum confoderunt. Comes, equi pernicitate per medium hostem praetervectus, incognitus evasit. Centum quinquaginta equites capti eo praelio referuntur, inter quos Obetium, Comitum filium, BRACHIVS magnifice donatum, postero die remisit ad patrem. Perusini, qui iam spe regii auxilii animos erexerant, confirmato exercitu, ad defendendam Derutam, simulque ad arcendum hoste exercitum miserunt, oppidum magis situ, sed tamen etiam opera, munitum. Huic proximum erat castellum, Collempum vocant incolae, quod in monte situm BRACHIVS initio belli Perusini ceperat, praesidiumque imposuerat. Comes, in spem potius oppidi adductus, sperans, incognitam profectio- nem suam hosti futuram, cum omni exercitu, ad Collem oppugnandum contendit: quod ubi BRACHIO per exploratores est nuntiatum, Tybri magna cum celeritate transito, Comitem, oppugnationi intentum, a fronte, a tergo, a latere simul adortus, gra-

vi commissa pugna, profligavit. Capti equites  
galeati centum, duo praeterea Comitibus filii,  
Obetius, quem superioribus diebus captum  
dicebamus, & Ardicio, natu grandior, quos  
statim cum muneribus remisit. Post hanc  
pugnam adeo fuere attritae Comitibus copiae,  
ut nunquam amplius eo bello, nisi aliis adsci-  
tis ducibus, in aciem prodierint. Dum haec  
geruntur, Sfortia, Perusinis auxilio missus,  
tertio Calendas Maias in eorum fines perve-  
nit, iunctisque cum ceteris ducibus copiis, ac  
hostium sprete paucitate, Marsianum ob-  
sione cinxerunt. BRACHIVS, veritus, ne Marsianum a  
hostium potentia conterriti, oppidani a se  
se deficerent, omnibus copiis, quae in agro  
Tudertino hyemaverant, ex hybernis dedu-  
ctis, non procul ab oppido posuit castra,  
aut obsidione prohibebatur hostem, aut totis  
viribus belli discrimen aditurus. Ducibus  
inter se dissentientibus, alii praelium ineun-  
dum, alii solvendam obsidionem censebant.  
Inter haec BRACHIVS parata atque instru- & a Brachio  
cta acie, ne hosti pugnandi facultas deficeret, liberatum.  
quam aequissimo loco se ostendit. Duces  
& ipsi composito agmine ad ripam Tyberis  
recesserunt, quos ubi fugam magis, quam  
pugnam, ornare cognovit, quadrato agmine  
a tergo insecutus, paucos ex ultimis cecidit.  
Eodemque servato ordine, cum hostes ad al-  
teram fluminis ripam evasissent, ipse Marsia-  
num cum victore exercitu revertitur. Haec Pax inter  
Pontificem  
& Ladislaum.  
dum ad Perusiam geruntur, post tantas re-  
rum

rum fluctuationes, inter summum Pontificem & Ladislaum Regem confecta tandem pax est, haud sane multum duratura. Haec res Perusinos aliquamdiu quietiores habuit, sublata bella sunt, sublatae offensiones, cum Perusini sub Regis essent imperio, & BRACHIVS Pontificem pacis bellicque autorem sequeretur. Nihil exulibus quidem incommodius accidere potuisset, civibus autem nihil magis in tempore atque utilius evenire. Duces victi, exercitus prosligati, vastatus ager, incensae villae, oppida partim sua sponte dedita, partim vi expugnata: cives publice privatumque pecuniis exinaniti, annonae ingens caritas, ingentior fames, atque ex hoc ipso bello nata dissidia. Haec omnia invaserant civitatem, nisi subita pax intervenisset, paulo post perituram. Per id tempus Pontifex, Romae compositis rebus, Bononian recipiendae urbis gratia proficiscitur. BRACHIVS, sequi Pontificem iussus, Fractulae ceterisque castellis, quantum satis esset praesidii, disposuit. Ad Pontem Patulum Iacobum Archipresbyterum, clarum domi ac militiae virum, praesidio reliquit, cetera oppida sub Berardi, Camertium Tyranni, tutela atque imperio iussit: ipse cum octingentis equitibus, paucisque peditibus, qui praesidiis disponendis superfuerant, Bononiam versus contendit. Ariminenses & Faventini, Camertium bello laceffiti, transitum per suos fines facere prohibuit, quingentos equi-

equites & tria peditum millia, collectam agris & infuetam bello manum, ad iter atque aditus omnes intercludendos, transeunti opposuere: iussos, si arcere aliter non possent, manu belloque decernerent. Ventum erat ad Faventinorum amnem, Canalem accolae vocant, cum ex adversa fluminis parte crebrae militum stationes secundum ripam dispositae videbantur. Post ubi paulum progressum est, pontem quoque inveniunt occupatum. Iam hostes non solum infesta direxerant tela, sed, ad impediendum pontem, ingentem vim trabium tabularumque convexerant. Hic BRACHIANI equites, novo exorto bello, indignabundi, cum impetum facere in pontem vellent, plerique confodiuntur, peditesque, temere invadentes hostem, pars, multis acceptis vulneribus, repelluntur, pars, in ipso ponte iniectis quam latissime catenis interclusi, capiuntur. Andreas Campanus, peditum centurio, cum quinque & viginti militibus ab hoste correptus. BRACHIVS, ubi videt, iniquitatem loci nihil aliud suis, quam cladem, asferre posse, milites a pugna revocavit, eosque, leviter increpatos, docet, nihil praeliantibus incommodius esse, quam in quo loco praeliari. Nocte interveniente, ad proximas villas reduxit exercitum, militibus deinde imperat, ut noctis usi beneficio, alii, quam longissimas possent, trabes roboraque succiderent, alii succisa ad superiorem fluminis

Praelium cum  
Faventinis,

nis ripam comportarent : duo millia passuum procul a ponte ipse cum paucis, ne quid hostes perciperent, longo atque obliquo intervallo segregatus, quasi aliud acturus, quo materiam comportaverunt milites, proficiscitur, latissimoque structo ponte, supra Canalem ex adverso extendi iubet. Mox reversus ad suos, fortissimum quemque praemit tit equitem, qui, ponte occupato, totius militis adventum expectaret. Quos ubi eo pervenisse cognovit, vix prima expectata luce, signum militibus dat, per fluminis ripam incedendi. Hostes, ubi moveri copias, ac sursum tendere, viderunt, ipsi quoque per adversam ripam quadrato agmine insequantur : et BRACHIVS, quod prior in expeditionem moverat exercitum, cum hostes vix medium confecissent iter, flumen cum omni equitatu peditatuque trajecerat : gravissimo commisso praelio, Faventini dedere terga. Haec pugna aliquanto cruentior est habita, quam quibus aetate nostra uti solent. Causam quidem fuisse ferunt militum iram, indignantium, transitu se ad alias terras ne belli quidem tempore esse prohibitos. Ego vero, non parum causae fuisse, arbitror, inermium hostium stolidum conatum. Agrestes erant imperiti militaris rei, quos non virtus bellica, aut animi magnitudo, sed temeraria multitudinis aemulatio, domo ad bellum excivisset. Itaque passim aut inermes, aut ad summum lorcati,

cati, caedebantur, nec tamen, militis iram auxisse caedem, negaverim, quem tradunt agrestium sanguine perfusum, vix inhibente Imperatore contineri a strage potuisse. Cecidere pedites centum quinquaginta, trecenti capti, equites caesi perpauci, capti ducenti referuntur. His rebus ad Faventiam gestis, BRACHIVS magnis itineribus Bononiam contendebat: eunti Michilectus Cognolanus pari equitatu, peditatu multo maiore, processit obviam, animo militis ducisque diripiendi. BRACHIVS, veritus, ne miles re improvisa moveretur, paucis hortatus est, ut pristinae virtutis memnissent, neque hostium magnitudo terreret animos, quorum plerosque imperitos esse rei militaris, magnamque partem ex proximis castellis ad se diripiendos concitatum, plus illam praedae, quam belli importaturam. Pugnarent acri animo, & primum quemque invaderent, percurrerent magna vi in hostium equitatum, non dubitare, pedites primo statim impetu fugituros. Hostis quoque hortabatur suos, ingentem gloriam atque praedam esse paratam, BRACHIANVM militem recenti & diuturno bello locupletatum, praeda onustum esse, facile paucos, itinere defessos, a pluribus integris circumveniri ac vinci posse. Haec & similia, quae utrique duci ad hortandos suos occurrere, dicebantur. Igitur inter Imolam & castellum Bononiense congressi, praellum collatis signis inierunt. Pugnatum est

cumque Michilecto Cognolano.



aliquot continuis horis. Neque enim de controverſia ducum, ſed de militum praeda, communique gloria, certabatur. Tandem, inſtante BRACHIO, & ardentiffime excitante militem, hoſtes ſe in fugam perturbatis ordinibus converterunt. Captus dux, capti equites quadringenti, multum gloriae, nec minus praedae, victoribus attulerunt. BRACHIVS, duplici victoria praedaeque potitus, Bononiam pervenit. Eius adventu Pontifex, quod ſatis iam videretur habere virium, multa de conſtituenda civitate ac confirmandis civium animis agere coepit. Nam ante id tempus factioſos & diuturna licentia corruptos attingere auſus non erat, veritus, ne quid ſeditionis aut tumultus excitaretur, quod futurum neceſſe erat, ubi diuturna licentia ſummam impatientiam peperiffet. BRACHIO urbem ingreſſo, cives magis vereri Pontificem, modeſtiam & aequitatem tueri, denique boni libertatem cognoscere, improbi detrectatum diu ſubire iugum coeperunt. Haec dum ad Bononiam geruntur, Paulus Urſinus, Romanae defectionis autor, cum & ipſe a Rege deſeciſſet, Sfortia & Malateſta ad eum perſequendum miſſis, a Rege ad Roccham Contractam perſugit: receptum in arcem, Regis exercitus obſidebat. Oppidum editiſſimo in monte ſitum, adcenſu perdifficili atque arduo, ab omni erat oppugnatione tutiſſimum, quod ut primum omnium in BRACHII venerat poteſtatem, ita in eius fide quam longiſſi-

Bononia in  
ordinem re-  
ducta.

Roccha Con-  
tracta a Rege  
obſidetur.

gissime mansit. Tres menses obsidio pro-  
 cesserat, oppidani obsessi, longe minus, quam  
 qui obsidebant, defatigati, assiduam imuna-  
 nium saxorum molem deiciebant, quibus  
 praecipiti saltu decurrentibus, plerique ho-  
 stium conterebantur. Nec iam ipsis mon-  
 tis radicibus stationes tute habere poterant,  
 sed, aliquo interiecto spatio, tendere ad  
 multam planitiem tentoria erant coacti.  
 Quippe tum superne devoluta saxa, cum  
 suo decursu, tum praecepti montis asperis  
 praecipitiis, concitata, non statim sillebant  
 impetum, sed, ubi ad planitiem erant delapsa,  
 ingenti per campos saltu rapiebantur. BRA-  
 CHIVS, obsidione audita, succurrendum  
 suis, omni abiecta cunctatione, decrevit, nec  
 invito quidem Pontifice. Igitur, quanto  
 maximo poterat, coacto exercitu, primum  
 ad Cefenae portum procurrit. Hic, omni ex-  
 curso populoque agro, surgentem medio  
 in portu arcem expugnavit, capta Caroli Ma-  
 latestae concubina, quam ille, tyrannicae libi-  
 dinis diverforium, clam uxore in arcem abdu-  
 xerat. Diruta statim atque incensa arce,  
 omnem maritimam oram excurrit: tantum  
 pecorum atque hominum in praedam actum,  
 ut, nisi, qui ea die atque his rebus interfuere,  
 alii crederem nemini. Pro omni praeda octo-  
 ginta millia nummum accepta, pecunia plera-  
 que viritim militibus distributa, reliqua im-  
 peratoris fuit. BRACHIVS magnitudine  
 praedae \* demoratus, Bononiensem in agrum  
 reduxit exercitum.

Cefenae Por-  
 tus a Brachio  
 occupatur.

\* *dictatur.*

IOANNIS ANTONII,  
EPISCOPI APRVTINI,  
DE VITA ET GESTIS AN-  
DREAE BRACHII, PERVSINI,  
ITALICAE MILITIAE IMPERA-  
TORIS OLIM STRENU-  
ISSIMI,

*LIBER TERTIVS.*

*Bellum He-  
truscum.*

*Accusatur Re-  
gis improbi-  
tas.*

**S**ecutum est deinde Hetruscum bellum, primum cum Rege, mox adversus Perusinos, gestum. Sed mihi, eam tempestatem, qualem a patribus accepi, cogitanti, omnia divina atque humana promiscue tunc exercita vexataque videntur. Rex potentissimus, animo vasto magis, quam magno, Italiae cunctae imminabat, nec tam, quid ad sua spectaret iura, quam quid rapere posset, versabat animo. Pontificem sacratissima domo expulerat, ipse nefaria manu Romanum invaserat imperium, Senenses laceraverat, Florentinis totis viribus moverat bellum, Cortonenses fraude subegerat, Perusinos receperat in potestatem, Roma pulsus, victo profligatoque exercitu, ad intima Regni sui refugerat. Facta deinde pace, novos apparatus bellicos moliri, rursus immortalium numinum sedibus inhiare, denique iure atque iniuria cuncta infestatum direptumque venire, nuntiabatur. Ergo novo & maiore com-

comparato exercitu, rupto foedere, contra Dei Optimi Maximi fana simulachraque gesturus bellum, Romam iterum invadit. Urbe sibi atque imperio extorto, non desunt, qui pavisse ad altaria sacrarum aedium equos tradant. Mox Viterbium eodem illo exercitu nefario contendens, civitate est potitus. Sed, ne cum solis numinibus gerere bellum videretur, Fabricium Campanum cum parte copiarum in fines Perusinorum praemittit, eique imperat, ut, quae oppida ad BRACHIVM defecissent, ea in Perusinarum redigeret potestatem. Ille, ut erat imperatum, primum Torsianum expugnare aggressus, oppidanos, praelium non expectantes, recepit in fidem. Proxima deinde castella, pars vi expugnata direptaque sunt, pars situ munitiora sua sponte deditionem fecere. Ultimum restabat omnium longe difficillimum, ut Pontem Patulum, quod validissimo fidissimoque tenebatur praesidio, & praeterea Marianum, reciperet. His captis, nihil fuisset reliquum, quo minus omnem agrum civium imperio subegisset. Igitur, omni ad Pontem traducto exercitu, magnoque civium habito delectu, oppidum obsidere ex utraque ripa fluminis statuerunt. Haec ubi BRACHIO sunt nuntiata, veritus, ne, qui praesidio erant relictis, diuturna obsidione frumentique egestate fatigati, ab hostibus caperentur, tum quod obsideri adhuc Paulum Ursinum intelligebat, Bononia

Qui Pontem  
Patulum ob-  
sidet.

Varia Brachii  
itiner.

discedens, inagnis factis itineribus, pervenit ad Burgum. Nocte sequenti cum parte copiarum profectus ad Montónum, arce per oppidanos prodita, oppidum cepit. Inde suum adventum Paulo significat, & quid uterque facturus sit, ostendit. Dicta dies, dicta hora, qua eruptionem Paulus faceret. Addit, se Eugubium non procul ab illo decem millia passuum profecturum, existimare tamen, hostes, cognito eius adventu, obviam ituros, quod si facerent, nihil ipse amplius post aversum hostem solutamque obsidionem expectaret, sed, data evadendi occasione, in sua castra concederet: sin hostes in obsidione persisterent, se eorum castra invasurum, praeliumque commissurum: ipse superne cum suis impetum in subiectos faceret. Sed, cum hostes, audito BRACHII adventu, obviam profecti, ab obsidione discessissent, Paulus, ut erat monstratum, aspero salutatofoque itinere ad BRACHII castra penetravit. Post iunctas duorum ducum copias, hostibus visum est, novum consilium capiendum, qui, etsi militum numero superiores erant, plus tamen ex virtute aliena terroris, quam ex suorum multitudine animi, capiebant. Eorum exercitus erant duo, alter ad obsidendum Pontem aliquot iam nequidquam triverat menses, alter, quem primum Paulum obsedissee, deinde in BRACHIVM conversum, dicebamus. Sed veriti, ne partitae copiae opprimi ac deleri possent,

sent, ad Pontem altero ducto exercitu, copias & ipsi coniungere. Fuere in hostium exercitu equitum quatuor millia, pedites octingenti. BRACHIVS duo millia equitum paucosque pedites in castris habebat, qui quanto numero erat inferior, tanto militum virtute praestabat: hostium plerique tirones. BRACHIANI veterani omnes: illi ornatu equorum, hi armorum nitore, fulgebant: illos regia purpura, auro atque argento distincta, venerandos, hos ingentes hastae, praeacuta expeditaque tela, formidandos faciebant. Denique illis emolliiti domesticis deliciis, animi ferri aciem expavescebant. BRACHIANIS durata sole ventoque & assueta vulneribus corpora ne ictus quidem gladiatorum formidabant. Hoc milite non dubitabat vel iniquo loco pugnam maiore cum hoste committere. Ille ad nuntium ducis uno momento currere, recipere sese, nunc a fronte invadere hostem, nunc a tergo cedere, perdidicerat, & quo ducis oculi non pervenissent, ipse sibi moderari, servare ordinem, locum aequum iniquumque dignoscere, imperatoris gloriae, quam suae praedae, avidior. Nam illud quoque constat, in militibus deligendis singulari usum diligentia, nec magnos aut proceros, ne, quod dicere solebat, equos nimio fatigaret pondere, sed breves & infra mediocres, robustos tamen ac bonae habitudinis, conducere libentius consueisse, maxime omnium

Variaeque  
excursiones.

quos adversa fronte cicatrices, & deformata plagis ac vulneribus membra insignia, bellicae virtutis notarent. Igitur, hostibus in Pontis obsidione praesentibus, BRACHIVS saepe cum Paulo egisse dicitur, ut incautos improvidosque aggrederentur. Quem cum suam in sententiam flectere non potuisset, Tuderum una profecti, agrum Perusinum, saepe alias vastatum, novo bello diripere vexareque coeperunt. Nec multis post diebus, Paulus ad urbem veterem cum suis copiis est profectus. BRACHIVS in agro Tuderino stativa cum haberet, Castellum Leonis, quod ad hostes paulo ante defecerat, subita vi expugnatum, aniliti diripiendum concessit. Mox deinde, quo propinquiore metu sollicitaret hostem, Marianum, quod in fide permanfisse dicebamus, contendit. Hic novi belli telis veteres Perusinorum cicatrices exulcerari coepit, ager longe populari, oppida pleraque diurna vi, quaedam etiam nocturna fraude, debellari: denique ex omnibus locis praedae agebantur. His rebus perterriti Perusini, soluta Pontis obsidione, ad finitimum hostis agrum exercitum promoverunt, ut vel multi cum paucis aperto dicerent bello, vel ut clam depopulatores (ut fit) interceptos, rapinis excursionibusque prohiberent. Adventu hostium, BRACHIVS, quod eius copias Pauli discessu, plus, quam dimidio, impares videbat, intra oppidum militem continebat, nihil magis, quam

quam apertum fugiens bellum: hostes quoque, nisi quam aequissimo loco, magnifice detrectabant pugnam, quorum nimis cauto metu cognito, paulatim lassare militem coepit, & nunc a laeva, nunc a dextra, per occultos tramites subitas excursiones facere, tanta celeritate nonnunquam, ut intra primas hostium stationes irrumperent, & prius, quam arma capere illi possent, sese incolu-  
 mes cum praeda reciperent. Adventu dein-  
 de hyemis, utrinque ad hyherna subductus exercitus, sed nec hyeme semper quies militibus fuit. Plerumque levia commissa praelia, nonnunquam peditum factae excursiones civitatem sollicitam habuere. Interea Perusini, veriti, ne adventu aestatis hostium copiae augerentur, militem undique conducere, novasque auctiones facere, decreverunt. Paulus Urfinus, magnis promissis sollicitatus a Rege, partem exercitus auxilio his misit, ipse, Regis adventu expectato, saepe BRACHIVM clam aperteve magis, quam hostem, laceſſebat, adeo statim tam praeclarum exciderat beneficium. Dum tot belli apparatus agerentur, profectus in Tudertinos BRACHIVS, militibus novi anni stipendium dedit, non expectato Regis adventu, quem mira fama praecesserat, viginti equitum, octo peditum millia in exercitu habere, tanta mole belli Pontificem invasurum, quanta nuper Hetrusco bello reiectum. Tudertini, qui Pontificis fidem sequebantur, quanquam  
 situ



Tudertum a  
Rege obses-  
sum;

situ & loci natura muniti, tamen, quod civitas est factiosa, BRACHIO cum omni exercitu in urbem recepto, Regis ingentem procellam expectabant, rati, quod erat futurum, maghos illum facturum conatus, ut media inter Romam Perusiamque urbe potiretur. Igitur Rex, adventu suo proximis urbi collibus ac vallibus occupatis, urbem cinxit obsidione, si ferro expugnare non possent, fame domiturus. BRACHIVS, quanquam superiore loco facere potuisset in subiectos impetum, cognita tamen suorum paucitate, primum intra moenia se continebat, mox, crebra facta eruptione, sic infestabat hostem, ut non tam obsidio illa, quam pugna, videretur. Iam & militibus creverant animi, ut nonnunquam, facto impetu, ad Regis usque tentorium penetrarent, & hostes procul ab oppido stationes ponere, ac sese vallo munire, cogerentur: sed multitudine freti, alii excurrerant agrum, alii villas incendebant, alii aedificia suburbana diruebant. Erant, qui vineta oblivetaque succiderent. Quae cum ante civium fierent oculos, unumquemque sua tangebant incommoda: sed, cum proximas urbi plantulas passim arbutis evelli conspicerentur, tunc demum maximo affecti desiderio, consilium dedendae urbis inierunt. Mittuntur ad Regem civitatis principes, qui pacis conditionem deditionisque deferrent. Inprimis Legati postulavere, ut BRACHIO cum omni exercitu, quo vide-  
retur,

retur, abeundi potestas esset. Eam conditionem libenter repudiasset Rex, sed, instantibus Legatis, & regiam fidem ac dextram implorantibus, vix quidem, sed tandem, est recepta. Statim ad urbem recipiendam quingenti pedites missi sunt. BRACHIVS, facta potestate abeundi cum exercitu, ad oppidum Fractulam se contulit. Sed, cum pedites, a Rege missi, civitatem furtis rapinisque vexarent, additaque temeritati licentia, domus alienas clam noctu diriperent, cunctaque more militari libidine ac vi vulgo miscerentur, cives, poenitentia adducti, rursus ad Pontificem defecere, vocatoque ad defendendam urbem BRACHIO, regis deiectis signis, Pontificis vexilla sustulere. Cinguntur ergo nova obsidione Tudertini. Quae die haec acta sunt, Rex, missa suorum manu, aliquot equites BRACHIANOS, qui pabulatum in subiecta prata exierant, ducentos praeterea, qui erant in pabulis, equos corripuit. Proxima nocte BRACHIVS, militibus arma capere iussis, de prima vigilia egressus urbem, tanto impetu hostem invasit, ut munitionem effractis repagnis, deturbatisque statione vigilibus, vallum transiliret. Milites, somno excitati, cum ad arma concurrerent, extra munimenta capti vinctique trahebantur. Quatuor equestri ordinis viri, qui regis praeerant signis, dum ad Regis tabernaculum armati festinarent, capti atque in urbem subducti sunt. BRACHIVS, ubi

hostes,

tandemque  
ipsi dederunt.

A quo Tudertini  
rursus ad Pontificem  
deficiunt.

Nova eorum  
obsessio.

Eruptio Brachii  
mire compensata.

hostes, armandi sui spatium nactos, prodire in aciem videt, veritus, ne multitudine circumventus caperetur, signum receptui dedit. Nihil hac eruptione inter tot gesta magnificentius. Rex ipse, ad urbis portas infecutus, signariorum, suam opem implorantium, audiebat vocem, qui tamen tanto impetu per collium iuga trahebantur, ut, cum Rex ad eos se crederet pervenisse, multo intervallo reclamantes exaudiret. In urbem subductos, spoliare iam coeperat in obscuro miles, mox admoto lumine reverentia retardavit. Vexes erant multo intertextae auro, calcaria quoque aurea pedibus internitebant, loricae galeaeque aureis limbis cristatae adspiciebantur, nec equi quidem humiliter erant adornati: phalerae, sellae, lora, densissimo & ipsa interlucebant auro. BRACHIVS signarios, ad se venire iussos, perbenigne humaneque accepit. Postero die, quos redimere belli iure potuisset, prima statim luce remisit ad Regem. Detracti sunt ea nocte ex hostium stationibus equi septuaginta. Fertur, Regem a signariis saepe de BRACHIO diligentissime percontatum, cuius cum illi mirum in modum cominendassent & humanitatem & magnitudinem animi, nussisse statim caduceatorem, qui gratias ageret Regis nomine. Postero die, levi commisso praelio, cum captus esset a regio comitatu BRACHIANVS miles, suo duci imprimis carus, purpurea veste donatum, remi-

misisse, dixisseque, cupere se vehementer cum BRACHIO colloqui. Erant inter duas acies, praeter vallum & fossam, intexta frequenti trabe munimenta. Hinc atque hinc armati milites occurrentibus inter se gladiis ac telis consislebant, alteri perrumpere trabium obstacula, defendere alteri, atque hostem arcere, conantes. Hic miles, ducem proxime accedens, Regis pertulit mandata, ipsumque ex altera valli parte dimicantem ostendit. Tum BRACHIVS, i tu, inquit, & Regi, si quid me vult, hic esse, dicito. Illo ad munitionem appropinquante, BRACHIVS, galea statim sublata, detecto capite, gladioque procul abiecto, equo descendit, deflexoque ad terram poplite, regio more salutavit. Tum ambo, ad laevam secedentes, militibus non procul inde pugnantibus, collocuti sunt: loquentes interiecta & trabibus munita fossa dirimebat. Rex, si secum stipendia facere vellet, trecenta millia nummum & totius exercitus imperium obtulit. Adiecit, praeter unam Neapolim, quam mallet, urbem suo in regno deligeret, nihil se denegaturum. Hoc per suam dextram, per regiam fidem maiestatemque, polliceri. BRACHIVS primum gratias egit Regi, qui se privatum atque infimae fortunae hominem alloqui esset dignatus. Adiecit deinde, sic se institutum esse, quibus parendum fuisset, quorum sequeretur stipendia, ei se fidem pure integre servare didicisse: nunc sub Pontifi-

Colloquium  
inter Brachium  
& Regem

\* *praestitum se.*

*Insecuta Regis mors.*

\* *Melius.*

*Contendit Brachius Bononiam.*

ce stipendium facere, perdurante, etiamsi moriendum esset, in fide mansurum: non pretio, non amore, non metu aut periculo, defecturum. Nihil sibi fide esse praestantius. Ceterum, si privato officio conferre quidquam regio posset fastigio, eò denum pacto \* restitutum esse, si nulla in re offenderet Pontificis dignitatem. Eius completo stipendio, si Regi ac sibi commodum videretur, illius maiestati eadem fide, qua nunc Pontifici, pariturum. His utrinque dictis, Rex, eius laudato proposito, amiceque multa pollicitus, colloquio discessit. Praelium fortius est instauratum, utroque ardentius suum militem excitante. Sed nec perumpere munimenta potuit Rex, popularibus etiam crebra sagitta repellentibus. Sic, quatuor & viginti diebus nequidquam in obsidione consumtis, exercitum movit. Nec multis post diebus, pace cum Florentinis facta, capto Paulo Ursino, atque in vincula coniecto, Romam primum, mox in regnum, reversus, moritur. Rege mortuo, magnae per omnem Italiam sublatae formidines, quietiora tempora secuta sunt. \* Habere se iam Hetruria coepit, tam recidiva & diuturna belli peste vexata. Inter haec Pontifex, ad consilium vocatus, ne vacuum praesidio provinciam relinqueret, BRACHIO per literas edicit, ut mature cum omnibus copiis Bononiam pergat. Ille, ut erat imperatum, biduo ad sese parandos milites dat,

to, profectionem quam ocyssime accelerandam curat. Lustrato militari more exercitu, per agrum Clusinum iter facit. Omni agro Cocchus Senensis, vir domi nobilis, imperabat. Hunc ferunt anno ante eam profectionem, cum ne suspicio quidem belli intercessisset, quadraginta equos, qui per suos fines iter faciebant, BRACHIO, nihil tale metuenti, eripuisse: eam ob rem BRACHIVM, vastato agro, aliquot etiam direptis castris, non prius finibus discessisse, quam triginta millia nummum extorfisset a Coccho. Ubi Bononiam est ventum, relicto procul ab urbe exercitu, ad Pontificem salutandi gratia concessit. Duplex est hic, & quidem diversa, fama: alii Pontificem de capiendi BRACHIO cogitasse dicunt, causas vero capiendi fuisse duas, alteram Pontificis avaritiam, qui cum octoginta millia nummum BRACHIO e merito stipendio deberet, ne pecuniam solvere cogeretur, interficiendum curasse, alteram imperii aviditatem: quippe Perusini, mortuo Rege, cum de statu atque imperio dubitarent, Pontificem in rem dictu nefariam sollicitasse ferebantur, polliciti, si BRACHIVM interimeret, civitatem daturus. Quam rem cum ex Pontificis quaestore rescivisset, veritum, ne, si palam cum omni comitatu portas urbis egredi properasset, a praefectis vigilum prohibitus caperetur, aliquot praemisisset milites, qui exeuntem exciperent, praestoque cum

Cuius vitae  
Pontifex insi-  
diatur.

K

equis

equis velocissimis essent, ipsum urbis lustratione, & quibusdam in locis refectione moenium simulata, cum aliquot civibus pererrata urbe, pedetentim venisse ad portas: inde paulatim progressum, exceptum a suis, conscendisse equum, subitoque ad exercitum summa cum celeritate confugisse, quaedam deinde proxima cepisse castella, nec prius, quam acceptis octoginta millibus nummum, restituere voluisse: postea vero Pontifici reconciliatum, ad custodiendam urbem, exigendaque vectigalia, esse reversum. Alii negant, Pontificem quidquam de capiendo cogitasse, affirmant tamen, ab Hetruria in Galliam accitum: acciundi causam non aliam fuisse, nisi quod Pontifex, ad consilium accersitus, non putabat urbem, factionibus & civili dissidio laborantem, sine fido praesidio relinquendam, nec quemquam illi fidiorem, quam BRACHIVM, visum, cui statim in Galliam profecto, urbem atque arcem tuendam dedisse, proximaque urbi oppida in fide retinenda, exigenda omnis Galliae vectigalia; denique civium curam ante Pontificis discessum omnem in eum esse reiectam. Illum cum Pontifice dies noctesque versatum, illum quotidie sine comite, sine armis, ad cubiculum intromissum, Pontifice discedente, urbis praesidio esse relictum. Non videri verisimile, summum Pontificem innocentissimi & de se optime meriti viri sanguinem vendere communi hosti voluisse. Haec magis

magis animum inducunt, ut assentiar, tametsi  
imperandi cupiditas animos mortalium ple-  
rumque praecipites agit, ut non tam, quid li-  
ceat, quam quid libeat, soleant cogitare.

Utra fama sit verior, ne illi quidem satis  
conveniunt, qui interfuere. Hoc utrique as-

firmant, post Pontificis profectionem, Bono-  
nienses BRACHII imperio totius civitatis  
consensu paruisse, atque illi finitimorum tri-  
buta, illi urbana vectigalia, persoluta esse.

Igitur, civitatis gubernatione suscepta, cum  
ad alios multos, tum inprimis ad Forolivien-

ses Legatos, qui vectigalia peterent, misit. Il-  
lis recusantibus, exercitum agro admovit,

crebrisque factis excursionibus, incredibile  
dictu est, quantum pecorum, quantum ho-

minum, in praeda sit aversum. Ferunt, sex-  
centa carra, frumento onerata, & ex his ple-

raque cum aurigis, cum bobus, una excursio-  
ne esse correpta. Hac re irritatis Foroli-

vienfium animis, mittendos ad conducen-  
dum Crassum Venusinum Legatos, tuendos-

que fines suos a bello, statuerunt. Crassus,  
magnis coactis copiis, qua die BRACHIVS

exercitum ad populandum iterum agrum  
dimiserat, infesto agmine palantem militem

est adortus. Vix BRACHIANVS miles  
a fuga retentus est, nec sine summa ducis

prudencia, qui, quaecunque evenire possent,  
omnia tanquam ventura cogitaverat. Equi-

tatu enim in duas diviso partes, alteram le-  
vium armatorum praedatum vage fufequit

K 2 dimi-

Mex vero Bo-  
noniae ab eo-  
dem prae-  
fatus.

Excursio in  
agros Foroli-  
vienfium facta.

Praelium cum  
Crasso com-  
missum.



dimiserat, alteram, delectissimorum equitum subsidio relictam, unde latus esset prospectus, collocaverat. Haec Crassum, in expeditos temere inconsulteque grassantem, circumvenit. Qui, gravi commisso praelio, vix cum paucis victus profligatusque evasit. BRA-

Nova excursio  
in Forolivien-  
sem,

CHIVS, ducentis captis equitibus, omnem equitatum peditatunque ad maiorem cogen-  
dam praedam quam latissime atque effusif-  
sime iubet excurrere. Quadringenti agre-  
stes ea die capti referuntur, militibus, &  
qui equis, & qui pedibus militabant, libere  
usquequaque populantibus diripientibusque  
omnia, ut quos nec hostis, nec metus victo  
hoste deterreret. Postero die cum omni-  
bus copiis in agrum Ravennatem, qui Foroli-  
viensium ditionis erat, paulo ante ortum  
solem profectus est: hic praedae actum est,  
quantum superiore die in Forolivensium  
agro. His rebus attriti Forolivenses, Lega-  
tos, qui & vectigalia persolverent, & redem-  
ta duodecim millibus nummum praeda, pa-  
cem postularent, ad BRACHIVM misere.  
Data postulantis pax est. His rebus ge-  
stis, BRACHIVS, qui nihil magis, quam  
militum quietem atque otium, fugiebat, lon-  
ga expeditione exercere suos constituit.

Fanensem, A-  
riminensem,  
& Pisaurien-  
sem, agros.

Convocato ex omnibus partibus milite, pau-  
cisque diebus ad quietem datis, primum Fa-  
num, deinde Ariminensium Pisauriensium-  
que fines incredibili celeritate pervolvit,  
triplicique structa acie, prima Fanensem, al-

tera

tera Ariminensem, tertia Pisauriensem agrum, eadem die, eodem impetu, excurrit, omnibusque imperat, ut Pisaurum versus, quo ipse cum tertia parte copiarum penetraverat, praedam agant. Ut erat imperatum, ita milites fecere. Cuncta undique depopulata maritima ora, ingentique coacta praeda, in Pisauriensem fines convenerunt.

Tum BRACHIVS, quod per media hostium oppida redeundum cum praeda erat, aciem omnem in tria confertissima partitur agmina. Ex his duo praedam anteire, reliquum subsequi iubet, paucis praemissis expeditis militibus, qui iter explorarent. Cum in fines Ariminensium ventum esset, Pandulfus Malatesta cum octingentis equitibus a fronte se ostendit, qui, per superiores a latere incedens colles, praelio quidem abstinuit, sed praedae imminens, nunquam inde flecebat oculos, suorum fortunam & calamitatem miseratus, quibus praesens atque videns tam expectatam opem ferre non posset, tum demum acerrimo dolore confectus, cum longissimum trahi captivorum ordinem, sese suamque opem implorantium, intueretur, quorum plerique victi pulsique frustra tendere manus conabantur.

Agmine sic tripartito, iam extra fines Ariminensium exitum erat, cum ille, vel pudore sui, vel miseratione suorum, laceessere hostem a tergo coepit, levique commissa pugna, hostes BRACHIANI militis non sustinuerunt.

Pugna cum  
Pandulfo Ma-  
latesta.

runt impetum, sed, aliquot acceptis vulneribus, in edita sese collium iuga receperunt. Quo minus in fugam versi statim profligarentur, impedimento fuit praeda, ad quam undique intentus miles, non putabat rem certam pro incerta deferendam, & copias dividere, partemque ad insequendum hostem mittere, periculosum videbatur. Eius praedae magnitudinem vix illi numerare potuerunt, qui fuere participes. Quinque continuis diebus eundo redeundoque consumtis, plus quam centum viginti passuum millia decursa sunt. Praedam quoque, tam longo dignam itinere, nihil magis, quam ex industria in longissimum spatium captivorum protrachus ordo, decorabat. Nam greges atque armenta vix latissimi capiebant campi. Omnia, ubi ad stationes est reditum,

Seditio Bononiensis.

viritim militibus distributa. Bononienses, cognito BRACHII discessu, orta seditione inter cives, defectionem fecerant, rati, BRACHIVM in Perusinos movisse exercitum, diuturno atque externo bello vacaturum, se iam, excusso rectore, liberius omnia tumultuosiusque concitatuos. Hac re cognita, BRACHIVS quam maturissime sibi accelerandum putavit, ut prius urbem obsidione cingeret, quam cives arcem, quae eius praesidio tenebatur, expugnare possent. Accito ex proximis oppidis magno peditatu, ad urbis confedit moenia. Bononienses, veriti, ne simul ab exercitu muri oppugnarentur, simul

mul, qui arci praeerant, eruptionem facerent, statim urbis portas aperuere, misereque, qui dicerent, nihil se contra Pontificis imperium esse molitos, ceterum civiles illos fuisse motus, se quidem imperata esse facturos. BRACHIVS, cum exercitu ingressus urbem, duplicato praesidio arcem frumentoque munivit, mox, ad stationes reducto exercitu, aliquot mensibus in hybernis habuit militem. Sextus iam praeterierat mensis, cum in stativis moranti nuntiatum est, Bononienses in arcem fecisse impetum, sed eam, egregie defensam, capere non potuisse: civitatem totam esse in armis, omniaque tumultuosius agitata misceri: nisi celeriter occurrat, ultimum diem urbi adesse: tantam enim concitatam multitudinem, ut, si caedem essent exorsi, nisi totius civitatis internectione sedari tumultus non posset. BRACHIVS subito ad eum, quem arci praesidio reliquerat, literas dat, ut proxima nocte contiguum arci murum, quantum decem simul equites ingredi potuissent, demoliendum curaret. Quo diruto, pontem extra arcem supra fossam eodem spatio aedificaret, ostendit, quanta celeritate opus foret. Ille, ut erat imperatum, murum diruit, structoque celeriter ponte, prima luce venientem exercitum recepit in arcem. BRACHIVS confestim multas bombardas, quae in mediam in urbem ingentia coniuicerent saxa, incendi iubet. Ipse quadrato agmine strictis militum

A Brachio feliciter sublata.

telis occupat forum, &, quo plus civibus incuteret terroris, angustos & foro proximos vicos structa ac parata invadit acie: tum, quo suorum falleret paucitatem, bis terque veluti in gyrum eundem quasi novum aliumque militem circumduxit, signumque dat, ut ex arce plurimis simul bombardis ignem ad-moverent, quibus late excussa saxa domos ac tecta sternerent, nec sonitu minus, quam ictu, perterrerent civium animos. Bononien-ses, his rebus attoniti, quamquam omnes adi-tus urbis trabe catenaeque impediverant, de-positis extemplo armis, Legatos celeriter pro tempore creaverunt principes civitatis, quo-rum auctoritatem & gratiam plurimum va-lere apud BRACHIVM cognoverant, qui orarent, ut urbem pulcherrimam, a civibus suis perditam, a militum incendio servaret: non se negare, totam civitatem temere ac tumultuose arma cepisse, verum eos, qui expugnare arcem tentaverant, paucos extre-mae sortis ex infima plebe fuisse homines, non tam sanguinis, quam praedae, cupidos, quos si vellet ulcisci, polliceri se in manus tradituros. Ceteros cives, qui aliquid ha-berent auctoritatis, privato atque intestino o-dio concitados, nemini, nisi sibi ipsis, iniuri-am facere voluisse, ignosceret satis suo ma-lo laborantibus, veterem eam esse nimis cor-roboratam urbis pestem, saepe alias in suam ipsos ruisse perniciem, quos si sanare perge-ret, omnia civium viscera esse dissecanda,  
alio-

alioquin frustra eum mederi inveterato iam pridein vulnere, & omnium medullas pervaganti. Hoc eum existimare oportere: si boni regere pravos & moderari potuissent, non itum fuisse ad arma, non tumultum in civitate factum. Satius esse, si in altero peccandum sit, ignoscere malis bonorum gratia, quam bonos malorum odio persequi, atque innocentes alieno scelere punire. Testari Deum immortalem, posthac aut civitatem in fide detenturos esse, aut, si quid accidisset, pro Pontificis imperio morituros: ignosceret privatae amicitiae, si publicae esset iratus. BRACHIVS, graviter increpatis Legatis, non se ignorare, inquit, tum demum veniam postulatum venisse, cum armis nec se, nec urbem, defendere potuissent, non voluntatem precibus, sed periculi metum, assuasse. Bis se procul inde movisse exercitum, bis a civibus seditionem excitatam, nunc etiam, rebellionem facta, signis allatis arcem oppugnasse. Mirum id quidem, nisi, cum ipse abesset, omnes inter sese dissentirent, atque ideo, seditione excitata, defectionem facerent, cum propius admovisset exercitum, inter se reconciliari: quia, quem absentem universi pati non possent, praesentem singuli metuissent: appellant, quam velint, seditionem, & leni nomine rem gravissimam extenuent, se non minus cognoscere, bis rebellionem esse factam. Nam quem civem non arma cepisse, quem

Pontificis partes suscepisse defendendas, quem seditione civitate esse deiectum. Non igitur blandis intestinae tumultus nominibus se demulcerent, quasi in arcem fugissent, qui alteram factionem tuerentur, atque ideo ad eam uno consensu omnium civium cum armis fuisse coneursum: scilicet illic eorum inimicos, illic seditiosos & turbulentos autores factionum potuisse opprimi, quam tanto conatu, tantoque impetu, oppugnare voluissent. Ceterum animo sibi esse, aut diripere civitatem atque incendere, aut arctissimo aliquo vinculo in Pontificis fide retinere. Illi, ad pedes procumbentes, orant, ne se frustra populus Legatos miserit, omnem conditionem accepturos, modo civitati parceret, toties suo beneficio conservatae. BRACHIVS quinquaginta obsides, quos arbitrato suo e tota civitate deligeret, imperavit. Conditione accepta, quinquaginta principum atque optimatum liberi BRACHIVM in castra secuti sunt. Mansere post haec in fide Bononienses. Per id tempus BRACHIO renuntiatum est, Pontificem, quem ad consilium vocatum diximus, profectum Constantiam, Pontificatu abdicatum, atque in eius locum Oddonem Columnam, cui postea cognomentum Martini fuit, suspectum esse. Qua re cognita, priusquam ad cives nuntius pervenisset, arcem, quanto fidissimo potuit, munivit praefidio: tum obsides, diligentius obser-

vari

vari iussos, procul inde mittendos curavit. Hoc modo tam diu stetit in fide civitas, donec prioris Pontificis dignitate desperata, cum civibus de tradenda arce remittendisque obsidibus ageretur. Igitur, acceptis centum octoginta millibus nummum, quae illi ex superiore stipendio debebantur, arcem, obsides, & proxima urbi castella, agrumque, restituit. Sunt, qui affirmant, BRACHIVM, audita novi Pontificis suffectione, admovisse urbi exercitum, refectoque ad artem quam latissimo ponte, militem in acie composito tenuisse agmine: cives, novitate rei perturbatos, receptis obsidibus atque arce, pecuniam eam, exactam per civium capita, tradidisse. BRACHIVS, stipendio militibus dato, intentus toto animo ad patriam, novam expeditionem parare, & in fines Insubrium, a Mediolanensium Duce sollicitatus, traiciendum exercitum simulabat. Interea, copiis peditatu equitatuque auctis, in Etruriam converterat animum, ultimam vim conatumque facturus, ratus, id quod res admonebat, mortuo ROMULO Perusinis, omni praesidio destitutis, Pontifice nondum a Germanis reverso, & propter novitatem rei de suo imperio sollicito, simul quod ipse tunc pecunia atque armis valeret, quam opportunissimam inferendi belli patriaeque recuperandae adesse occasionem, quam si negligeret, nunquam amplius tantam rerum omnium commoditatem habiturum, sed, quo  
altius



Movet hinc  
Brachius castra  
in Perusinos.

altius descenderet vulnus improvisis, nec quidquam hostile metuentibus, movendum instituit bellum. Iam vulgo ferebatur, in Insubres propediem cum omni exercitu profecturum. Confirmaverant eam opinionem pauca de industria praemissa impedimenta, & ducis Legati, qui ad eum sollicitandum venerant. Interea, quam occultissime potest, mittit cum pecunia, qui Tartagliam, tunc forte Tusculi cum sexcentis equitibus morantem, conducerent, hominem plus quidem manu, tamen etiam consilio, promptum. Perusini, post mortuum Regem omni agro redacto in potestatem, nihil nisi de pace atque otio cogitaverant, captis Ponte Marfinianoque, exauctorato Ciccholino, exercitum dimiserant. Repudiati milites, etiam finibus pellebantur. Quae cum BRACHIO essent explorata omnia, sexto Idus Quintiles Bononia movit tanta celeritate, facto per Ariminensium fines transitu, superatoque Apennino monte, ut prius Burgum pervenerit, quam hostes ne de motu quidem, nedum adventu, quidquam scire potuissent. Hac re permoti Perusini, ad conducendum undique militem varios nuntios dimiserunt. Ciccholinum e Campania revocarunt, Paulo Ursino dedere stipendium, nihil reliqui facientes, quod vel ad improvisum repellendum hostem, vel ad resistendum, pertineret. Munita statim finitima oppida, praesidia undique per castella dispo-

disposita, sed subita consilia civium praecogitata ducis celeritas antevenit. Iam ad Tybrim pervenerant copiae, iam, tribus occupatis pontibus, amnem traiecerant. Continuos deinde complures dies passim actae praedae, castella expugnata, nec multum procul ab urbe confessum. Oppidum erat tria millia passuum distans ab urbe, quod Divi Fortunati vocant. Hic ingens peditum atque equitum praesidium erat collocatum, quare cognita, tentandam eius loci oppugnationem constituit BRACHIVS. Itaque, praemissis, qui praesidiarios milites ad deditio- nem hortarentur, scalas variique generis machinas comportari, & circum moenia, non longe a propugnaculis hostium, longo ordine, quo magis insuetâ rerum facie terre- rentur oppidanorum animi, disponi iubet. Milites moenia stationesque compleverant, tanta erat praesidii magnitudo, cum BRACHIVS aggeres afferendos & in fossam coniiciendos demonstrat, imperatque, ut, quam siccissimam queant, materiam portis admotam succendant, oppositis a fronte sagittariis, ne extinguere hostes portarum incendium possent. Hac re animadversa, oppidani, & qui praesidio erant collocati, laxa ingentia & magnam vim terrae congerentes, quam latissimo spatio interiorem pro portis aedificant murum. Interea, exustis portis, BRACHIVS signum dat, ut omnibus simul locis admotae moenibus scalae erige- ren-

Oppidum Di-  
vi Fortunati  
expugnat.

Perusiam obli-  
dione cingit.

rentur, sagittarii militem a propugnaculis arcerent. Ipse, facto ad portas impetu, recen-tem & vix bene confectum perrumpit murum: cohortes iam & scalis in moenia eva-ferant, quae, intra oppidum prosilientes, cun-cta diripere. Milites partim capti sunt, partim ex adversa parte oppidi sese moe-nibus eiecerunt. Centum equites traduntur capti, qui equis armisque spoliati dimissi sunt. Francischinus Mirandula, quem prae-fidio hostes praefecerant, captus atque in vincula coniectus est. Qua die haec gesta sunt, BRACHIVS, praemissa parte equita-tus, ad urbis portas impetum fieri iussit: ipse cum reliquis copiis ad Planum Con-stantii, quod extra urbem ad teli iactum si-tum est, subsecutus, ingenti coacta praeda, Thrasimenum versus iter fecit, ut, ex omni latere vexato hoste, acriora magis, quam si-nitima, bella concitaret. Iam intra paucos dies omnia, quae secundum Tyberis oram sita sunt, oppida aut vi, aut sponte, venerant in potestatem: pleraque etiam, proximis eminentia collibus, ab hoste defecerant, par-tim metu, ne vi capta militi in praedam da-rentur, partim quod exulum partibus veteri maiorum amicitia favebant. Perusini, qua die hostes impetum ad portas fecerant, sub-urbium, quod ad meridiem pertinet, metu deseruisse, & in superiorem urbis ambitum domesticam suppellectilem convexisse, dicun-tur: quippe quos superioris belli eodem in

In loco accepta calamitas admonebat, nec minus terroris in urbe erat, quam in agro periculi. Pauca iam oppida obsidionem, multo paucissima oppugnationem, expectabant, civitatis metus desperatio reliquis oppidanis erat. Interea, multis factis excursionibus, Tartalia, cum suo delecto milite adventans, copias duplicavit: quae res, quantum animi BRACHIANIS addidit, tantum civibus incussit terroris. Huc accedebat ingens exulum multitudo, qui, patrio audito bello, undique ad exercitum confluebant. BRACHIVS, Querqueto & Marsiano receptis in potestatem, Papianum, Morcellam, & proxima quaeque castella, ne uno quidem praelio cepit. Postridie vero, quam coniunctae sunt copiae, urbi cum exercitu ad ducendos passus, qua parte vergit ad Septentrionem, appropinquavit, tribusque sacrarum virginum templis, quae, quamquam arcibus munita, bello tamen deserta erant, occupatis, iam propius imminebat urbi. Postero die, facto impetu in portam, suburbium magna vi ingrediuntur, sed, populo superne resistente, paucis caesis militibus, compluribus vulneratis, urbe reiecti sunt. Hoc praelio irritatis magis, quam territis, militum animis, maiorem in sequentem diem conatum moliantur: factoque iterum ad eandem portam impetu, de militum gloria certari, crederes, tanto quisque animo etiam iniquissimo loco in praelium ferebatur.

Sed

Interea saepius conferit cum Perusinis manus;

Perusiam ob-  
sidione cingit.

rentur, sagittarii militem a propugnaculis arcerent. Ipse, facto ad portas impetu, recen-tem & vix bene confectum perrumpit murum: cohortes iam & scalis in moenia evaserant, quae, intra oppidum prosilientes, cuncta diripuerunt. Milites partim capti sunt, partim ex adversa parte oppidi sese moenibus eiecerunt. Centum equites traduntur capti, qui equis armisque spoliati dimissi sunt. Franciscinus Mirandula, quem praesidio hostes praefecerant, captus atque in vincula coniectus est. Qua die haec gesta sunt, BRACHIVS, praemissa parte equitatus, ad urbis portas impetum fieri iussit: ipse cum reliquis copiis ad Planum Constantii, quod extra urbem ad teli iactum situm est, subsecutus, ingenti coacta praeda, Thrasimenum versus iter fecit, ut, ex omni latere vexato hoste, acriora magis, quam finitima, bella concitaret. Iam intra paucos dies omnia, quae secundum Tyberis oram sita sunt, oppida aut vi, aut sponte, venerant in potestatem: pleraque etiam, proximis eminentia collibus, ab hoste defecerant, partim metu, ne vi capta militi in praedam darentur, partim quod exulum partibus veteri maiorum amicitia favebant. Perusini, qua die hostes impetum ad portas fecerant, suburbium, quod ad meridiem pertinet, metu deseruisse, & in superiorem urbis ambitum domesticam suppellectilem convexisse, dicuntur: quippe quos superioris belli eodem in

In loco accepta calamitas admonebat, nec minus terroris in urbe erat, quam in agro periculi. Pauca iam oppida obsidionem, multo paucissima oppugnationem, expectabant, civitatis metus desperatio reliquis oppidanis erat. Interea, multis factis excursionibus, Tartalia, cum suo delecto milite adventans, copias duplicavit: quae res, quantum animi BRACHIANIS addidit, tantum civibus incussit terroris. Huc accedebat ingens exulum multitudo, qui, patrio audito bello, undique ad exercitum confluebant. BRACHIVS, Querqueto & Marfiano receptis in potestatem, Papianum, Morcellam, & proxima quaeque castella, ne uno quidem praelio cepit. Postridie vero, quam

Interes saepius  
conferit cum Perusinis  
manus;

Sed

Sed, loci iniquitate praevalente, maior est edita caedes, tantoque plus acceptum vulnerum, quanto acrius bellandi studium fuit, & milites nimis intra urbem processerant. Nec minus cruenta res civibus stetit, quos simul sagittarii & hastati milites fodiebant, simul equites, stricto gladio resistentes, adverso feriebant ore. BRACHIVS, ubi caedem magis, quam pugnam, augeri vidit, & cives, quod iam ad declivia urbis erat ventum, non solum defendere se armis, sed praecipiti lapsu ingentia saxa devolvere, cani receptui iussit, exercituque extra portas pugnando simul caedendoque reducto, militem magnifice commendavit, ostenditque, eam loci difficultatem non fuisse subeundam. Ceterum, ubi itum in certamen fuit, neque fortius, neque ardentius, pugnari potuisse. Perusini, duplici & accepta & illata calamitate, occludendam eam portam trabibus muroque, & moenia, multo deiecta impetu, celeriter reficienda curaverunt. Qua die intra portam est pugnatum, vicinorum oppidorum curatores (Syndicos vocant) Brusani, Collini, & qui his finitima incolunt loca, ad BRACHIVM venerunt, oppidorum claves oleastro involutas deferentes, petita pacis, ac ultro delati imperii, signum. Postero die, nulla interiecta mora, vexilla bellica, multis militaribus signis adornata, non procul ab urbe iussit collocari: quo significabatur, obsidionem iam adesse, non

non bellum. Civitatem multa mala, pavor, metus, fames, agitabant. Nec deerant, qui etiam in postremo periculo discordias graves sererent. Auxilia pars nondum conveniant, pars hostili ferocitate defecerant, denique cuncta magna & acerba mala versabantur animis. Quicquid ab inimicis, de vita & sanguine certantibus, non fieri solum, sed etiam excogitari posset, rapinas, clades, stupra, incendia, metuebant. Castris circa urbem positis, BRACHIUS, ne uno quidem intermisso die, militem continuam irruptionem tentare, & ex pluribus simul partibus civitatem oppugnare, iubet. Quae cum parum procederent, exercitum in duas divisit partes: alteram ad sanum Iulianae, Vestalium virginum templum, quod ad radices meridionalis suburbii situm est, oppugnandum dimisit, ratus, cives aut universos illo, aut delectiore manu, accursuros: ipse cum altera parte copiarum ad toties effractam portam, quam appellant Solis, maiore, quam unquam antea, desertur impetu, milium, quem superiore die cives consecerant, perrumpit, penetrat magna vi ad intimum suburbium, occupaturus superiorem urbem, si forte cives, alio aversi, vacuum praesidio reliquissent: & dies erat nebulosa atque pluvia, facile tectura dolum, adspirante fortuna. Sed cives, primo exaudito, divisioneque exercitus per coniecturam cognita, & ipsi iuventutem duas in partes dividere: alteram



ad resistendum a fano oppugnantibus missam, alteram, egregium aetatis florem, delectaque iuvenum robora, interiori urbi praesidio relictam, ut, si quid reliqui hostes a Solis porta molirentur, paribus occurri viribus possit: magno utrinque consilio, multo maiore conatu, pugnatum est aliquot continuis horis. Alteros bellica virtus, alteros metus mortis, & morte crudelius exilium, nonnullos ardentissima odia, & conceptae iam pridem animis crudelissimae caedes, armabant. Non hostes cum hostibus de imperio congregi, sed inimicos cum inimicis de sanguine saevire, vel ipsi vultus atque oculi demonstrabant. BRACHIVS, concitato milite, nunc ultimum restare laborem, exclamat, nunc praeinia tanti belli subesse: urbanam iuventutem non senes modo, sed fenestris saxo & ipsae pugnae feminae adhortabantur, nunc pugnandum fortiter, nunc inimicos manu, ferro, dente, feriendos, nunc denique pro Diis patriis, pro liberis, pro capite & vita, dimicandum esse, omnino, nisi vincant, crudelissime omnibus esse per-eundum. Senes, qui per aetatem arma ferre non poterant, liberos nepotesque obtestabantur, ut solum, quo paulo post quieturi forent, acerrime fortissimeque defenderent, ne procul a patria modicum, quod esset vitae reliquum, agere, & alienis in sepulchris, aliena terra miseri atque inopes iactari cogerentur. Nebulae stragis magnitudinem celand.

celabant: quippe, aut progredientibus, aut regredientibus militibus, magna utrinque caedes edebatur, & passim fusa hūmi cadavera pedibus calcabantur. Iam ad urbis inferiora moenia ventum erat; qua difficilis atque arduus furgebat in forum aditus, hinc cives ingentia saxa devolvere, hinc dolia in subiectos lapidibus plena praecipitare, tum mulieres, evulsam manu tegulam tectumque deiicientes, indigno vulnere seriebant militem. Denum, facto a civibus superiore de loco impetu, milites, quod iniquissimo certabant loco, magno telorum saxorumque impulsu repellebantur. Iam saxis, iam cinero superne cadentibus, reculati, in aequiorem locum paulatim cedendo recessere. Interim, qui ad tantum se ostenderant, levi commisso praelio, reiecti sunt. BRACHIVS fatigatum labore ac vulneribus militem, plurimis utrinque desideratis, in castra reduxit. Hic dies utrinque longe difficillimus fuit. Nam, etsi milites graviore armis peritiores erant, iniquissimo tamen loco certaverunt. Cives leviter armati, & plerique insueti rerum bellicarum, vix militis impetum sustinuerunt. Caesi fuere eo praelio ex urbana iuventute plures, ex BRACHIANIS plures vulnerati. BRACHIVS, desperata urbis oppugnatione, non amplius loci subire iniquitatem, sed premere civitatem obsidione, constituit. Postero illucente die, partem copiarum adversum in agrum emittit, qui inter

Septentrionem & Occidentem pertinet, aspe-  
 rum & montosum, eam ob rem nunquam  
 antea neque bello, neque incurfione, vexa-  
 tum. Auxit praedam oppidanorum nihil ta-  
 le metuentium securitas, Mantinianum,  
 Mifianum, & quae sunt finitima his, oppida,  
 pars in montibus, pars in montium angustius  
 sita, ingentem ea die calamitatem acceperunt.  
 Porro, ubi alter illuxit dies, moto ad sanum,  
 quod dicunt, Trinitatis exercitu, haud am-  
 plius centum passibus procul ab urbe conse-  
 dit. Erant aliquot praemissi milites, qui oc-  
 culte murum in desertiore parte urbis di-  
 ruerent: sunt, qui affirmant, ut in vete-  
 rem cuniculum, crebro occlusum muro, pe-  
 netrarent. Submissaque statim alia militum  
 manus, ad superiorem Solis portam oppu-  
 gnandam, ut, quod superiore die cives fece-  
 rant, ad eum, reliqua relicta urbe, concurre-  
 rent locum. Quod si fecissent, ceterum exer-  
 citum per cuniculum recipere praemissi mi-  
 lites potuissent. Sed, re canum latratu de-  
 tecta, cives, reiecto magna vi milite, locum  
 firmo praesidio muniverunt. BRACHIVS,  
 ubi nequidquam omnia tentata videt, ne tem-  
 pus aut otio, aut periculoso magis, quam  
 utili, negotio, tereret, castris fossa valloque  
 munitis, ac valido imposito praesidio, ipse,  
 quae circum urbem essent, occupare castella  
 properavit, ratus, id quod res adinonebat,  
 nullam acriorem futuram obsidionem, quam  
 si cives, omni occlusi aditu, portas urbis exi-  
 re,

reque alimenta ex agro supportare non possent, militibus autem frumentum & commeatus abunde suppeterent: si proxima quaeque oppida libere ad exercitum comportarent, vel ipsos oppidanos satis belli facturos, si nec annonam suppeditarent civitati, & civem urbis egressu prohiberent. Ergo, ad inferiorem planitiem, quam Tyberis fluvius mediam praeterlabitur, deducto exercitu, Ripam & Columellam ac proxima castella recepit in potestatem: omnes fluminis pontes, praeter Patulum, uno cursu occupavit. His peractis rebus, reductoque exercitu, corpora curare militem iubet. Tertia deinde vigilia, in eum agrum, quem ad Thrasimenum spectare diximus, profectus, Corcianum oppugnare est aggressus. Quod oppidum in inarido & olearum feraci monticulo situm, totius agri Perusini natura magis, quam opera, est munitissimum: collectum propemodum ac rotundum supremum montis verticem complectitur. Muri exterioris praealti, intus vero densissima completi terra, aequabili accingunt atque excurrunt solo. Aditus etiam ad muros non undique liberi, quippe magna ex parte praeceptis atque altissimis clauditur rupibus. Nec segiores oppidanorum animi. Nam, praeter multitudinem, quam belli tempore etiam ex subiectis concipiunt villis, fide atque ingenio valent, nec tam privatas amicitias, quam commune sequuntur imperium, urbi parent ma-

Ripam, Columellam, proximaque castella, capit.

Corcianum oppugnat,

sed expugnare  
non potuit.

quoque  
direptumque  
agrum

Spina occupa-  
ta atque dire-  
pta.

gis, quam civitati, nobilitate urbem oblinepti-  
bus parent optimatibus, contra plebeis,  
quandiu illi urbem teneant, obsequuntur.  
Hoc oppidum oppugnare adortus, durissi-  
mo commisso praelio, nihil praeter militum  
vulnera caedesque reportavit. Motis inde  
castris, villis omnibus incensis, proximoque  
direpto agro, ad montem Ubianum conten-  
dit. Postero die Spinam, munitissimum &  
ipsum oppidum, magna vi adortus; oppu-  
gnavit, ubi duobus commissis praeliis, ali-  
quotque desideratis militibus, re infecta, ab  
oppugnatione discessit. Scalas deinde &  
muralibus machinis, quae oppugnationi usui  
forent, comparatis, quod fatigati milites erant,  
in alterum diem, rem distulit. Quo die  
oppidum, magno militum invasum impetu,  
captum direptumque est, sed, strenuissimo  
quoque aut caeso, aut vulnerato, cruenta vi-  
ctoria fuit. Spina capta, finitima statim ca-  
stella victorem secuta, sua se sponte dedi-  
derunt. Postridie, quam haec gesta sunt,  
BRACHIVS, incredibili celeritate ad por-  
tas urbis profectus, proxima & contigua ur-  
bi aedificia incendit; effregit molas frumen-  
tarias, frumentum, & qui subsidio venerant,  
corripuit: quinque & viginti fuere equi-  
tes: mox eadem celeritate in alteram urbis  
partem, ubi castra munierat, secundum moe-  
nia, structo exercitu penetravit. Perusini,  
tantis intra paucos dies affecti incommodis,  
mittunt, qui Pauli Ursini adventum sollicitent,

item

item qui Ciccholino, quam ocyssime maturandum significent, ostendantque, civitatem ad ultimum venisse discrimen. Nihil ex agro reliquum esse, vix se intra moenia continere perterritos cives, atque pluries inde paulo minus esse deiectos: huc accedere intolerabilem plebis famem. Legatos praeterea Florentiam misere, orantes, ut pro amicitia, quae esset Florentinis cum BRACHIO, eorum interposita autoritate, bellum componerent: sperare, nullos commodiores pacis autores futuros. Interea BRACHIO nuntiatum est per speculatores, Paulum Urfinum, quem fama erat Perusinis auxilio venturum, magno cum exercitu adventare. Iam Tyberim esse traiectum, iam Utriculum, iam deinceps Narniam, processisse. Maturatione opus erat, ut cum altero ducum ante confligeret, quam tot simul copiae iungerentur. Igitur, ex omni parte collecto milite, & corpora curare iussu, nocte intempestiva movit exercitum, continuoque itinere non die, non noctu, intermisso, ad urbem Interamniam, plus quadraginta millium spatium decurso, pervenit. Interamniam Narfluvius duobus alveis circumfluit, inde Interamniae, inde Narniae datum nomen: qui tanta velocitate delabitur, ut nusquam vado, raro naviculis, transiri possit. Interamnenses, rei novitate permoti, negant, se armatis per mediam urbem transeundi potestatem esse facturos, delectamque pro portis & egre-

Obviam proficiscitur Brachius Paulus Urfino usque ad Narniam.

Cuius incolae praelio fufos in urbem fugat.

Agrosque depopulatus, in castra prope Perusiam reuertitur.

Ubi Legatos Florentinorum inuenit,

gie armatam iuventutem opponunt: levi cum his commisso praelio, fusi fugatique intra moenia compelluntur. Paulus, audito hostium adventu, in editos Narniae montes se subduxit, ut, si committere praelium cogeretur, munitissimo esset loco. BRACHIVS, qui hostem repente de improvviso adoriendum speraverat, ubi de fuga eius cognovit, Interamnensem depopulatus agrum, eadem, qua profectus est, celeritate revertitur. Interim Legati Florentinorum in castra ad BRACHIVM venerunt, iussi exponere mandata: orant, ut, cetera quieta Italia, ipse quoque bello abstineret. Timere Florentinos, ne, si diutius traheretur bellum, accumulatione partium finitima concitarentur arma. Iam audire, Carolum Malatestam & Paulum Urfinum, utrumque magno cum exercitu, ad urbem defendendam venire, totam Hetruriam armis completum iri. Iam nunc itinera suspecta esse, latrones obsidere vias, nec, qui sunt, aut quo recipiantur, scire licere. Quid futurum, ubi tot fortissimorum ducum accesserint copiae? non vias, non aditus, quam urbem ipsam, tutiores fore. Nam, ut duces militem a praeda contineant, ut supplicium mortemque proponant, quem, utra ex acie latrones prodierint, cogniturum? tum, satius esse, victorem bello discedere, & accepta restituere oppida, quam varia fortuna amittere. Quae si etiam tueri posset, fore tamen illi de com meatibus & stipendio cogi-

cogitandum. Si facere pacem velit, Florentinos commode intercessuros, polliceri, quantum pecuniae conveniret, sponsoresque futuros, si modo ipse deponeret arma, & agrum civibus liberum pacatumque reliquisset. BRACHIVS in hunc modum Legatis respondit: Sciebam, inquit, ubi primum de legatione vestra audiui, quantum hostibus animi speique attulisset adventus vester, nec decipiebantur illi quidem, cum de gratia atque autoritate in me vestra cogitarent, & ego fateor, parendum vobis fuisse pro amicis, pro sociis, pro finitimis orantibus vestris. Verum aliter haec res sese habet, de quorum vos salute tantopere solliciti estis. Communes Hetruriae fuere hostes, nisi propterea hoc me abstinere bello iubeatis, quod prementem atque haerentem cervicibus vestris inimicum Regem, illi adversus vos non solum irritaverunt verbis, sed comuneatu delictuque iuverunt. Ego periculo capitis mei repuli. Illi transitum adversus civitatem vestram aperuere, contra vos armati in acie fuere, vestra capita, vestrum iugulum petiere. Ego pro vobis cum immanissimo & capitis mei inimicissimo Rege dimicavi. Ingrati animi est, non recordari, quae acceperis: hostem contra socium, inimicum contra amicum defendere, impium atque nefarium. Nec ideo ista commemoro, ut aut me poeniteat collati beneficii, aut vos acceptum non satis ample profecuti sitis. Sa-

Ad eosdem  
Brachii,



tis praemii est, ubi studio atque amore de-  
 vinciuntur animi. Sed quænam hæc est  
 miseria? Hostes vestros domi in quiete,  
 in otio, esse, ut contra vos illorum vires au-  
 geantur, nos amicos & belli ac periculi so-  
 cios in exilio consenescere, aliena in patria  
 mori, atque insepultos iacere cupietis, ut  
 vobis (si res exigat) opem ferre nequeamus.  
 Non hic de imperio agitur, uter sit regna-  
 turus, exilium illi volunt nostrum, non re-  
 gnum timent. Quamquam nec exilio qui-  
 dem contenti sunt, qui toties aut vi, aut frau-  
 de, vitam nobis eripere tentaverunt. Nec  
 tamen nobis bellum placet, si domi esse pos-  
 simus. Non arma, non finitima concitamus  
 bella, qui ad patrios lares, ad parentum no-  
 strorum (quos isti media in pace necaverunt)  
 tecta domosque, revertimur. Quid? si ar-  
 mis abstinendum est nobis, num isti legibus  
 obtemperabunt, quæ vim atque iniuriam fie-  
 ri cuiquam prohibentes, sua cuiusque esse,  
 non rapi aliena, iubent? ubi legibus non  
 paretur, armis est decernendum. Equidem,  
 cum hoc gero bellum, non mea solum, sed  
 multorum, iura causamque defendo, quorum  
 calamitates atque exilia, ut ipsi taceamus, vo-  
 bis incognita esse non possunt: latior enim  
 ac diuturnior fuit miseria nostra, quam oc-  
 culta dissimulari potuerit. Num igitur nos  
 sumus, qui finitima concitamus bella? Prae-  
 clare vos quidem de latronibus admonuistis,  
 obsideri vias, itinera esse suspecta: credo equi-

æquidem, ita rem sese habere. Novi, quam  
 late excursitent militum manus, sed, quaeso,  
 quid, si miliones, si iumenta vestra, nam his  
 plurimum utimini, a latronibus correpta fue-  
 rint? Si hæc tam procul a vobis impedita  
 itinera, quo id feretis animo? At nos latro-  
 nes eiecerunt domo, iter ad patriam inter-  
 cluserunt, opes fortunasque nostras corri-  
 puerunt, parentes nostros indicia causa in-  
 terfecerunt. Nisi mintus peccaverint, qui  
 media in pace, intra urbis moenia, quam qui  
 in sylvis & bello latrocinantur. Qui cum  
 ipsi latius latrocinia exercere non possent,  
 aliunde infestissimum vobis, non dicerem  
 latronem, nisi ille quoque ad iniustas venisset  
 rapinas, provocaverunt, receptaculum prae-  
 dandi, rapiendi, grassanti Regi praeberunt.  
 Cum his nobis est bellum, quod non conci-  
 tavimus ipsi, sed, quia defendere quondam  
 fortunas nostras pace non potuimus, nunc  
 ereptas (si Diis placet) bello recuperare con-  
 tendimus: nostra enim repetimus, non ex-  
 torquemus aliena. Nec est nobis pecunia-  
 rum controversia: habeant sibi, quas nostra  
 calamitate, nostro exilio, nostrorum pa-  
 rentum sanguine, accumulaverunt. Patria  
 est, quae nunc in causam vertitur. Revo-  
 cent domum satis diuturna exilia perpressos.  
 Ego vero sic habeo constitutum, aut hone-  
 sta morte, aut gloriosa victoria, exilii iugum  
 excutiendum esse: dicerem etiam concor-  
 dia, nisi scirem, nocentes fontium animos  
 nimia

nimia teneri pertinacia, nec sperare, ignoscere sibi ab inimico posse, cui ipsi amico non putaverunt ignoscendum. At recipiant nos nostro tecto, aut bellum, si propulsare non possint, eo ferant animo, quo nos acerbissima exilia, quo parentes nostri caedes crudelissimas nefariasque pertulerunt. Nec existimo, Florentinorum gratiam hostibus magis, quam sociis, inimicis, quam auxiliaribus, prodesse oportere. Faciunt illi quidem perhumane, qui, acceptas obliti iniurias, non, quid ipsi detrimenti acceperint, sed quid beneficii conferre possint, cogitandum putant: sed latior patet ea gratia, quam mortalium capiant mentes. Nam, prodesse interdum inimico, pulcherrimum est: amicum ad omnia iuvare, necessarium. Sed nimis stulte sentio, qui existimem, Florentinos, alienis sollicitates precibus, id a me velle exorare, quod orant. Saepe enim postulamus, quae non cupimus, quam saepe etiam, quae cupimus, non postulamus. Credite mihi, gratum est vobis hoc bellum, quod, si per humanitatem liceret, non solum non dissuaderetis nobis, sed ultro ad id ipsum faciendum hortaremini, ut qui non ignoratis, tutius nobiscum agi, si prope amicum, quam inimicum, socium, quam hostem, habeatis. Legati pauca ad ea respondere: populum Florentinum in memoria habere, quae commemorasset, omnia, nec quidquam praeter aequum ac bonum

& ad hanc Legatorum  
gatorum responso.

bonum quaerere, studere tamen plurimum  
 Hettruriae paci, si sine suo incommodo fieri  
 potuisset, ut, plurima accepta pecunia, bello  
 discederet. Id erat, quod postulandum ius-  
 sisset. Sin aliud commodius videretur, fa-  
 cile fuisse Florentino populo verba prae-  
 stare belli operi implorantibus; atque haec in  
 mandatis se habere. Eodie BRACHIVS, Pila Deruta.  
 praesentibus Legatis, Pilam oppidum vi cepit. que capta.  
 Postridie, motis castris, Derutam cinxit ob-  
 sitione. Oppidani, biduo obsessi, deditionem  
 sub conditione fecerunt. Legati re infecta  
 Perusiam reversi sunt. Magna spe excide-  
 re Perusini, quod existimaverant, Legatorum  
 autoritate, quam plurimum valere apud  
 BRACHIVM rebantur, bellum composi-  
 tum iri. Ergo alia via excussuri hostem,  
 Legatos ad Carolum Malatestam mittunt, Mittunt Perusini Legatos ad Carolum Malatestam.  
 polliciti, si opem tulisset, octoginta millia  
 nummum daturus. Carolus respondit, se Quibus hic paucis respon-  
 quidem pecuniis non egere, fatis sibi magna  
 esse vestigalia, nec unquam cupiditate pecu-  
 niae regnum suum in belli discrimen devo-  
 caturum. Ceterum, si tradere civitatem vel-  
 lent, omnia pro sua gloria & eorum Repu-  
 blica facturum esse. Nec se mercenarium  
 esse ducem, sed pro magno imperio sum-  
 ma pericula putare adeunda. Legati, nec  
 recusare eam conditionem, nec promittere  
 posse, responderunt: sperare tamen, si libe-  
 re civibus in tanto discrimine rerum subve-  
 niret, facile imperium consequi posse a se  
 defen-

auxiliumque  
parat.

defensae civitatis: Qua spe adductus Carolus, centum delectos equites auxilio praemittit, ipse ad reliquum expediendum exercitum demoratus, militem ex hybernis deductum in paratō esse iubet, ratus, ubi tanto beneficio devinxisset civium animos, paulatim largitionibus paucorum communem urbis superbiam emolliturum. Per hos dies BRACHIVS, ne quid reliquum ex ea parte agri hostibus foret, Castellum Platum & Baleariam, non parva oppida, per conditionem recepit, uno intermisso die, castra non procul ab urbe quingentos posuit passus. Sed, quoniam dies fuit nebulosa atque pluvia, militem in castris continuit. Postero die, cum prima statim luce ad civitatis portas infesto se agmine ostendisset, cives omnes, qui per aetatem arma ferre possent, eodem concurrere, & quod loco erant superiore & natura egregie munito, (Vegium vocant Perusini,) cum subiectis hostium cohortibus praeliabantur. Sed loco freti cives, acerrime fortissimeque se defenderunt: Praelio commisso, multis acceptis illatisque vulneribus, militem in castra reduxit. Idem sequenti die fecit, sed alia parte, non tam aspera & praecipiti, agressus urbem, & fracta deiectaque porta, miles intra suburbium irruit: peditibus aliquot, qui resistebant, caesis. Cives, quod superiores fecerant praeliis, parte iuventutis fori praesidio relicta, ceteri ad defendendam reliquam urbem concurrere:

eorum

Novi Brachia-  
norum impe-  
rus minus se-  
licet succel-  
sum habent.

-sed. m. 1. 1.

-sed. m. 1. 1.

-sed. m. 1. 1.

-sed. m. 1. 1.

eorum concursu acius instauratur praelium. Sed, ubi aliquandiu dubio Marte pugnatum est, milites, quanto magis procedebant, tanto iniquiorem subeundum locum intelligebant: sic languidiores desperatione victoriae facti, magno cum impetu repelluntur. Nusquam Perusino bello, quantum hoc praelio, sanguinis fufum. Nam & pedites, qui pro portis dimicaverant, ab exercitu plerique fuere occisi, & milites eo erant progressi, ut, nisi scutis se protegerent, superne coniectis tegulis opprimerentur. Tum tantus utriusque impetus, ut cives, quamdiu aequo loco pugnauerant, magna cum strage reiecti sint, donec ad praecipitem fori clivum compulsi, de loco superiore converfo in militem impetu, magnam & ipsi caedem ediderunt. Quae res tantum animorum addidit civibus, ut postridie universus populus armatus prodierit, praeliumque postulaverit. BRACHIVS, quod viderat, hostem, quid loci posset iniquitas, magno exercitus incommodo edoctum, in colle sese egregie continere, veritus, ne rursus ad iniquitatem loci compelleretur, militem & ipse continuit, proximaque nocte vel metu, ne quid de improvviso repente hostes molirentur, vel timore simulato, ut commodius invadere securos posset, vel, quod magis putaverim, ne tempus periculis magis, quam utili, pugna contereret, motis inde castris ad montem Melinum quinque millia passuum procul ab urbe recesserat,

Redeunt ad  
Brachium Le-  
gati Florenti-  
norum.

Cui varia sua  
sponte se de-  
dunt oppida.

Proficiscitur  
hinc Brachius  
in Thrasime-  
num.

Eius descri-  
ptio.

Quem statim  
omnem in fi-  
dem recepit.

rat, cum Legati Florentinorum iterum ad  
BRACHIUM venire, qui multis ultro ci-  
troque habitis frustra consumere diem.  
Nondum abierant Legati, cum Agellani,  
Paccianenses, Panicarini, Cibottulani, Plaga-  
rini, & qui his finitima incolunt loca, mi-  
sere, qui oppidorum claves, atque olivam,  
deditionis pacisque signa, deferrent. Pons  
Patulus, toties ante utrisque belli causa, &  
Castellum vetus, diversa situ oppida, sua  
sponte deditionem fecere. Iam, confecto  
quasi terrestri bello, ne quid intentatum es-  
set, in Thrasimenum, totius Italiae amoe-  
nissimum ac fertilissimum lacum, tanquam  
ad maritimam expeditionem, proficiscitur.  
Thrasimeni ambitus triginta passuum con-  
tinet millia, litusque habet placidum atque  
arenosum, & in speciem maritimi finis lon-  
ge vastaque extensum, rotundus fere, ac  
mari similis: nec recipit alienas aquas, nec  
refundit suas. Oppida, ex omni parte lacum  
cingentia, felici ac perpetuo iacent littore.  
Nihil ea plaga vel fertilitate agrorum, vel  
piscium ubertate, felicius: medio autem la-  
cu tres interiectae insulae, quarum duae  
hominibus frequentes adspiciuntur. Igitur  
BRACHIVS, tanquam ad bellum navale  
profectus, primum monte Columnolo re-  
cepto in potestatem, Passinianum, quod  
Thrasimeni fluctibus abluitur; exercitum  
perduxit: oppido in fidem accepto, qui in-  
sulas colunt, etsi navigia omnia veteri more  
sub.

subdlexerant, cognita tamen finitimorum defectione, veriti, ne aut gravi fame domarentur, aut navigia hostes aedificarent, in continentem cum omni classe exeuntes insulas dederunt. Nihil BRACHIO hac insularum victoria gratius, partim fama rerum gestarum, quod terrestri bello vinci non poterant, partim ne inaccessiblei a tergo hostem relinquere, aut tempus conficiendis navibus terere cogeretur. His rebus ad Thra-  
 finem in gestis, Antriam, populosum oppi-  
 dum, oppugnatum cum exercitu profectus,  
 dum, quæ oppugnationi usui forent, comparat, Legati Perusinorum ad eum venerunt. In his erat Cinellus, ex BRACHII natus matertera. Qui iam prope centesimum natum annum, ætatis fructum & prudentiam, & memoriam, retinet. Legatio erat nomine, ceterum re ipsa belli dilationem, donec Carolus, quem omnia parare ad bellum audiebant, cum suis adventaret copiis, agitabant. Legati multum de pace agere, sermones longos de industria quaerere, spem magis, quam concordiam, prae se ferre: denique omnia, quæ tardare hostium possent impetum, simulabant. BRACHIVS, quod dare sibi verba intelligebat, ipse quoque de pace agentes studiosius audire, bellum tamen interea non intermittere, nec dum discedentibus Legatis, facto propter urbem transitu cum omnibus copiis, Tyberim amnem traiecit. Vix ad Torsianen-  
 alteram ripam vexilla pervaserant, cum Tor-  
 sianum,

M

fia-



fienensium Legati occurrerunt, orantes, ut oppidum olim suum reciperet in potestatem: non se sponte sua, sed obfidione diuturna coactos, ad hostem defecisse. Postridie quam Torsianum est receptum, Legati Tudertinorum in castra venire, atque urbis, quam Rex olim oppugnare non poterat, deditionem fecere. Tanta urbe recepta in potestatem, BRACHIVS exules omnes, quos superiore seditione ciectos dicebam, in patriam reduxit, arbitratus id, quod erat futurum, revocatos beneficio suo diutius in fide mansuros. Hac re vehementer permoti Perusini, nimiam regni accessionem, & hostis quotidie auctas opes metuebant, iam eo potentiae ventum intelligentes, ut, etiamsi omni agro pellere-  
 tur, nimis proximum habiturus foret receptaculum, unde ut vi pelli non posset, sic exhaustum bello Perusinum populum invasurum, & agrum quotidiana vexatione depopulaturum. Tum suas vires adeo attritas esse, ut, si iam conducti milites resisterent hostium ferocitati, non tamen tantum exactio-  
 num diutius pati posse: redivivum futurum id malum, cum hostis, etiam pulsus agro, non amplius quam viginti millia passum procul mansurus esset, atque inde perpetua clade urbem, agrum, itinera, infestaturus. Haec cum inter cives agitentur, non minor, quam si eorum moenia intrasset hostis, pavor & trepidatio cunctorum invaserat mentes: una spes erat adventantis exercitus, si uno prae-  
 lio

& Tudertino-  
 rum.

Sollicitudo Pe-  
 rusinorum.

lium bellum omne conficeretur, nec dubitabant, hostem, numero longe imparem, aut non venturum in certamen, aut, si veniret, facile a multitudine profligatum iri. Repe-  
tebant, qui rerum eventus essent, quæ fortuna belli, si aut victus hostis effugeret, aut pugnam non caperet; magnam tamen restare molestiam. Sin profligatus forte caperetur, omnia in tuto atque in portu fore: hanc u-  
nam extare tranquillitatis ac pacis spem. In-

*Nova eorum  
ad Brachium  
legatio.*

tereæ Legatos iterum, qui eadem, qua supe-  
riore legatione, via hostem eluderent, mitten-  
dos placuit. BRACHIUS Legatis respondit, Cui hic paucis  
illos maxime stultos esse, qui alienae confisi  
stultitiae, solos sese sapere arbitrantur: iam  
pridem cognovisse, quid eiusmodi legationes  
pacis bellicque afferrent, fuisseque sententiam,  
non aliter bello discessurum, quam si exules  
in urbem revocarentur. Scire, quantum au-  
xilii cives expectarent, eamque ob rem belli  
dilationem quaerere, sed expectarent sane,  
quam vellent, aut sibi pro suis moriendum  
esse, aut in patriis sedibus repositurum mi-  
serissimos cives. Haec cum dixisset praesen-  
tibus Legatis, classicum cani iubet, armato-  
que statim milite, ad oppugnandum oppi-  
dum Bastiam, quod est in agro Afisiatium,  
profiscitur. Eunti in itinere Vectonien-  
si Legati cum muneribus congratulatum  
occurrere. Accepti sunt perbenigne Vecto-  
nienfes, qui, quod oppidum haberent ma-  
gnum ac montosum, & natura situque egre-

*respondet.*

*Proficiscendi  
ad oppugnandam  
Bastiam.*

*Occurrunt Vectonienfes  
Legati.*

gie munitum, & Perusino imminentes agro, Chiasio amne, qui eorum fines secat, transitum & aperire, & claudere pro arbitrio possent. Adeo optimatum faverant partibus, ut maximis primum sollicitati praemiis, deinde anniversario incendio, & populatione agrorum vexati, nunquam a nobilitatis societate deficerent, & Torsianum, a civibus obsessum, commeatu & aliarum rerum supplemento iuarent, idque opera Crispolitorum factum, qui inde oriundi, eodem in exilium acti, oppidum in fide per extrema & difficillima quaeque tenuerunt. Inter haec Perusini, legationibus elusuri hostem, tertium misere Legatos, qui nihil aliud agere poterunt, nisi quod pacis, quam aut quaerebant, aut simulabant, spem sublatam reportaverunt. Ultima Ducis fuere verba: Si alia conditione, quam de recipiendis exulibus, post id eius castra ingrederentur, legationis iura violaturum, & pro hostibus, non pro Legatis, habiturum. Motis deinde castris, propius, quam unquam antea, ad urbem concedit, pauloque post, levi ad civitatis portas nequidquam commisso praelio, partem copiarum Corcianum, quod oppidum situ munitissimum esse monstravimus, obsessum dimisit. Oppidani, qui gravissimam oppugnationem magnis sustinuerant animis, obsidionem pati non potuere. Facta deditione, Antria, Misanum, Mantinianum, quae reliqua ex omni agro praeter pauca admodum hostibus

Legati Perusino-  
rum ad  
Brachium ter-  
tium missi,

repulsam fe-  
runt.

Corcianum,

Antria, Misianum, Mantinianum, aliaeque

bus superfuerant, ad BRACHIUM defece- complura op.  
 re: denique centum viginti oppida, & octo- pida, capta.  
 ginta vicos redegerat in potestatem. Iam so-  
 lam urbem bella respiciebant, nec erant am-  
 plius dividendae copiae, exercitusque dimi-  
 nuendus, ad unum locum universis intentis  
 viribus. At cives, undique obfessi, non modo  
 continebant se moenibus, sed exteriores por-  
 tas latissimo clauferant muro: & iam toties  
 oppugnatam urbem sic perterritam fecerat  
 hostis, ut ne custodibus quidem portarum,  
 qui pro stationibus & propugnaculis vigila-  
 re consueverant, credere se auderent. Nam  
 civitatis varia erant studia, diversaeque civi-  
 um voluntates. Alii, domi potentes & fa-  
 ctiosi, quibus de vita & sanguine erat dimi-  
 catio, quotidie dies atque noctes in armis es-  
 se, nec quidquam magis, quam insidias pro-  
 ditionemque, timere. Hos plerique postre-  
 mae fortunae homines, praedis rapinisque  
 publicis assueti, sequebantur, sed nec hi tam  
 acri erant ad bellum animo, quos victos vi-  
 ctioresve, ut multum rapinarum, ita nihil pe-  
 riculi dignitatisque, maneret. Alii erant bo-  
 ni & aequi anatores, domi opulenti pecu-  
 niosique, contenti suis artibus. Hi nec arma,  
 nisi coacti, capiebant, nec belli huius exitum  
 magis, quam bellum ipsum, extimescebant,  
 quorum maiores sua quisque studia secuti,  
 civilibus diffidiis domesticisque cladibus ab-  
 stinuerant, ab his pecuniae exigebantur, his  
 stipendia conducendo militi extorta, nec ul-

Varia civium  
 studia, variae  
 que volunta-  
 tes.

la re magis, quam domestica vexati tyrannide, pacem, quam verbis petere non licebat, animo avidissime cupiebant. Ultimum erat genus, quorum maiores nobilitatem secuti, quod aut frigidiuscule factionibus studuissent, aut affinium & propinquorum ope freti, in exilium eiectioni non essent, in civitate remanserant, sed nec magistratus gerere, nec dignitates civiliaque munia obire poterant. Ii erant, qui maxime omnium suspecti habebantur, etiam ab illis ipsis, qui, ne in exilium praecipitarentur, affinitatis iure effecerant. Quippe illa tempestate unis in tectis, una in familia, vel a parentibus liberi dissentiebant de vita & sanguine. Inter tot diversa civium studia, etsi potentiores erant, qui armis clientisque, quam qui suis artibus viverent, aut qui alieno essent animo, tamen metus & suspiciones undique in civitate verfabantur. Alios imperii sollicitudo suspensos tenebat, alios fortunis exinanitos assidua exactionum magnitudo terrebat, alii, ne quid suspicionis aut esset, aut conflaretur, summum periculum atque ultimos cruciatus metuebant. Multorum erat timor, ne auctores rapinarum, quorum ipsi ductu raperent spoliarentque aliorum fortunas, imperio deicerentur. Hae res effecerant, ne cuiquam portae civitatis, nisi muro, crederetur. BRACHIVS, ubi videt, tantum pavoris ac trepidationis invasisse urbem, etsi intelligebat, unicam spem civium in Caroli adven-

adventu esse repositam, nihilo secius, quo magis aut perterreret attonitos, aut sperantes in certamen provocaret, cum quadringentis equitibus trecentisque peditibus ad muros civitatis sese ostendit, pugnamque milites postulaverunt. Cives, ut est ea gens totius Italiae longe bellicosissima, cum portis egredi nequirent, muris, qua parte pressiores erant, cum armis sese iacentes ad pugnam animis pleni desiliebant. Magna corruente multitudine, acerrimum initum est praelium. Cives, etiam illi ipsi, quibus bella displicebant, studio pugnandi & gloriae ac laudis aemulatione trahebantur; qui muris haerebant dispositi, propugnaculis lapides ac tela coniciebant. Multi utrinque vulnerati, desiderati etiam nonnulli. BRACHIVS, reducto nec victo, nec victore, exercitu, cum aliquot militum vulnera subito livore intumescerent, comperit, tela quaedam mortifero tincta atque oblita medicamine: eamque ob rem mittit, qui ad rectores civitatis tela ipsa deferrent, simulque nunciarent, ne belli iura violarentur, alioquin sibi quoque consilium non defuturum: insuetam hanc pugnae speciem Italicae genti, & ne cum barbaris quidem hoc modo solere dimicari. Decemviri, (tot enim praeerant civitati,) statim decernunt, si qui eo genere telorum usus fuerit, capitali supplicio esse damnandum. Ad BRACHIVM respondere, eius rei se ignaros esse, non placere sibi nec gentium, nec

Praelium inter  
Brachianos &  
Perusinos.

In quo posteriores  
telis usi  
venenatis, a  
Brachio gravissime  
increpantur.

belli, iura violari, & quoniam controversia esset de civitate, contentos esse rem suam non magis aliena pernicie, quam salute sua, defendere. Praeconio deinde edici iubent, qui veneno tela tinxissent, contra Rempublicam esse facturos, quo crimine nullo apud eos maiore animadversione & supplicio dignus.

Carolus Malatesta cum aliis civibus auxilium laturus appropinquat.

Dum haec geruntur, BRACHIO per speculatores significatum est, multum copiarum ab Arriminensibus coactum esse, Carolum Malatestam civibus auxilio venire, ducere in armis equitum duo millia, peditum mille & septingentos. Iam in fines Afisiatium pervenisse, esse cum illo in exercitu Angelum Pergulensem, & praeterea ductores alios non mediocris in re militari autoritatis. Hac re nuntiata, per alios exploratores, quos consuetudine sua late dimittebat, certior fit, Ciccholinum praeterita nocte cum mille equitibus totidemque peditibus ad Spellum, quod & ipsum est Umbriae oppidum, confedissee: & fama increbuerat, non prius inde moturum, quam copias iunxisset cum Caroli exercitu. Huc addebant, Paulum Ursinum in itinere esse, iam Narem flumen esse traiectum. BRACHIVS, tot simul rebus nuntiatis, adoriri singulos hostium duces instituit, ne, si cum universis confligendum esset, nimum discriminis ac periculi subire, militesque a multitudine circumveniendo, ad caedem, non ad pugnam, obicere cogeretur. Citato statim milite, quod matu-

Conferit Brachius cum Cic-

maturandum sibi quam maxime intellige-  
bat, sub occasum solis movit exercitum, mul-  
toque ante primam lucem, tota nocte in iti-  
nere consumpta, Spellum pervenit. Hostium  
pedites statim circa portas ac muros cre-  
bri stipatique confederant, fit nocturnus im-  
petus in somno gravem hostem. Tum ve-  
ro, quantum subitae res momenti habeant,  
quamque mortalium animi terreantur, maxi-  
me patuit. Primo sublato clamore, trepidus  
hostium peditatus non arma capiendū, sed  
huc illuc fugiendo, latitabat: non ordinem  
non ducem, non signa, sequebantur, sed, qua  
propiores essent portae, in oppidum se per-  
territi recipiebant, arma, vestes, tela passim  
relicta, pleraque in ipsa fuga trepidis elapsa,  
atque humi iacentia calcabantur. Interea  
Ciccholinus, audita suorum fuga, ubi de ho-  
stium adventu cognovit, equitatum, quem  
omnem, ne agri pabula vastare, aut frumen-  
tum noctu asportare milites possent, intra  
oppidi moenia compulerat, extra portas com-  
posito educit agmine. Sed, quo magis res  
erat improvisa, eo minus explicare aciem,  
proculque a moenibus procedere audebat.

Qua re cognita, BRACHIVS, tripartito ag-  
mine, tertiam partem copiarum obliquo  
tractu clam ad occupandas portas hostem-  
que intercludendum dimittit, ceteris copiis  
a fronte atque a latere invasurus hostem:  
nec consilium fefellisset, nisi oppidani, qui  
videndi studio ad moenia confluxerant, &



quantum nox permetteret,prospiciebant,Cic-  
 choliū iter obliquum hostium nuntiasſent.  
 Ille,reducto ad portas equitatu, ne circum-  
 veniri poſſet, intra prima oppidi munimen-  
 ta ſe continebat, mox provocatus, ut ſit, ad  
 pugnam, levi commiſſo praelio, paucisque  
 ex ſuis amiſſis, intra moenia compellitur.  
 Haec victoria, quamquam minor ſpe ſuit,  
 peditatus tamen direptione inſignis eſt habi-  
 ta. BRACHIVS, cum ex captivis cogno-  
 verat, omnes hoſtium copias in Aſiſiatum ſi-  
 nibus conventuras, quod ubique erat virium,  
 unum in locum coegit, ſperans, Pauli Urſini  
 adventum tardioſiorem fore, ceterum Carolum  
 animo eſſe vaſto, & ad gloriae cupiditatem,  
 quam periculi metum cogitandum, procli-  
 viore, minime expectaturum Pauli adven-  
 tum, exiſtimabat. Hoc conſilio, ne hoſti-  
 bus, quo minus coniungere exercitus poſ-  
 ſent, impedimento eſſet, in ſua caſtra rever-  
 titur, ſperans, coniunctis copiis in praelium,  
 quod peditatu & equitatu praevalerent, eſſe  
 venturos. Poſtridie eius diei hoſtis uter-  
 que, ex diverſo Aſiſium conveniens, caſtra  
 exercitus coniunxere. Peruſini, ubi primum  
 de auxilio eſt nuntiatum, ſubita laetitia pri-  
 vatim publiceque affecti, portas, iam pridem  
 muro ſeptas, aperiunt, mox turribus, moeni-  
 bus, palatio, privatis etiam aedificiis, lumina-  
 ri flamma diſtinctis, quo ſigno magnis pro-  
 ſperisque in rebus uti conſuevimus, ſe quoque  
 ad pugnam parant, iuventutem conſcribunt,

ar-

Quo viſto in  
 ſua ad Peruſi-  
 am caſtra re-  
 vertitur.

Peruſinorum  
 de adventante  
 auxilio laeti-  
 tia.

arma telaque expoliunt: videres se ipsos hortari atque excitare, muta iam pridem consilia magno celebrare plausu, alterum alteros gessienti similem intueri, &, quo minus laetus ex ea re esset, eo plus laetitiae simulare. BRACHIVS, in castra reversus, Tartalia ceterisque praefectis militaribus ad se vocari iussis, edicit, ut omnia, quaecunque committendo praelio usui forent, quam optime possent, compararent, proximam instare pugnam, aut huius belli, aut utrumque futurum sit, laborum atque exilii finem. Ipse, <sup>Cauta Brachii sollicitudo.</sup> cum ad multam noctem vigilasset, tabernaculum solus ingressus, multa secum cogitasse dicitur. Occurrebat animo duplicatus hostium exercitus; duplo suis copiis maior, Pauli etiam adventus, qui si ante, quam confugeretur, adventasset, futura in hostium exercitu equitum quinque, peditum fere totidem millia. Tunc Populum Perusinum magno numero maioribusque animis pugnae interfuturum, iam nunc nondum victis insultantem, & pene citra externam opem suis viribus parem se facere, bellandum esse alieno loco, equos suos in acie & diuturnitate belli confectos, hostium robustos atque integros, & nunc tandem hybernis exeuntes, tum aut pugnandum sibi esse, aut agrum totum amittendum, nihil alienius esse, quam praefidiarias manus per oppida dispo-  
nere, campum hostibus liberum patentemque relinquere. Nam, ut hostes non oppu-  
gra-

gnarent, fame tamen esse pereundum. Huc accedebat bellicae rei gloria, invictumque ante id tempus nomen, si hosti cederet, magnam famae suae ac nominis esse iacturam, nihil paulo ante fundato imperio periculosius. Quod si belli discrimen vellet adire, facile unum a tribus circumveniri ac vinci posse, quae res multo cunctatorem ad bellum faciebat. Repetebat, quam esset varia atque anceps fortuna belli, nec quidquam magis, quam ne superiorem felicitatem nova foedaret calamitas, metuebat. Hac tam ancipiti cura districtus, totam noctem insonnem egisse, etiam ipse confessus est. Ceterum, ut saepe ex longa cogitatione sana & matura consilia, porro ex consiliis pulcherrimi rerum exitus oriuntur, multis ultro citroque unam in rem collatis, placuit omni qua posset via, prius bello decernere, quam tot simul hostium copiae iungerentur. Hoc ut facere posset, quod ubique erat militum, equitum, peditumque, unum in locum coacto, omnibus dimissis impedimentis, in late patentes campos, quo hostis erat transiturus, composito atque instructo pergit agmine. Planities longe magis, quam late iacens a flumine Tyberi, qui a Septentrione defluit in Meridiem recto tractu ad Orientem, in Asiaticum pertinet fines. Non procul a flumine hinc collis, inde Sanctum Giliam, parva oppida, a latere prominent, quo fit in cetero tractu plane patentes campi, hoc in loco

Obviam deinde suos educit hosti.

co paululum devexi demittantur: qua vero a meridie in collem attolluntur, parvis, sed tamen frequentibus, arbusculis increvit sylva. Idibus Iuliis BRACHIVS, huc omni tractu exercitu, non longe a Tyberi flumine, qua hostem non multo post transiturum existimabat, confedit. Aciem non in cornu, veterum consuetudine, sed novo atque inusitato genere pugnandi, quo post illud tempus usi sunt omnes, in plura confertaque divisit agmina: unicuique agmini suus est ductor, quadrati agminis caput appellant. Primus enim praeliari turmatim instituit, ante quem non singulis primum & modicis cohortibus, sed toto simul exercitu, res cornu atque ala gerebatur. Igitur, omnibus equitum turmis in ordine quam aptissime collocatis, pedites raros interiecit, hisque imperavit, ut equitibus adessent, illos observarent, nusquam oculos ab illis sifterent, excitarent cadentes, vulneratos susciperent, hastas pugnantis administrarent, pocula circumferrent, &, cum commode potuissent, hostilium equorum ilia suffoderent. Rebus sic peractis, mittit, qui e proximo oppido dolia, cados, & varii generis ingentia vasa, perferrent, quae, accitis statim mulieribus ad aquam e flumine deportandam, media post militum ordines collocavit: quae res vel sola victoriam praebuit. Quod eo fecit consilio, ne ardore solis bellicae labore defessi milites ab ordine discedere, respicereque ad Tyberim

Novum inusitatumque pugnandi genus.

rim

rim cogerentur, ratus, id quod postea evenit, hostes propter anni tempestatem, solis aestum nequaquam diutius esse passuros, sed belli simul labore fatigatos, ad Tyberim octingentorum passuum intervallo decessuros. Haec ubi sunt peracta, paululum temporis permoratus, procul inde quatuor milium spatio, venientium hostium agmina conspexit, quorum paulatim appropinquantium arma solis splendore percussa fulgebant, & pulvis veluti fumus late exfurgens nebulae speciem ostendebat: adspiciebantur iam compositae parataeque praelio cohortes, quae vel spe praelii, vel ut civibus quam instructissimae bellicosissimaeque viderentur, magnifice se ornatissimeque distinxerant.

BRACHIUS, ubi videt hostem pugnae intentum procedere, veritus, ne magna vi populus auxilio veniret, peditibus aliquot ad occupandum fluminis pontem dimissis, ceterum exercitum in acies plurimas distributum circumiens hortabatur. Aliquae erant exulum cohortes, quibus Malatestam Balionium, Pandulfi, quem a plebeiis trucidatum diximus, filium praefecerat: Ad eas ubi hortando pervenit, propior factus, in hunc modum locutus fertur: Poteram, inquit, viri, utinam dicere liceret Perusini, & calamitate vestra, & hostium iniuria, contentus esse, nec eos verbis hortari meis, quos dura sua excitare debeant facta. Tertius hic & vigesimus agitur annus, quo nos eieci civitate,

vage

Oratio Brachii  
ad exules.

vage misereque acti, nec coelo, nec terra stabilem sedem habere potuimus, nulla re, quam longa fuga, tutiores: tandiu etiam parentes nostri multi iacuerunt, quorum iniurias ut ipsi non sentiant, nos recordari sine maximo gravissimoque animi dolore non possumus, nisi nostra mala paternas iniurias superavere. Nec facile quicquam aliena incommoda recordatur, quem premunt sua. Equidem memoria teneo, plurimos ex vobis, cum exilii mala comploraremus, dicere solitos, saepe sibi de morte esse cogitatum: nec quisquam est nostrum, cui tam misera & laboriosa vita non morte fuerit acerbior. Nam, ut mittam patrium coelum, ut affines cognatosque nostros, qui non parum nobis posunt afferre desiderii, quid per vestram fidem miserius dici potest, quam tot vix spiritus sustentatos annos, non potum, non cibum fumere, non dormire, non vigilare, sine perniciosissimae mortis suspitione potuisse? quoties non insidijs, quoties veneno tentati sumus? ubi gentium paulo diutius commorati, ut non statim missi sint, qui capiti vitaeque nostrae insidiarentur, precium nostri sanguinis accepturi? ex oppidis in oppida, e regionibus in regiones fugere magis, quam immigrare, compellimur, adeo nullo malo nostro contenti, perniciem, quam exilium, malunt: qui parentum quoque nostrorum sanguine ac caedibus sunt cruentati, pudet dicere, quae pati miseros oportuit, cum patriis

triis eiekti laribus, civitate ferro praecipitabamur, cum parentes nostros medio in foro crudelissime immanissimeque trucidatos, alios deformatos naribus, alios inanibus pedibusque articulatim caesos ac mutilatos, relinquebamus: quanto maiore effugimus numero, quam nunc sumus? ubi sunt illi ipsi, quos fugae atque exilii duces habeamus? id a me si quaeritis, alii inopia & fame, veneno alii, nonnulli moerore atque aerumna, perierunt. Quorum exilium hoc fuit miserius, quod in patria vel ab inimicis, qui occidissent, sepeliri potuerunt. Nam, ut viventibus multi, sic morientibus invidit nemo. Sed quid ego aliorum mala commemoro? quasi vero desint nostra, nec pari nos iactemur tempestate, paulo post iisdem exilii fluctibus interituri. Beatum illum ac laetum iuventutis florem infueti generi fortunaeque nostrae labores excusserunt, militares annos, & pugnacem ad hunc diem aetatem, quam adhuc celeri labentem passu retinemus, paulo post etiam, si socium & quietem nacti erimus, senectus absorbet. Ubi iam exhausta viribus & sanguine effocta reponemus corpora? ubi moriemur tandem miserrimi exules? aut quibus ossa nostra sepelienda demandabimus? Haec tam acerba & diuturna mala si, ut sunt, ita vobis gravia atque aspera videntur, non dubito, virtute vestra evitari hoc die posse uno momento, & parentum nostrorum umbris satisfecerimus, & saluti nostrae, quam

tot

tot variae procellae & tempestates agitaverunt, consulemus. Sit satis hactenus fuisse miseros; iugum illud tamen grave nostri exilii ut patienter ad hoc usque pertulimus, ita nunc fortiter exequiamur, ne nimis didicisse miseros esse, & nati ad exilium, non eiectioni, videamur. Quousque inimicos nostros tot scelerum impunes ac laetos esse, & parentes nostros inultos iacere patiemur? Satiusest iniurias ulciscendo mori, quam vitam eas negligendo retinere. Nam, qui sic moritur, tunc etiam ulciscitur, cum moritur, quo quid potest esse in miseria pulchrius? Contra vero, qui negligit tam diu acceptas, auget iniurias, donec earum testem vitam retinet. Nihil animo magno & fortia atque praeclara cupienti potest esse pulchrius, quam iniurias, ubi patientiae modum excefferunt, propulsare. Quem non natura solum ad vindictam armavit, sed etiam excitavit ad gloriam? Aliud est quaerere gloriam, aliud ignominiam propulsare: illud honeste saepe non curamus, hoc sine summo dedecore & turpitudine non curare non possumus. Quod si gloriae cupiditate, & maiorum ultione non tangimur, quoniam gravia, quae sunt, usu sunt atque assiduitate leviora, nostra tamen necessitas impellat ad bellum: sin tot mala perpeti aequo possumus animo, liberis nostris, quos media in fuga peperimus, aut, si Dii volent, in patria pariemus, consulendum

N

nobis



nobis est. Quod si hoc fortasse veremini, ne nimis severi ultores futuri simus, missas parentum faciamus iniurias, saltem nostra tecta, nostros lares, praedia & sepulchra nostra, repetamus. Quanquam quae satis severa ultio iis, qui avos, qui parentes, qui germanos, nulla causa interfecerunt? qui iam pridem inopia & fama pereuntibus domos atque agros eripuerunt? Veremur, ne nimis magnam iis iniuriam faciamus, quod, nostris iniuriis non contenti, vi, fraude, ferro, veneno, usquequaque vitae capitique nostro insidiati sunt. Quotusquisque est mortalium, si pugno ictus, si paulo conviciofius aures appellatz, qui non ira statim incensus, gladium perstringat? Sed multo maior iniuria nostra est. Utinam patientiae locus foret, & quos habuimus offensores, iisdem petentibus veniam dare possemus: sed nec illi sui sceleris atrocitate petere audent, nec nos, si peterent, ignoscere paternae pietatis iura paterentur. Maius est illorum scelus, quam quod ignosci a nobis queat. Sed quid haec loquor? quasi illa de venia impetranda, non de calamitate accumulanda, cogitarent? Agrum omnem vastavimus, Thrasimeni oram, etiam illam navigabilem, recepimus in potestatem, oppida cuncta, quae munierant, aut vi nos subegimus, aut illa sua sponte in deditionem devenerunt: montosa & asperissima situ castella ad nos defecere omnia. Urbem, ut nos quietem aut aliud age-

ageremus, agricolae obsiderent, non pedem efferre, non portas aperire audent. Videte, quaeſo, indebilem pertinaciam, num de recipiendis nobis vel unum fecere verbum? Miſere illi quidem Legatos; ſed quid aliud Legati, quam verba dare? Belli dilationem quaeſierunt. Quid facturos putatis, ſi hinc victi vage ſparſimque diffugerimus? Quos intra moenia noſtra coercitos mitigare nequimus, eos nobis fugientibus pacem daturos exiſtimamus? Credite mihi, aut hodie vincendum eſt nobis, aut victis miſere in exilio moriendum. Nihil dico de gloria, nomen ipſum admonere nos poteſt: quae mdium exules fuimus, nihil tam ignominiolo titulo ſplendoris eſſe potuiſſe: affinitates & coniugia, quae antea finitimis dare negabamus, nunc ignobiliffimus quiſque ſaliſcit: adeo noſtrae fortunae noſtri adipectus omni genti ſorduere. Semperne igitur extorres exulabimus? Semper fame atque inopia excruciatum in miſeria & calamitate verſabimur? Et quis erit laborum finis, ſi etiam fugientibus pro capite arma ferre opus ſit? Hoc illud eſt tempus, in quo modico brevis horae diſcrimine perpetuum nobis paratum eſt otium. Si hodie noſtris utemur dextris, reliquae vitae non noſtrae ſolum, ſed liberum nepotumque noſtrorum, conſulemus. Nec eſt ea ratio, exules, ut meliorem belli occaſionem futuram ſperare poſſimus: hodierna pugna totius belli finis erit: et oppida, quae cepimus,

& urbs ipsa victorem sequetur: nulla iam nec nobis, nec hostibus, auxilia operienda: quod habent virium, id hodie in ultimum belli discrimen adduxerunt. Quod mearum fuit partium, dedi operam, ut quam acquisitissimo loco, antequam hostes se cum urbano delectu coniungant, cum dimidiis eorum copiis praeliaremur. Annem videtis interclusum, si sitign extinguere pergant hostes, ferro iter erit aperiendum. Nam, ut acri pugnent animo, id curavi, ut non cum solis nobis esset illis, sed cum ardentissimo etiam aestu, dimicandum. Omnia nobis, Diis gratias, opportune provisum sunt: delectus locus, constituta in ordine acies, parata, quae fatigatis succurrant. Pedites vestro praesidio intermixti nihil nisi vestros oculos intueri iussi sunt: iam & mulieres, ne solem timere possitis, auxilio praesto fuere. Si pares tantis apparatus adhibeatis animos, nos certe vicimus exules. Quid etiam, si haec gravissima forent, necessitas nos cogeret pugnare, si non ipsa voluntas impelleret? Patiemur nos, ignobilissimum quemque regnare domi? Patiemur, abiectissimam plebeculam nobilissimae imperitare civitati? Domos nostras, sanguine parentum nostrorum cruentatas, ab iis ipsis teneri, qui occiderunt? Equidem saepe audivi, qui violenta & manu illata morte perierunt, eorum umbras circa domos ac tecta volitare, conari saepe vocem & piacula exposcere. Quid? si parentum nostrorum umbrae

brae suas domos circumerrent, quos adspiciant non interfectores suos? Quid audient? Non quotidianas execrationes? A quibus pericula & parentationes expostulant? Num ab iis, qui se nefariis manibus interfecerunt? Opem expectant vestram, non qui ceciderunt solum, sed quos ludibrio inimici in urbe retinuerunt affines & propinqui nostri. Quibus quid potest esse miserius, alienum atque inimicum vultum sumere, ubi dolent, gaudere, ubi gaudeant, dolere coguntur, adeo libertatem animi, quae communis est omnibus, dissimulare miseros oportet. Nihil dico de Magistratibus, nihil de divitiis & libertate civili, nihil de contentionibus urbanis. Iam pridem memoria exciderunt honores & dignitates, quas continue apud inimicos intuentur: cogitate, quantum acerbitatis; nam nobis quoque idem est malum, nisi fortasse minus doleat, qui iniuriae suae autores non semper habet ante oculos, quam quibus praesentes metuendi sustinendique sunt illi. Qui domos nostras frequentare solebant, direpti, spoliati, nihil nisi dexteris expectant vestras. Qui comitari parentes nostros, qui cum illis Rempublicam gerere, quorum magna pars ferro ablumpta est, quas porrigere preces, quae vota facere, quam occulte tendere vobis timidas manus arbitramini? Suspiciate, quaeso, illa, in quibus nati sumus, moenia, quam cupide hodie vos expectent: quaeso item, introspicite, videte illa interiora tem-

pla, illic patrum matrumque vestrarum iacent ossa. Quid illa privata, nec tam eminentia, aedificia? Ibi nati, ibi, quibus per hostesadolescere non licuit, primis incunabulis educati sumus. Quam amice nos videntur acclamare, & implorare opem nostram? Quid dicam illos supremos colles, quid hos campos, quibus etiam pueri versabamur, & hunc ipsum Tyberim, tum hoc patrium coelum, quod in hanc lucemeducti haufimus, quam pulchre ad bellum contra inimicos invitant? Ubi aut gloriosius vincere, aut honestius sepeliri, poterimus, unde fugere turpius? Porrigite mihi dexteras vestras, mei cives, nam sic auguratur animus: per has ego vos appello, in quibus victoria nostra sita est, ut hodierna die pulchrum facturi facinus pro vestra patria, quam videtis ante oculos, pro vestris tectis, vestris incunabulis atque fortunis, pro parentum gloriosa vindicta, pro salute & dignitate nostra, denique pro hoc ipso nostro tam pulchro, tam nobis amico, coelo, ita fortissime dimicemus, ut aut fortiter vincendo, aut honeste moriendo, perpetuo in nostris parentumque nostrorum quiescamus sedibus. Haec dicenti una reddita est omnium vox, se aut vincere hoc praelio, aut mori, statuisse. Eas acies Brachius, quod in his plurimum confidebat, primo loco post Tartaliae aciem constituit. Singulis in ordine collocatis, ad militum agmina progressus, eos quoque hortandos ad bellum incen-

Horum  
responsio.

Oratio eius-  
dem ad mi-  
lites.

cendendosque pro periculi magnitudine arbitraturs, ita disseruit: Cum belli varia pericula cogito, milites, quae me duce superastis omnia, tanta mihi virtutis vestrae recordatio occurrit, ut nihil novi negotii putem expetendum: satis erit pristinae virtutis admonuisse: eius hodie si, ut spero, memineritis, victoria in manu est. Exhibete mihi, quaeso, illas victrices dextras, quibus me ad Picentes pauci a plurimis defendistis, quibus Cingulanum populum compulistis intra moenia, quibus Faventini, qui transitum per suos fines facere prohibebant, altius, quam vellem, cecidere, quibus Romae Regem pugnâ, Gallos virtute, omnes gloria, superastis. Non dubito, qui fortissimas gentes vicistis, ne ignavissimam non superetis. Nec vos armorum deterreat vanus fulgor, quae paulo post vestra futura sunt, illi clypei, illae hastae, quas procul venientes intuemini, hostium fugae, non vestrae victoriae, impedimento erunt. Gens imbellis & domesticis emollita deliciis, quam nimis imperiosus dux, ad numerum, non ad pugnam domo excivit. Multum praedae, nihil periculi, affert, ut nos negligentius pugnemus, aciem nostrorum oculorum diutius ferre non poterunt. An vero, quid nomen valeat, ignoratis? Tremere nunc hostem sub armis, non sua magis ignavia, quam fama vestra, cogit. Tot magnifice gesta praelia, tot illustres victoriae, tot expugnationes, quibus ante hanc diem in-

victi reputamini, non latent in angustiis, milites, sed cunctam Italian, omniumque hominum animos, pervagantur, & qui timide accedit ad praelium, de fuga cogitat, non de victoria sperat. Quid putatis facturos hostes, quorum alii bellorum infuetudine, alii fama vestra, omnes perterriti, omnes a liberis & coniugibus avulsi, ad domos suspirant. Nec magis vos, milites, primam in frontem progrediemini studio bellandi, quam illi ad terga suorum fugitabundi delitescant. Veterani si qui sunt hostium milites, quos ille per oppida disiectos uxoribus enervandos exhauriendosque disperferat, defueta iam bello sunt & longo otio soluta corpora, nequidquam nostris cicatricibus, & duratis collo lacertis, congressura. Quae ut minus a nobis praelio vexentur, sitis atque aestus absument. Equi eo robustiores sunt, quo magis exerciti, nec solem facile patitur, quem diurna complexa est umbra: tum magnam pugnantibus incitamentum praeda est: opes nostrae quam angustae sint, ne ipsi quidem ignorant hostes, galeam, lorica, thoracem, ocreas, tela, equos, haec nobis eripere victores possunt, haec sunt, quibus discrimen belli ne ipsi quidem, qui bello vivimus, putaremus adeundum, quid hostes, quam longa pace, quam recenti expeditione atque apparatu opulenti? Non nobis cum armis atque equis est bellum, quos spoliatis auferamus, pro captivis redimendi erunt,

erunt, quos ceperimus, non pro militibus dimittendi. Superiore Gallico bello una excursione octoginta millia numum praedae pretium accepimus, quod ex tot simul captivis sperare debemus? Nam arma illa procul micantia magis sunt ornata, quam firma. Delecta ex oppidis iuventus phaleris atque armis tota nitet, ceterum animis inge us trepidatio & pavor officit. Quas opes, Dii inmortales, quae vasa argentea, quantas pecunias Ariminenfes longa pace congesserunt? Ii sunt, quos iam non longe adspicitis, veluti ad nuptias molli apparatu venientes; stringite modo gladium, nihil dubito profugituros. Nec enim Ariminenfes Faventinis finitimis suis fortiores erunt. Idem tractus terrae, eadem ora est, nisi quod isti longiore otio torpuerunt. Quanta caedes Faventiae facta, quam nullo praelio tot millia hominum fusa fugataque sunt? Cum ad Pisaurienses penetravimus, quantum praedae in Ariminenfi actum, quam nihil ausi sunt graves praeda impeditosque invadere? Quid nunc animi habituros putatis, alieno solo, pro alieno imperio bellaturos, cum iis ipsis, quibus suis in sedibus, pro suis fortunis congregi non sunt ausi? Non facile exsurgit, qui semel deiectus est, animus. Nam de multitudine quid attinet dicere? Fato quodam nostro fit, milites, ut nunquam pari numero congressi sumus, & vos iam pridem vincere multitudinem didicistis. Testis est Michi-



lectus, testes isti ipsi Ariminenses & Faventini, quos maioribus, quam nunc sunt, copiis Camerti agro Fabrianensique fugavimus. Testis hic ager Perusinus, ubi cum multi uno in exercitu duces convenissent, subito conspectu nostro ad Tyberim defugere. Testis, ut alios taceam, potentissimus Rex, Arretio fugatus, Romae devictus, sola pulsus vestra virtute, milites. Nam alii quid opis tulerint, non est necesse aliena facta commemorare. Diis gratias, eo animorum ventum est, ut multitudo contentui sit vobis, paucitas verecundiae. Nam ii ipsi, quod nulla iniuria, nisi militari, lacesciti a nobis, contra nos aliena capeffunt bella, saepe, quid vestrae dextrae valeant, experti sunt. Quo magis eorum ducis pertinaciam demiror, quem toties cognita pericula terrere non potuerunt? Voluimus transire ad Gallos, iter per Ariminensem impediēbat, Pīsauro cum praeda revertēbamur, praesto nobis a tergo, a fronte, ac se, ac militem obiecit suum. Patriam recuperare contendimus, videte, quam importune sese ingerat nobis? Nimirum hic sanguinem sitit nostrum, qui etiam invitos suos trahit ad alienum bellum, & exilium meum pro regno habet: quo in bello lapides si possent, aliquid mihi ferrent auxilii, hic unus ex omni Italia est infestus. Quae tandem ista est immanitas? Si quis toga acceptos suum in praedium divertere nos vetaret, quandam facere videretur iniuriam? At hic, ne ad patriam,

am, ne ad propinquorum amicorumque amplexus accedam, nefarius obstat armis, & quo pacto me vobis eripiat, inimico venit animo, non hostili. Defendite me ab inimicis, milites, qui toties ab hostibus defendistis. Si unquam fortiter pro mea dimicastis gloria, nunc per invictas, me duce, dextras oro, pro mea vita, pro meo sanguine, pro mea illa, quam suspicitis, patria, multo fortissime dimittetis, ex opulentissimo hoste ingentem praedam, ex me digna vobis reportaturi hodie praemia. Reponite me meis domibus, quem tam diu errantem secuti, nullo in periculo deseruistis. Haec dicentem, magnus vibrantium clamor interpellavit, nec unquam magis exarsere militum animi, quos certatim fortis-

Unanimis  
lirum vox,  
una respon-

sio cuique data ducis manu hasta magis magisque accendit, voces magnifice undique exaudiebantur. His hastis pulcherrimum facinus ante ducis oculos esse facturos, & quo sum quisque studium in Brachium declarare cupiebat, eo de se fortius polliceri: hunc diem testem virtutis amorisque daturum. Plerique bellandi ardore non expectandum hostem, sed ultro adoriendum, censebant. At Brachius, quod locum delegerat quam aequissimum, unde aditu fluminis hostem intercludebat, unoquoque in ordine manere iussit, post Tartariam atque exules, quos prima fronte constituerat, militum disponit agmina, in crebros & confertissimos glomerata orbes: signa autem militaria, & belli vexillum,

Oratio Caroli  
Malatestae ad  
milites.

lun, post sylvam in occulto haberi iussit, quod magis suspensum teneret hostem: hic inermem & pene inutilem adiecit multitudinem, quae, eminentibus supra sylvam hastis, integri & signarii agminis speciem praeferebant. Iam hostes, ubi ad mille passus appropinquare, paulisper subsistentes, suam & ipsi aciem tripartito agmine, & in cornua producto exercitu, paraverunt. Primi agminis ductor Angelus Pergulensis, in quo equites erant circiter mille, pedites octingenti. Alteri agmini pari equitatu, peditatu aliquanto minore, praeerat Ciccholinus. Ultimam aciem Dux ipse, mille & quingentos equites, pedites octingentos, collectum ex omni exercitu robur anteibat; nec deerant, quae militum animos incenderent, verba, nunc qui praecedebant, nunc ad sequentes conversus, magnifice hortabatur. Habemus, inquit, occasionem, milites, ulciscendi tot illatas nobis iniurias: cum illis bellum nobis est, qui Cefenatem depopulati agrum, non contenti praeda, mulieribus contra ius gentium iniecere manus, & arcem expugnatam igni ferroque vastaverunt. Camertes contra nos neque publico foedere, neque privata inter se amicitia, sed capitali odio nostri, defenderunt. Tum ex Gallia usque tot dierum itineribus decursis ad nostros fines praedabundi venire, pecora atque agrestes abegere in praedam, villas non hostili impetu, sed inimica manu, incenderunt, qui, nisi ali-

aliquid ultra bellum agitaſſent, non tantum exhauiſſent laboris, nunc poenam tot ſcelorum daturi, niſi vana vos deterreant nomina. Nam illa teneritas improviſis nobis terrori eſſe potuit, nunc conſulto ad bellum imus, tunc numero impares, nunc duplo maiores, ut circumvenire hoſtem, nec victoriam modo, ſed certam fugam, ſperare poſſimus. Non eodem milite res agitur, nec vos inſignia illa decipiant. Nam, quos in Piceno vidimus, pars ſecuti Paulum ſunt, quem, ut noſtra omnis penes vos eſſet gloria belli, expectare nolui, pars Bononiae relictæ præſidio. Haec exulum omnis eſt manū, illis nec equi, nec arma abunde ſunt, quos inanis ſpes recuperandae civitatis exhauſtos iam pridem, & vage deiectos, ad patrium contraxit bellum: equi in acie conſecti, arma plerique raro antea capi ſolita, ſed facite, equos, arma, uſum belli, atque corporis. atque animi vires, denique omnia egregie hoſtis habeat, quam facile eſt vincere intercluſos? Hinc populus imminet, hinc noſter altero tanto maior premit exercitus, nec homo plus quam hominem valet: ſuae cuique manus, ſui pedes ſunt, nec quiſquam magis acer oppugnator ſalutis alienae, quam cautus deſenſor ſuae: ſed, qui terga vertit, hoſti feriendum ſe impune offert. Nec ulla tam foeda vulnera, quam quae tergo excipiuntur: contra nulla honeſtior, quam adverſo in pectore fronteque, cicatrix. Quid? quod

quod hostem iam nunc timere videmus, sibi ipsi diffidentem, qui, ut falso nos terreret metu, perexiguum exercitum frequentia divisere in agmina, quasi numero illa, non robore, constarent: si vicerimus, milites, quod scio futurum, omnis hic tam late patens ager nostro cedit imperio. Urbs illa, cuius tam superba videtis moenia, nostri futura est: tum hostes vincere, etiamsi parum foret praedae, pulcherrimum est. Sic lupos saepe laqueo petimus, non tam praedae gratia, sed ne quid ovilia nostra corripiant. Omnia tuta erunt nobis hoste profligato, & ultra imperii fines, quos una victoria longe lateque propagabimus. Nihil regni nostri exactionibus opus erit, huius urbis vestigalia fatis nobis stipendii dabunt: nec solum tuebuntur illa sese nostris auspiciis, sed magna imperii accessio, quae vobis quoque capienda est. Novarum rerum magnarumque expeditionum initium erit, nec solum dico de praeda, quae omnis futura vestra est, sed de gloria multo magis, quae communis mihi vobiscum erit. Ite modo alacres ad bellum, & haesitantem iam pridem hostem, ubi cinctum habetis, stricto mucrone adoriimini, ulturi hodie tot indigne acceptas iniurias. Exiguum iam interval- lum utramque aciem dirimebat. Brachius Tartaliam, cui primum aciem ducendam dederat, cum aliquot suis turmis contra hostem ferri, reliquas subsidio paratas esse, iubet:

Proelium in-  
ter hunc &  
Brachium  
commisum.

et : nec longo intervallo Malatestam, secun-  
 i agminis ductorem, pressa galea, intentis-  
 ue hastis, pugnae eventum expectare, &  
 ubi signum daretur, paratum esse ad impe-  
 endum hostem : parique spatio Cherubi-  
 num instructa parataque acie constituit. Ipse  
 extremo loco, subsidiaria collocata manu,  
 peditum aliis equiti intermixtis, qui hostium  
 suffoderent equos, aliis ad occupandos dex-  
 tra laevaue transitus dimissis obliquo cur-  
 su, triginta stipatus hastatis, suorum agmi-  
 na praetergressus est. Nec hosti defuit ani-  
 mus. Prodire iussi confestim aliquot equi-  
 tes, qui manus cum illo confererent. Hoc  
 modo leviter duobus in locis pugnare coe-  
 ptum. Angelus Pergulensis, parte suorum  
 contra BRACHIVM missa, subsidio suis  
 modico spatio veniebat : BRACHIVS, ma-  
 gna vi pugnans, repellitur. Huic Malatesta,  
 quem paratum praelio dixi, cum parte equi-  
 tatus succedit tanto impetu, ut dissipati ho-  
 stes, in reliquum refugere exercitum coge-  
 rentur : captique sunt equites septuaginta.  
 Quibus statim spoliatis, equos atque arma  
 peditibus distribuit, iussosque armari in no-  
 vum producit agmen, & quid unumquem-  
 que facere velit, ostendit : ipse pugna egres-  
 sus, quid hostis, quo tenderet, observabat,  
 simulque ut, cum auxilio opus esset, pro-  
 visa forent, nihil ordines interruptura sub-  
 sidia. Tartalia fortissime pugnante, vel po-  
 tius insequente, Angelus cum parte equita-  
 tus,

tus, quem subsidio venire dicebam, fugientes suo excepit agmine. Sed nec ipse firmato gradu procedere ad pugnam est ausus, vel metu tanti impetus, vel, quod verisimilius putant, lassationem ordinum operiens. At BRACHIVS, ubi videt, hostem vel detrectare pugnam, vel differre, cum quadraginta equitibus hostium agmen aggressus, magno conatu pellicere ad praelium non potuit. Quocirca utendum occasione ratus, Tartaliam revocavit, milites atque equos ad dolia subducens reficiendos curavit. Diu deinde in mora stetit utraque acies. Quæ res BRACHIO perniciofa videbatur, si aut colligendi sui spatium dedisset hosti, aut cum populo coniungendi, tamen utrinque invadendi commoditas expectabatur: uterque dux ad tempus atque locum intentos tenebat oculos. Carolus morae & caloris impatiens, promoveri vexilla, & confertissimum suorum agmen in longissimum extensum cornu subsequi, iubet. Iam ducentos passus processerant signa, cum BRACHIVS, veritus, ne multitudine hostis circumveniendi sui consilium coepisset, simul ne cum populo iungeret, quem magna turba adventare missi speculatores referebant, variis in locis petendum uno tempore hostem constituit, ne tota mole belli aut elaberentur hostes, aut premerent, ratus, id quod res admonebat, quod frequentia haberet agmina, facile hostes a fronte, a laeva  
 dex-

dextraque posse tentari. Qui si paululum ordine recederent, quod non pari arte distincta essent agmina, facile profligari posse. Nec consilium fefellit: quippe, ubi tot simul locis factus est impetus, necesse fuit, hostem, uno cornu protensum, ad omnem simul partem resistere, & alios alio converti, nullo nutu, nullo duce. Contra BRACHIANÆ turmae, singulae quaeque suum ducem sequi, suum ordinem servare, edoctae, facillime omnem in partem convertebantur. Igitur BRACHIVS, signis hostium promotis, Tartaliae cum eodem equitatu praecepit, ut obliquo itinere Pergulensem infestis peteret telis. Deinde, qua parte vexilla erant promota, centum lectissimos dimittit equites, iisque ostendit, a latere vexilla aggredienda esse, & aut, quantis possent, viribus consternenda humi, aut, quo minus ultra deferri possent, esse retardanda. Tum a tergo quinquaginta equites idem agmen adorti, sed hanc tantam hostium multitudinem defatigare magis, quam vincere, poterant. Ciccholinus, qui signariis praeerat, pungentem magis, quam prementem, militem facile a signis repellebat: tamen tanta paucorum erat & tam ad velocitatem ordinata celeritas, ut hinc alii repugnarent, inde alii, qua minime hostis rebatur, incurrerent. Itaque Ciccholinus, paucis tuendi vexilli negotio dato, ceteros, qua hostis premebat, capeffere bellum iubet, sed nullo conversi ordine, cum nunc hinc pu-



Ex quo Brachius victor  
recedit.

narent, nunc illo occurrerent, sibi ipsis erant impedimento. BRACHIANI milites paulatim, ut erant admoniti, pugnando caedendoque procul a signis hostem retrahere conabantur. Pari arte Tartalia Angelum adortus, non multum procul inde dimicabat. BRACHIVS, fessis ad dolia reductis, integros submitlebat. Sic compoti ac refecti statim & milites & equi, ad praelium maioribus redibant viribus. Victoriā hanc una res peperit. Quippe multitudinem, etiam sine certo ordine, varioque bello intentam, pauci dissipare non poterant, & undique in frontem, adversis hostium telis, iam uno totius agminis orbe resistebatur. Nunquam, facto inpetu, exiguae turmae quasi dimota hostium mole excutiebantur, & gradum ultra, quam opus esset, referre cogebantur. Sed, sole iam ad medium diem ardentissimo calore exaestuante, hostes, paulo ante facto itinere defessi, nec pulverem, nec sitim, pati poterant. Tum radii, medium obtinentes coelum, ipsam quoque succenderant terram. Inde densissimi exorti vapores, caligine atque aestu cuncta compleverant: hostium crebri inter arma & laboriosi halitus sentiebantur, nec respirare, nec galeam sine periculo lassare poterant, ora, oculi, supercilia, ferventi conspersa pulvere, tum membra, largo atque urenti sudore perfusa, liquebant. Nec minor equorum lassitudo, quorum non modo lassae cadentes linguae exser-  
taque

taque ora videbantur, sed diffuente irrigati spuma, ne stimulis quidem perciti, ipso in praelio medio conatu deficiebant. Contra BRACHIANIS equis ac militibus comparata, quæ situm ardoremque levarent, aqua, vinum, acetum, vires mirifice confirmabant, quibus ad dolia properantibus parati, qui pocula suggererent, pedites. Nec opus erat equo descendere: simul equi dolio, simul milites peditum manu compoti, pugnam ardentius instaurabant. Ergo hostes, siti, pulvere, sole, labore, tot simul malis, circumventi, languidius plerique pugnare, alii ad Tyberim recurvo tractu deflectere coeperunt. BRACHIVS ubi videt exinanitam signorum aciem, & milites, lassatis ordinibus, palantes ad Tyberis ripam deferri, conversus ad Malatestam, quem exulibus præesse dicebamus, victoria, inquit, nostra est, fac, quantum maximum potes, impetum in signariam aciem, consterne ad terram & perturba inimica signa: ite nunc, exules, virtute vestra finite bellum. Qui, dicto audientes, subito velut turbine fessam iam & deficientem aciem petivere tanto cursu, ut, densissimo, qua procederent, excitato pulvere, nihil oculis cerni posset. Hostes iam pridem defecti viribus, nec perstringere gladios, nec habenis moderari poterant, ictus tamen iam sine sensu crebros excipiebant, &, quos antea sua multitudo a fuga detinuerat, nunc maiore recentium hostium invasi nu-

mero, impetum sustinere nequiverunt. Vexilla strata humi, lacerataque: fufis ac fugatis BRACHIVS expeditiore manu a fronte occurrit: Cherubino, ad Tartaliae agmen confirmandum augendumque dimisso, praecepit, ut, Angelo profligato, Caroli paulo recentiorem alam diffunderet: ipse fugientes capi, ligari, trahi pecorum more, iubet. Inter haec Angelus, cum aegre uni Tartaliae resistisset, Cherubini adventu, terga quam effusissime convertit in fugam. Omni exercitu contra Carolum inmisso, BRACHIVS primus stationes irrupit. Ferunt, Carolum diu pugnae eventum securum expectasse: cui cum esset saepe nuntiatum, carpi paulatim exercitum, atque omnia exhausta viribus agmina, male rem gerere, nihil credidisse, sed, veluti media in pace, nobilium more commessantem, vix dato equitandi spatio, circumventum esse. Fufus fugatusque miles a peditibus, quos transitus dixeram occupasse, capiebatur. Omnium longe miserrimum erat, duos tresve captivos a singulo quoque victore ligatos, veluti greges, agi. Maxime omnium Nicolai Picinini, tunc gregarii militis, memoria mea summi ducis, virtus eo praelio laudata est. Capta fuere equitum circiter tria millia, pedites equitesque ducenti desiderati, equorum ingens facta strages. Ciccholinus quoque, fortissime pro patria & salute dimicans, capitur: duoque Ca-  
roli

roli nepotes, multique ductores agminum  
 capti, atque in vincula coniecti sunt. Se-  
 ptingenti custodiae traditi feruntur, ceteri  
 militari more dimissi. Angelus Pergulen-  
 sis ex tanto exercitu, cum quadringentis  
 equitibus, testis tantae calamitatis, evasit. Ca-  
 rolus, ad BRACHIVM perductus, non minus  
 victorem clementem, quam hostem fero-  
 cem, est expertus: primum equo descende-  
 re atque arma deponere iussum, ipse, dete-  
 cto capite, quod est honoris & observantiae  
 signum, humanissimis coepit consolari ver-  
 bis, monere, ut eos fortunae ludos aequo  
 ferret animo. Hac demum varietate con-  
 stare bella, ut nunc victores, nunc victi sint,  
 qui manus conferunt, nec quidquam magis  
 esse mutabile, ideoque ancipitem vocari for-  
 tunam belli. Non tam illi dolendum esse,  
 quod victus esset, quam laetandum, quod ab  
 amicissimo hoste victus, cogitaret tot acer-  
 bos casus violentae mortis: quid? si fata semel  
 a se uno vinci statuissent, ceterum cum aliis  
 victorem fore? non illum turpi fuga inter-  
 ceptum, sed gloriosissima belli acie supera-  
 tum esse, hic animi magnitudinem praestari  
 oportere. Res secundas facile pati omnes,  
 adversas sustinere, magni animi opus esse.  
 Virtutem nulla re magis declarari, quam ad-  
 versa fortuna. Multa in hunc modum cum  
 essent dicta, ferunt, ad levandum animi moe-  
 rorem saepe Dominum appellasse: illum

Carolus Mala-  
 testa ipse ca-  
 ptus, in sum-  
 mo a Brachio  
 habetur ho-  
 nore.

in calamitate non oblitum fortunae suae, irato sunilem dixisse : immo vero tu, qui vicisti, Dominus. Omni profligato exercitu, BRACHIVS parvum equum afferri, atque eum adscendere Carolum iubet, captivos omnes, qui erant redimendi, primum Torsianum, mox Fractulam deducendos, ac militibus diligentissime observandos dedit : Carolum non modo in vincula non coniiciendum, sed in summo habendum honore, & ne quid nobilitate sua indignum pati posset, praegustationes omnium rerum faciendas, custodibus iussit.



IOANNIS ANTONII  
CAMPANI, EPISCOPI APRV-  
TINI, DE VITA ET GESTIS AN-  
DREAE BRACHII, PERVSINI,  
ITALICAE MILITIAE IMPERA-  
TORIS OLIM STRENU-  
ISSIMI,

*LIBER. QVARTVS.*

**H**ac calamitate accepta, Perusinos <sup>Luctus Peru-</sup>  
tam subitus pavor, trepidatioque <sup>sino rum</sup>  
tanta, invasit, ut primum varil lu-  
ctus in civitate audirentur, mox, compressis  
vocibus, luctu obscurius silentium tota urbe  
secutum, nemo forum adire, nec alter alte-  
rum intueri auderet. Defuncti iam externis  
malis, domi pessima quaeque metuebant.  
Affore iamiam inimicum victorem, existi-  
mare, & ut quisque sibi maxime conscius  
erat, ita in se crudelissime saeviturum. Oc-  
currebant tot nefariae illatae caedes, omnes  
una hora vindicandae, & quicquid non mo-  
do facere hostis posset, sed etiam cogitare, cru-  
delitatis facturum putabant. Hunc publi-  
cum moerorem privatae potentium lamen-  
tationes excipiebant, ultimum venisse sibi  
familiaeque suae diem, satiatum iam iri tam  
longam inimicorum rabiem, suo sanguine  
foedandas, quas tamdiu tenuere, alienas domos,  
nunc demum caesis parentibus, & propin-  
quis,

quis, quo tardius, eo acrius, hostem parentaturum: &, ut vitae parceret, ut nuda per inimicas manus elaberentur corpora, in exilio tamen miseris, domi assuetis, esse moriendum. Iam experturos, quam misera fuisset inimicorum vita, dum exulassent. In tanta virorum acerbitate mulierum obscurior erat facies: aliae squalidae ac miserabiles in templa confugiebant, aliae domi tacitae inoestaeque sese obseraverant: quarum magis ea res interesset, earum claustris resonantes audiebantur ululatus, se suosque vivos atque mortuos complorantium. In tanto publico luctu pauci fuere, qui maximis malis aliquid, si non remedii, saltem consilii, quaerent. Universo populo vocato in concionem, Decemviri, commemoratis tot

Eorum consilium.

sinul acceptis incommodis, defectione totius agri, calamitate tanti exercitus, &, quod longe omnium molestissimum ferebant, capto Ciccholino, nulla iam ne spe quidem auxilii proposita, hostis victoris tam late auctis viribus, tandem de tradenda urbe agendum censuere, nec ullam conditionem recusandam, rati, se tutiores hac via futuros ab exulium furore. Placuit primum caduceatorem ad BRACHIUM in castra mittere, qui Legatis eundi potestatem impetraret. Sed ille, in meritoriam divertens tabernam, &, ut est genus hominum, nimio potu confectus, intra vepres sese vino somnoque gravem deiecerat. Quo non redeunte, magis dubitari

Mittitur ad Brachium caduceator. Qui vero nimio potu confectus domum revertendo non cogitat.

tari coëptum est. Verebantur enim, nihil hostem, nisi civium cladem, petere, eamque ob rem caduceatorem aut vinciri, aut necari, iussum existimabant. Quae res magis ac magis perterrituit animos. Sed iidem illi, quorum virtus in periculis non defecerat, Cinellum, quem BRACHII consobrinum diximus, ad eum in castra mittendum decreverunt: solum esse, ducentes, in quem ne hostis saeviret, humanitate fortior necessitudo defenderet. Huic edicitur, ut omni nitatur ope, precibus efficere, quo Legati tuto accedere ad BRACHIVM possint, & dedendae urbis consilium aperiat. Hortetur, quam maximo possit studio, ne ultro delatum reiiciat imperium. Ille, ut erat imperatum, profectus in castra, perbenigneque acceptus, mandata exponit: missum se non quidem pro Legato, sed ut Legatis tute veniendi potestatem exoraret. BRACHIVS, ut decebat, admiratus, caduceatorem perquirendum iubet. Qui, semisepultus vino compertus, nec ad se excusandum, nec ad responsum referendum, exsolvere linguam poterat. Hic, inquit, ad me venit, & tabellas subsignavi, & salvum ac tutum adventum Legatis renunciari iussi. Cognito errore, Cinellus caduceatorem statim remittit. Ipse, paululum, ut sit, secedens, cras, inquit, Legati ad te venient primores civitatis, & publico consensu omnium imperium deferent. Quae re audita, BRACHIVS, suspensus ali-

Hinc mittitur  
Cinellus.



Ad quem Bra-  
chius disserit.

quamdiu, & attonito similis, haesisse fertur. Excitatus deinde a Cinello, &, quidnam tanta in recogitaret, interrogatus, ego, inquit, hoc cogito, aetatem meam omnem ad hunc diem sine labe esse transactam, in maximis calamitatibus, nulla me suspitione criminis notatum, nulla adpersum perfidiae macula, nunc secundis rebus ad patriae occupationem invitor, &, quem adversa olim non potuit, secunda nunc fortuna faciet me noceantem? Huc adde, tot exules, quorum par conditio exilii fuit, dominum ad servitutem secuti videbuntur, non periculi socium ad libertatem. Quid aliud patria pulsos tot ci- ves putas, nisi quia privatam tyrannidem no- luerunt ferre? Quo animo manifestam ser- vitutem laturus existimas, qui occultam pau- corum potentiam pati nequiverunt? Etsi magis mea me gloria, quam illorum impa- tientia, movere debet, nulla turpior cupidi- tas & sceleratior, quam patriae, cui tu pare- re debeas, imperium quaerere. Et certe, quantum ad libertatem spectat, pares sunt, quos eadem moenia cingunt, quorum ea- dem sunt tecta atque sepulchra. An ego parentum umbris tam me superbe inculca- bo, ut, quem supplicem erant inspecturae, patriae violatorem intueantur? Qui, ne ty- rannidem paterentur, liberi occidere, quam vivere oppressi, maluerunt. Qua mente, prolem suam mortuis sibi, ne in libera quies- cant patria, servitutem asferre, patientur? An hoc

hoc quoque non cogitem, violenta regna diuturna esse non posse? Et in patria occupanda non modo iniustam vim, sed nefariam impietatem esse, subeundam. Ad haec Cinellus, quae dixisti, inquit, omnia vera esse, ne inficias quidem eo, ceterum tum maxime peccatur, cum superstitiosus peccandi timor officio obstat. Cogita, quanta civium strages futura sit, inhibente nemine? Neque enim facile sedatur ira, quam ulciscendi stimuli accenderunt: & tu exules reducere cupis, & cives recipere coguntur. Difficile dictu est, uno momento statim placatos esse, quos hinc metus suspectos, inde iniuria iratos, facit. Saepe etiam fratres regnandi cupiditas armavit, & regni est concertatio, ubi de statu & civitate contenditur. Quo si odium capitale, si caedes parentum, fortunarum ereptiones, tot denique variae iniuriae, accedant, qui modus ferro esse potest? Nec semel tot mala perpetienda sunt: ubi commodior erit occasio, continuae caedes fient; tantis simul periculis uno remedio obsisti potest: neque enim hoc invadere patriam est, sed conservare. Necessè est publicam auctoritatem adhibere, cum privata resisti hominum furori non possit. Nam, quod ad exules pertinet, satis illi debere tibi fatebuntur, si se in patriam reduxeris: franget hoc beneficium quamvis elati animi pertinaciam: nec turpe putabunt, ei deferri imperium civitatis, qui, ut ipsi cives essent, ef-

Cui vero Cinellus respondet.

sece-

fecerit. Multos iam erraverunt annos, & nisi quam tu ostendisti, nunquam ne spem quidem redeundi cognoverunt, non modo libertatis, sed etiam iniuriarum, obliti. Satis iam, satis sua mala tam longa docuerunt, satius esse domi mediocri esse fortuna, quam foris nulla. Civitas nostra pati iam iugum imperii didicit, maiores tui Pontificibus parere, & paulo ante Regem secuti, qui domi regnabant, servire potuerunt. Quanto pulchrius erit, illum conservare civitatem, qui in civitate natus est. Tum pendendum esset, si cadentem & sese cruentantem patriam, quam posses defendere, tueri nolles. Tum etiam pudendum, si ita civibus imperares tuis, ut armares ad cladem. Sin scelera arceas, stragem innocentium fieri vetes, & tuam & alienam frenes iracundiam, si & cives conserves, & exules restituas, haec demum erit summa & praeclara gloria: mancam iam dudum civitatem, & membris dissectam, unum in corpus redigendo, hoc maiorum umbrae, si quid tot nostra mala sentire potuerunt, laetabuntur, suam sobolem, quo minus civili sanguine in sepulchris perfunderentur, inhibuisse, & pro qua ipsi perire, pacem urbi atque otium peperisse. Quae maior impietas, quam parvam notam, si nota dicenda est, pro patriae salute recusare? Pro qua multi subire mortem, & hostium proditores iure esse potuerunt. Vide, ne dum manus imploranti opem tuae patriae

triae porrigere nolis, ruentem neglexisse videaris. Vim, iniuriam, cladem, incendia, etiam qui nondum intraverunt, urbi minantur: quos nondum oculis viderunt, animorum furore interemere, quid facturos putas, ubi oculorum ardores inflatas tot iniuriis mentes exsuscitaverint. Haec tibi macula, quam diluere non possis, vitanda est. Aut civitatis imperium capiendum est tibi, aut ultimum urbis excidium expectandum. Uno beneficio exules dignitate sua recepta, & civis retenta suis in sedibus conservari poterunt. Vera haec BRACHIO videbantur. Itaque, civitatis periculo cognito, communicaturum cum exulibus eam rem dixit, nec sine eorum consensu imperium accepturum.

Postero die. Legati Perusinorum in castra venere, novem fuere civitatis principes, plerique BRACHIO affinitate coniuncti. Hi

petebant, ut Ciccholinum, quem in praelio captum ostendimus, liberum sine pretio dimitteret, atque ea conditione civitatem in fidem potestatemque reciperet, orantes, ne excidium tantae urbis ab exulium furore pateretur. Non omnino adversari Perusinae rei, qui civem clementissimum victorem esse voluisset, proinde, quos praelio vicisset, conservandos, & in civitate retinendos esse. Pugnantes viribus domari, victos clementia conservari oportere. Ad haec BRACHIVS paucis respondit: Nunquam eo se animo gessisse bellum, ut patriae iura nefario do-

Sequuntur  
Legati.

Quibus Brachius paucis mentem suam exponit.

mina-

Brachii cum  
exulibus de-  
liberatio.

minatu occuparet, nunc, quando ita civibus placitum esset, invitum tamen ad imperium respicere, libenterque, si sibi permitteretur, id vel honoris, vel oneris, repudiare. Proinde etiam atque etiam cogitarent, si quo pacto publicam tueri dignitatem sine auctoritate sua possent, libentius se parituum esse regnantibus in patria, quam regnaturum. De Ciccholino vero non sibi integrum esse, quid deliberaret, illum sub Tartalia esse captivum, se vero nihil victoribus derogaturum. Ius esse belli, ut, qui praelio essent capti, in eorum essent potestate, qui cepissent: nec se impediturum, quo minus captivi redimerentur. Legati, re non impetrata, insequentem diem redituri abierunt. BRACHIVS, exulibus in concionem vocatis, rem omnem, ut sese haberet, manifestavit: cives ultro obtulisse summam imperiumque civitatis, se ad deliberandum tempus postulasse, nec sibi esse cordi tantum oneris subire, nisi quid ipsi censuissent. Non modo assensere exules, sed ultro rogare illum coeperunt, ut, quorum dux in exilio fuisset, quosque ab exilio revocasset, eos in civitate regere conservareque vellet. Omnes illi etiam privato fuisse perituros, non immemores tanti accepti beneficii, adderet privatae benevolentiae publicam auctoritatem: nam a quo melius regi, gubernarique posse, quam qui ne in exilio quidem putasset deferendos? Qui, quanquam meliore fuisset fortuna, nunquam

tamoz

tameu pro communi illorum salute quievisset. Ferunt, Ursu quendam, mediocris inter exules autoritatis, egressum concione, dixisse: Nunquam se, ut civis civibus imperaret, permissurum. Multos illi vetustate generis & maiorum opibus aut pares, aut non multo inferiores, esse. Qua voce ad BRACHIVM per milites delata, quanta nunquam antea, ira percitum, discedere pace infecta voluisse, civitatemque in pristino statu plebeciorum relinquere, vix deinde ceterorum exulum precibus esse lenitum. Illorum alios contendisse lachrymis, alios se ad pedes eius provolvissse, unam omnium fuisse vocem: mallet saluti multorum consulere, quam unius temeritate tanto eos fraudare beneficio, totque susceptos belli labores periculaque frustrari. Illum ipsum, qui adversaturum se erat minatus, non modo non summe apud eos, sed vix etiam mediocris esse fortunae, certe dementem & temerarium, qui, quod ipse neque dare posset, neque eripere, id se concessurum esse, iactasset: proinde respiceret ceteros, quos non minus gratos in imperio experturus esset, quam fideles in bello atque in exilio fuisset expertus: scire, neminem mansuetius imperaturum, quam qui suis se civibus imperare meminisset. Eius esse arbitrii, quid de exilibus statuere vellet. Reduceret, nec ne, omnes tamen, quoad victuri essent, in eius unius futuros potestate. Tam placida oratione

Ursi renitentia.

tionē sedata ira, BRACHIVS, cum paucis optimatum tabernaculum ingressus, iterum tentandos illorum animos decrevit. Commemorare coepit, quoties hoc movisset bellum, quamdiu suis stipendiis exercitum aluisset, omnia ceterorum exitum magis, quam sua, causa fecisse. Sibi fortunam rei militaris nunquam fuisse defuturam, nec tamen eam ob rem tot a se haustos labores, ut civitatem opprimeret, nihil magis, quam patriae communem libertatem, vendicare voluisse: nunc ab inimicis ultro ad se imperii fununam esse delatam, scire: quanta esset futura optimatum autoritas in patria, si reduxisset, nihil se inimicis confidere, quos non voluntas ad deferendum imperium, sed necessitas, compulisset. Optimates futuros sibi vel custodes civitatis, vel ereptores: illis se fidem, iura magistratus, illis corporis sui custodiam commisiturum: nec ignorare, in sua esse potestate, reducere exules velit, an in exilio dimittere, sed tam diu plebeios in fide mansuros, donec aliquam nacti occasionem, excutere iugum possent. Igitur male se liberos in civitate reponere exules, quorum postea uti opera posset, quam invitis imperare. Utrum esset futurum, in optimatum arbitrio esse: si se dominum velint appellare, intraturus suam domum: si moleste id ferant, nihilo secius civitatem recuperaturos. Quod ad se pertineret, gratius futurum, si ametur a liberis civibus, quam ser-

servientibus metuatur. Tum se civitatem sine nobilitatis consensu ne multos quidem dies retenturum, illis custodibus perpetuo habiturum. Ad haec Optimates respondere: Non adeo dementes, adeoque ingratos esse, ut non intelligerent, nisi eius opera essent reducti, omnes in exilio fuisse perituros: vitam, sanguinem, fortunas, omnia, ab eius pendere beneficio, nec multum interesse, privata, an publica, autoritate imperaret, quibus pro tanto beneficio omnino esset imperaturus, nisi quod civitas futura sit eius auspiciis moderationeque tranquillior. Nimis durum videri, quem inimici, domi regnantes, Dominum appellent, eum amicos, una exultantes, eiusque opera liberatos, civitatis rectorem fastidire: nihil hoc aliud esse, quam inimicos ipsos odio & pertinacia praestare, & illos amicos esse velle, se inimicos fieri. Capefferet ergo ultro oblatum imperium, se quidem non modo non impedituros esse, sed suis etiam, si ipse nolit, manibus atque humeris invitum ad curiam & palatium collaturus. Hic dies prope totus eiusmodi altercationibus consumptus est. Postridie illi iidem Legati reversi in castra, pleniora mandata retulerunt, nulla de captivis conditione interposita. Dedi urbem, foederaque & pactiones in sequentem diem dici placuit. Collis est urbi ad occidentem adversus, Montem Morcinum vocant, in cuius cacumine templum prominet celeberrimum:

P

hunc



Conditio-  
nes  
dedendae ur-  
bis.

hunc locum dicunt, ubi postero die de summa rerum paciscantur. BRACHIVS clara iam die cum parte copiarum ad eum locum contendit, occupatque monticulum. Legati, ut erat constitutum, eodem paulo post convenere. Composito statim bello, sublatisque offensionibus, foedera in hunc modum feriere. Populus Perusinus urbem, agrum, vias, templa, fontes, se ipsum, BRACHIO dedit. Illi cives parento, Dominum bona fide appellant. Ad eum de rebus urbanis publice referunt. Concilia coetusve, nisi quos ille iusserit, ne faciunt. Qui non paruerit, rebellis esto. Rebelle qui vis impune occidit. Exules, quique redire, quique redituri sunt, sua tecta fortunaeque adeunt. Nullus impedito. Ceterum pax cum cive esto. Qui seditionem excitasset, mala cruce suspenditor, aut securi percutitor. BRACHIVS publica vestigia, nisi quae publicis impendiis superfuerint, in rem suam ne vertito. Urbanos Magistratus, praeter Quaestorem Praetoremque, populus legito, creatoque: et, quem volet, cui volet, cooptato. Suffragia libera sunt. Provocatio ad BRACHIVM etiam rerum capitalium esto. Si quis provocationi obstitit, fraudi esto. Novas exactioes, invito populo, ne cogito. Delectus in urbe, nisi populus iusserit, ne habeto. Decemviros ne contemnito. Maiorum decreta servato. Civitatis instituta, nisi quae popu-

populus abrogassit, ipse ne violato. Conditionibus datis acceptisque, BRACHIVS in castra, Legati in urbem revertuntur. Octavo post pugnam commissam die, BRACHIVS, ingressurus urbem, polire milites arma, & in agmina quam ornatissime componi exercitum, iubet. Magno studio de ornatu exules contendebant, rati, quo instructiores ornatioresque urbem introissent, eo plus autoritatis in civitate occupaturos esse. Militibus quoque par contentio, ne vel ornatu, vel studio in ducem, superati viderentur, exulum aemulatione adducti, arma per totam noctem polire, equorum iubas comere, se ipsos novo cultu exornare. Ubi primum illuxit dies, frequentes ad ducis tabernaculum convenere. Hic nova exorta contentio, duas circiter horas altercando consumsit. Veterani exercitus milites proximum duci quaerebant locum: contra exules, magnum id futurum dedecus rati, propiores lateri haerere cupiebant. Illi saepe novis ruptas vulneribus cicatrices ostendere, non frontem, non vultum, non aures integras dicere. Plerique pectora toties obiecta hostibus ferroque traiecta denudare, nec quidquam tam gloriosum, quam vulneribus vincere, putabant. Exules alii nobilitatem, patriae expectationem alii, nonnulli, qui bello interfuerant, & ipsi quoque sua vulnera praetendebant. Certamen virtutis & superbiae videbatur exortum, alteris

Ornatissimus  
Brachii urbem  
ingredientis  
comitatus.

sua gloria, alteris maiorum splendore nitentibus. BRACHIVS, diu contentione agitata, placatis tandem militum animis, exules eo die censuit honorandos, qui, veluti novae sponsae, cum pompa atque apparatu domi expectarentur. Igitur, cedentibus magis, quam consentientibus, militibus, dignissimum dedit exulum primoribus locum, delectaque ex omni exercitu promiscue manu, fortissimorum equitum exulumque unum agmen effecit. Ceteram aciem, suas in turmas distributam, mirifico composuit ordine: ut quisque equo, armis, praesentia, ornatus erat, ita primum in turma collocaverat. Nec minore, quanquam diverso apparatu, instructa civitas erat: qua porta ingressurum urbem putabant, eam cives purpureis tapetibus, & hinc atque hinc longependentibus aulacis adornaverant: via omnis viridibus inspersa floribus, odores late perfundere, privatorum fenestrae pannis, ut cuiusque erant fortunae, pulcherrimis distinctae ornataeque patebant. Muliebria quoque monilia, usque quaque interlucentia, quae sole repercussa crebris scintillulis transcurrentium feriebant oculos: bullaeque & atrea balthea ad terram usque tractu longissimo demissa fulgebant. Nec minor inter cives ornandi parandique contentio, quam incedendi militibus fuit, ut quibus nihil magnificentius privata opulentia ducebatur. Nec ullum novo domino gloriosius iucundiusque victo-

victoriae signum ostendi posse arbitrabantur, quam privatas civium opes, nihil eius imperium pertimescere. Vicit privata studia publicus apparatus: quippe forum, ne solis aestus ad ima penetraret, undique alte tegentia vela operiebant. Trapezitarum mensae aureis confertae nummis, mercatoresque vario genere longe lateque penditium purpureorum mensas tabulataque compleverant. Haec omnia medio in foro emittens palatium superabat. Illic Gallici tapetes, fenestris longum exeuntes, illic aurea atque argentea vasa, per scalarum gradus distincta, mirantium aciem perfringebant. Iam, magna parte diei urbanis militaribusque apparatus consumpta, BRACHIVS, composito velut ad praelium agmine, per superiorem portam, in qua nihil erat apparatus, urbem ingreditur. Eius rei causa non satis est comperta. Sunt, qui putent, nimum populi concursum & civiles insidias veritum. Alii, expeditius iter commodioremque praeliandi, si opus fuisset, locum esse delectum: nonnulli, quod, eam qui incolerent urbis partem, suae factionis prope universi habebantur. Ubi ad forum est perventum, tum vero vario genere tubarum tibiatarumque & tympanorum personabant omnia. Milites, partito in geminam aciem exercitu, utrumque fori aditum occupare contendunt. Ubi aliquot horis est praeliatum equestri certamine, BRACHIVS, antequam palatium

*Nova rerum  
Perusinarum  
facies.*

tium imperii locum sedemque conscenderet, Decemviros, ac ceteros urbis Magistratus, & praeterea populares, iureiurando in fidem potestatemque adegit. Statim eius nomine atque iussu circumlata praeconia, accepti imperii dedere signum. Postridie eius diei profugos, rebelles, exules etiam, qui bello non interfuissent, quoscumque quavis de causa damnatos in exilium, quod humanitatis esse putavit, suo decreto censuit revocandos. Quibus, pecunia multatis, solvendo non erat, eamque ob rem civitate carerent, absolvendos decrevit. Sed, civilia dissidia radicitus extirpare conanti, necessarium videbatur, exulibus domos agrosque restitui, quos post factam seditionem plebei contra ius gentium, nullo more, nulla lege, occupassent. Sed, quando nimis periculosum erat, optimatum licentiae rem permittere, ne plus sibi quisquam, quam sua essent, vendicaret, placuit, omnia populi decreta, quatuor & viginti annos antea facta, (tot enim nobilitas exulaverat) nova auctoritate rescindi, et, quae ante id tempus cuiusque fuissent, integra optimatibus cedere, reliqua plebis esse. Ceterum, iure an iniuria nobilitas plebis, plebs nobilitatis opes ante id tempus occupasset, constituit, qui servato more institutisque maiorum de iure civili moderatissime iustissimeque disceptarent, quod suum esset, cuique tribuendo: rapinae, vis, iniuria, ceteraque factionum mala, cun-

cuncta sublata, gravissimi acerbissimique propositi cruciatus, ultionibus nobilitati est interdictum. Sed, quod ipse novas expeditiones agitabat animo, nec bello desistere ullo modo statuebat, veritus, ne, se absente, aliquid seditionis excitaretur, primum legem tulit de seditionibus coercendis, mox, ad eradicandas simultates, Novemviros ex plebe totidemque ex nobilitate delectos, civitatis curae, custodiaeque praefecit. Hac re plebei animos mirifice sibi reconciliavit, ne optimatibus quidem offensis, omnium aequata dignitate. Optimates, quibus insidentia adhuc animis exilia dulciora praesentia bona faciebant, contenti sua fortuna videbantur, plebei bello superati, dono datum putabant, quicquid a victore, cum eripi belli iure potuisset, misericordia & liberalitate non esset ereptum. Victores ac victi aequabili moderatione habiti, parque omnium fortuna, nisi quod alteri sua bona recepissent, alteri reddidissent aliena. His manus atque amplius adiecit beneficium; aes alienum superiore bello, quo cives ad repellendum se milites conduxerant, a potentioribus exactum, inopia aerarii in publicum collatum, pecunia sua restituit, existimans, ad quem urbis vestigalia provenirent, eiusdem esse, quicquid conflasset civitas aeris alieni, perfolvere. Nihil hac vel acquitate, vel liberalitate praeclarius, ut quasi, quod stipendium essent adversus se emeriti conducti

milites, id tunc dinumerare ipse praesentibus videretur, totusque ad conciliandos sibi civium animos intentus, publici parentis videbatur induisse personam, verbis tamen, quam facti: mitior & benignior, arte quadam efficere solitus, ne quem ab se, nisi magna spe plenum, dimitteret: quod autem re praestare cuiquam noluiisset, non se id nolle, verum honeste non posse, atque ideo, quod non posset, angi animo contendens, causam etiam, quare non posset, afferebat, ut etiam in denegando gratiam inire beneficisque esse videretur. Nec comitas deerat, vel civibus vel militibus nominatim appellandis. Illud maxime omnium memorabile, ne unum quidem habuisse in castris equitem, cuius nomen non teneret, nullum peditem, & ne tirunculum quidem, quem, utro ab exercitu, suo, an hostium, esset, non primo statim adpectu internosceret. Saepe Legatorum nondum exposita praevenisse mandata, saepe hominum sermones, in foro aut in acie loquentium, labiorum motu percepisse, neminem unquam allocutum, quem longo post tempore, multis intercurrentibus annis, ubi, aut quid secum egisset negotii, non primo statim occurso reminisceretur. Hinc vana illa vulgi opinio, daemonem praesagum atque interpretem rerum futurarum, crystallo inclusum habuisse, atque eius monitu cuncta foris domique gessisse. Neque tamen civilibus atque urbanis rebus, quam

quam bellicis & militaribus, obscurior, sed  
 elut natura ad omnia natus atque instru-  
 ctus, cum architectis de architectura, de  
 mercatura cum mercatoribus disceptabat.  
 bello quidem nemo rapacior, pace vero iu-  
 stitiae & aequitatis observantior nemo. Fa-  
 miliarem & suae factionis hominem furti  
 compertum, magistratu, quem forte gere-  
 bat, perfunctum, suspendi iussit. Cum  
 inumquemque pro dignitate complectere-  
 ur, iustitia tamen aequabili teneri omnes  
 volebat, acerrimus defensor imbecillitatis.  
 Vullius tamen rei, quam aedificandi, studio-  
 rior, saepe inter militaria opera fertur de  
 urbanis aedificiis usque ad delicias cogi-  
 tasse. Otiosis & nihil agentibus insensius,  
 fori tritores appellabat. Sed, eo compo-  
 nendis urbanis intento, exulum, qui bello  
 non interfuerant, audita victoria suorum,  
 ingens undique multitudo consuebat, qui  
 partim diuturno exilio ad extremam redacti  
 inopiam, atque ideo praedae rapinisque in-  
 enti, partim maiorum titulis magis, quam  
 virtute sua, clari, omnes ambire clientelas  
 coeperunt: mobilem multitudinem blande  
 appellare, longo comitatu vulgi frequen-  
 tiam cogere, privata insignia concedere,  
 omni via atque studio pellicere iuventutem.  
 Quae res cum magnam inter cives conten-  
 tionem paritura videretur, omnibus, qui no-  
 bilitate atque opibus pollerent, de coetu &  
 frequentia contententibus, coercendam tam



Oratio Bra-  
chii in senatu  
Perusino.

foedam ambitionem visum est, & pauco-  
rum insolentiam elationemque nova lege  
retundendam. Vocato igitur in consilium  
populo, gravi oratione, & qui ducerent, &  
qui sequerentur, castigavit. Non placere  
sibi, ait, tot simul Reges uno in regno ex-  
ortos esse, invitum se unum imperare civi-  
tati, nec passurum opprimi a ceteris pa-  
triam, quam ipse, si per factiones liceret,  
mallet liberam venerari. Quid illi plebe-  
culam, turbulento coetu, aliena celebrare  
lecta, privatasque civium domos frequen-  
tare, compellerent? Non ideo tot a se gesta  
bella, tantaque rerum adita discrimina, ut,  
qui foris parere consuevissent, domi suis ci-  
vibus imperitarent: satis fuisse, ope sua ab  
exilio esse revocatos. Haec se illis expro-  
bare, qui patriae inviderent fortunae, &  
felicitati suae, cuius opera & cives suam  
patriam, & patria suos cives recuperasset.  
Proinde essent sua quisque civili libertate  
contenti, non prohibere, quem virtus cui-  
que aut genus dedisset locum, eum honeste  
magnificeque obtineri: nam alterum alte-  
ro clariorem esse, & hominem homini na-  
tura, moribus, dignitate, praestare. Sed fa-  
ctiosos coetus & tumultuarios comitatus  
prohibere, in hos se capitali supplicio anim-  
adversurum. Dimissa concione, caveri  
praeconio iussit, ne quis privata civium  
insignia, aut domi, aut in veste, haberet, ne-  
ve catervatim noctu per urbem incedere-  
tur,

Nova lex.

tur, quietiorem futuram civitatem arbitrat<sup>us</sup>, si aemula civium studia contentionesque submoverentur. Pauci, qui dicto audientes non fuere, capti atque in vincla coniecti sunt, nonnulli, privato insigni distinctas gerentes vestes, eius iussu a Praetore medio in foro spoliati, & nisi multorum civium intercessisset gratia, capitis causam dicere coegisset. Sed in tanta multitudine, totque civium studiis, magno opus erat praesidio, ne quid, eo absente, seditionis excitaretur: iam enim novam expeditionem coquebat animo. Primum igitur omnes vicorum viarumque catenas rescindi, civitatis quoque ligneas portas effringi iubet; quod ea de causa fecit, ne, si qua tumultuaria manus forum occupasset, subitus equitum accursus impediretur: duas deinde arces, quae saepe a maioribus populi impetu deiectae, sine custodibus erant, rescindendas quam munitissime structissimeque curavit, quae, fido imposito custodum praesidio, mirum in modum nefarios civium conatus represserunt. Rebus Perusiae compositis, decimo post receptam urbem die, educto in novam expeditionem exercitu, in Asifatium fines contendit. Hic Bastiam, in primis finibus non procul a Chiasio amne situm oppidum, acceptam in potestatem, Guido Feltrano restituit, Sigillo Spelloque receptis, quorum alterum in agro Perusino, alterum Fulginatibus finitimum, Guidus superioribus bellis

Abiturientis  
prae cautio.

Nova exped-  
tio.

oc-

Iniurias a Paulo Urfino sibi illatas ulciscitur acerrime.

occupaverat. Haec gerentem nova incessit cura Pauli Ursini persequendi: sic iniurias adversis in rebus perpeffus, in secundis capere non potuit. Etsi nulla ira est vehementior, quam ubi animum stimulat recordatio collati beneficii. Repetebat enim, Paulum ad Rocham Contractam, suum oppidum, confugisse, atque illic regis obsessum copiis, magno cum oppidanorum incommodo aliquot menses esse defensum: postremo, ne quid beneficio deesset, non ante suum adventum atque opem, obsidione esse liberatum. Mox deinde abruptisse tamen ab exercitu, & violata fide, hostibus auxilium ferre voluisse. Haud dissimili fraude, & se optime meritum & hostes fuisse deceptos, fidem atque amicitiam una perfidia atque scelere esse violatam, nunc suam & suorum, non iam hostium, sed civium, causam vindicandam esse. Paulus ad Collem floridum, quod est Fulginatum oppidum, stativa habebat, qui oblitus, quas intulisset, iniurias, nihil inimicum aut hostile metuebat. BRACHIVS Tartaliam, cum delecta manu ad eum interficiendum, cohortesque diripiendas, praemissum, non multo subsequerebatur intervallo. Qui, ut erat imperatum, vagantem extra moenia confodit. Eius milites, subito pavore attoniti, recurrere ad arma, factoque in Tartaliam e loco superiore impetu, nisi subsidiarium militem BRACHIVS auxilio misisset, ingentem ea die

lie stragem edidissent, sed, coeunte multitudine, eum habuit exitum pugna, ut capti hostes ad unum, atque rebus omnibus spoliati, dimitterentur. Quae res mirifice exercitum confirmavit, ingenti praeda locupletato milite. Paulo interfecto, Tartalia ad occupanda eius oppida cum suis copiis in agrum contendit Romanum. Interea ad

Varia in fidem  
recipit oppida.

BRACHIVM Reatinorum venere Legati, vii, sex millibus numum multati, quod BRACHIANVM militem occidendum curaverant, in fidem recepti sunt. Nam Reate quoque factionibus intestinis atrocius, quam nitimae urbes, agitantur. Veriti ergo, ne xules, tanti ducis auxilio civitatem invadentes, adversae factionis multitudinem extiterent, imperii summam ad BRACHIVM detulere. Iam enim maiores erant illius vires, quam quibus resistere posset et remoti quidem populi crederentur. Per hos dies Narnienses, & ipsi quoque seditioni, sponte deditionem fecere. Quorum exemplo finitimum oppidum, Sanctum geninum vocant, Legatos, qui imperata facituros, Praetoremque eius accepturos, dicerent, miserunt. Tanta facta regni accessione, maiore Umbriae parte subacta, in agrum Picenum cum exercitu profisciscitur, perans, id quod futurum videbatur, oppida Caroli Malatestae, quem captivum in vinculis habebant, facile in eius deventura potestatem: praemissis, qui ad deditionem solliciti-

Inter quae &  
Caroli Malatestae quaedam.

citarent. Monsbodii, Capazanum, Morum, Massatium, Maiolato, & alia quaedam exigua castella, non expectata oppugnatione, portas adventanti duci aperuerunt. Idem factura cetera videbantur, ni Pandulfus Malatesta, Caroli frater, & Martinus Faventinus, clari bello duces, qui per id tempus Brixiae stativa habebant, audita BRACHII profectio, in Picenum venissent, qui ceteris nondum occupatis oppidis firmissima disposuere praefidia. Fertur BRACHIVS, vel insita a natura prudentia, vel praefagio quodam divino, scripsisse ad Martinum Faventinum, hominem supra modum pecuniosum, admonuisseque, ut sibi caveret, ne ipse Carolum redimere sua pecunia cogere-  
tur: illum vero aut dissimulasse, aut in aliam partem accepisse. Nec multis post diebus, ficta confederationis suspicione, a Pandulfo circumventum atque interfectum. BRACHIVS, cognito hostium adventu, ne frustra aestatem in his locis consumeret, capto Saxoferrato & Gualdo Nucerino, Perusiam revertitur. Hic comperit, Perusinos finitimis intulisse bellum, & eius nomine Castellum plebis 20000 passus procul ab turbe, & huic finitimum Castellum novum ad defectionem compulisse: nihil illi gratius esse potuisset. Iam non militibus solum usus bello videbatur, sed civium etiam sua sponte militantium delectum habiturus, & saepe antea Perusinarum virtutem superiore perspe-

pexerat bello, nunc eos suo imperio accessionem sponte quaerere, id demum mirifice laetabatur. Quam ob rem, vocato in concionem populo, gratias publice privatimque egit, iterumque pronuntiato militibus tinere, in Picenum revertitur. Huc Legati Venetorum, qui Malatestis favebant, ad BRACHIVM venire, accepti magno honore, & exponere mandata iussi. Primum congratulari Venetos eius victoriae, dixerunt, cuius etsi nulla adhuc extarent in eum populum beneficia, tamen virtutem illis & fortitudinem pergratam esse. Sperare, pro magnitudine gerendarum rerum eius se opera usus, mutuaeque intercessura officia, nam nec Venetos ingratos esse, nec BRACHIVM quidquam, nisi summa cum fide, gerere solitum. Deinde, quod reliquum ad praesentem spectaret legationem, plurimum orare, ut Carolum Malatestam, optime de Venetorum Republica meritum, commendatum haberet, & si quid apud eum tanti populi valeret autoritas, sine pretio liberaret: magnum id futurum Venetis munus, nec ullam gentem esse gratiorem, non bello solum ceteras nationes, sed etiam liberalitate & beneficentia, vincere. Quod si nimio peterent studio, non videri mirandum, qui amicos suos deserere in calamitatibus impium nefariumque iudicaret: semper Venetis, quod modico dividerentur mari, amicitiam cum Ariminensibus societatemque

Accedunt Legati Venetorum.

que stetit. Tam amplae Legatorum postulationi BRACHIVS paucis respondit: Habere se Venetis ingentes gratias, qui Legatos gratulatum ad se misissent: ceterum, quod ad Carolum pertineret, invitum se contra illum cepisse arma, nec movisse Ariminensibus bellum, sed ultro invasum ac laceffitum. Nulla in re militaria iura violasse, nihil illi secum fuisse negotii, defendere se armis coactum esse. Fortunam, quae causae plurimum favere solet, victori adfuisse: Caroli non minorem iniuria, quam intulisset, fuisse iacturam. Quippe se ad penates suos redeuntem arcere voluisse, nec dubitare, si superior ille in acie se cepisset, fuisse sibi crudelissima morte perendum. Saepe hostem, cum factis nequivisset, verborum immanitate saevire auditum: se tamen, Diis gratias, ingenio esse mitiore, nec, quid hostis in se voluerit, sed quod ipse in hostem debeat, cogitare. Nunquam sibi cum quoquam de sanguine, semper de gloria & dignitate, certatum, illum victorem vita se fuisse multaturum, nunc, quando Dii melius huic bello consuluisent, pecunia multari captivum ducem, quem ipse, si par pari referre pergeret, variis suppliciis durissimisque tormentis excruciasset. Carolum quidem pecuniosum esse, & latos obtinere imperii terminos: sibi vero omnia contra, pecunias nullas, multum aeris alieni, nuper receptam civitatem diuturno exi-

exinanitam bello, non stipendia, non vestigalia, pendere. Haec, quoniam stipendiariis careat, aliunde quaerenda esse, nec ulla re quaeri honestius potuisse, quam bello. Iam tunc maximis urgeri difficultatibus, cum tot undique praesidia disponenda essent, atque omnia mercede conducenda: igitur, si centum millia nummum persolveret, liberum abiturum, nec moleste ferrent, pecuniis mulctari eum, qui, si vicisset, sanguine se mulctasset. Legati, quorum princeps erat Belberus quidam, vehementius instare, & minas precibus miscere, coeperunt, vel quod ita publice haberent in mandatis, vel ut id, quod magis BRACHIVS est suspicatus, privata gratia & intima cum Carolo familiaritate coniuncti, omni ope atque studio pro eius salute niterentur. At BRACHIVS, quem, ut preces flectere non poterant, ita minae acrius incenderunt. Quid hoc, inquit, est mali, si iuvare cupitis amicum, quin illum pecunia vestra redimitis? Cur ab eius id postulatis hoste, quod vos amici praestare non vultis? Centum millia nummum, belli iure, mea sunt: ea, vultis, ut dono dem hosti meo, cur non vos vestro potius amico? Re, non verbis, constat amicitia. Nihil enim facilius est, quam verbis iuvare amicum. Nihil turpius, quam, cum re est opus, verbis adesse. Quid mihi, quaeso, interminamini, quos ego nec offendi unquam, nec, quod spero, sum offensurus? Si vestro mari piratica classe navigantem, si terra vexantem im-

Quibus, cum  
Caroli libera-  
tionem vehe-  
mentius ur-  
gent,

acerrime re-  
spondet.

Q

pe



perium vestrum intercipientis, nihil equidem recusabo. Hic, si forte bellum inferetis, nec animus quidem mihi deerit propulsandi. Quod si defecero viribus, aut aliunde petentur auxilia, aut illud certe cogitabimus, nihil homini gloriosius, quam aut propulsare iniurias, aut, si hoc non possit, mori propulsantem. Utcunque futura sit res, hoc unum affirmare vobis possum, nemo BRACHIVM vertentem terga, sed aut vincentem, aut bello morientem, intuebitur. Proinde facessite nunc, qua huc iistis, via: mihi certum est, quando minis res agitur, tam diu captivos habere in vinculis, etiam si perpetuo detinendi sint, donec, qui redimendi sunt, militari more redimantur. Legati minis abacti discesserunt. Haec dum in Picens agerentur, Perusini novas seditiones excitavere, discessu BRACHII licentius vagante multitudine. Origo seditionis fuere plebeiorum nocturni coetus, qui, diu oppressam optimatum potentiam tam subito levatam aegre molesteque ferentes, quo pacto urbe eos depellerent, cogitare dicebantur. Sed bis ea tentata seditio est. Primum eorum, quos BRACHIVS civitatis curae delegerat, autoritate sedata. Mox, optimatibus arma capientibus, civili clade restincta, ex plebeiis aliquot trucidati sunt, plerique urbe agroque depulsi, reliqui, tam inepti bello, quam pacis cupidi, propinquorum gratia incolumes servati. Sic, mutata fortuna, qui paulo ante regnaverant,

**Nova seditio  
Perusina.**

in exilium deiectioni, qui exulaverant, regno restituti, humanarum rerum exempla prae-buerunt. Opes exulum partim direptae, partim in publicum collatae aerarium, & in civilium magistratuum aera constitutae. Optimates, post pulsam alterius factionis multitudinem, rem omnem ad BRACHIVM, ut se habuerat, per literas nuntiarunt, inimicorum culpa factum contententes, nec se priores cepisse arma, sed ad capitis vitaeque defensionem coactos. Caput autem eius tumultus fuisse Ranerium. BRACHII is erat avunculus. Qua re diligentius investigata compertaque, restitui suas cuique opes, ceterum autores ipsos in exilio esse, decrevit, optimatibus admonitis, ut civium saluti parceretur, & quanto minimus posset, exulum esset numerus: quietiores futuros ratus, qui remanerent, si hoc tam graviter punitae seditionis exemplo admonerentur. Inter haec Ariminenses, magnis factis auctionibus, ingentique coacta pecunia, Legatos ad BRACHIVM de redimendis captivis, simulque de facienda pace, miserunt. Conditiones fuere, ut, acceptis octoginta millibus nummum, Carolum liberum sociumque factum dimitteret. Deerant ad constitutam summam viginti millia. Pro his aliquot dierum dilatio est concessa. Pace confecta, Perusiam cum exercitu revertitur. Carolus Berardo Camerti tam diu observandus traditus, quoad pecuniam persolvisset:

Brachii decre-  
to penitus res-  
tincta.

Legati Arimi-  
nensem

Carolum li-  
bertati resti-  
tuendum cu-  
rant.

Nova expedi-  
tio in Tuder-  
tinos atque  
Spoletanos.

ea partim perfoluta, partim Feltrano spon-  
fore promissa, intra paucos dies, quinto  
mense, postquam captis profligatusque fue-  
rat, Ariminum ad suos revertitur. **BRAC-  
CHIVS**, dato militibus stipendio, & quæ bel-  
lo gerendo usui forent, comparatis, proxi-  
mam expeditionem pronuntiat: inox, omni  
exercitu ex hybernis deducto, iter primum  
Tudertum, ad componendas res urbanas,  
deinde Spoletanum Nursinorumque fines  
ingressus, agrum infesta populatione vastab-  
at. Spoletani Nursinique, facta inter se  
iam pridem societate, Legatos de pace mise-  
runt, veriti, ne, populato agro, statim obsidio-  
ne intra moenia compellerentur. Pax non  
ante data, quam decem millia nummum ad  
stipendium militi contulissent: pecunia col-  
lata, exercitum agro deduxit. Tota iam  
Umbria vectigalis facta, in eius devenerat  
potestatem. Roma erat, quæ invictum ani-  
mum ingenti cupiditate sollicitum habebat:  
hanc ubi subegisset, nihil imperio suo de-  
futurum existimabat, nec deerant, qui ad  
urbem occupandam vocarent, coniuratione-  
que facta, deditionem facturos pollicerentur.  
Igitur cum omnibus copiis profectus in  
agrum Romanum, trans amnem Anienem  
non multum procul ab urbe castris conse-  
dit. Romanis pauca admodum erant prae-  
sidia, & agri vastionem pati, rem putabant  
indignissimam. Pontificis Legatus, qui urbi  
praesidebat, ubi tam prope imminere ho-  
stem

Hinc Romam  
profectus,

cum Pontifi-  
cis Legato in  
castris collo-  
quitur.

stem cognovit, etsi nihil dubitabat, quid illi animi foret ad imperium occupandum, metu tamen dissimulato, ad eius castra, veluti ad amicum sociumque, proficiscitur. Eius adventum BRACHIVS magnifice, ut par erat, excepit. Quarenti, quam ob causam urbi admovisset exercitum, respondit, causam sibi eandem, quam Pontificibus, esse, imperandi gloriam. Nec tamen ideo Romam occupatum venisse; ut Pontificatu eriperet imperium, sed ut, quamdiu Pontifex abesset, Italiam vacuum praesidio, & multorum tyrannidi expositam, custodiret. Legatus, diu nequidquam dehortatus, Romanum rediit, exstimans, paucorum consensu accitum hostem, nec ausum illum tam parva manu tantam aggredi urbem fuisse. Vocatis ergo civibus in concionem, Bello, inquit, petimur Romani, adeo multos, qui paulo plus habeant potentiae, vel infirmitas vestra, vel urbis fatum, invitat. Paulo ante perpeSSI Regem sumus, nunc (si Diis placet) Tyrannum Roma patietur, & tamen moenibus atque armis septi, & populi multitudine muniti sumus, quanta, si animi non fluctuarent, hostis ne ultimos quidem fines huius urbis ausus fuisset attingere: nunc, quando nec fortuna vestra contenti esitis, nec fidei iacturam veremini, cogor non minus a vobis hoc sanctissimum imperium, quam ab hoste, defendere. Maiores vestri, qui ab oriente ad occasum extenderunt imperii fines, nulla

Huius ad Romanos  
Oratio.

Q 3

vir-

nulla virtute magis, quam fide atque integritate, claruerunt: vos, nisi iam pridem ab illis degenerastis, nihil magis in contentum habetis. Nec optimi Pontificis rem ago, qui etiam, si esset immanis, colendus tamen vobis pro fide & gloria foret. Movet me vestrae ignominiae labes, qui, ubi hostem receperitis paucorum factione, quid, nisi Domini vestri desertores appellabimini? Potuit hoc in Rege honestius, & pro potentia, & pro dignitate, tolerari. Et, ubi semel delinquitur, fato magis adscribitur, quam voluntati; sed, a Pontificis fide deficere, parere tyranno, quid hoc indignius Romano populo? Et iam natura dicemini, non fato, toties peccare didicisse. Patiemiini, cruentum hostem contaminare hanc terram? In qua tot monumenta religionis, tot sanctissimi cineres, tot simulachra, templaque Deorum immortalium? Patiemiini, non hominum modo, sed etiam Deorum, esse desertores? Quo animo feretis, tot delubra militum fieri stationes, ut, quae sanctissimo religionis cultu celebrari solent, ea militari libidine polluantur? Exterae gentes & nationes, cum vestram hanc terram ingrediuntur, pura mente, suspensoque animo, vix attractare vel ipsos audent muros, vix premere pedibus divinum solum: vos non premeendam hanc urbem, sed conculcandam, nec conculcandam solum, sed coinquinandam diripiendamque, hostibus conceditis?

Quid

Quid finitimi? Quam pulchre perfidiam vestram obicient vobis? Etsi scio, non omnes tam corrupto esse animo, ut coniurationis autores sequi possint, hos ego nunc admonco, hos alloquor, capita, arma, fideles cives. Qui perfidi esse volent, eant ad hostem, vocent, introducant, nec in hoc quidem praestabunt, paulo post ab illo quoque defesturi. Etsi scio, proditiones gratas esse hominibus interdum, proditores tamen semper nefarios detestabilesque iudicari: Nec iis magis confidit hostis, quam nos, qui confidimus, deceptos esse reputabit. Hac Oratione partim restructa coniuratione, partim animis civium confirmatis, defendere se armis decreverunt. BRACHIVS, cum oppugnare urbem copiarum paucitate non posset, vexare agrum est aggressus, continuos deinde complures dies, late factis excursionibus, pontem Salarium, praesidiaria manu defensum, durissima oppugnatione adortus, vi cepit, traiecitque in patentes campos exercitu, ad portas usque urbis magno cum impetu penetravit: suburbanis aedificiis populatis, octingentos circiter Romanos ne ipsi quidem Romani captos fuisse negant. Hac tanta calamitate perculsi cives, Legatos, qui de pace agerent, ad BRACHIVM in castra miserunt: multae proponebantur conditiones, nulla tamen, praeter urbis deditionem, recepta est. Cives, habito inter se consilio, cum tantus ad portas instaret hostis,

Brachii excursiones.

Cum Legatis de tradenda urbe paciscitur.

† *externis.*

**Exercitus Brachii peste correptus.**

nec ulla spes esset auxilii, urbis rectorem appellatum, intra moenia cum exercitu receperunt, rati, si qua † hesterni belli vis incubisset, praesidio tanti ducis tutissimos esse futuros. Urbem ingredienti, ut sunt hominum magna novis in rebus studia, undique urbani apparatus, in triumphii speciem, praeferebantur. Perventum iam videbatur ad imperii culmen, sed adversus tantam gloriam Dii atque homines statim insurrexere. Quippe, cum alterum iam mensem molem Hadriani nequidquam oppugnasset, exercitum perniciose invasit pestis, sive praeliis intentum militem solis aestus relaxaverat, sive densioris coeli infecerat perniciose caligo. Corpora primum occultus invadebat languor, mox paulatim deficientia pestilens sitis ardor exurebat. Haec non aqua, non liquore ullo, extinguere sedarique poterat: plerique bibendo lassii deficiebant, pauloque post moriebantur. BRACHIVS, vix quarta parte copiarum incolumi, veritus, ne populus vel alieno hortatu, vel suo impulsu, in aegrotum & pene confectum exercitum concitaretur, Rugerium Perusinum & Berardum Camertem cum sexcentis equitibus, quos ad agrum Picenum praesidio reliquerat, Romam accivit, rursusque frustra oppugnata arce, cum novas copias idem ille morbus invasisset, simul, quod Neapolitanorum copiae ad solvendam arcis obsidionem adventare nuntiabantur, Roma discessit, com-

mo-

odius curatum iri militem arbitratus, mu-  
 a coeli regione, palustrique & fluviali vi-  
 ta caligine. Postquam urbe discessum est,  
 mani septuagesimo die post deditam  
 bem ad hostes defecere. Perusiam rever-  
 s **BRACHIVS**, exercitum ad hyberna di-  
 isit, ipse constituendae civitati, stabilien-  
 que imperio intentus, omnibus oppidis  
 que urbibus, quae in sua essent potestate,  
 inua tributa imperavit. Tudertini, Urbe-  
 etani, Narnienses, Interamnienses, Esini,  
 pellani, Cannarienses, Reatini, ceterique  
 nitimi populi, ut cuique magnae erant  
 pes, ita pretiosa pallia, sic enim genus  
 ibuti vocant, pendere iussi sunt. Haec  
 es maxime omnium Perusinarum devinxit  
 nimos. Videbant urbem paulo ante obsessam  
 e pene dirutam, optimis legibus, acquisiti-  
 nis institutis, confirmatam, & quod longe  
 gloriosissimum putabant, caput imperii fa-  
 ctam: finitimas autem urbes, partim tribu-  
 tarias, partim vectigales, esse. Pallia erant,  
 quae plus dignitatis asferre, magisque im-  
 perio decori esse, iudicabant. Ea vero, qua  
 die **BRACHIVS** Carolum profligaverat,  
 quotannis convecta primum universa in fo-  
 ro collocata, mox ad civitatis celeberrimi  
 Fanum delata suspendebantur. Fi-  
 nitimi quoque tyranni aureos cyathos ar-  
 genteaque vasa deferrebant. Qua die haec  
 agebantur, quo civitatem varia afficeret lae-  
 titia, equestres in foro ludos faciendos cu-

Hinc urbe re-  
 lista deficiunt  
 Romani.

Annua impe-  
 rara tributa.

Solennia in  
 memoriam  
 Caroli, a Bra-  
 chio profligati,  
 quotannis re-  
 petita.



Descriptio  
Ludorum  
equestrium.

† *celeritate.*

raverat : maxime omnium ludos Perusinos , quibus iam puer saepe interfuerat , spectare placuit : sic enim patria appellat certamina. Res mira & exercendi corporis atque animi perpetua efficaxque materia. Omnis civitas duas in partes divisa , superiorem inferioremque , novi & inusitati generis armis instruebatur. Nonnulli tamen expeditiores ac leviter armati , ut qui sola galea , umboneque & ocreis , durato atque incocto corio confectis , erant muniti. His pro clypeo erat laeva involutum pallium , qui , & coniiciendis & excipiendis faxis apti , iactores vocabantur. Li-  
† *celebritate multum valentes , aciem primam obtinebant : bellum lapidibus inire iussi , iactorum aciem , quos vocant Armatos , sequebantur. Horum armatura gravior , vel qua in bellis & militia utimur. Primum , ut inde ordiamur , inferiores pedes , lineo triplicato panno , & cervino vellere distento atque oppleto , tegebantur. Inde ex eadem materia , durissimo & duplici obducta corio , tibiaram munimenta ad poplitem usque surgebant , superiora crura , ferreis incincta coxalibus : ferreo quidem , sed purpura vestito , & corpus tegente , thorace colligabantur. Sed , ne quid lapidum colliderent ictus , stupeae , bombicinae veluti laminæ , lineo confutae panniculo , sub thorace distensae , ventri pectorique adaequabantur , quae totos obeuntia humeros , ac terga , ad*  
me-

medios usque ulnarum lacertos, tanquam  
 uae manicae, descendebant. Collum, in-  
 erioremq; cervicem, panno ac bombice  
 enfa involuca, & durato igni corio fulta,  
 nuniebant. Supremum ferrea tegebat ga-  
 ea. Huic, quo lapidum late volitantium  
 asum cernere, quove hostem ferire pos-  
 sent, lata erant ab ore relicta foramina, in  
 ostri speciem excedente galea: supra ver-  
 icem tria involuca, denso intexta filtro, &  
 in pilei modum sese proferentia, purpureo  
 argenteoque, ut cuique erant facultates api-  
 ce conoque surgebant. Inde rursus vario  
 pennarum colore distinctae corollae attol-  
 lebantur. Haec a tergo ad medios usque  
 delapsa humeros purpurea excipiebat lacer-  
 na, reliquum corpus ornatiores vestis deco-  
 rabat. Hi erant, quos armatos vocabant.  
 Dextra alligatum BRACHIO scipionem,  
 laeva clypeum ferentes, excipiendis magis  
 ictibus, sed tamen etiam incutiendis, parati.  
 Ergo, ubi universus convenerat diversa ar-  
 matura populus, quisque suam in partem se-  
 cedebat, duaeque civium acies duo prima fori  
 occupabant ora, medium quod erat, spati-  
 um pugnae relinquebatur. Primum iuven-  
 es vivaci ac robusta aetate, ad tertiam us-  
 que diei horam inibant pugnam. Mox  
 soli pueri, suis & ipsi contexti armis, duabus  
 continuis horis inter se lapidibus decerta-  
 bant. Quod reliquum erat diei, omnis ge-  
 neris aetates ad praelium discursabant. Pri-  
 mam

mam aciem obtinebant leviter armati, iussi  
 eminus in adversos saxa conicere. Sic, cum  
 utrique semper instare, nunquam fugere, pa-  
 rati, propius rem gererent, gravis armatu-  
 rae, quos diximus, accurrebant: his turpis-  
 simum erat saxa conicere, sed in mediam  
 ruentes aciem, clypeis scipionibusque pu-  
 gnabant. Nec tamen interea cessabant saxa:  
 videre erat pulcherrimum, hos ferire, illos  
 cadere, alios subniti clypeo, atque in adver-  
 sarios toto sese corpore inferre, implicare,  
 ac clypeo ac scipione oculos, ora, petere.  
 Victoria erat, medium occupasse forum, at-  
 que inde adversarios reiecis-  
 se. Omnium  
 erat pulcherrimum, senes fenestris, ubi vi-  
 dendum studio confederant, desilientes adspicere,  
 & toga pallioque abiecto, decurrentes ad  
 opem fugientibus suis ferendam, sistendam-  
 que fugam, nec aetatis aut reverentia, aut  
 imbecillitate contineri poterant. Tanta erat  
 partium aemulatio. Saepe duo millia civi-  
 um in foro hoc modo armati dimicabant,  
 nec unquam incruenta stetit res, nam quot-  
 annis deni vicenique contriti obrutique ca-  
 debant, nec perpetuo & continenti certaba-  
 tur anno. Ludorum initium iam inde ab  
 Calendis Martiis perfectos duuntaxat dies,  
 nec amplius, quam in duos, qui sequebantur,  
 celebrari menses consueverant. Nec cae-  
 sorum occasione iniuriae aut odia gigne-  
 bantur, vulgo perisse, & casu, putabant, qui  
 perissent: nec ante pugna desiste-  
 batur, quam  
 alteri

eri loco essent repulsi. Tum demum,  
 iouis uno vel puero pacem postulante,  
 aelio excedebant. Constat omnium præ-  
 catione, nihil unquam in Italia solitum ge-  
 ferocius, inde robur & animo, & cor-  
 ori, inde genti vim & strenuitatem incre-  
 sse putant. BRACHIANI milites, sac-  
 e intermixti iuventuri, ac pugnam ingressi,  
 cile a civibus vincebantur. Fertur BRA-  
 CHIVS, cum fenestra, quae foro iunnebat,  
 isidenti, nuntiaretur, perniciosum esse eius  
 iei praelium, multosque pertinacia conteri,  
 roinde dirimi pugnam iuberet, spectacu-  
 o intentus, respondisse: Senogalliae fieri  
 ne iubes Imperatorem. Quod tunc dici  
 onfuevit, cum imperanti nemo nisi ipse  
 net, qui imperat, paret. Componendis  
 per hunc modum rebus intento BRA-  
 CHIO, unum oppidum Saxumferratum de-  
 rectabat imperium, quod, nullo eo anno  
 collato tributo, haud multo post, cum BRA-  
 CHIVS Tuderti moram traheret, rebel-  
 lione facta, defecerat: arx tamen, immi-  
 nens oppido, & situ egregie munita, fido te-  
 nebatur praesidio. Hac re nuntiata, BRA-  
 CHIVS repente, deducto ex hybernis exer-  
 citu, in Picenum contendit, occupataque  
 munitiore oppidi parte, forum excurrit:  
 autores rebellionis, quia capere non potuit,  
 directis domibus, maximo affecit incom-  
 modo. Mox, compositis rebus, Perusiam  
 reversus, exercitum ad stativa remisit. Per  
 hos

Deficiunt Sa-  
 xoferratenſes.

Mox vero a  
 Brachio ad  
 obsequium  
 rediguntur.

nam aciem obtinebant leviter armati, iussi  
 eminus in adversos saxa conicere. Sic, cum  
 utrique semper instare, nunquam fugere, pa-  
 rati, propius rem gererent, gravis armatu-  
 rae, quos diximus, accurrebant: his turpis-  
 simum erat saxa conicere, sed in mediam  
 ruentes aciem, clypeis scipionibusque pu-  
 gnabant. Nec tamen interea cessabant saxa:  
 videre erat pulcherrimum, hos ferire, illos  
 cadere, alios subniti clypeo, atque in adver-  
 sarios toto sese corpore inferre, implicare,  
 ac clypeo ac scipione oculos, ora, petere.  
 Victoria erat, medium occupasse forum, at-  
 que inde adversarios reiecis-  
 se. Omnium  
 erat pulcherrimum, senes fenestris, ubi vi-  
 dendi studio confederant, desilientes adspicere,  
 & toga pallioque abiecto, decurrentes ad  
 opem fugientibus suis ferendam, sistendam-  
 que fugam, nec aetatis aut reverentia, aut  
 imbecillitate contineri poterant. Tanta erat  
 partium aemulatio. Saepe duo millia civi-  
 um in foro hoc modo armati dimicabant,  
 nec unquam incruenta fletit res, nam quot-  
 annis deni vici-  
 nique contriti obrutique ca-  
 debant, nec perpetuo & continenti certaba-  
 tur anno. Ludorum initium iam inde ab  
 Calendis Martiis perfectos duntaxat dies,  
 nec amplius, quam in duos, qui sequebantur,  
 celebrari menses consueverant. Nec cae-  
 forum occasione iniuriae aut odia gigne-  
 bantur, vulgo perisse, & casu, putabant, qui  
 perissent: nec ante pugna desiste-  
 batur, quam  
 alteri

alteri loco essent repulsi. Tum demum, quovis uno vel puero pacem postulante, praelio excedebant. Constat omnium praedicatione, nihil unquam in Italia solitum geri ferocius, inde robur & animo, & corpori, inde genti vim & strenuitatem increvisse putant. BRACHIANI milites, saepe intermixti iuventuti, ac pugnam ingressi, facile a civibus vincebantur. Fertur BRACHIVS, cum fenestra, quae foro imminabat, insidenti, nuntiaretur, perniciosum esse eius diei praelium, multosque pertinacia conteri, proinde dirimi pugnam iuberet, spectaculo intentus, respondisse: Senogalliae fieri me iubes Imperatorem. Quod tunc dici consuevit, cum imperanti nemo nisi ipsemet, qui imperat, pareat. Componendis per hunc modum rebus intento BRACHIO, unum oppidum Saxumferratum detrectabat imperium, quod, nullo eo anno collato tributo, haud multo post, cum BRACHIVS Tuderti moram traheret, rebellionem facta, defecerat: arx tamen, immineas oppido, & situ egregie munita, fido tenebatur praesidio. Hac re nuntiata, BRACHIVS repente, deducto ex hybernis exercitu, in Picenum contendit, occupataque munitione oppidi parte, forum excurrit: auctores rebellionis, quia capere non potuit, direptis domibus, maximo affecit incommodo. Mox, compositis rebus, Perusiam reversus, exercitum ad stativa remisit. Per hos

Deficiunt Saxoferratenſes.

Mox vero a Brachio ad obsequium rediguntur.

Legati Peru-  
sinorum ad  
novum Pon-  
tificem.

Cironium a  
Brachio oc-  
cupatum, Se-  
nensibusque  
restitutum.

Iudicatur Bra-  
chius a Pontifi-  
ce hostis reli-

hos dies nuntiatum est certiore nuntio, Odonem Columnnam, cui postea cognomen Martino fuit, civem Romanum, summum Pontificem declaratum. Ad hunc Perusini statim de constituendo imperio, & summa rerum BRACHIO permittenda, misere Legatos, insolito & nunquam antea audito legandi more. Neque enim primores urbis duntaxat, verum summi atque infimi, & prope omnis aetas consensit, itumque est in sententiam, primum pedibus, mox etiam clamore. Legationis principes fuere Bernardus Camers, & Matthaeus Ubaldus, quorum opera BRACHIVS, pro singulari industria rerum gerendarum, plurimum utebatur. Post haec, quod reliquum fuit, hyemis, in hybernis transactum. Aestate adveniente, BRACHIVS, eductis copiis, ad Castellum plebis paludes Clusinas traiecit, in Senensium fines profectus. Causa traiciendi fuit Citoniensium iuvenum fuga, qui Citonii regnabat, duos filios ad BRACHIVM militatum missos, nondum completo stipendio revocaverat, qui, ut patri obtemperarent, iniussu ducis militia discessere. Eo traducto exercitu, BRACHIVS primo impetu oppidum altero arcem expugnavit. Senenses, quod eorum agrum contingeret, decem millibus nummum oppidum emerunt: sic transfugae perfidiae poenam dedere. Inter haec Legati, quos ad Pontificem missos ostenderam, post aliquot men-

menes, re infecta, redierunt, nec aliud, quam iudicatum BRACHIVM religionis hostem devotumque, retulerunt: quod seminarium futurae contentionis fuisse putant. BRACHIVS, satis iam auctis viribus, ut finitimos, quos nondum bello adierat, affinitate devinciret, Oddoni, ex concubina nato, Fulginatum tyranni filiam dedit uxorem. Stetit deinde Perusinis ex ea re, magna cum Fulginatibus amicitia. Post haec, BRACHIO ad Saxum ferratum profecto, proxima castella sua sponte venire in potestatem Sancti Severini, magni oppidi, Dominus, veritus, ne bellum in se converteretur, misit statim de pace Legatos, qui dicerent, omnia, quaecunque essent imperata, facturum. Quibus diebus haec in Piceno agebantur, Cherubinus, parva manu missus in fines Urbivetanorum, oppida quaedam in fidem potestatemque recepit. Per idem tempus Perusiae ingens orta pestilentia, urbem non solum militari praesidio, sed fugientibus etiam per agrum civibus, spoliavit. Qua re audita, Senenses, qui iam pridem BRACHIO post captum Citonium maxime afficiebantur, centum equites, quadringentosque pedites, publico aere conductos, ad urbis custodiam misere. Gratiorem fecit eam rem ducis absentia. Hoc tam liberale beneficium paulo post inita societas excepit, & Senenses, quorum perma-

gionis devo-  
tusque,

Novae finiti-  
morum cum  
Brachio ami-  
citiae.

Inter quas  
eminet socie-  
tas cum Se-  
nensibus inita.

ctis



Redimere co-  
guntur pacem  
a Brachio nu-  
merata pecu-  
nia Ludovi-  
cus Firmianus,

eti, quotannis deinde conferenda militibus aera tribuerunt. Quae liberalitas eo maior est habita, quo ne remunerationem expetere, sed ultro beneficium accumulare, visi sunt. Secuta deinde non societas solum, sed arctior quaedam amicitia, & Senensium, & Perusinorum tutiorem habuit rem. Dum in agro Piceno moraretur BRACHIVS, misit, qui a Ludovico Firmiano quatuor millia nummum repeteret, quae pecunia ex superiore Piceno bello pro redemptis captivis debebatur. Ferunt, Ludovicum, hoc nuntio accepto, respondisse, se dormire; qua voce ad BRACHIVM perlata, & ego, inquit, dormientem excitabo. Pronuntiato in sequentem diem militibus itinere, nondum orto sole, movit exercitum, miraque celeritate profectus in hostes, Falleronum, Ludovici oppidum, de subito atque improviso aggreditur. Hic trecenti equites loci praesidio impositi, cum extra portas temere praelium capefferent, ad unum capiuntur: facto mox celeriter in portas impetu, frustra repugnantibus oppidanis, intra moenia milites irruperunt, oppidumque diripuerunt. Hac re percussus Ludovicus, cui BRACHIANORVM virtus cognita iam pridem fuerat, pecuniam misit. BRACHIVS, ingenti simulata ira, pecunia repudiata, propius castra permovit, nec ante duplicatam bello discessit. Octo millibus nummum redempta pax est. Hic BRACHIVS inquit,

inquit, quia, quod debebat, non perfolvit, id perfolvere coactus est, quod non debebat. His in Piceno gestis, quasi altero orbe gesturis bellum, traiecto flumine Tyberi, longis itineribus Mugnanum pervenit, quod oppidum ab Ulisse Ursino tenebatur. Exercitu admoto, veritus Ulisses, ne oppidum nullo praesidio munitum oppugnaret hostis, misit, qui bellum deprecarentur, ac sese imperata facturum dicerent. Eo in fidem accepto, in Senensem contendit agrum, Clusinaeque traiecta palude, haud procul inde surgentia Cocchi Salimeni oppida oppugnare est aggressus. Cocchus, cui longepius pecuniarum, quam militum, erat, Legatos cum quatuor millibus numinum de pace misit. Ea impetrata, tutiorem deinde habuit agrum. Continuo Lucenses petiturus, summa cum celeritate Senam praetergressus, in Florentinorum penetravit fines. Nec hic quidem demoratus, facto per Arnioram itinere, ubi flumen transiit, expeditam militum manum ad excurrentes Lucensium fines praemisit. Ipse cum ceteris subsecutus copiis, paululum substitit: mox, in agmina disposito exercitu, parata intentaque acie, ad portas usque percurrit, celeritate atque impetu, quanto nunquam antea, delatus in hostes. Causa celeritatis fuit spes Lucensium Tyranni de improvviso capiendi, quem, fama erat, insana extra urbem moliri aedificia: nec illum praeterire diem, quin

Ulisses Ursinus,

Cocchus Salimenus,

Lucenses,

R

ad

ad visendam eam substructionem, incitandosque operarios, cum paucis exiret urbem, magnamque dici partem operi inspiciendo consumeret: alii, non in suburbana aedificia, sed ad Castellum Pisanum, proficisci solitum, hortos ac pomœria pensilibus muris aedificare, nuntiabant. Utcunque res esset, BRACHIVS maturandum sibi vincendamque celeritatem velocitate censebat. Quae profectio tam praeter Lucensium spem fuit, ut, vix depopulatoribus visis, tantum spatii tam subito e Piceno, veluti pennis in intimam Hetruriam crederent pervolutum, simul, qui excurrerant agrum, praedam agebant, simul ad portas ceterae constituerunt copiae. Tyrannus celeriter per adversam se recepit portam, priusquam agrestium, mox oppidanorum, vocibus conclamatus. BRACHIVS, ubi frustra petittum Tyrannum cognoscit, omnes simul copias quam effusissime praedatum dimittit. Lucenses, quod subitis in rebus solet accidere, tanta invaserat trepidatio, ut, obditis civitatis portis, oppugnari se statim aut obsideri, dubitaverint. Quam ob rem factae celeriter munitiones, propugnacula praesidiis completa, vigiles per stationes collocati, machinae ad hostem arcedendum in moenia convectae, fossae circum urbem altissimo munitae vallo, haec omnia populi subita & incredibili celeritate confecta. Interea hostes, late populati omnia, praedae tantum coegerunt, ut totius agri

agri Lucensis pecore agrestibusque correptis, vastata cuncta, & in solitudinem redacta viderentur. Res improvisa praedam auxit, oppidanis, quorum plerosque longa pax, & metenda colligendaque seges, in villas atque agros adduxerat, nihil hostile metuentibus. Tyrannus, bellicis rebus insuetus, tanta suorum calamitate accepta, misit, qui de pace conficienda, redimendaque praeda & captivis, agerent, commodius arbitratus, pecunia propellere ferocem hostem, quam ultimum belli discrimen expectare: nec delectus tantos habere poterat, quibus bellicosissimum hostem reprimeret, cuius conatum atque vires nemo ante id tempus, sine suo magno incommodo, contempsisset. Pax ita convenit, ut Tyrannus quinquaginta millia nummum ad biduum persolveret, partim numerata pecunia, partim Florentinorum mensuriorum sponcione promissa: BRACHIVS, restituta praeda, finibus agroque decederet. Facta cum Lucensibus pace, deductoque inde, ut convenerat, exercitu, Perusiam per Florentinorum agrum eadem, qua profectus erat, celeritate revertitur: nec ulla commissa mora, facto per Fulginatem itinere ad Nursiam obfidendam contendit. Iam ad portas pervenerant copiae, cum Nursinorum Legati, de concordia occurrentes, multis ultro citroque habitis, tandem quatuordecim millibus nummum bellum redemerunt: veriti, ne nondum collectam

Nursini.

messum hostis incenderet, Augustus enim erat mensis : & Nursini prope gelidissimos Italiae montes habitant, quo fiebat, ut tardius exucta frumenta, nondum meti atque excuti potuissent : & iam autumnus, altera non minor agricolarum imminens spes, aderat. Motis inde castris, profectus cum omnibus copiis in Picenum, Casteneam oppidum cinxit obsidione, nec multo post acri oppugnatione perripuit : sed, arce aliquamdiu frustra tentata, oppidum incendio vastavit, qua in re plus indulsit irae, quam humanitati consuleret. Inde Pergulam profectus, statim recepit in potestatem. Sed, iam instante bruma, tot undique exactis ad stipendium pecuniis, militem ad hyemandum dimisit, ipse cum paucis ad Esim urbem in hyberna concessit. Haec dum geruntur, Martinus, quem Pontificem declaratum ostendi, in Italiam reversus, Florentiam venerat. Qua re cognita, BRACHIVS, semper antea secutus Pontificum amicitiam, Legatos ad eum quoque, qui opem ac fidem pollicerentur, misit. Romanum imperium, multis tempestatibus iactatum, ac prope demersum, paulum sub hoc Pontifice attolli coeperat. Quae res BRACHIVM, iam tum longo intervallo futura praecogitantem, magis ad societatem impellebat. Legatis & gratiae actae, & spes foederis iniecta est, ceterum nihil certi reportatum. Eam ob rem, unum post mensem, redire Flo-

Castenea incendio vastata.

Pergula in potestatem recepta.

Mittit Brachius Legatos ad Pontificem Martinum.

Florentiam iussi, tunc quoque, infecta re, atque omni spe concordiae sublata, redierunt. BRACHIVS, ubi videt, pertinacia laborare Pontificem, omni via congerendam pecuniam censuit, ut si quid belli exoriretur, stipendium non deesset ad militem conducendum. Mittuntur igitur ad Guidonem Feltranum, qui duodecim millia

Guidonem  
Feltranum  
bello aggre-  
ditur.

nummum, reliqua ex sponione, repeterent. Illo verba magis, quam pecunias, reddeute, post crebros missos repetitores, bello ius suum statuit prosequendum. Eductis ex hybernis copiis, in fines Asifatium, quae illius erant imperii, castra movit. Malatesta Balonio ad urbem occupandam praemisso, direpto Feltranorum praesidio, urbe est potitus. Arces duae, arduo in colle sitae, capi statim non potuerunt, sed, ne tempus vana oppugnatione consumeret, modico ad urbis custodiam relicto praesidio, Eugubium cum cetero exercitu proficiscitur: quod iter eo maturius fuit, quod prodendi oppidi spem quidam ex oppidanis fecerant. Rugerius Perusinus, cum aliquot equitum turmis praemissus, ingressus oppidum, magna vi atque impetu oppidanorum repulsus, ad subvenientem exercitum refugit. BRACHIVS, ubi videt, proditores neque ad signum, neque diem, apparuisse, in suburbia quadrato delatus agmine, leve cum praesidiariis, qui urbi a Feltranis erant impositi, praelium commisit: sed, urbe mon-

Cam Legatis  
Florentino-  
rum de pace  
agit.

Spoleturn ob-  
fidet.

Atque dedi-  
tione facta in  
fidem recipit.

Descriptio  
urcis.

tosa atque aspera situ, & hostium munita praesidio, desperata, populatus agrum, ad Gualdium oppidum reduxit exercitum. Motis inde castris, quarta die, postquam Asisium est reversus, minorem arcem a custodibus traditam recepit, decimoque inde die maiorem & ipsi quoque sua sponte aperuere custodes. Asisio subacto, Legati Florentinorum ad BRACHIVM venerunt, qui nomine quidem a populo Florentino, re autem a Pontifice missi, agere de pace coeperunt. BRACHIVS ad eam conficiendam suos & ipse Legatos Florentiam misit. Interea, confecta in hybernis hyeme, circiter Calendas Martias stipendium dare militibus coepit. Tantum enim superiore anno pecuniarum coegerat, ut nihil novis auctionibus opus esset. Milites, quo civitas belli commoda sentiret, ex stativis Perusiam convocati, hic equos, hic arma coemere iussi sunt. Omnibus celeriter comparatis, in castra copias eduxit, equitum duo millia, peditum ingentem numerum. His viribus, atque hoc belli apparatu, ad obsidendam urbem Spoleturn, caput nunc Umbriae, proficiscitur. Spoletani, aliquot exulibus, qui sub BRACHIO militaverant, receptis in urbem, uno omnium consensu deditionem fecerunt. Arx erat inexpugnabilis, omnium non modo in Umbria, sed in cetera Italia, situ atque opera munitissima. Haec, arduo posita in faxo, ex altera parte urbi supereminet

minet, ex altera inviis altissimisque cincta praecipitiis, finitimorum montium sociate, lato intervallo disiungitur. Tum ex arce ipsa pons ad montes pertinet, crebris erectus fornicibus, ac tam altus, ut despicientium oculi exorta hebescant caligine: extremo autem ponte turris alta munitaque medio in monte profurgit, unde, quoties urbano tumultu impetus in arcem fiat, subsidium recipere custodes queant, & hostes munitum turri pontem occupare non possint. Porro naturae munimentis etiam hominum accessit industria: quippe arcem triplex latissimus praecingit murus, quam etiam sine muro natura defenderet, tam lubrico undique & praecipiti lapsu, ut vel devoluta saxa arcere oppugnatores possint. BRACHIVS, capta exteriori turri, cum & pontem libero aditu occupare contenderet, ipse quoque instructus clypeo, egregie inter ceteros pugnam ciebat, & cautior futurus in Praeio, ne quis se Imperatorem appellaret, inhibuerat. Pugnantem emissae ab arce sagitta infimo pede traiecit: quae alte defixa humi, nec avelli pede, nec terra effodi poterat. Quod ubi gregarius advertit miles, trabem forte ad extruendam congeriem portans, accurrit, Imperatoremque BRACHIVM appellans nomine, tormento & ipse corripitur, vulnere haudquaquam feliciori: quippe trajectum telum per mediam, ut erat extensa, palmam, & trahi,

Inusitatum  
Brachii gregarii  
que militis  
vulnus.



quam gestabat, infixum, tenaci haerebat mor-  
 su, nec deponere trabem poterat miles, nec  
 palmiam inde sine aliena ope devellere. Hic  
 BRACHIVS, velut sui periculi oblitus,  
 bene, inquit, habes, qui me alieno tempore  
 vocas Imperatorem; aegreque hic terra,  
 illo trabe dissuti, risum ceteris, nec sine suo  
 dolore, praebuerunt. BRACHIVS, va-  
 nam oppugnationem ratus, ne quid tenere  
 aggressum militem saxa colliderent, cingen-  
 dam obsidione arcem, claudendamque, etiam  
 a monte constituit. Sed res multo egebat  
 peditatu: nam equitum, loci iniquitas, va-  
 nam operam faciebat. Mittitur ergo, qui  
 militem mercede conducerent, Perusiaque  
 inprimis peditum haberent delectus. Pe-  
 rusini sponte sua mille in castra venerunt,  
 indubitatum bello robur, praeter domesti-  
 cam & insitam illi genti animorum magni-  
 tudinem, rei militaris minime imperiti. Hi,  
 post paucos dies obsidioni relictis, egregia  
 belli egere facinora. BRACHIVS, quod  
 dubitabat de Spoletanorum fide, undecim  
 obsidibus imperatis, ac Perusiam missis, ex-  
 tra urbem cum equitatu processit. Causa  
 procedendi fuit, quod nuntiatum est, Sfor-  
 tiam a Regina Neapolitanorum, adversus se  
 missum, magno cum exercitu adventare.  
 Sed, quoniam res admonuit, pauca de Regi-  
 na dicere aggrediar, quo magis reliqua in  
 aperto sint. Ladislaus Rex, cum duas una  
 tempore habuisset uxores, tamen sine cer-  
 tis

Ortus Reginae  
 Neapolitano-  
 rum, Ioannae,  
 resque gestae.

tis liberis & legitima prole decesserat. Factum profecto indignum tanto regno, ceterum Regis illius immanitate dignissimum. Huic mortuo Ioanna soror successit imperio, non virtute aliqua, aut prudentia, sed praecepta Neapolitanorum in regiam stirpem fide. Haec nihil mulierum natura indignum egisse in vita traditur: nam & maritos alios purpureo laqueo suspendit, alios nudos a thoro extra fines regni praecipitavit, & liberos, quos viris parere non poterat, per adoptionem nulla cum stabilitate suscepit. Quippe nunc primum Alphonsum, Valentinorum Siculorumque Regem, mox deinde Ludovicum, quem diximus, ex Gallorum gente, adoptavit. Quae res multorum maiorum origo Neapolitanis fuit. Regina vel aliquo suorum hortatu, <sup>Mittitur ab ea contra Brachium Sfortia.</sup> vel, quod magis putaverunt, a Pontifice sollicitata, tria millia equitum duce Sfortia mittere adversus BRACHIVM ferebatur. Qua re cognita, BRACHIVS, Perusinis in obsidione arcis relictis, cum delectissimo equitatu, nulla interposita mora, Tudertum proficiscitur. Huc profecto, Sfortiae literae redduntur, quibus significabat, nihil se contra eum moliturum: Tartalam unum esse, quem peteret. BRACHIVS, ut erat <sup>Huius ad illum literae.</sup> summum consilii, cognita fraude, fere in haec <sup>Brachii mutuae,</sup> verba rescripsit ad Sfortiam: Sibi quidem, quem ille peteret, incertum esse, ceterum vel se, vel Tartalam, peteret, id contra se

Iungit Brachius cum Tartalia ad Volsuvium castra.

Montis Flasci descriptio.

futurum. Neminem sibi Tartalia esse cariorem, privatam amicitiam publico etiam foedere roboratam esse: proinde sciret, BRACHIVM amicum illi esse non posse, cui Tartalia esset inimicus. Mittitque extemplo, qui rem omnem Tartaliae nuntiaret, simulque diem diceret, qua die Volsenum cum omni exercitu convenirent. Inter haec Sfortia, deductis e Monte Rotundo copiis, inter Viterbium & Montem Flascum castra collocaverat. Sed, BRACHIO diutius in Tudertinorum finibus haerente, Tartalia prior Volsenum, ut erat constitutum, pervenit. Quibus de rebus certior per speculatores factus, BRACHIVS, traiecto Tyberi, eodem & ipse contendit. Iunctis ad Volsuvium castris, missi exploratores, qui hostium iter exciperent, Sfortiam radices montis occupasse, paulatimque in cacumen evadere, nuntiabant. BRACHIVS maturandum sibi censuit, & supremum iugum magna cum celeritate occupandum. Mons Flascus ingenti est altitudine, sed, qua parte Viterbium despectat, a quo octo passuum distat millia, molli ac declivi lapsu in planitiem descendit: qua vero in subteriacentem definit lacum, a superiore clivo quinque passuum procul a Volsuvio profurgit: tanto finitimis editior montibus, ut longo tractu terrarum regionumque intervallo prospiciatur: nec tam altitudine, quam vini copia & praestantia, notus,

tus. Hoc monte ab utroque ducum ingenti celeritate occupato, cum Sfortia ad supremum cacumen, BRACHIVS nondum ad moenia oppidi, quod in cacumine situm est, pervenissent, modico spatio confederunt. BRACHIVS, accusata militum tarditate, exercitum ad planitiem, non satis tutum fore locum arbitratus, eduxit: non procul a radicibus montis, ratus, quod postea evenit, superiorem numero hostem aut descensurum ad praelium, aut Viterbium per saltus rediturum. Igitur, Tartalia ad se vocato, quid facto opus esset, ostendit. Primum varii dimissi exploratores, qui totam noctem in speculis vigilarent, & cum movere hostis coepisset, quam celerrime nuntiarent. Tartalia deinde ad extremos saltus occupandos obliquo tramite cum duabus cohortibus proficisci iubet. Ipse, ad arma per speculatores citatus, cum reliquis copiis ingressus sylvas, parata intentaque acie equorum vestigia sequebatur. Iam Tartalia non procul a Viterbio hostem anteverterat, qui paululum subsistens, properantem Sfortiam, & quod accidit, metuentem, tam diu pugnando demoratur, donec à tergo urgentes BRACHIANAE cohortes adorirentur. Quae tanto impetu se in hostes intulerunt, ut dissipati subito, relictis omnibus impedimentis, in fugam se converterent. Et via partim angusta erat, partim recurva atque inflexa, ut non commode praec-

Sfortia a Brachio in fugam coniectus.

praeliari milites possent. Tum, si potuissent, subitus hostium & improvisus impetus modicum consilium ingenti terrore discusserat. Duo millia & trecenti equites capiuntur. Sfortia prementi hosti, plurimis acceptis vulneribus, propinquitatem urbis evasit. Tartalia post victoriam non procul inde stativa posuit. BRACHIVS primum Tudertum, innox Spoletum, magna cum praeda, nec minore gloria, revertitur. Inter haec Sfortia, tam subita calamitate afflictus, belli reliquias cogere, & qui pugna evaserant, ingenti, ut fama erat, Reginae, ut res habebat, Pontificis stipendio confirmare coepit. Tartalia quoque a Pontifice sollicitatus, magno accepto stipendio, cum Sfortia coniunxit. Quae res haud multo post infeliciter vertit. Neque enim facile nova atque incerta amicitia constare potest, ubi vetus & probata deseritur. Pontifex, cui iam pridem invisa erat BRACHII potentia, etsi agebatur de pace, omni tamen studio proximos, cum populos, tum duces, concitare conabatur, ut, nondum confecta pace, BRACHIVM opprimeret: Sfortiam & Tartaliam iunctos alterum alteri conciliaverat. Guidum Feltranum, qui Urbinatibus & Eugubinis imperabat, cum Perusinarum & Asifatium exulum manu, sollicitabat ad bellum. Carrariae Comitum magno cum exercitu mercede conduxerat. AngeIum Pergulensem, quem Perusino bello victum

Tartalia a Pontifice sollicitatus a Brachio desinit.

Mirae Pontificis artes Brachium opprimendi.

Atum profligatumque ostendi, & multos praeterea militares duces, cum duobus milibus equitum, una in castra coegerat. Undique hostiles apparatus nuntiabantur.

BRACHIVS, veritus, ne tanta bellorum mole opprimeretur, antequam omnes hostium copiae unum in locum convenirent, aut conflegendum cum singulis, aut distinquendas, quoad posset, existinavit.

Brachii adhuc consilium.

Igitur ipse cum parte copiarum profectus Asisium, ut Feltranis obsisteret, reliquum exercitum in obsidione arcis dimisit. Hostes interea de coniungendis exercitibus consilia inibant.

Guido Feltranus, quod de proditione Asisii per quendam agebatur, Sfortiam & Tartalianam, ut Narem ac Tyberim traicerent, crebris nuntiis hortabatur. Quod eo faciebat consilio, ut, BRACHIO ad arcendum illorum adventum converso, Asisium sine praesidio relinqueretur.

BRACHIVS interceptis nuntiis, cuncta hostium consilia, praeterquam prodendae urbis, interceperat. Nec multis post diebus per exploratores cognoscit, Sfortiam, confirmato leviter exercitu, praedatum tendere in Perusinum agrum, ad arva Clusina depopulanda, quo non solum Perusini, sed finitimi quoque, sua pecora compulerant.

Sfortianos praedatores dissipat.

Iam Sfortia, transmissio flumine, leviter armatam manum ad excurrenda arva praemisera. Ipse, firmitioribus cohortibus paululum subsistens, non multo intervallo sequebatur.

Sed veritus,

ritus, ne, quos Urbevetanorum praesidio BRACHIVS imposuisset, redeuntem cum praeda invaderent, cautior cunctatiorque procedebat. Ubi arvis appropinquavit, exercitus, quam latissime fusi, ingentem praedam hominum pecorumque coegerunt. BRACHIVS, de hostium profectione certior factus, celeriter cum quingentis equitibus ad transitum fluminis occupandum intercludendumque hostem delatus, Sfortian praeverterat, tanta velocitate, ut, triginta passuum millibus una nocte confectis, vix trecenti cursum eius aequare potuerint. Reliqui in itinere fessi defecerunt. Hoc in loco expectato hostium reditu, praedatorum inconditum agmen aggressus, ingenti terrore perculit: paucisque captis equitibus, praeda omnis est erepta. Sed, milite tam longo noctis itinere fatigato, persequi latius hostem non potuit. Plurima bella consilio hic dux, nonnulla invicti militis virtute, cuncta tamen incredibili celeritate, confecit. Quem hostes tot millibus passuum procul dormire crediderant, a tergo atque a fronte prius invadentem sentire, quam quidquam de eius motu vel suspicari potuissent. Praeda his, quorum erat, restituta, collectisque, quos in itinere fessos reliquerat, Asinium proxima nocte revertitur. Hic non amplius uno demoratus die, quo miles quietem caperet, in fines Eugubinorum acie infesta proficiscitur. Oppugnato Glomescio, cum

Laudatur Brachii celeritas.

cum arcem capere non posset, oppidum direptum a militibus incendi iussit. Proximo deinde vastato agro, exercitum cum praeda reduxit. Inter haec speculatores vario demissi, Sfortiae & Tartaliae adventum referebant, iam Tyberim flumen traiecisse hostilem exercitum, iam pervenisse Narniam, & Capitonum oppidum in Narniensi cepisse, etiam transfugae nuntiabant. BRACHIVS, ratus, hostem ad solvendam Spoletanae arcis obsidionem venire, Asisii modico praesidio relicto, dimissis, qui Feltranorum motus exciperent, ad Sanctumgeminum non procul a Narnia movit castra, invasurus hostem, si Narem amnem trahere aggrediretur, simulque, si quid Feltrani processissent, solita celeritate profligaret. Quod ut tutius facere posset, omnes fluminum ac montium aditus iussit occupari, interclusurus hostes, si ad defendendam arcem venire properassent. Feltranorum aliud erat consilium, qui, ubi videre relictum ab hoste Asisium, nec magno teneri praesidio, sollicitare, qui prodere oppidum promiserat, coeperunt: dicunt horam atque locum. Asisium, arduo in colle situm, Fanum ad radices habet, pro moenibus omnium, quae in Italia sunt, opera & structura pulcherrimum. Hic angustum erat, tenui muro obductum, & eam ob rem paucis ante id tempus observatum, foramen. Qui proditorem agebat, Idibus Octobribus de prima vigi-

Glomesium  
direptum in-  
cenditur.

Sfortiae &  
Tartaliae ob-  
viam ducit  
Brachius ex-  
ercitum.

Asisium Sfor-  
tianiis prodi-  
tum.



vigilia venienti hosti locum aperuit. Ex,  
 quia plures aditus angustiae non capiebant,  
 singulos ad se equites medio noctis silentio  
 recipiebat. Iam in multas horas processer-  
 rat res, nec recipiendi finis ante factus,  
 quam duo millia equitum & mille ducenti-  
 que pedites essent intromissi. Qui, ubi su-  
 periores urbem, mediaque in urbe forum,  
 occupavere, subito sublato clamore, oppi-  
 danorum somno graves animos terruerant,  
 &, qui BRACHIANAE factionis erant,  
 eorum domus fortunaeque direptae sunt.  
 Mox, facto nequidquam in arces impetu,  
 cum eas expugnare nequivissent, munita ur-  
 bis occupaverunt loca, nec caede quidem  
 aliquot oppidanorum abstinuere, nocte ut  
 augente audaciam, sic furorem clademque  
 tegente. Asisii defectione nuntiata, BRACH-  
 IUS ingenti affectus est dolore, cum  
 quod urbs erat finitima Perusinis, & assidui  
 belli futura materia, tum quoniam pluri-  
 mum ex ea re suae detractum gloriae iu-  
 dicabat: sed, ubi intellexit, neutram arcem  
 expugnare hostem potuisse, recuperandae  
 urbis consilium requirebat, cui rei nulla re  
 magis, quam celeritate, opus esse arbitra-  
 tur. Igitur sub occasum solis cum mille  
 equitibus Asisium versus contendit. Vix  
 mille processerat passus, cum statim præ-  
 mittit, qui quingentos pedites Perusia acci-  
 rent, item qui, triginta imperatis obsidibus,  
 reliquas copias, quos obsidendae Spuletano-  
 rum

A Brachio  
 multo labore  
 recuperatum.

rum arcu reliquerat, contraherent. Fulguratum praeterea tyranno literas dat, ut quadringentos pedites Spellum ad se mitteret. Ubi Spellum est festinatum, Perusini, quod longius aberant, ad diem non convenere. BRACHIVS, tanto coacto peditatu, quod montuosum futurum erat praelium, addito virtuti dolo, primum Tudertinis recuperatum Asisium, profligatumque hostem, nuntiavit, simulque iussit, ut luminaria prima, ut fieri solet, nocte per moenia turresque disponerent. Quod ideo factum, ut urbis desperata defensio, quamdiu Asisium oppugnaretur, venientem hostem retardaret. Nec consilium fefellit. Nam, cum sollicitati a Feltranis Sfortia & Tartalia, traiecto Nare, ad ferendum Asisiatibus auxilium venirent, prospectis in Tudertino luminaribus, quod erat victoriae signum, tardum esse subsidium rati, non procul a Narnia resistere. BRACHIVS interea paucos ad minorem praemisit arcem, ferreos cancores, ingentemque vim malleorum, comportare, & continentem arcu murum, quantum duodeni simul equites intromitti possent, demoliri, iussit: misso deinde ad occupandum superiorem montem peditatu, ipse cum equite, ante primam lucem, ad minorem se ostendit arcem. Hostes, etsi praeter civem numero praestabant, ferocitate tamen BRACHIANORVM perculsi, quam maximis inter urbem atque arcem munitionibus factis,

ctis, fossas, longissime ductas, vallo aggere-  
 que munierunt. Huc, quicquid usquam inven-  
 tum est trabium tabularumque, congestum.  
 Multis in locis, ubi debilitas loci maiorem  
 exposcebat opem, ingenti saxo late ac prae-  
 alte constructae maceriae. BRACHIUS,  
 peditatu in aciem producto, equitatum  
 omnem, qua muri erant deiectioni, turmatim  
 intromittit, dispositisque a latere sagittariis,  
 qui oppugnantes eminus ferirent, signa in  
 hostium munimenta iubet inferri; sed,  
 quamvis magno facto impetu, nihil tamen  
 in tanta congerie milites proficiebant, &  
 qui intra munitiones pugnabant, numero ac  
 virtute resistentes, ubi vis hastarum urgeret,  
 infra trabes occultebant sese. Alii, modico  
 intervallo remotiores, equinus in hastatos  
 coniciebant tela, quae res oppugnationem  
 durissimam faciebat. BRACHIUS, invi-  
 dia tam subitae defectionis, incendeat mili-  
 tem. Feltrani, quod credebant, Sfortiam ac  
 Tartalianam insecutos hostem, subsidio ven-  
 turos, vana spe fortissime impetum sustine-  
 bant. BRACHIUS, ubi videt, frustra ten-  
 tatas munitiones, directis in hostem sagitta-  
 riis, triginta fortissimos delegit equites, at-  
 que ita parva manu ingens orsus est bel-  
 lum. Haec simul agebat, simul aliquot pe-  
 dices ad maiorem arcem secundum urbis  
 moenia dimittit, qui praelio intentum ho-  
 stem superne adorti, munitionibus averte-  
 rent. Interes, qui munitiones tuebantur, &  
 quos

quos eminus tela conicere dicebamus, acerrime pugnantes, a sagittariis confodiebantur. Tum BRACHIVS, propius signis inferri iussu, age, inquit, sequere me milites: atque ita, concitato equo, prius omnium perripit in hostem. Ceteri tanto virtutis exemplo, simul ne Imperatorem, iam inter hostes summo cum periculo dimicantem, desererent, uno globo conferti, prosiliere intra munimenta, repenteque omnis est subsecutus exercitus, tanta vi animorum, ut nonnulli, fossam transire nequeunt, a ceteris equitibus contriti conculcati sint. Hostium milites tam diu oblitere, donec interiora munimenta tutiore conficerentur loco. Sed haec quoque superno adventu pedatus perfracta, reiectaque, victori iam militi patuere. Oppidani, contreriti, suas quisque domos, diuersa fuga repetebant, atque urbis direptionem metuentes, pretiosissima quaeque defossa obruebant terra. Iam aegre a militibus repugnabatur, cum diuersae factionis cives clypeis tecti succurrere. Quae res, ut victoriam tardavit, ita maioris causa caedis fuit. Nusquam pugnum est atrocius, hostium fortissimus quisque trucidatus, nec quisquam, nisi vulneratus, referebat pedem. Civibus clypeatis BRACHIVS, ne equos veritus aut hastas confoderent, Perusinum peditem, ab obfidiōe revocatum, opponit: qui recens atque integer magnam civium edidit stragem.

compertum habuit, excubiis ac vigiliis confirmatis, rem omnem dissimulatam ad BRACHIVM detulit. Illi, re cognita, non prius de supplicio coniuratorum, quam de hostis profligatione, consilium occurrit. Summa igitur celeritate cum octingentis profectus equitibus, noctu clam urbem ingreditur, statimque civitatis portis claudi iussis, proditorem capiendum curat, cui arctissime catenis iniectis, quanto in periculo sit, & quam iuste pereat, ostendit: uno facinore recuperari posse, si eius opera Tartalia hostis interciperetur. Hac una re & famam, & vitam, recepturum, alio, quia crudelissimo, exemplo & cruciatu periturum esse. Ille magnitudine periculi, simul quod videbat frustra iam moliturum reliqua, mittit, qui Tartalam ad urbem occupandam advocaret, dicitque & diem & horam, qua urbem esset ingrediendum. Adiecit, vigilem se ea die ad urbis stationes excubiturum, clavesque habiturum civitatis, frustra deinde rem-tentatum iri, si nunc tam opportunum prodendi tempus elaberetur. Tartalia, motis a Monte Flacone castris, magna spe potiundae civitatis elatus, quod sperabat, primo tumultu alteram factionem ad arma concursuram, non cum omni exercitu, sed, quo testior esset res, cum trecentis delectis equitibus, totidemque pedestribus, ad urbem contendit. BRACHIVS intenta expectabat acie, iam ad portas pervenerant

Parum ab-

venerant milites, cum crepitum armorum <sup>fuit, quin ipse</sup>  
 intra urbem resonantium excipientes, veriti <sup>caperetur.</sup>

insidias, referre pedem coeperunt. BRACHIVS, dolo non procedente, instructa, ut erat, acie, magna vi & clamore erumpit in hostem, tam diu persecutus fugientem, donec Tartalia ipse cum paucis Suganum confugeret, ceteri omnes caperentur.

Mox, Sugano oppugnato, suburbanisque direptis vicis, qui cum Tartalia eo confugerant, equos ad unum amittere, ipsi ad interiora oppidi se receperunt. Sed, quo minus oppido potiretur BRACHIVS, causa fuit paucitas perditatus, cum nec sagittarios quidem in subitam expeditionem adduxisset. Sunt, qui affirmant, Tartaliam e moenibus appellasse BRACHIVM, multisque in veterem amicitiam commemoratis, ut obsidione discederet, exorasse.

Alius ad Pontificem Brachii Legatus.

Post Tartaliam profligatum, BRACHIVS, sexaginta imperatis obsidibus, primoribus Urbevetanorum, Tudertum cum exercitu revertitur. Post paucos dies Matthaeum Ubalduum Legatum ad Pontificem mittit, ut saepe iam tentatam pacem societatemque postularet, nihil reliqui facturus, quo minus Pontifici se conciliaret. Interea Perusiam cum omnibus copiis reversus, inferendum Eugubinis bellum constituit. Motis itaque Perusia ca-

Serra expugnata.

stis, Serram, Eugubinatorum munitissimum oppidum, oppugnandum contendit: quod eo facilius futurum putavit, quoniam media

ritus, ne, quos Urbevetanorum praesidio BRACHIVS imposuisset, redeuntem cum praeda invaderent, cautior cunctationeque procedebat. Ubi arvis appropinquavit, exercitus, quam latissime fusi, ingentem praedam hominum pecorumque coegerunt. BRACHIVS, de hostium profectione certior factus, celeriter cum quingentis equitibus ad transitum fluminis occupandum intercludendumque hostem delatus, Sfortias praeverterat, tanta velocitate, ut, triginta passuum millibus una nocte confectis, vix trecenti cursum eius aequare potuerint. Reliqui in itinere fessi desecerunt. Hoc in loco expectato hostium reditu, praedatorum inconditum agmen aggressus, ingenti terrore perculit: paucisque captis equitibus, praeda omnis est erepta. Sed, milite tam longo noctis itinere fatigato, persequi latius hostem non potuit. Plurima bella consilio hic dux, nonnulla invicti militis virtute, cuncta tamen incredibili celeritate, confecit. Quem hostes tot millibus passuum procul dormire crediderant, a tergo atque a fronte prius invadentem sentire, quam quidquam de eius motu vel suspicari potuissent. Praeda his, quorum erat, restituta, collectisque, quos in itinere fessos reliquerat, Asisium proxima nocte revertitur. Hic non amplius uno demoratus die, quo miles quietem caperet, in fines Eugubinorum acie infesta proficiscitur. Oppugnato Glomesio, cum

Laudatur Brachii celeritas.

cum arcem capere non posset, oppidum direptum a militibus incendi iussit. Proximo, deinde vastato agro, exercitum cum praeda reduxit. Inter haec speculatores vario demissi, Sfortiae & Tartaliae adventum referebant, iam Tyberini flumen traicisse hostilem exercitum, iam pervenisse Narniam, & Capitonum oppidum in Narniensi cepisse, etiam transfugae nuntiabant. BRACHIVS, ratus, hostem ad solvendam Spoletanae arcis obsidionem venire, Asisii modico praesidio relicto, dimissis, qui Feltranorum motus exciperent, ad Sanctumgeminum non procul a Narnia movit castra, invasurus hostem, si Narem amnem traicere aggrediretur, simulque, si quid Feltrani processissent, solita celeritate profligaret. Quod ut tutius facere posset, omnes fluminum ac montium aditus iussit occupari, interclusurus hostes, si ad defendendam arcem venire properassent. Feltranorum aliud erat consilium, qui, ubi videre relictum ab hoste Asisium, nec magno teneri praesidio, sollicitare, qui prodere oppidum promiserat, coeperunt: dicunt horam atque locum. Asisium, arduo in colle situm, Fanum ad radices habet, pro moenibus omnium, quae in Italia sunt, opera & structura pulcherrimum. Hic angustum erat, tenui muro obductum, & eam ob rem paucis ante id tempus observatum, foramen. Qui proditorem agebat, Idibus Octobribus de prima vigi-

Glomesium direptum incenditur.

Sfortiae & Tartaliae obviam ducit Brachius exercitum.

Asisium Sfortianis proditum.



vigilia venienti hosti locum aperuit. Er, quia plures aditus angustiae non capiebant, singulos ad se equites medio noctis silentio recipiebat. Iam in multas horas processerat res, nec recipiendi finis ante factus, quam duo millia equitum & mille ducentique pedites essent intromissi. Qui, ubi superiorem urbem, mediaque in urbe forum, occupavere, subito sublato clamore, oppidanorum somno graves animos terruerunt, &, qui BRACHIANAE factionis erant, eorum domus fortunaeque direptae sunt. Mox, facto nequidquam in arces impetu, cum eas expugnare nequivissent, munia urbis occupaverunt loca, nec caede quidem aliquot oppidanorum abstinuere, nocte ut augente audaciam, sic furorem clademque tegente. Asisii defectione nuntiata, BRACHIVS ingenti affectus est dolore, cum quod urbs erat finitima Perusinis, & assidui belli futura materia, tum quoniam plurimum ex ea re suae detractum gloriae iudicabat: sed, ubi intellexit, neutram arcem expugnare hostem potuisse, recuperandae urbis consilium requirebat, cui rei nulla re inagis, quam celeritate, opus esse arbitratur. Igitur sub occasum solis cum mille equitibus Asisium versus contendit. Vix mille processerat passus, cum statim praemittit, qui quingentos pedites Perusia accirent, item qui, triginta imperatis obsidibus, reliquas copias, quos obsidendae Spuletano-  
rum

A Brachio  
multo labore  
recuperatum.

rum arcis reliquerat, contraherent. Fulginatum praeterea tyranno literas dat, ut quadringentos pedites Spellum ad se mitteret. Ubi Spellum est festinatum, Perusini, quod longius aberant, ad diem non convenere. BRACHIVS, tanto coacto peditatu, quod montuosum futurum erat praelium, addito virtuti dolo, primum Tudertinis recuperatum Asisium, profligatumque hostem, nuntiavit, simulque iussit, ut luminaria prima, ut fieri solet, nocte per moenia turresque disponent. Quod ideo factum, ut urbis desperata defensio, quamdiu Asisium oppugnaretur, venientem hostem retardaret. Nec consilium sefellit. Nam, cum sollicitati a Feltranis Sfortia & Tartalia, traiecto Nare, ad ferendum Asisiatibus auxilium venirent, prospectis in Tudertino luminaribus, quod erat victoriae signum, tardum esse subsidium rati, non procul a Narnia resistere. BRACHIVS interea paucos ad minorem praemisit arcein, ferreos cancos, ingentemque vim malleorum, comportare, & continentem arcis murum, quantum duodeni simul equites introumittere possent, demoliri, iussit: misso deinde ad occupandum superiorem montem peditatu, ipse cum equite, ante primam lucem, ad minorem se ostendit arcein. Hostes, etsi praeter civem numero praestabant, ferocitate tamen BRACHIANORVM percussi, quam maximis inter urbem atque arcein munitionibus fa-

S

ctis,

ctis, fossas, longissime ductas, vallo aggere-  
que munierunt. Huc, quicquid usquam inven-  
tum est trabium tabularumque, congestum.  
Multis in locis, ubi debilitas loci maiorem  
exposcebat opem, ingenti saxo late ac prae-  
alte constructae maceriae. BRACHIVS,  
peditatu in aciem producto, equitatum  
omnem, qua muri erant deiectioni, turmatim  
intromittit, dispositisque a latere sagittariis,  
qui oppugnantes eminus ferirent, signa in  
hostium munimenta iubet inferri; sed,  
quamvis magno facto impetu, nihil tamen  
in tanta congerie milites proficiebant; &  
qui intra munitiones pugnabant, numero ac  
virtute resistentes, ubi vis hastarum urgeret,  
infra trabes occulebant sese. Alii, modico  
intervallo remotiores, eminus in hastatos  
coniciebant tela, quae res oppugnationem  
durissimam faciebat. BRACHIVS, in-  
vidia tam subitae defectionis, incendebat mili-  
tem. Feltrani, quod credebant, Sfortiam ac  
Tartalianam insecutos hostem, subsidio ven-  
turos, vana spe fortissime impetum sustine-  
bant. BRACHIVS, ubi videt, frustra ten-  
tatas munitiones, directis in hostem sagitta-  
riis, triginta fortissimos delegit equites, at-  
que ita parva manu ingens orsus est bel-  
lum. Haec simul agebat, simul aliquot pe-  
dites ad maiorem arcem secundum urbis  
moenia dimittit, qui praelio intentum ho-  
stem superne adorti, munitionibus avertere-  
rent. Interea, qui munitiones tuebantur, &  
quos

quos eminus tela conicere dicebamus, acerrime pugnantes, a sagittariis confodiebantur. Tum BRACHIVS, propius signis inferri iussis, age, inquit, sequere me milites: atque ita, concitato equo, prius omnium perripit in hostem. Ceteri tanto virtutis exemplo, simul ne Imperatorem, iam inter hostes summo cum periculo dimicantem, defererent, uno globo conferti, profligare intra munimenta, repenteque omnis est subsecutus exercitus, tanta vi animorum, ut nonnulli, fossam transire nequeunt, a ceteris equitibus contriti conculcati que sunt. Hostium milites tam diu oblitere, donec interiora munimenta tutiore conficerentur loco. Sed haec quoque superno adventu perditatus perfracta, reiectaque, victori iam militi patuere. Oppidani, conterriti, suas quisque domos, diuersa fuga repetebant, atque urbis direptionem metuentes, pretiosissima quaeque defossa obruebant terra. Iam aegre a militibus repugnabatur, cum diuersae factionis cives clypeis tecti succurrere. Quae res, ut victoriam tardavit, ita maioris causa caedis fuit. Nusquam pugnatum est atrocius, hostium fortissimus quisque trucidatus, nec quisquam, nisi vulneratus, referebat pedem. Civibus clypeatis BRACHIVS, ne equos verutis aut hastis confoderent, Perusinum peditem, ab obsidione revocatum, opponit: qui recens atque integer magnam civium edidit stragem.

gem: ancipiti aliquandiu pugna, tamen hostes plerique a sagittariis ac peditibus vulnerati, deficiebant magis, quam cadebant. Equitatus angusto loco nihil egit aliud, quam quod hosti, paulatim cedenti, ne quando ultra procederet, resistebat, cum pedites a fronte, dextra, laeva, continuo, ultro, inferentes signa, dimicarent. Iam ventum erat ad declivia urbis: hic primum hostes, iniquitate loci reiecti, manifestam cepere fugam. Pauci per adversam urbis partem muro sese eiecere: portis euasere nonnulli, ceteri capti omnes. Cecidere in praelio ducenti: BRACHIANI non multi desiderati: ceterum vulnerati complures. Inferiore deinde urbis parte, cui hostes, quod alterius erant factionis, pepercerant, diripienda militibus data, praeter ignobilem multitudinem, Septingentos ex hostibus coniecit in vincula, eosque partem Perusiam, partem Tudertum observandos dimisit: qui aliquot menses non publica solum ergastula carceresque, sed privatas civium domos, complevere. Exules Perusinarum Perusiae, Asisiatium Asisii capitali supplicio affecti. Qui urbem hosti prodiderat, altissima turri praecipitatus: in ceteros minus saevitum. Dum haec ad Asisium geruntur, ducenti milites, qui arcem Spoletanam tuebantur, facta eruptione, vacuum & urbanis & militaribus praefidiis invasere urbem. Depulsi, quos BRA-

CIVIS ab exilio revocaverat, ipsi tenere imperium. BRACHIVS, post devictum Asium, in Tudertinum, ad copias hosti obiciendas, transitumque in Hetruriam atque Umbriam prohibendum, concesserat. His diebus Bertha uxor Perusiae moritur. Haec, <sup>Mors Berthae, Brachii uxoris.</sup>

nobili Armannorum familia, septem & viginti annos coniugio, sterilis tamen sine prole, expleverat. Eius funus magnifico celebratum, sepulchrum genere & viro dignum erectum est, denique humana atque divina perfoluta omnia. Inter haec Tarta- <sup>Perfidia Tartaliae.</sup>

lalia, quanto ante id tempus amicus fidelior, tanto post violatam aut certe desertam amicitiam hostis infensor. Ut plerumque mortalium animos delicta sua exasperant, omni via tentare, virtute, dolo, quo pacto BRACHII & imperium offenderet, & dignitatem. Hic ex Urbevetanis captivis <sup>Urbe vetanos sollicitat.</sup>

quendam sollicitat, ut urbem sibi proderet, totius Italiae situ munitissimam. Multa atque ampla pollicitus, facile hominem ad proditionem impellit: dimissum ad suos, hortatur, ut rem pulcherrimam, quam occultissime posset, maturaret. Sunt, qui non captivum, sed alterius factionis hominem, sollicitatum velint. Quicumque is fuerit, constat, de proditione agitatum. Conjuravere in eam rem ex civibus nonnulli, quibus suae fortunae non satis placebant. Urbi autem <sup>Spe vero sua frustratus.</sup>

Malatesa Balionius paucis cum equitibus praesidebat: qui, ubi clam de proditoribus

comptum habuit, excubiis ac vigiliis confirmatis, rem omnem dissimulatam ad BRACHIVM detulit. Illi, re cognita, non prius de supplicio coniuratorum, quam de hostis prosligatione, consilium occurrit. Summa igitur celeritate cum oclingentis profectus equitibus, noctu clam urbem ingreditur, statimque civitatis portis claudis, proditorem capiendum curat, cui arctissime catenis iniectis, quanto in periculo sit, & quam iuste pereat, ostendit: uno facinore recuperari posse, si eius opera Tartalia hostis interciperetur. Hac una re & famam, & vitam, recepturum, alio, quia crudelissimo, exemplo & cruciatu periturum esse. Ille magnitudine periculi, simul quod videbat frustra iam moliturum reliqua, mittit, qui Tartaliam ad urbem occupandam advocaret, dicitque & diem & horam, qua urbem esset ingrediendum. Adiecit, vigilem se ea die ad urbis stationes excubiturum, clavesque habiturum civitatis, frustra deinde rem tentatum iri, si nunc tam opportunum prodendi tempus elaberetur. Tartalia, motis a Monte Flacone castris, magna spe potiundae civitatis elatus, quod sperabat, primo tumultu alteram factionem ad arma concursuram, non cum omni exercitu, sed, quo testior esset res, cum trecentis delectis equitibus, totidemque peditibus, ad urbem contendit. BRACHIVS intenta expectabat acie, iam ad portas pervenerant

Parum ab-

venerant milites, cum crepitum armorum <sup>fuit, quin ipse</sup>  
 intra urbem resonantium excipientes, veriti <sup>caperetur.</sup>

insidias, referre pedem coeperunt. BRACHIVS, dolo non procedente, instructa, ut erat, acie, magna vi & clamore erumpit in hostem, tam diu persecutus fugientem, donec Tartalia ipse cum paucis Suganum confugeret, ceteri omnes caperentur. Mox, Sugano oppugnato, suburbanisque direptis vicis, qui cum Tartalia eo confugerant, equos ad unum amittere, ipsi ad interiora oppidi se receperunt. Sed, quo minus oppido potiretur BRACHIVS, causa fuit paucitas perditatus, cum nec sagittarios quidem in subitam expeditionem adduxisset. Sunt, qui affirmant, Tartaliam e moenibus appellasse BRACHIVM, multisque in veterem amicitiam commemoratis, ut obsidione discederet, exorasse. Post Tartaliam profligatum, BRACHIVS, sexaginta imperatis obsidibus, primoribus Urbevetanorum, Tudertum cum exercitu revertitur. Post paucos dies Matthaeum Ubaldum Legatum ad Pontificem mittit, ut saepe iam tentatam pacem societatemque postularet, nihil reliqui facturus, quo minus Pontifici se conciliaret. Interea Perusiam cum omnibus copiis reversus, inferendum Eugubinis bellum constituit. Motis itaque Perusia castris, Serram, Eugubinorum munitissimum oppidum, oppugnandum contendit: quod eo facilius futurum putavit, quoniam media

Alius ad Pontificem Brachii Legatus.

Serra expugnata.



hyeme nihil tale suspicari hostem existimabat. Oppidum magno militum impetu expugnatum, alii direptum tradunt, nonnulli, duobus millibus nummum ab hoste redemptum, autores sunt. Serra capta, Perusiam, ad augendum exercitum, reparandamque expeditionem, revertitur. Interea, qui speculatum erant missi, omnes, hostium reliquias ad Eugubium convenisse, referebant: iis etiam Perusinarum atque Asisiatium exules coniunctos esse. Suspectiora haec faciebant duo duces, Angelus Pergulensis, & Guidus Feltranus, qui cum omnibus copiis, quae ex superiore bello superfuera, eodem convenerant. Huc accedebat ingens agrestium peditatus, ex proximis accitus oppidis, qui ad multa millia in armis esse, quotidieque magis augeri, ferebantur. BRACHIVS, certior rerum omnium per speculatores factus, Nonis Ianuariis in fines Eugubinarum, qui Appennini colunt radices, pervenit. Fuere in eius exercitu equitum non amplius mille, peditum circiter duo millia, partim quos tiro-nes civitate delegerat, partim qui erant veterani, & belli variis periculis probati. Hac manu tripartita tres simul urbis portas est aggressus, tanto militum ardore, ut, hostibus frustra repugnantibus, refractis portis, multi capti direptique eodem undique impetu referentur. Sed urbs, edito in loco sita, sua se natura situque defendit, tum in-

Eugubium  
frustra ob-  
sidi-  
one tenta-  
tum.

gens

gens hostium ac validum erat praesidium, ut facile vel saxis propellere possent oppugnantem hostem. Illud fuit omnium longe maximum, totum triduum consedisse intra moenia, & neque in superiorem evadere urbem, neque suburbanis depelli ab hoste potuisse, nec tamen unquam interea, nunc levi, nunc gravi praelio cessatum: Tertia iam die nequicquam periculis confumta, BRACHIVS, ubi videt, nihil se proficere adversus hostem, desperata urbis expugnatione, solvit obsidionem, suburbiiis tamen lato igni vastatis. Miserrimum hostium oculis fuisse spectaculum vicorum incendia: sed nec ad ea reslinguenda ante hostis discessum descendere ausi sunt. BRACHIVS, quicquid prope fuit agri, vastato, ad Fractam revertit. Hic, urgente adhuc hyeme, equitatum ad hyberna, peditem ad suam quemque domum dimisit: ipse paulo post Perusiam hyemandi gratia concessit. Iam paululum hyemis restabat, cum Sfortia & Tartalia, confirmato, quoad potuerant, exercitu, in fines Tutertinorum populatum venerunt. Pauca quaedam, nec situ, nec opera munita, castella ab his capta: quae res causae fuit expeditionis in Tudertinum maturandae. Nec hostes quidem eius adventum expectavere, satis rati, quod imminentem Eugubino bello avertissent. Ergo, modico castellis, quae ceperant, relicto peditatu, ad sua statim hyberna, quae erant trans Tybe-

Suburbia tamen igne,

Agri depopulatione vastati.

Expedicio in Tudertinos suscepta.

Nicolai Picini virtus singularis,

rim, se contulerunt. Per hos dies, cum Eugubini hostium absentia latius ac licentius vagarentur, Nicolaus Picininus, cuius paulatim augebatur virtus, parva manu eorum excurrit agrum, vastavitque, ut sunt semper improvisa mala graviora, multum praedae, multum captivorum actum est. Hoc primum eius viri auspiciu fuisse tradunt: nam ante id tempus gregarius miles, nec nobilitate, nec potentia clarus, semper postea virtute & gloria insignis, aetate mea ducum omnium in Italia praeclarissimus: quos tanto post se reliquit intervallo, ut, cum multi varique duces ex BRACHII familia, veluti ex militiae officina, prodierint, hic unus imperatoris sui, & nomen & exercitum retinere ausus sit, fide nemini secundus, qui & viventem BRACHIVM nunquam deseruit, &, illo mortuo, BRACHIANAE militiae assertor esse ac dici voluit; nec quidquam nunc in Italia BRACHIANORVM nomine magnificentius: quod alter maiore imperio peperit, non minore fide educavit alter. Quibus diebus haec in Eugubinis gesta sunt, Legati, qui cum Pontifice de pace conficienda iam diu egerant, Tuderum cum conditionibus redierunt. BRACHIVS, consilio Florentinorum, qui foederis autores fuerant, quo praesens pacem confirmaret, Florentiam proficiscendum constituit, commodius futurum, arbitratus, & ad benevolentiam propensus, si ipse Pontificem

Brachii Florentiam tendentis comitatus.

tificem adisset, loco praesertim minime suspecto: ubi, si quid insidiarum in se strueretur, vindicem habiturus esset violatae fidei Populum Florentinum. Sed, quo famam sui nominis & expectationem hominum completeret, curandi erant novi ac magnificentissimi vestium, comitum, equorum, apparatus. Primum omnium familia cuncta pari vestitu est ornata: quadringenti praeterea ex omni exercitu delecti milites, vestibus armisque conspicui. Duces, Praefecti, Centuriones, argento aurove, ut cuiusque erat dignitas, vestimenta, frena, phaleras, vario labore texturaque distinxerant. Arma tam bene iussa expoliri, ut mirantium perstringerent aciem. His adiecti ex aliquot populis, quibus imperabat, Perusinis, Tuderinis, Urbevetanis, Narniensibus, Reatinis, Asifatibus, aliquot instructissime ornati cives: turba quidem illa togatior, sed cultu & magnificentia tanta in processione haud contemnenda; &, ne quid deesset gloriae, Fulginatum & Camertium tyranni, pari hominum atque equorum ornatu accessere comites. Rebus ita compositis, nono Calend. Martias ad iter se paraverunt. Quadringenti fuere equites, pedites haud amplius quadraginta. Ex his pars hastati, pars sagittarii; omnes utrumque ducis clauderant latus, nec usquam itineris ab illo recedebant. Prima die ventum est ad Thrasiacum, Perusini agri atque imperii terminum.

A Florentinis  
magnifice ha-  
bitus.

num. Postridie Cortonesium ingressi agrum, hic Florentini imperii est limes, miro rerum omnium apparatu accepti sunt. Quippe Florentini per omnia ditionis suae loca dimiserant, qui transeuntibus non haec uitata & vulgaria genera cibariorum, sed rarissima & deliciosissima quaeque, ministrarent: nec ulla gens est accipiendis amicis, exhibendaque liberalitate, magnificentior. Quatuor praeterea nobiles domi ciues ad eum excipiendum praemissi, continenti itinere comitati sunt: ipse armatus, tamen sine galea, procedebat; pauci erant inermes, quos e civitatibus ad honestandam professionem delectos ostenderam, ceteri veluti ad bellum intenta pergebant acie. Tertius iam illuxerat dies, cum in agrum Florentinum traiecto flumine Arno est perventum. Hic magnificentiora videri coepta, si qua difficilius fuisset iter, limites iacebant aequati solo, saxa quaedam maleis praerupta, quaedam in dextram, aut laevam sevoluta, expeditum reliquerant aditum, modicis praeterea intervallis, frequentia exposita cibaria crebrique per montem dispositi ignes adspiciebantur, ut, cum equis descenderetur, simul cibo potuque, simul igni reficerent corpora, ubi vero ad liberam devenire planitiem, tum ingens civium obviam emissâ multitudo, & Cardinalium familiae universae occurrerunt. Turbae quoque puerorum, qui studio videndi multum erant

erant progressi, late compleverant vias. Horum altissimae voces, BRACHIVM geminantes undique, exaudiebantur, nec grandiores se iam continere poterant cives, quin pari studio adducti, BRACHIVM & ipsi bis terque conclamarent. Paululum iam ab urbe aberant, cum in proximam divertens casum, positis armis, ornatissimas induit vestes, turpe ratus, si tam amicam civitatem hostili salutasset vultu. Purpureae vestes, auro atque argento distinctae, fulgebant, puniceum involucrum, veluti globus in ambitum circumductus, supra verticem latius se proferebat, nec equi cedebant, ornamenta, phalerae, aureis crispatae bullis, longo tractu per dorsum atque artus descendebant, aurea lora aureos quoque excipiebant frenos. Dum id more intercessisset, populus frequens undique extra portam corruiere, & quasi deum aliquem visere, nunc toties auditum nomen, nunc invicti ducis fama & gloria gestarum rerum occurrebat, & quem animis vix capiebant, eum oculis satis intueri non poterant. Crescebat enim adspectandi studium imperatoria quadam & supra mortalem iucunda praesentia. Constat enim, statura supra mediocrem fuisse, facie oblonga, sanguine quodam cum dignitate suffusa, non nigris quidem oculis, sed tamen laetis, & nescio quid grave iucundumque spirantibus, membris ceteris, nisi quae vulnerum deformassent cicatrices, mirifice cedentibus, denique

denique adpectu erat pro tempore festivo & gravi, semper tamen imperatorio, ut inimici confessi sint, quantavis in frequentia aut corona permixtum, stantem sedentive, ab ignotis unum ex omnibus pro imperatore dignosci primo adpectu potuisse. Ergo Florentinis non satis erat vidisse semel: quacunq; se latior aperiret via, praeter-euntem antevertebant, iterumque adpecturi, editos occupabant tumultos, limitibus tam diu confidentes, donec praetergressi ducis respicerent terga: tum vero magno accelerabant gradu, quam diu a fronte venientem rursus intuerentur, nec turba magis, quam clamor, faventium, & BRACHIVM iterum atque iterum reclamantium, augebatur, portas ingredientem principes omnium ordinum cives, iuventute & ipsi stipati, recepere medium, multi per angustos vicorum inflexus conculcati contritique ab equis, & quo magis procedebatur, hoc magis complebantur omnia, magisque conclamantis plebis vocibus cuncta resonabant. Nec segnius mulieres, patrio exornatae more, ad compita vicosque prodierant, illum pueri, iuvenes, senes, viri, mulieres, intuebantur. Nemo unquam acceptus in ea civitate magnificentius, nec tanto favore omnium civium. Non illi externi externum Principem recipere, sed Florentinorum Regem venerari, nec maiore observantia, quam amore, complecti videbantur. Hac pompa comitatuque ad Pontificis

A Pontifice  
perbenigae  
exceptus,

cis atrium perventum est: intromissum ad interiora penetralia, procumbentemque ad pedes. Pontifex perbenigne complexus, excitavit, gratiasque egisse Deo Opt. Max. dicitur, quod aliquando tantum sibi virum conciliasset. BRACHIVS, post Pontificis complexum, primum pedem, mox manum, sacro more deosculatus, sua in superiores Pontifices beneficia commemoravit, neminemque pro illorum imperio plura maioraque gessisse, redactam toties ac retentam in fide Bononiam, Ladislaum non Roma solum, sed Hetruria, sed Latio toto, depulsum: graves, cum in Piceno, tum in Umbria, toleratas obsidiones, deinde pauca de fortuna sua disse-ruit, patria pulsum diu, in exilio egisse aetatem, a Bonifacio deceptum, in fide tamen mansisse. Perusiam urbem, in qua ipse natus educatusque fuisset, non quidem Pontificibus, sed regiis sociis communibus, Hetruriae hostibus, eripuisse. Sic Tudertinos a Rege, sic Asinatenses a Feltranis deficere coactos, in suam receptos esse potestatem, quae omnia, etsi ad Pontificum iura pertinerent, ab hostium tamen manibus esse detracta: quam diu in Pontificum fuissent potestate, nihil contra esse molitum, eosdem se belli socios, quos Pontifices iussissent, eosdem amicos atque hostes, habuisse. Quae quanto maiora essent, tanto se graviore dolore affectum, quod hostis esset iudicatus, quod divinae in eum imprecationes habitae, & quid

sua ipsi desideria exponit,



quid vix in sceleratissimum quemque fieri decuisset, congressu hominum, sermone, communione, esse inhibatum, postremo templis, aris, focus, interdictum sibi esse. Nunquam se nec laesisse, nec violasse religionem Romanam, nec Deorum immortalium templa profanasse, nihilo secius, perinde quasi humana divinaque polluisset, funestasque, religionis inimicum iudicatum devotumque fuisse, quae ut multo gravissima essent, ita se posthac quam aequissimo laturum animo, fretum conscientia rerum a se pro Ecclesia summa cum fide gestarum, modo opera sua Pontifex uteretur, nunquam pro sanctissima religione defatigatum iri. Postremo orare Pontificem, ne graviora haec putaret, quam quae ipse oblivisci posset, si quid unquam fortiter pro superioribus Pontificibus ac fideliter gessisset, nunc multo fidelius gesturum omnia. Nullam iniuriam acceptam tanti apud eum fore, ut a fide & opinione laudis deficeret. Bella non magis virtute constare, quam fide, se sic a pueris institutum, eum virum esse praeclarum, quem nullae iniuriae, quamvis graves, efficere possent intus. Natum se sub Pontificum imperio, sub eodem & adolevisse, & patria extorrem actum, pulsus Roma Pontificibus, locum sibi in Hetruria non fuisse. Illis receptis, se quoque aliquid habuisse virum, eandem sibi, quam illis, alluisse fortunam, nec nunc quidem alieno

alieno esse animo. Habere Diis gratias, opes, quam nunquam, antea maiores, & eas ipsas non aliena ope, sed beneficio fortunae & virtute sua partas, has omnes Pontifici polliceri, venturum in bellum cum exercitu, Romani iuris oppida redacturum in potestatem, denique facturum omnia, quaecunque pro re sua facere quisquam posset. Ad haec Pontificis pauca fuere verba: Se, quicquid fecisset, coactum novitate imperii fecisse, nec magis BRACHIVM, quam ceteros, qui aliquid Romani iuris arripuissent, hostem esse indicatum: imprecationes vero & divinas illas exorations incitamenta quaedam fuisse terroris, nihil tamen periculi habuisse, nec omnia, quae ore coram proferuntur, nocendi animo proferri. Ea iam expiata esse. Ceterum tam liberales pollicitationes grato accipere animo, iam nunc eius consilio atque ope bello paceque usurum. Haec ubi ultro citroque dicta, BRACHIUS, facta potestate abundi, ad refectum populo, undique visendi studio confluyente, vestibulum exit. Exceptus ab illis ipsis civibus, quos una comitatum profectos ostendi, Pontificis quoque stipatus familia, ad Arnun flumen, qui mediam secat urbem, reductus est. Parratae erant amplissimae civitatis domus, comites, qui venerant, suo quisque susceptus hospitio, ipse in patentissimam egregio cultu exstructam deductus domum: et si saepe alias audiverat, tum primum, quanta esset

Amica ad  
haec Pontifi-  
cis responsio.

Maximus pul-  
cherrimusque  
rerum, quoad  
Brachius Flo-  
rentiae mo-  
raretur, appa-  
ratus.

T

eius

eius urbis magnificentia, perspexit. Parietes erant Gallicis tapetibus contexti omnes, tum latissimi strati tori, vacuis, sed auro purpuraque pictis, in cubiculis eminebant: vasa quoque in coenaculo partim aurea, partim argentea, longissimo ordine feriebant oculos. Huc publice, huc private congestae delitiae, tum epularum quicquid unquam mortalium gula potuit excogitare, aurata fercula, aurata condimenta, nam vulgares succi liquoresque sorduerant, haec omnia regio cultu succincta inventus honestabant. Nobilissimi civitatis iussi mensas sternere, apparare atque adesse discumbentibus, quam lectissimi ornatissimique conuenerant: tum civium, qui autoritate & praesentia polleant, duplex confectus ordo: alteris parandarum rerum datum negotium, alteris commitandi ducis imposita cura. Ludi quoque per singulos dies instituti celeberrimi, ubi, ne quod deesset Hetruscae opulentiae, ne mulieres quidem virorum cultui magnificentiaeque cesserunt: has aurea monilia, has ultimo solis orbe petitae gemmae decorabant, denique, quicquid divitiarum in civitate fuit, publice privatimque ostentationi datum. Postero die in Curiam Florentinam ad Dominos salutandos accessit; sic enim Decemviri, quos penes imperium civitatis situm est, appellantur, duorum mensium Magistratus. Hic multa benigne utrinque amiceque dicta. BRACHIVS pro tanto hono-

honore, simulque pro conciliato sibi Pontifice gratias agere : Florentinus pristina eius in se beneficia commemorare, uterque se devinctum facere : Quibus ex rebus ingens est constata benevolentia, cum uterque, sui beneficii oblitus, meminisset alieni : hinc illud tacitum & nunquam postea violatum foedus, perpetuaque cum Florentinis amicitia. Postridie eius diei, Pontificem iterum adivit, nec minore comitate acceptus, multa de pace concordiaque, multa etiam de Pontificis statu disseruit : sic totus in consultatione gerendarum rerum ille consumptus est dies.

Inter haec Florentini, qui mirifice iam pridem BRACHIO favebant, Guidum Feltranum Florentiam acciverunt, quo vicini duo duces paulo ante amicissimi reconciliarentur : nec fuit difficile. Quippe BRACHIVS, commemoratis offensionibus, nec beneficia quidem suppressit, sic novum odium veteri officio sopitum, & duo Duces precibus populi Florentini eadem, qua prius, amicitia devinciuntur. Haec res non finitimos solum, sed totam Hetruriam, in pace diu continuit. Nec fessit Florentinos, una opera & patrium bellum sedatum iri, & utrumque Ducem devinctum, concordiae autoribus fore. Iam aliquot praeterierant dies, cum BRACHIVS, quoniam alia magnificentia uti alieno in regno non poterat, equestres ludos celebrari instituit, apparatu, quanto nec

Amicitia cum  
Guido Feltra-  
no restituta.

Ludi eque-  
stres restituti.

antea nec postea quicquam est usus, Fure in ludis milites galeati centum viginti, cives etiam nonnulli, &, (quod ipsi mirantur, qui interfuere,) unis in ludis hastarum sex millia contrafacta. Multa Florentini priora audiverant, plura postea eiusmodi videre certamina, nullum tamen huic, neque numero cursorum, neque apparatu & pompa militari, comparandum: nec quidquam ludis ipsis, quam tanti ducis praesentia, decori fuit. Ille militem instruebat, ille porrigebat hastam: idem currentem & subsequerebatur, & incitabat: quae res adeo grata fuit populo Florentino, adeoque visa gloriosa, ut nihil in ore omnium aliud, quam unus BRACHIUS, versaretur: illum interdum per urbem universi comitari, illum domi taciti ac fere attoniti suspicere, noctu carmina per urbem, ceteris ignominiosa, illi laudem dicentia, canebantur. Primo noctis adventu, pueri, iuvenes, & ipsae ante sua limina mulieres, haec ad lyram cecinerunt: BRACHIUS, invictus omnia debellat gentem, Martinus Papa non valet quadrantem, multis in locis haec eadem parietibus inscripta, nec praeconiis saepe factis parebatur, quod adeo Pontificis offendit animum, ut saepe postea Florentinis quadrantem exprobraverit, capitaleque in eos conceperit odium. Iam vigesima venerat dies, cum, omnibus compositis rebus, percutienda erant foedera: nec deerat Sfortia,

Carmina in  
laudem Bra-  
chii publice  
recitata.

cia, qui Pontifici acceptior, omni studio ad pacem hortaretur: persuasitque, ut BRACHIVM contra Bononienſes, qui paulo ante rebellaverant, cum exercitu mitteret. Hoc ſi faceret, Neapolitanorum regnum vacuum Rege, a molliſſima invaſum muliere, facile in eius venturum poteſtatem: cui rei, niſi procul diſtineatur, BRACHIVM impedimento fore. Nam regni optimates aegre ſerre mulieris imperium, iam tantam eius eſſe inconstantiam, ut duos regni inſtituerit haeredes, & cum prior diſplicuiſſet, alterum ad inferendum patriae bellum armaverit. Iturum ſe cum exercitu ad regnum occupandum, nec aliter fieri poſſe, niſi BRACHIVM, ſtipendio adſtrictum, quam poſſet, procul a regno diſtraheret. Bononiense bellum diuturnum & periculolum fore, hoc illum aut nunquam aut ſero conſecturum. His verbis perſuaſus Pontifex, nullam pacis conditionem repudiandam conſtituit, modo BRACHIVS exercitum contra Bononienſes traieceret, ratus, uno tempore duplici ſe victoria, & Bononiensium, & regni, potiturum. Foedera in hunc modum percuſſa ſunt: BRACHIVS exercitum omnem in Galliam traiecit. Bellum cum Bononiensibus gerito. Oppida, quae capiuntur, Pontificis ſunt. Ante conſectum bellum, neque exercitum reducito, neque ipſe in Hetruriam ſine exercitu redito. Pontifex equitatu

Foedus inter  
Brachium &  
Pontificem  
initum.

peditatuique stipendium praebeto. Peru-  
 fini, Asifates, Camarienses, Spellani, Efini,  
 Gualdenses, Tudertini, sub BRACHIIQUE,  
 liberumque nepotumque imperio manento.  
 Castellum plebis, Montemalboddi Ro-  
 cham contractam, ipse, filiique, nepotesque,  
 in potestatem habento: quibus velint, ven-  
 dunto, largiuntorve. Sed neque adversus  
 Romanum imperium arma ipsi capiunt,  
 nec hostibus praebento auxilium. Vices  
 Pontificum his in locis gerunt, vitae ne-  
 cisque in municipes potestatem habento:  
 qui non parebunt, iis etiam, si ad Pontifices  
 perfugerint, bellum, quantum velint, infe-  
 runto. Si Bononienses non subegerit, id-  
 que culpa non fiat, Pontificis foedera rata  
 ne sunt. Si quid ipseque liberique moli-  
 rentur contra, funesti profanique homi-  
 num congressus fugiunt. Tempia ne in-  
 tranto, ignem & aquam ne inveniunt,  
 urbibus agrisque spoliantor.



IOAN.

IOANNIS ANTONII  
CAMPANI, EPISCOPI APRV-  
TINI, DE VITA ET GESTIS AN-  
DREA BRACHII, PERVSINI,  
ITALICAE MILITIAE IMPERA-  
TORIS OLIM STRENV-  
ISSIMI,

*LIBER QVINTVS.*

**I**cto in eum modum foedere, BRA-  
CHIVS, quo expeditionem maturaret,  
Perusiam ad conducendum militem,  
cohortesque ex hybernis deducendas, rever-  
titur, non minore a Florentinis dimissus  
honore, quam acceptus. Ergo, novo di-  
numerato stipendio, primum confectam  
cum Pontifice & Feltrano pacem a praeco-  
ne declarari iussit, totoque animo intentus  
ad bellum, ad paucos dies profectionem  
militi pronuntiavit. His diebus legati Ar-  
riminensium Perusiam venire, petentes, ut  
natam ex concubina filiam Roberto, Pan-  
duli Malatestae filio, desponderet: quae  
res hoc facilius est impetrata, quod genus  
Malatestarum inprimis clarum atque anti-  
quum habebatur. Post haec, antequam in  
Galliam traiceretur, pulcherrima coepta  
aedificia: primum testudinem pro foro  
quam longissimo protendendam, muros de-

Novum para-  
tur contra Bo-  
nonienses.  
bellum.

Natam ex con-  
cubina filiam  
Roberto Ma-  
latestae de-  
spondit.

Nova coepta  
aedificia.



inde civitatis reficiendos curavit, & quae  
 vexior est urbs ad orientem, praecipitem  
 lapsum, ut plerumque labes fierent, altissi-  
 mis erectis fornicibus acquavit, alterum  
 nunc urbis rerum venalium forum. Simul  
 haec curabantur, simul, quae ad novam pro-  
 fectionem expedirent, arma, equi, milites,  
 parabantur. Nec multis post diebus, exer-  
 citus parte collecta, quo reliqui celerius  
 sequerentur, octavo Calend. Maias, vexilla  
 ad arva Clusina iussit promoveri: ipse bi-  
 dum in urbe componendis rebus, & magi-  
 stratibus creandis commoratus, tertio die  
 eodem contendit. Hic, quoad omnes con-  
 venirent copiae, expectaturus, ac loci usu-  
 rus commoditate, (quippe pabuli atque ligni  
 mira feracitas,) dum ad Thrasimenum mo-  
 ram traheret, Nardum Vetulum, vetera-  
 num quidem militem, sed tunc fugam or-  
 nare cupientem, iuvenis famulus accitavit:  
 iussu ingredi tabernaculum, ac causam di-  
 cere, vultus sanguisque defecerat, mox, ac-  
 cito tortore, cum proposita novi exempli tor-  
 menta expavesceret, nihil, inquit, opus  
 est quaestione, tuo accepto stipendio, ta-  
 men ad Sfortiam properabam, cum quod  
 aere premebar alieno, & arma atque equos  
 vendere durissimum erat mihi, tum quo-  
 niam & id ipsum, quod acceperam, a te sti-  
 pendii consumeram, & ille duplicare  
 promiserat: una fuga & aces alienum non  
 reddere, & integram accipere mercedem  
 pote-

Nardus Vetu-  
 lus, fugae reus,  
 suspensus.

poteram. Haec confessum, proxima in arbo-  
re suspendi iussit, dataeque perfidiae poenae,  
nimis durae fortasse: sed nullum erat sce-  
lus, quod ille tam gravi puniendum suppli-  
cio putaret, semper alias transfugas & pro-  
ditores supra, quam sibi expedierat, exosus.  
Nonis Quintilibus, cum undique conducti  
milites unum in locum convenissent, lustra-  
to exercitu, inventa sunt equitum arma fe-  
rentium duo millia, calonum. peditumque  
fere totidem: ex his plerique erant sagitta-  
rii. Hac manu tantum gesturus bellum, fa-  
cto per Cortonensem agrum itinere, ad  
Tyfernum urbem, vel, ut hodie vocant, Ca-  
stellum, pervenit. Hic per exploratores de  
Sfortiae apparatu cognoscit, nec credidit  
quidem primo, sed in dies sine certa causa  
maiores habiti delectus rem verisimilem fa-  
ciebant. Hac re diligentius explorata, cum  
omnia suspicionem augerent, mittuntur  
clam, qui ad Reginam cuncta perferrent.  
Movebat eum partim mulieris imbecillitas,  
auxilio non tamen magis, quam consilio, di-  
gna: partim, quod verebatur, Pontificem, oc-  
cupato regno, tanta imperii accessione fa-  
cta, omne in se bellum conversurum.  
Sed Regina, praeter mulierum naturam, nul-  
lo pacto, ut fidem adhiberet nuntio, adduci  
potuit, verita, ne fraude bellica decepta, Sfor-  
tia a se alienato, sine duce, sine armis desti-  
tuta invaderetur. BRACHIVS, ne quid  
ad Tyfernum traheret morae, superato ce-

Iter in fines  
Bononien-  
sium susce-  
ptum.

Apparatus  
Sfortiae belli-  
cus,

Ad Reginam  
frustra dela-  
tus.

Bononien-  
sium copiae  
atque duces.

Brachii cum  
Loisio pugna.

leriter Apennini montis iugo, in hostium fines traiecit. Adscito sibi Angelo Pergulensi, eius adventum in itinere cum septingentis equitibus expectaverat, a Legato Pontificis mercede conductus. Interea Bononienſes, tanto belli apparatu cognito, undique petiverant auxilia, duces complures accitos, in Galliam partem intra urbem subduxerant, partem per oppida atque agrorum dispartierant, denique tantum roboris collectum, ut non obſiſtere ſolum hoſti, ſed vincere, poſſe conſiderent. Equitum habuere tria millia & quingentos, peditum incertum, ſed tamen ingentem, numerum, quos ex omni acciverant Gallia: ſed duces erant varii, quorum neque animi ad bellum, neque auſpicia, conveniebant. Gabrinus, Cremonenſium Tyrannus, Albericus novellus, Loisius Vermeſ, Symon Canuſinus, & alii permulti, quorum nec res geſtae, nec nomina ipſa erant contemnenda. BRACHIVS, primo ſtatim ingreſſu, caſtra poſuit non amplius, quam quinque millia paſſuum procul ab urbe: quae res, ut magno civibus terrori fuit, ita ducibus, qui militaris rei erant periti, ſpem fecit hoſtilis exercitus proſligandi. At BRACHIVS, quo magis irritarentur ad praelium, ſimulque, ut eorum tentaret vires, ultro ſigna moveri ad urbem iuſſit: cum vero mille paſſus moenibus appropinquafſet, ceterum exercitum paratum, intentumque ad pugnam, in ponte, quem vocant Crucitate, dimittit, admonitis

monitis praefectis, ut non prius inde moverent, neve pontem defererent, quam ipse movendi signum fecisset: ipse cum octoginta lectissimis equitibus, centumque pari robore peditibus, ad urbis usque vallum processit, ut & provocantium ad praelium, & respondentium, captarentur voces. Huic Loisius, unus ex ducibus, quem dixi, ea tempestate clari nominis, egressus urbem, cum trecentis occurrit equitibus, coeptaque levis est pugna. BRACHIVS, veritus, ne multitudine circumyeniretur, misit, qui signum daret. Quo signo quindecim galeatos equites vocari iubebat, nec quidquam in illo duce ordine & celeritate insignius fuisse constat, qui, ubi advenere, iussi expectare pugnae exitum, & si qui portis egrederentur, observare, aliquamdiu praelio abstinuerunt. Sed, nemine egrediente, pugnam & ipsi capessentes, conglomerati recto per viam cursu dant sese in medium hostem. Horum tanta vis fuit, ut equo Loisius hasta ictus excuteretur, eius milites perturbati, partim, qui erant animo praesentior, ut iacentem ducem excitarent, equoque imponerent, acerrime resistebant, partim moliebantur fugam, veriti, ne omnis simul adventaret exercitus. Capti sunt ex hostium equis octoginta, triginta caesi, milites utrinque sex desiderati. Loisio fugiente, magna urbani praesidii egrediebatur manus, qui, spectata ex moenibus pugna, atque hostium spreta paucitate,

Brachiano-  
rum praeda-  
tiones.

eitae, fugientibus suis sero auxilium ferebant. BRACHIVS, parva quidem, sed pro loco atque numero insigni, potius victoria, ad castra rediit. Haec, ut prima pugna, ita felici auspicio gesta, nimis hostium de-  
pressit animos, contra BRACHIANI ab re bene gesta belli avidiores facti, pari late praedatum ire per hostium fines, pars, si pari robore hostis ad praelium exiret, parati-  
que pro portis armati pugnam expectare, interdum excursare ad urbem, & moenibus haerentem hostem contumelia lacessere. Bononienses metu belli primum omnes vi-  
res in urbem contraxerant, sed mox popula-  
tione agri permoti, ducum alios aliò oppi-  
dorum praesidio dimiserant, qui, etsi op-  
pugnationes fieri prohibebant, liberum ta-  
men praedatoribus relinquebant agrum, nec totis uno in loco resistebatur viribus, nec collatis signis usquam dimicabatur. Iam milites, late circumvecti, quotidiana praeda castra stationesque compleverant, nec parva & expedita peditum manu, sed gravi equi-  
tum mole, fiebant excursiones, nullumque dabatur quieti tempus. Tum Bononienses haud multo gravius ab hoste, quam urbanis atque oppidanis praesidiis, urgeri, hostes foris, illi domi, cuncta absumebant, erant alendi equi, tecto recipiendi, sustentandique mi-  
lites, nec quidquam magis, quam pudicitiae periculum, civibus timebatur: promiscue praefectos cum mulieribus, milites cum an-  
cillis,

cillis versari, tectorum cogeant angustiae. Uno bello variae erant obsidiones, agrestes nisi agmine in campos pabulatum lignatumque exire minime audebant, praesidia magis hostium fines furtim praedatum incurere, quam a praeda hostem prohibere. Quae res mature conficiendo bello plurimum profuit. Oppidum erat Bononiensium, Medicina, munitum, opulentumque: hic cives initio belli quadringentos equites praesidio locaverant, qui multitudine dum magis, quam peritia freti, saepe & ipsi in proxima exhibant Pontificis oppida, & qua hostis non immineret, licentius, quam opus erat, fufiusque praedae cupidi vagantur. At BRACHIVS, & oppidi & praesidii fama pellectus, dum eo quasi exploratum octoginta cum equitibus proficiscitur, forte in itinere frequentia equorum comperit vestigia, quae, Medicina egressos, Oriolum versus contendisse, ostendebant. Hac re animadversa, BRACHIVS, quod crebra erant & recentia, praedatum, inquit, hostes exiere, bono (si Diis placet) omine perreximus, milites, quo dirigunt vestigia, prosequamur hostium incautam aciem: atque ita tritum equis ingressus iter, multo spatio quadrato processerat agmine, quacumque occurreret, invasurus hostem. Aliquot ad Oriolum passuum millia progressis, non procul ab Oriolo, ingens praedatorum exauditur clamor, pecora & captivos late agentium. Oppidani

Prædantes,  
qui Medicinae  
praesidio  
erant locati,

ad Oriolum

pidani, qui non erant capti, in tuta se recuperant loca, nec alium populationis finem, quam hostium discessum, sperabant, nec tenuit BRACHIVM multitudo, quippe pedites erant quadringenti, equites trecenti, sed eorum (ut est industria militaris) pars collectam agebant praedam, utilior numero, quam bello, manus, pars armis atque equis magnifice fulta, subsidio parata perveniebat. Permittit equum in hostes BRACHIVS, milites quoque concitant suos, & ducem, quanto possunt, impetu subsequuntur. Atrox hic praelium, nec praelio remissior exoritur clamor. Hostes, periti locorum, repente, ubi palustres traicere fossas, ad vada sublitere, atque omnes transitus celeriter occupavere, illinc prementem a tergo militem repulsuri. Fossae erant perangustae, ut, nisi hostis a fronte repugnasset, facile transilire milites potuissent. Iam & qui praedam agebant, ad ferendam suis opem recurrere ad fossam BRACHIANIS, dum pro vallo dimicarent, equi a pedite confodiebantur, ita nec transilire poterant vallum, nec hostibus praedam relinquere statuebant. Exaudiunt interea oppidani clamorem, BRACHII nomen, ut sit, in praelio resonantem, subitaque spe elati, ut in certamen iretur, alter alterum hortabatur, nec ira magis illati belli, quam amissae praedae dolor, animos incendebat. Corruunt undique ad BRACHIVM agrestes oppidanique, quibus confestim productis

ctis in aciem, & equiti admixtis, quadripar-  
 tito agmine tenditur in hostem; qua fossae  
 transitus pateret, agresles ostendunt. Equi-  
 tes, auxilio peditum usi, pars lato campo  
 circumvehi, fossa traiciunt, pars intenti bel-  
 lo, dum hostis ad superiorem equitatum va-  
 do arcendum contendit, fossam & ipsi cele-  
 riter superant, praelium aequo gesturi loco.  
 Sed, eorum impetum cum hostes sustinere  
 non possent, fusi fugatique, non modo di-  
 misere praedam, sed ipsi quoque in prae-  
 dam cessere. Capti equites centum &  
 octoginta, duces octo, praeda oppi-  
 danis restituta. Nec quidquam mirabilius,  
 quam a paucis victoribus, tot captivos  
 vinci, trahi, ligari potuisse. Singuli mili-  
 tes binos ternosve contrahebant. Hac vi-  
 ctoria reversus in castra BRACHIVS, <sup>Medicina ex-</sup>  
 utendum occasione ratus, omnem armari <sup>pugnata.</sup>  
 exercitum iubet, motisque celeriter ad Me-  
 dicinam castris, perfractis aggeribus, & al-  
 tissima, qua inuniebatur, completa fossa, op-  
 pidum milite, scalis, machinis, invadit. Op-  
 pidani, superiore praelio magna praesidii par-  
 te spoliati, portas victori aperuere, seque  
 eius permiscere potestati. Nihil hac celeri-  
 tate clarius Bononiensi bello. Haec cum  
 allata Bononiam essent, ingens trepidatio ci-  
 vium animos invasit. Nec oppidum erat, in  
 quo plus spei praesidiique imposuissent.  
 BRACHIVS, Medicina capta, propius ad  
 urbem movit castra, graviore bello pressu-  
 rus



rus obfessum civem: & milites tantum iam animorum conceperant, ut urbana praesidia non pluris facerent, quam si armis atque equis illa caruissent. Tum, quod antea non erant ausi, solo agmine incurfiones facere, & veluti desertum ab hoste agrum, passim libereque populari. Hostes non magis bellum, quam fames, urgebat, quam subducta in urbem praesidia maiorem in dies acrioremque faciebat. Inter haec secutae aliquot dies continuae pluviis, plurimum difficultatis importavere militi: quippe solum natura coenosum, ac palustre & lubricum, ubi pluvia quoque dissolvitur, ne equis quidem satis pervium est, sed media aestate, ubi primum cessavit tempestas, coenum, aestu soleque duratum, facilem reddidit incessum aequato solo. Interim, obfessa urbe, parte copiarum ad occupandum omnem agrum castellaque dimissa, intra paucos dies omnia venere in potestatem. Iam urbs universis copiis, & quod aegrius civis ferebat, a suis etiam agrestibus, obsidebatur, nec deerant urbana praesidia, quae levia interdum praelia committerent, sed ab hoste, frequenti victoria elato, saepe intra munimenta repellentur, nonnunquam, cum aliter effugere non possent, in suburbanas se praecipitabant fossas. Nec ullum ex tot bellis ab hoc duce gestum felicius, nullum praeter Pontificis spem celerius convectum, & in quo minimus sanguinis periculum sit. Bonomen-  
ses

ses amisso agro, cum nec auxilia commea-  
 tusque suppeterent, & fame gravi urgerentur, emit-  
 tendos de pace Legatos decreverunt. Principes civi-  
 tatis erant Bentivolii, ut tunc publice Pontificis hos-  
 tes, ita olim BRACHIO privata amicitia & familiaritate con-  
 iuncti, a quibus leopardi insignibus dona-  
 tum, quidam autores sunt. Eos BRACHIVS per Legatos hortatur, ut suae se-  
 fidei permittant, nihil iniuriae passuros es-  
 se. Igitur Antonius Bentivolius, facta deditione  
 urbis, parvo comitatu ad BRACHIVM in castra venit,  
 paulo post ad Pontificem deductus honestatusque,  
 semper postea in fide permansit. BRACHIVS, Bononiam  
 reversus ad res urbanas componendas, simulque  
 vestigalia, diu intermissa, exigenda, paulo post  
 Perusiam redit. Hunc exitum habuit Bononiense  
 bellum, altero mense, postquam geri coeptum est,  
 BRACHII ductu auspicioque confectum. Bononia  
 subacta, quod reliquum erat aestatis, BRACHIVS,  
 dimisso exercitu, urbanis aedificiis consumpsit.  
 Inter haec Sfortia hor-  
 tatu Pontificis cum omnibus copiis profectus  
 Neapolim, ad arcem novam instructa contendit  
 acie, iussaque ad fenestram vocari Regina,  
 hactenus, inquit, tuum stipendium secutus sum,  
 nec fide, nec vigilantia, tuendo imperio defui,  
 quanta potui, ope tutatus & regnum & dignitatem  
 tuam. Nunc tua tibi reddo signa, felicia sane  
 ad hunc diem,

*Ipsa Bononia recepta.*

*Sfortiae expeditionis Neapolitanae.*

U

diem,

diem, & a me nunquam in hoc regno sine victoria cum hoste collata. Nunc alius tibi quaerendus dux, stipendii, quod acceperam, id omne finitum perfectumque est, ad hoc tempus rem tuam sic gessi, ut & mea fides, & regni tui dignitas, requirebat, nihil est amplius, quod tibi a me meoque exercitu debeat. Ad haec Regina, tum demum sentiens, vera BRACHIVM monuisse, primum dissimulata ira precibus retinere armatum ducem conata, mox terre minis coepit, postremo, cum nec precibus, nec minis, proficeret, contumelia agere, & accusare violatam fidem. Nam ita repente destitutam esse, quanquam finito stipendio, tamen proximum esse perfidiae. Tum in suo regno aliena contra se invecta arma, & amicitiae specie comparatum, paulo post hostem futurum exercitum, hoc plus quam perfidum videbatur. Denique, muliebri succensa ira, illum transfugam, illum proditorem, appellare, concitareque Neapolitanos ad arma contra novum ac subitum hostem capienda. Sunt, qui affirmant, Sfortiam, Reginae contumelia irritatum, sagittas in eam iussisse intendi, atque ita illam fenestra discessisse, quae res magnarum rerum initium fuit. Neapolitani minus egre, quam decebat, Reginae iniuriam tulisse videbantur, vocati ad arma, nec omnes, nec frequentes, concurrerant, tanto postea suspectiores, quanto tunc vindicandi negligentiores

res

res habiti. Fama est, Sfortiam, facto per  
 internam populum transitu, consensu civium  
 urbe egressum, evasisse. Mota subito di-  
 versa bella, regni Procere plerique ad Pon-  
 tificem defecere, regiae quoque urbes &  
 cum his Appuli, Lucani, Calabri, Samnites,  
 fecere rebellionem, soli Neapolitani, Cam-  
 pani, Venafrani, & cum his pauca oppida,  
 in fide manserunt. De Reginae rebus modo  
 tam late imperatis actum videbatur, nec  
 prope erat, unde auxilia peterentur, & un-  
 dique adstabant feroces ab nova rebellionem  
 hostes, nec imperium modo, sed spes quo-  
 que brevi defectura videbatur. Nam unde  
 gentium imploraret opem? Arma hostium  
 undique circumsonabant, optimates, semper  
 alias suis auxiliati Regibus, Pontifici adhae-  
 rebant, reliqua Italia partim Romanis ar-  
 mis, partim Gallicis Regibus, quos illa expu-  
 lerat, favebant. Alfonsum, Valentinorum  
 ac Siculorum regem, quem filium sibi ad-  
 optione fecerat, in Hispania morantem,  
 terrae marisque longo intervallo divide-  
 bant. Sicilia, quanquam erat propior, ni-  
 hil eius Regis iniussu parabat auxilii, &  
 quia pecunia in stipendium opus esset, ea  
 exinanito aerario, vectigalibusque ad hostem  
 translatis, non exibat. Tot circumventam  
 malis, etiam externae opis desperatio subi-  
 bat. Nam, etsi primo statim belli initio Le-  
 gatos ad Alfonsum miserat, durum erat, tam  
 procul venientem expectare Regem, cui

nec naves essent, nec milites parati: sic, antequam delectus militum, remigum, equorum, haberentur, hostis, omnia occupaturus, imminebat. Inter haec Legati ab Hispania rediere, simulque Regis ad eam venere Legati, monentes, quando Rex non ita statim traiecturus in Italiam esset, nondum parata classe, nec equitatu, quo plurimum esset opus, conducto, interea contra Italica arma Italicae opem implorandam. Et iam ad BRACHIVM Regina saepe antea respexerat, tum vero, hortatu Legatorum omni abiecta cunctatione, petendum ab eo auxilium constituit, rata, id quod necessitas suadebat, resisti hostibus ab alio posse nemine. Hunc unum invictum bello ducem fama praedicari, hunc Pontifici terrori esse, tum, quod magis impellebat, eundem de Sfortiae defectione primum admonuisse, iam tum, nisi esset ingrata, initium amicitiae factum. Adiecere etiam Legati, Regem ipsum, virtute fideque adductum, spernere omnem in eo duce recuperandi regni possuisse. Mittuntur ergo ad BRACHIVM a Regina Legati, & cum his, qui a Rege venerant, una iussi proficisci. BRACHIVS, exercitu in Perunum reducto, quod reliquum erat labentis autumnus, militem inquiete habiturus credebatur, cum nec belli facies usquam appareret, & anni tempora paulo post adventu hyemis quietura a bello videbantur: milites pars in Tudertinum ad hybernus,

Mittuntur ad  
Brachium a  
Regina Lega-  
ti.

Mittuntur ergo ad BRACHIVM a Regina Legati, & cum his, qui a Rege venerant, una iussi proficisci. BRACHIVS, exercitu in Perunum reducto, quod reliquum erat labentis autumnus, militem inquiete habiturus credebatur, cum nec belli facies usquam appareret, & anni tempora paulo post adventu hyemis quietura a bello videbantur: milites pars in Tudertinum ad

hybernus,

hyberna, pars in Perusinum ad suas quisque stationes dimittuntur, ipse cum paucis in urbe Perusia submovendis civium contentio- nibus, aedificiisque excitandis, remansit. Sed Tudertini, quod a Sfortiae ac Tartaliae militibus, qui superiore anno pauca in eorum agro occupaverant castella, infestarentur, quaestum venere. BRACHIVS, in Tu- dertinum contendens, deducta ex hybernis parte copiarum, circumfedit hostem, ac bre- vi delevit, sed, ubi ex militia & labore secu- tum est domesticum otium, cogitatio ani- mum incessit ducendae coniugis, & sobolis procreandae desiderium, quod & cives & amici omni suadebant studio. Quaeritur Nuptiae Bra-  
 digna tanto viro uxor, cumque multae in- chii, cum Ni-  
 mentes multorum occurrissent, Nicolam, cola, Berardi  
 Berardi Camertis sororem, desponderi pla- Camertis so-  
 cuit, ut tanta benevolentia duorum Principum sanguis etiam coniunctione firmare-  
 tur. Nec res diutius est dilationi data, idem  
 mensis & desponsionem & nuptias vidit.  
 Perusinarum apparatus ac pompae magni-  
 ficas satis fuere, sponsa recenti matris mor-  
 te lugubrior incessit, tyranni Fulginatum  
 & Fabrianensium interfuere nuptiis, ornatu,  
 quanto nunquam antea quisquam maiore.  
 Centum tota urbe delectae mulieres, sexa-  
 gintaque ancillae in comitatu, Camertes, Pe-  
 rusini, Fulginates, Fabrianenses, Tudertini,  
 vestitu ornatuque certabant. Sexaginta pur-  
 purati tubicines, totidemque pares tibiae, an-

Custodis Nu-  
ceriae hor-  
rendum &  
atrox facinus.

tebant sponfam. In urbe lautissimae usque ad delicias parata omnia, nec magis reliquo ornatu inter comites, quam tripudiis, cantuque, & publica decreta pompa, decertatum. Nuptiis patrio more celebratis, ne nimis uxorius censeretur, in Tudertinum colligendi sui ab civilibus studiis gratia concesserat, cum horrendum & atrox nuntiatur facinus. Fulginei & Nuceriae regnabant tres fratres; ex his unus, cum saepe Nuceriam pergeret, in arcem divertens, forte in custodis uxorem coniecit oculos: nec multo post verba facta exceperunt. Custos dominum in adulterio deprehendit, dissimulat in tempus iram, & quo altior caderet vindicta, tres simul fratres interficiendos cogitat. Quod ut efficere possit, tyrannos, & cum his aliquot cives, venatum ad saltus Nuceros invitat. Duo fratres Nuceriam magna canum turba contendunt: tertium Trebulanum, nam illis quoque imperitabant, ad feliciores ludos vocaverant sorte, & Berardum Camertem, qui paucis ante diebus Fulgineum venerat, Nuceriam compellunt. Cum vesperi ad urbem atque insidias pervenissent, adulter & Berardus frater, intra arcem recepti, diversis in cubiculis dormitum eunt. Custos, prima vigilia utrumque aggressus, adulterum occidit: Camertem coniecit in vincula. Peracta caede, alter frater, qui ad amicum noctu in urbem diverterat, prima luce, tanquam a fratre accitus in

in arcem, eodem, quo ille, telo interimitur. Fulginate, qui una venerant, pari scelere & ipsi vinciuntur: facinus in occulto erat. Interea tam nefandae caedis autor, quo populum ad rebellionem excitaret, primores urbis, ad concionem pro foribus vocatos, hortatur, ut ad libertatem recuperandam arma caperent, simulque docet, duos tyrannos in vinculis teneri, eos se paulo post necaturum, non ausus quidquam de caede fateri ante concitatum populum. Cives, contempta hominis temeritate & perfidia, ne tantum facinus agitare, neve a fide deficeret, admonebant: praesto fore tanti sceleris ultorem Nucerinum populum, nec tam procul inde Fulginatum fines esse, adventurum subsidio reliquum fratrem, nunc locum esse poenitentiae, intercessuros se pro venia, si consilii tam temerarii poeniteret. Ille, ubi videt, frustra de rebellionem tentatum, duos ex satellitibus emittit, qui, nescio, quam reliquam familiam, extra Fulginatum & Nucerinorum fines asportarent, veritus, ne, scelere patefacto, tyrannus saeviendi facultatem haberet. Illi tamen rei atrocitate permoti, primum incerti, quid acturi essent, multis ultro citroque agitat, tandem rem omnem deferre ad tertium fratrem decreverunt, tutius rati, liberos tyranni gratiam inire, quam obfessos in arce omnium odia in se convertere, nec perfidiae ullum esse discrimen, quippe, si conticuissent scelus,



communem dominum, sin aperuissent, custodis fidem esse violandam. Nondum a Trebula redierat, eunt recta satellites ad tyrannum, & rem omnem, ut sese haberet, patefaciunt, duos fratres occisos, Berardum & Fulginates arctissime devinctos esse. Ille, celeriter Fulgineum sine sella reversus, BRACHIO tam nefariam caedem & Berardi periculum nuntiavit, orans obtestansque, ut ad sceleris ultionem auxilio veniret.

Ad quod ulciscendum  
Brachius Nucernum proficiscitur.

BRACHIVS, novitate exempli graviter commotus, simul, quod amici tam in gravi periculo deferendi non essent, militi, qui aderat, subitam edicit profectionem, reliquos e stationibus evocari, & se celeriter sequi iubet, ipse, non expectato militum adventu, cum paucis Nuceriam est profectus, missoque ad custodem caduceatore, percontari iubet, cuius hortatu, aut quam causa tantum facinus admisisset. Ille, nullius hortatu, sed suo impulsu, secisse respondit, causam vero, si nulla subesset alia, satis magnam esse, suorum quaesisse libertatem, & cum publicam omnium, tum privatam suam, iniuriam vindicasse. BRACHIVS, totum triduum in obsidione commoratus, dum reliquae convenirent copiae, omnia, quaecunque ad oppugnationem usui viderentur futura, scalas, trabes, machinas, comparaverat. Ornata erant varia oppugnationum instrumenta, ut, si uno non proficeretur, multis simul, diverso modo, diversis locis, oppugnationem

tionem tentaret. Quarto die arcem undique simul adoritur, admovit muro, quae paraverat, prosiliunt intra primas munitiones milites, custodis parentem, & praeter ea novem & triginta satellites, qui pro moenibus pugnabant, subita vi corripunt, trahuntur in forum manus pedesque revincti. Tyrannus, fratrum interfectoribus prospectis, rabie magis, quam ira, concitatus, parentem, ante oculos occisum, canibus dispartit: satellites vario supplicio diversis in locis affici iubet: quippe statim alii in crucem sublati, alii equis distracti periere, nonnulli subito ferro trucidati, plerique quatuor in partes secti, expositique per trivia, & suae perfidiae, & tyrannicae crudelitatis, fuere exemplum, oculosque inimici foedissimo satiavere spectaculo. Sed interioris arcis ambitum, quanquam defensoribus vacuum, altiores cingebant muri. Custos, ubi, deiectis propugnaculis, suffodi ad radicem cuniculum, & turrim ferro excidi, cognovit, ut omni ex parte ultus moreretur, uxorem, suspicientibus hostibus, supremo turris fastigio praecipitavit: dubium tamen, ne in potestatem inimici deveniret, an ut suae tam graviter exceptae libidinis poenas lueret. Jam hostes cuniculo in turrim editi, inferiorem superaverant testudinem, fratres superne se acerrime defendebant, stricti erant in subeuntes gladii, nec comportata in eum usum deerant saxa. Illi

Qua expugnata, auctores sceleris gravissimas poenas hant.

parietes, illi testa evulsa deiiciebant. Ingens militum sine mercede discrimen legniores affecerat animos. Tum BRACHIVS, magna strue sarmentorum & stipularum comportari iussa, flamina atque fumo inferiora turris complet atque incendit. Simul oculi caligine fumante defece-  
rant, simul tabulata accepto conflagrabant igni. Hoc malo subactus custos, cum iam nec incoctos lapides vellere, nec hostem intueri posset, BRACHII potestate se arbitrioque permisit. Sic milites, occupato eacumine, iussu ducis custodem fratremque, quod illi paulo ante in muliere docuerant, lapsu altissimo praecipitavere. In mortuos quoque a tyranno saevitum, sic crudele facinus nescio an crudelius punitum est. Per hos ipsos dtes Legati Reginae ac Regis, quos dicebam, ad BRACHIVM venire, ostendentes, quanto in periculo res esset, nisi celeriter occurreretur, orantes, superiori, quo Reginam admonuisset, aliud maius adderet beneficium, ferretque perditis ac prope afflictis rebus auxilium, non ingratos Regem ac Reginam futuros: stipendii nunc acciperet, quantum opus esset ad exercitum Neapolim traducendum: ubi eo ventum foret, pecuniarum satis habiturum: pretio preces adiecere. Misereret imbecillae & nova fraude deceptae mulieris, non defuturum, si quid usquam esset iustitiae, causae suae Deum. Nec quidquam  
in

Reginae Io-  
annae, Regis-  
que Siciliae  
Legatorum  
instantissimae  
preces.

in bello magis valere, quam causam, Suspiceret tam iustum bellum, cui, si etiam fortuna deforet, officium profecto & humanitatis opinionem non defuturam. Regis Legati, ne quid ipsi negligentius agere viderentur, fortius locuti, maxima quaeque pollicebantur. Inprimis amicitiam potentissimi Regis, cuius opes late mari terraque paterent: iret modo in regnum, anteverteretque, paulo post venturum auxiliarem Regem, iam milites, classem, commeatus, in parato esse, nam, quod minus celerius in Italiam traiecisset, hyemis importunitatem fuisse impedimento. Regna atque imperia nulla re magis, quam amicitia, constare. Cogitaret, quantum splendoris consecuturus esset, tanto in Regem collato beneficio, nullum esse mortalium eo gratiorem: hoc beneficium eo futurum acceptius, quo minus ante id tempus intercessisset consuetudinis. BRACHIVS, cum altiora volutaret animo, non putabat committendum, & Pontificis opes eo magnitudinis procederent, ut sibi foret aliquando ab nimia illius potentia metuendum: itaque Legatis respondit, indignum se putare amicitia tanti Regis, sed ultro oblatam, tanto gratiorem futuram, quanto minus speratam. Reginae vero iam pridem affuisse, quamobrem, hostium perfidiam quominus patefaceret, sustinere nequivisse. Ceterum ad hanc tam subitam expeditionem opus esse multa pecunia.

Mili-

Brachii responsio.

Item alia Legatorum.

Nova Brachii expeditio.

Carrariae Comes per Legatos de pace transigit,

Milites, quod magnam partem aestatis in otio transegerant, equis armisque deficiente. Tum in augendas copias novum militem conducendum. Ad haec Legati respondere: Habere se in mandatis, quod opus esset pecuniae, a Florentinis mercatoribus, quorum affines & cognati per eorum urbes negotiarentur, peterent, eos aut pecunias, aut sponsones, daturos. Atque ita, missis utrinque Florentiam, quibus hoc negotii datum est, ducentorum millium minimum sponsones acceptae, pauca etiam enumerata pecunia. BRACHIVS duodecimo Calendas Apriles, stipendio clam militibus dato, quicquid usquam in Hetruria inventum est peditum equitumque, condixerat.

Paucis post diebus, imminente iam aestate, exercitum in expeditionem eduxit: primum fuit in Picenos iter. Carrariae Comes, qui Escanianis imperitabat, vicinitate regni adductus, cum ceteris coniurasse, & occulte intulisse bellum Reginae, ferebatur. Hic, ubi subitum tanti Ducis adventum intellexit, cum nec parem exercitum, nec tantum auctoritatis gratiaeque haberet, & Escanian factiones agerent, Legatos ad eum misit, orans, ne quid in se suosque fines hostile moliretur, nihil secum inimicorum intercedere, a quo, si qua in re Perusino bello fuisset offensus, id belli iure, non animi malevolentia, factura: parendum iis fuisse, a quibus militari more stipendium acceptum.

cepisset, non subesse causam, cur nunc tandem bello peteretur: non illum a se, non Reginam laccessitam, nec se quidem negare, hostes commeatu frumentoque iuvisse, verum id libertatis suae fuisse indicium, non illati belli. Si Reginae milites frumentum aut commeatu petivissent, non fuisse illis, ac nunc quidem esse negaturum, neminem BRACHIO fidiorem futurum amicum, si bello abstineret. BRACHIVS, commodius ratus, nihil morae in Piceno committi, quo minus mature in intimos regni fines contenderet, Legatis respondit: Se quidem compertum habuisse de illato Reginae bello, ceterum, si filium obsidem dedisset, excussurum finibus, ac pro socio amicoque habiturum. Mittitur statim in castra filius, quem, summo honore exceptum, BRACHIVS cogendo agmini praeposuit, non magis obsidis fide, quam militaris praefecti virtute, usurus. Inde primum excussum bellum, mox, quanta potuit celeritate, profectus in Samnium, frequentiorē invenit hostem. Samnites universi rebellaverant: horum principes Laureti & populi comites, coniuratione inter se facta, ad Castrilonem oppidum omnes convenerant: inde impedituri BRACHII transitum, omnibus occupatis itineribus, oppida, quae foret in intimum regnum aditus, validioribus munierant praefidiis, arbitrati, quod erat existimandum, si hostem vel paulo re-

Filiūque ob-  
sidem mittit.

Hinc conten-  
dit Brachius  
in Samnites.

tardassent, difficiliora Reginae futura omnia: labi interea reliquam aestatem, & Sfortiam, Reginae cervicibus inhaerentem, excluso Campania BRACHIO, ante victam Neapolim repelli non posse. Nec BRACHIVM hostium consilia latebant, quocirca maturandum sibi magis ac magis intelligebat, etsi nihil hostile a tergo statuebat relinquendum. Igitur, permotis ad Cassilionum castris, veluti statim oppugnaturus, varia machinarum instrumenta praeparabat. Nec oppidum erat natura satis munum. Comites, novo & nunquam antea viso apparatu conterriti, non expectandam oppugnationem, decreverunt. Emissis, qui dicerent, imperata facturos, paulo post in castra & ipsi exiere, receptique in potestatem, in pristinam Reginae fidem redierunt. Hos BRACHIVS, ad maiorem ceteris incutendum terrorem, simul, quo plus esset auctoritatis, castra sequi iussos, ducum habuit numero: deducto celeriter ex eorum finibus exercitu, ne quid socius ager caperet detrimenti, Placentum contendit, Pelignorum oppidum. Hic tres hostium centuriones praesidio erant impositi: satis magna ad defensionem manus, nisi, excussa ratione, pavor animos invasisset. Circumdebantur iam infesto exercitu, & quae oppugnationi usui erant futura, proximorum montium sylvis comportabantur: minae quoque auxere formidinem: quippe ducis, nisi

Quos seque in  
fidem recipit.

Sequuntur  
Placentini,

nisi oppidum dederent, ultimum supplicium  
 minitantis, voces audiebantur. Igitur, non ex-  
 pectata pugna, sese dedidere. Sic Placentum  
 parato quidem, sed non tamen coepto, prae-  
 lio devictum est. Placentinis proximi *Sulmonenses*,  
 erant Sulmonenses, qui & ipsi quoque se-  
 cuti fortunam, paulo ante a Regina defece-  
 rant. Itur signis infelsis ad populandum  
 primum agrum. Sulmo, Pelignorum ca-  
 put, circumlabente clauditur flumine, sed  
 nec tam alta aquae profunditas, ut vel pe-  
 ditatu superari non possit. Sulmonenses,  
 conspectis cis flumen hostibus, veriti, ne  
 subita oppugnatione victi captique diripe-  
 rentur, Legatos, qui bellum deprecarentur,  
 emisere, cum fama invicti ducis, tum  
 subita Placentinorum defectione conterriti,  
 nec iam ulla vires aut praesidia resitura exi-  
 stimabant: iussi Magistratus Reginae, prae-  
 sidiumque accipere, nulla mora imperata  
 fecerunt. Sulmone subacto, BRACHIVS,  
 ne quid celeritati suae obstaret, simul, ut  
 iam sociorum consulere fortunis, quam  
 maturissime copias inde deduxit, motisque  
 ad Capiungum castris, quod oppidum Iaco-  
 bus Caudola obtinebat, vir, nobis pueris,  
 nobilitate & potentia clarus. Cum oppi-  
 dani omnem pacis conditionem reiecessent;  
 magna vi militum expugnati, ut primi ten-  
 taverit hostium impetum, ita primi sustine-  
 re non potuerunt. Omnia praeter libera  
 corpora mulierum puerorumque, praedae  
 mili-

*Capiungum  
 expugnatum.*



Iacobus Caudola Brachinos, quapote-  
est, fugit.

militibus data. Non procul inde magna  
hostium convenerat manus, dux erat  
Iacobus Caudola, quem diximus, cuius  
imperium tunc quidem in Samnio, postea  
vero reliquo in regno, longe ac late pa-  
tuit. Hic, omnium Reginae infestissimus,  
Samnites partem compulerat bello, partem  
precibus ad rebellionem sollicitaverat.  
Qui, audito adventu hostis, nihil magis ve-  
ritus, quam celeritatem, quantum usquam  
inventum est copiarum, comparaverat, egres-  
susque per Furcas Pelignorum in aciem, ut  
a fronte cursum properantis retardaret,  
octo millibus passuum procul ab hoste con-  
federat: tenditur in eum infestis signis, qui  
& numero & animis militum impar. Ubi  
videt hostem, celerius, quam fuerat opinio  
praelio paratum, adventare, in proxima re-  
fugit castella. Partito deinde exercitu, qua-  
cunque penetraturus videbatur hostis, fir-  
missima obiecit praefidia, maxime omnium  
Castellum sangri valido peditatu equitatu-  
que munierat. Oppidum est, in medio in  
transitu profurgens, situ egregie munitum.  
Huc ubi ingentem equitatum missum,  
BRACHIO per transfugas est nuntiatum,  
partem copiarum per latissimam, ut in mon-  
tibus, dimittit planitiem (quinque millia  
enim passuum in longitudinem patens, a  
mensura nomen accepit,) iis imperat, ut ho-  
stem ad bellum irritarent. Ipse cum reli-  
quis copiis modico intervallo suis auxilio  
est

est subsecutus. Hostibus deinde oppidum deferentibus, & per suprema iuga montium ferarum in ore fugientibus, ad castellum Sangri celeriter proficiscitur. Op-  
 pidani, non expectato impetu, portas statim aperuerunt, & paulo ante deturbata Reginae signa pro foro atque moenibus susulerunt. Dum haec a BRACHIO geruntur, Sfortia, magnis coactis copiis, Cantalupum, ad arcendum Campaniam hostem, provenerat: huc ceteros Pontificis Duces, Praefectos, Centuriones, & quicquid oblici hostibus posset, unum in locum convocaverat. Tot deinde simul duces in agrum Sueffanum, inter paucos Italiae fertilissimum, contendunt. Erant in hostium castris Iacobus Caudola, Fabricius Campanus, Michilectus, & Sfortia Cotignolani, omnes & tunc clari viri, & postea multo clarissimi duces. BRACHIVS, quanto numero inferior erat, tanto militum animis & virtute praestabat: qui, ubi de hostium discessu cognovit, motis a Sangro castris, factoque per agrum Venafranum itinere, ad urbem Cales obfidendam profectus est. Cives postridie, quam obsessi sunt, deditionem fecerunt. Inter haec Legati Campanorum ad BRACHIVM venerunt, petentes, ut Capuam ad delendas hostium reliquias proficisceretur. Non procul ab urbe Capua templum est celeberrimum, quod vicus frequens hominibus cingit colitque, supra templum ingens

Castellum Sangri in fidem receptum.

Duces Pontificis a Sfortia convocantur.

Cales a Brachio recepta.

Legati a Campanis ad Brachium missi.

exsurgebat turris: eum locum Sfortia paucis ante diebus occupaverat, & quod ab urbe non amplius quam duo passuum distabat millia, duos praefectos militares, & sub his trecentos lectissimos equites, praesidio collocaverat. Hi noctes ac dies Campanorum infestabant agrum, civesque intra urbem magno cum detrimento detinebant. His de rebus, cum Legati quaesum venissent, BRACHIVS, firmatis ad Cales rebus, caduceatorem Capuam praemittit, atque edici iubet, ne suis militibus, qui paulo post erant transaturi, neque publice, neque priuatim, quidquam cibi potusve daretur, neve hospitio susciperentur, nec a cauponibus tabernariisve quidquam iis venderetur. Eadem in castris a praecone militi sunt denuntiata, quod eo fecit consilio, ne quid properaturum statim exercitum retardaret. Sequuntur quadrata agmina caduceatorem tanta celeritate, ut pari semper intervallo graviter armatae cohortes unius inermis cursum adaequarent. Traiecitur ad Capuam Vulturis amnis, facto per medium urbem transitu: sic paucis horis, octoginta decursis stadiis, ad vicum peruentum est. Invaduntur terribili clamore imparati hostes, nihil tale suspicati, subitoque ad unum capti spoliuntur. Eunt deinceps oppugnatum turrin, eamque ex omni parte levis armaturae milites adoriuntur, sed ingens altitudo vanum faciebat militum conatum: eius

sum-

Huius Edi-  
ctum.

Dolo hostes  
bis circumven-  
ti capiuntur.

summum verticem tres hostium milites defendebant. Ex his forte duo erant Perusini, quos patria per factiones exulantes ea fortuna incluserat. Hos BRACHIVS hortatur, ut turrim ac se ipsos dedant, promittit liberos illaefosque futuros. Vana erant ducta verba. Illi se nunc pro fide pugnare siebant, nunc saxa in eos, qui turri appropinquarent, deiciebant. BRACHIVS, vincendam dolo pertinaciam, statuens, sagittarios post ianuam vicinae domus collocat: ipse domum egressus armatus, captatum de industria sermonem trahit, ex his duo colloquentes, nihil veriti insidiarum, plurimis uno momento clam sagittis traiecti sunt, nec multo post clamant, ut conditione reciperentur. Sed ira percitus BRACHIVS, nisi eius se arbitrio permittant, omnem conditionem repudiat. Pacta deditio, Perusini quidem suspenduntur, reliquis autem est dimissus illaesus, sive quod graviter erat vulneratus, sive quod tanto sunt indigniores iniuriae iudicandae, quanto minus alienus est, qui committit. Non procul inde latissima & quadrata prominet turris, Herami vocant accolae, vetustum opus, & ad mediam prope altitudinem lateritia massa confectum, quam hostes initio tot simul rebellionum cum per fraudem occupassent, quod opera erat munitissima, ut a paucis defendi possit, modicum praesidium imposuerant. BRACHIVS, solus

profectus ad turrin, atque equo circum-  
 vectus, ubi, omnibus diligenter exploratis, vi-  
 det, turrin humana vi, nisi ad multum tem-  
 poris, expugnari non posse, & hic quoque  
 militari usus est dolo. Primum viginti  
 pedites inter munitionem turris & frute-  
 cta, quae circa fossam exortae sylvae spe-  
 ciem praebebant, occultari iubet: duos dein-  
 de primae lanuginis adolescentes, qui fu-  
 gam simularent, paulo ante primam lucem  
 emittit castris. Non procul a turri subter-  
 raneae latent magnifice extructae testudines,  
 opus vetustate antiquius: nam & simulacra  
 veterum apparent Deorum, & vestigia spe-  
 culis mirifice distinctis accipiunt diem.  
 Quadrati operis tria latera aditu patent  
 per angusto, exitus ad vetustissimum Cam-  
 panorum vergit Theatrum, Cripes vo-  
 cant Campani, praeclarumque antiquitatis  
 monumentum. Supra testudines quatuor la-  
 tissima strata est via; inde fit, ut acta pe-  
 dibus transeuntium terra late sonet. Ea res  
 arcis custodibus pro vigiliis erat, quippe  
 cum terrae velut clamantis sonitum audi-  
 rent, excitati statim ad propugnacula de-  
 curgebant. Adolescentes, ubi ad cavernas  
 devenere, quo fugam magis simularent, de  
 industria terram altius vehementiusque fe-  
 riebant. Experrecti eo strepitu custodes,  
 quinam essent transeuntes, percontari milia-  
 rique coeperunt. Illi, ut erant edocti, fu-  
 gere se e BRACHII castris, & ad bases

Mata.

Matalonium pergere, cum respondissent, vestium involucria reiecta tergo, fugam verisimilem faciebant. Orare deinde voce supplici coeperunt, ut, qua esset iter ad Matalonium, illic enim erant hostium stationes, ostenderent. Custodes, rati, adolescentes furto quidquam, ut sit, abeuntes surripuisse, pars itineris longas ambages neectere, pars clam adversa turri scalis delapsi, faciunt in eos impetum. Illi, fictis inter preces lachrymis, resistentes manibus elabi, nec tamen multum, conabantur. Ecce, qui fructibus infederant, de improvviso repente adorti, magno clamore, stricto gladio circumfistunt homines, tribusque ex his captis, cunctis confestim ad arcem, quam vacuum praesidii ac desertam existimabant. Tum, qui tutelae erant relictis, e turris fastigio laxa iacere, peditesque propellere coeperunt. Captivi, revincti post terga manus, ad BRACHIVM deferuntur: ille perduellionis agendum in eos, quod a Regina deficiente, praeter ius imperii rebellassent, & novo supplicio ad tritemim mittendos, cum decrevisset, quo supplicio nihil auditu est acerbius, ex his unus, cum saepe antea durissimos eos labores, famem, sitim, algorem, sordes, verbera, & quod immenius est, incuratas aegritudines, semivivas mortes, in mare deiectas intellexisset, procumbens ad pedes, flebili voce, per Deum atque hominum fidem obtestabatur, ut, quo

X 3      vellet.

vellet, supplicii aut mortis afficeret genere, potius quam ad trirremem destinaret, ubi inter perpetuos labores deficienti esset moriendum. Cum parum proficere lachrymis, nec flectere ducis sententiam videretur, prodere turrin, si se dimitteret, promittebat. Id perque Deos, perque homines iuratus dimittitur. Nec fefellit, reversus ad turrin, cum evasisse vinculis simularet, receptus a custode, proxima nocte, immissum recepit in fastigium turris hostem. Dum hæc ad Capuam geruntur, Neapoli res in angusto erant, hinc finitima & iam ante muros bella, hinc durior bello fames urgebat, cum aliquot hostium triremes, ne quid in urbem commeatus frumentique importaretur, libere omnem maritimam oram excurrebant. Neapolitanorum fides, quod adversus Sfortiam non statim cepissent arma, plus suspicionis, quam periculi, afferebat Reginae; quæ tot circumventa malis, ubi advenientem BRACHIVM, atque iter sibi, quacunque tenderet, victoria facientem, intellexit, deposito paululum metu, tamen sollicita, ne quem tumultum fames excitaret, mittit, qui BRACHIVM cum omnibus copiis Neapolim advocarent, rata, id quod res fuit, eius adventu hostes procul inde diffugiuros, & totius agri viros atque oppida reditura in fidem, frumentique, quantum opus esset, in urbem convectione: simul quod per crebros nuntios afferebatur, Alphonsum Regem,

Angusta res  
Neapolitano-  
rum.

gem, magna parata classe, nihil aliud, quam priorem BRACHII adventum, expectare, iam Hispania solvisse, iam Siciliam, nec multo post Drepanum, appulisse. Quae res BRACHIO maturandae profectio- nis causa fuit, ut venientem mari Regem terrestri praesidio exciperet. Motis igitur castris, Marfanesium, opulentissimum Marfanesium expugnatum. ac maximum agri Campani oppidum, in ipso itinere adortus, expugnavit, diripiendumque militibus concessit. Hic Trasaccus, hostium centurio, dum acriter defenderet moenia, pugnans occiditur. Postridie in fines Neapolitanorum profectus, omnem agrum biduo subegit, frumentumque imperavit. Positis deinde ad Phanum divi Antonii castris, non amplius, quam duo millia passuum, ab urbe, Regis adventum expectabat. Interea Populus Neapolitanus frequens in castra, videndi studio salutandique, ut cuique erat dignitas, confluere: iam commeatus abunde urbi, mari, terraque, suppeditabant, (nam hostium triremes, metu regiae classis, in intimos se Caietae sinus receperant) & agrestes carris ac iumentis farinam comportabant, statimque, ad supplementum urbanae annonae, missae in Siciliam duae naves onerariae. Iam Rex, classe ad Prochyta delatus, triremem, quae eius adventum nuntiaret, Neapolim dimiserat: sed, quo paratior ingrederetur urbem, ad Castellum Ovi, cinctam

Adventus Brachii Neapoli.



Eiusdem con-  
iunctio cum  
Rege Siciliae.

undique mari arcem, classem appellendam, atque inde terrestri acie adeundam urbem, statuebat. Hac re cognita, BRACHIVS eodem cum omnibus copiis proficiscitur, & quo commodior ac magnificentior descensus in terram foret, asseribus trabibusque proximis e locis comportari iussit, quam longissimum intra mare pontem aedificavit, & qua fundum asseres non attingerent, asseribus substratae naviculae pontem & ipsae faciebant: tanta quidem altitudine, ut pons suprema navium adaequaret tabulata. Regia classis apparere iam in alto coeperat, confluunt Neapolitani agmine ad occupandum pontem, quo suis ipsi manibus venientem exciperent novum Regem. At BRACHIVS militem partim secundum utraque pontis latera disponit, partim extra pontis aditum in aciem quam struchissime producit. Ubi terrae appropinquavere navigia, simul clamor, toto exoritur littore, tubarumque clangor late circumsonat: simul aeneae bombardae, quas longo ordine prima littoris ora intendi iusserat, excutiuntur. Nec regii milites defuere. Illi tubis, illi tympanis & minoribus bombardis, circumpatentia maria ingenti plausu resonare faciebant, & nauticum nescio quid dulce tota complens littora, omnium aures barbarica suavitute mulcebat. Regia navis, ne quid suspicionis

osten-

ostenderetur, prima littori adnota, Regem intra pontem edidit : hic, incertum, nimio pondere, an aedificantis inertia, duo simul asseres Regi sub pedibus defecerunt. Sunt, qui factum id per iocum putent, simulque ut diripiendae regiae navis occasio militibus foret. Rex praecipiti lapsu inter asseres in substratam decidit quadriresem, multaque perfusus sentina, sive illud omen, sive iocus fuit, in risum non minorem sibi, quam ceteris, convertit, qui, qua die, qua hora haec scribimus, post octo & triginta, quam haec gesta sunt, annos, vita decessisse nuntiatur. Ingens Italiae regnique iactura, quae parem ante hoc seculum neque potentia, neque moderatione habuit neminem. Pontem egresso pergit obviam BRACHIVS, ut procumbens ad pedes regio more salutaret, sed tanta fuit Regis in levando celeritas, ut, porrecta dextra, quam oscularetur, laeva procumbere incipientem excitaret, saepe ad longum complecteretur excitatum. Sed, quae salutationes, qui mutui complexus, quae & quam amica intercesserint verba, is demum potest cogitare, qui, re diligentius mente agitata, hoc quoque considerabit, incognitum ante id tempus Regem, eumque potentissimum, & cum aliis multis, tum maxime Balearibus insulis, & praeterea Siciliae, Corsicae, Sardiniae, Cataloniae, Aragoniae, imperitantem, exigua & certe terrestribus praeliis inutili classe, ad media hostium ar-

ma venientem, aliena gente, diversis moribus, varia lingua, solum inter instructum militum aciem ad hominem venisse, etsi genere nobilem, certe fortuna novum, atque in eius se manus potestatemque comecisse, cuius fidem, etsi antea saepe audierat, raro tamen quisquam tanta in re esset expertus. Denique, ultimo facto periculo, Italicae fidei, tot simul destituta regna, & quod omni regno clarius, libertatem, corpus, animam, commississe, quae quanto erant maiora, tanto perfidos quidem magis incitare ad facinus, fideles vero caritatis atque officii admonere potuerunt. Post haec universa classis, duae & viginti triremes, in quibus erant equitum duo, sagittariorum totidem millia, cum aliquamdiu iussu Regis mari substitisset, littori paulatim appropinquavit. Desiliunt tandem in arenas regiae cohortes, Italam gentem armatam armatae salutantes; nec arctior Imperatorum, quam militum, fuit complexus: & sunt Hispani ceteris nationibus natura blandiores. Placuit deinde Regi, ut una urbem, neutri eorum antea visam, ingrederentur. Quod ubi Reginae est nuntiatum, totam urbem magnifice iussit apparari, quanto maximo poterat, honore acceptura & Regem, quem filii loco habitura esset, & BRACHIVM, cuius ope paulo ante amissum regnum calmen recuperare speraret. Fit ergo, quicquid undique excogitari potuit publici privati-  
vati-que

Magnificentissimus utriusque in urbem ingressus.

vaticque ornatus, nec civitas est toto terra-  
 rum orbe, quae tantam hoc tempore no-  
 bilitatis & magnificentiae habeat opinio-  
 nem. Nec tamen famae ipsa rerum facies  
 cedit, hic urbis aedificia altiora, quam alibi  
 turres, & ea ipsa plus ad ostentationem,  
 quam commoditatem, erecta, foris oratio-  
 ra, quam intus. Hic prope coelum tangentia  
 complura templa, hic regiae sex arces, qua-  
 rum aliae perpetuo clauduntur mari, aliae  
 miniuntur terra, quaedam partim mari,  
 partim terra, cinguntur. Huc totidem acce-  
 dunt sedilia, (sic enim appellantur civium di-  
 urna receptacula,) quae mirifice inter se,  
 ut nobilitate, sic etiam opibus magnificen-  
 tiaque, contendunt. Hic equestres ludi fre-  
 quentiores, quam alibi convivia; tum civi-  
 lium rerum & muliebris mundi tanta lu-  
 xuries, ut fastidio iam sint etiam, quae pre-  
 tiose iudicantur. Nec usquam tanta vastitas  
 elatioque nobilitatis, mercatores iis & opi-  
 fices contemtui sunt. Ceterum ipsi, etiam-  
 si domi pauperes, tamen otio dediti, cete-  
 ra studia, praeter militaria, contemnunt, &  
 quaecunque honeste opes parant, tanquam  
 inimica nobilitati detestantur. Ergo adventu  
 Regis omnia publice privatimque supra mo-  
 dum adornata, parata templa, expurgata  
 fora, & quaecunque essent incessuri, aulacis,  
 auro purpuraque per pulpita distinctis, in-  
 tescentia late radiabant. Omnem tamen  
 ornatum superaverant magnificentius exstru-

cta sedilia. Hic mulieris cultu praesentia-  
que Neapolitanae, tripudiis & cantu re-  
gium & BRACHIANVM nomen in coe-  
lum tollere, laudes duorum Principum in-  
termiscere, transeuntibus audiebantur. Rex,  
quo tutior urbanis insidiis foret, ad Castel-  
lum novum, inunitissimam Italiae arcem, re-  
cipitur. BRACHIO privatae quidem,  
sed tamen amplissimae, urbis aedes datae.  
Postridie eius diei Regina BRACHIO, ad  
se vocari iussu, primum gratias egit, quod  
hostilis perfidiae admonuisset, nullo adhuc  
foedere coniunctus: adiecit deinde, sero  
quidem, sed tamen aliquando, Deo, sibi, suo-  
que regno, consuluisse, quod eius amicitiam  
adepta esset, iam tunc eius fidei vitam for-  
tunasque committere, illum exercitus facere  
Imperatorem, illum urbibus, oppidis, ar-  
cibusque praeficere, penes eundem crean-  
dorum abdicandorumque magistratum, &  
denique exigendorum vectigalium, ius &  
potestatem fore, sed, quia haec verecundius  
accipi, quam dari, videbantur, statim BRACHIVM, Fogiae, quae est Appulorum ci-  
vitas, Comitem, & Capuae Principem, de-  
claravit, & ne quid regiae potestatis deesset,  
perpetuum copiarum omnium Imperato-  
rem, Connestabulum illi vocant, & totius  
regni gubernatorem, designavit, idque po-  
stridie a Rege post coenam in convivio  
confirmatum, qui, aureo porrecto sceptro,  
quod tibi, inquit, Regina mihique bene  
venit,

Novi Brachii  
honores.

vertat, hunc ego BRACHIVM meique  
 tuique exercitus Imperatorem facio. Ac-  
 cipe tu hoc aureum sceptrum dextra manu,  
 in hoc ego tibi pariturum me, quicquid bel-  
 lo iusseris, promitto, iuroque: promittite  
 vos, qui me secuti estis, iurateque parituros.  
 Cum milites ac duces Hispani & Neapolita-  
 ni sceptrum coniurassent, conversus ad  
 unum BRACHIVM, gravissimis eum ver-  
 bis ad regni defensionem est hortatus, nec  
 desuere summi ducis laudes. Ut, inquit,  
 hoc te bello, tam nefarie nobis illato, prae-  
 ficeremus, non magis tua virtus nos impu-  
 lit, quam fides: altera quidem, ut possis  
 tueri dignitatem nostram, altera, ut velles,  
 promittebant nobis. Quod reliquum erat,  
 ne privato imperio rem gereres, fecimus,  
 regia, ut esses potestate, & ubi ferro de-  
 cernere federet animo, non magis regni  
 nostri, quam tuae gloriae, subires discrimen.  
 Non te necessitas huius belli suscipiendi,  
 propter angustias rei familiaris, non domo-  
 sticae calamitates, pertulerunt: satis tibi,  
 Diis gratias, cum rerum aliarum, tum ma-  
 xime imperii, est: gloriae quoque dicerem  
 esse satis, nisi maior foret, quam ut nos  
 eius parte contenti mortales simus: &  
 quam imperii tui termini non capiebant,  
 alio tu diffundendam existimasses. Latius  
 enim mortalium nomina, quam gesta, per-  
 vagantur. Illa quidem cum periculo  
 brevem sibi gradum faciunt, haec cum lau-  
 do

Oratio Al-  
 fonfi ad Bra-  
 chium.

de summa quam latissime proferamur. Nec me imperandi cupiditas huc gentium pellexit: stultum enim fuisset, pro incerta spe certissimum deferere patrum atque avitum regnum. Sed, quo Italiani fama nominis implerem mei, nec dubito, multo me pluribus hodie, quam heri, esse notio rem. Sed haec fama nominis, si honesta est, quo plus profertur, eo plus habet gloriae: si turpis, nihil est, quod non defoeder. Satiusest, ignotum intra vestibulum latere, quam cum ignominia per hominum ora linguasque versari: illum nemo accusat, omnes hunc detestantur. Nec quidquam tam est gloriosum, quam bella cum fide gerere, contra nihil turpius, quam, ubi belli ac vitae periculum subeas, gloriam laudemque contemnere. Nec tamen idcirco haec commemoro, ut suspectior mihi sit hodie tua fides, quam heri fuit, cum reliqua longo intervallo classe, solus atque inermis, in tua castra desiliebam: sed alia quaedam est ratio, vicisti Hetruriam, Bononienses brevi subegisti, fortissimum Regem pepulisti Roma, (nam ad nos quoque rerum a te gestarum pervenit fama, & sumus Reges etiam externorum curiosi) nulla cum gente bellum habuisti, quam non statim superaveris: nec tamen maior victoriarum turum, quam fidei, praedicatur gloria. Quo tibi hoc bello ut & virtuti & fidei confulas, vehementius est enitendum, ut nec fortunam

fati-

fatigasse tuam videaris, nec minus integer, nescio, an etiam magis aliena in re, possis videri, quam in tua. Totum hoc bellum cervicibus tuis constat: si qua ex parte tanta moles excutietur, nescio, an propter hoc ipsum perfidum, certe, quem ante invictum putabant, vinci te posse homines iudicabunt, gloriaque illa tua pristina multum intra opinionem recedet. Copiarum habebis, quantum voles, Diis gratias, terra marique pollemus: hoc unum vide, ne saepius configendum putes, quam anceps illa & semper varia belli fortuna patiatur. Succumbit enim aliquando virtus, quae nimis saepe cum temeritate in discrimen adducitur. Habes duces, habes praefectos, quorum opera in bello uti possis. Non semper ipse te committas fortunae, cum per alios obire pericula possis. Boni quidem imperatores semper consilio, nonnunquam etiam praesentia, rem gerunt. Saepe vel modico imperatoris ictu cadit exercitus: haec, etsi pro gloria non fugienda, non tamen saepius tentanda sunt, quae nulla re magis, quam frequentia, posunt mortalibus accidere, & temeritas est saepius, quam necesse sit subire periculum, tum nihil periculosius, quam nimis saepe vel secundam tentare fortunam. Proinde ita haec velim accipias, ut belli dilationem non minus hostem, quam nos ipsos, fatigaturam putes: maturitate opus est nobis,



nobis, non festinantia. Sic acerba decussa  
poma, ramum plerumque frangunt, matura  
sponte sua cadunt. Nec tamen pugnandi  
tibi, quotiens velis, eripi libertatem censeas,  
ego quoque, si ire in bellum tecum, tunc iu-  
beas, pugnante sequar, etiam in manife-  
stum discrimen, sed novi, quanti sunt ardo-  
res animorum iis, qui bella gerunt, quam  
molestè occasionem rei bene gerendae so-  
leant expectare, & pro victis habeant, quos  
pares esse cognoscant, ubi tamen fortunae  
temeritas valet plurimum, nobis tum de-  
mum conflegendum est, cum non speratum,  
sed compertum de victoria erit, quippe  
mora nobis salutaris, hosti perniciosa. De-  
dimus operam, ut, quaecunque bello usui  
futura sunt, si terra nequeant, mari com-  
portentur: iam ante nostram profectio-  
nem, classem, quam potuimus, structissi-  
mam comparavimus: naves septem olera-  
rias, mirum, nisi cras hoc in littore conspi-  
ciemus, & tamen novas iussimus aedificari.  
Milites Hispani, Valentini, Siculi, sunt in pa-  
rato omnes, plus nobis copiarum, quam  
huic bello sit opus, & quod hostibus contra  
est copia, nobis ex ipsa nascetur mora. Ce-  
tera regna, quibus imperamus, ipsi abunde  
commeatus, frumentum, sagittas, equos,  
subministrabunt. Ceterum, haec si tibi mi-  
nus placere, nihil erit impedimenti, utere  
pace belloque arbitrio tuo, dum tamen  
scias, me, sic locutum, non magis regni mei,  
quam

quam tuae & gloriae & salutis habuisse rationem. Ad haec BRACHIVS, quod saepe alias audierat, eum Regem magis fatigandis hostibus, quam opprimendis, conficere bella, paucis in eam sententiam respondit, ut primum gratias ageret, quod tantum in se concepisset fidei, mox ad belli mentionem pauca quidem, sed non praeter rem, adiceret: scire se, quibus artibus, in Italia constarent bella, nullam gentem consultius ad aciem procedere. Quod ad salutem suam tutelamque regni pertineret, daturum operam, ut neque Regem delati imperii, neque se accepti, poeniteret. Haec cum essent dicta, Hispani equites BRACHII sermonem de Italicis bellis exceperunt, statimque placita ac pulchra orta est, primum inter milites, mox inter Regem BRACHIVMQUE concio, utrisque suum militandi morem praeferentibus. Illi sua praelia in coelum tollere, quod & pluribus copiis in bellum irent, & maiores educerent caedes. Tanto enim certare se impetu aiebant, & ferocia animorum, ut pauci ex victis vivi in hostium venirent potestatem: plerosque in ipso praelio desideratos, mortiferum enssem expectare, quam terga vertere, consuesse. Nec quidquam esse speciosius, quam aut instantem vincere, aut occidere praeclare dimicantem. Sic vincentem a fortuna iuvare, morientem a virtute non deseri. Eundem esse Hispanorum, quem

Huius respon-  
sio.

Contentio inter milites regios & Brachianos de suo utrorumque more bel-  
landi.

Y

Gallo-

Gallorum & Germanorum, morem, nec dubitari, Gallos ac Germanos omnium esse gentium ferocissimos, eos tantis copiis moliri bella, ut plures uno praelio cecidissent aetate illa, quam ex nostris in aciem ullo unquam in bello processissent. Eodem accedere veterem artem militandi, quippe nullam gentem Romanis potentiorum fuisse, sed nec eorum quidquam magis, quam ingentes bellorum strages, comeminorari. Sic illos vetustiores omnem iuventutem in expeditionem emisisse, tum, si qui per ignaviam hostium manus victi effugissent, aut se vivos dedissent, exauctoratos statim, & prope infames habitos esse: nunc alia via procedere Italica bella, nam & ire paucos in pugnam, & eos ipsos languide quidem frigideque dimicare. Nam quo in praelio decem unquam aut ad summum viginti ferro cecidisse, ubi non insidiis magis, quam virtute esset pugnatum? Haec non solum a militibus iactabantur, sed ipse quoque assentiebatur Rex. BRACHIANI duces, qui frequentes convenerant, & corona stipaverant disceptantes, ipsi quoque vocem tollere, & sua iura defendere, coeperunt. At Rex indicto manu silentio, BRACHIVM, tanquam in ius vocatum, causam dicere iubebat. Ille semper alias benignus in suos, risu ad eos conversus, et nos, inquit, quando Rex iubet, nostra tueamur, milites, iura, ne qui factis in acie me saepe defendistis, ego verbo.

verborum vos contentione non defendam. Conversus deinde ad Regem atque Hispanos, ego primum omnium, inquit, bella non numero bellantium, sed virtute, constare arbitror, nec quidquam tam impedire potest aciem, quam imperita multitudo, sed ea virtus non magis corporis robori, quam animi consilio, est tribuenda. Vos otio nati, educati, assueti, magna turba completis castra, ignari tamen rei militaris, & animos, ut decet, praesentes pugnae accommodatis, ruitis in hostium gladios, ferarum more, & vestro vos impressu magis, quam hostium ictu, iugulatis; sic furentem temeritatem, pro virtute putatis extollendam? Accedunt pravae opiniones vestrae, qui honestius gloriosiusque ducitis, cum vincere non possitis, hostium oculos vestro cruore saturare, quam evadere incolumes, & meliori fortunae reservare vos ipsos. Editis magnas caedes, quia, dum pudet fugere, gloriosam hosti vestro, vobis ignominiosam, mortem non perhorretis. Permagnum refert, parvo quis incommodo, an ingenti cum strage, vincatur, quo maior est caedes victi exercitus, eo victoris gloria insignior. Ite, porrigite vos iugulandos hosti, quo plura victor referre possit opima spolia; sic uno superati praelio, penitus bello excidistis. Sane vero praeclare agitur cum Regibus vestris, cum civitatibus ac liberis, si, ubi paululum inclinavit acies, nihil nisi de

Oratio Brachii ad Hispanos.

subeunda morte, id est, augenda calamitate vestra, decoranda hostium victoria. cogitetis: illic libertatem patriae, illic Regum vestrorum regna imperiaque, praesidio vestro spolianda obiiicitis vincti hosti, quid secunda agitis pugna? Quo pacto victoriae moderamini? Fugientem hostem non capitis, sed occiditis, sed avulsa iugulatis galea, &, quibus de fortunis aut imperio bellum est, de vita & sanguine dimicatis, nec magnitudo animi dicenda haec est, sed immanitas crudelium barbarorum nominanda. Nam, si de imperio est vobis contentio, cur eos occiditis, quibus victoria parta gloriosius imperare possetis? Et, qui fugiunt, iam tum victi parere incipiunt, quos quidem occidere nihil est aliud, quam belli fructus amittere. Vastare etiam conamini regiones, non vincere. Nam, qui sic vincit, ut debeat, is declarat, non se fortuna sua belli, sed hostium sanguine, contentum esse. At aperto certatis bello, non insidijs circumvenitis hostem. Quis ignorat, rem militarem industria atque arte plurimum procedere? Saepe dolus in bello pro virtute est: nulla tamen perfidia, militaria iura violando. Haec vos aliena vobis & ignota despiciitis, sed profecto non pulchrum est contemnere in nobis, quod ipsi praestare insita quadam tarditate nequeatis. Imus pauci in bellum, quia inutilem & insuetam pugnae turbam ad caedem non educimus: sunt in certamen

men non mollis & imperita ad subitum bellum delecta atque armata iuventus, sed durata frigore ac sole corpora, quibus ab ipsa iam inde infantia strata equorum prothoris fuere, qui pulverem ac ventos pati, & famem, inedia, sitim, vigiliam, nullas delicias, immensos labores, sustinere didicerunt, qui inter medios hostium enses ac tela educati, vulnera contemnere, ictus incutere, incussos excipere atque evitare, hostium capita, pedes, latera, pro loco, pro tempore, ferire, servare ordines, dimicare ad prima signa, uno momento acie digredi, ad hostem feriendum, statimque redire in ordinem, nutum ducis aut diligenter expectare, aut iam longo usu per se ipsos callere, locum infernum supernumque dignoscere, instare fugientibus, prementibus resistere, nec prius, quam desperata victoria, de fuga cogitare. Hi sunt ludi militum nostrorum, quos, quia pauci frequentant, satius est paucitate docta, quam multitudine imperita, contendere. At pauci cadimus, quia durum est, quem spoliare fortunis volumus, eum privare spiritu & sanguine. Sic fratres cum fratribus, interdum liberi cum parentibus, non quidem de sanguine, quod esset immatissimum, sed de honore atque imperio, certant, captiva corpora, quae redimi pecunia non possunt, armis spoliata dimittimus. Huc ratio accedit armorum; undique enim duro tegimur ferro, nec saepe alte descendunt,

dunt, mortiferaque penetrant in corpus vulnera, ubi illisum ferrum ferro detunditur. Tum ratio nobis mature configendi, non furoris impetus, moderatur. Audio, Germanos istos, quos dicitis, non ad praelium, sed ad caedem, furentes ruere: quod necesse est fieri, cum ars ignoratur bellandi, regiturque stulta temeritate ferocitas. Suis excitis urbibus, enervata umbra & deliciis corpora, diutius solem pati nequeunt, nec rem ordine aut arte, sed, ut vos dicitis, ferocia, ut nos censemus, furore & insania, gerunt. Nam quid nobis obieciatis antiquos? Istam ego antiquitatem non plane novi, hoc scio, crescere cum aetatibus industriam, semperque novi aliquid addi vetustati. Rex, interpellato sermone, nimirum inquit, si nos contemnimus, qui audeatis etiam vetustatem, tanquam rudem & mancarn accusare. Tum BRACHIVS: Haud equidem hoc ausim, quippe qui, quanta fuerit illa, aut qualis, non viderim, sed quantum scriptorum industria fuit comprehendere. Quanquam illi semper aliquid addunt rebus ornamenti: nihil adhuc video, cur quidquam vetustatis desideret aetas nostra. Nam imperia non hominum culpa, sed temporum mutatione, defecerunt. Plus veteres cogebant copiarum: primum fuere illa secula hominum ferociora fortasse: deinde non eorum, qui scirent industria ferre arma, sed qui aetate possent, delectus habebant.

bantur: nec eos usus consuetudoque bellorum, sed subita & improvisa necessitas faciebat milites, ex agro Imperatores, ex tonstrina milites ciebantur, sed quid milites dicimus, quorum nonnulli semiermes, plerique sine armis, stipendia faciebant? Nos vero, non vulgo delecti, sed militiae nati, non praeustis partibus & incocta pelle, sed durissimis ex chalybe telis ferrea contexti massa, bella gerimus. Quid illa tanta peditum multitudo? An parum indicio est nobis, imperitam turbam equis pugnare nescivisse? Nam, si quaerant equites, qui tamen paucissimi erant, quantum illi habebant roboris, quam referta peditum agmina conterebant? Et tamen solo impetu illi & ardore, non arte usque, bellabant. Confer cum temporibus tempora, cum militibus milites, cum machinis machinas, imperitos pedites, leues fundas illis comperies: contra nobis, callidissimam ac vasserrimam militandi disciplinam, exercitatusimos equites, & rumpentes coelum, nedum muros saxaque, bombardas. Age deinde, suspende in trutinam etiam Imperatores, quanta vis, Dii boni, nostrorum ducum, quanti cum infantia ebibiti labores, quam nihil urbanum atque molle! Veteres non arte belli, sed vanae plebis studio, non per gradus instructi, sed statim creati, non virtute, sed potentia, non quaestu & viribus, sed patriae stipendio & delectu, fiebant Imperatores: quorum etsi nonnulli



nulli rei militaris fuissent periti, milite ta-  
 men carendum erat, intermittentibus bella,  
 novique semper, atque ideo invalidi, habendi  
 delectus, novi exercitus comparandi, tum  
 ipsis quoque non perpetuo labore versatis,  
 multum otii urbani capiendum: quid tale  
 in nobis? Domi nascimur solum, nam, ad  
 militiam statimeducti, ad pectendos equos,  
 non parentem, non ipsam agnoscimus ma-  
 trem, hyerne nudi ventos frigoraque per-  
 petimur, praesepia nobis in deliciis sunt, ae-  
 state alieno usui factam, quam vix manibus  
 levare possumus terra, galeam, cervicem  
 perferimus. Pabulatum etiam, si nobiles do-  
 mi nati sumus, eundum est nobis, & ut plu-  
 viae metentibus pareant, matutino perfusi  
 rore madescimus, ad stationes reversi, non  
 molli cubiculo, non igni tectoque, fovemur,  
 sed iisdem illis madentibus obstricti vesti-  
 bus praesepibus complendis, letamine abi-  
 ciundo, expoliendis armis, sellis ad solem  
 expandendis, totos dies tremendo sudando-  
 que obduramus corpora. Dormimus, non  
 quantum aetas & natura postulat, sed ad nu-  
 tum vel stertentis militis excitati, ultimi  
 somnum, primi vigilias capimus, saepe no-  
 ctu, vel hinnitu equi, vel exiguo ventorum  
 flatu, ad explorandam coeli tempestatem ta-  
 bernaculis, strepitu, clamoreque, detrudimur.  
 Tum fames nobis pro cibo est, haec ali-  
 mur, haec nobis familiaris est, si semel con-  
 tingat agrestium pomorum deliciofa saturi-  
 tas,

tas, id demum est lautissimum convivium. Sed haec pacis non minus, quam belli, rudimenta praeliis ineundis, etiam aetati par-  
 citur, proxime tamen accedit, ad pugnam  
 sequi semper latera pugnantis militis, &  
 hastam paratam non ita statim porrigere,  
 sed diu eius aequato cursu circumferre:  
 tum horrendum hoc quoque, videre ictus,  
 vulnera, minaces hastas, micantes & in  
 ora semper strictos gladios, iam tum haec  
 perdiscimus contemnere. Nec enim terro-  
 rem afferunt, nisi quae nova insuetaque sunt.  
 Sic aves, cum primo capies, fugaces ac ti-  
 midae, ubi diutius tenuisti, manu mirifice  
 mansuescunt, & ad sibilum, quo prius ter-  
 rebantur, concinunt atque accursitant. Sic  
 usu edocti, saepe praecoccupamus aetatem,  
 & immaturas adhuc bello conferimus ma-  
 nus, non tam iussu ducum, quam ardore  
 quodam aemulandi: iam tum superne ado-  
 riri hostem, perturbare ordines, premere,  
 inslare, circumverti, ferire laeva dextraque,  
 perdiscimus. Tum gradum proferre, su-  
 stinere impetum, totaque mole corporis ad  
 suffodiendos equos inclinari, & contacta  
 prope terra, acrius in hostium ora consur-  
 gere, circumvehi equo, & quasi trutina si-  
 mul stimulis urgere, simul frenis moderari,  
 atque omnem in partem veluti globo aut  
 turbine circumflectere. Haec edocti, no-  
 stro militare incipimus stipendio, nullaque  
 nobilitatis habita ratione, virtuti honor da-

tur : &, qui pugnando praestat, si caute consuleque rem gerat, locum dignoscat, atque occupet aequiorem, ordines eleganter constituat, aciem commodè instruat, pugnam non temere aggrediatur, recipiat se militemque suum incolumem, primus in petendo hoste, ultimus praelio excedendo. Hic alter est nostrae militiae gradus. Tum militum praeficitur agmini, hos praefectos militares, hos agminum duces appellamus. Horum quoque discrimina quaedam sunt, & alius alium praestat, quo cuiusque maior est virtus, eo plus illi copiarum ac stipendii datur. Qui vero longe alios virtute, fide, animo antecedit, hunc milites, hunc Duces, Praefectique, sequuntur. Hi sunt Imperatores nostri, haec Italica imperia. Nullum praeclarius insigne, quam vulnerrum adverso pectore multitudo, & deformata cicatricibus corpora : quales multos memorare possem, qui nostra aetate fuere Imperatores, quos non favor plebis imperitae, non Graeca aut Romana facundia, non urbana aetaria, sed una virtus in gerendis bellis, ad eam fustulit dignitatem. Utinam illi veteres adesse possent, ut, si oratione non liceret, armis causam dicere-mus : facerent, credo, in nos impetum, collectae ad subitam contentionem manus, sine armis, sine equis, sine disciplina militari, ordines nostros, confertos armis, & ferreis conglomeratos nexibus, perturbarent. Tum  
etiam

etiam (si Diis placet) praecusta nos pertica  
 cominus, eminus funda, propellerent. Ipsi,  
 quia solide non durant, concavas hastas no-  
 stras expectarent, & quibus ferreae massae  
 nequeunt resistere, molliculae pelles aeneaeque  
 loricae resistissent. Subsidio veni-  
 rent inermi pedites, & nostris intermixti  
 equitibus, ora nostra, infueto manibus  
 eorum mucrone ingularent, Dii boni, quos  
 obtritus, quantas caedes, quam ingentes  
 strages, edereimus? Cogitate, quae, nunc  
 ex hac urbe proximisque oppidis subitum  
 acciri exercitum, creari nobilem domi, sed  
 tamen novum, imperatorem, quem civium  
 gratia decernat, concurrere in castra o-  
 mnem civilibus armis instructam iuventu-  
 tem, contra hos meos opponite commili-  
 tones, cogitate deinde, quae illorum men-  
 tes, quantus pavor armorum adpectu,  
 quanta ferratorum & circumvolitantium e-  
 quorum occurfu trepidatio: tum qui ordo,  
 imo vero quae confusio pavidae & sibi con-  
 fusae multitudinis. An illi diutius repugna-  
 rent? Resisterent, credo, vel tironibus nostris,  
 quorum aetas omnis militiae est transacta,  
 ne aciem quidem oculorum, nedum telo-  
 rum impetum, sustinerent. Multitudo in-  
 ermis parata cedi, fugae, pavori. Quid  
 facturos fuisse putatis commilitones meos,  
 quanta vi, quantis animis, quo ordine ag-  
 gressuros imbellem multitudinem? Quot  
 inermium brachia, pedes, capita, reci-  
 fuos?

furos? Ite nunc, conferte vetustatem. Haec paulo ardentius, quo militibus morem gereret, locutum, Rex ingenti amplexu est risu; nec fateri dubitavit, ex his pleraque vera esse, maxime quae de creandis imperatoribus essent dicta. Rugas contraxerant Hispani milites, & litem integram suscipere incipientibus silentium indixit Rex, confessus, Italicos arte, ceteros numero, praestare. Animorum primo ardore ferociores Hispanos Gallosque, Italicos maturo consilio, non praecipiti ira, dimicare. Ubi convivio est discessum, fama est, multa simul de bello intimo secessu

Munera Regis  
inter Brachis-  
mos distributa.

arcis consultasse. Rex, omni ratione pacis bellicae ad BRACHIVM reiecta, primum illi regia munera, purpuram atque aurum, largitus. Mox omnes Centuriones praefectosque, ut cuiusque decebat fortunam, equis atque armis donavit, gregariis militibus congiarium datum, atque ita, omnium inita gratia, ad belli studia convertit animum. Habeo tamen autores, utrumque prius cum suis quemque praefectis militibus Cumas concessisse, ad visendam totius Italiae amoenissimam plagam, eoque partim terra fecisse iter, partim qua triribus extrema maris ora delapsos, simul deinde, quique mari, quique terra ierant, ad Baias appulisse, totum Iuliasse Baianum sinum, salutaribus tepentem aquis, otia Tyrreni maris, & laetissima myrtos

Iter utriusque  
cum suis prae-  
fectis animi  
gratia suscep-  
tum.

lito-

litora: sic pellectos amoenitate loci, Lucrinum atque Avernum, & opacissimis iacentem vallibus Acherontem, nec orienti, nec occidenti soli pervium. Tum, ut vulgus credit, immane atque auro refertum Sibyllae antrum, tam quidem vastum longumque, ut multos subire montes, proculque a conspectu recedere, credatur, immensum cum labore, periculum ingredi volentibus. Antri deinde ora praetergressos, lacunam quoque adivisse Sibyllae, ingens & vetustum opus, & quod nomen indicat, admiratione dignissimum. Inde ad Puteolos conversos, deiecta mari domorum ac turrium fundamenta, tot sulphureos per littus fontes, & prominens superata vetustate theatrum, supra vero ardua fumum exhalantis montis iuga, nec obscura Miseni nomine, denique omnem eum tractum longe lateque peragrasse. His lustratis locis, terra Neapolim reversiones, effossum obscura caverna Pausilippum ingressos, Virgili Poetae sepulchrum, media imminens caverna, precatos veniam, salutasse, nec quidquam tam gratum utrique iucundumque fuisse. Qua die haec acta sunt, septem onerariae naves, quas Rex subsecuturas dixerat, cum ad recipiendum in Sicilia frumentum restitissent, Neapolim secundis ventis appulerunt, partim frumento, partim equis & sagittariis, oneratae. Secuta est ingens annonae vilis. Iam duobus malis, bel-

bello atque fame, liberati Neapolitani, & BRACHII & Regis beneficia sentire coeperant, liberiusque diu intermissos equestres ludos, aliaque festa, patrio more celebrare. BRACHIVS, totus intentus ad bellum, quo expeditionem maturaret, multis verbis Reginam ac Regem ad mutuam benevolentiam & concordiam hortatus, copiis urbe deductis, ad priora castra concessit: nec diu moratus, altero, quam profectus est, die, Angarium oppidum, quod paulo ante eius adventum rebellaverat, magno adortus impetu, expugnavit, diripuitque. Motis celeriter castris, Paganum infestis signis proficiscitur. Perterriti oppidani, deditione sub conditione facta, deiectisque hostium vexillis, regia signa receperunt. Dum haec ad Campanum geruntur, Tartallia cum octingentis equitibus auxilio missus a Pontifice, cum Sfortia coniunxit. Occulte enim, quasi non ipse gerendi belli auctor esset, ante id tempus auxilia miserat, nunc cognito Regis adventu, confirmandum exercitum & peditatu equitatuque augendum ratus, manifestius omnia facere. Magnas undique belli vires moliri arbitratius, quod erat verisimile, plurimum posse eius nomen ad populos sollicitandos; regias copias, mari, quam terra, meliores, & equitatu minores futuras; vinci delectique facile posse. Tum nihil Italicis Catalanorum nomine infestius; & Catalanos putari omnes,

Brachii nova  
expeditio.

Angarium,

Paganumque  
captum.

Tartalliae cum  
Sfortia con-  
iunctio.

omnes, quicunque transmarinum Regem secuti in Italiam traiecissent. Unicum esse obstaculum. BRACHII nunquam antea victum, & supra mortale reputatum caput, sperare tamen, frequentibus praeliis inanem hominum opinionem, posse adversis illius rebus evanescere, nec dubitari, si pari robore in discrimen esset eundum, illum victorem fore, nec quidquam plus addere terroris militi, quam invicti ducis famam. Sed, auctis suorum viribus, exercituque multiplicato, aut non commissurum illum pugnam existimabat, aut, si committeret, equitatu defecturum, atque ita superatum iri, & partem longam felicitate gloriam, brevi, rebus semel male gestis, deperituram. Utinque procederet res, vel fugeret ille, vel pugnaret, superiorem se futurum. Consilia erant magis otiosi Pontificis, &, verti res magnas uno momento, uno astu, nescientis, quam bellicosi Ducis. Ergo fiunt enixissimi bellici rerum omnium apparatus, stipendia largius, quam antea, decreta, milites longius acciti. Quae dum a Pontifice aguntur, BRACHIVS, ut prius, quam tot hostium adventarent copiae, finitimos ad defectionem compelleret, Hispanos milites regionesque sagittarios cogit in castra, totis viribus occupaturus nondum firmatum praesidiis hostem. Producto igitur ad Castellum Castellum maris expugnum. media nocte exercitu, sopitas pro stationibus vigilas compertis, admotis muro sca.



scalis complent moenia, atque oppidum irrumpunt milites, refractis portis, ac caesis vigilibus, classicum canit tuba. Oppidani magno quoque militum clamore excitati somno, ubi hostem intra moenia fensere, subito percussi pavore, latebras tacita fuga quaerere, pretiosa secum asportare, mulieres sarcinas efferre domo, & dum effugisse spes erat, in praedabundum hostem incidere. Diripiuntur oppidanorum bona, sed milites pars domorum intima rimari penetralia, pars ad portum incurrere, & naviculis ac cymbis occupatis, natantia mari dolia cadosque corripere, denique terrestri praelio maritimam praedam agere, quae omnia Neapolim prima luce delata, littora portusque compleverant, vinaria dolia, eaque omnia plena, ad viginti millia fuisse tradunt. Auxere praedam etiam Salinae. Sed arx, valido munita praesidio, quanquam multis diebus oppugnata, nullo tamen impetu capi potuit, & res ad obsidionem redierat, quae res causa hostibus fuit celerius ad solvendam obsidionem occurrendi. Constituunt hostes diem, qua ad Sarnum flumen convenirent. Duodecim millia fuere equitum, peditumque tempestate illa satia ingens exercitus, & qui non aequare hostem solum, sed circumvenire etiam, potuissent. Eius rei per exploratores certior factus BRACHIVS, veritus, ne inter oppidi angustias opprimeretur, neve tripartito

Arx obsessa.

Sed ob advenientes hostes iterum relicta.

tito exercitu, cum arce, cum oppidanis, cum hoste, simul committere praelium cogeretur, deserendi oppidi, movendique propius ad hostem, consilium cepit, facilius universis copiis, quam partito milite aditurus pugnam. Ergo, permotis ad Sarnum castris, ad alteram ripam non procul ab hoste confedit. Illi quoque adversae appropinquare ripae, nec iam duas acies aliud, quam fluminis alveus, dirimebat. Positis hinc atque inde stationibus, duo de viginti dies circa flumen, ut alter alteri obstaret, inhaeserunt: sed fluminis haud sane ingens erat altitudo, frequentiaque patebant vada, quibus traieci milites levia committebant praelia, & BRACHIVS de industria ad extenuandum hostem moram trahebat. Inter haec duo circiter millia Neapolitanorum, & cum his pauci sagittarii ad BRACHIVM venerunt. Sed cum Rex per literas, quod compertum de hostium numero haberet, ne praelium caperet, admonebat, turpe videbatur BRACHIO, quidquid esset copiarum in Regno, frustra unum in locum convenisse: tum milites, auctis iam viribus, quamquam non parca hostibus, praelium postulabant. Dux ipse, non adeo contemnens hostem, nihil existimabat committendum temere, dissimulatoque consilio, ne quid metus subesse videretur, quo minus signum militi daret, Regis literas causabatur, nec hostes magnifice praeliandi faciebant potestatem. Commeatus

utrique, magis tamen BRACHIO, suppedi-  
tabant. Illis Acerrae, Nuceria, Aversa: BRA-  
CHIANIS maritima ora frumentum sug-  
gererat. Sic rerum copia dimicandi fece-  
rat negligentiam. BRACHIVS, ubi vi-  
det, hostem, quamquam maioribus copiis &  
minore commeatu, tamen castris se contine-  
re, non ausus cum universis configere alie-  
no loco, aciem indies latius proferebat, ut ci-  
teriore in planitiem ad aequum compel-  
leret locum, vel occasionem militi praeberet  
leviter dimicandi, nihil missum faciens, quo  
aut universos ad iniquitatem loci, aut par-  
tem ad leve certamen, eliceret. Nec hostes  
eam detrectabant pugnam, qui, etsi multi Du-  
ces unius BRACHII astu superabantur, o-  
mnia tamen patienda statuebant, ut aut con-  
ficerent fame multo opulentiorē hostem,  
aut ad alteram fluminis ripam belli cupi-  
dum provocarent. Constat, nusquam BRA-  
CHIVM, quantum hoc bello, hausisse labo-  
ris, continuos complures dies nunquam exu-  
isse arma, secutas etiam loricae situ laxatas  
vestes. Erat enim vigiliae atque inediae, su-  
pra quam humanum est, patientissimus, la-  
borum tamen multo patientior. Hic Cen-  
turiōnem manicatum exauctoravit. Mili-  
tem, tecto capite propter pluvias ordine ab-  
euntem, castris pellens, eius insignia, quae  
ille caligis gestabat, ademit, nec usquam ex-  
actius militarem disciplinam servari voluit.  
Qui, ubi videt, nullo consilio impelli hostem,  
nec flumina decedere, quo tantam copiarum  
mo-

Qui Brachii  
dolo mire cir-

molem, uno in loco se continentem, dissiparet, militarem dolum excogitavit. Frequentibus enim leviter commissis praeliis, si quos Sfortiae cepisset milites, eos, in catenas coniectos, ad regiam classem trahendis remis destinabat. Quos autem ex Tartaliae copiis, eos, magnifice donatos, cum armis atque equis, quae belli iure amiserant, in hostium castra remittebat. Nec deerant blandæ & superioris amicitiae admonentia verba, quae cum saepius egisset, gravis inter duos Duces est orta suspicio, varia coepta agitari consilia, nec alter alterum admittere. Qui fuerant dimissi cum donis, rem magis excitare, BRACHIVM in coelum tollere, succedereque alterius Ducis iracundiam. Iam totis dissidebatur castris, geminamque factam aciem, duo dirimentia valla muniebant, multoque negligentius, qua parte instabat hostis, quam inter sese, vigiliae fieri coeptae. Nec melius inter se milites conveniebant. Demum eo processit res, ut veriti, ne tumultuariam seditionem concitantes, callidus invadere hostis, alius alio moverit castra, Tartalia Aversam, Sfortia Nuceriam, nihil inter se amice cogitantes, abiere. His rebus per speculatores cognitis, Hinc Brachius BRACHIVS, omni reiecta mora, flumen traiecit, agmen Caput, factoque per Aversanorum fines itinere, agro Atellano leviter populo, Capuam agmen perduxit. Tartalia, transeuntem impedire cupienti, milites non paruerunt. Quippe educi in aciem pars simulata fuga repetivere urbem, pars metu validioris exercitus, intra munitiones regressi, neque facere, neque expectare, impetum voluerunt.

cumventi prae-  
rum amici dis-  
cedunt.

agmen Capu-  
am perducit.

IOANNIS ANTONII  
CAMPANI, EPISCOPI APRV.  
TINI, DE VITA ET GESTIS AN-  
DREAE BRACHII, PERVSINI,  
ITALICAE MILITIAE IMPERA-  
TORIS OLIM STRENV-  
ISSIMI,

LIBER SEXTVS.

Brachius Mi-  
nianum San-  
ctumque Vi-  
ctorem capit.

**P**rofectus ad Capuam cum exercitu BRA-  
CHIVS, partem copiarum ad arcen-  
das Tartaliae incursiones atque ur-  
bis praefidio relinquit, ipse, cum reliquis ma-  
gna celeritate profectus in Marfos, in ipso  
itinere Minianum & Sanctum Victorem, al-  
terum vi captum diripuit, alterum sub con-  
ditione in potestatem recepit, celeriterque  
egressus regni terminos, Pontificis, qui ad  
Marfos pertinebant, fines late est populatus.  
Eadem celeritate conversus in agrum Vesti-  
num, duo Pontificis oppida, Castellum no-  
vum, & Sanctum Lucianum, primo statim con-  
gressu expugnavit, diripiendaeque militi per-  
misit. Ea res magnum Pontifici incusserat  
terrorem, quocirca missi celeriter ad eum  
Legati, de oppidis repetendis nihil beni-  
gnum audire. Responsum BRACHII  
fuit, Pontificem verbis quidem pacem age-  
re, ceterum re ipsa bellum gerere asperri-  
mum, cum adversum se Tartaliam auxilia-  
tura

Fines Pontifi-  
cis depopula-  
tos,

Castellum no-  
vum Sanctum-  
que Lucianum  
expugnat.

Legatis Pon-  
tificis haud  
benigne re-  
spondet.

tum hostibus misisset, tunc ruptum foedus, violatam amicitiam esse. Quamobrem non solum haec se oppida non redditurum, sed bello, quacunque posset, petiturum ejus imperium, nec novo foedere opus fore, quando priora, soluta pace, servata non essent. Capta nuper oppida belli iure sua facta, ea si Pontifex redimere vellet, non pecunia futurum opus. Si Tyferno cessisset, idque pleno iure traderet in potestatem, capta nuper a se oppida recepturum. Nihil resistere Legati, sed re infecta, novis perlatis ad Pontificem mandatis, paucos post dies revertuntur, agentes, si oppida restitueret, statimque excederet bello, Pontificem Tyferni cessurum iure; ceterum BRACHIVS suis viribus ius sibi vendicaret, nolle Pontificem Tyfernatibus vim facere. Haec cum Legatis pactus, BRACHIVS, conditione accepta, castella restituit, belloque statim excessit. Inter haec Sfortia & Tartalia, simulata magis, quam facta reconciliatione, cum omnibus copiis, quae iam mora comminutae defecerant, in agrum Sueffanum, ut inde, si opus foret, obfisterent hosti, movere castra. Qua re per speculatores cognita, BRACHIVS, longis factis itineribus, altero die ad Lyrin amnem pervenit. Lyris ex Apennino defluens, modicus quidem primum & vadis transiri facilis, sed mox paululum infra magna vi fluminum augetur, & nusquam vaduosus, alveo lato profundoque, ad Mintur-

*Mox cum iisdem pacificatur.*

*Sfortiae & Tartaliae simulata reconciliationis, inque Sueffanum agrum iter.*

*Lyris fluvii descriptio.*

nas in mare delatus, pulcherrimam ac fertilissimam Italiae oram interfuit. Ille Ausonios & Vestinos agros, ille Miricae regna, & Minturnensium oram, olim Italiae celeberrimam plagam, (nunc ipsis ignota accolis nomina) ille Sueffanum agrum (aurcis, ut Poetae tradunt, arbusculis consitum,) praeterlabitur, felix Campaniae felicior terminus, & semper alias ejus regionis tutissimum munimentum.

Quem Brachius cum equitatu traiecit.

BRACHIUS, ubi ad ripam fluminis pervenit, patentes Sueffanorum campos, & passim errantes greges atque armenta conspiciens, vel magna in tentaturus fortunam, vel, quod magis putant, praedae cupiditate adductus, equitatum, quae latior fluebat amnis, natationi subiiciendum constituit. Nam latitudo alvei & facies tranquilla fluminis, atque ad ripam vadosa, faciebant animos. Ergo praemittuntur inermes ac nudi pauci, qui & maioribus verherentur equis, & natare ipsi didicissent, ad transitum pertentandum. Militum oculi, ut quisque sui discriminis est sollicitus, omnes in transeuntem exploratorem coniecti haerebant. Pergit primum cunctabundus eques; mox cum gloria primum a se tentati periculi, tum spectantium militum clamore atque hortatu, impulsus, iam ad medium processerat amnem, cum equi supremas iugas, mediumque iam equitem, undae superaverant, eripit sese anterioribus pedibus equus, & ubi modico progressu ne sic quidem aqua-

quare altitudinem potest, pandit late supra  
 annem corpus, ac sese aquis vehendum per-  
 mittit. Nec deerat moderator, qui transver-  
 sum ad alteram ripam ageret natantem e-  
 quum. Sic, ubi paululum est natatum, rur-  
 sus fundum pedes attigerunt, sublatoque, ut  
 prius, collo, modicum processerat spatii, cum,  
 iam toto eminente dorso, ad alteram flumi-  
 nis ripam evasit: continuo secuti, quibus i-  
 dem negotium datum erat, & ipsi quoque  
 paululum natavere, mox, superiorem inferio-  
 remque percontati annem, eum locum com-  
 modiores, quod non amplius, quam viginti  
 pedes, erat natandum, retulerunt. Idem ar-  
 mis onerati iussi, eunt, redeuntque saepe. Se-  
 quitur deinceps omnis equitatus, &, quasi  
 non solum homines, sed flumina etiam su-  
 perare didicissent, magno plausu hostilem  
 ripam complevere. Nam illo quoque Dux  
 ipse inter primos evaserat, semper alias in-  
 dustria, nunc etiam fortuna usus. Quippe  
 cum neque ante id tempus unquam, neque  
 postea, ne multo superius quidem, & ante  
 magnorum fluminum congressus, Lyrim  
 quisquam vado traiecerit, inde BRACHII  
 vadum appellatus, memoriam tanti facino-  
 ris. Ipse testatur locus, res, dubium, admi-  
 ratione an stupore dignior, ex duobus milli-  
 bus equitum, loricis, ocreis, toracibus, tot  
 ferreis laminis impeditorum, ne unum qui-  
 dem gurgites hausisse. BRACHIVS, reli-  
 ctis ad citeriorem ripam impudentis, ra-  
 tus

Quem mox pe-  
 ditatus sequi-  
 tur.



tus, id quod res erat, suum adventum non solum incognitum Sueffanis esse, sed etiam incredibilem visum iri, statim rates ex sicca materia confectas, ad traiciendos pedites aedificari iussit, qui e vestigio & ipsi undis perfunsi traiecerunt. Flumine superato, BRACHIVS producit aciem, delecti leviter armati dividuntur in duo cornua, laevum dextrumque: medium erat agmen gravioris armaturae, hic nulli intermixti pedites, sed omnes ad latera concedere, & quantum cursu possent durare, iussi sunt equitatum antecire. Signa mediam obtinebant aciem. Inter medium agmen & duo cornua multum intercedebat spatium, quo latius per campos extenderentur praedatores. Excurrendi ordo fuit, ut quam effusissime populerentur agrum, & si qua hostium occurrisset manus, dextrum cornu ad laevum, laevum ad dextrum, se reciperet. Sic fiebat, ut etiam itinervis errore sublato, a medio signorum exciperentur agmine. Nec potuit maiore consilio geri res. Instructa per hunc modum acie, funduntur in latissimos ac fertilissimos Sueffanorum fines, eunt passim in praedam (longae pacis munera) greges atque armenta, & veluti uno flatu ventorum, quicquid obvium est, longe lateque corripitur. Rura illa, quae anni dies aequavere numero, vi, clamore, ferro, intermiserunt omnia. Subitum & insperatum malum multo plus incutiebat terroris, qui praedatum venissent, aut unde,

Insignis praeda longe lateque coacta.

unde, nescientibus, & pavor trepidis consilium excutiebat, ut pro monstro res esset. Attoniti vulgo agrestes, sine voce, sine clamore, pavida fuga latebras quaerere, cadere, capi, trahi, vinciri: fuitque res supra mortalium fidein. Quicquid intra Gaurum & Massicum, Gallicanumque montes, ab infero mari & flumine Lyri, iacet agri, totum infesta populatione vexatum atque direptum, quod necesse fuit evenire securis belli & nihil hostile metuentibus. Tum regionis egregie munitae, situ fore se tutos, jam inde a belli initio crediderant. Quippe ad occidentem solem flumine Lyri, nunquam, ut dixi, alias, vado traiecto, ad meridiem infero mari clauduntur. Qua vero in orientem & septentrionem vergunt, altissimi ac praerupti surgunt montes, ut vix arctissimae pateant transeuntibus angustiae. Sed praedam, ut BRACHIO insigniorem, ita miserabiliorem hosti, duo duces effecerunt. Nam, ut huic pulcherrimum, ita indignissimum illis, videre late palantem praedantemque hostem, audire captivorum miserabiles questus, & praedam, quantam nunquam illa vidit aetas, ante oculos ducum & civium conspectum asportari, nec auxiliari fortunis suis miseros incolas audere. Praedae magnitudinem incertam ipsa multitudine fuisse tradunt. Illud constat, vendito pecore, captivisque redemptis, quinquaginta nummos virum in capita militum distributos: tum

Oratio Brachii  
ad populum  
Campanum.

Capuae & Neapoli duplo minus dimicantes  
macellariorum nundinas. Pars etiam ma-  
ri ad Lucanos Salentinosque transvecta. Post  
haec BRACHIVS, reducto per maris an-  
gustias, quas occupari iusserat, ad Capuam  
cum praeda exercitu, iam suam urbem, suos  
vestigales in victoria cognoscere. Primum  
frequentem Campanum populum, in concio-  
nem vocatum, edocuit, id, quod iam pridem  
fama vulgaverat, datam sibi a Regina Cam-  
panorum urbem, datas arces, agrum, fontes,  
vestigalia: quod quia moleste quosdam tu-  
lisse audiebat, orare populum, & primum  
quemque appellare, ne se indignum puta-  
rent, quem sua in urbe regnare paterentur.  
Non se obscuro natum loco, sed vetustissimi  
generis splendorem, virtute, & imperio au-  
ctum, nec fuisse ausum haec ita coram  
dicere, nisi sciret, explorata esse omnia. Cam-  
pano populo Perusiam exemplo esse, illam,  
quanta esset, intuentes imitarentur, nec ullum  
durius imperium, quam ubi civis civi impe-  
rat, & tamen ultro sibi esse latam commu-  
nem libertatem; ut, quam illi publicis vir-  
tutibus tueri non possent, sua ipsa virtute auspi-  
cioque defenderet. Irent, mitterent, qui Pe-  
rusinam rem, quo in statu esset, certam ex-  
ploratamque referret: scire se, Capuam re-  
giam quidem esse urbem, & regiae stirpi  
parere solitam, sed eos demum esse Reges;  
qui & parerent Regna, & paria iuste mode-  
rateque regerent. Nec initio rerum alium  
alio

alio nobiliorem fuisse: virtute primum factos, non stirpe natos Reges. Non latere populum Campanum, quam gravi bello ante suum adventum premerentur. Ad portas enim imminebat hostis. Frustra tunc regiae stirpis imploratam opem, sua se manu auspicioque hostem delesse, & regiam urbem non a Regibus quidem aditam esse, sed a se, qui Rex non fuisset, prope suburbano bello liberatam, captas duas arces, quae quantum molestiae, quamve urbis assiduae populationis, & tumultuariae formidinis fuissent causa. Civitatum Reges esse, qui civium capita & fortunas defenderent, propulsarent iniurias, propagarent imperii terminos, non qui vano nomine alienis fortunis abuterentur. Non fuisse haec dicturum, si quam illi regiam intuerentur sobolem, bona spe plenam. Verum non ita esse, non Regi, non Reginae liberos extare, quorum tutela conquieturi essent, & tamen sine regia stirpe Campanam rem esse non posse. Quid putarent commodius futurum, eum facere Regem, cuius clara pacis bellicae facinora perspecta haberant, an accipere, nihil praeter vana nomina afferentem? Tum Regum arbitrio fortasse, aut crudelem, aut, quod foedius est imperantibus, ignavum accepturos. Utrum accideret, aut Regi, aut finitimis, contentui futuros esse. Proinde uterentur occasione, non modo nihil unquam subituros periculi suis auspicis, sed finitimis late imperaturos. Nihil magis

magis flexit Canapanorum superbiam, quam  
invidia finitimorum. Tunc recens erat me-  
moriam sublati belli, & vim cernebant para-  
tam, nisi paruisset. Oritur clamor a ple-  
be, primum Dominum Principemque salu-  
tante. Mox primores civitatis & magistratus  
omnes, ordine tribunal adeuntes, iureiuran-  
do ipsi sese adegere, perpetua fide mansuros.  
Deinde, frequenti stipatus populo, ad inferi-  
orem arcem, quam Petrae vocant, ad ipsa  
urbis inferiora moenia concessit. Custos, co-  
gnito Reginae signo, arcem & munimenta  
tradidit. Fit iam ingens tota urbe plausus.  
Arcis custodes, multis simul excussis bombar-  
dis, late obtundebant mortalium aures. Huc  
cives ordine eunt gratulatum. Magna statim  
coepta munerum concertatio. Ut cuiusque  
maxime erant opes, ita plurimum frumenti,  
aliarumque rerum largiri; vincebatque osten-  
tantium fortunas aemulatio. Nec ante in-  
hibitam a BRACHIO largitionem finis  
muneribus factus. Tum inde variis locis  
ille consumtus est dies. Postridie missis, qui  
superiorem repeterent arcem, duas pulcher-  
rimas atque operae munitissimas Italiae tur-  
res custos non ante traditurum respondit,  
quam viginti millia nummum, & praeterea  
cunctam arcis munitionem diuturnae custo-  
diae praemium recipisset. Mittuntur dein-  
de statim primores civitatis, qui precibus  
confenderent. Sed nec illorum quidem va-  
luit autoritas. Iam res ad apertam iniuri-

Qui lobentis-  
sime cum Do-  
minum agno-  
scit.

Plausus pu-  
blici.

Pertinacia  
custodis, qui  
superiori  
praerat arci.

am spectare & hostium numero esse coeperat custos. Pacano erat illi nomen, qui ingentes furando praedandoque in eam arcem convexerat opes. Sed ancipitem animum diversa agitabant mala. Duo liberi, praeterea uxor, captivi a Sfortia in vinculis tenebantur, qui paucos ante dies, non procul ab arce, triplici simul erecta furca, horrendum & parenti & viro, nisi arcem traderet, spectaculum erat minatus, filiorum uxorisque suspendium. Vereri, ne, si nunc BRACHIO tradidisset, ira illum praecipitem egisset in suos: tum cogitare coepit, regias opes ingentes esse, cernere paratam obsidionem, versatum iri ante oculos hominum violata iura. Inde pietas, hinc metus urgebat. Cessit tandem parenti custos, non veritus, dum impietatem effugeret, nescio, an turpiorem subiret perfidiam, quam tamen multo foediorum pecuniarum insana cupiditas faciebat. BRACHIVS, etsi putabat, vanam operam moliri, tamen cingendum iam hostem obsidione omniaque tentanda decreverat. Capuam Vulturius amnis tribus prope circumfluit lateribus, ut multis in locis pro muro sit flumen. Nec aliter illud, quam ponte, aut ratibus, transmittitur. Porro pontis extremum aditum duae illae munitissimae excipiebant turres. Itaque transeuntibus angustum inter turres ipsas iter erat. Urbem ab arce intercurrentis flumen dirimebat. Tum situm ipsum structurae magnitudo ex-

super-

superat. Murus ad medium usque molem circiter triginta in latitudinem continet pedes; totus quadrato confectus marmore, & lapides pro calce liquatum connectit plumbum. Et ne quid muralia pila officiant, neve bombardae gravi ictu concutiant, altero facto ex caementis duplicantur continenti muro, qui sic machinarum vim excipit, ut vix languido, ac levi adiri morfu, nedum latius perirumpi, queat. Inter duas turris regium cubiculum, qua iter erat, supra caput altissima prominet testudine, marmoreis statuis vetustisque imaginibus distinctum atque ornatum. Pons quoque lignens suprema turrium fastigia cominitit. Huc accedunt circa utriusque turris ambitum in coronae modum educta propugnacula, quanto munitiora potuit excogitare artificum industria. BRACHIVS, occupato prius pontis bis ponte, frequentem opponit a fronte sagittarium, qui propugnaculis averteret superne resistentem hostem, etsi cognoscebat, eam rem magis terrore, quam periculo hosti futuram. Pacanus adhuc inter pacis bellique consilium negligentius arcere transigentem militem, & tamen saxa rara demittere, sperans, mitigari oppugnantis Ducis iram, aut minus exasperari, si ipse militum caede abstineret. Iam exercitus omnis ad alteram pervaserat Vulturii ripam, paulatimque cingere arcem coeperat, cum statim plurima vocati fossores quam latissimum producunt

Virtute Brachii tandem fracta;

vallum, productum aggeribus trabibusque circumveniunt: nec procul inde alteram latius deductam fossam praeacutis & eam obstruunt sudibus. Fervet simul utrinque opus, nec cedit fossori miles. Dux est partim excitandis, qui ducendae praeerant fossae, partim comportandis ex urbe trabibus, intentus, custodi manu voceque minatur. Hic primum ille belli non creditum apparatum, & futurae obsidionis indicia prospicere, hic agnoscere hostem, & fortunae suae paulatim subdubitare. Quippe diurnae pacis otio demollitum animum subita belli terreat facies, ut saepe ignaviam animi vix ulli satis tuentur muri. Productae iam erant circa turres geminae fossae, quarum medium, quod erat relictum, spatium materia plurima completum, ne qua penetrare quiescam ab hoste, si auxiliatum venisset, in arcem posset, militum stationes occuparent. Pacanus, ubi videt, omnia in arctius spectare, sero mutato consilio leniendi hostis, totis viribus militem arcere contendit. Ille tela, ille saxa, in conferta coniciens agmina, proximum quemque fodiebat. Immentum apparebat futurum laborem, conatusque omnes incassum recifuros, nec alia re vinci hostem, quam fame, posse. BRACHIVS, plurimum ratus momenti habere terrore, omnia maiora, quam opus esset, apparare, stativa tanquam illic transacturus, hyemem pro vallo facere, denique omnia moliri, quae

pavi-



pavidam motura mentem arbitraretur. Contra Pacanus quoque magnifice loqui, dissimulare iactantia, premereque intimo corde metum, bombardas ad urbem intendere, omnia conari hostem ab obsidione propellere. Quod tum demum facile putabat futurum, si nihil meticulosi percepisset, statim inde discessurus hostis. Nec sefellisset consilium, nisi, quae plurimum bello potest, fortuna victori, expugnationem desperanti, aditum in arcem patefecisset. Faber erat Campanus, grandis natu, longae senectutis rarum exemplum, cum aetate, tum magis arte cognitus Duci. Hic, se puero, captas eas turres per cuniculum, & quo in loco quantunque terrae suffossum esset, memoria tenebat. Unus erat aditus ad subterraneam lacunam, quo, cum opus esset, aquam e flumine custodes arcis derivabant. Cetera undique latissimum vallaverat murus. Quippe turrium eadem est infra terram altitudo. Mirabile hac quoque parte & rarum opus. BRACHIVS, plurimis aedificatis ratibus, ligneum pontem, ab urbe ad radices turris pertinentem, construi celeriter iubet. Propugnatores arcis, e summo turrium fastigio saxa telaeque deicientes, rem difficillimam faciebant. Quicquid enim struebatur operis, id totum ingentibus perfractum saxis, demersumque flumen hauriebat. Nec sagittis arceri poterant propugnaculis, qui superne lapides devolvebant. Ergo eriguntur statim supra opus

con-

convexa tabulata, frequenti subnixa trahe, quae superne cadentia saxa sic exciperent, ut, veluti pluviae tecto, geminum in latius expuerentur. Ponte ad biduum confecto, subruere cuniculum coeperunt, molle atque alias effossum solum, ligonibus egregie quidem cedebat. Nec amplius una die ad os ipsum lacunae a fossoribus est penetratum, sed crebrae factae labes cavernam impediabant. Forte superiore nocte duos arce dimissos utres, plenos olei, vigilae exceperant. His ad BRACHIVM delatis, ac coram diisui iussis, inventae sunt densa ac treti stipatae cera Praefecti literae ad Sueffanum Ducem; petebat, ut quam ocyssime quatuor sagittarios & paulum medicaminis ad se mitteret. Illis supplendo arcis praesidio, hoc curandis vulneribus opus esse: nisi mitterentur, magnum periculum impendere paucitate defensorum. Literas Pacani scripserat nepos, cuius ille opera atque industria plurimum utebatur. Interim, servatis in tempus literis, BRACHIVS enixissime noctes diesque operi perficiendo imminebat. Quod ligonibus exedebatur, id tabulae, in testudinis modum aequatae, sustinebant. Ingens trepidatio custodem invaserat, cum tantum operis, tantum festinantiae, moliri hostem despiceret, & referiens aures fodientium ictus intra turrium convexa penetrabat. Quo enim plus cuniculo accedebatur, eo magis incussi ter-

A a

rae

rae ictus ad testudinem interiora resonabant. Iam res aperte ad lacunae fauces spectabat, cum ille, non inops consilii, recta fronte duas aeneas bombardas directe ad fossiles intentas opponit, ut duo inde simul excussi lapides, magna strage, quicquid obvium foret, toto permearent eliderentque cuniculo. Sed eadem hic illa, quae ad Lyrim annem, fortuna non defuit. Altior prodit cuniculus, quam quo directae erant bombardae. Pacanus, ubi videt, occupatum iri ab hoste inferiorem turrim, simul paucos opponit, qui hastis ac telis sustinerent impetum, simul magnam vim aequae ad superiora comportari, & dolia ac cados, denique quicquid erat vasorum in turribus, compleri iubet. Prosilium interea pauci milites, & fuga subita evadentibus ad superiora custodibus, vacuum ac desertum lacunae fornicem occupant. Cuniculus assidue magnam vim militum intra lacunae vestibulum edebat. Eunt deinde magno conatu frequentes ad cochleam. Haec, marmoreis atque angustis intorta gradibus, vix singulos, nec tamen hastatos, admittebat. Gladiis peragenda res erat, & primus quisque miles a superne repugnantibus fodiebatur. Tandem in manifesta clade superat periculum virtus. Scandit Centurio primus, duplici contactus armatura. Hunc cetera subsequitur cohors. Deferunt & hunc quoque locum custodes, sequē in alteram longe muni-

nitioſiorem celſioremque teſtudinem recipiunt. Diripit horrea & vinarias cellas miles, & tanquam victoria potius, dum praedabundis turrium ſecreta rinatur, ſpatium tutoribus dat cuncta muniendi. Pacanus, qua cochlea defecerat, ſubmotis repente ſcalis, ſuperne lapides telaque deiecit. Oritur praelium, caedi quam pugnae ſimilius. Quippe alter incutiebat ictus, excipiebat alter, ſi propior acceſſiſſet. Cum nec haſta quidem teſtudinem miles adaequaret, re ad BRACHIVM perlata, ſiccā materiam, & quae alte fumarent, comportari iubet, fumo enecturus, quem ferro domare non poſſet. Sed ea res longe plus ſuis difficultatis, quam hoſtibus, dedit. Claſſo teſtudinis ore, ac flamma fumoque late tenebrante, cum ſubſiſtere milites intra completas caligine anguſtias non poſſent, fuligine obſtricti fauces, incipiunt ſubito referre pedem, eumque locum & ipſi deferunt. BRACHIVS, reiectis ſuis, augendum in prope iam deſperata oppugnatione terrorem, ſubitumque tolli clamorem militum iubet: expugnatas iam turres, & partem victoriam, clamitantium. Ad Pacanum quoque per oſtium compagine paulum ſummi penetraverat: qui, cum, augente ſuſpicionem metu, nihil de hoſtium reſeſſu cognoviſſet, ac ingentem videret in caſtris verſari laetitiam, veritus, ne quid novi infra teſtudinem moliminis fieret, ſubito eſt percuſſus terrore ſuperatoque ſtatim ſaſſigio, quanta poteſt vo-

ce, mitti sibi quempiam ad colloquium postulat. Cui BRACHIVS, quo magis suggeret terrorem, primum quidem vetuit responderi. Mox, illo altius tollente vocem, referri iussit, si quem vellet, emitteret arce, alioquin neminem ex suis missurum. Emittit Pacanus nepotem in castra. Quem ubi procul venientem BRACHIVS est conspiciatus, quid sibi vult a me, inquit, magnus iste Pacanus tuus? Respondenti, decem millia nummum, plus, inquit, dimidio lacratum sumus. Viginti millia enim poscebat. Sed modium frumenti & vini cadum arce vix efferet. Tabellis deinde porrectis, & quid, has tu nosse, quas idem scripsisti, literas? neganti a se scriptas, Abi, inquit. Actutum hinc a me defende, si sapias, arcem. Ite, pergitte rebelles esse. Idem te, quod patrum, supplicium manet. Vos quidem bombardam me petere ausi estis. At ego iam nunc, quam vos violastis, fidem obtestor, non hinc ante aut deditam, aut expugnatam, arcem moturum castra. Ultro si statim dedideritis, licebit esse impunes; sin vi, quod prope est, repugnantes oppressero: singuli artus singulis moenibus nefariae perfidiae pendeant exemplum. Literas reddere volentem tabernaculo, irato similis, depelli iubet. His omnibus ad Pacanum delatis, ingentem pavorem, cum acriores solito minae, tum exceptae ab hoste literae iniecerunt. Quocirca rursus vocari e castris iubet,

bet, qui bona fide ad colloquium eat. BRACHIVS, aucto, ut volebat, metu, vocem e tabernaculo reddi iubet: Nihil amplius colloquio opus esse, statim, si arcem aperiat, abiturum quidem impunem, nihil tamen praeter cadum vini & frumenti modium detracturum. Deicit statim scalas Pacanus, & quas multorum annorum prava cupiditas exaggeraverat, subitus pavor opes fortunaeque deslituit. Diu haerentibus oblique oculis, & aequantibus suspiria lachrymis, tot male quaesitas opes ad tam modicam sarcinam recidisse. Transiit ludibrio conspectus per media castra duobus asellis comitatus, quem modo phalerati equi media urbe magno plausu devehebant. Inveniunt in arce duodecim nobilissimi Campanorum pueri, quos ille, forma atque aetate pellectus, media in pace, tanquam pro obsequiis, corripuerat. BRACHIVS, receptis in potestatem turribus, Campanorum imperio libere potitur. Hic ille civitatem bonis legibus instituere, urbem aedificiis publicis primum, deinde privatis exornare, condilibus laterculis forum ac vicos sternere, Campanum perhumane & comiter appellare, denique brevi gaudere novo imperio cives coeperunt. His rebus ad Capuam gestis nova accessit laetitia. Cal. Septembribus, paulo ante occasum solis, filius Perusiae ex uxore nascitur. Huic Carolo datum nomen, quem nunc audio Venetorum exercitus Im-

Arque in  
potestatem  
recepta.

Nascitur Bra-  
chio filius.

Hofium con-  
filia,

peratorem, etſi non gloria atque imperio,  
ipe tamen paternam magnitudinem adae-  
quaſſe. Hoc accepto nuntio, BRACHII  
v s, ludis equeſtribus magnifice publice pri-  
vatimque in urbe celebratis, in aciem cum  
omni exercitu proficiſcitur. Hoſtes, male in-  
ter ſe reconciliati, infequi eundem, longo ta-  
men interiecto ſpatio, decreverant, quippe  
nec copiis, quae paulatim defecerant ad  
Regem, nec militum animis pares. Illos  
plerosque rebelles, ſuſcitatis accitos oppidis,  
additus imperitiae terror agitabat. Paucos  
veteranos multis in locis male geſta res pri-  
ſlinae calamitatis admonebat, & ſaepe ad-  
verſa fortuna ſupprimat mortalium animos,  
tollitque ſecunda. Tum inteſtinum odium,  
aemuli duces, diſcordes exercitus, difficilio-  
ra cuncta faciebant, etiam in bona fortuna  
firmaque virtute magna atque eminentia  
mala. Contra BRACHII veterani omnes,  
& invicti milites, ſolidum imperium, quoti-  
dianae victoriae concors exercitus, & ſola  
virtutis aemulatio, cuncta belli atque glo-  
riz praeclara incitamenta. Tartalia, poſt  
turrium defectionem ratus, quod erat e-  
venturum, omnem belli conatum adverſus  
ſuſcitatos Averſanos Acerranosque futurum,  
celeriter motis Sueſſa caſtris, Averſam an-  
teverterat, ut ſaltem liberis hoſtium arceret  
populationes. Agrum Campanum Aver-  
ſanumque longa interfuſa dirimunt ſtagna,  
ſive ſit illud ſtagnum, ſive flumen, ſuſciti  
ſtagno

stagno simillimum. Haec, multis procul inde fontibus exorta, uno demum excurrunt alveo, mediamque late patentem planitiem lapsu quidem facili, sed ulnoso cœnosoque, impediunt, ut, nisi paucis in locis, transiri vel media aestate non possint. Et si qua rara pateant vada, ea tamen sunt perangusta, & alte erectis turribus, ad prohibendas ultro citroque excursiones muniuntur. Sed hostes, ut, rebellionē facta, priores moverant arma, ita prius eas turres atque omnem paludis tractum occupavere. Quae res, ut Averfanos tutos ab hostili populatione praestabat, ita magnum Campanis afferebat incommodum. Agrum enim libere populaturo hosti noctes diesque ingressus regressusque patebat, nec vi praecinctae stagno turres poterant capi. BRACHII-  
 vs unam aut alteram, quoniam vi non dabatur, dolo capiendam aggreditur. Adolefcentem adhuc quidem ephoebum, sed animo, quam aetate, fortio rem, muliebri ornatu vestitu, ostenditque, vincendos virtute annos, & pulcherrimum facinus, quod omnem eius aetatem honestaret, audendum esse. Falcem deinde messoriam & panariam laeva suspendit, adito sub veste gladio, iubetque, ut errabundus fugam ac metum simulet. Custos, mulierem ratus meticulo-  
 sam & latebras circa turrim de industria quaerentem, ad se vocat. Trepidabunda & fugienti similis orans, ut pudicitiae suae ab

Brachii dolo  
 elusa.



hostibus post terga prementibus consuleret, intra arcem recipitur. Evadit statim masculula foemina per scalas in superiorem turrim, inde, quem effugerat, hostem prospectura. Ubi ad suprema ventum est propugnacula, subducit scalas. Gladium, quem sub veste recondiderat, strictum depromit. Eum, qui pro statiuncula vigilabat, ferro clamoreque adori-  
tur; pavidum atque altero traiectum vul-  
nere praecipitem, qua scalarum erat lapsus, deturbat. Custodem deinde, minis saxi-  
que perterritum, inferiore depellit testudi-  
ne. Aperit ille, qua se demitteret, portam. Adolescens, abiecta iam pridem veste, deposti-  
tis scalis, gladio stricto descendit. Iam to-  
ta castra turri admovebantur, cum antesi-  
gnarii exeuntem ac fugientem incidere ce-  
pereque hostem. BRACHIVS, occupa-  
to ponte, quamdiu paludem miles traice-  
ret, ne quid hosti significaretur, teneri in  
vinculis custodem iussit. Stagno superato,  
incautum invadit hostem, populatur agrum  
hostis bellicque secturum. Itur perpetuo im-  
petu in suburbanas Aversanorum villas: eo-  
dem altero, eodem tertio incurritur die.  
Tartalia magnifice aut intra urbem conti-  
nebat se, aut non procul a moenibus oc-  
currebat fusc palanti hosti. Eius consilio  
cognito, BRACHIVS, cum parte copia-  
rum ante primam lucem profectus, quin-  
gentis passibus procul ab urbe insedit: ce-  
tera acie latius excurrere agrum iussa, &  
li

si contra hostes veniret, metum fugamque simulare, quo procul inde distractum atque interclusum ipse aggrediretur. Nec cogitata sefellere. Insequentem suos temere atque incaute Tartaliam ipse a tergo clamans urgensque adoritur. Ille, insidiis se-ro cognitis, equi laxatis habenis, dat se a laeva praecipitem in fugam. Effugiunt una pauci, qui cursum aequare potuerunt: ceteri deficientes opprimuntur. Capti equites galeati ducenti. Nec hostes iam inde urbem egredi ausi sunt. Tartalia profligato, castra ad Acerras oppugnandas permovit. Sed urbs, valido munita praesidio, spem omnem expugnationis eripiebat. Cinguntur obsidione tamen Acerrani, & praeter quam qui in castris erant, Neapoli quoque acciti fabri, architectique, qui, comportata, unde proxima erat, materia, varii generis machinas extruxerunt. Longus deinde coeptus subruì cuniculus. Triginta dierum, laboriosum quidem illud, sed magni terroris, opus, testudo, nunquam ante id tempus usitata, muro quadrigis admovebatur, quae milite sagittisque completa, atque altissimis oblecta tabulatis, paulo minus adaequabat moenium propugnacula. Scalas quoque milites comparaverant. Acerranos multum nova machina, magis tamen ingens cuniculo effossa terra, sollicitabat, incertos, quam intra moenia, quove urbis tractu cavernae pertinerent. Nec pro moenibus solum stationes vigilare.

Acerra deditione recepta.

sed noctes ac dies per omnes excubare domos, ne quo penetraret cuniculus, cogebantur. Iam, quae ad expugnationem usui erant futura, expedita parataque omnia, & subterraneum opus de industria nondum apertum, paulum a coelo recedebat, cum Acerrani, veriti urbis direptionem, non expectato pugnae discrimine, praesidia & urbem dedunt. Fuere in praesidiis Praefecti militares quatuor, totidemque centuriones: satis firma tuendae urbi manus, nisi cives, excutiente virtutem pavore, trepidassent. Hæc dum ad Acerras geruntur, BRACHIO nuntiatum est, Ianuam, potentissimam mari ac terra urbem, a Duce Mediolanensium intestino bello esse subactam, percussamque inter Pontificem & Ducem foedera. Nec dubitabat, Ducem, ad perniciem Florentinorum, Pontificem ad suam, magna excitaturos bella. Per hos dies, cum Acerrani obfiderentur, Sfortia profectus Aversam, vel odio iam pridem concepto, vel defectionis metu, Tartaliam, nihil tale suspicantem, in convivio captum, securi indicta causa percussit. Odio id factum, an defectionis metu, nec fama novit, nisi quia praecipites agit invidia mortalium animos, & imperandi cupiditas aequalem aspernatur. Sunt enim, qui affirmant, Sfortiam ad lectissimas illius copias nimis avidos inieciisse oculos, arbitratum, id quod minime fuit futurum, illius milites, Imperatore amisso, eius ductu auspi-

Foedus inter Pontificem & Ducem Mediolanensem percussum.

Tartalia a Sfortia occisus.

auspicioque militaturos. Sed dolore amissi Ducis accendente invidiam, quippe quem nulla causa caesum asserebant, fortissimus quisque clam aperteve, quae commodior dabatur occasio, ad BRACHII castra fugiebant. Hic primum non militum solum, sed etiam popularium, animi paulatim a Sfortia deficere, Pontificeque alienari coeperunt, ut solent scelera vix ipsis placere, qui committunt. BRACHIVS, post receptas Acerras, veritus, ne quid Sfortia in proximos Campanos moliretur, Capuam revertitur, turpissimum factu ratus, si in media victoria & Principatus sui initio Campani direptionem agrorum, aut tale aliquid hostile pateretur. Sed tutam a bello civitatem acerbior invaserat fames. Frumentum quicquid publici superfuerat, ante adventum Regis Neapolim comportatum, privati, quod extiterat, cives superioribus stativis depromserant, & praeterea bella partim exhauserant rem frumentariam, partim excoli agrum & sementes fieri prohibuerant. Igitur ad alendum militem necesse erat aliunde frumentum comparare. Tractus maritimae orae, qua Vulturnus per loca vasta atque herbida defertur in Tyrrhenum mare, commodissimus primum visus est ad marinos commeatus excipiendos. Sed litus invium atque importuosum frustrari speculatores videbatur: tum iter per Vulturnum annum longum ac perdifficile obliquo

Illius copiarum ad Brachium fuga.

Capuae anno-  
nae caritas,

liquo atque adverso navigantibus flumine: terrestre iter multo magis periculosum. Quippe per medios ad Averfam hostes transitus erat faciendus. Sic, quacunq; vel mari, vel terra, frumentatum pergerent, aut imminens laborem, aut magnum discrimen, subituri videbantur. Res iam ad summam venerat necessitudinem. Miles fame gravi: civis maiori, quam ferri posset, caritate premebatur. BRACHIVS, ut haec quoque parte iuaret Campanos, frumentatores cum maiore parte exercitus ad comneatus supportandos Neapolim dimittit. Ipse, cum reliquis copiis intentus pugnae, si quid accidisset, longa manu sequebatur, sic instructus ad pugnam, ut, si hostis occurrisset, composito esset agmine. Idem facit continuis pluribus diebus, facto semper per Averfanorum fines atque ante ipsas portas itinere. Sed labori tam continuo subeundo durare equi non poterant, simulque universum fatigari exercitum uno comneatu oportebat. Mutat ergo consilium BRACHIVS. Ducentos frumentatores inermes, sine hasta, sine sella, dimittit, qui Neapoli frumentum equis adveherent. Duos deinde tubicines inter Averfanum Neapolitanumque agrum, totidemque inter Campanum atque Averfanum, non procul a via regia in occulto locat: hisque imperat, ut, si ad comneatus impediendos hostes exeant, ut putabat exituros, qua parte

adventu Brachii sublata.

id

id fiat, repente tuba significant. Regi praeterea scribit, ut suas & ipse copias in parato teneat, ut, cum classicum cecinisset tuba, impetu magno concurrat ad hostium portas. Idem ipse fecit, instructa parataque acie, cum non procul a finibus hostium confedisset, tubae signum operiebatur, celeriter & ipse ad portas incursum. Sic erat futurum, ut, quacunque hostis egressus urbem invaderet iumenta, interclusus gemina acie, occupatisque ab hoste portis, receptu prohiberetur. Nec destituit fortuna confilium. Sfortia, cognita per exploratores inermi paucitate, commeatum inter Capuam atque Averfam est adortus, existimans, eo negligentius incautiusque rediturum frumentatorem hostem, quo magis Capuam appropinquaret: & impedita gravi onere iumenta spem subitae praedae faciebant. Tubicines, cognito hostium egressu, atque militum audito clamore, quantum altissimum possunt, edunt classicum. Quod excipientes alteri tubicines, classicum & ipsi cecinerunt. Regiae copiae, quia remotiores fuere, tardius quidem, sed tamen magno ad Averfam cursu, pervenerunt. BRACHIVS, instructa, ut erat, acie, prodiit in apertos campos, & diripientem commeatus hostem concitatissimo invadit impetu, clamoreque perterret. Inconditi hostes, & ad praedam capiendam dissipati, nullo commisso praelio,

Sfortia cum suis a Brachianis in fugam conjectus,

lio, in fugam sese quam effusissime converterunt. Insequuntur animis pleni, ferocesque ab praesente atque hortante duce BRACHIANI. Diverſa fuit trepidantium fuga. Nam id quoque proviſum eſt, ut inde impetus fieret, qua erant hoſtes ad ſuam urbem cum praeda reverſuri. Sfortia, fretus equi velocitate, per media effugit agmina. Sero cognitum milites inſecuti ſunt, nec ante perſequi deſlitterunt, quam ille, laxiſ habenis, excitatoque aſſiduſ calcaribus equo, intra foſſas urbiſ praecipitem ſe coniecit. Capti ſunt equites quadringenti. Quae victoria, ſiniſ tanti belli, vehementer totiſ Regni proceres urbeſque perterruit. Continuo proxima quaeque oppida in fidem rediere. Sfortia, omni amiſſo exercitu, paucos poſt dieſ inermiſ haud ampliſ quindecim inermium militum comitatu, ad BRACHIVM in caſtra venit. BRACHIVS, quem belli iure ipſiſ in caſtriſ capere poſuiſſet, perbenigne eſt complexuſ. Hic omnia belli iura repetita, atque in medium educta, vetuſ amicitia, facile omnem contentionem ſuſtulerunt. Sfortia, quae ſecundo bello Peruſino geſſiſſet, commemoravit. Hiſ adiecit, militarem diſciplinam non eoſdem inimicoſ, quos hoſteſ, facere. Nihil unquam ſe privatim contra eiſ ſalutem dignitatemque molituſ. Si quid adverſuſ imperium geſſiſſet, id belli iure geſſiſſe: nec ſe expurgatuſ offenſioneſ belli apud

Tandem caſtra Brachii petiit,

ipſique pariter,

apud hostem, sed ad amicum imploratum, opem venisse. Fateri, victum bello, quod alieno imperio susceptum, non ignave ac temere gessisset. Verum alienatis oppidanorum animis, deficiente iampridem stipendio, Pontifice magnificentius verbis, quam re, auxiliante, & hoste nihil intentatum dimittente, non mirum videri, si nunc tandem victus bello destitisset. Orare atque admonere, ut suae dignitati consulere. Nihil illi futurum commodi, si ipse exutus rebus omnibus, atque extrema inopia perditus, iactaretur. Neutrum latere, quid deum valeant bella, & otium ac pacem eos desiderare, quibus bella non placeant. Inde utrique pendere fortunam, inde adeptos dignitatem, etsi illum maiora fortunae vela longius feliciusque provexissent, tamen nomen, dignitatem, imperium, omnia, ad bellicam artem esse referenda. Nec fuisse illum tantas nunc habiturum copias, tam larga, tam peregrina atque extrema stipendia, nisi ipse prior hoc belli excitasset. Inde ali sustentarique, quamvis magnos, imperatores, nec in pretio haberi militares duces, ni sint, quibus resistere adversarique sit necesse. Acciperet se non in socium: id enim non audere postulare; neque in militem, siquidem non tantum potuisse fortunam, ut animum simul cum exercitu superiore calamitate delevisset; sed in pristinam benevolentiam, quam, nullis violatis officiis, sed variis



variis & ita ferentibus temporibus, intermisissent. Non dubitare, curae illi futurum, si nullius rei, quam veteris amicitiae, memnisset. Ad haec BRACHIVS omni comitate affatus ordine respondit. Nec oblitum veteris beneficii. Nullas sibi, neque secundas, neque adversas, res tanti fuisse unquam, ut eius in se merita excidissent memoria. Nihil intercessisse offensionis. Quod si quid intercessisset, non magis, quid mali quisquam in se fecerit, quam quid boni, id demum esse cogitandum. Desineret bella commemorare, quae tamen apud viros integros longe plus aemulationis haberent, quam invidiae. Non mediocres habere gratias, quod hostis nulla re, praeter privatam amicitiam, fretus, in sua castra inermis in-comitatusque venisset. Hoc non hostilis animi fuisse indicium. Nam qui multum sibi de hostis benignitate persusderet, eum ostendere, non se hostem, sed socium esse voluisse. Utcunque se res haberet, polliceri operam suam, non factis, non dictis, defuturam. Nec quicquam amplius eo die est actum. Postridie Sfortia, duobus comitatus liberis, rursus ad colloquium revertitur. Hic primum de reconciliando illo Reginae agi coeptum, & BRACHIVM, ut quamprimum in Hetruriam rediret, multa sollicitabant. Amor patrius, quo nihil ad trahendos mortalium animos efficacius. Revocatio Florentinorum, qui statim post factam in-

ter

ter Pontificem & Mediolanenses societatem, Legatos ad eum miserant, ut, quam maturissime posset, in Hetruriam cum exercitu reverteretur, ne quid repente de improviso excitaretur belli. His igitur, atque aliis de causis primum omnium Sfortiam Reginae per literas reconciliat, eique persuadet, nihil eius Regno futurum commodius, quam si belli causam, Sfortiae contentionem, sustulisset. Motis deinde ad Matalonium castris, oppidum in fidem redegit. Sed oppidani, Reginae imperium iampridem aspernati, BRACHII signa sustulerunt, ea conditione venientes in potestatem, ut illius iussis, non Reginae, parere cogerentur. Matalonium omnia, quae rebellaverant, oppida secuta sunt: undique delatae ultro civitatum claves. Proceres quoque post victum Sfortiam rebus suis consulere coeperunt, atque omnes Legatos, pars ad Reges, pars ad BRACHIVM, de pace miserunt. Hic finis fuit tanti belli, quod maiore apparatu, quam periculo, gestum est. Quippe nunquam signis utrinque collatis, est dimicatum. Oppida pauca vi expugnata. Nec defuit iis gerendis rebus, illa ipsa toties iam auxiliata celeritas. Intra paucos enim menses peracta res est, ut suppressum statim exortum bellum magis, quam gestum, fuisse videatur. His rebus ad Matalonium gestis, BRACHIVS, relicto ad Capuam exercitu, Neapolim profisciscitur. Hic cum Re-

ac Reginae  
conciliatur.

Matalonium  
in fidem re-  
cepit.

Finis huius  
belli infec-  
tus.

Profisciscitur  
Brachius Ne-  
apolim.

B b

gi.

Sfortiamque  
copiis regis  
praeficiendum  
curat.

gina egit, ut Sfortia primum in amicitiam ac fidem reciperetur: deinde, quando se Florentini ad componendas Hetruriae res communeque tuendum imperium revocarant, ut exercitui quoque eundem legionibusque praeficeret. Durum id in primis Reginae videbatur, ut sero mulieres iniurias oblivisci solent, suntque ad vindictam, quam veniam, promptiores. Persuasit deinde, quam periculosum foret sine exercitu teneri Regnum, quantoque periculo suis haberi sine duce exercitum. Tandem non tam assensum est, quam non denegavit. Regis quoque autoritas intervenerat, periculum futurum magis, quam praesentem injuriam volentis animo. Fore enim videbat, ut virum consilio manumque eximium, aut duce exercitus, aut, si quid unquam res titubassent, hostem, esset habiturus. Nec quisquam illo in Italia, post unum BRACHIUM, militia clarior. Ergo receptus in fidem Sfortia, & sacramento adactus, regis copiis praefectus est, eique ex foedere est imperatum, ut neque Regno decederet iniussu Regis Reginaeve, neque trans Aeternum animum, nunc Piscariam vocant, exercitum traduceret. Is terminus, is finis provinciae suae foret. Quippe extremos Samnites, Aquilanos, Materinos, omnemque montanae regionis tractum, ad Picenum usque BRACHIO dono dedisse Reges ferebantur. Sunt tamen, qui, non dono datam, sed praef-

praesidio obtinendam, eam provinciam decretam affirmant. Rebus sic compositis, BRACHIVS in Hetruriam circiter Calendas Apriles cum exercitu rediit, aegre eius discessum Rege Reginaque serentibus. Rex, instructa classe, Caietam usque abeuntem est comitatus. Exercitus profectus terra, Dux ipse mari cum Rege delatus, ad agrum Minturnensem convenere. Hic expositum Rex amplexus osculatusque, milites quoque certatim pro se quisque, mansuetissimum valere iubet Regem. Inde, toto itinere clamantes, in Hetruriam victricia arma, victricia signa, referebant. Comitatu abeuntem ex Regno nobilissimi quique: sed ad multam congressos viam, suam quemque domum abire iubet. Ipse, magnis & continuis factis itineribus, per medios Samnitas in Picenum contendit. Ibi paucos dies ad exigenda tributa, quae pendere quotannis Picentes consueverant, demoratus. Superat deinde magna cum celeritate Apenninum montem, factoque per Eugubinorum fines transitu, Tyfernum urbem pervenit. Locatis non procul ab urbe castris, per caduceatorem bellum Tyfernatis, nisi pareant, denuntiat. Eius adventu magnus civibus injectus est terror, ut solent subita mala vel fortissimo cuique esse terrori. Augebant quoque trepidationem Tyfernatis exules, quorum ingentem numerum hostium castra secutum audie-

Hinc redit in  
Hetruriam.

Tyfernates  
ad deditionem  
adhortus,

bant. Praesidia comparaverant nulla: Pontificis opem, quod urbis jure cessisset, minime implorandam existimabant. Si deditionem fecissent, exules, diu secuti hostem, futuri civitatis Principes videbantur. Si iure agenti restitissent, haud dubium putabant, obsidione, fame, ferro, ultima esse passuros. Tot circumventi difficultatibus, fecissent primo statim hostis adventu deditionem. Sed domesticae similitates, civiliaque etiam inter eos ipsos, qui domi regnabant, odia, prohibebant, opprimebanturque utilia atque honesta consilia civitatis intestino dissidio. Igitur veritum est, ne exules reducerentur. Deditionis consilium reiecere. Missi nihilo secius Legati, qui bona venia pacem postularent; ceterum de exulibus nullam acciperent conditionem. BRACHIUS Legatis respondit, non aliter pacem dare se posse, quam si ipsi sibi dederent civitatem. Nullam facere iniuriam, qui sua iura postularet. Hoc unum scirent, non se pro hostibus, qui deditionem impedirent, sed iniunicis, & quidem acerrimis, habiturum. Non hic bello petere alienum imperium; sed iure suum vindicare. Cogitarent, si a quoquam ipsi agris, aut fortunis, quo minus frui possent, impedirentur, quonam tandem animo essent laturo. Multo sibi suas urbes, quam illis ipsorum agros, esse cariores. Accepisse a maioribus, illos miseros esse, qui nova parere nescirent; illos omnium

cum eorum  
Legatis ser-  
mones miscet.

um miserrimos, qui retinere parta non possent. Iampridem sibi eam urbem stipendio & sanguine partam esse, non invicto bello correptam. Nunc, si opus esset, bello acturum in Tyfernates, qui mala fide possessa sua bona, suum imperium, ne nunc quidem restituerent, cum peteretur. De exulibus nulla facta mentio. Legati re infecta, minis ac metu pleni, discesserunt.

BRACHIVS, ubi videt, segnius civium rem procedere, nec minus impelli ad dedicationem posse, prius admovet castra: nec tamen agrum infestat, ne tunc quidem a-

Tum castra  
admovet.

gentibus de concordia civibus. Totius agri castella, etsi nihil hostile sentiebant, intra paucos dies a civibus defecerunt: quatuor duntaxat mansere in fide. Nec illa tamen hostiliter vexata. Metere, arare, pabulari, omnia denique mediae pacis opera passim permittiebantur. Interea res urbanae tumultuosius agitari coeptae. Alii solvendam deditione obsidionem, alii frangendum, si possent pecunia hostem, in consilio disceptabant. Haec potior fuit sententia. Missi

Alii Tyferna-  
tium Legati.

iterum de pace Legati, qui annuo tributo quinque millia nummum, si hostis bello decederet, patereturque, liberos esse Tyfernates, pollicerentur. Legati pretio preces adiecerunt, orantes, ne finitimam, & optime de eius maioribus meritam civitatem, perditum iret. Sineret liberam esse, quam nulla vis externa ante id tempus, neque pa-

ce, neque bello, subegisset. Commodiorum illi Tyfarnatium amicitiam, quam servitutem, futuram, nec plus, subacta civitate, quam liberis civibus, vectigalium percepturum. Vix quinque millia nummum exigi vectigalibus posse: & tamen custodias arcis, munia civium, Magistratus urbis non aliunde parandos esse. In maximis auctionibus vix summam eo demum accedere, ut alii res urbanae cum dignitate possent. Omnia tamen citra servitutem passuros cives. Hanc unam minus honoris habere, quam ferre Tyfarnates queant. Aut mori ante communem servitutem, aut vivere publica in libertate, statuisse: nec libertatem illis fide esse potiorum. Quae promitterent, rite pureque praestituros omnia. Uteretur amicis, quos servos sine urbis excidio habere non posset. Non latebat BRACHIVM, omni humana divinaque ope destitutos, obsidionem diutius pati non posse, non frumentum, non comineatus, non, quod omnium erat maximum, spem illis auxilii, subesse. Itaque Legatis respondit. Nihil sibi Tyfarnatium pecunia opus esse, nec pro alienis fortunis unquam, semper tamen pro sua gloria atque imperio, ad ultimum, ubi res tulisset, fortunae se impetus obiecisse. Nunc multo ardentius repetiturum suas, quam ante cuiusquam opes invalisset. Nectam insignem contumeliam atque iniuriam, ut ludibrio foret Tyfarnatibus, esse passurum. Nam, quid ludi-

fica-

Brachii re-  
sponso.

ficarentur? quid, quando liberos fuisse Ty-  
 fernes, aut cui Pontifici non servisse do-  
 mini, illos non servituti aspernari? Ma-  
 gnam tamen esse temeritatem, ac de-  
 mentiam, exasperare, quem iura atque ar-  
 ma essent factura dominum. Quo diutius  
 hoc differrent bellum, eo se gravius illis  
 imperaturum. Nam quid fidem, aut ami-  
 citiam, iactarent? Non posse, amicos esse, qui  
 de fortunis aperta vi magis, quam manife-  
 sto iure, contenderent. Si iuri ac legibus  
 arma cessissent, cur non nunc statim sibi fu-  
 isse parituros? Si armis agenda res foret,  
 cur suum nunc tandem imperium recusa-  
 rent, amisso agro, destituti omni ope, qui  
 Pontificibus solo metu, nullo bello, paruis-  
 sent? Cessisse sibi Pontificem suo iure. Si ri-  
 te cessisset, quid ipsi impedimento essent?  
 cur iniuriam facerent suas res vendicanti?  
 Sin nihil Pontifici fuisset iuris, non melius  
 illum tenuisse imperium, quam se invasu-  
 rum. Nec turpe esse Tyfernati populo,  
 servire coactos bello, qui media in pace, o-  
 mnique tranquilla Italia, servissent. Nam  
 quae ad vestigalia spectarent, curae sibi fo-  
 re, ne quid sibi civitas caperet detrimenti.  
 Non ideo se imperium quaerere, ut alienas  
 avide extorqueret fortunas, quarum nihil  
 indigeret, sed ut haberet, in quos benignè  
 largiretur suas. Irent bono felique au-  
 spicio. Dederent sponte civitatem, quam, ni-  
 si nunc darent, paulo post inviti coactique  
 essent



essent daturi, & quod victoris ira suaderet, direptiones, incendia, & extrema quaeque, subituri. Inirent hanc gratiam, fervarentque civium opes, nec summa cum acerbitate in praedam & direptionem agi paterentur. Si pugnam expectarent, nihil se civitati consulturum esse: omnia militi in praedam cessura. Si deditionem sine praelio fecissent, daturum operam, ut neque publice, neque privatim, sui quenquam imperii poeniteret. Tyernates, cum duabus legationibus nihil profecissent, animos ad tolerandam obsidionem acius confirmavere, id solum sperantes, aliquos futuros motus in Italia, quibus averti hostis bello, atque obsidione excedere, cogeretur. Spes erat magis, quam consilium. Ergo BRACHIVS, cognita pertinacia, castra propius locat: munit fossa & vallo, ut plane ostenderet, non se inde, nisi aut victum, aut capta urbe, posse divelli. Vigilibus castrorum imperat, ut egressum civem, si quis forte egrediatur, intercipient, habeantque in vinculis. Nam ante eum diem clementius cum civibus agebatur, & egrediendi, & redeundi, liberis. Interea vineta & oliveta circum urbem igni ferroque vastare, villas passim ac late incendere, casas solo sequare, omnia denique licentius agere, coeperat miles. Tum primum civibus bellum terrori esse, ut cuique sua incommoda urbi erant propinquiora, ita dolor ex prospectu

Inde arctiori  
obsidione  
cinctum Ty-  
ernum

specto incendio & desiderium crescere. Sed  
 tanta erat animorum pertinacia, ut ultima  
 experiri, quam facere deditionem, decrevis-  
 sent. BRACHIVS, etsi munitissimam vi-  
 debat situ urbem, & expugnari perdiffici-  
 lem, omnia tamen prius tentanda, quam in-  
 de discedendum, statuebat. Tyernas prae-  
 fidia largius disponere, moenia, turres, pro-  
 pugnacula, faxo telisque complere, trepidare  
 quidem animo, voce tamen hostem con-  
 temnere. BRACHIVS, ubi videt, rem  
 ad oppugnationem spectare, quod opus fo-  
 ret maiore peditatu, mittit, qui Perusiae de-  
 lectus peditatum habendos, quique bombar-  
 das importandas, curarent. Quinque millia  
 peditum ex urbe agroque delecta. Horum  
 pauci erant sagittarii, maior pars loricati,  
 clypeatique, dolabris, verutis, falcastrisque  
 terribiles, & quae praeterea civiles faction-  
 nes varii generis invexerant arma. Perusi-  
 norum adventu plus hostibus iniectum ter-  
 roris, quam BRACHIO spei additum. Illi  
 numerum & virtutem expavescere. BRA-  
 CHIVS, quo magis Perusinatorum, instum  
 natura corpori animoque, robur cogno-  
 scere, hoc minus libenter periculis obicien-  
 dum putare totius Italiae florem. Nec e-  
 nim ulla gens Perusinis bellicis in rebus in  
 Italia comparanda. Vix nati obequitant, cur-  
 sistant, insiliunt, desiliuntque, & aetatenis, su-  
 pra quam dici potest, virtute antecedunt.  
 Saepe citra ephoebos singulari dimicant

certamine, & domi educatos, egisse foris aetatem, & institutos militiae, putes. Horum tantum numerum privatae inter se contentiones ardentius ad pugnam excitabant. Illi primis sibi cani signum, primi muros scandere, primam dari sibi aciem, postulabant. Nec quisquam libentius otium & quietem agere, quam illi praelium adituri, videbantur, ut suam quisque virtutem aemulatione ostentaret. Ea res BRACHIVM, veritum, ne illa virtutis aemulatio in periculosam temeritatem verteretur, aliquot dies ab oppugnatione continuit. Durissimum enim putabat, ad tantum discrimen cives devocasse. Ceterum haec eadem consilia potiundae urbis & occupandi temporis cupiditas discutebat. Itaque, omni reiecta cunctatione, primum testudinem, quanta summa potest, altitudine aedificatam, muris iniet admovent. Eam complet munitis gravissima armatura veteranis. Porro turri, quae pro portis imminebat, duas opponit intentatque bombardas. A lateribus frequente collocat sagittarios. Perusinum peditatum, aliquanto lassius circa hostium munitiones explicatum, subrigere scalas iubet, ut, si ad testudinem concurrissent propugnatores, tum demum ipsi vacuas moenium stationes occuparent, evaderentque ad summa propugnacula. Urbem scalarum ordines praecinxerant. Aliquot enim continuos dies ad eas conficiendas consumserat pedes. Hor-

ren-

rendam tot simul scalarum faciem, ubi conspicati sunt Tyfernates, in se arque in sua moenia ordine adventantium, trepidare, vociferari, & sese complangere, haud aliter, quam capta urbe, coeperunt. Exaudiebantur lamentabiles civium in castris voces. Nec quisquam de moenibus defendendis, omnes de fuga & latebris cogitabant. Pauci erant Primores civitatis, quorum opera hostibus

resistebatur. Hi, ubi publicum pavorem, subitamque trepidationem sunt conspicati, veriti, ne urbe expugnata direptaque, in poenam ipsi peterentur, neve, si hostis non vicisset, tamen caedes civium, quas praelio fieri defensorum erat necesse, conflarent invidiam, nullo adhuc iacto telo, clamant, deditos esse. Iussi statim aperire portas, repente aperiunt. Obsides imperati. Continuo Primores emittunt civitatis. Hic finis fuit Tyfermatici belli. Quos non obsidio

Deditione  
recipit Brachius.

gravis, non vastata praedia, movere poterant, intentata oculis scalarum multitudo perterruit. BRACHIUS, dimisso pediatu, rebusque ad Tyfernum compositis, paucos post dies & ipse Perusiam proficiscitur. Hic, quam unquam alias, magnificentius exceptus a civibus, publice egit gratias, & pedites egregie pro concione laudavit, non inficiatus, illorum opera contritos esse Tyfernates, nec aliter deditionem fuisse facturos. Interea publica aedificia, pleraque omnia resecta. Suffossus ad

Perusiam re-  
dux magnifi-  
centissime ex-  
ceptus,

publica aedi-  
ficia reſici  
curat.

Thra-

Thrasimenum monticulus, unde educta in Perusinum agrum aqua latius incrementum, & in Cortonensem latius fundi, atque expandi non posset. Opus huic seculo, etsi nulla alia re, certe magnitudine ipsa, conspicendum. Octingentos passus in longitudinem producta fossa, quæ, centum octoginta cubitorum continens altitudinem, perpetuo compacta muro, alveus est hyberni fluminis. Nam aestate nec recipit Thrasimenus alienas aquas, nec refundit suas. Tunc vero, continuis auctus pluviis, late occupaverat loca, & finitimas littori villas passum obrutas ac mersas absconderat. Montes enim altissimi circum prominent. Inde prærupti, sicque aestate torrentes, hyeme ad convexa lacus ingenti fragore delabuntur. Nec ductus usquam patebat, unde defluens montium iugis aqua decurreret. Sed quantum hybernis crevisset fluctibus, tantum æstivi soles hauriebant. Interea quiescere paululum a continuis laboribus milites videbantur, cum Legati Regis Perusiam venire, initia novarum rerum nuntiantes. Statim post BRACHII discessum magnos coeptos motus in Regno, quasdam civitates maritimæ oræ crebra inter se consilia agitare, Proceres atque optimates clam coetus facere, occulte cogi exercitus, nec tamen aperte quinquam adhuc defecisse. Sfortiam captum a Regina, & durissima tortum quaestione. Nihil tamen comper-

Legati Regis  
Siciliæ.

pertum fraudis, eamque ob rem illum Reginae ac Regi non iniuria esse suspectum, ut solent mortales non facile credere, quibus iniuriam fecerunt. Petere Regem, ut aliquid Italici praesidii traiceret in Regnum. Nam Valentinis, Catalanis, Hispanis, Italos natura inensos esse. Missi sunt equites quadringenti, haud sane contemnendum primo in tumultu robur. Nicolaus Picininus praefesse iussus, quanta potuit celeritate, Neapolim est profectus. Eius adventu paululum sedata res est, non tamen metu praesentis exercitus, quam quod, subsecuturum ceteris copiis BRACHIVM, frequens fama vulgaverat. Ad quem acciundum alteri missi a Rege Legati, Campani principatus insignia, aureum torquem, auream coronam, attulerunt. Coronatus est Idibus Februariis. Negotium tantae rei honestandae Fulginatium tyranno Legati dederunt. Erat enim is natura rerum omnium magnificus ostentator. Primum forum omne quam altissime pendentibus oblectum velis. Palatium deinde crispanti auro purpuraque late stratum, & qua defecisset aurum, argentea excipiebant purpurata stamenta. Medio in palatio ebore atque auro distincta sella, eaque celsè conspicienda, fulgebat. Hinc atque inde dispari ornatu pressiora subsellia. Sellam BRACHIVS conscenderat. Prima subsellia Legati, altera magistratus urbis, cetera promi-

Missi auxilia  
Brachiani.

Nova Brachii  
dignitas.

miscue milites civesque compleverant. Hic  
 conversi ad Fulginatam Legati, fungere,  
 inquit, regio munere, Fulginas. Sic Rex,  
 sic Regina, iussit. Age, collum torque, ca-  
 put corona, ubi cinxeris, Capuae saluta Prin-  
 cipem. Ille, insignibus gemina sublati ma-  
 nu, sellam subgressus. Quod immortales,  
 inquit, Dii bene vertant, ego te prius hoc  
 regio officio munere, primus collum tor-  
 que, caput corona, praecingo, primus Capu-  
 ae Principem saluto. Tu, fac, mei Regum-  
 que memineris, & felix esto. Eunt dein-  
 de salutatum Legati primum, mox civium  
 militumque multitudo, magno plausu gra-  
 tulantium. Salutatione peracta, unus ex  
 Legatis, praesentia atque aetate venerandus,  
 cum aliquamdiu pedibus stetisset, quid au-  
 rum, quid torques & corona sibi vellent,  
 paucis differuit. Reginam pro fide & vir-  
 tute purum aureum torquem, pro adepto  
 Principatu coronam, dono misisse. Magna  
 ea die iacta fundamenta, iam receptum in  
 stirpem regiam, iam eo imperio potiturum,  
 quo soli, qui aut Reges, aut ex Regibus or-  
 ti, essent, potiri consuevissent. Haec virtu-  
 ti, haec invictae gloriae, data munera. Per-  
 geret, quod coepisset, iter. Magna & Diis im-  
 mortalibus portendi. Non occulte paratum  
 ad regium fastigium aditum, expectatione  
 opus esse, non spe. Modo Deorum abesset  
 invidia, certa esse, quae expectarentur.

plausibus pu. Post haec ludi equestres magnifico appa-  
 tu

in foro celebrati. Nec defuere populari-  
um laudes, nova carmina, plena regii splen-  
doris, foro urbeque tota iactantium. Per  
hos dies Legati Florentinorum congratula-  
tum venerunt. Creditur, etiam actum de  
Italiae rebus, & Pontificis ac Mediolanensi-  
um foedere. Nec multo post tertia Regi-  
nae ac Regis Legatio supervenit, ad accele-  
randam eius profectionem multo intentior,  
iam tum suborta erat inter Reges suspicio.  
Creditur, Sfortiam non oblitum iniuriae,  
cum Regis se hortatu atque impulsu tor-  
tum existimaret, Reginae auribus illius odi-  
um insilasse, facileque persuasam mulie-  
rem, ut est sexus ille ad credenda crimine,  
quam investiganda, propensior. Inde tu-  
multus Neapoli concitari coepti, dum pars  
Regi faventes, molliculae foeminae fastidi-  
unt imperium, pars, muliebri libidine solu-  
tiores, novum externumque Regem aspe-  
rantur. Per ipsum tempus Tudertini, cum  
ab exulibus, qui Canale oppidum tenebant,  
continenter infestarentur, BRACHIVM  
per literas oravere, ut assiduam belli mate-  
riam submoveret. Missa maior pars copia-  
rum oppidum intra paucos dies expugna-  
vit. Nec quicquam aliud gestum eo anno  
memorabile. Oppidum Nicolao Picinino,  
cui fratris filiam desponderat, in dotem da-  
tum, milites ad hyberna dimissi, estque dein-  
de tranquillius hyematum. Circiter Calendas  
Martias BRACHIVS, quemadmodum  
quot.

blicit decorata.

Legati Florentinorum.

Reginae Regis-  
que tertia.

Turbae Neapolitanae.

Oppidum Canale expugnatum.



Legati, ad  
Pontificem  
missi,

re infecta redi-  
erunt.

Brachii iter  
Neapolim su-  
scriptum.

quotannis facere consueverat, semestre stipendium militibus distribuit, iisque imperat, ut Idibus Martiis Tudertum omnes instructi paratique conveniant. Interea Legatos ad Pontificem, quid animi haberet, & hostis, an socius, futurus esset, sciscitatum misit. Princeps legationis Bindaccius Florentinus, eloquentia & consilio clarus. Sed Pontifice magnis rebus intento, & multa adversus Florentinos coquente, Legati nihil, praeter mera verba, retulerunt. Satis apparebat Pontificis & Mediolanensium foedus ad Hetruscum bellum spectare. Utrunque enim arma ciebantur. Nec Florentinos hostium consilia latebant, qui omni studio conati BRACHIVM in Hetruria memorari, ubi tendere illum ad Reges destinatumque bellum viderunt, aliunde copias sibi atque exercitum quaesiverunt. Ex BRACHIANIS etiam militibus quadringenti equites eorum auxilio relictii. Per hos dies quidam de prodenda arce Spolerana ad BRACHIVM devenerunt. Sed, re per arbitrum patefacta, conatus incassum reciderunt. Idibus Martiis, qua die iussi erant milites in Tudertinum convenire, BRACHIVS, exercitu in aciem educto, haud amplius, quam duo passuum millia, processit. Ibi, militari more lustratis copiis, equitum tria millia ducenti, peditum circiter mille, comperti. Hac manu ad componendum Regnum, reconciliandosque Reges, profici-

ficiscens, ad paucos dies in fines Aquilano-  
rum pervenit. Hanc enim illi provinciam  
Regina decreverat. Aquila magnitudine  
quidem una inter Italiae urbes, sed agresli-  
bus, quam civibus, longe frequentior, geli-  
dissimis clauditur, & perpetua nive rigenti-  
bus, montibus. Incolae pascendo pecori,  
lanificisque intenti, magnas opes ac pecu-  
nias congesserunt. Ceterum asperi atque  
inculti, & cum suis nati montibus, ut pluri-  
mum peculiaris industriae, ita nihil civilis  
ornatus, urbanaeque lautitiae, retinent, fini-  
timis nulla re magis, quam multitudine, for-  
midandi, agrum sibi peperere montuosum,  
& sex atque octoginta oppidis castellisque  
frequentem. Interea, dum in Sannium  
BRACHIVS proficiscitur, Regina, cui ni-  
hil praeter instabilitatem erat stabile, Regi  
tendit insidias. Dubium, suasu Sfortiae, an  
quo licentius concitatae libidinis frenas la-  
xaret. Quem cum excipere non posset,  
Hispanum exercitum diripi a Sfortia, pelli-  
que urbe militem, iussit. Rex fortuna &  
Deum, quorum erat observantissimus, auxi-  
lio fretus, per medias elapsus insidias, ad Ca-  
stellum novum, maritimam arcem, effugit  
collectisque celeriter suis, ac maioribus ac-  
citis ex Sicilia copiis, impetum in urbem  
fecit. Major pars civitatis direptui data,  
mulieres contra ius belli, tamen citra libidi-  
nem, abreptae, atque in Hispaniam transve-  
ctae. Regina cum paucis in montanum ef-

Descriptio  
Aquilae, urbis.

Insidiae Regi  
structae a Re-  
gina.

Cc

fugit

Aquilanorum  
perfidia,

Bello ferro-  
que vindicata.

Varia oppida  
atque castella  
expugnata.

fugit arcem. Inde faces odii, inde futuri belli clades exorta. Oblita paulo ante recuperati regni & praeteritae calamitatis, BRACHIVM hostem, Sfortiam exercitus Imperatorem, declarat. Aquilani, secuti Reginam, si aliter nequeant, bello arcem BRACHIVM instituunt, prohibito frumento & commealibus, denuntiant, ut agro finibusque decedat. Ille, ubi audit, hostem se declaratum, praeterito beneficio praesentem iniuriam stimulante, Regis quoque literis sollicitatus, ferro sibi viam facit. Hoc initium fuit Aquilani belli. Sunt tamen, qui affirmant, ante petatum insidiis Regem, Aquilanos solos ex ea provincia BRACHII imperio parere noluisse: sic ira percitum movisse adversus eos bellum. Varios habeo autores. Ceterum res in se fit. BRACHIVS, fines Aquilanorum ingressus, Legationis munus obire per Samnium & Pelignos coepit, citare in ius reos, mutare vigilias, cooptare novos magistratus. Aquilani non modo dicto audientes non erant, sed, transitum per fines, facere, frumentum, comineatus, exportari, prohibebant. His de causis itum est hostili agmine in agrum Aquilanum. Primo impetu Postia, oppidum, expugnatur. Inde Ocrinum, inde Paganicum, Navellum, Largianum, inde, finissima quae erant castella cuncta, vi ferroque subacta. Quicquid praelio tentatum, id omne virtute militum superatum, direptumque est;

Nec

Nec ullo in bello opulentior factus miles,  
 pecorum multitudine. Sed agri defectio-  
 ne, magna iam obsessae urbis incommoda  
 secuta, metus seditionum intestinarum, do-  
 lor succisarum arborum, sublata ab obsidio-  
 ne pascendi, quod. erat reliquum, pecoris fa-  
 cultas, omnium maxime fames, invictum  
 natura malum, urgebat. Hanc non patientia  
 leniri, non animi magnitudine ferre, diu-  
 tius poterant. Huc accedebat metendi fru-  
 menti desperatio, & praesentem famem  
 futurae inopiae metus asperabat, fecissent-  
 que deditionem cives, nisi paucorum factio-  
 nes praevaluissent, durissima quaeque pa-  
 tienda, quam. delerendam Reginam, existi-  
 mantium. BRACHIVS, totis viribus ad <sup>Aquila ob-</sup>  
 firmandam urbis obsidionem, omnes ad- <sup>fella.</sup>  
 tus, ne qua supportari. clam frumentum  
 posset, intercludit. Stationes militum, cir-  
 ca urbem dispositae, civem egressu probi-  
 bebant, & ne. qua erumpi in munitiones  
 posset, gemina fossa valloque muniverat.  
 Sic hostibus, undique legione circumdatis,  
 neque coelo, neque terra, auxilii spes erat.  
 Sed invidens magnitudini rerum gestarum,  
 quasi iam tum mutari coepta, fortuna sol-  
 vendae obsidionis viam aperuit. Forte per <sup>Defectio Lari-</sup>  
 hos dies Larigianum, quod oppidum initio <sup>gianorum.</sup>  
 belli captum in agro dicebamus, nulla vi,  
 aut metu, ad hostes defecerat. Haec res adeo  
 BRACHIO est visa indigna, ut ad puni-  
 endum perfidiam, soluta statim urbis obsi-  
 dio.

Aquilanorum  
perfidia,

Bello ferro-  
que vindicata.

Varia oppida  
atque castella  
expugnata.

fugit arcem. Inde faces odii, inde futuri belli clades exorta. Oblita paulo ante recuperati regni & praeteritae calamitatis, BRACHIVM hostem, Sfortiam exercitus Imperatorem, declarat. Aquilani, secuti Reginam, si aliter nequeant, bello arcem BRACHIVM instituunt, prohibito frumento & com meatibus, denuntiant, ut agro finibusque decedat. Ille, ubi audit, hostem se declaratum, praeterito beneficio praesentem iniuriam stimulante, Regis quoque literis sollicitatus, ferro sibi viam facit. Hoc initium fuit Aquilani belli. Sunt tamen, qui asserunt, ante petitum insidiis Regem, Aquilanos solos ex ea provincia BRACHII imperio parere noluisse: sic ira percitum movisse adversus eos bellum. Varios habeo auctores. Ceterum res in se sit. BRACHIVS, fines Aquilanorum ingressus, Legationis munus obire per Samnium & Pelignos coepit, citare in ius reos, mutare vigilias, cooptare novos magistratus. Aquilani non modo dicto audientes non erant, sed transitum per fines, facere, frumentum, commeatus, exportari, prohibebant. His de causis itum est hostili agmine in agrum Aquilanum. Primo impetu Posia, oppidum, expugnatur. Inde Ocrinum, inde Paganicum, Navellum, Largianum, inde, finivina quae erant castella cuncta, vi ferroque subacta. Quicquid praelio tentatum, id omne virtute militum superatum, direptumque est; Nec

Nec ullo in bello opulentior factus miles,  
 pecorum multitudine. Sed agri defectio-  
 ne, magna iam obsessae urbis incommoda  
 secuta, metus seditionum intestinarum, do-  
 lor succisum arborum, sublata ab obsidio-  
 ne pascendi, quod erat reliquum, pecoris fa-  
 cultas, omnium maxime fanies, invictum  
 natura malum, urgebat. Hanc non patientia  
 leniri, non animi magnitudine ferre, diu-  
 tius poterant. Huc accedebat metendi fru-  
 menti desperatio, & praesentem famient  
 futurae inopiae metus asperabat, fecissent-  
 que deditionem cives, nisi paucorum factio-  
 nes praevaluisent, durissima quaeque pa-  
 tienda, quam deferendam Reginam, exilij  
 mantium. BRACHIVS, totis viribus ad  
 finendam urbis obsidionem, omnes adi-  
 tus, ne qua supportari clam frumentum  
 posset, intercludit. Stationes militum, cir-  
 ca urbem dispositae, civem egressu probi-  
 bebant, & ne qua erumpi in munitiones  
 posset, gemina fossa valloque muniyerat.  
 Sic hostibus, undique legione circumdatis,  
 aequae coelo, neque terra, auxilij spes erat.  
 Sed invidens magnitudini rerum gestarum,  
 quasi iam tum mutari coepta, fortuna sol-  
 vendae obsidionis viam aperuit. Forte per  
 hos dies Larigianum, quod oppidum initio  
 belli captum in agro dicebamus, nulla vi,  
 aut metu, ad hostes defecerat. Haec res adeo  
 BRACHIO est visa indigna, ut ad puni-  
 endum perfidiam, soluta statim urbis obsi-

Aquila ob-  
 sessa.

Defectio Lari-  
 gianorum.

dione, contenderet. Motis ad oppidum castris, continuis praeliis totum biduum frustra oppugnat. Oppidani subito post cogitatum rebellionem, quicquid ad tuenda moenia opus foret, tela, faxa, trabes, intra oppidum comportaverant, & postquam adventare hostilem exercitum intellexere, praesidium ex finitimis acciverant, magno animo paratos ad obsidionem ferendam. Situs quoque loci natura egregie muniti tuebatur. Cincti durissima obsidione, fortissime se defendebant. Nec quicquam ardentius ad moenium defensionem, quam commissae perfidiae scelus, accendebat, desperataque venia ex ignavissimo & timidissimo quoque strenuissimum atque audacissimum faciebat. Interim, ubi occasione, Aquilani, quod videbant, hostem ad urbis obsidionem reversurum, civitatem frumento & com meatibus supplevit, moenia, si qua facta labe esset, muro, turribus, propugnaculisque, communiunt. Legatos, qui a Regina opem implorarent, dimittunt, exercitum & ipsi quoque, pro tempore atque loco, ad praesidium comparant. Denique, quicquid praesens necessitas periculi exspectabat, diligentissime executi. Maxime omnium, collectam ex suo finitimorumque agro segetem intra urbem supportant. Animos universi ad difficillima quaecumque confirmant. Non dies, non noctes, a labore in quos expugnandas urbis cessatum. Oppugnatione inter-

interea procedebat, nec ante captum oppidum, quam pauci milites, cuniculo intra moenia subgressi, refractis celeriter portis, irrumpendi viam ceteris patefecerunt. Facta est caedes magna resistentium, & quasi mores iam cum felicitate mutare fortuna coepisset, turpiter potius, quam crudeliter, in omne genus virorum mulierumque saevitum. Libera virum corpora in praedam militi concessa. Mulieres femore tenuis, recisa veste, denudatae, atque in urbem compulsaе, turpissimum & hosti, & civi, fuisse spectaculum. Quippe semper alias diripiendis oppidis mulierum pudicitiae atque honestati consuluerat. Centurionem, vim puellae innuptae Acerris asserentem, ipse interemerat. Militem, petulantius in mulierem Campanam invectum, caedi fustibus iusserat. Nunc, velut coeptis mutari cum fortuna moribus, ne suae quidem dignitatis & modestiae habuit rationem. Hanc tam effrenatam atque immoderatam bellirabiam ne ipsi quidem milites probavere. Voces totis castris exaudiebantur, novam ducis aut saevitiam, aut iram, execrantium. Plerique, diuturnam felicitatem accusantes, nimiam ab secundis rebus insolentiam criminari. Non nulli naturam illam contendere Ducis esse, non iram. Quippe semper alias perfidiam ac fraudem perosum, ceteris in rebus humanum clementemque, fuisse. Haec res non modo auxit civium per-

gnatos paulo  
crudelius saevitum.

Aquilanorum  
pertinacia,

C c a

tina-



tinaciam, sed ex hostibus, non duris, inimicos effecit acerrimos. Tum, si qui erant in civitate, quibus hostium partes non displicerent, ita omnium subito conversi sunt animi, ut mori prius, si res exigeret, quam vel aquae pacis inire consilia, nedum deditionis, publice coniurarent. Sic verba factis prosecuti, summa civitatis ac fortunae paucis permissa, taciti atque obstinati, rerum eventum expectabant. Nec BRACHIO, nisi in fame & lassitudine, spes erat. Civitas, maxime pophlosa, edito sita monticulo, muro, fossa, vallo, circumdata, non modo irritam oppugnationem, sed obsidionem militi gravem ac difficilem, faciebat. Dum haec ad Aquilam geruntur, Florentini, commisso cum Mediolanensibus praelio, acie sunt superati. Quae res occasionem trahendi in Samnium exercitus Pontifici & Mediolanensibus praebuit. Illic enim caput totius belli stare videbatur, & ipsi paulo ante foedus cum Regina percusserant. Florentini, re male gesta, nihilo secius instaurare bellum, reparareque exercitum, adorti, magnis habitis delectibus, ad BRACHIVM quoque auxilium petitum misere. Illi, durum quidem, diminuerere copias, multo tamen durius, tam bene meritos socios deserere. Utrum faceret, magno futurum periculo, cognoscebat. Si Florentini, adversa pugna profligati, hostibus non restitissent, facile illos ad obsidionem solvendam in

Florentini a  
Brachio auxilium  
petunt.

in Samnium traiecturos. Sin exercitum ipse  
 diminueret, vel oppidanos obsidionem eru-  
 ptione soluturos. Reginae quoque magnus  
 apparatus nuntiabatur. Haec cogitantem  
 Legatorum preces, ut auxilium, afflictis Flo-  
 rentinorum rebus, mitteret, perpulerunt.  
 Missi sunt quadringenti alteri delecti equi-  
 tes, certissimum totius exercitus robur.  
 Fertur, eorum discessu milites, deserere castra,  
 nudarique stationes, conclamasse. Dixisse  
 vero BRACHIVM, & quando se Flo-  
 rentinis gratias relaturum, si nunc non re-  
 ferret. Malle se bello, quam beneficio, su-  
 perari. Alterum fortunae, alterum perfidiae,  
 crimen esse. Diminuto, igitur equitatu, ad  
 supplendas copias, peditatumque augendum,  
 misit, qui Perusiae delectus haberent. Con-  
 scripta peditum quinque millia, intra pau-  
 cos dies ad castra convenerunt. Nicolaus  
 Picinius, ad Aquilam revocatus, exercitum  
 aliquantum confirmavit. Undecimus ve-  
 nerat mensis. Nulla tamen interea pacis ha-  
 bita mentio: nec civem gravis famo, nec  
 hostes asperum & insuetum coelum, stricti-  
 que glacie rigenti, & continuo gelu atque  
 nive, campi, deterrere potuerunt, tanta utrin-  
 que certabatur, & obsidentis, & obfessi, per-  
 tinacia. Nec ulla regio in Italia brumali  
 frigore horrentior, ut vulgo fit usurpatum,  
 si hyeme ad Aquilam inferi non sint, nus-  
 quam esse. Militum tentoria, perpetua ob-  
 ruta nive, stridebant, saepeque, ventorum

Quod Brachi-  
 us, missitante  
 milite, ipse  
 mittit.

Conscriptis  
 novis copiis,

Aquila multo  
 gravius obsi-  
 detur.

procella evulsa suis sedibus, tabernacula, quae flatus corripere, disiciiebantur. Multis remedia fuere, ingenti trabe confecta, tuguria. Sylvarum namque ac nemorum nulla plaga feracior. Denique per omnia difficillima itum est. Nam & in castris quoque, si non eadem, quae civium, gravis tamen, fa-  
 mes sentiebatur. Aquilani, crebros nuntios significantes, quantis in rerum omnium difficultatibus atque angustiiis versarentur, ad Regiam mittebant, orantes, ut undecimum iam obsessis mensem auxilium mitteret, nec vexari, oppressum pro sua fide, populum, diutius pateretur. Quae natura sustinenda docuisset, direptiones agrorum, incendia villarum, defectiones vicorum, frigus, inopiam, egestatem, denique difficillima quaeque, fortissime esse perpeffos. Unam famem, etiam si ferre ipsi cupiant, natura tamen intolerabilem omnibus esse mortalibus. Iam eo ventum, ut infueta, vel barbarorum cibus, animalia, pro deliciis haberentur. Quod exemplum daturam ceteris, si Aquilanos deservisset? aut quos hostilem impetum repressuros, quos iter in intimum Regnum impedituros, si Aquila potiretur hostis? Quod si nihil tam spectata fides moveat, hoc illa cogitaret, qua die hosti ea civitas cessisset, totum e vestigio Sannium defecturum, fauces atque aditus Regni libere admissuros hostem, nec ulla claustra, aut obstacula, tam bellicosam & ante eum diem in-

Crebri Aquilani-  
 lanorum ad  
 Regiam nun-  
 cii.

invictam gentem esse retentura. Repeteret superiora bella, quam brevi amissum Regnum idem Dux, idem exercitus, in fidem redire compulisset. Non segniorem nunc illum hostem futurum, quam olim fuisset amicus, nec tardius erepturum ei Regnum, quam paulo ante amissum recuperasset. Proinde uteretur fortuna sua, quae hostilem furorem tot iam menses circa unam urbem continuisset, nec dum inde victor erumperet, certam, & imminentem Regno suo, cladem expectaret. Regina, interea precibus ac metu sollicitata, simul Aquilanis ad tolerandum obsidionem non publice solum, sed etiam privatim, confirmationis per literas, civium animos hortabatur. Simul ad Pontificem & Mediolanensem Legatos ad auxilia petenda dimiserat, & Sfortia quoque, in agno interea comparato exercitu, cum externam expectare opem necessitudo minime pateretur, iussus est, quibus posset viribus, in Samnium proficisci, aut ad removendum obsidione hostem, aut, si id non posset, ut sociorum copias, ad Aternum amnem positis castris, opperiretur, statimque, ubi convenissent, universis viribus belli discrimen adirent. Qui, ubi ad Aternum pervenit, inter flumen & mare, cetero transmissio exercitu, ipse quoque traiecerat amnem. Sed eius scutarium adolescentem, quanquam robusto invecum equo, cum paululum infra vadum declinasset, ra-

Huius ad Pontificem & Mediolanensem Legati.

Sfortiae ad Aternum miser exercitus.

pidus corripuit vortex. Huic opem latu-  
 rus, conclamat Sfortia. Sed tarde accurrenti-  
 bus aliis, ipse equum reflexit in vadum, ut  
 resurgentem coma deprehenderet. Sed vel  
 lubrico solo una cum equo delapsus, vel  
 praecipiti correptus amne, nusquam postea  
 nec visus, nec inventus, est. Hunc fortissi-  
 mo & bellicosissimo Duci fata dedere exi-  
 tum: Milites, amisso Duce, cum planctu  
 atque ululatu littora complevissent, tandem  
 compresso gemitu, ac diu nequicquam de  
 fortuna conquesti, pedem retulerunt, non  
 ausi hostium castris appropinquare. Tanti  
 viri casus, nisi fortuna, quae plurimum  
 potest, aliud iam destinasset, flectere Aquila-  
 nos ad deditionem potuit. Sed, caecae  
 odio & desperatione, hominum mentes,  
 ipsos etiam ad mala clauferant oculos, ve-  
 luti callo duratis membris, vix ulli, quamvis  
 graves, ictus, vulneraque sentiuntur. Igitur  
 cives, ubi de interitu Sfortiae, & exercitus  
 discessu, cognoverunt, parati, si opus foret,  
 ad ultima subeunda, taciti vix iam aliunde  
 opem expectabant, & desperationem,  
 gravius sucta, fames urgebat. Tertium de-  
 cimum obsessi mensem, quicquid erat fru-  
 menti publice privatimque, totum fere con-  
 sumferant. Paulum, quod superfuerat, viri-  
 tim dividi placuit. Subductis tamen ciba-  
 riis iis, qui per aetatem arma ferre non  
 possent. Nam equis vesci iam pridem coe-  
 perant, nec foedis, & quae natura asperna-  
 tur

Maximae A-  
 quilanorum  
 angustiae.

tur, animantibus abstinebant. Tandem, habita totius annonae ratione, vix superesse quindecim dierum alimenta, etiam parcissime distributa, comperiunt. Tum durissimum videtur, imbecillam plebeculam urbe depellere, multo tamen durius, miseri, & fame pereuntis, vulgi mane vespertique audire querelas. Placuit conquistatoribus & praefectis annonae, hac de re publice referre ad populum, ut vel provideretur ante tempus, vel, si id non posset, fortius, quae essent praecogitata, perferrent. Civibus in consilium vocatis, decernitur, ut iterum nuncius ad Reginam mitteretur, ut sciri posset, quid spei superesset, miserae civitati, simulque, ut significarent, quantis in angustiis versarentur, & quamdiu perferre obsidionem possent. Ad Nonas lunias durare annonam. Si ad id tempus auxilium non mitteretur, Aquilanos non perfidia, sed ultima fame, desecuros. Hoc accepto nuncio, Regina, omnem cunctationem reiiciendam, exillimans, mittit, qui a Pontifice & Mediolanensem Legatum, Novique huius ad Pontificem & Mediolanensem Legatum, gati.

Italia. Et tamen cunctis par unus fuisset, nisi vel nimiae gloriae cupiditas, vel, quod magis putaverim, mutata fortuna consilium in temeritatem convertisset. Adventant auxilia.

su-

mnis, interfluit. Hanc BRACHIUS ob-  
 ruendam aqua, stagnandamque curaverat,  
 occluso tria millia passuum infra eum lo-  
 cum multa obice atque aggere fluminis  
 ostio. Quam rem angustae montium fauces,  
 quas flumen perstringit, haud sane difficil-  
 em faciebant. Id eo factum consilio, ut,  
 fatigati atque in acie obstiti, hostium equi,  
 pedes inde tollere nequeunt, altoque im-  
 pediti stagno, medio desicerent praelio. Nam  
 suorum equi multo erant robustiores & quie-  
 te, & pabulis. Futurum quoque putabant, ut  
 ante incognitam loci faciem hostis exhorre-  
 ret, aut, imperitus locorum, in ipsum flumi-  
 nis conccideret alveum. His peractis rebus,  
 hosti diu citra montem haerenti, caducea-  
 torem permittit, qui tutum adventum ad  
 planitiem usque pronunciaret. Si transire  
 montem vellent, ac praelium committere,  
 nihil impedimenti, quoad omnes apertum  
 in campum descendissent, accepturos. Scire  
 se, non committendi belli, sed urbis sup-  
 plendae, causa tantas copias adventasse. Scire  
 etiam, non amplius octo dierum alimenta  
 civibus extare. Illud existimarent, non se  
 tot mensium operam uno momento tem-  
 poris importando frumento perditurum.  
 Committendum esse praelium. Si opitulari  
 obsessis vellent, non aliter, quam victoria,  
 frumentum immissuros. Proinde irent, quo  
 necessitudo impelleret, & hostis benignita-  
 te sequissimum in locum descenderent. Ha-

Caducearo-  
 rem ad hosti-  
 um castra mit-  
 tit,

Ha-  
 bere

here se compertum de eorum numero, nec ignorare, triplo maiores copias in hostium castris esse. Confidere tamen militum invictio robore. Utcunque futurum esset, non aliter inde, quam aut victum, aut victorem,

Cui ab Imperatore iactant responsum.

Caduceatori responsum ab hostium Imperatore, tum demum venturos in praelium, cum sibi libuisset, nec alieno permissu, sed arbitrio suo, descensuros in campum. Non eo esse animo, ut pugnam vellent detrectare. Ceterum non eadem dicebat hostis, quae sentiebat. Bellum enim, nisi coactis; capere prohibitis, omnis erat importandi frumenti cura. Hac re per transfugas cognita, BRACHIVS, ceteras montium fauces atque angustias occupaverat, ut hic unus relictus

Hostium paulo propior accessus.

aditus in patentem campum, merisamque flumine planiciem hostes ederet. Quintus iam abierat dies, cum hostis, omni alia interclusa via, ad supremum montis se iugum ostendit, ratus, quod postea fuit, BRACHIVM nimia magnitudine, animi, quod erat per caduceatorem pollicitus, universas copias expectaturum, nec ante configere coepturum, quam structae forent ad planiciem acies. Igitur paulatim turmae per montis devia praemissae, donec omnem exciperent equitatum, expectare ad radices iubentur. At BRACHIVS, ubi descendere equitem videt, manu equos longo lapsu per praecipitia trahentem, peditatum omnem ad occupandas angustias, mittit, iussu-



iussu, ut descendentem hostem nihil impediret, nec, nisi dato signo, etiam si profligatum se viderent, eo loco discederent, relinquenti locum capitis poena proposita. Iam aliquot hostium agmina ad infimas radices devenerant, ibique sese componentia, venientem paulatim militem excipiebant.

Quod ut videre BRACHIANI, ii prae-

Brachiano-  
rum consili-  
um,

sertim, quorum autoritas plurimum posse debuerat, clamant, ut impetum in paucos faciant, antequam ceterae copiae convenirent, simulque pediti signum daretur, ut salter euntes, imperne adorti, vel saxis opprimerent, facile hoc modo quod iam descendere coepissent profligatum in contendentem, certamque illam, non fortuitam, esse victoriam. Stultum esse, ubi ratio belli valeat, id in fortunae temeritatem devocare. Saepe clamasse hoc ductores feruntur,

tum maxime, cum maiorem hostilis exercitus partem descendisse, & reliqua per ipsa doria montium longo defluere ordine, conspicerentur, nihil magis, quam tantam multitudinem, veriti. BRACHIVS semper

mini 3. 1. 1.  
c. 1. 2. 1. 1.  
c. 1. 3. 1. 1.

idem respondisse traditur, aut moriturum eo praelio, aut hostes ad unum debellaturum.

a Brachio re-  
iectum.

Credo, trahentibus ad cladem fati, qui semper alias suorum usus consilio, nec militum tentavit, aut incendit, animos, nec in manifesto discrimine consulentium clamorem exaudivit, vel quod nimium virtute militum & loci aequitate consideret, vel, quod

magis

magis putant, ne, quod per caduceatorem hosti erat pollicitus, quanquam ille non accepisset conditionem, tamen aut fraude, aut metu, minus praestitisse videretur. Iam hostes, impedimenta frumentumque prae se agentes, in planiciem omnes devenerant. Hic quadratis agminibus prohibitori, si diripere iumenta hostis vellet, aciem instruunt. BRACHIVS, cum tempus iam adesset, quo tot partas victorias, tamque late propagatum imperium, unius horae momento & fortunae permetteret, Nicolaum Picinum cum quatuor cohortibus, ne erumpere civis posset, ante urbis portas collocavit, ipse cum parte ceterarum copiarum, progressum ad mediam planiciem, hostem impetu magno adoritur. Hinc pugnae initium fuit. Profiliunt utrinque medium in campum, permiscunturque militibus milites, tela primum hastasque vibrantes, mox gladio cominus gerentes rem. Hostium singula agmina trecentos, BRACHIANA sexaginta equites continebant. Tamen sic quoque agminum illi numero praestabant. Accitum igitur alterum agmen, hostis catervam late fulseque turbaverat, adeo pauci multos virtute superaverant. Nec reliqua hostium acies pugnam detraxit. Ruunt pari cursu in praelium, paratae utrinque turmae clamore atque impetu, quanto possunt, maiore. Sic aliquot horis atrociter est dimicatum, neutra inclinante acie.

Tum

Pugnae inter  
hunc & illos  
gravissimae,

Tum BRACHIVS signum dat ceteris cohortibus, ut, quanto possent impetu, medium in pugnam se coniicerent. Dant illi sese in confertam aciem, nec tulere impetum hostes, sed, perturbatis ordinibus, ad radices montis, qua una patebat via, fugientes se recipiebant. Inflat a tergo BRACHI-ANVS, uiget, premitque hasta fugientes. Ubi toto agmine ad radices est ventum, hostes, cum nec fugere possent, nec in ordinem redire, densissimum in globum collecti, ferientium ictus excipiebant. Ingens enim densata multitudo quoddam quasi robur, ac molem, qua se ipsa tueretur, effecerat, paucique, conuersi in frontem, pro loci angustius resistebant. Actum erat, si pedites praelio intervenissent. Iam hastas confregerant BRACHIANI, & tanquam ad saxum ictus incussi, non sine hostium magna strage, militem fatigauerant. Inter haec Michiletus, unus ex Reginae ducibus, ubi videt, spem fugae sublatam, & hostilem peditatum montis iugo inhaerere, oppositis in frontem paucis delectis equitibus, reliquos hortatur, ut paulatim sese in ordines laxarent, crebrumque peditem, qui eorum ilia suffoderent, repugnantibus intermiscet. Inde futurae cladis initium fuit, undecies centena equorum tergora post conflictum Aquilam reportata traduntur. Tot simul suffossis equis, quingentos delictos milites aliquanto circumuehi interval-

Dd

lo,

Crebri Aquilano-  
rum ad  
Regiam nunti-  
cii.

procella evulsa suis sedibus, tabernacula, qua flatus corripere, dissiiciebantur. Multis remedia fuere, ingenti trabe confecta, tuguria. Sylvarum namque ac nemorum nulla plaga feracior. Denique per omnia difficillima itum est. Nam & in castris quoque, si non eadem, quae civium, gravis tamen, fames sentiebatur. Aquilani, crebros nuntios significantes, quantis in rerum omnium difficultatibus atque angustiis versarentur, ad Regiam emittebant, orantes, ut undecimum iam obsessis mensem auxilium mitteret, nec vexari, oppressum pro sua fide, populum, diutius pateretur. Quae natura sustinenda docuisset, directiones agrorum, incendia villarum, defectiones vicorum, frigus, inopiam, egestatem, denique difficillima, quaeque, fortissime esse perpeffos. Unam famem, etiam si ferre ipsi cupiant, natura tamen intolerabilem omnibus esse mortalibus. Iam eo ventum, ut insueta, vel barbarorum cibus, animalia, pro deliciis haberentur. Quod exemplum daturam ceteris, si Aquilanos deseruisset? aut quos hostilem impetum repressuros, quos iter in intimum Regnum impedituros, si Aquila potiretur hostis? Quod si nihil tam spectata fides moveat, hoc illa cogitaret, qua die hosti ea civitas cessisset, totum e vestigio Samnium defecturum, fauces atque aditus Regni libere admissuros hostem, nec ulla claustra, aut obstacula, tam bellicosam & ante eum diem in-

invictam gentem esse retentura. Repeteret superiora bella, quam brevi amissum Regnum idem Dux, idem exercitus, in fidem redire compulisset. Non seigniorum nunc illum hostem futurum, quam olim fuisset amicus, nec tardius erepturum ei Regnum, quam paulo ante amissum recuperasset. Proinde uteretur fortuna sua, quae hostilem furorem tot iam menses circa unam urbem continuisset, nec, dum inde victor erumperet, certam, & imminentem Regno suo, cladem expectaret. Regina, interea precibus ac metu sollicitata, simul Aquilanis ad tolerandum obsidionem non publice solum, sed etiam privatim, confirmationis per litteras, civium animos hortabatur. Simul ad Pontificem & Mediolanensem Legatos ad auxilia petenda dimiserat, & Sfortia quoque, inagno interea comparato exercitu, cum externam expectare opem necessitudo minime pateretur, iussus est, quibus posset viribus, in Samnium proficisci, aut ad removendum obsidione hostem, aut, si id non posset, ut sociorum copias, ad Aternum amnem positis castris, opperiretur, statimque, ubi convenissent, universis viribus belli discrimen adirent. Qui, ubi ad Aternum pervenit, inter flumen & mare, cetero transmissio exercitu, ipse quoque traiecerat amnem. Sed eius scutarium adolescentem, quamquam robusto invecum equo, cum paululum infra vadum declinasset, ra-

Huius ad Pontificem & Mediolanensem Legati.

Sfortiae ad Aternum miser exitus.

pidus corripuit vortex. Huic opem laturus, conclamat Sfortia. Sed tarde accurrentibus aliis, ipse equum reflexit in vadum, ut resurgentem coma deprehenderet. Sed vel lubrico solo una cum equo delapsus, vel praecipiti correptus amne, nusquam postea nec visus, nec inventus, est. Hunc fortissimo & bellicosissimo Duci fata dedere exitum: Milites, amisso Duce, cum planctu atque ululatu littora complevisse, tandem compresso gemitu, ac diu nequicquam de fortuna conquesti, pedem retulerunt, non ausi hostium castris appropinquare. Tanti viri casus, nisi fortuna, quae plurimum potest, aliud iam destinasset, flectere Aquilanos ad deditionem potuit. Sed, caecae odio & desperatione, hominum mentes, ipsos etiam ad mala clauserant oculos, veluti callo duratis membris, vix ulli, quamvis graves, ictus, vulneraque sentiuntur. Igitur cives, ubi de interitu Sfortiae, & exercitus discessu, cognoverunt, parati, si opus foret, ad ultima subeunda, taciti vix iam aliunde opem expectabant, & desperationem, gravius aucta, fames urgebat. Tertium decimum obsessi mensem, quicquid erat frumenti publice privatimque, totum fere consumserant. Paulum, quod superfuerat, viri timidi dividi placuit. Subductis tamen cibariis iis, qui per aetatem arma ferre non possent. Nam equis vesci iam pridem coeperant, nec foedis, & quae natura aspernatur

Maximae Aquilanorum angustiae.

tur, animantibus abstinebant. Tandem, habita totius annonae ratione, vix superesse quindecim dierum alimenta, etiam parcissime distributa, comperiunt. Tum durissimum videtur, imbecillam plebeculam urbe depellere, multo tamen durius, miseri, & fame pereuntis, vulgi mane vesperique audire querelas. Placuit conquisitoribus & praefectis annonae, hac de re publice referre ad populum, ut vel provideretur ante tempus, vel, si id non posset, fortius, quae essent praecogitata, perferrent. Civibus in consilium vocatis, decernitur, ut iterum nuncius ad Reginam mitteretur, ut sciri posset, quid spei superesset, miserae civitati, simulque, ut significarent, quantis in angustiis versarentur, & quamdiu perferre obli-  
 dionem possent. Ad Nonas lunias durare annonam. Si ad id tempus auxilium non mitteretur, Aquilanos non perfidia, sed ultima fame, desecturos. Hoc accepto nuncio, Regina, omnem cunctationem reiiciendam, exilimans, mittit, qui a Pontifice & Mediolanense poterent auxilia, docerentque, quanta celeritate opus esset, ne hostis opulentissima potiretur urbe. Mittuntur undique auxiliares manus, & veluti ad communem hostem delendum, omnis prope armatur Italia. Et tamen cunctis par unus fuisset, nisi vel nimiae gloriae cupiditas, vel, quod magis putaverim, mutata fortuna consilium in temeritatem converis-  
 set. Iam hostes, su-

Novus ad Reginam missus nuncius;

Novique huius ad Pontificem & Mediolanensem Legati.

Adventant auxilia.

ribus, interfuit. Hanc BRACHIVS ob-  
 tulendam aqua, stagnandamque curaverat,  
 ocluso tria millia passuum infra eum lo-  
 cum multa obice atque aggere fluminis  
 ostio. Quam rem angustiae montium fauces,  
 quas flumen perstringit, haud sana difficil-  
 em faciebant. Id eo factum consilio, ut,  
 fatigati atque in acie obfisti, hostium equi,  
 pedes inde tollere nequeunt, altoque im-  
 pediti stagno, medio deficerent praelio. Nam  
 suorum equi multo erant robustiores & quie-  
 te, & pabulis. Futurum quoque putabant, ut  
 aut incognitam loci faciem hostis exhorre-  
 ret, aut, imperitus locorum, in ipsum flumi-  
 nis conderet alveum. His peractis rebus, Caduceato-  
 rem ad hosti-  
 um castra mit-  
 tit,  
 Si transire  
 montem vellent, ac praelium committere,  
 nihil impedimenti, quoad omnes apertum  
 in campum descendissent, accepturos. Scire  
 se, non committendi belli, sed urbis sup-  
 plendae, causa tantas copias adventasse. Scire  
 etiam, non amplius octo dierum alimenta  
 civibus extare. Illud existimarent, non se  
 tot mensium operam uno momento tem-  
 poris importando frumento perditurum.  
 Committendum esse praelium. Si opitulari  
 obsessi vellent, non aliter, quam victoris,  
 frumentum inmissuros. Proinde irent, quo  
 necessitudo impelleret, & hostis benignita-  
 te sequissimum in locum descenderent. Ha-  
 bere

Caduceato-  
 rem ad hosti-  
 um castra mit-  
 tit,

Si transire  
 montem vellent,  
 ac praelium committere,



bere se compertum de eorum numero, nec  
 ignorare, triplo maiores copias in hostium  
 castris esse. Confidere tamen militum invi-  
 cto robore. Utcunque futurum esset, non al-  
 liter inde, quam aut victum, aut victorem,  
 abiturum. Caduceatori responsum ab ho-  
 stium Imperatore, tum demum venturos in  
 praelium, cum sibi libuisset, nec alieno per-  
 missu, sed arbitrio suo, descensos in  
 campum. Non eo esse animo, ut pu-  
 gnare vellent, detrectare. Ceterum non  
 eadem dicebat hostis, quas sentiebat.  
 Bellum enim, nisi coactis, capere prohibi-  
 tis, omnis erat importandi frumenti cu-  
 ra. Hac re pertransugas cognita, BRACHIVS,  
 ceteras montium fauces atque angustias  
 occupaverat, ut hic unus relictus  
 aditus in patentem campum, mersumque  
 flumine planiciem hostes ederet. Quintus  
 iam abierat dies, cum hostis omni alia in-  
 terclusa via, ad supremum montis se in-  
 gum ostendit, ratus, quod posset fuit. BRACHIVS  
 nimia magnitudine animi, quod  
 erat per caduceatorem pollicitus, univer-  
 sas copias expectaturum, nec ante consige-  
 re coepit, quam structae forent ad pla-  
 niciem acies. Igitur paulatim turmae per  
 montis devia praemissae, donec omnem  
 exciperent equitatum, expectare ad radices  
 iubentur. At BRACHIVS, ubi descen-  
 dere equitem videt, manu equos longo la-  
 psu per praecipitia trahentem, pediatum  
 omnem ad occupandas angustias, mittit.

iuf-

Cui ab Impe-  
 ratore iactan-  
 ter responsum.

Hostium pau-  
 lo propior ac-  
 cessus,

iussu, ut descendentem hostem nihil impediret, nec, nisi dato signo, etiam si profligatum se viderent, eo loco discederent, relinquenti locum capitis poena proposita. Iam aliquot hostium agmina ad infimas radices devenerant, ibique sese componentia, venientem paulatim militem excipiebant.

Quod ut videre BRACHIANI, ii praefertim, quorum autoritas plurimum posse debuerat, clamant, ut impetum in paucos faciant, antequam ceterae copiae convenirent, simulque pediti signum daretur, ut subter euntes, superne adorti, vel saxis opprimerent, facile hoc modo quod iam descendere coepissent profligatum iri contententes, certamque illam, non fortuitam, esse victoriam. Stultum esse, ubi ratio belli valeat, id in fortunae temeritatem devocare. Saepe clamasse hoc ductores feruntur, tum maxime, cum maiorem hostilis exercitus partem descendisse, & reliqua per ipsa dorsa montium longo defluere ordine, conspicarentur, nihil magis, quam tantam multitudinem, veriti. BRACHIVS semper

Brachiano-  
rum consili-  
um,

idem respondisse traditur, aut moriturum eo praelio, aut hostes ad unum debellaturum. Credo, trahentibus ad cladem fatis, qui semper alias suorum usus consilio, nec militum tentavit, aut incendit, animos, nec in manifesto discrimine consulentium clamorem exaudivit, vel quod nimium virtute militum & loci aequitate confideret, vel, quod magis

Brachio re-  
iectum.

Tum BRACHIVS signum dat ceteris cohortibus, ut, quanto possent impetu, mediam in pugnam se conicerent. Dant illi sese in confertam aciem, nec tulere impetum hostes, sed, perturbatis ordinibus, ad radices montis, qua una patebat via, fugientes se recipiebant. Instat a tergo BRACHIANVS, urget, premitque hasta fugientes. Ubi toto agmine ad radices est ventum, hostes, cum nec fugere possent, nec in ordinem redire, densissimum in globum collecti, ferientium ictus excipiebant. Ingens enim densata multitudo quoddam quasi robur, ac molem, qua se ipsa tueretur, effecerat, paucique, conversi in frontem, pro loci angustius resistebant. Actum erat, si pedites praelio intervenissent. Iam hastas confregerant BRACHIANI, & tanquam ad saxum ictus incussi, non sine hostium magna strage, militem fatigaverant. Inter haec Michiletus, unus ex Reginae ducibus, ubi videt, spem fugae sublatam, & hostilem peditatum montis iugo inhaerere, oppositis in frontem paucis delectis equitibus, reliquos hortatur, ut paulatim sese in ordines laxarent, crebrumque peditem, qui equorum ilia suffoderent, repugnantibus intermiscet. Inde futurae cladis initium fuit, undecies centena equorum tergora post conflictum Aquilam reportata traduuntur. Tot simul suffossis equis, quingentos delectos milites aliquanto circumvehi interval-

Dd

lo,

lo, & a latere impetere iubet hostium aciem. Eorum impetum ut exciperent BRACHIANI, pauci se in frontem convertere. Sic ancipiti praelio, non tamen inferiores erant, nisi quod equos passim hostilis pedes fodiebat. Inter haec Nicolaus Picinus; quem ad portas urbis relictum dicebamus, cum his, quibus praeerat, cohortibus, magno cursu in confertissimos hostium perumpens cuneos, pervolavit, incertum, praedae cupiditate, victos hostes arbitratus, an ut fatigatis opem integri militis ferret. Haec res, ut hostem primum contemnit, ita postea perniciose BRACHIO fuit. Primus impetus ad repellendam perturbandamque, paulo ante repositam, aciem satis efficax, & fugam moliti hostes forent, si qua profugium patuisset. Sed imminente hinc iugo, inde flumine, aut pugnare cum hoste a fronte, aut cadere imbelles, oportebat. Nec ducibus consilium deerat, uno totius exercitus globo impetum urgentis excipientibus, hortantibusque ad suffodiendos equos peditem. Dum haec in acie aguntur, cives, qui iam ab initio pugnae cuncti sese armaverant, ubi excessisse hostium praesidium, obistereque neminem vident, ingenti numero totis bipotentibus erumpunt portis, nec viri modo, sed foeminae quoque, hastis, dolabrisque armatae, multitudinem terribilem faciebant. Sex millia fuisse traduntur, qui, magno per colles veluti sylvarum fragore dela-

delapsi, omnia pulvere clamoreque complebant. Inde aucti animis hostes, perterriti BRACHIANI. Nec tunc quidem pedtatus in praelium a monte descendit. Retulit mihi Paggius, vir manu strenuus, nunc etiam aetate venerabilis, qui bello interfuit, & Ducis a latere nunquam discessit, saepe BRACHIVM pediti signum, quia tuba non poterat, manu voceque dedisse; sed clamore praeliantium, & in nubem exurgente pulvere, neque enim flagno pugnabatur, pedites signum non percepisse. Atque ita, ut erat imperatum, nunquam eo discessisse loco. Additque, paulo ante quingentos ex iis, cum, premi hostem, e iugo despicerent, ad praedam defiluisse, direptisque extremis impedimentis, ne fraudi res foret, in montis se culinen ad expectandum signum recepisse. Aquilanorum adventu ingens eorum facta caedes. Anceps erat malum. Si militem premerent, civis a tergo, stricto paratus mucrone, hastaque intentata, feriebat. Sin, in civem conversi, militi dedissent terga, rediissent agmina universa in ordines, circumvenissentque fatigatos. Equi passim interea cadebant. Erat hoc virtutis, contentis cum fortuna, spectaculum, paucos equites tot millibus hominum pares esse, atque in media, ut erant, pugna locum sibi late gladio facere. Nam hastas iam pridem in fugientium confregerant terga. Dux ipse per mediam aciem, mediaque tela, sublimis

miser flebilis-  
que exitus.

Captus Bra-  
chius,

equo circumvectus, simul gladium stringere, simul voce manuque hortari, accendere, & unumquemque nomine appellare, cernebatur. Sed trahunt quemque sua fata: nec semper virtuti fortuna succumbit. Ventum erat in confertissimum exercitus robur, in mediamque signorum aciem BRACHIANA illata signa pervaserant, cum circum-euntem & hortantem suos, sunt etiam, qui dicant, milites, coepta iam fuga, sistentem, gregarius miles medio gutture vulneravit. Inde lata facta consternatio, caesum imperatorem existimantium. Laxat totas habenas, consternatus, in fugam eques. Fusi dissipatique, nunquam antea victi, BRACHIANI. Dux ipse, caedendo resistendoque, multis confossus vulneribus, vivus quidem, sed non multo post ab plagis moriturus, capitur. Victor, ex infima plebe miles, ignotum ante id tempus caput, ad hostium imperatorem invectum, ut erat, equo deduxit. Ille, vicissitudinem rerum humanarum contemplatus, miseratione quadam, & lacrymis, partam ex victoria laetitiam, temperavit. Exemptum equo, & intra tabernaculum subductum, benigne, aut non audientem, aut audire nolentem, est affatus. Sed ne unum quidem elicere quisquam potuit verbum, vel quod alte descendentes mortiferae plagae vim omnem sensumque exhausserant, vel ut, quoniam fortuna victum corpus in potestatem hosti tradidisset, animum sibi invi-

invictum ipse retineret. Acciti undique medici, qui, magnis propositis a victore praemiis, nihil intentatum dimiserunt. Sed, destitutus ad mortem, animus omnem medicamentorum opem respuebat. Quippe totum triduum sine cibo, sine potu, mutus, cum egisset, incertum, vulneribus, an inedia, est extinctus, anno aetatis sexto & quinquagesimo, superstiti adhuc matre. Nec quicquam hostis, praeter elingue corpus, habuit in potestate. Et medici, vivere posse, praedixerant. Hic exitus fuit viri, nunquam, nisi in morte, superati, nec tunc quidem ante capti, quam vulneribus multis confossi.

triduo post  
moritur.

Qua in re, mutata iam pridem fortuna, plurimum obfuit, primum, quod magnam exercitus partem in auxilium Florentinorum iniquo suo tempore dimiserat. Deinde hostes, carpere singulos cum potuisset, universos expectans. Peditatus opera non est usus, qui, si praelio interfuissent, & dissipassent procul dubio fugatum hostem, nec resistendi compotem fecissent, & equos ipsi quoque hostium suffodissent. Postremo quoniam, qui praesidio ad reprimendam civium eruptionem erant dimissi, iniussu Ducis, an spe praedae, aut pugnae errore, loco abierunt. Sic fuit non solum cum milite a fronte in castris, sed etiam cum urbanis praesidiis, civilique multitudine, a tergo, uno tempore dimicandum. Ioannes Ursus facit, se, cum hoc bello, postea dixisse fertur.

Causae cladis  
Brachinae,

atque praesidio.

lum gereretur, Praetorem in Piceno fuisse, venisseque Asculum, stipatum frequenti populo, virum, natu grandem, promissa & cana barba, Mathematicum, & praesagium rerum futurarum profitentem. Hunc a se rogatum, essetne victor futurus BRACHIVS Aquilano bello, si hostes ad praelium venissent? Quaesisse ad cogitandum tempus, postridie vero, ad tribunal reversum, respondisse: Si Dux ipse bello non interesset, victorem futurum BRACHIANVM exercitum. Sin, praesente Duce, configeretur, minari stellas, superiorem hostem. Quae res, ut ante pugnam neglecta, ita postea eventui rei, & omnium iudicio, est comprobata. Nisi enim prohibitus esset miles, descendentes in convallem, hostes carptim profligasset, cepisset, usurusque in pugna fuisset etiam peditatu. Erat in hostium castris gregarius, & infimae fortunae, miles, qui, post factum Perusiae tumultum, pulsosque seditionis autores, in auxilium ultro cum plebeiis exierat. Hic, se per somnium vidisse, aiebat, BRACHIVM, sublimi equo circumvectum, magnam caedem hostium edere, cum vero ad se interficiendum vibrasset ensen, repulisse statim, atque obliquo vulnere medio illum gutture traicisse, pauloque post ad pedes iacuisse mortuum. Id se iterum, id tertio, videri vidisse. Autor erat non satis certae fidei. Ceterum res ipsa somnium probavit. Quippe media in pugna



gna hortantis, fissentisque militem, voce cognita, imminens iugulo, cum sequeretur, primus omnium, mucrone primum gñitur, deinde cervicem, exhaustit. Tradunt, Legatos Perusinorum, in castris cum adessent, & hostium audirent adventum, fando aliquid, ut assolet, quacuisse a Nicolao Picinino, quid ei futurum ex hoc bello videretur? Illam, secum cogitandum, diu haesisse, respondisse tandem, omnia sub fortuna esse, nec se diffidere de militum virtute, aut Ducis animo, neque tam hostium terreri numero, quam vereri, ne, invidia diuturnae felicitatis, fata cursam eius imperatoris abruptum statuissent. Id se ex coniectura videri conicere. Mutatos esse subito imperatoris mores. Ex leni & comi durum ac morosum factum. Consilia veteranorum militum, quibus ante id tempus uti plurimum consuevisset, aut prorsus contemnere, aut reicere, salutaria, & deteriora perniciosioraque deligere. Paulo ante, etiam in mulieres, inauditum facinus, citra belli iura, & eius consuetudinem, esse saevitum. Fortunam primum ingenia mortalium, deinde opes, evertere consueisse. Utcunque res fuit, praecipuum tamen spectatae, & nunquam antea subactae, virtutis spectaculum. Pugnatum est atroci praelio, septem continuis horis, & a duobus millibus duodecim-milia ad montem usque fugata reiectaque. Non modo cum virtute ab hoste, sed etiam cum

fugae desperatione, pugnatum. Nec ante superatus miles, quam vulneratus imperator, & ad paucitatem equorum redactum certamen, Undecies enim centum, ut dicebamus, tergora equorum in urbem relata. Illo mortuo, totis castris secutum silentium, quasi plus esset in amisso doloris, quam laetitiae in capto. Eius milites, qui aut bello superfuerant, aut ab hostibus erant dimissi, plerique, facta potestate, spirantem adhuc consolandi gratia adierunt, remotisque arbitris, ut vocem tolleret, utque cibum caperet, hortati, nihil profecerunt. Nec ullum in Ducem tantus militum amor. Illi tabernaculum hostis, noctu, moecli acciti, perlustrare, illi interdum, facta, quoties vellent, potestate, frequentes ad lectum perflare, tangere, intueri, suspirare, cernebantur, & , ubi tabernaculo excessissent, obvoluto capite, plorantes, nulli non hostium lacrymas excutiebant. Duces omnes, memores rerum humanarum, fortunam, ut praelio benignam, ita exitu nimis malignam, criminantes, morientem circumsteterunt, primique e tabernaculo, lacrymas ac voces tenere nequeunt, ad militem exiere. Tum vero late se afflictorum voces ad coelum iactari coeptae, gemitu exulantium completa loca, nec quisquam ex eius exercitu, eorum, qui aliquem ordinem, aut dignitatem, gessissent, qui non barbam, capillumque promiserint, vestesque prociderint, plerique

Brachianorum  
erga suum  
Ducem fides.

Eorumque pa-  
riter ac ipso-  
rum hostium  
loctus.

rique, tanquam ultima sortiri rerum humanarum, militia perstiterunt. Corpus, iussu Pontificis Romam delatum. Sed paucis post annis Nicolaus Fortebrachius, cum Romam, & ipse veluti devotum huic familiae, pulso inde Pontifice, occupasset, colligenda patris ossa, & Perusiam deportanda, curavit. Perusini, non immemores acceptorum beneficiorum, exequiis, Christiano more, publico luctu, funebrique pompa, celebratis, ultima Diis Manibus persolverunt. Ossa sublimi ac dignissimo templi loco reposita fuspiciuntur. Et, ne quid latere posteritatem posset, tumulo in summo templi fastigio substructo, signa militaria, & aurei torques circumpendentes, memoriam & Ducis, & Principis, gratissima in patria testantur.

Corpus primo  
Romam,

post vero Pe-  
rusiam dela-  
tum,

dignissimo  
templi loco  
fuit repositum.

F I N' I S.



IOAN.

IOANNES ANTONIVS  
CAMPANVS CAROLO FOR-  
TEBRACHIO, IMPE-  
RATORI, S.

Scriptio-  
nis  
causa.

**M**itto ad te parentem tuum, non linea-  
menta solum, atque articulos, qualis  
e pictorum manibus prodire solet, effin-  
gentem, sed loquentem, pugnantem, & nunc  
tandem excitatum ab inferis, in hanc de-  
mum ad te lucem exeuntem. Amplissimum  
profecto munus, quo quidem ornatus for-  
tasse, certe maius nec ipse tibi dare, nec tu  
a quoquam accipere, potuisses. Nam de  
tyis gestis, quanquam magna sunt, post te,  
qui erunt superstites, iudicabunt. Viventi  
raro gloria sine adulatione, aut invidia,  
contingit. Morienti neque invidetur un-  
quam, nec oculi assentantium unguibus  
effodiuntur. Tu modo iuniter, ut facis,  
parentis tui vestigiis. Non deerunt, qui es-  
fugere tecum caducam mortalitatem co-  
nabuntur. Quod ego mihi cum parente  
tuo spero fecisse, ut pari cursu ille gestorum,  
scriptorum ipse, contendisse ad immortalita-  
tis spem videamur. Qua in re, cum non nihil  
mihi fortasse debeas, plus tamen Petro  
Ioanni nostro, tui nominis ac generis a-  
mantissimo, debebis. Ille me, ut hoc scri-  
bendi munus susciperem, hortatus est. Il-

Adhortatio  
ad Fortebra-  
chium.

le cuncta, ut explorata nobis, compertaque forent, indagavit, iacentemque parentem tuum, & iam multos exemtum annos, suis una mecum manibus excitavit. Tu vero hanc Epistolam simul cum opere transcribendam nemini dabis, ne, quod ipsi non fecimus, nimis amice scripsisse historiam videamur.

Vale.

IOANNES ANTONIVS  
CAMPANVS ODDONI  
SVO S.

Fateor, hominem me esse fortunatum, qui, Singularis Campani laetitiae,  
cum ineptiolas meas ad clarissimum Ducem, Carolum Fortebrachium, deslino, iudicem te habiturus sim, cuius iudicio reprehendi res meas, quam aliorum laudari, malim. Spero, te id in primis cogitaturum, modestia,  
non omnes Senecas esse posse, &, si quid est in me, vel artis, vel ingenii, te, tanquam Roscium e summo theatro, primam hanc meam actiunculam spectaturum, puerilem illam quidem, sed hoc magis venia dignam iudicandam, quia puerilem. Qua in re, quanto potui studio, conatus sum sic servare historiae dignitatem, ut magnitudini gestarum rerum orationis amplitudinem accommodarem, &, quae magnificentius gesta

studium,

sta

contentio.

sta forent, ea & gravius, & illustrius, explicarentur, cetera pressius iacerent. Orationes etiam plenas spiculis, non illis oratoriis atque forensibus, sed quibus historia, tanquam in acie, communis uti consuevit. Sed quid haec tecum? Vide, corrige, emenda, & Campani tui sic tuere dignitatem, ut e tuis manibus laudatus, & emendatus, exeam.  
Vale.



IOAN.

IOANNIS ANTONII  
CAMPANI,  
EPISCOPI APRUTINI,  
VITA PII II,  
PONTIFICIS  
MAXIMI.

MICHAEL FERNVS ME-  
DIOLANENSIS, B. DIAC. CARD.

REVERENDISSIMO, EX BONA  
AVGVRATIONE.

*Si quid unquam a Diis immortalibus  
petii. Pater Reverendissime, in quo mi-  
hi deus optatum esse censeam: id in pri-  
mis fuisse cognosco, cum illi a me rogati  
fuerunt, ut mihi, quando vitam meam, stu-  
dia mea, actiones omnes meas, meos omnes  
cogitatus, tibi vovere, tibi dicare possem, oc-  
casionem praestarent. Nondum mihi prope,  
quid esset Roma? quanta vestri Senatus  
gloria? quae vitae urbanae ratio? ni-  
hilum erat, cum divinae virtutis tuae clari-  
tas aures meas circumsonabat, & me ad ta-  
citam quandam in te devotionem excita-  
vit. Porro ubi ad hanc vestram, Terra-  
rum Dominam, Urbem fata me perpulere.  
ec animo, te oculis, semper ita contemplatus  
sum, ut non maiore cultu & reverentia  
quodpiam numen venerari, & observare,  
potuerim. Cernebam, quanta in te patriae  
nostrae sita esset gloria? qua prudentia,  
qua dexteritate, qua omnium benevolentia,  
apud Illustrissimum & Reverendissimum A-  
scanium, cui totum te dederas, sublimia &  
excelsa natus ad imperia gubernanda, cun-  
cta administrares. Et non iam conicere  
modo hunc amplissimum in te dignitatum  
fasti-*



*fastigium, sed intueri prope, & suspicere, videbar, cum te tua divina virtus vel invitum ad aliud extolleret. Praestantissimam virtutem tuam, prudentissima gesta omnia, altissima consilia, palam in omni sermone praedicabam, literis mandabam, in omni hominum congressu tuam gloriam, tuam ingenii sublimitatem, mores integerrimos, asserabam. Et iam nemo in tota fere Urbe fuit, qui meum in te studium, meam in te devotionem, & non admiraretur, & non obstupesceret. Haec quanquam non obscuris iam pridem potuissis te argumentis nosse. cogitarem, nec me lateret, viros summas apud te autoritatis id saepe tibi testator fuisse, unde spem tua mihi humanitas eam fecerat, ut de te mihi polliceri possem, quae de quocunque optimo & beneficentissimo Principe: non ego tamen conquiescere animo posse videbar, donec meum hoc in te studium & observantiam insigni quoquam munere, & memorando, tibi posterisque manifestum facerem. Cui desiderio cum nihil satisfacere magis posse, quam literaria monumenta, ducere: ex omnibus, quae olim Campanus, ille Antistes Teramianus, vir unus multorum memoria seculorum in his liberalibus studiis, & dicendi gloria, summus, &, quae edenda ego, illius ingenii captus amore, suscepit, conscripsit, operibus Pii vitam II. Pontificis Maximi, viri in literis & imperio gloriosissimi, quam tuae dignationis*

*tioni dicarem, delegi: paruum sane opus, sed Pii ipsius gloria & splendore omnium, quae ediderit unquam, amplissimum, & in quo cum admiratione coelestis ingenii, fortunae felicissimae, rerum ab illo gestarum magnitudinis, tui etiam imagine quadam, & futurae felicitatis faustissima auguratione, summam delectationem possis accipere. Equidem cum omnes illos veteres percensco, magna illi quanquam impleverint volumina, quem huic vel literis, vel in imperio gubernando, conferam, plane ex omni Graecia, atque nostra hac Romana Urbe, virorum praestantissimorum uberrimo seminario, neminem habeo. Neque puto, Campanum, alioquin virum sacundissimum, & qui nisi grandia strueret, neque nisi grande aliquid & eximium illius manibus, tam de se bene meriti, deberet, sine consilio, & exacta ratione, tanti viri vitam & res gestas in tam angustum libellum coegisse, quasi illa spatiosa volumina plus ostentationis ingenii, quam veritatis, habeant, & fidei. Et Pii vita exemplaris, & nobis, tanquam formula, semper ante oculos habenda, in latera historiae campos diffundi non debuit, quae longae lectionis caedio pernosci non posset. Quam ob rem & tu, Pater amplissime, operis exiguam tam despicere non poteris, quam non debebis, quandoquidem & nostri, in literis non animi magnitudinem solere, sed auctoris eruditionem, & rerum, quae continentur, dignitatem spectari. Et facile  
 co.*

cognoscis, potuisse me ingentes librorum fascēs tibi dicare, verum non quaesivisse me ostentationem, & strepitu laudum occu-  
pari tuam in me benevolentiam, at quidem  
geniali opusculo augurium, quaedam & ar-  
cana praesagia, pro votis & cupiditate pro-  
tendere. Et spero equidem, ubi omnia e-  
volveris, nihil me tibi gratius dare, nihil  
convenientius, potuisse, fatebere. Nam quid  
a me tibi optabilius dari poterat, quam eius  
tibi vitam inspiciendam proponere, in quo  
quandam prope tui imaginem, tanquam in  
speculo, posses introspicere? Quando enim  
mecum Pium illum contemplor, illius fortu-  
nae primordia, gentilitia signa, res gestas,  
animi magnitudinem, Principum benevo-  
lentiam, Deorum, hominum, beneficia, tan-  
tam in te cum illo paritatem invenio, quan-  
ta non possum ubi admiratione desistere. Ar-  
dens utrumque & vivida virtus ad prae-  
clarissimos honores evehit. Eadem utrique  
coeli sidera praefulsere. Utinam sic cete-  
ra augurio respondeant, ut, quos luna ea-  
dem coelesti agnatione illustret, iidem Prin-  
cipes excoluerunt, par hominum benevolen-  
tia complectitur, eisdem quoque ad paria  
dignitatum culmina fata perducant. Co-  
luit Pium, & veneratus est, usque adeo glo-  
riosissimus Princeps noster, Sfortia Franci-  
scus, ut nulla maior inter Pontificem & u-  
num Principem benevolentia, & mutuae ca-  
ritatis observantia, extitisse perhibeatur. Te  
quantum & inclutus Dux Ludovicus, &

Eo

excol-

PII II. PONT. MAX.  
PER IO. ANT. CAMPA-  
NVM, EPISCOPVM APRU-  
TINVM, VITA.

**P**ius Secundus originem duxit ex Sena, Pii II. origo;  
celebri Tuscorum urbe, familia Pic-  
colominea, nobili ac pervetusta, pa-  
tre Sylvio posthumo, qui aliquando milita-  
res duxit ordines, matre Victoria, aequè  
nobili, & foecunditatis eximia, foemina;  
quippe duo deviginti, & ex iis gemellos  
aliquot, puerperis edidit. Natus est quinto  
decimo Cal. Novembris Corfiniani, quod  
oppidum duo & viginti millia passuum di-  
stat a Sena, in fundis gentilitiis; quo pa-  
rentes paucis ante annis se receperant, stu-  
dio partium a plebe deieci. Nomen pue-  
ro Aeneae Sylvii inditum in memoriam  
avi. Prima rudimenta Corfiniani peregit  
admodum puer. Senae propinquis com-  
mendatus celeriter, & in Poëtica, & in Ora-  
toria, profecit. Ius civile sero amplexus, &  
lente, brevi omisit, natura ad Poëticam in-  
clinatiore. Initia famae ex rhythmis com-  
paravit, Hetrusca lingua editis. Mox, ora-  
tione & versibus laudari coeptus, multa scri-  
psit, ad aemulationem aequalium: inter  
quae & leviusculae quaedam fabellae cum  
excidissent, aliquando postea suppressere

Nomen & stu-  
dia admodum  
pueri.

Primum eius  
perdifficile  
Basileam iter.

copatus minime potuit, Italia tota pervul-  
gatas. Pertaeſus rerum domesticarum, ſi-  
mul & quaerendae gloriae cupidus, Baſi-  
leam, Helvetiorum urbem, contendit; quo  
in loco, diu antea indiſtum, concilium tunc  
adverſus Eugenium Pontificem habebatur.  
Itinere obliquo & perdifficili, propter or-  
tum cum Florentinis finitimis bellum, quo  
metu navigaturus ſecundum tractum Ligu-  
ſtici litoris, cum Populonia ſolviſſet, adver-  
ſam incidens tempeſtatem, Corſica omni,  
ac Sardinia, vi ventorum circumaſtus, in  
Lybiam uſque propellitur. Revertus in  
Liguſticum pelagus, & expoſitus in conti-  
nentem, cum diverſoria deeſſent, taedio re-  
rum nauticarum, & recenti periculo terri-  
tus, pernoctare ſub dio, quam redire ad na-  
vem, maluit. Reliquum iter per Genuam  
atque Alpes egit. Baſileae quidem haberi  
in pretio, & ſalutari, ob ingenium coepit.  
Sed rebus minus, quam ſperaverat, ſucce-  
dentibus, in Italiam reverſus eſt. Nec diu  
perſiſtit, ſecutus Eugenii Legatos, repetita-  
que rursus Baſilea, Coloniam Agrippinam  
ſecundo Rheno adnavigavit; brevique ibi  
commoratus, deſcendit Attrebatas, Belga-  
rum urbem: quem in locum Gallorum  
Regni Britannorumque convenerant. Hinc  
ulteriorem in Britanniam, nunc Scotiam,  
miſſus ad Regem, adverſus citeriores Bri-  
tannos, qui paci adverſabantur, ſolicitand-  
um. Ad Calexium ingreſſus oceanum,  
gra-

Moxque do-  
mum reverſi  
alterum eius-  
dem Baſileam;  
hinc per Ger-  
maniam &  
Belgium,

in Scotiam,  
uſque protra-  
ctum iter.

gravi exorta tempestate, pene demersus, ex  
 cursu a nostro coelo in intimum oceanum  
 perpulsus, duodecim dies ad casum navi-  
 gavit: reiectus tandem in Britannicum lit-  
 tus, agnitusque a regiis speculatoribus, ac  
 prohibitus ulterius progredi. Reménsiendo  
 quoque oceano, duas subivit tempestates,  
 quarum altera, dum Scotiam petit, in Nor-  
 vegiam pellitur. Ex eo loco delatus in  
 Scotiam, perpéllere quidem ad bellum Re-  
 gem non potuit; effecit tamen, ut Lega-  
 tos mitteret, qui de pace agerent, & auxi-  
 lia Britannia deinceps non administraret.  
 Ipse quoque duobus asturconibus donatus  
 a Rege est, unione adiecto, quem mari de-  
 sinaret. Hac in insula, votis solvendis, quae  
 inter fluctuum aestus virgini matri nuncu-  
 paverat, initium eius morbi contraxit, qui  
 dolore articulorum permanfit ad vitae exi-  
 tum, glacie decem millibus passuum nu-  
 dis pedibus ad sanum usque calcata, ut redi-  
 re in oppidum non aliter, quam lectica,  
 potuerit. Scotia decedens, non ausus pa-  
 tenti se committere oceano, habitu merca-  
 toris reperta Britannia, regios speculatores  
 astu elusit. Basileae XII Viris, qui conven-  
 tui praerant, cooptatus, concilium ut Papi-  
 am traduceretur, frustra suavit. Italis Flo-  
 rentiam, Germanis Virmiam, Gallis Avini-  
 onem, praeferebant. Munia curiae obi-  
 vit fere omnia. Primum scriba, mox ab-  
 breviator maior, designatus, postremo & in-

Basileam ter-  
 tium reversus,  
 varia obiit  
 munia,

variasque legationes.

ter deputatores conscriptus, etiam epistolis conciliaribus praefuit. Legationes, praeter Scoticam, quam diximus, eo in loco novem suscepit: ad Argentinenfes tres, ad Constantinenfes duas, ad Francfordienfes totidem, ad Allobrogas, & Tridentinos Rhetios, singulas. Profectus etiam in Noricos ad Albertum, Caesarem designatum, brevi apud eum mansit: traducere in sententiam Basiliensium conatus, an potuerit, subsecuta statim illius mors incertum fecit. Octoviratum, ad conterendam Eugenii dignitatem institutum, recusavit, quanquam laepe oblatum, haud legitimum ratus magistratum, quem tanta de re privati instituissent.

A Felice, Antipapae, ad Federicum Caesarem Legatus missus laurea donatus,

moxque ipsius Caesaris amicis adscriptus fuit.

Variae eius, Caesaris nomine, legationes.

Felicem tamen, Antipapam, aliquamdiu secutus est; a quo Legatus missus, ad Federicum Caesarem, Alberto suffectum, laurea donatur: quod Poëtarum insigne praecipuum Germani habent. Mox & inter annicos Caesaris relatus, adscriptusque Secretariis, haud multo post praefectus, est. Ad ultimum adscitus inter consultores imperii, invidiam quanquam Italus inter Germanos brevi superavit. Prima legatione, Caesaris nomine, ad Tergestanos functus, seditiones in civitate exortas compressit, actis in exilium, qui motum concitassent. Altera ad Eugenium, adversantibus amicis, quod offendisse illum graviter videbantur, oppugnata toties ad Basileam eius dignitate. Eo reconciliato, & rebus ex sententia confectis, diver-

divertit ad patrem, ultimo iam contractum senio: nec enim deinde vidit amplius, paulo post mortuum. Eugenii quoque Secretarius factus est absens: quo munere apud Felicem functus, nondum se abdicaverat. Tertiam inde obivit legationem ad eundem Eugenium de duobus Electoribus Caesarum restituendis, quos ille, Felici assensos, & gravia in ipsius dignitate inmolitos, exaudiverat. Profectus est eadem de causa Francfordiam, simul ut neutralium conventus dissolverentur. Ii erant, qui dissidentibus ceteris, neque Eugenio, neque Felici, paruisent, veluti ad nova concilia, atque incerta, spectantes. Rediitque iterum Romam, ac rursus Francfordiam, de conditionibus acturus, itinere hiberno, & cui magnitudine nivium, ac vi excrecentium fluminum, prope succubuit. Reliquiis contentionum Germanicarum tertia demum legatione sublati, exceptus est Romae ob operam prosperam navatam omnium ordinum supplicationibus. Egrotanti Eugenio Germanos, quorum opera vocatus in iudicium fuerat, reconciliavit secundum supplicationem de rebus Germanicis. Praefectus est Tergestanis; rumore temere orto de Praefulis morte, competitoribus multis, qui ad subitum nuntium coorti sunt, ab Eugenio repulsi. Mox, cum vivere Antistes nunciaretur, Ipodiocanus efficitur. Eugenio mortuo, comitiorum custodiae praefuit, iubente

Quibus peractis, Romae honorifice exceptus,

Tergestanis praefectus Praeful,

mox Ipodiocanus efficitur.



Nicolai Papae  
erga Pium a-  
nimus.

Legatio eius  
ad Mediola-  
nenses;

Collegio, quod viro, opus esset ad eam rem, minime fastidiosus. Nicolaum, qui Eugenio suffectus est, multo habuit propensio- rem, propter vetus in Germania contubernium, in qua & ille, functus legationibus fuerat Eugenii nomine. Itaque, & confirmavit decretos ab Eugenio honores, & novos ipse addidit, iussu, qua die est coronatus, auream crucem anteferre, & consul de religionis summa adesse. Profectum dein- de Roma, certiore allato nuncio de Antis- titis morte, id quod Eugenius destinaverat, Tergestanis praefecit, ignarum eius rei, donec in Germaniam pervenit. Ibi & Ni- colai ad Federicum, & amicorum ad se, li- teris rem cognoscit. Missus paulo post ad Mediolanenses, cohortandos, ut, mortuo Philippo, Duce, sine legitima stirpe, Federi- co imperii iura se dederant, exclusus est. Erectis in libertatem civium animis, simul quod a Germanicis imperiis, repetita prio- rum temporum memoria, abhorrenter, bre- vi deinde circumfessis a Francisco Sfortia, Philippi genero, iussus iterum redire, col- legis ad Novicomum metu subsistentibus, ipse magno cum discrimine ingressus ur- bem, civibus in concionem vocatis, maio- rem partem eorum perpulit, Federicum ac- clamarent: & cum armis quidam oppres- suos alteram factionem pollicerentur, re- cusavit, indignum, nec e legatione sua, esse, dicens, in stabilienda iusto imperio civitate cui-

culquam vim fieri. Fuitque constans opinio, mansuram in fide civitatem, si subventum in tempore obsessis fuisset. Mox, legatione altera aliam excipiente, Neapolim missus, auctor fuit regiae affinitatis, Leonora, Lusitanorum Regis, sorore, Alfonso nupte, Federico desponsata. Interea designatus est Senensium Antistes, absens, quamvis insensa nobilitati civitas alium postularet. Senae, omni reiecta pompa, more maiorum urbe agroque lustrato, rediit in Germaniam: quo tempore & matrem amisit, duo de septuaginta annos natam. Inter redeundum summovit bellum, quod Veneti obfesso Tergestiae de contentione finium intulerant. Extemplo, ubi ad Federicum pervenit, ad Boëmos mittitur, arma sumtuuros, nisi properasset. Cum enim Ladislaum, Pannoniae ac Boëmiae Regem, admodum puerum, fratris filium, Federicus metu insidiarum, & quod regno immaturus adhuc esset, atque iniuriae, obnoxius, apud se educaret, adhibitis custodibus, ne clam subduceretur: Boëmi, indignum rati, custodiri, arcerique a regno patrio, Regem, coactis copiis, bellum, nisi dimitteret, conminabantur. Horum conatus statim compescuit, ratione adhibita, cur ita fieri oporteret, maxime iniecto metu veneni, quo paucis post annis dimissus a patre, puer fraude Boëmica assumtus est. Veniente in Italiam Federico, recedens ipse, ut

item Neapolitana.

Interea fuit designatus Antistes Senensium.

Postea missus est a Federico ad Boëmos.

Insidias a Senensibus sibi

structas mire  
elulit,

obviam eun-  
do Leonorae,  
Federici spon-  
sae;

cum civitatibus de transitu, cum Nicolao de coronandi Caesare, ageret, suspectus haberi Senensibus coepit, veritis, ne spe vendicandi imperii Caesarem ad mutandum civitatis statum impelleret, cieclis populatibus, qui rerum potiebantur, ac nobilitate ad pristinam libertatem restituta. Qua de re inter se cum agerent, & facta eius dictaque clam palamve explorarent, nec prodire obviam, nec, ubi domum venit, frequentes salutavere. Cogitatum & de inferenda clam nece a potentioribus, rumor fuit. Quam ob rem Decemviros adiens, delere eam suspicionem frustra est conatus. Auxit invidiam mortuus collega, Fullendorfius, & in aede virginis matris loco celebri sepultus: quam rem argumentum adesse iam recepti imperii, querebantur, homine externo, veluti prodita libertate, in civium sepulchra delato. Tum demum, ut temporis cederet, Thelamonium se contulit, veluti Leonoram excepturus, ex Lusitania mari venientem. Accitus inter haec a Nicolao, minime paruit, valetudinem causatus, suspicionem tamen eius sustulit, quod vulgatum erat, constare inter coniectores, Nicolaum, aut moriturum intra Calend. Aprilis, aut in vinculis futurum; periculum ex Federico portendi, novo Imperatore, urbem armis vendicaturus; quo metu Nicolaus Federici adventum extrahere in autumnum cupiebat, fastidium diem occupaturus. Sed

Aeneae

Æneae literis confirmatus, proposito absti-  
 nit. Leonoram comitatu regio, haud pro-  
 cul a Pisis descendente e navi, Federici  
 nomine primus excepit, quanquam aegre  
 ferentibus Germanis, qui aderant, Fede-  
 rico propinquis. Pisas ingressos Florenti-  
 ni, ex multitudine suspicione iniecta, cum  
 depellere moenibus vellent, eius gratia at-  
 que auctoritate vi abstinerunt. Idem ad  
 Volaterras factum, quod hae urbes, al-  
 tera, subacta armis, exposita videretur ad o-  
 mnem motum novitati, altera in finibus si-  
 ta esset. Senae ad aream pomœrii, sponsa  
 Federico exhibita, orationem habuit perele-  
 gantem, quae puellae, Lusitanorumque Re-  
 gum, laudes complecteretur. Extat adhuc  
 pro portis marimorea columna, pompae  
 congressusque monumentum. Cum cives  
 adventu Federici nobilitatem relegassent,  
 armata undique iuventure ad custodiam ur-  
 bis, ut eos metu solveret, non obscura ope-  
 ra Federici, discessum acceleravit. Ac tum  
 demum remissa suspicione, & propinquis,  
 nobilitateque omnium revocata, ipse, publico  
 civitatis nomine, Legatus ad Nicolaum desi-  
 gnatur, continenti itinere Federicum sequi  
 iussus; in quo, consulandis Cardinalibus,  
 qui obviam prodiissent, interpretes fuit lin-  
 guae Germanicae ignaris. Nicolaum pri-  
 mum adiens, cum omnia septa armis inve-  
 nisset, metu liberavit. Postridie oratio-  
 nem habuit de Imperatore coronando, &  
 variam,

quam Pisis ex-  
 ceptam

Senae Federi-  
 co exhibuit.

Nova Pii ad  
 Nicolaum, pu-  
 blico Senensi-  
 um nomine  
 suscepta, lega-  
 tio.

variā, & plenā vetustatis; interpres ac moderator omnium, quae inter Nicolaum & Federicum acta sunt, utriusque in se gratiam auxit. Federico Neapolim ad Alfonso, coniugis avunculum, eunte, Romae substitit, dolore pedum demoratus, simul ut Regem Pannoniae, adhuc impuberem, in adventum patruī asservaret. Orationes in reditu Caesaris duas habuit: altera gratias egit Nicolao & Collegio Patrum; altera hortatus est ad bellum adversus Turcas suscipiendum. & posteriore quidem ita movit, ut extemplo ipse Legatus cum summa potestate ad Pannonios, Boemos, Noricos, ceteramque Germaniam, destinatus sit. Cum Florentini, Federicum Pisapa & Volaterrana iniuria offensus, ac deinceps Neapoli ab Alfonso incitatus, exisimarent, atque ideo transitum prohibitori dicerentur: praemissus utriusque suspicionem ademit. Ferrariae Borsum, a Caesare Mutinensem Ducem nominatum, primus salutavit, laudavitque oratione clarissima. Venetis quoque pro munificentia in Caesarem iussus est gratias agere. Eodem paulo post a Noricis obfesso, emissus ad hostes, altera, quam exierat, hora obsidionem dissolvit: quo tempore & Boemos Noricis ipsis conciliavit. Intercessit etiam rogationi Germanorum de maiorum decretis antiquandis, cum magna contentione res ageretur, contra Caesaris dignitatem futura, si decerneretur;

Quam scilicet sunt aliae ad Pannonios, Boemos, Noricos, ceteramque Germaniam, & aliae.

Id est

Id est

Id est

Id est

Id est

Id est

Id est

Id est

Id est

Id est

Id est

Id est

Id est

Id est

Id est

Id est

tur. Pannoniorum apparatus bellicum, Federico imminentem, discussit legatione bina: quarum posteriore & pacem confecit, ne quicquam toto biennio petitam. Legationem Germanicam, in Italiam susceptam, de bello Asiatico per omnem Germaniam circumhlit: qua de causa peregit & conventum Ratisponae, ubi progressum in concionem, omnibus, qui aderant, effusis lacrymas constat, deploratis Graecorum calamitatibus, & recenti clade Constantinopolitana in medium exposita. Cupientem iam redire ad suos, nulla re alia Caesar potuit continere, quam spe iniecta Asiatici belli, pollicitus, sequenti anno expeditionem, quantis maximis posset viribus, suscepturum. Profectus eodem studio Francfordiam, quod in Ratisponensi conventu fecerat, ad suscipiendum in Turcas bellum excivit, ita, ut passim arma caperentur, constitutis ex eius sententia ducibus, qui essent publico nomine rerum summae praefuturi. Ceterum **Mors Nicolai** subsecuta statim Nicolai mors omnia pervertit. Opinio fuit, Nicolaum voluisse eum cooptare Collegio Cardinalium; sed importunitate Regum, suum cuiusque postulantium, ne recipere competitors cogeretur, & hunc neglexisse. Mortuo Nicolao, rogationem Principum Germaniae privato consilio evertit, petentium id, quod diu tenuisse Galli dicerentur, ne quid Pontifici Romano statuere de templorum praefectura

17. Oct. 11  
17. Oct. 11  
17. Oct. 11  
17. Oct. 11  
17. Oct. 11

**Mors Nicolai**  
**Papae.**

lib. 2. cap. A  
17. Oct. 11  
17. Oct. 11  
17. Oct. 11

Legatio Pii  
ultima ad Ca-  
lixtum, Nico-  
lai successo-  
rem.

ris liceret. Legatione ultima missus ad Calixtum, Nicolao susceptum, ubi iusiurandum exhibuit, Caesarem illi pariturum, hortatus senem, ad bellum Asiaticum suscipiendum, & lacrymas excussit, &, ut statim aedificari triremes ad ripam Tyberis iussisset, effecit, bellumque maritimum ad veris initium, inferri. Perpulit mox & Alphonsum ad eandem suscipiendam expeditionem, Neapolim ad, eum profectus: simul & bellum, deprecatus est, quod idem Rex, duce Picinino, Senensibus intulerat, cum minus astutisse ei bello Hetrusco viderentur. Constatque, Regem confessum, propalam extortam sibi ab hoc pacem vi orationis, non impetratam, cum frustra Senenses tribus antea legationibus, postulassent. Mansit autem apud Regem, compositis iam rebus, menses aliquot; ac tum demum sero aegreque dimissus. Ultimo discessu aliquoties obvolutus pedibus, Regem sic accendit ad bellum, ut extemplo & veterem classem recensuerit, & novam iusserit aedificari. Tum demum, reversus Romam, Cardinalis postulatione Patrum, designatur: qua de re, actae Calixto sunt gratiae, ac patribus, Germanorum, Pannoniorumque nomine. Fuitque statim multis in ore, providum senem Calixtum esse, qui, adhuc vivens, successorem sibi creavisset. Fuit autem illi adeo carus, ut exercitum ab eo ad repellendum Hetruſia Picininum impetraverit,

A quo Cardinalis Romae designatus fuit.

etiam

&

& mox Legatos, qui peterent, Goro Lollio, consobрино suo, remitti exilium. Mansit autem eo in ordine menses circiter viginti: quo tempore, postulatus a Collegio Varnicensi, ad mare Balticum, Antistes urbis, nec nullo post a Ratisponensi, ad ripam Danubii, recusavit utrumque, dicens, iam se Italum esse oportere. Secesserat, ineunte aestate, Viturniam lavandi gratia, & quod singulis annis, vitare, per id tempus coelum Romanum consueverat. Cum nunciatum est, Calixtum, obiisse, celeriore[m] eius reditum patres fecere, singuli ad properandum exhortati. Est & inter redeundum vulgo Pontifex maximus consalutatus. In comitiis Pontificem, suffragiis apertis, acclamatum, prorupisse in lacrymas constat: attantum aliquamdiu, cum excitaretur, & laetandum amici esse contenderint, dixisse, laetari tanto fastigio imperii eos posse, qui labores & pericula non cogitarent; sibi vero iam omnia praestanda, aliis fore, quae ipse ab aliis, & in Germania, & in Pannonia, & in Italia, toties postulasset. Cum a Cardinalibus, & coetu Antistitum, ac possidie a civibus per ordines singulos, consalutaretur, eodem perstitit vultu, perditus in solium. Conventum Mantuae inivit, cui affuturum se subscripsit ad Calixtinus; atque hoc primum eius fuit decretum. Altero Ferdinandum, Alfonsi filium, a Calixto paulo ante hostem iudicatum,

Eoque mortuo, in ipsius locum successit.

Priora Pii Pontificis renuntiata decreta.



etiam, amicum declaravit, cuius & causas attulit, quod novum conventum agitantia posteriora videbantur pacis consilia, quam belli, & involvere domesticis armis Italiam, minus convenire Asiaticis rebus, arbitrabatur: etiam quod iclum ab Eugenio primum, deinde a Nicolao, postremo initio Pontificatus a Calixto ipso, renovatum cum Alfonso foedus id expressum continebat, ut Ferdinandus patris regno succederet, & Legati, qui aderant, hoc idem postulabant ex foedere, in quod paucis ante annis Italia universa consenserat, & nisi fieret, certanturi armis videbantur. Proceres ergo regni, Alfonso mortuo, sponte sua ad Capuam in filii sceptrum coniuraverant. Tamen ius regni, & coronam, ea demum conditione permittit, ne cui praeiudicium fieret; sancti & tributum, a superioribus pensum Regibus, quotannis solveret aureum nummum, duobus de quinquaginta millia; Pontificis Romani fines neque invaderet ipse armis, neque invadere alios, quantum in se esset, permitteret; Picininum, regis stipendia merentem, Assisio & Nuceria, per Calixti mortem occupatis, quam primum inberet excedere; Beneventum, agrumque Beneventanum, restitueret; Terracinam, ad usum imminuentis belli relictam, exacto decennio, redderet; pacem quoque daret Sigisfundo Malatestae conditionibus, quas esset ipse dicturus, Arcem Hadrianam Spoleti-

letinam, Narniensem, Surianam, a praefectis  
 pecunia redemit; & pro Hadriana qui-  
 dem viginti millia persoluta. Spoletinam  
 vero praefectus magna opera Troili Fir-  
 mani vix tradidit. Appetente iam vere, <sup>Iter Mannu-</sup>  
 prius, quam urbe discederet, ne qui fierent <sup>num.</sup>  
 in Latio & Sabinis motus, iurare finitimos  
 coëgit in foedus, absente se duraturum.  
 Fecit & decretum ex Patrum consulto, ne,  
 si mori sibi extra urbem contingeret, comi-  
 tia de sufficiendo Pontifice alibi cogerentur,  
 quam Romae, praefinito etiam tempore,  
 quo agentes extra Italiam Cardinales in di-  
 es comitiorum expectarentur. Iudiciarios  
 magistratus Roma vetuit discedere. Lega-  
 tis subditarum civitatum & decreta maio-  
 rum confirmavit omnia, & partem tributo-  
 rum, paulo minus, quam dimidium, in tri-  
 ennium remisit. Provocationes provinci-  
 alium ad Romanos magistratus ante redi-  
 tum suum vetuit interponi, adiecta mul-  
 cta ei, qui provocasset. Ad exequias ius-  
 sis per Thermas Diocletianas ad portam  
 Flamineam, atque inde ad pontem Milvium,  
 devesctus, redire seniores Patrum in urbem  
 iussit, aestatemque expectare. Iter primum  
 egit secundum fluminis ripam, haud longi-  
 us, quam ad septimum lapidem, daturus  
 spatium, si qui vellent privatim se alloqui.  
 Narniae concursu vulgi facto ad equum  
 umbellamque corripiendam in discrimine  
 fuit vitae, gladius in ora dimicantibus, quo

Discrimen  
 vitae Narni-  
 ensis.

Pompa Peru-  
siae acta.

metu reliquum iter Perusiam usque, ac deinceps Mantuam, leclica confecit, ad singulos quingentos passus mutatis leclicariis, deslexitque Spoletum ad sororem, ubi & quatrduum substitit; Assisii dimidio minus, arcemque communivit turri eximiae crassitudinis, angulo extremo. Perusiam ingressus est, pompa praecedente, equo vinctus candidissimo, duodecim eodem candore praecedentibus, stratis purpura sine sessor, & qui per frenos aureos manu agerentur, magistratibus purpuream umbellam, auro intextam, praeferebantibus, sub quam ipse candida syndone, stola aurea commissa, & purpureo galero vehebatur. Pompae causam praetendit, quod post electum Bonifacium septuaginta iam annis Perusini Pontificem intra urbem non aspexissent; dedicavitque fanum Dominici, postulantis civibus, propter eximiam templi magnitudinem, & dona primus intulit. Fenestram quoque eximiae magnitudinis pone aram maximam opere vitreo iussit ocludi artificio, & textura texellata; maiores magistratus toga indui purpurea talari, ad viros sexaginta. Perusiae Legatos Allobrogum audivit; ac postridie Federicum Urbinatem, virum pace ac bello aequae clarissimum, & quo postea Marso ac Piceno bello copiarum imperatore est usus. Circumnavigato Thrasimeno, ubi ad Clavium angum pervenit, Legati Senensium obvi-

Res eius Se-  
nae gestae;

obviam progressi, restitutos gentiles ad munia civitatis cum nunciassent, accelerare beneficarios iussit. Corfiniani haud amplius, quam triduum, moratus, ubi Senam venit, ceteram quoque nobilitatem restituit beneficio populi, quanquam diu recusantis, dispersitque per tribus, ut coire totum in corpus civitatis viderentur: restituere conatus est & duodecimvirales familias, ad capita amplius quadringenta aliquando nobilitatem secutas. Sed visus remissius postulasse, non tenuit. Statuit Antistitem urbis Metropolitam, finitimis in iurisdictionem adiectis, Grossetano, Massano, Clusino, Suavenfi. Civibus Radicophanum, munitissimum Hetruriae oppidum, quod diu antea bello ceperant, consensu Patrum in perpetuum sub tributo concessit. Cum Legati Caesaris, & Beticae, ac Lusitaniae Regum, & Philippi Burgundi, Senam convenissent, omnibus sequi se iussis, Florentiam trium dierum itinere contendit. Tribus legationibus, apparatu diverso excipientibus, inter quas & Galeacius, Francisci Sfortiae filius, sextum decimum natus annum, a Mediolano usque praemissus a patre, & cum eo Arimensis, Faventinus, Forolivienfis, & Forocorneliensis, tyranni occurrerunt, ceteris auream sellam per vices subennitibus, Galeacio per aetatem manum apponente. Postridie ludi theatrales decreti, quibus leones cum equis concurrerunt, mox cavea per

medios spectatores dilapsi. Consultavit & de rebus Italiae cum Cosma, Senae sui temporis prudentissimo, opibus vero, quantae nulli, ne veterum quidem, privato fuerunt. Tempa quoque ab eo facta, reliquaque aedificia, percipide invisit, in quis circiter sexcenta millia insueta existimavit. Sigismundi Ariminensis causam, qua proditiōnis accusabatur a Ferdinando Rege, distulit in conventum Mantuanum. Bononiae septem equitum turmas, quae, secutae Galeacium, illic subsisterant, prius, quam urbem ingrederentur, iurare coegit, futuras in ipsius potestate: finitque civitas in trepidatione, armata circa optimatum domos iuventute, ne quid innovaretur. Auxit metum Brogma, orator quidem vehemens, ceterum qui parum consultę in gratulatione publice civitatis conditionem deploravit: qua de re mox praevaricationis reus in exilium actus est, non ante Pii reditum remissum a civibus. Ferrariam lembo delatus est per flumen Padum, omni genere magnificentiae exceptus a Borio. Ceterum postulata eius de immunitate civitatis, & remissione tributorum, reiecit, causatus temporum difficultates, quibus augenda tributa in Asiaticam expeditionem essent, non minuenda. Quam ob rem Borius Ferraria discedentem ad Stellatam oppidum secutus, venturum se Mantuam, cum recepisset, postea minime praestitit. Ad eum locum Ludovicus

Bononiae;

Ferrariae;

vicius Gonzaga, Mantuanorum Princeps, occurrit, classe utraque in naumachiae speciem concursante. Ingressus Mantuam est Mantuae; sexto Calend. Iunias, quadriduo prius, quam Romae subscripserat, pompa eadem, qua Petusiam, nisi quod hic Regum Principumque Legati lecticam subire, praefecturae urbanae, vigilesque portarum parere ei iussi, quem ipse statuisset. De conventu acturus, orsus est a re divina, supplicationibus per urbem totam continenti triduo decretis. Expolita ratione belli suscipiendi in Turcas, paucis inventis eorum, qui, se conventuros, erant polliciti, religionis simul, & Italiae, vicem deploravit oratione admodum moesta, & plena desperationis. Sed brevi frequens esse conventus coepit Legationibus Transpadanis; mox & Gallica, ac Burgunda, Casimiri quoque, Getarum Regis, splendidior, quam barbarorum, apparatu. Venit & Blancha, Francisci Sfortiae uxor, Philippi filia, foemina spectatae probitatis, comitantibus eam quatuor alteris liberis, quorum Hypolita, natu maxima, iuniori Alfonso desponsata, latine oravit pereleganter, Pii studium in religionem complexa, Galeacio fratre orationem eius excipiente, qui ambo patris adventum promissere. Inter haec nuncio de Turcarum impetu in Peloponnesum accepto, trecentos pedites mittit, quorum centum Blancha mercede conduxit, centurione Zanono Cremonensi. Adeum

terrorem accessere Legati ex Rhodo, & Cypro, & Lesbo, & Epiro, atque Ulyrio, venientes, omnes petitori auxilium. Auxit trepidationem Sanderovia, munitissimum oppidum in ripa Danubii, proditum Turcis. Itaque Ragusinos, auxilia pollicitos, stridores duas armare, navigareque primo quoque tempore in Graeciam, iussit. Bellum exortum in Germania compescuit, missis Legatis, Verdeaque oppido, erepto Caesari, iussu restitui. Dedit Sigismundo Ariminensi pacem conditionibus, quas, tunc acceptas, brevi Gallico bello abruptit. Francisco Sfortia cum quadringentis purpuratis veniente, tum demum expectatis, ceterarum gentium legationibus rogationem tulit de bello suscipiendo, habuitque orationem omnium, quae circumferuntur ipsius nomine, longe gravissimam, secundum quam consensu omnium, qui aderant, bellum decretum est. Alteram tulit rogationem, mari, an terra, gerenda res esset, & Italo milite, an externo, & quam magno exercitu opus foret, & unde cogendum stipendium? ac sententiam ipse subiecit ad singula. Militem conducendum eum, qui viaci a Turcis non consueffet, praecipue Germanum exercitum, neque minorem comparandum, quam satis esset repellendo hosti, neque maiorem, quam alere provinciae possent. Pecunias in Italia exigendas, corrogandas etiam in Gallia, atque Hispania, esse. Cum de Impera-

peratore exercitus referret, qui communi-  
bus auspiciis rem gereret, Francisco mu-  
nus per aetatem deprecante, Legati Bur-  
gundi Philippo, eorum Duci, receperunt,  
votis quoque ad eam expeditionem damna-  
to. Misit & Gorum Lollium Venetias ad  
communicanda clam consilia belli. Rho-  
diis ad triremes celeriter aedificandas sex-  
decim millia aureum nummum dedit ex  
pecunia Gallicana. Sed haec belli consilia  
mutatae undique res oppressere. Nuncia-  
tum sub idem tempus, triremes quatuor &  
viginti, ad ripam Rhodani aedificatas ad  
ulum Afratici belli, Renati Galli filium, cor-  
reptas, adversus Ferdinandum coarctasse,  
ac motis ad Genuam rebus, classemque ad  
Lyrin amnem delata, Campaniam vexare;  
Optimates regni plerosque ad Gallos desi-  
cere; Romae Tyburtium & Valerianum  
fratres, illecta iuventute, Agrippae sanum  
communisse, tractis per vim ad supra civi-  
um liberis, ac caesis, qui minus obsequeren-  
tur; Piccininum ad Gallos cum parte re-  
gni exercitus transfugisse; Sabellos Picci-  
nini praesidia recipere; In Picenis Sigis-  
mundum, rupto foedere, oppida regia in-  
vadere; Efinos, & Anconitanos, & in Um-  
bria Fulgineses, & Mevanenses, propter fi-  
nes tumtuari; Britannos eiecisse Regem; Hispanos, maiore fratre depulso, minorem  
regno imposuisse. Nec ab Germanis qui-  
etiam affuerunt; Pannonios & Boemos,

Motus Italiae,

Britanniae,  
Hispaniae,  
& Germaniae.



Quos redux  
factus Pius  
Senam;

Rege veneno assumpto, distrahere in partes regnum; Noricos inter se armis certare; Moguntinis Dieterum Antislitem inferre bellum. Ad haec tot simul coorta mala visus non nihil animo succubuisse, rediit celeriter Senam, nec sine discrimine, Pado inter navigandum glacie distracto, ut necesse fuerit, securibus excidi. Ad res Germanicas sedandas Legatum misit Bessarionem, Cardinalem Nicenum, principem Collegii. Regi, subitanea collecta manu, auxilium submisit, eoque mox ad Sarnum profligato, nihil cunctatus, veteres instauravit copias, ac novas addidit, duce Antonio, sororis filio. Piccinino Federicum Urbinatem, & cum eo Alexandrum Sfortiam, opposuit; Sigismundo Neapulionem Ursinum, ac mox & Federicum, qui illum ad Senegalliam magna victoria fudit. Romam centuriones aliquot praemisit, & equitum praefectos, qui sicarios Tyburtianos comprimerent. In Britanniam Legatum, praefulem Interamnensem, quem mox, abusum legatione, & pugnae Britanniae immixtum, coniecit in vincula, praefulatu quoque amotum; in Hispaniam etiam, qui fratrem maiorem restituerent. Rediit post haec celeriter in Urbem, exorta in Campania, & Picenis, ac Sabinis, bella ex propinquo suppressurus. Sed undique extante motu rerum, bello ita incubuit, ut, aliquando quatuor & sexaginta equitum turmis re gesta, non antea desierit,

& paulo post  
ipsam Ro-  
mam, omni ni-  
su componere  
allaboravit.

rit, quam subactis undique hostibus, quod multis aetatibus vix contigerat, universae Italiae data pax fuerit. Bella suscepit invitus, nec unquam, nisi laceratus, & nec sic quidem, nisi prius commonuisset, ab iniuria desisteretur; & Sigismundo quidem non antea inferri arma iussit, quam ter denunciasset, missis etiam Legatis, qui oppida repeterent, media pace per fraudem occupata. Sabello syngrapha, manu sua scripta, conditiones aequissimas proposuit, quamquam obfesso, & rerum omnium inopi. Utrumque deinde, vi ad deditionem compulsum, servavit quidem; ceterum erepta bello eorum oppida neutri restituit, praefatus, iniuriam eatenus remittendam esse, ne secundo possit inferri. Sigismundo conditionem quoque adiecit, ut in Peloponnesum dux belli adversus Turcas proficiscerentur, ubi postea biennio varia fortuna bellum gessit. In Germania Dieterum, Moguntinum Antislitem, tribus legationibus monuit, mox, decretis ipsius parere recusantem, abdicavit, quamquam familia ortum potentissima, alterumque suffecit. Visus est erexisse calamitatibus animum. Cum nunciaretur, deletum in Picenis eius exercitum, & domestici suppressere nuncium conarentur, ubi rescivit, nihil motus, Sigismundus, inquit, si decies praelio vicerit, semel victus fuerit, bello vincetur, quod mox, inflauratis copiis, evenit. Ferdinando ad Sar-

Laudatur Pii  
magnanimitas.

num profligato, insultantibus Gallis, Fortuna, inquit, belli nobiscum est. Nam ea, quos primum fovet, postremo destituit. In Germania quoque victis insigni calamitate, qui eius autoritate bellum gerebant, Nostrum, inquit, erit, iam vincere, qui victi sumus. Quae tria bella, quamvis principio deteriore conditione ubique fuerint, brevi ex sententia confecit. Expugnari neque casibus fortunae adversis, neque minis potuisse, quod post susceptum bellum nemini pacem dedit, nisi victor, quanquam & a Sigismundo post victoriam Picenam, & a Gallis post suas regias copias, postularetur, conditionibus, ut accipere, non dare, viderentur. Auxit fines imperii, Benevento & Terracina iure foederis a Ferdinando acceptis. Sabinos, qui ad Gallos defecerant, & Soranos, atque Arpinates, & in Picenis, ac Flaminea, a Metaurensibus in Cesenatem usque, Arimino excepto, armis obtinuit, Fano fortunae mari simul, terraque oppugnato, Venetorum quoque classe, quae, illatura praesidium, venerat, opera Anconitanorum profligata. Cesenates iureiurando adegit, ut post mortuum eorum tyrannum, Sigismundi fratrem, urbem atque agrum Pontifici dederent, quod brevi, quanquam ipso iam mortuo, fecere. Canale, Tudertinorum oppidum, longa obsidione pressum, cum machinis undique dirutum, non tamen ante promissa defensoribus

Augmenta  
imperii Pon-  
tificii.

Augmenta  
imperii  
Pontificii

ribus praemia expugnari potuisset, & laudavit, qui defenderant, & duces eorum praefectum militum constituit. Quaedam & sine bello optigere, in Aquitania Valentinenfis & Diensis Tetrarchiae, quae sunt ad ripam Rhodani a Ludovico Rege, incertum, datae sponte, an maiorum testamento relictæ; in Peloponeso quoque Monovassia, munitissimum situ oppidum, a Paleologis traditum; in agro Tolphano prope centum cellas montes alumnis patefacti, ex quibus proventus annui aureorum nummum paulo minus percipi, quam centum millia, feruntur. Insolentiae eorum, qui minus iusta peterent, aut molirentur, constantissime resistit. Oratores Cypriorum, natum ex concubina, Regis filium, exclusa Charlotta, ex uxore suscepta, Regem dari sibi, postulantium reiecit, quod Cyprum vectigalem promississe Regi Syriae, & iurasse quoque in eius verba, diceretur. Georgici, Boëmorum Regis, quod Fantinum Dalmatam, Legatum, coniecisset in vincula, & mox quod male de religione sentiret, regnum publicavit. Sigismundo Norico, Caesaris patrueli, diem dixit, quod, nulla fretus auctoritate, custodiri Cardinalem, eundemque Antislitem Brixinnensem, iussisset, interdixitque aqua & igni, quanquam privata amicitia inter praecipuos habitos. Sigismundum Malatestam, obloquentem de religione, atque ideo in ius vocatum, nec com-

Verenda Pii  
ipsis summis  
Principibus  
auctoritas.

comparentem, damnavit, simulacro quoque eius Romae vicatim incenso. Nec multo post foedus Gallicum, in quo & Sigismundum contineri, Galli contendebant, recusavit, indignum, dicens, inire cum eo societatem, quem paulo ante damnavisset. Tudertinis tyrannicum morem creandorum magistratuum sustulit, datis legibus, quibus rem publicam gubernarent. Increpuit Senenses, quod legem tulissent, ne qua deinceps rogatio fieret de nobilitate restituenda, atque adeo acriter, ut extemplo legem abrogarent. Arcem, in Lavinienti magnis sumptibus aedificatam a Columnensibus, & loco munitissimo, demoliri, extemplo iussit, Veliternis imminentem. Mittente Caesare legationem paulo obscuriorem recusavit audire, postulavitque clariorem; Burgundam quoque, veluti superbiorem, iniustaque decreta postulantiem. Martialem Gallum, quod, virginem incestasse vestalem, ferebatur, praefectura amovit, quanquam scelus non constaret, subdens, in religione praefectos suspicione non minus vacare oportere, quam crimine. Gallum alterum, Armeniani tyrannum, cum sorore consuetudinem stupri per speciem coniugii habentem, in iudicium tractum, multavit, coniectis in carcerem, qui falso decretum Calixti, corruptis tabulis, adhibuissent, actaque res est magna contentione propter familiae nobilitatem. Quaedam minus

minus visus est vindicasse. Perusiae Pandulfi Balionii, ac filij, caedem, a patruale in spem haereditatis securis illatam, & in Piceno acti Sentinatis eadem de causa a patruo capti, ac mox strangulati, & in prior quidem causatus tempora, extorqueri sibi parricidium, questus est, Sentinatem obsessum, ac mox sub conditione deditum, dimisit, omnibus exutum rebus, affectis tamen supplicio, qui juveni manus intulissent. Nonnulla facetiis excepit, aut morsu. Ludovico, Rege Gallorum, nisi copias, in Ferdinandi auxilium missas, e Campania revocaret, multa minitante, ac rursus, nisi desisteret auxilio, Gallos, qui Romae essent, revocare simulante, nihil respondit aliud, quam: Et habitabimus laxius, & nugas non audiemus, castigata simul insolentia gentis, & levitate. Triballis, confirmari sibi, quem ipsi nominassent Regem, postulanti- bus, negavit esse sui iuris, sed ad Pannonios pertinere; contententibus, liberos esse. Quid, inquit, servitutem postulatis? Praefecturam Rhodiensem, exhaustam a Gallo, Hispano commisit, dicens, Gallicum morbum Hispaniensi medico curandum esse, quod Galli profusi, Hispani pro frugi, haberentur. Conventu Mantuano, cum Burgundi duo millia equitum, quatuor pedatum, pollicerentur, Germani hominum armatorum duo & quadraginta millia, Ungari dimidio minus, Ragusini duae triremes, Rho-

Rhodii quatuor, Cypri totidem, Legati ex Cilicia hominum triginta millia, dicentibus Gallis, non antea excitandum foris peregrinum bellum, quam ipsorum domesticum sopiretur, Mirum, inquit, Gallos, qui semper alias vicerunt, hodie verborum magnificencia vinci. Borsii quoque Legatis, trecenta millia aureum nummum pollicentibus, cum fidem non fecissent, Non, inquit, tot opus est minus dimidio contentis. Cum Veneti propter initum cum Turcis foedus palam adversarentur, clam tamen, habita ratione, quantum essent collaturi, summam belli navalis dari sibi, postularent, & classem insuper triremium sexaginta & viginti navium rostratarum, ac peditum delectorum octo millia, & annuas decimas, & praeterea quindecies centena millia ex publico, Hoc, inquit, Veneti est, recusare, non petere; nos vero adeo vobis molesti non erimus, ut oneris tantum feratis. Hispanorum assertionem de miraculis eius, qui cum patre de regno contenderat, quam asseveratissime inflarent, irrisit, idque aegre ferentibus, An nescitis, inquit, vitae miracula fieri, non morte? Germanis offensis, quod inter respondendum Matthiam Pannoniae Regem appellasset, tanquam ad eos ius regni pertineret, Sinite, ait, Matthiam tantisper Regem appellemus, dum, eum vos regnum tenere, permittitis, temeritate simul, & ignavia, exprobrata, sub-

subdiditque; armis regna diiudicari, non  
 legibus. Clementem eum fuisse, indicio Clementia,  
 est, quod nemini, petenti veniam, non faci-  
 le ignovit, alioquin pertinacibus inexorabi-  
 lis. Bello regio parci Arpinatibus iussit  
 ob C. Marii & M. Tullii memoriam, quod  
 multi oppidanorum ita vocarentur. Do-  
 nadeum, oppidum Sabinorum, direptum a  
 suis, gravissime indoluit, ut opinio fuerit,  
 cogitasse eum de ducibus exauctorandis.  
 Correptos a suis greges Aquilanorum ad  
 quinquies centena millia, quod, violata fide,  
 ad Gallos defecissent, restituit, dicens, non  
 esse multandos infontes, greges agrestium,  
 & multitudinis, esse, defectionem a poten-  
 tioribus factam, qua liberalitate dedere  
 se volentes, Aquilanos, reiecit ad Regem.  
 Expeditiones non, nisi ex consensu Patrum;  
 & sero, suscepit. Susceptis ita incubuit, ut  
 aliquando, non suppeditante aerario, atque  
 aegrè conferentibus sociis, accitis quaestori-  
 bus. Iam, inquit, si opus est, vendi me  
 iubeo. Pecuniarum usque ad vitium ne-  
 gligens, ut nec aspicere quidem sustinuerit.  
 Impensa belli ingravescente, contraxerat a-  
 liquando ad ducenta millia aeris alieni.  
 Quod ubi ex rationibus aerarii, percepit,  
 quaestoribus graviter succensuit, iussis pri-  
 ma quaque occasione dissolvere. Quae-  
 store urbano iussus est Julio forti, Pisano, acris  
 & animi, & ingenii, viro, sed contrahen-  
 do aere alieno in sumtus bellicos paulo la-  
 xiore;

et melius  
 ab

Contentus  
 pecuniarum,



xiore. Quo factum est, ut, exhaustis vectigalibus, unde suppeditare domesticis sumptibus pecuniam posset, aliquando laboraverit, coactus unum in triclinium, & ipsum admodum frugi, familiam omnem redigere, ut aliquando exclamaverit, & qui appetere, & qui contemneret pecuniam, stultum esse. Sed neque rationem fisci vectigalibus, aut portoriis, anxio, neque decimas antea exegit, quam bello Turcis indicto, & tunc quoque moderatione adhibita, ne profani ultra, quam trigesima, gravarentur, neve ad maiorem summam infami magistratus, quam supremi, utque Iudaeorum vigesima non ex proventibus, sed ex capite, deducerentur. Instituit Quatuorviros ex Collegio Patrum de luxuria coercenda, primum Germanum, alterum ex Gallis, reliquos ex Italia. Sed homines diversarum nationum ac morum dum cunctantur, ipse e vita decessit. Novum etiam collegium Abbreviatorum ad viros septuaginta literatura & moribus ex omni natione promiscue electos. Redacturus ad castigatorem elegantiorumque stilum acta publica videbatur, quod iam ab initio Pontificatus destinaverat. Sed, deterritus diversitate controversiarum, ac legum, differre se in magis otiosa tempora, non omittere, testatus est. Provocationem ad futurum concilium, temere a nonnullis illatum, edicto submovit, dicens, sceleratorum esse perfugium, eum iudicem

Instituta  
quaedam laudis  
de dignissima,

INSTITUTA  
quaedam laudis  
de dignissima,

dicem petere, qui nusquam esset. Episcopos Protonotariis ordine subselliorum anteposuit, mutata consuetudine maiorum, quam plerisque regio genere ortis. Cardinalium numerum duobus comitiis auxit undecim adiectis, laudavitque singulos oratione diversa. Sed nec priorum contempsit suffragia, nec de quoquam retulit, cuius ratio non omnibus constaret. Testamenta eorum, quae Romae decessissent, libera esse voluit. Qui intestati obiissent, eorum bona ita demum referri in aerarium est passus, si nec propinqui comparuissent. Quaestore eius quaedam suppressere volente ad fiscum devoluta, cum reddere iis, quorum fuerant, iuberet, & ille vendita asseveraret, statim subdidit: Redimantur. Nobilitati, & studio sui, & ex Germanorum consuetudine, favit. Respublicas non aequae visus probasse, definiēbat multorum esse tyrannides, & quae optima haberetur, in ea non minus bonis, quam malis, periculum esse; virtutis praemia non fere, nisi apud Principes, inveniri. Thomae Paleologo, ac liberis, Peloponnesi imperio depulsis, in Italiamque fugientibus, occurri ad Anconam iussit, atque omnia regio more subministrari. Charlottam quoque, Reginam Cypri, regno deturbatam a fratre, atque ad socerum Allobrogem navigantem, descendere ad Hostiam, ac Romae excipi, datis equis, quibus iter reliquum terra conficeret, via-

Liberalitas,

G g

tico

Magnificen-  
tia,

tico etiam profectus. Accitis Romam fere omnibus, quos Turcae patria eiecerant, pecuniam ad victum annum constituit. Ceremoniis solemnibus permagnificus, ceteris in rebus habitus est intra modestiam. Caput Divi Andreae, ex Peloponneso delatum, profectus est maxima pompa, Alexandro Cardinali Sentinati Anconam missus, qui, a Graecis acceptum, Narniam usque deferret, ubi in arce reconditum. Exacto post anno, tribus missis Cardinalibus diversi ordinis, & decretis itinere toto supplicationibus, Romam iussit asferri, progressusque obviam ad pontem Milvium, mediis in pratis excepit, tabernaculo exstructo ad rem divinam faciendam, ubi mox & sacellum erexit Ligustico marmore, & in Vaticano cellam dedicavit, simulacro argenteo confecto, Viturvii festum eucharistiae peregit insolito apparatu, strata undique sagis purpureis urbe, velataque linteis, quibus aureae stellae, veluti coelesti affixae globo, interlucebant, ut, excluso coelo, inter flores ad digiti crassitudinem, & diversi generis cantus, supplicatio procederet. Sylvestres etiam homines, hedera vestiti, cum leonibus atque ursis congregi videbantur artificio mirabili, & versus passim heroici caneantur, fontiumque fistulae, utrinque ex adverso sese ferientium, in murmure continenti demulcebant, stravitque omnem templi ambitum purpura. Catharinam Senensem, cuius multa

exta-

extare miracula ferebantur, in Divarum re-  
tulit numerum apparatu aequè magnifico.  
Ritus sacrorum & ceremonias ita ubique  
tennit, ut ad Sublacum inter coenobitas  
coenam eodem apparatu, quo illis, ministrari  
sibi biduo iusserit, quod & Capriolae in  
Hetruria fecerat, & ad Coenobium Divi  
Benedicti in Mantuano, & in Florentino  
ad Certusiam, cum ibi substitisset. Lustran-  
di orbem, & vagandi, adeo cupidus, ut ali-  
quando dederit calumniae locum, & le-  
gationem quidem Scoticam non invitum  
suscepisse constat; Britanniam vero itinè-  
re obliquo, & unde circumspicere multa  
posset, obiisse, dissimulata veste, Lundonias  
ingressum; voluisse etiam ad Orchades  
navigare, sed, deterritum male toties tenta-  
to mari, dixisse tritum illud, plus quam te-  
mere Neptunum accusare, qui tertio iacte-  
tur. Et Scotiam quidem Norvegiamque  
descripsit, facturus idem de Britannia, si red-  
ire ad exactiorem inquisitionem licuisset,  
Amadeum Allobrogem, qui, incertum, spe-  
cie sanctimoniae, an aucupandi Pontifica-  
tus gratia, solitudini se dederat, quod lo-  
cum delegisse amoenissimum ad ripam La-  
cus Lemani ferebatur, ultro adiit, locum-  
que descripsit. Habuit inter delicias &  
vallem Sarentanam, quae est in Rhetiis,  
fontium ubertate atque gratia eximie lae-  
tam, ubi & aedem consecutus est. Pro-  
fectione Mantuana, cominoratus Classi diem

Peregrinandi  
studium,

G g 2 unum

unum, reliquias labyrinthi, vetustate collapsi, perquisivit, & ad ostium fluminis Mincii divertit in villam, quam, constans est apud accolae fama, fuisse Virgilii. Agrum Tusculanum, & Albanum, & Tiburtinum, studio vetustatis circumlustravit omnem; viam quoque Appiam, & aquae ductus, & Hostiam, & Traiani portum, diversis secessibus inspexit, & in Appia quidem obeliscos ad hyppodromium iussit excavari. Hostiae vero in discrimine fuit, gravissima exorta procella, compulsus metu inundationis nocte media cubiculo excedere. Phalerios quoque adiit, quod audierat, muros adhuc extare lapide quadrato, & Ocricoli eadem de causa substitit. Circumnavigavit Thrasimenum & Vulsinium lacum, & utrobique in altera insularum pernoctavit. In Thrasimeno subscriptiones libellarias fieri, quae in lacu factae notarentur; in Vulfino summo iugo insulae erigi sacellum iussit, ubi est Christianae virginis sanum, & certamen concurrentium navicularum desepxit, proposito accolis praemio. Fontes sereno die adeo cupide frequentabat, ut saepe inter glaream & marginem coenam postulaverit. Augustam, & Alburnam, & derivationem Anienis, via Claudia ad Sublaeum usque invisit. Salonam quoque via Tiburtina ad laevam deflectens, Augustam ubi contegi ad vitandum aestum audivit, egit accolis gratias, statimque accurrit. Struxit

xit & Senae fontem in hortis prope pomœrium, aqua ductu subterraneo derivata, ubi diem saepe totum decernendis rebus exegit. Quem cum noctu quidam disiecissent, adeo tulit moleste, ut discedere statim voluerit, quaestionem tamen, ultro offerentibus civibus, interponi vetuit, dicens, satis magnam poenam suam cuique stultitiam esse. Montium, quoque delectabatur ascensu, ut in Romano & Tiburtino prope nullum praetermiserit; sed praecipue, qui virent arboribus, & in longissimum prospicerent. Amiatin, in Hetruria editissimum, conatus ascendere, ad media subleuit, lecticariis aegre subeuntibus. Senae cum diversaretur, saepe Capriolam secedebat, quo in loco iugum est pinu, cupresso, ilice ac lauro, consitum, semitis per gradus sub umbra distinctis. Nisi per hyemem aut pluviam, raro sub tecto aut prandebat, aut spatiabatur. Secedebat singula quaque aestate ab ortu caniculae, nisi qua re graviore distineretur, aut in proximas urbes, aut, si liberum esset, in Hetruriam. Itineribus usus per aestatem nocturnis, stationes libenter secundum fontes habuit, aut flumina & rivos, si fontes non occurrissent. Inter eundem aut interrogabat proximos de iis, quae prospiciebantur, aut ipse loquebatur, historiam loci, cum posset, ubique subnectens. Vere atque autumnô Viturvina balnea repetebat, aut Petriolana. Destina-

verat aliquando & Baiana petere ; sed, revocatus precibus Senensium, divertit ad Tusca. Lavabatur perfricabaturque a paucis, & exiguo apparatu, ne quem deterret eorum, qui prope lavabantur. Quae de causa nec horum sibi ullam praescripsit. Absterfus paulo plus minusve mille passuum vehebatur. Perpetuo Pontificatu lecticariis usus, ubi navigatio deesset. Annandi leviter secundis fluminibus, cum posset, occasionem avidissime arripuit, quod & minus quateretur, & lecticariis parceret. Dierum ac noctium rationem ad horas usque distinxerat. Surgebat aestate ad primam auroram, hyeme ad alterum gallicinium. Studium ita partiebatur, ut inter legendum aut scriberet, aut dictaret paribus prope intervallis, nisi cum historias texeret, quas constat & verissime, & festinantissime, scripsisse, plerumque duas in horas, nunquam minus, quam in unam, protracto studio. Exceptorem habuit Augustinum Patricium, quem aliquando ad horas quatuor exercuit, sed duntaxat valetudinarius, & cum chiragra laboraret. Deinde vel aderat rei divinae, vel ipse operabatur. Mox aut cum Patribus consulebat, aut dabat subscriptionibus operam : quae duo munera alternis diebus obiri solita, nisi cum feriae aut solennia prohibuissent, nunquam intermisit. Subscriptiones etiam extra ordinem, ut quaque postulator occurreret, & in an-  
sa

Ratio studio-  
rum,

Rei publicae  
cura,

sa, & in cubili, faciebat. In itinere, ubi ubi sub-  
 sedisset, acciri postulatores iubebat, nec un-  
 quam ad fontem, aut umbram, accessit sine  
 pugillaribus. Secundum consultationes Pa-  
 trum, aut subscriptiones, primum Oratores,  
 mox privati, admittebantur. Cum aliquando  
 unus e cubiculariis senem verbosorem fa-  
 cere dicendi finem clam submonuisset, ad-  
 vertens, repeti omnia iussit, conversusque  
 ad cubicularium, irato similis, An nescis, in-  
 quit, ex quo inivi Pontificatum, alijs me  
 vivere oportere, non mihi? Neminem  
 plus triduo demoratus, Oratores saepe, qua  
 die venissent, ceteros postredie, admisit, prae-  
 scripta cuique hora, ne quem expectando  
 fatigaret. Integritatem eorum, qui secum *Familiares,*  
 versarentur, exactissime perquisivit, repu-  
 diatis, quorum fama minus probaretur.  
 Initio Pontificatus Secretariorum numerum,  
 quod offerri quaedam temere dicerentur,  
 ad paucissimos redegit, panloque post ad  
 duos, Gorum Lollium, consobrinum suum,  
 & Iacobum Lucensem, spectatissimae probi-  
 tatis viros, & alterius quidem ingenium ac  
 vitam ita probavit, ut paulo post Antisti-  
 tem Papiensem, mox & Cardinalem, effecere.  
 Qui de postulatis referrent, homines sibi a-  
 scivit moribus & doctrina probatissimos;  
 praecipuum vero Agabium Cyncium Ro-  
 manum, clarum in Poëtica quoque, sed Iu-  
 ris scientia longe eminentissimum, quem  
 primum Anconitanis, mox Camertibus



praefecit Antislitem, maiora collaturus, si diutius vixisset. Constantissimus fovendis, quos semel esset amplexus, gloriabatur, inter suos neminem sibi fuisse inimicum sua culpa. Dilexit ex privatis Marianum Sozzinum, Senensem Iuriconsultum, veterem aequalem suum, & Procopium Boënum, quem aliquando in Germania collegam habuerat; ex Regibus Federicum Caesarem, & Alfonso Aragonem, & Matthaeum Pannonium, extremo tempore & Franciscum Sfortiam, quem bello regio socium habuit. Praecipue omnium complexus est Federicum Urbinatem, cui rei bellicae summam commisit; ex Patribus maxime Bessarionem Graecum Cardinalem Nicenum, aetatis suae doctissimum, quem & orare aliquando secundum se iussit, & legationem Germanicam commisit cum summa potestate, Carvajalium quoque Hispanum, eiusdem ordinis, clarum virum, quem iam senem, & attritum legationibus, ex Pannonia revocaverat, dialogosque aliquot inscripserat. Ex domesticis plurimum apud eum potuit Gorus Lollius. Catharinam & Laudomiam sorores aequae dilexit, & Laudomiae quidem virum, ad equestrem erectum ordinem, Umbriae praefecit; ex quatuor filiis primum, Antonium, in familiam regiam adoptatum, Marforum ac Lucanorum imperio praeficiendum, a socero Rege curavit; alterum, Franciscum, viginti annos natum, coopta-

optavit Collegio Patrum; reliquos duos, Iacobum & Andream, ad mediocres extulit opes. Catharinae vero, cum unicam haberet filiam, minus visus est praestitisse. Ceterum & praefecturas dedit genero, & ipsi ad viginti millia aureum nummum comparavit. Auxit familiam numero adoptivorum, inter quos sororis filios, & Gorum consobrinum, & Cardinalem Papiensem, & cubiculariorum aliquot, gentilitiis donavit. Alexandrum praeterea Mirabalum Neapolitanum, quem initio Pontificatus ob eximiam liberalitatem familiae, rei-que domesticae praefecerat, & oppidum Frascatam in Latio secessus aestui gratia concesserat. Amicis & propinquis raro se subtraxit. Sermone gaudebat libero & festivo, & qui modice exiret in iocum, fuitque natura non infacetus urbanitate extemporanea. Occurrentibus aliquando in itinere Lusitanorum Legatis, Nos, inquit, ad hos, an hi ad nos veniunt? Exeunte eo a cella palatii, cum Germanus senex, arrepta lectica, ius sibi reddi, exclamaret, una, inquit, de re, an de omnibus? Respondenti de una, statim subdidit: Recte sapis. Nam actum de te fuerat, si de omnibus postu-lasses. Alteri, se ipsius pedibus commendanti, Nescis, inquit, o stulte, quam debiles patronos imploraveris. Corfiniani, quo in loco natum eum diximus, non comparantibus fodalitiis, Solus, ait, meorum con-

Adoptivi,

urbanitas &  
facetiae,

praefecit Antislitem, maiora collaturus, si diutius vixisset. Constantissimus fovendis, quos semel esset amplexus, gloriabatur, inter suos neminem sibi fuisse inimicum sua culpa. Dilexit ex privatis Marianum Sozzinum, Senensem Iuriconsultum, veterem aequalem suum, & Procopium Boënum, quem aliquando in Germania collegam habuerat; ex Regibus Federicum Caesarem, & Alfonso Aragonem, & Matthaeum Pannonium, extremo tempore & Franciscum Sfortiam, quem bello regio socium habuit. Praecipue omnium complexus est Federicum Urbinatem, cui rei bellicae summam commisit; ex Patribus maxime Bessarionem Graecum Cardinalem Nicenum, aetatis suae doctissimum, quem & orare aliquando secundum se iussit, & legationem Germanicam commisit cum summa potestate, Carvajalium quoque Hispanum, eiusdem ordinis, clarum virum, quem iam senem, & attritum legationibus, ex Pannonia revocaverat, dialogosque aliquot inscripserat. Ex domesticis plurimum apud eum potuit Gorus Lollius. Catharinam & Laudomiam sorores aequae dilexit, & Laudomiae quidem virum, ad equestrem erectum ordinem, Umbriae praefecit; ex quatuor filiis primum, Antonium, in familiam regiam adoptatum, Marforum ac Lucanorum imperio praeficiendum, a socero Rege curavit; alterum, Franciscum, viginti annos natum, co-

opta-

optavit Collegio Patrum; reliquos duos, Iacobum & Andream, ad mediocres extulit opes. Catharinae vero, cum unicam haberet filiam, minus visus est praestitisse. Ceterum & praefecturas dedit genero, & ipsi ad viginti millia aureum nummum comparavit. Auxit familiam numero adoptivorum, inter quos fororis filios, & Gorum consobrinum, & Cardinalem Papiensem, & cubiculariorum aliquot, gentilitiis donavit. Alexandrum praeterea Mirabulum Neapolitanum, quem initio Pontificatus ob eximiam liberalitatem familiae, reique domesticae praefecerat, & oppidum Frascatam in Latio secessus aestui gratia concesserat. Amicis & propinquis raro se subtraxit. Sermone gaudebat libero & festivo, & qui modice exiret in iocum, fuitque natura non infacetis urbanitate extemporanea. Occurrentibus aliquando in itinere Lusitanorum Legatis, Nos, inquit, ad hos, an hi ad nos veniunt? Exeunte eo a cella palatii, cum Germanus senex, arrepta lectica, ius sibi reddi, exclamaret, una, inquit, de re, an de omnibus? Respondenti de una, statim subdidit: Recte sapis. Nam actum de te fuerat, si de omnibus postulas. Alteri, se ipsius pedibus commendanti, Nescis, inquit, o stulte, quam debiles patronos imploraveris. Corfiniani, quo in loco natum eum diximus, non comparentibus fodalitiis, Solus, ait, meorum con-

Adoptivi,

urbanitas &amp; facetiae,

vivio defum. Paternum etiam fundum circumvisens, in quo pinus erat, a patre, qua die ipse natus est, confita, iam praealta, cum ad eam defedisset, Haec, inquit, me admonet esse iam grandiusculum. Ad lacum Vulturnum, contententibus accolis delectica subeunda, & ut gladios stringerent, repelli omnibus iussis, Quam stulte, inquit, simul & onus, & periculum, quaeritis? Ad Amiatam, porrigente pastore cymbium lactis, ori admovit, quanquam admodum sordidum, ridentibus, qui aderant. Et hoc, inquit, dulcius, quam Artaxerxis poculum, & qui sitit, vitro non eget. Aedificandi

studium aedi-  
ficandi.

studium bella interceperunt. Ceterum in Vaticano cellas templi maximi, promiscue passim aedificatas, disiici iussit, ac mox secundum parietis tractum collocari, quo reddita est facies interior templi angustior & patentior. Addidit & cellam Divi Andreae, ad primum angulum templi laeva subeuntibus, ubi postea & sepeliri se iussit. Scalas quoque instauravit pro foribus templi, vetustate collapsas, stravitque aream amplissimam, vestibulo palatii communito turri excubatoria. Inchoatam supra scalas marmoream porticum, imperfectam reliquit. Est & ipsius arx Tiburtina opere tumultuario confecta, quod nec prohibuissent transitu, & iuvissent comineatu, hostes, & recipere intra urbem ipsius praefidia recusassent; exprobravitque dubiam fidem, & diripi eorum agrum est passus; fuitque & nostrum Distichon:

Ty-

*Tybur habes arcem, quod non tibi creditur: Hinc est:*

*Aeneas Phryx est; Tybur'es Agri-  
colum.*

Corfiniani ex oppido urbem Pientiam appellavit, designatis magistratibus urbanis in speciem iustae civitatis. Episcopio & Praetorio aedificatis, Episcopum & Triumviros instituit, & certamina gignica per gradus aetatis. Construxit & aedes gentilitias eximia pulchritudine, symmetria quadrangula, lapide suffusco extanti incrustatas ad digiti crassitudinem, commissuris paulo recedentibus, duplici ordine fenestrarum, annulis & cratibus ferreis; addiditque porticum ad meridiem, duplici concameratione, contignatione insuper acclivi, & triclinia aestiva atque hiberna, & cellas promtuaras alte suffossas, hortosque pensiles, Templum quoque, egregia structura, & aream pro foribus, & cellas in ambitum templi aramque subterraneam; vetuitque in eo quenquam sepeliri, praeter sacerdotes & Antistitem, quibus & tumulum seorsum assignavit, tam violari parietem, picturamque insigniri, aut appendi iconias, aut cellas erigi, aut altaria, praeterquam quae ipse destinasset; & praedia in sumtus annuos coemit. Architecto ad summam futurae impensae longe praementito, post perfectum opus addit centum iussit, dicens, desipere architectum, qui de impensa, quam nemo sit facturus, an-

te praeſiniat. Fecit & ſenex porticum gentilitiam concameratam, aedes quoque adiuncturus, quarum iam aream ſtraverat. Erexit & cellam ad ſanum Divi Franciſci, & in ea ſepulchrum parentibus marmore Ligulſico, hoc incifo Diſticho, quod ipſe condiderat :

*Sylvius hic iaceo : coniux Viſtoria me-  
cum eſt.*

*Filius hoc claudit marmore Papa Pius.*

Literarum  
amor,

Cogitaverat Anienem ad Tybur uſque navigabilem reddere, portum quoque Traiani repurgare, & in Pientino lacum facere, Orcia, flumine occluſo, ac vivo ex Amiatæ radicibus eodem derivato. Ingenia ſui temporis mirifice, fovit, ſed duntaxat probatiſſima. Invertens nonnunquam aliorum epigrammata, viſuſque contemſiſſe mediocritatem, contraxit invidiam, dicere ſolitus, Oratores & Poëtas, aut ſupremos, aut nullo in loco, eſſe oportere. Laudabat in dicendo candorem & vim orationis. Apparatum verborum nimium dicentis otium appellabat. Juvenis, delectatus Poëtica, Niraphileticum ſcripſit verſu magis facili & expedito, quam accurato; poëmata quoque in epistoſarum modum complura, Flexu ætatis orationi incubuit, invitatus rerum & legationum magnitudine. Scripſit ad Ladislaum, Regum Boëmorum, adhuc adoleſcentem, libellum unum, de Arte Grammatica, mox alterum, de Regia Inſtitutione,  
cum

Scripta,

cum in Germania vigeret; de rebus Boëmicis ad Alfonsum, ad Federicum de Norricis integros Commentarios; Rerum sui temporis, in Italia gestarum, libros duodecim, quod opus nondum absolutum cum vita finivit, vetuitque publicari, nisi emendaretur, de Eurialo, de Orru Nili, de studio venandi, de Haeresi Hussitarum, de Dignitate Caesaris, de Potestate Concilii, de Sanguine Christi, de Veritate Christiana ad Mahumethem Turcam, de Gloria belli suscipiendi ad Franciscum Sfortiam, de Erratis Basileenfium, de Fortuna, de Defensione Poëtices, de Miseria Curialium singulos libros, quorum magna pars dialogis constat. Descripserat in Pontificatu Asiam minorem; maiorem mors intercepit. Inchoaverat & aliquando historiam universi orbis, rerum aetate sua ubique gestarum; sed omisit, veritus, ne parum explorata colligerentur. Loca libenter exscripsit stilo extemporaneo, mox castigaturus, praeter Scotiam, & Norvegium, atque Luaniam, Rhodon quoque, Mitylenem, & Lesbum, & Cyprum, expressit accurata brevitate. Et historiam quidem temporum recentiorum nemo putatus est, & quaevisse diligentius, & verius tenuisse. Reliquit epistolarum quatuor volumina, distincta temporibus. Orationes nemo temporum nostrorum, & nec veterum quidem, tot habuit, omnes fere de rebus amplissimis,



mis, ceterum sententiis, quam verbis, illustriores, copia mira, & magnitudinem rerum excrecente. De verborum delectu non nihil illi Germania detraxerat, coacto saepe apud barbaros cultiora negligere. Sed earum magna pars exceptorum negligentia periit; quatuor & viginti extant. Pronunciabat voce sonora & gravi, verum eodem spiritu, semper, & crebris intervallis, ut dicere ex tempore, & sine cura, videretur. Persuadendi longe potentissimus, neminem ad se dicendo non traxit. In conventu Ratisponensi, male sustentatas a Legato Caesaris, partes ipse suscepit oratione extemporanea, ubi dicenti adversario: Et quando defines, molestus Germanis esse? Cum, inquit, tu incipies, illis molestus non esse.

*Ars divinatoria,*

Praevидisse illum futura ex longo intervallo, creditum est. Praedixit quadriennio ante, se in belli apparatu decessurum, hoc versu, quem ipsius manu vidimus scriptum:

*In Turcas bellum dum parat, occubuit.*

Senensi adultero, afferenti de rivali querelam, Nisi desieris, inquit, brevi occidere, quod accidit, nondum exacto mense. Legatis Venetis in conventu Mantuano, societatem adversus Turcas recusantibus, Forre, ait, ut, quod tunc reicerent, decimo post anno fero essent rogaturi, quod evenit. Nam decimo post conventum anno, amissa Euboea, opem ex omni Italia imploratum circumiere. Cum Ludovicus Al-

lu-

lobroga, Vir Charlottae, haud procul a Mantua transiisset, Cyprum mari petiturus, nec eum, ut par erat, salutasset, Brevi, inquit, recta ad nos revertetur, quod sequenti anno fecit, Cypri regno depulsus. Statura fuit infra mediocrem, corpore <sup>forma corpore</sup> per adolescentiam modico, flexu aetatis <sup>ziz,</sup> aliquanto pleniore, oculis laetis quidem, sed qui torve in iram excandescerent, capite compacto & ante diem cano, facie subcandida, annis seniore, & ad minimam quamque valetudinem statim coincidente. Fuit laboris & inediae, quam frigoris atque aestus, patientior. Calculo vexabatur prope menstruo, & assidua tussi, <sup>morbi,</sup> Pedum usum iam pridem amiserat, cum rigore nivali, quem diximus, tum etiam superveniente podagra, chiragra sero offensus, & raro. Astrologas se manus habere, iocabatur, quod aequinoctium tumore praedicerent. Quae omnia adeo patienter tulit, ut constet, legatione Germanica impeditum graviter podagra, tamen a collega, ut diem unum subsisteret, adduci nequivisse, & in aquis Petriolans pertulisse duas in horas fistulam deuncem, Romae quoque inter maximos calculi dolores continuasse orationem, vix obtorto leviter ore, ac submorfo paulum labro, deprehensum. Magnitudinis ejus <sup>praefigia magnitudinis,</sup> magna quaedam antecefferunt. Mater nocte posteriore, quam peperisset, visa est in somnis puerum mitratum peperisse, diu gra-

graviter sollicita de omine, donec, designatum Tergeſtanis Antiſtitem, audivit. Corſiniani, ſeptimum agens ætatis annum, inter ludos pueriles Pontifex Max. ſalutatus ab æqualibus, ſingulos ordine ad oſcula pedis admittit. Alſonſus, venientem ad ſe Neapolin, e ſeneſtra digito amicis oſtendens, En, inquit, nobis Pontifex Maximus. Federicus quoque Cæſar, cum e Cyminio monte Latium proſpexiſſet, eo acciri ad ſe iuſſo, Cito, inquit, his in locis regnabis, Ænea, & qui tibi nunc imperamus, brevi parebimus. Romæ unus ex regiis purpuratis, ad eum iam Cardinalem veniens, cum lunas, ſagis intextas, aſpexiſſet, exclamavit, fore eum Pontificem maximum, quod, agens ipſe aliquando in Calabris, audiſſet, eſſe in arcanis, proxime futurum Pontificem ea ſigna habiturum. Qua hora creatus eſt Pontifex Romæ, eadem Laudomiae ſorori Corſiniani eſt nunciatus, octoginta millibus paſſuum ſpatio, nec viſus amplius, qui nunciaverat. Incidit ſæpe in diſcrimen vitæ.

pericula vitæ, Puerum pene trimum decidiſſe præcipiti loco, & prope exanimatum, conſtat; a bove quoque impetum cornibus, ac, ter iactatum, præter ſpem evaſiſſe; multis in locis conſoſſum. In Britannia cum a coena mercatoris amici reverteretur, qui ſummaſtrum præſerebat, ipſius in oculis occiſus eſt, prope ut ad eum vulnus pervenerit; & tranſfretatione Britannica, ſereno die, cuius ad

ad navigandum invitatus, serius ad navem iam solventem venisset, navis, & qui in ea erant, haud procul a littore, ipsius in oculis demersi sunt. Mediolani cum febrim incidisset, graviore accepto pharmaco, pene consumptus profluvio est; cum alterum medicus supparasset, pyxide casu effracta, periculo eximitur. Nec multo post Basilae, pestilentia contactus, paulum ab interitu absuit, ab amicis omnibus, praeterquam ab Andrea Panigalio, destitutus, quem postea inter praecipuos habuit. Alpes Vindelicas hyberno aequinoctio ingressus, paulum absuit, quin liquentium nivium lapsu obrueretur, semel ingenti globo deiectus. Apud paludes Pontinas, cum noctu per flumen Ligulam navigaret, tribus horis limo inhaesit, navi, quae eum sequebatur, cum undecim viris absorpta. Ad Cumas quoque, nocte cum appulisset, navis oppressa est, sed citra cuiusquam discrimen, quod haud procul a littore, nec profundo admodum mari, subsedisset. Qua quoque die coronatus ad Lateranum est, in periculo fuit, ne a turba congratulantium opprimeretur, ut necesse fuerit, prae fractis scipionibus, gladiis arceri multitudinem, quod idem postea & Narniae contigit. Infidiae illi bis structae, primum ab Everso tyranno, adiutore Boccardo, Piccinini scriba, cuius interceptae sunt ad eum literae, habere se venenum, quo, simul paulum lectica illi-

H h

nire-

niretur, statim peritulum; se quidem cor-  
rumpere aliquos ex leſticariis voluiſſe, ve-  
rum neminem inventum, qui facinus rece-  
piſſet; adhibendam eius auctoritatem, &  
maiora praemia proponenda. Quod ubi  
reſcivit, tantum admonuit Paſaliam, prae-  
ſectum cuſtodiae corporis, ne quem parum  
cognitum leſticarium admitteret. Altera  
a ſicariis Tyburtianis. Ii ex Hettruria ad  
exitum autumnii redeuntem nonnullos ſub-  
ornaverant, qui, veluti libellum porrecturi,  
pugione conficerent. Sed illo properante,  
nondum confirmatis ad ſcelus animis, prius,  
quam veniſſet ad locum infidiarum, pate-  
facta res eſt. Et credidit alioquin ſe fa-  
cile omnibus fiducia tanta, ut profectione  
Mantuana aliquando per hoſtilem agrum  
ſine praefidio tranſierit. Mors quoque eius  
praecognita, rumore paſſim diſſipato, ad  
exitum anni ſexti deceſſurum; & ipſe in  
pratis Quintiis, cum ex urbe diſcederet, con-  
verſus ad moenia, Vale, inquit, Roma,  
nunquam amplius vivum me viſura. Qua  
die atque hora deceſſit Anconae, in He-  
truria Camaldi, quod eſt in Apennini iugo,  
ſenex Germanus, victu aſpero ſex & qua-  
draginta annos intra Sacelli clauſtra emace-  
ratus, atque inter coenobitas miraculis cla-  
rus, egreſſus ad limen primum veſtibuli,  
videre ſe, exclamavit, magnum ſacerdotem,  
corona triplici, & candido amiſtu, deferri  
in coelum, cantantium virguncularum coe-  
tu

praefagia  
mortis,

tu & nubecula septum. Attonitis, qui ad-  
 erant, & quid id esset, coniciantibus, quar-  
 to post die, quantum itineris Anconae di-  
 stabat, nuncius de morte eius affertur, &  
 tempore, & habitu, convenientibus. Expe- Fervor in pa-  
randa expedi-  
tione in Tur-  
cas,  
 ditioni in Turcas vehementius incubuit, &  
 festinantius, quam esset e valetudine, & a-  
 lieno tempore. Cum recens rediisset e  
 balneis, obiciantibus amicis senium & va-  
 letudinem, Patebit, inquit, in coelum redi-  
 tus, si Romam non dabitur; & Fano ex-  
 pugnato, sublati in coelum manibus, Re-  
 cte, inquit, habet. Iam vocor ad bellum  
 meum. Accelerarunt eius profectionem  
 Philippi Burgundi, magnificis promissis, &  
 praeterea Thelephi, Armeniae, & Georgii,  
 Persarum, & Asiae, Mesopotamiae, & Gor-  
 gorae maioris Hiberiae, & Vitebechi, mi-  
 noris, Regum Oratores, Romam una ad eum  
 missi, diversa lingua, habitu dispari, & ce-  
 teris quidem tonsi erant in morem nostram  
 capilli, Mesopotamiis globus unus in cin-  
 cinni speciem relictus intonsus, vestes o-  
 mnibus laxae deiectae, pileo praelato & sub-  
 limi. Horum cum unus dies singulos vi-  
 ginti carnis pondo devoraret, Si in convi-  
 vio, inquit, & umbra his sociis diuinan-  
 dum erit nobis, iam vicinus. Oratio eo-  
 rum gravis & stricta. Centum viginti mil-  
 lia armatorum pollicebantur, & Pancrati-  
 um Hiberum, socium belli, viginti magnae  
 in re militari auctoritatis. Quam summam

cum audisset, non creditam, & luxuriae, quam bello, aptiorem ratus, Alere, inquit, tantum exercitum difficile erit Europae. Maturandi causam etiam Pannonii dedere, quos. postulasse a Turcis pacem, constabat, conditionibus admodum iniquis. Quare, misso statim equitum mille, in annum unum stipendio, ac spe adventus sui facta, in fide continuit. Cruce signatorum etiam concursus ad Anconam factus, quos ad triginta millia ex Gallia atque Hispania error attraxerat, vulgato temere, Pontificem omnibus, qui ad bellum transinarinum proficiscerentur, & navigium ad traiciendum, & victum ad finem belli, suppeditaturum. Igitur, praemisso ad eos, in adventum suum continendos Caravaialio Hispano Cardinali, ac rebus per Italiam omnem compositis,

ultimum iter,

novissimus  
morbus,

Ad portem Patribus, ac tur-

ba

ba omni dimissa, cum paucis lembum con-  
scendit, adverso Tyberi navigaturus. Cum,  
effusa patentibus pratis, civitas abeuntem  
consalutaret, ac reditum audienti precaren-  
tur, prorupit in lacrymas. Substitit nocte  
prima ad Castellum Lobeum, confessus,  
navigationem eius diei difficillimam fuisse.  
contrario flumine colluctanti, quod ex  
imbecilli potius valetudine, quam labore,  
accidisse putatum est; nec ausus in ripam  
descendere, gravi defatigatione contractus,  
noctem totam egit in lembo. Postridie,  
quanquam inhibentibus inedicis, matutinum  
iter multo ante solis ortum solvere cum  
iussisset, ad oppidum Phianum pervenit,  
navigatione longissima, quadraginta milli-  
bus passuum uno die confectis. Cum pridie  
illius diei ad decimum milliarium substi-  
tisset, pernoctavit, & secundo in flumine  
hoc in loco dum ageretur de parte classis,  
quae stracta ad portum Pisanum penetrare  
in superum mare per fretum Siculum iu-  
beatur, venireque Anconam ad copias ex-  
cipiendas, nunciatumque esset, triremes Ge-  
nuensium, & naves onerarias, quae ad sum-  
mam classis pertinebant, nondum esse pa-  
ratas, & praeterea Philippum Burgundum  
profectionem verbis extrahere, cominotus  
animo est. Auxit molestiam prolapsus e  
ripa, demersusque in oculis, adolescens, ad  
remigium mercede conductus, tardè accu-  
rentibus nautis. Quod adeo tulit, acerbe,



ut precatus veniam extincto, & abominatus casum, nec lacrymas continuerit. Ad radices montis Soractis taedio navigationis, simul & moerore extincti iuuenis, exponi se primum navicula iussit, questus, semper male sibi navigationes cessisse. Quod verbum sinistre accipientibus cubiculariis, & quid committeret se toties praesenti periculo, interrogantibus, ratus, ad deterrendum se ab transfretatione Illyrica, dictum, quod sciebat, invitis multis se Italia excedere. Nevinem, inquit, cogimus; nec aliud locutus, reponi in lembum se iussit, provectum ad quindecim millia passuum lectica confectis. Supra Oericolum maxime consternatus est, obvia cruce signatorum multitudine, quos morae impatientes retinere Carvialius minime poterat, & agmine cum reverterentur, nec rapinis abstinebant. Quocirca medici, averfuri eo spectaculo illius oculos, obduci lecticae velum perpetuo itinere, causati ventos, iusserunt. Ab Oericolo per Narniam, Interamnemque, Spoletum aegre, & in itinere quatuor dierum, pervenit, conquievitque totum triduum, &, arce communita, praesidium auxit. Iter deinde a laeva per Fulginenses agens, Fulginensium quosdam, subsequi ad Assisium iussos, relegavit, praefinito in reditum suum exilio, ausos & coetus cogere, & praefecto Urbis, ubi ille Italia discessisset, iam tunc insidias praestruere. Tyrannidem sibi per  
cae-

caedem arrepturos. Instaurari & Affligi utramque arcem iussit. Superato deinde ad Fabrianum Apennino, iter flexit ad Fanum virginis Lauretanæ, vota nuncupaturus, ubi & aureum obtulit calicem, ac pateram, eximiae magnitudinis. Ingressus Anconam XV Cal. Sextilis, supplicationes trium dierum decrevit, præfatus, initia rerum Deo, cetera virtuti, commendanda esse. Nuncio allato de incurfione Turcarum in agrum Ragusinum, milites ducentos, ad corporis custodiam comparatos, cum paucis sagittariis, triremi expedita, navigare extemplo Ragusum iussit. Triremes Venetas numero duodecim, in quibus & Venetorum Dux aderat, ubi appropinquare intellexit, deferri se iussit ad primum litus, classem inspecturus, eaque inspecta, subgemuit, una edita voce, nuper sibi navigandi occasionem defuisse, nunc occasione se defuturum. In cubiculum relatus, solvi statim profluvio coepit. Medicis nihil periculi promittentibus, Et hæc quoque Principum miseria est, inquit, ne in morte quidem carere assentatoribus; postulavitque eucharistiam, quam & tri-duo prius acceperat, & paulo ante ad Lauretanum. Acciri deinde Patribus iussis, hortatus est, in expeditione persisterent. Triremes, & quæ in portu erant, & quas venire per fretum Siculum nunciabatur, tradi Venetis iussit; pecunias, ad aureum nummum quadraginta millia ex decimis

exactas, Matthiae, Regi Pannoniorum, mit-  
ti in sumtus belli. Cum deficere vires sen-  
tiret, reiciens sese in Cardinalem Papien-  
sem, Fili, inquit, curam meorum ipse  
fufcipito, & huic expeditioni adesto, In-  
terrogatus ab illo, an sepeliri Romae se  
vellet? non tenuit lacrymas, subdeus: Et  
quis id procurabit? Illo recipiente, se  
curaturum, refici visus est; vocavitque  
Patres ordine ad osculum, postulata prius  
a singulis venia, si minus recte rem Chri-  
stianam adinstitisset. Lacrymantibus om-  
nibus, & Bessarione eius verba de re  
Christiana sanctissime gesta excipiente, ite-  
rum, amplexis omnibus, inungi se iussit,  
ubi concurrens & ipse precibus, inter hy-  
mnos expiravit, voce ultima aegre edi-  
ta, rogare omnes, pro se precarentur. De-  
cessit anno aetatis nono & quinquagesimo,  
religionis nostrae millesimo quadringente-  
simo sexagesimo quarto XVIII Cal. Se-  
ptembrium, ex quo Pontificatum inierat,  
anno sexto. Polinctores, curato corpore,  
cordatissimum affirmaverunt. Praecordia  
exfecta in templo Divi Cyriaci recondita  
fuere. Corpus decreto Patrum, subsequen-  
tibus ipsis, relatum Romam est, & in cella  
Divi Andreae sepulchrum ad Vaticanum.

& infecuta  
tandem ipsa  
mors,

ergo, funus.

*Vita Pii a nobis parvo conclusa libello,  
Digna elephantini tergoris orbe fuit.  
Larga, sed hoc illi Papiensis vena, nec  
unquam,  
Dum coeli stabunt, emoritura, dabit.*

Cam-

*Campani exigua, & rivo deducta minuto,  
Non explet, primum vix rigat illa la-  
brum.*

*Cum tua mox aedes nunc pressa volumina,  
dicent,*

*Campanus dormit, suscitât iste Pium.  
Debitis at quamvis, atque omni manca la-  
bort,*

*Magnum si tetigit, dextera iuvit onus.  
Sic ego pone sequens, & post tua terga,  
priorem*

*Laudabo, atque auctor non ero, testis ero.*

## F I N I S .

*Esse hoc in tumulto Pium Secundum  
Ne tu crede; Pius petivit astra;  
Terris gloria nominis vagatur.  
Præterquam ossa nihil reliquit urnat.*



IOANNIS ANTONII  
CAMPANI AD PANDVL-  
FVM BALIONIVM THRA-  
SIMENI DESCRI-  
PTIO.

Descriptio  
montis Aerei.

**V**enimus Thrasimenum Idibus Se-  
ptembris. Sed hic quoque saepius  
errare, mutareque sedem, coacti, pri-  
mum ~~X~~ ad Aereum montem, propter loci so-  
litudinem, amoenitatemque, confugiunt.  
Monticulus est editissimus, & situ, prospectu-  
que pulcherrimus. Nam & sese insigni  
rotunditate complectitur, &, densissimis ad  
eius radices relictis sylvis, in liberum atque  
expeditum cacumen exsurgit. Nec perpe-  
tuo, ut ceteri montes, excurrit dorso, sed  
colligit paulatim sese, atque ex omni late-  
re, latis interiectis vallibus, finitimorum  
montium societate disiungitur. Lacum  
praeterea, radicibus late iacentem, universum  
despectat. Tum arcem habet perexigu-  
am quidem, totum tamen cacumen mon-  
ticuli complectentem, mirifice ad vento-  
rum flatus atque impetus excipiendos ae-  
dificatam ~~X~~ Hic nos, quamdiu venti ac fri-  
gora tolerari potuere, dies circiter viginti  
commorati sumus. Hyeme deinde ad-  
veniente, in pacatiora descendimus loca, u-  
bi nec cum continuis ventis esset nobis, nec  
cum assiduis nubibus decertandum. Op-  
pi-

pidum est in littore lacus amoenissimum, Montem accolae vocant. Credo ea de causa hoc inditum nomen, quod aliquan-  
 to altius, quam cetera oppida, quae Thra-  
 simeni fluctibus abluuntur, in speciem par-  
 vi montis erigitur, universum pene pro-  
 spectans lacum, intra quem sic extenditur,  
 ut procul aspicientibus insulae speciem re-  
 tinere, continentemque relinquere, videatur.  
 Itaque ex tribus lateribus continuo claudi-  
 tur lacus, reliquo latere porrigit sese, ac  
 paulatim expandit in continentem; nec  
 multum procul in collem assurgit per apr-  
 cum, & ad omnia gigaenda feracissimum,  
 tum partim ad venandum sylvestrem & ne-  
 motosum, partim liberum & in apertum,  
 patentes campos. Quo fit, ut id oppidum  
 omnium consensu totius agri Perusini a-  
 moenissimum censeatur. Nam quae ad  
 moenia & domos spectant, cultiora sunt,  
 quam credere quenquam incolarum for-  
 tinae patiantur. Totum oppidum silico  
 quadrato stratum, & pluviam aquam uni-  
 versam in lacum exspuit, & sordes ac coe-  
 num, solo in lacum devexo, non continet,  
 ut non minus hyeme, quam aestate, siccis  
 pedibus incedere, totumque oppidum lu-  
 strare, sine molestia possis. Porro eam mun-  
 ditiem ingens vicorum latitudo exornat, ut  
 bini currus, si planicies soli pateretur, oc-  
 currere sine impedimento facile possint.  
 Sed quo minus curribus uti queant, regio-  
 nis

Descriptio  
 urbis Montis.

Le oindus T  
 -soulard T  
 1800

Le oindus T  
 1800  
 -soulard T  
 1800

Le oindus T

nis importunitate prohibentur; & oppidum est in lacum, a quo tribus, ut est dictum, lateribus abluitur; proclive atque devexum. Itaque oppidani nullis terrestribus vehiculis, sed iisdem, quibus in mari, navigiis utuntur. Hoc in loco totam hyemem & aestatem iam mediam commorati, incredibile dictu, quanta varietate rerum omnium, quantisque voluptatibus piscandi, venandi, navigandi, aucupandi, tempus id omne transegit, quanquam ferarum venationibus, fugiendi nimii laboris gratia, rarius nos quidem, sed tamen interdum, utebatur. Sed quo plenius earum rerum opportunitatem intelligas: Thrasimenum tibi ad unguem, ut dicitur, describemus; Tu modo epistolae inodum ne requiras. Est enim praeter incredibilem ubertatem piscium, qua ceteros Italiae lacus antecellit, facie atque aspectu longe pulcherrimus. Etus ambitus, millia passuum circiter triginta complectens, littore lato, atque arenoso, in speciem maritimi sinus extenditur. Multa praeterea oppida, Thrasimenum ex omni parte cingentia, perpetuum exornant littus. Pleraque, non multo a lacu ipso intervallo recedentia, mirifice eam plagam cultu agrorum atque hominum celebritate exornant. Medio lacu tres interiectae insulae aspicuntur, quarum duae, ad septentrionem vergentes, haud multum inter se distant, earumque altera minor, ut est,

Transitio ad  
Thrasime-  
num;

Qui facie at-  
que aspectu  
longe pul-  
cherrimus.

In medio lacu  
tres occurrunt  
insulae, quae  
describuntur.

est; insula, altera maior, appellatur. Minorem incultam atque inhabitatam remansisse angustiam multitudine, ferunt, solo templo in eius cacumine posito. Maior insula, quae ad agrum spectat Cortonensem, ducentis prope familiis habitatur. Reliqua vero, quam tertiam esse, monstravimus, frequens hominibus, situ aliquanto maior ceteris, qua parte lacus pertinet in meridiem interiecta, sex millibus passuum a maiore minoreque insula distare fertur. Hoc omnes mille passus, diversa tamen regione, recedunt a continente. Earum incolae solis fere piscationibus incubnere. Nam frumentum, nisi pauci admodum, non ferunt, quanquam vineta non modo insularum dorsis, sed extremo etiam littore, proximisque littori collibus, plantavere, adeo bibendi voluptas illis, quam comedendi, maior. Lignatum pabulumque in finitimos campos sylvasque egrediuntur. Vicina quoque oppida haud multum colendis agris ceterisque artibus student, omni fere victu ex piscationibus, quibus mirifice dediti sunt, quaesito. Ceterum lacus diversae orae, certis spatiis intervallisque notatae, haud secus, quam terrestria inter se loca, distinguuntur. Suum unicuique orae nomen, sui extant termini, tum piscandi varia genera, quot vix universo mari habeantur. <sup>Orarum adiacentium situs, ratioque vendi;</sup> Navigiis quoque non unis utuntur. <sup>Diversarum diversa navigia,</sup> Habent enim, quas illi naves, nos melius magnas, ut opinor,



nor, scaphas, appellamus. Neque enim subductae in navis modum, curvataeque sunt, sed lato planoque fundo, ut minus vi tempestatis agitantur, sic tardius, quam maritimae naves, promoventur. His similia sunt navigiola, eundem prope in modum aedificata, nisi quod aliquanto minora, quam naves, & gubernari a paucioribus possunt, & omnem in partem facilius celeriusque vertuntur. Sunt & alia navicularum genera, Caravellas illi, nos vel lintres, vel propter celeritatem Celoces appellamus, aliquanto tamen maiores, quam lintres. Earum genera extant duo: aliae, paulo altiores, eodem, quo navigiola, modo, binis trinisque remis impelluntur; angustiores aliae, pressioresque, ut singulas singuli, cum velint, remiges moliantur. Hae cetera navigia celeritate antecedunt, persimiles reliquis, nisi quod ad velocitatem excogitatae, tenui ac levi tabula conficiuntur, rostrisque sunt humilioribus, nec supra naviculae altitudinem elevatis. Quae ut celerius, parvo impulsae motu, pervehuntur, sic, lacu intumescente, difficilius tempestati resistunt, ut ne toto quidem lacu ad navigandum tutae, hybernis praesertim mensibus, existimentur. Tempestate adveniente, in lacum deduci non possunt, aut, si deducantur, vim ventorum, nisi magno cum periculo, non sustinent. Saepe enim agitatae, concussaeque fluctibus, nonnunquam undis etiam completae, ne magna

gna quidem vi procellarum obruuntur. Ce-  
 teris navigiis non dubitant se committere;  
 totumque lacum remorum impullu per o-  
 mnia tempora aestuosissimis etiam fluctibus  
 navigare. Nam velis uti, quam rarissime  
 solent, credo, quo expeditiores habeant na-  
 ves, ne rudentibus ullis, aut antennis, impe-  
 diantur.

Quibus igitur ad navigandum  
 piscandumque remigiis utantur, vides. Nam  
 parvas lintres, quarum usus non nisi in ex-  
 tremo est littore, non putavi dignas, quae  
 in renigiorum numero ponerentur. Agun-  
 tur enim conto, aut pertica, lacus fundus  
 attingente, nec alia contis navigia pellun-  
 tur. Nunc, quibus modis, quibusque tem-

poribus piscari soleant, aperiemus. Nam  
 de aquaticis aucupiiis, quorum non minore,  
 ut arbitror, admiratione capiere, postremo  
 loco dicemus. Sed cum de piscationibus  
 dicendum est, oportere, arbitror, etiam de  
 retibus facere mentionem, quo plenius co-  
 gnoscas omnia. Et retarium apud eos u-

sitatius, quod vocant iacium, a iaciendo, ut  
 arbitror, appellatum, rotundum, amplum  
 crebris nodis, arctissimisque maculis, elabo-  
 ratum, quo, ubi pisces inescavere, dextra  
 miro artificio collectum, ac funiculo, cui al-  
 ligatum est, laeva detento, duodecim fere  
 pedum intervallo eiiciunt, quod, plumbo  
 paulatim ad ima deductum, dextra laeva-  
 que per funiculum, huc illuc reptando, contra-  
 hitur. Saepe, nullis factis inescationibus,

lapil-

piscandique  
 modus.

Retium, quibus  
 piscantur  
 descriptio, ut  
 pote iacii,

lapillos in aquam coniciunt, ad cuius sonitum concurrentes, qui prope natant, pisces, superiecto statim laciis, capiuntur. Nunquam, magna coorta tempestate, fluctibus altissime concitatis, cum pisciculi undique ad portum confugiant, laciis usus praecipuus habetur. Estate adveniente, pisces ad littora frictus causa coeuntes, incredibili multitudine eodem reticulo capiuntur. Quod eo potest videri delectabilius, quoniam, qui hoc piscantur modo, per ipsam litoris arenam siccis, cum velint, pedibus pervagantur. Est & alius usus laciis, de quo posterius dicemus. Utuntur praeterea retibus eximia longitudine, maculis quidem amplissimis, latitudine vero non

Cervariorum, magna, vocanturque Cervaria, quod & latiores habeant texturas, & sint, quibus irretiantur cervi, prope simillima. Eorum latitudo quinque, longitudo triginta, continet pedes. Quibus cum velint uti simul, Cervaria plura connectunt, quae, longo tractu lacus subsidencia, pisces non nisi pinguiissimos interceptiunt. Nam hi magis libere fusaque vagantur; limo plerumque ceteri conteguntur. Piscatoribus interdum sonitu ac strepitu peragentibus, excitati pisces, & fugae intenti, occurrentibus implicantur Cervariis. Sed hoc duntaxat per aestatem; hyeme omnium interdictum est strepitu, ne pisces ipsi thoros, de quibus paulo post dicam, deferere & in aliam regionem

gionem perterriti migrare cogantur. Tenduntur autem Cervaria per aestatem interdiu, nonnunquam etiam noctu; hyeme vero, per noctem in lacum relicta, prima statim aurora repetuntur. Sed de hoc genere, quoniam vulgatiores extat usus; plura non dicam. Tertium rete multo mirabilius, quam cetera, incredibili magnitudine, arctissimis intextum maculis, filoque perduro & licio persimili, in latitudinem centum, in longitudinem ducentos, pedes extenditur. Eius usus hyeme tota permagnus fructus affert uberrimos. Hic enim lacus unus ex omnibus, quos nostra admittit Italia, hibernas piscationes non solum pati, sed etiam fructuosissimas praestare, consuevit, cum omni genere piscandi, tum maxime, de quo nunc loquimur. Et habet Thrasimenus opportunitates piscandi multas, quarum omnium vel maximam esse censent, quod in tanta latitudine atque ambitu, ubi maior est eius altitudo, non amplius, quam quatuor & viginti, continet pedes, solumque habet planum & limosum. Limus autem perlucidus decem pedum continet altitudinem, hyemeque est calidissimus, & ad fovendos pisces mirifice accommodatus. Illic enim saepe, relictiis thoris, occultantur, ut qui futuram hyemem ac ventos diu ante naturae benignitate praesentiant. Quae si horridior futura sit, thoros magno cum incommodo piscatorum deferentes, ad limum

Opportunitates  
piscandi.

li ipsum,

Descriptio  
Thororum.

ipsum, tanquam ad meliora tecta, calidioraque hiberna, confugiunt, eodemque brumae tempore toto delirefcunt, nisi qui aliquanto sunt obefiores. Hi enim neque thoros deferunt, neque frigora magnopere pertimescunt, adeo macies nocere etiam piscibus potest. Sed ne ab instituto recedamus, absolvendum est nobis tertium piscandi genus, mirabilius ceteris omnibus, atque uberius. Circiter Calendas Iunias primum ex vicinis sylvis, quarum magna circum lacum extat copia, tenuem ac frondosam materiam subcidunt, sarcinulasque cogunt incredibili multitudine. Ex his deinde densissimos aggeres in medium lacum coniiciunt, ita, ut aqua penitus obrutae, ne a supernavigantibus quidem aspiciantur, eosque appellant Thoros, nomen, ut ferunt, a re ipsa traductum, quod pisces, vel diurna peragracione fatigati, vel, quod verisimilius videtur, frigoris vitandi causa, illic noctu ad sarcinulas conquiescunt. Quod nisi saepe fecerunt, tanquam ad sua cubilia hibernis duntaxat mensibus affuescunt. Sternuntur autem in universo lacu thororum circiter duo millia. Nam ex quadraginta navibus, quas habent singulae, quinquagenos sexagenosque substernunt; quanquam non semper novos exaggerent thoros. Plerumque enim veteribus nova viridioraque stramenta subiiciunt. Non nunquam virentibus paucis adiectis sarcinulis, thororum inflau-

flaturationes appellant. Igitur omnium difficillimum est thororum tantum numerum medio in lacu, nullis impositis signis, ab unoquoque suos, observari potuisse, cum nec multum inter se distent, sintque permixti, nec quicquam, quod oculis patere possit, emineat. Sed nihil tam difficile est, quod idem humana non vincat industria. Notantur igitur thori mirabili diligentia: Piscatores, quem in locum sarcinulas congesse, illinc e medio lacu in continentem prospicientes, quae facilius occurrant oculis, bina signa, pertinentia ad orientem solem, totidem ad occidentem & septentrionem, interdum etiam ad meridiem, diligenter observant, mandantque memoriae. Non nunquam inter domesticas ratiunculas & thororum regiones ac signa conscribunt. Signorum autem altera propinquiora, remotiora altera, utraque tamen ad oculos ipsos per eandem rectam lineam occurrentia, sive domus illae sint, sive arbores, aut aliquid tale, quod procul intuentibus cerni possit. Itaque ex tribus, aut ad summum quatuor, lineis, ab oriente, occidente, meridie, septentrione venientibus, singulae per bina transeunt signa, quorum alterum quidem, ut supra dixi, remotius est, alterum vero propinquius. Proinde quem in locum lineae recte per sua signa concurrent, illinc statim significant thorum. Sed quoniam facilius percipi solent, quae oculis,

quam quae auribus, patuere, similitudinem etiam afferemus; tu, quod ipsi literis explicamus, animo diligenter attendito. Vidisti saepe & multa, cum trivium, tum etiam quadrivia; nec ignoras, omne trivium in tres, quadrivium in quatuor, sectum esse vias, quae ubi committunt, aut secant sese, medium quoddam spatium, quasi centrum, efficiunt. Finge, & rectissimas esse vias, & unicuique viae duas turres, aliquanto intervallo distantes, eminere, quarum propinquior altera duo, altera remotior quatuor, millia passuum distet a centro. Qui igitur in trivii centro maneat, sex videbit turres, tribus rectis ad se tramitibus pertinentes. Qui autem in quadrivio permorabitur, octo perspiciet, quatuor ad eius oculos rectissimis tractibus occurrentes. Quod si paululum a centro ipso recedatur, nec viae patebunt longius, nec turrium ordo constabit. Primum ergo, cum thorum velint invenire, qua nocte piscandum est, quam in regionem coniectas arbitrantur sarcinas, in eam de tertia vigilia, quanto maximo fieri potest silentio, devehuntur. Deinde, conversi ad continentem terram, tam diu, huc illuc navigantes, circumspiciunt, donec sex, aut ad summum octo, quae observaverant, signa rectis ad oculos concurrunt lineis. Qui si paululum ex loco moveantur, nec signa occurrent, rectis illuc tractibus aspicientia, nec lineae in alium quempiam

piam locum recte congregientur. Coelo autem nubilo, cum prospectus in continentem obscuritate noctis, aut nebularum densitate, impediuntur, non nunquam thoros piscantur alienos. Quia re cognita, thori domino, aut partem lucris satisfaciunt, aut integrum thorum, quem ille velit, piscandum concedunt. Utrum eligat, in eius est arbitrio, cuius fuerat thorus. Quod si nebulae diutius circum lacum haerent, montes ac rura aspectu eripientes, piscationes per id tempus fieri non poterunt. Thoro per eum, quem diximus, modum invento, ambitum eius pertica longissima percontantur suspensim, ac nullo cum strepitu, statimque retia illa, quae diximus, circumtendunt. Magnus sane in tendendo labor. Primum omnium navim ad palum quandam, longo intervallo a thoro defixum, longissimo alligant fune, ita, ut palus eo pertineat, unde ventorum occursum impetus videatur. Id autem eo consilio faciunt, ut & navis consistere, & longo funis tractu minus a ventis impelli, exagitarique, possit. Deinde thori ambitum, diligenter, ut est dictum, contis longioribus quaesitum, circumdant duobus ordinibus perticarum, aliquanto interiecto spatio distantium, quibus alligata retia ita suslineantur, ut, protracta in longum, atque extensa, glomerare sese & supernatare non possint. Retia non modo ad solum usque demittuntur, sed ita pars quaedam per limum extenditur, ut pedes aliquot ae-

Retia circa  
thoros ten-  
dendi labor,



piscandique  
modus.

quata protensaue iaceat, fiuntque anguli curvi atque ampli, altera parte prioris ordinis perticarum in soli speciem strata, altera per reliquas perticas in modum surgentis parietis, quae pars sursum exsurgit, aliquot in ea sarcinulae suspenduntur, quo perterriti pisces, ac thoris exagitati, confugere latereque possunt. Retibus iam firmatis, piscatores, partim in navigiolum descendentes, partim consistentes navi, rastra iniiciunt, perticas intentant, contos subigunt, thorum ex omni parte perturbant, sarcinasque ad unam corripientes, alium in locum extra retia coniciunt, sequentis anni futurum thorum. Utuntur autem ferreis rastris mirae magnitudinis, sexdecim praecurvos quasi digitos habentibus. Eamque ob rem uni rastri plures incumbere oportet, quod, ad solum usque penetrans, pisces limo contactos intercept, quos eo vitandi frigoris causa confegisse, dicebamus. Sunt, qui viderint, uno iactu rastri sexaginta pisces esse correptos. Quae res indicio est, hyemis, quam praesentiunt, magnitudine esse perterritos, & in limo ipso, quem natura calidum ostendi, sese penitus immerfisse. Quo nihil piscatoribus esse potest incommodius, cum pisces, quod thoris non assueverunt, capiendi sui facultatem minime praebent, nec in unum aliquem convenient insidiarum locum, sed toto lacu vage sparsimque limo, quo quernque tempestas rapuit,

puit, contegantur. Thoro per hunc modum furcillis rastrisque exagitato, ac sarcinulis exteriorem, ut diximus, in locum coniectis, pisces omnes, suis exciti sedibus, ad sarcinulas, quae in retis gremio erant suspensae, confugiunt, nulla alia data evadendi via. Tum vero, quae pars retis limo aequato iacebat, perticis alterius ordinis, quam celerrime fieri potest, elevatur, remanentque retia curvata, in speciem longae sportulae colligentia sese, omnibus lateribus per perticas duorum ordinum elevatis. Quod autem medium est inter utramque extremitatem collectum gremium, per id pisces, iam & sarcinulis ipsis exturbati, natando fugiendoque pererrant, non nulli tanto impetu subsiliunt, ut, superatis retibus, liberi in patentem concidant lacum. Tanta interdum multitudine complere retia, ut confundere oculos, & nubeculae, quam auster impellat, speciem praebere videantur, adeo & multi sunt, & incredibili celeritate concursitant, donec paulatini, collectis retibus, unum in locum arctum angustumque compellantur. Huc deducti, Mucilum.

manibus, quot libitum est, capiuntur, & in aliud quoddam reticulum, Mucilum illi vocant, leniter coniiciuntur. Quibus peractis rebus, alii secernendis piscibus occupati, alii funiculis solvendis intenti, clamore atque cantu omnia complent. Non nulli, quem reliquum usum Iacii dicebamus, prius,

quam colligantur retia, in thori vestigiis lacio piscantur. Postremo perticis, contis, rastris, ceterisque piscatoriiis instrumentis, in navim convectis, & retibus in pūppe congestis, ad portum magno plausu, modico tamen lapsu, deferuntur, Mucilo ad navim priinum, quo minus agitetur, mox, ubi portui appropinquaverunt, ad navigiolum alligato, ac per medias undas subducto. Quod ideo faciunt, ne pisces, aut in siccum educti moriantur, aut celeritate offensi, vel Mucili angustis pressi, concutiantur. Quibus rebus nihil ad eos in hyemem servandos incommodius. Venduntur enim minoris, qui procelloso, quam qui tranquillo, lacu capiuntur, quoniam minus exagitati servari diutius queant. Studium quoque servandi non vulgare. Viminibus saliceis, aut si qua sint similia saliceis, cophinos intexunt praelongos atque amplios, & in columnae speciem rotundos, nisi quod paulatim in ora coguntur, clausi undique artissimeque contexti, praeter unicum in extrema fronte relictum os, per quod & immittuntur pisces, & cum tempus postulat, extrahuntur, persimiles saccis, nisi quod utris sunt amplioribus, & salicis, ut dictum est, conficiuntur, ore quoque sint arctiore, quam sacci, Vaccaria dicunt piscatores. Eos, ubi piscibus complevere, multo relicto vacuo, ne angustis pressi moriantur, piscatorii nodi sigillo concludunt, longoque alliga-

Studium pi-  
sces servandi.

Vaccaria.

ligatos palo, in intimo littore, nec multum  
procul a terra, relinquunt. Natant illi dies  
aliquot, mox, viminibus sensim madefactis,  
obruuntur. Natantibus australes venti sunt  
perniciosi. Nam & littora coena perfun-  
dunt, & Vaccaria ingenti exagitant aestu,  
etiam sua quadam natura pestilentes. A-  
quilone autem, aut Favonio, flante, nihil pi-  
sces accipiunt detrimenti. Mira quidem,  
sed tamen certa nobis, atque explorata, re-  
feruntur, cophinis ad solum demersis,  
pertenuem quendam panniculum piscium  
oculis increfcere, & paulatim occaecari, oc-  
caecatos autem nullam amplius australium  
ventorum tabem aut impetum pertimesce-  
re, atque in longissimam hyemem, & in  
primam fere aestatem, vivos posse servari.  
Sed iam ad alterum genus piscandi transe-  
mus. Nam usus quoque harum cele-  
berrimus. Eorum tria sunt genera. Alii  
pertenuis, nec multum arcus magnitudinem  
excedentes, mirabili flexu curvati & extor-  
ti; vocantur autem Spatarnae. Sed eorum  
usus toto est interdichum lacu. Si qui clam  
utuntur, funiculo primum longo, de quo  
posterius dicemus, centenos ducentenosve  
suspendunt, tenui ferro in fili modum ex-  
tenso, interdum etiam & filo; si eo genere  
ferri careatur. Quod ideo faciunt, ne pi-  
sces, ubi escam hausere, filum aut erodant  
morsu, aut impetu evadendi disrumpant.  
Funiculum deinde hamis, ferreo filo ligatis,

Aliud piscan-  
di genus per-  
hamos, quo-  
rum tria oc-  
currunt gene-  
ra.

Spatarnae.

ac minuto inescatis pisciculo, noctu in lacum coniciunt, qui, pauco ex utraque parte sustentati subere, incredibile dictu est, quantam piscium decipiant multitudinem. Alterum genus artificiosius est, & mirabilius, minus tamen ad omne tempus accommodatum. Quippe vel si paulum lacus intumescat, aliquo stante spiritu, nec piscatio quo minus recte fiat, impedimento sunt, undaeque paulo aestuosius agitatae obtutum offendunt oculorum. Hami quidem sunt bene magni, minus tamen intorti, quam quos paulo ante diximus. His filum longissimum in hunc modum alligant. Primum iuncum, quam maximum comparare queunt, ter quaterque duplicatum, in palmi redigunt longitudinem. Deinde filum, quo suspensus est hamus, medio iunco conglomerant. Mox inescatum hamum medium in lacum iacientes, iuncum ipsum, suapte natura pernatantem, diligenter observant. Quem si tranquillo lacu circummagi, aut alteram in partem quasi praecipitem inclinari, videant, celeriter, ad eius locum navigantes, hamum subito contrahunt conatu, supposito prius reticulo, ut, si filum interceptus piscis erumpat, in subiectum decidens reticulum, liber enatare non possit. Sed hoc modo soli Lucii capiuntur, pisces mirae pulchritudinis, qui vario colore, & quasi viridibus aspersi maculis, ceteris omnibus, quos Thrasimeneus alit, magnitudine praestant.

Lucii pisces.

Hac

Hac piscatione nulla delectabilior, & si per  
 omnem tempestatem fieri posset, nec ulla  
 quidem esset utilior. Sed de Luciiis mira  
 referuntur, coire interdum cum serpent  
 tibus, & ex his gignere, atque eam ob rem  
 vario esse colore, pisces praeterea summae  
 magnitudinis involare, solosque in hoc la  
 cu esse voraces, quod & dentium impli  
 catissimus ordo demonstrat; remansisse  
 aliquando in sicco Lucium, quem eam vul  
 pes capere contenderet, alterum pedem eius  
 dentibus esse deprehensum, atque ambos in  
 ventos esse mortuos. De tertio genere ha  
 morum, quoniam est familiare omnibus, &  
 hami palustri arundine suspenduntur, nihil  
 dicam. Eorum tamen ulus supra thoros  
 non vulgaris. Sed quo minus saepe fiat,  
 vetat, qui thorum subtrahit, ne pisces ali  
 quo, vel parvo, exturbati strepitu, alios in  
 thoros exterriti deferantur. Anguillarum  
 piscationes plus videntur habere difficulta  
 tis, cum nec omni reperiantur lacu, sed li  
 moso duntaxat atque herbido, nec eisdem,  
 quibus alii pisces, retibus capiuntur. Est au  
 tem Thrasimenus ex omni parte perlucidus,  
 nisi quod in ea plaga, quae pertinet inter  
 meridiem atque orientem, paulo sese lati  
 us in continentem effundens, angulum effi  
 cit quietiorem, limi tamen, coenique fera  
 cem, & ulna, ceteris palustribus herbis, den  
 sum atque obscurum, quo ne venti quidem,  
 ac tempestas, penetrare potest. Nam fra  
 ctas

Anguillarum  
 piscatio.

## Tophi.

etiae densitate herbarum undae repelluntur. Venti quoque, occurſu circumſectentium ſeſe montium liberum exitum non habentes, maiores undas facere, tumidioresque, aeſtusque ciere, prohibentur. Hic igitur, intextas paluſtri canna, ſepeculas in obliquos gyros & quali anfractus longo tractu circumdant, raris tamen relictis foraminibus, per quae irrepentes anguillae in tophos (ſic enim appellant, genus retis artificioſiſſimum) delabuntur. Eius retis primum os patens atque amplum paulatim in arcus cogitur, donec anguſtiſſimum factum, in medium latioris reticuli ventrem excipiat. Cum igitur anguillae, ſepecularum anfractu oberrantes, inſperſam ſectarum eſcam in Tophos ipſos, foraminibus obiectos, incidentes illabuntur, illae quidem aditu facili atque libero, ſed, ubi ad retis uterum pervenerunt, elabi reditu peranguſto non poſſunt. Nec tamen anguillae hoc in lacu oriuntur; ſed eſt finitima, atque in Thraſimenum devexa, vallis, cuius terra lubrica minutiffimarum anguillarum, nec ſili magnitudinem excedentium, feraciſſima eſt, quarum, quibus eius cura data eſt, magnam vim in lacum, terra interdum admixta, conſiciunt. Ex quo vulgi ſubſecutus eſt error, exiſtantis, eam terram ſtatim in anguillas verti, quoties Thraſimeni unda perfunditur. Quamquam nec ex ea valle ſolum, ſed etiam ex Cluſinis paludibus aſportantur.

Parvae

Parvae enim coëmtæ, atque in lacum ipsum coniectæ, in incredibilem solent evadere magnitudinem, suntque longe meliores, quam quæ Clusinis paludibus coaluerunt. Eius rei causam esse, putant, puritatem & munditiem lætus, ubi & non nascuntur anguillæ, quippe quæ non nisi ex lato coe-  
 quoque gignantur, & invecctæ aquarum depurantur nitore. Sed qui eam incolunt o-  
 ram, non hisdem, quibus ceteri, retibus ac navigiis utuntur. Causa est densitas her-  
 barum, quæ & thoros, si subflernerentur, obduceret, ut sine magno labore sarcinæ evelli non possent; & ipsæ per se satis sunt fovendis piscibus, & a ventis ac frigore defendendis. Ceteris igitur piscationi-  
 bus reiectis, solis utuntur Rocchis, eamque  
 ob rem navibus navigiisque caruere. Na-  
 vigant autem, cum illorum vocabulis uten-  
 dum est, mediocribus Caravellis. Roccho-  
 rum immensa multitudo. Suspensi enim canna palustri, & per noctem in lacum re-  
 lecti, mane repetuntur. Sed in tendendo quoque mirificus ordo servatur. Neque enim passim temereque tenduntur, sed per-  
 rectissimos tractus, veluti per sulcos arbuta, collocantur. Eius regionis pisces, nequa-  
 quam comparandi ceteris, & colore, & gu-  
 stu, facile dignoscuntur. Dorso enim sunt nigriore, asseruntque ne, scio quid, lutosum coenosumque gustantibus. Tum mortui, livore quodam obducti celerius, quam cete-  
 si,

Rocchorum  
 usus.



Aucupia avi-  
um,

præcipue  
aquatilium,

inopote Me-  
gorum,

ri, corrumpuntur. Sed de piscationibus  
satis arbitror dictum. Reliquum est, ut a-  
vium aucupia aestiva hibernaque absolvam,  
quo plenius Thrasimeni felicitatem intelli-  
gas. Avium in primis magna copia, genera-  
que per varia. Quocirca aucupandi quo-  
que modos, necesse est, esse complures.  
Nos tamen eos solos afferemus, qui digni-  
ores memoratu atque auditu videbuntur;  
ceteros ipse considerabis, cum a terrestri-  
bus aucupis, quorum studiosissimum te es-  
se scio, non multum differre videantur. At-  
que non alienum putavi, pauca prius de a-  
quatilibus avibus dicere, quo magis in aper-  
to sint omnia. Earum aliae quidem pisci-  
bus aluntur; abstinent autem hoc cibo a-  
liae. Sed quae pisce vescuntur, deteriores  
ceteris, & nisi diligenter condiantur, nescio  
quem piscium odorem effundunt, vix no-  
stris deliciis tolerabilem. Ex his nonnul-  
lae despiciuntur. Nam Mergis, quorum  
magna extat copia, nemo vescitur. Avis  
ad anseris magnitudinem, nigra, foeda, in-  
signi voracitate praedita. Navi & thoro  
descendente, statim eo incredibilis advolat  
Mergorum multitudo. Catervatim enim,  
tanquam explicata acie, gregatimque ferun-  
tur. Mox thori vestigiis immergentes se-  
se, pisces mira magnitudine rostris edu-  
cunt, statimque absorbent, magnum sane  
Thrasimeni curatoribus incommodum. Ne-  
que enim plures piscatoribus toto anno pi-  
sces

feces capi, quam ab his paucis mensibus involari, satis constanti opinione ferunt. Sed nec annum illic integrum permorantur. Tanto enim sunt calore, tantaque teguntur pluma, ut aestatem, nisi gelidis in fluminibus, perferre non possint. Igitur primo statim adventu hyemis ad Thrasimenum e remotissimis advolant regionibus; multitudinem autem, quantam, nisi qui ipse suis, ut dicitur, oculis videat, credere quisquam, aut cogitare, vix possit. Tum interdiu quidem toto lacu natando mergendo fese, atque rapiendo, circumferuntur. Non nunquam defessi, proximòs littori petentes palos, passis illic ad solem alas, paululum consistunt. Mox, quasi resumptis viribus, integri ad praedam profliliunt. Nocte iam adveniente, ad proxima, si qua sunt, flumina volatu altissimo concedunt, nec binis, terminisque, sed eodem, quo grues, eunt ordine. Nam alter alterius caput tergo excipit, & ducem unum ordine longissimo ceteri subsequuntur. Mox deinde ad praedam, eodem servato ordine, auroram circumter revertuntur. Eam ob rem Thrasimeni curatores praemium his, qui singula capita Mergorum obtulissent, ternos denarios statuerunt. Praeterea Volsenam, quo in loco nidos primo vere facere consueverunt, mittunt, qui ova rumpant, pullos iam natos interimant, & si quos condidere, nidos exturbent, vivaria, si qua habeant, deleant, ca-

ver-

vernas intercludant, cetera omnia, quae ad delendos pertineant Mergos, diligentissime faciant. Nidificant autem in aspererrimis crepidinibus praeruptorum montium, quo loca habeant ad tollendos pullos praecipiti rupe munita atque invia, adeo unicuique vis tua est, se, liberosque tuendi. Quocirca magnus in delendo labor, plurimique nidi illacsi atque integri dimittuntur. Alterum genus magnitudine gutturis rostrique permirandum, ut facile integrum arietem capere posse videantur. Eorum victus rapinae. Specie pulcherrimus. Natant tota die, & quasi deambulantes, Mergorum, quaecunque eant, vestigia sublequuntur, eosque observant: mergentes; surgentes autem aggrediuntur, & si quem rostro piscem cepere, vi eripiunt. Igitur quo pacto illos & observent, & adoriantur, aspicere summa est voluptas. Harum quoque avium cibo abstinemus. Extant etiam aviculae quaedam, columbarum magnitudinem vix excedentes, candore insigni, mansuetudineque singulari, ut non nunquam ad navim usque volando descendant; aluntur autem mortuis pisciculis. Quoties enim vaccaria evacuantur, aut mortui, si qui sint, pisciculi eiiciuntur, earum millia ingenti stridore supervolitant, ciectosque pisciculos mira cum celeritate corripiant; eamque ob rem & hamo, si libitum est, facillime capiuntur. Neq. his quidem vesci consuevimus.

# DESCRIPTIO THRASIMENI. 83

vinus. Ceteras omnes, praeter paucas, quarum nomina ipsis etiam ignota sunt acco-  
 lis, non aspernamur, anseres, fulicas, germa-  
 nos, strigiles, cygnos, anates, & si qui sint  
 eiusmodi. Fulicas a summa, qua sunt, ni-  
 gredine appellatas, existimo. His oculi stant  
 igni rubentiores; rostrum, nisi quod ipsum  
 quoque rubeum est, columbae rostro persi-  
 mile. Hae paulo maiores gallinis incredi-  
 bili multitudine lacu, praesertim extremo,  
 natant. Strigiles, minores columbis, rara,  
 nigraque teguntur pluma. Itaque volare  
 illae quidem, ac tollere sese, quod alas ha-  
 beant pene nudas, non possunt; undas  
 tamen concitatissimo findunt cursu. Fuli-  
 carum ac strigilum carne non solum ve-  
 scimur, sed inter mediocres habemus deli-  
 cias, si modo exta omnia & caruncula quae-  
 dam sublivida, quae est sub costis, abijcian-  
 tur; quanquam fulicae, quod piscibus non  
 aluntur, non tanta indigent cura condiendi.  
 Germanus, anati persimilis, nisi quod aliquan-  
 to maior, piscibus & ipse nutritur. Sed quae  
 ad anates atque anseres pertinent, praeteri-  
 bimus. Quales enim illae sint, ignorat ne-  
 mo. Cygni, quos accolae Cefios vocant,  
 aves sunt candidissimae, aliquanto maiores  
 gruibus, quanquam grues tibiis sunt longi-  
 oribus. Aluntur autem solis radicibus iun-  
 corum, quorum magna in toto littore gi-  
 gnitur copia. Hi etiam futura praesenti-  
 unt. Nam & mortem suam cantu signifi-

Kk

cant,

cant, &, qua parte venti flaturi sint, ostendunt placida tempestate coeloque tranquillo. Toto lacu liberi pervagantur; austro autem adveniente, priusquam flare incipiat, ad eam partem littoris, quae meridiem spectat, nando contra nituntur ad septentrionem: si aquilo, si favonius, ad occidentem, eodemque modo, si eurus, ad orientem, ventis, quacunque flaturi sint, sese offerentes. Pennae illis durissimae sunt. Alarum quoque ordo pulcherrimus, & mirifice ad findendas aquas accomodatus, quas sic perstringit interdum, ut procul natantis cygni strepitus & undarum quasi stridor audiatur. Hac ave nihil in toto lacu deliciosius, quae, cum capitur, non modo vocem emittit, sed vim quoque lacrymarum profundit, futuram, ut arbitror, calamitatem mortemque divins. Aves autem non simplici dolo, sed varia fraude capiuntur.

Scilicet per  
funiculum vi-  
seo oblitum,

Funiculi usus inprimis clarus. Hunc extremo iuncorum cortice longum tenuemque conficiunt, oblinunt deinde visco, hoc quidem usitato & vulgari, sed aliter tamen conficiendo. Primum enim viscum ipsum diligenter expurgant, parva deinde in olla reconditum, lento admovent igni, carbonisque substernunt. Mox vetusti atque ardentis lardi paululum superflillant, viscumque tamdiu agitando permiscunt, donec paulatim humile atque tenax, & quamvis flexuosum efficiant hoc genus visci, tam hyeme

me atque aqua, quam terra atque aestate, tenacius, ad aestivos etiam calores accommodatum, si minus adipis insillitur. Coelo igitur subnubilo, lacu autem aut omnino tranquillo, aut, quod commodius arbitrantur, aliquanto aestuoso, quo levi motu confundent undas, minus possint apparere insidiae, funiculum ipsum, qua parte avium transitus futurus sit ex adverso extendunt, palo suberis ad utramque eius extremitatem alligato. Ille vero supernatans neque mergi, cum unico confectus subere etiam sustinetur, neque cerni propter tenuitatem potest. Interea aucupes, paululum ad dextram, aut laevam secedentes, longo intervallo regrediuntur, donec aves, quae post terga fuerant relictæ, conversi ad funiculum, in conspectu habeant. Tum paulatim, tanquam aliud agentes, binis ternisque naviculis subsequuntur, cursu tamen quam lentissimo navigantes, ne quo, aut illarum strepitu, aut clamore perterritæ, tollere sese, & alte volantes funiculum deserre, cogantur. Igitur progrediuntur illi quidem, sed tam modico gradu, ut, eodem vestigio haereant, an quicquam promoveantur, ignores. Aves autem, paulatim appropinquantes, aucupem & ipsæ leviter natando antecedunt. Iam ubi ad insidias devenire, ad viscum recto, ut eunt, pectore passisque alis implicatae cordula detinentur. Utuntur & alio genere mirabiliore illo qui per reticulum,

Kk 2

dem, quod Roc-

chum appell-  
lant,

dem, sed tamen minus usitato, & quo soli capiuntur mergi, aut si qui naturam eandem habeant sese demergendi. Primum latum reticulum alligant palustribus cannis, quibus natura levibus, ne ad ima descendat, sustinetur. Quatuor deinde mediocres lapides totidem reticuli angulis suspenduntur, qui, duro alligato licio, duos ferme pedes infra reticulum pendeant, atque ad ima descendant. Rete igitur protensum a lapidibus ad solum, modico illo relicto intervallo, deducitur, & ne ad ima usque descendat, cannis palustribus sustinetur, duum pedum relicto spatio, quantum per licium lapides infra reticulum descendebant; Rochum appellant, adeo ipsi sibi peperere nomina. Inter haec mergi, ut est natura, ad limum usque penetrantes, ne supervadere queant, reticulo prohibentur, nec multo post, maculis intercepti atque implicati, moriuntur. Est & alius modus mergis maxime insidiosus. Hamo pisciculum inferunt, quem illi exforbere cupientes gutture traie-

per hamum,

& per aream  
sive per retia,  
quae Pagellas  
vocant.

chi corripuntur. Ultimum genus haudquam dissimile terrestribus aucupis. Aream, extremo littore suffossam, tamdiu milio, faba, aut simili esca, consternunt, donec avium, saepe impune comedentium, multitudo ingens assuescat. Interea, tuguriolo prope aream aedificato, duo retia inter se paria, Pagellas vocant, aream ipsam magna ex parte complectentia, sic tendunt, ut huini

reie-

reiecta vix appareant, & ex tuguriolo contracta per funiculum sursumque erecta mirifice concluduntur. Praeter haec, quae memoravimus, plurima aucupiorum extant genera, quorum ipse, quod obscuriora videbantur, nec memoratu digna, non putavi, faciendam mentionem, ne nimiam & supervacuam miniviarum rerum in scribendo diligentiam accusares. Equidem regiones adivi & lustravi multas; nullam tamen agro Perusino cultiorem amoenioremque cognovi. Vasta sane & montosa procul intuentibus, cum autem propius accedat, nihil tum cultu agrorum, tum benignitate coeli, tum & terrae ubertate, felicius. Sed de reliquo quidem agro fortasse scribemus alias; nunc autem, cum eramus otiosi, inducti sumus, ut Thrasimenum nostrum describeremus, rationemque tibi nostri otii redderemus. Totius enim agri Perusini mira fertilitas; eius autem orae, quae Thrasimenum claudit, tanta rerum omnium ubertas atque copia, tanta etiam amoenitas, ut cetera quidem hominum, haec autem Deorum, domicilia esse videantur. Finitima littori loca cuncta feracia, quaedam arboribus confita, pauca pascendo pecori herbida & nemorosa, cetera vinetis olivetisque referta. Hinc Clusina patent arva, quae, Thrasimenum ipsum ad occidentem longissimo tractu arrigentia, plena sunt variis generibus ferarum. Hinc editissimi

Laus agri  
Perusini.

Littorum  
Thrasimenum  
adiacentium  
pulcherrima  
conditio.



mi colles, & ipsi culti, aspiciuntur, qui aliquanto procul a littore planitiem relinquentes, nec abrupta atque praecipiti rupe, sed levi acclivique ingo surgentes, ut planitiem suis radicibus iacentem excipiunt, sic & ipsi a finitimis, qui circa lacum prominent, montibus excipiuntur. Porro montium suprema inga, placidissimo excurrunt dorso, partim pomiferis arboribus, partim rariufculis distincta sylvis, quae materiam sternendis thoris instaurandisque suppedient. Littoris oram nulla interfusa stagna, aut paludes, impediunt, sed liberam atque patentem cannabi linique seracem, oliveta etiam exornant extremo littore, non fructa, spinetaque, sed iam sponte sua solae arundines, & illae ne palustres quidem, oriuntur. Tum omnia Thrasimeni aspectu felicitantur. Quicquid ille non abluit solum, sed etiam aspicit, optimum reddit atque uberrimum. Paucis in terris meliora vina, oleum liquidissimum. Sed haec per colles ipsos, quos circum lacum assurgere ostendimus, mira fertilitate conspicuos. In planitie vero, inter lacum atque colles iacente, cannabi & lini tanta copia, ut ne in reliqua quidem Hetruria maior, quod ipsam tenuitate sua praeclarum, frumenta salubriora ceteris, poma quoque suavissima, per anni tempora distincta mirifice. Nam quae ad Thrasimeni alveum spectant, admiratione digna sunt omnia. Lacus ipse lucidus

ac perspicuus, nec recipit alienas aquas, nec refundit suas, nisi quando pluviarum magnitudine excreverit. Qui tamen ad longitudinem aliquanto potentior, tamen rotundus fere, ac mari similis, tribus interiectis insulis, adornatur; nec in paludes aut stagna deficit, sed ubivis, quam in medio, purior; hibernae atque aestivae piscationis patiens, iisdem, quibus mare, fluctibus agitatur, eodem sentit ventos, eodem coeli colore distinguitur. Insignis aquae suavitatis, ut vivo potius manare fonte, quam ne influo quidem lacu stagnari, videantur. Augetur interdum vi magna pluviarum. Ferunt, aetate nostra septem crevisse pedes, totidemque eodem anno recidisse; tum patrum memoria, longe lateque stagnantem, in Cortonensem agrum influxisse, aversum deinde in Perusinum, parvo quodam suffosso monticulo, per quemeducta in patentiores campos aqua, excrecere amplius, & liberius vagari, non posset. Piscium quidem genera non multa, copia tamen inaudita, quos non Perusiam modo, sed primo statim adventu hyemis ad Etruscos, ad Umbros, ad Picentes, Romam quoque, plurima quotidie iumenta comportant. Bruma adveniente, littora mulionibus tota complentur. Nam ante id tempus per calorem longius vectari non licet, & nec per hyemem quidem, si modo nubes auster impellat,

Ipsius Lacus paulo accuratior descriptio.

Barculii.

pluvius sane ventus, nec piscibus solum, quanquam his maxime, sed ceteris quoque animantibus, perniciosus. Flante aquilone, per septem dierum ac noctium continua itinera deportantur. Hoc vento nihil cum ceteris rebus, tum maxime piscibus, salutaris. Nam & viventes tutos, ne moriantur, praestat, & mortuos diu ab omni livore tabeque conservat. Feruntur autem cistellis, salicto vimine intextis, Barculos vocant accolae. Singuli muli quatuor vehunt cistellas. Cave, vel marinas piscationes cum his censeas conferendas. Plura enim haec uberioraque genera; & cum terra fiunt, plus admirationis videntur afferre. Sed de Thrasimeni amoenitate nunquam satis multa dici possent. Quamdiu hic perimorati sumus, ne otiosi quidem, iucundissime viximus. Neque enim deserta nobis atque inculta loca defuere. Nam Clusina arva, quae Thrasimenum claudunt ad occidentem solem, vasta sunt atque patientia, referta vario genere ferarum. In media igitur terra positi, latissimum tanquam mare prospicimus, navigia quotidie videmus; non nunquam tranquillo navigantes lacu simul manibus attractamus undas, simul tantum piscium lasciviam intuemur, qui non modo ad inspiciendum oculos, sed manus etiam ad capiendi spem, videntur invitare. Interea magnas excitari aquarum

mo-

moles, subitamque exoriri tempestatem,  
 mox aestus omnes, quasi confecta pace, re-  
 sistere, nosque cum ad navigandum, tum  
 etiam per aestatem ad natandum, allicere;  
 Hyeme autem altissimas misceri undas, &  
 praeruptos aquarum montes magno in  
 nos impetu concurrere, ripas omnes atque  
 littora, & cuncta denique vicina loca, fluctu-  
 um sese collidentium stridore compleri;  
 pisciculos ad littora portusque confugere,  
 ac sese retiario capiendos praebere. Inter-  
 ea piscationum studio late fervere omnia,  
 viros, unumquemque suo labori intentos,  
 alios nova contexere retia, vetera resar-  
 cire, alios novas rates aedificare, veteres  
 reficere, commissuras stipula munire, re-  
 mos atque alia navalium operum instru-  
 menta dolare. Mulieres quoque alias li-  
 num cannabumque contondere, diligentius  
 expurgare, alias plerasque filandi licii stu-  
 diis intentas esse, viris omnia administran-  
 tes, eorum labores adaequare, media  
 nocte surgentes, cantu excitare vicinorum  
 aures, & longas dormitationes accusare.  
 Videre haec omnia atque audire pulcher-  
 rimum. Tum quotidie insulas atque op-  
 pida, quae in Thrasimeni littore sita sunt,  
 tertium circiter vigiliam nautico plausu  
 laetitiaeque resonare; tot simul naves  
 mane abeuntes, piscantes interdum, vesperi  
 redeuntes aspicere; tum lacum omnem

Accolarum  
 piscatorum  
 praecipui la-  
 bores.

§ 10. ANT. CAMPANI DESCR. THRAS.

variis confertum navigiis, non modo faci-  
em maritimae orae praebere, sed multa  
hic maria simul ostentare varietate portu-  
um. Haec in media terra si videas, cre-  
do, fore, ut & affirmes, me nihil tibi de  
Thrasimeni descriptione esse mentitum,  
& ipse statim loci amoenitate  
capiaris. Vale.



IOAN.

IOANNIS ANTONII  
CAMPANI AD PANDVL-  
FVM BALIONIVM DE  
INGRATITVDINE FV-  
GIENDA

*LIBER PRIMVS.*

**S**aepe me, Pandulfe, hortatus es, ut, quae Excusatio la-  
ipse de ingratitudine sentirem, ea, si boris suscepti,  
quando essem otiosus, paulo diligen-  
tius ad te perscriberem. Quod ego neque  
recusare ausus sum, ne fugiendi labo-  
ris gratia morem tibi gerere nolle putares,  
neque plane promittere, quod factu longe  
mihi difficillimum cognoscebam, siquidem  
in desertas me rerum solitudines, & in ab-  
ditam quandam atque obscuram Philoso-  
phiam, traicere videbaris. Nam si dicen-  
dum mihi esset de modestia, de magnitu-  
dine animi, de gloria, de dignitate, de o-  
mni genere virtutis, atque praestantia, si de  
constituendis civitatibus, de Diis etiam im-  
mortalibus, & scientia rerum futurarum, si  
de omni denique sublimi atque ardua fa-  
cultate differendum: plurimos, me hercu-  
le, & locupletissimos auctores habuissem,  
quorum incedere vestigiis, & pulcherri-  
mum, ut arbitror, & quam facillimum, no-  
bis extitisset. In ingratitudine autem ex-  
pli-

plicanda, quem imitari possim, habeo neminem. Et quod est apud Lucretium: Avia Pieridum peragro loca nullius ante tacta pede. Diu igitur, quid agerem, incertus, mecum ipse mirifice confundebar, qui, si, ut aequum erat, crebris hortationibus tuis obtemperarem, scriberemque aliquid in ea Philosophia, cuius ne limen quidem adhuc atque aditum prospexissem, in impudentiam quandam incidere videbar, & temeritatem non mediocrem. Sin his in rebus fuisset adversatus, quae non minorem mihi gloriam, quam iucunditatem tibi, essent allaturae, tum me omnium appellare potuisses ingratisimum. Sic erat, quocumque me appellerem, non sine magno periculo atque dedecore discedendum. Neque prodesse mihi magnopere videbatur, quod tanquam inter duos mundos habitarem, quales Deos luset Epicurus. Postremo cum instares vehementius, & id non hortareris solum, sed iam quasi tuo iure postulares, malui temerarium in me, quam ingratum atque difficilem, iudicari. Satiuse enim arbitratus sum, quoniam ita cogerer, si auctore te impulsoreque delinquerem, fieresque & ipse particeps erroris mei, nec stultum atque audacem appellares, quem tu ad eam rem aggrediendam vel solus impulsisses. Spero tamen, hanc novitatem materiae, ut laboris & industriae multum, ita non parum excusationis, mihi praebituram;  
&

& ceteris quoque, si quando his de rebus accuratius scribere constituent, multo faciliorem aditum fore ad id ipsum, de quo loquimur, investigandum, non quod mea vestigia secuturos esse censeam, (id enim mihi non persuadeo) sed quoniam facilius agitata & concussa robora, quam immota atque intentata, divelluntur: quanquam non adeo dementes fuerimus, ut, nullius auxilio freti, veniremus ad scribendum. Multa enim accepimus a Sulmonensi nostro, viro cum in omni magnarum rerum scientia, tum maxime in Philosophia doctissimo, quae in haec volumina non sine nostra diligentia contulimus, loquentem eum iustis quidem de causis inducentes, cum quod Philosophus est omnium acerrimus & copiosus, tum ne, quam ab illo accepimus, disciplinam temere nobis assumentes, in id vitii laberemur ipsi, quod fugiendum aliis detestandumque moneremus. Pauca etiam mutuati sumus aliunde, ut neque animus, neque studium nobis, diligentiaque defuerit. Nam quantum ad ingenii vires attinet, id nos aliorum iudicio relinquimus; & naturam accusare, ea mihi summa deum videtur ingratitudo.

Sed antequam de re dicere incipiamus, Exordium, non videtur illud silentio praetereundum, a persona quod plerique incipientibus nobis exprobrarunt, non decere satis, neque ad spectatum pertinere virum, neglecta virtute, quae rebus  
omni-



omnibus est anteponenda, exquirendis atque explicandis vitiis studium operamque consumere, ne edocere posteros & prave vitam instituere videatur. Quod ita fieri putant, si in disputatione adducta vitia memoriae posteritatisque mandentur, eamque ob rem maiores nostros, humanarum divinarumque rerum ritus, mores, studia, complexos, aut nullam unquam in scriptis suis, aut perexiguam, mentionem fecisse vitiorum, omnemque de illis disputationem abieciisse; quae vero ad decus vitae huius atque ornamentum, & in primis ad virtutem attinerent, ea summa cum diligentia prosecutos egregie satis magnificeque tractasse, omnemque in ea studia & animi & ingenii magnitudinem contulisse; & si quando in vitia praeter opinionem incidissent, illico revocasse pedem, & sese ad virtutis instituta convertisse. Ceterum naturam ipsam per se pronam nullius egere impulsu, ad turpissimum quodque facinus inclinatam esse semper, & ad omnia flagitia declivem. Satiùs esse, praeccludere illi viam, neque aditum in eum locum patefacere, ad quem sponte sua videtur nullis nostris adiumentis accessura. Quibus autem legitur haec nostra, eos nihil aliud, quam vitiorum documenta reportaturos, & quo diligentior operam navabunt, eo nequiores magisque ingratos evasuros, ut, qui tracto flumine piscantur, incedant, necesse est,

est, & fluminis unda perfundantur. Nec quinquam fuliginem & sordes alias manibus tractare posse, quam tingantur digiti, atque adeo foedentur, uti saepe non sine magno labore diluantur. Eodem modo neminem vitia esse lecturum, quin vel inficiatur animus, & quadam vitiorum contagione depravetur, vel ad virtutem fiat honestatemque languidior. Sic evenire, ut, a recta semita rationeque vivendi divertentes, ad turpem & ignominiosam vitam adducamur. Id praeterea & aetatis, & otii, quod in vitiorum inquisitione consumimus, multo praestantius ad mores optimos perquirendos, investigandaque rerum honestarum praecepta, accommodari; perquam exiguum vitae spatium esse nobis a Diis immortalibus constitutum, multos etiam primo aetatis cursu deficere solere; nec posse tam exiguum temporis & virtutis & vitiorum studiis impertiri. Nemini tam diu vivendum esse, cui vel ad unam bonarum artium facultatem, nedum ad vitia, satis otii temporisque suppeditet. Esse itaque id ipsum, quod vivimus, non ad cognoscendas illecebras, vitiaque perferutanda, sed potius ad bene sancteque vivendi studia conferendum. Vitium nullum nobis asferre potest emolumentum, nihil magis dedecoti & calamitatibus expositum; virtutem gloria comitatur. Illud igitur fugiendum esse semper, nec operam his rebus impendendam, quae detrimento nobis & ignominiae futu-

futuræ sint. Virtutem omnibus appetendam esse, huic dies, huic noctes invigilandas, huic vires omnes & animi & corporis accommodandas. Postremo non recte eos facere, qui, neglectis optimarum rerum studiis, vitiorum documenta sectentur, & abiecta virtutis contemplatione, cum vitia reliqua, tum maxime ingratitude, literis persequantur. Insidiari enim generi humano, & ad foedam morum depravationem pellicere, contaminareque videntur.

& intentione  
scribentis de-  
sumtum.

His atque aliis rationibus & ipsi nihil scribunt, & ceteros, ne scribant, acerrime dehortantur. Equidem nisi mea cum multis causa coniuncta esset, facile istis acquiescens, non nimis graviter commoverer. Sed cum videam, & hanc calumniam mihi cum multis esse communem, & maximam humanis rebus incommoditatem asferre, nullamque esse maiorem ignorantiae & stultitiae causam, perversam atque inutilem eorum opinionem paucis refellere constitui. Videntur enim mihi non mediocri castigatione dignissimi, quibus ita male sit de vitæ rationibus ex sapientia persuasum, ut arbitrentur, quenquam evadere posse sapientem, qui minus fuerit omnium malorum scelestarumque rerum, quam virtutis atque honestatis, notitiam consecutus. Nam (ut Physicis placet, quod genus hominum rerum proprietates atque naturam mirifice perscrutantur) contraria quæ sunt

sunt, ea ita se habent, ut alterum a nobis cognosci non possit, nisi utrumque simul antea cognoverimus. Quam ob rem nemo de suavitate, de luce, de praestantia formae, de copia dicendi, de clementia, de omni denique virtute, iudicabit, nisi quid acre, quid obscurum, deforme, exile, truculentum, vitia cognoscat omnia. Quis enim honestatem amplectetur, nisi qui sciat fugere turpitudinem? Virtute autem nullus atrocior hostis, quam vitium, quae duo convenire inter sese, ac simul habitare, nullo modo possunt. Virtutem amplecti si velimus, vitia fugiamus oportet, ab hisque vehementer abhorreamus. Quae vero ignorantur a nobis, fugi atque evitari, mea quidem sententia, non possunt. Cur infantes ignem non formidant? serpentem non timent? non caedes parentum, non incendia patriae, non denique ulla rerum discrimina verentur? Cur homines saepe veneno conficiuntur? Unam omnium, puto, esse rationem, cum videlicet non cognoscunt. Nunquam, me hercule, in hostium insidias incidereimus, si eas, quo pacto, quibusque in locis servantur, quibusque artibus evitandae sint, ac fugiendae, quam optime calleremus. Immensa praeterea natura est, in qua saepe nos rerum similitudine confusioneque deludimur, & decepti specie recti, ut ait Flaccus. Quae superba dicenda sunt & temeraria, ea nos magnifica & fortia gesta nuncupa-

cupamus. Qui timidi sunt atque ignavi, humiles & mansueti iudicantur. Ceterum qui prodigi sunt & profusi, eos beneficos arbitramur, & inprimis liberales; qui adulatores, qui scurrae, qui leves, qui garruli, urbanos, placidos, faciles, eloquentes, appellamus; & temerarium quendam gladiatorem fortem ac strenuum dicemus militem. Sic immanissimum tyrannum ut gloriosissimum Regem observabimus. Habent enim, quae honesta sunt, quandam cum rebus turpibus similitudinem, quam nisi prudenter ipsi cognoverimus, plerumque non magis in virtutem, quam appetimus, quam in vitia, quae fugimus, nullo discrimine prolabemur. Nam & animi magnitudinem superbia, & fortitudinem audacia, imitatur. Prudentiae & liberalitati malitia & effusio finitinae sunt. Rursus patientiam duritia, verecundiam timiditas, vanitas & iactantia gloriam, frugalitatem avaritia, constantiam pertinacia, adulatio amicitiam, religionem superstitio, & lenitatem animi molitia, comitatur. Idem evenit in his, quae sunt. Saepe enim specie bonae habitudinis turgens quidam & inflatus tumor occultatur. Quid in Medicis? quos hoc quidem in loco maxime videmus imitari. Nam ut illi corporis morbos, ita nos animi vitia, pertentamus, non ut his adhaereamus, quibus & animus & corpus in periculum atque discrimen adducantur, sed

sed ut depullis sicut illi corporis valetudinem, ita nos animi moderationem, assequamur. Optimam animi valetudinem virtutem esse, quis ambiget? Eam si quis labefactaverit, turpique infecerit contagione viorum, animus quidem valere & recte sese exercere non potest. Medicorum volumina quanquam omnia ad unum finem pertinent bonae valetudinis, morborum tamen iudicibus plena sunt omnia, qui, nisi genera, causas, signaque morborum, nisi initia, augmenta, gradus, decrementaque, perceperint, & quae salutaria atque utilia sint, quaeve perniciofa & mortifera, quam optime teneant, resistere morbis, valetudinem restituere, & restitutum tueri & conservare, non possunt. Ceterum qui animadvertendi in hominum capita puniendique habent potestatem, his omnia criminum & maleficiorum genera perspicua sunt, oportet, quid factum? quid peccatum? quid calumnia, dolus, parricidium? quo tempore? quo in loco? quibus adiumentis? qua confidentia? vitariis ponerit? magnum sit, an mediocre? ad privatum aliquem, an ad universae Reipublicae statum maiestatemque, pertineat? sponte quis peccaverit, an invitus, atque fortuito? Sic qui in mari terraque mercatores, sive equos, sive margaritas, aut pretiosiora quaedam, emere voluerint, nisi rerum emendarum vitia mendasque cognoverint, incommoditatem conse-

qui solent non perexiguam. Quod si maiores nostri vel negligentia quadam, vel vana opinione, adducti, vel (quod magis credendum est) quia temporibus suis perimultatebant, quae de virtutibus tradenda posteris existimarent, pauca de vitiis, quod ego fateor, scribere voluerint, non iccirco tacendum nobis de illis intelligo. Quid si ne de virtute quidem mentionem ullam habuissent, nobis quoque silentium indiceretur de virtute? Quid si illi ignari? quid si tardi & negligentes extiterunt? Quanquam eos accusare summum est nefas. Nam illi mihi plus quam ingrati videbuntur, si, qui non disciplinam solum atque fortunas, sed vitam ipsam a suis maioribus consecuti, eos tamen inculcare non vereantur, quorum etiam nominibus prisca homines ita parcere consueverunt, ut, si quando in defunctorum mentionem incidissent, se nequam eorum memoriam sollicitare testarentur. At illi omne genus vitiorum acriter atque insigni reprehensione persecuti, fugienda semper & detestanda esse monuerunt. Hinc illae crebrae Satyrorum exclamationes, mordacesque sententiae. Hinc Philosophorum omnium praeclara volumina de virtutibus, saluberrimaeque de fugiendis vitiis monita atque praecepta. Verum quid esset, quod fugere detestarique monerent, & quo pacto evitare conveniret, minime, nisi fortasse in paucis admodum, aperuerunt.

Transitio ad  
translationem  
ipsam.

runt. Id nos facere de ingratitudine conamur, ut eam non solum fugiendam esse & propellendam, sed quae sit, & quo etiam pacto fugienda, demonstremus, quantum vel disciplinae suppeditabunt, vel ingenii ratio patietur. Nam cum aetatem hanc nostram temporaque considero, & veterum praeclara atque amplissima volumina, & summam rerum scribendarum diligentiam studiumque, mecum ipse repeto, & illi mihi satis ample scripsisse de virtute, de literis, de gloria, videntur, ut adiumento nostro non egeant, & nostros homines in tantos errores incidisse video, ut, virtutem ipsam amplexuri, finitima plerumque vitia sola rerum ignoratione complectantur. Sunt itaque vitia omnia, ut est in proverbio, atque flagitia, non committenda illa quidem, ceterum nequaquam ignoranda, ut vel, si qua insint nobis a natura, deponere industria atque abicere valeamus, vel fugere, si occurrant, atque evitare. Quo recte, in ea quidem sententia, Socrates, quo nemo unquam vel praecipua integritate vitae, vel omnium magnarum rerum scientia & cogitatione, praestantior, Atheniensium adolescentes ante, quam exirent domum, imagines suas speculo contemplari, seque ex omni parte circumspicere, iubebat, ut, siue quid in motu ipso, siue in sermone quotidiano, siue in rebus ceteris, deformitatis appareret, emendare id in dies, & sese componere

Viria sunt neque committenda, neque ignoranda.

Socratis in hanc rem praeceptum,



perdiscentes, non in eodem; quo prius, errore deformitateque persisterent. Ex omnibus enim erroribus is longe maximus habendus est, cum ne errare quidem ipse tibi constantissime persuades. Quod evenire cunctis, necesse est, nisi vitis omnibus perinde, ac virtute ipsa, quam optime cognitis. Neque iniuria Terentianus ille Parmeno tantopere solebat gloriari, quod ignarum atque imperitum adolescentem in meretriciam domum induxisset, ubi perspectas turpissimarum mulierum illecebras, immunditiam atque illuviem, facile deinde sperabat evitaturum. Hoc ille sibi palmarium, hanc postremam erudiendi adolescentis gloriam, existimabat. Quod etiam Cincium illum Diogenem atque Aristippum dixisse constat, viros cum in vita & moribus, tum ceteris in rebus, diversa sentientes. quorum alter expedire dicebat adolescentibus, maximeque ad eorum mores, studiaque conferre, si meretricis domum ingrediantur turpitudinis cognoscendae causa, quam ubi perspexerint, vehementer fugiant, necesse est, atque abhorreant; alter ut non turpe videbatur ingredi, ita egredi non posse turpissimum. Lacedemonii quoque, magis exempla vivendi, ceteris, quibus nihil potius fuisse memoriae proditum est, quam ut liberos adolescentesque praecipua morum integritate suminaque modestia educarent, instruerent, erudirent, quoties convivia in civi-

Diogenis Cini-  
ci & Ari-  
stippi senten-  
tiae,

Lacedemoni-  
orum exem-  
plum,

civitate celebrassent, temulentos quosdam servos admittere solebant, quos sui liberi, in tanta & oris & mentis conservatione conspicati, & riderent, & ne ipsi eadem de re ridendi forent, evitarent. Qui autem vitae breviter impedimento sibi esse propterea queruntur, quod ad multarum & prope infinitarum rerum notitiam consequendam ne multa quidem secula, nedum anni paucissimi, sufficere videntur, nescio, quantum iure queruntur. Quod etiam perimolesse ferens Theophrastus, cornicibus & corvis, quorum natura hebes esset, & in terrestri duntaxat mole pessundata, totaque demersa, diuturnum & prope immensum vivendi spatium datum esse, dicebat, hominibus autem, quibus essent praeclara ingenia, capacia rerum divinarum, perexiguam vivendi metam a natura fuisse praescriptam, ut e multis, maximis, amplissimisque rebus, ad hominis cognitionem atque excellentiam pertinentibus, vix pauca quaedam propter vitae breviter assequantur. Quod etiam Zeno querebatur, nullius rei maiorem inopiam mortalibus esse, quam temporis. Hoc Xerxis, qui, cum, facto ex navibus ponte, Hellesponticum mare traiecisset, tanta militum multitudine, ut, aequatis montibus vallibusque, nec mari, nec terra, caperentur, tantas copias summa cum admiratione circumspeciens, tacitus atque attonito similis, humanae vitae terminos contemplatus, vim lacrymarum

Theophrasti,

Zenonis,

Xerxis,

de brevitate  
vitae senten-  
tia refutata.

Excusatio na-  
turae.

rum fudisset traditur, cum, neminem ex tam  
incredibili multitudine vel uni seculo super-  
flitem fore, cognoscebat. Adeo brevis est,  
& circumcisa hominis vita, quantumcunque  
longissima contingat. Quanquam mihi nec  
naturam incusare est animo, nec eam ma-  
gnopere defendere, quam nullis in rebus  
producendis errasse, nihilque plus minusve,  
quam satis esset, effecisse, iam pridem ipse  
mihi pulcherrime persuaserim. Longissi-  
mam profecto vitam natura mortalibus tri-  
buit, si non ad supervacuas & vanas actio-  
nes, sed potius ad optimarum probatissima-  
rumque rerum studia, conferatur. Ea sunt,  
vitium virtutemque cognoscere, & quae his  
finitima sunt, atque annexa, quam diligen-  
tissime perscrutari, ut evitemus alterum, ac  
detestemur, alterum ut recte studioseque  
colamus, amemus, amplectemur. Nam qui  
vitam omnem in otio & voluptatibus per  
luxum atque libidinem & ignaviam con-  
sumsere, hi mihi, & si Nestorem illum an-  
tiquissimum vivendi spatio superarent, Cad-  
meos fratres, ut est in fabulis, videntur imi-  
tari, qui, quā hora simul omnes nati  
sunt, eadem simul omnes occiderunt. Stu-  
diosi autem, ut nulla sibi temporis iactu-  
ra exeat, sic nullam eius indigentiam atque  
inopiam patiuntur. Plus enim habent spa-  
tium in vita, quam quod satis sit, ad vivendum,  
& ad omnium magnarum difficiliumque  
rerum notitiam consequendam. Possumus  
itaque non virtuti solum, ut sancti atque  
honesti

honesti, sed vitiis etiam, ut sapientes habeamur, navare operam, studiaque nostra omnia utrisque simul citra omne & virtutis & aetatis detrimentum impertire. Virtutem enim, nisi cognitis vitiis, consequi poterit nemo. Nam & certam esse, oportet, & ab omni vitiorum depravatione seivgatam. Quos autem vitia latuerint, eos nunquam plenam, putabo, virtutis cognitionem habituros. Quas ob res: cur isti me tantopere dehortantur, equidem non intelligo. Mihi vero nihil videtur esse praeclarius, nihilque sapiente viro dignius, quam si fraudem, dolum, insidias, & turpissima quaeque, cognoscentes, ad virtutem tamen tuendam atque exornandam, servandamque honestatem, referamus omnia. Sed iam ad instituta transeamus. Cum ad sanum Consensum una cum Nicolao Sulmonensi

Instituti ratio  
ocasioque.

reficiendi animi gratia me contulisset (soleo enim & audire illum frequenter, & perdiscendae Philosophiae causa vix unquam ab eius latere discedere) & hic me, ut solet, ad dicendum aliquid non hortaretur solum, sed quaedam ipse disputationis quasi fundamenta iacere coepisset, populusque in via frequens nobis, ut solet, occurrisset: nihil, ait, videri sibi mirabilius in tam immensa multitudine mortalium, quam tantam esse omnibus morum, vultus, corporis, dissimilitudinem, ut nunquam duo tresve ex omni sui parte similes fuisset

memorentur, idque non solum in hominibus, qui & ingenio & corpore differrent, sed in ceteris quoque animalibus, solo distinctis corpore, videri mirandum. Causam omnino ad stellas sideraque referri, quorum motus traiectionesque perpetuae in infima haec & terrena maximam habent immutandi potestatem, quae cum tanta sint celeritate, tantoque impetu & concitatione rapiantur, ut persistere ne momento quidem possint, continue alios atque alios concentus efficiunt, qui causae sunt rerum omnium, & femina. Hic mihi etsi pulcherrima disceptatio esset exorta, tanti viri disputatione dignissima, ceterum quae non satis recte mecum ageretur, (maior enim erat, quam quae a me vel defendi, vel oppugnari, vel etiam intelligi, potuisset) placuit tamen aliud quiddam asserre, non multum abhorrens ab eo, quod erat institutum. Nam cum fateri me, sic esse, respondi, vicissim & ipse percontari coepi, quod ille genus hominum teterrimum atque inhumanissimum omnium existimaret; ea in rodiu iam a me fuisse dubitatum, nec habere satis exploratum, quos omnium pessimos iudicare potuissim; quanquam saepe mecum in eam incidissem opinionem, nullos homines infestiores humanitati, & a bene-beatque vivendi studio remotiores, quam qui ~~percontari~~ a Graecis, ingrati a nostris appellantur, eos praecipuos humanitatis

ac vitae hostes, nec ullum esse crimen turpius ingratitude. Tum ille, haud absurde, inquit, opinaris; multi, ut ego quoque, idem opinantur. Fortasse non iniuria. Est enim scelus quoddam atrocissimum, & quod non honorem solum & dignitatem offendit amicorum, sed ipsam penitus extinguit humanitatem. De his, inquam, si non est aliud, quod putes pervertendum; (neque enim sumus occupati) quid ipse sentias, libenter audirem. Nam qui adhuc ea de re paulo accuratius disputaverit, inveni neminem. Pergratum, inquit, cum ceteris in rebus, ad disciplinam & eruditionem attinentibus, tum maxime in tam opportuna & honesta postulatione, tibi quam accuratissime satisfacere. Sed tamen non alienum mihi videtur, si Graeculos illos imitemur, omnia in certamen & controversiam adducere solitos, quod ego ad unamquamque rem aperiendam plurimum valere arbitror, nihilque magis ad multarum rerum usum memoriaeque conferre. Nihil enim tam obscurum atque additum, & a communi sensu cognitioneque remotum, quod frequens illa disputandi consuetudo & diligentia non inveniat, aptissimeque demonstraret. Fit enim saepe, ut ex crebris disputationibus magnarum rerum non solum sensa captemus aliena, sed ipsi etiam, nova quaedam excogitantes, mirum in modum exacuamur, & ingenium, pulcherrimis

Disputationis  
suis atque  
ciliis.

et al. arguunt

non solum  
sed etiam

atque

atque altissimis rebus intentum, vehementer excitetur, ut ne dici quidem possit, quantum frequenti & quotidiana disputatione proficere, & in rebus omnibus erudiri, videamur. Quam ob rem idem quoque nobis censeo faciendum, fusa tamen & continua oratione, non crebris interpellationibus abrupta, ne vel tempus in repetendo conteramus, vel seriem perturbemus rerum explicandarum. Proinde, quid tu sentias de ingratitudine, prius explicato, mox ipsi vel ad opinionem tuam, si videbitur, refellendam, vel, si opus erit, ad confirmandam sententiam, accedemus, nullaue in re tibi deerimus. Ego vero, cum, inquam, ita placeat, dicam perlibenter, sed ea lege, ne ineptias novi philosophi & deliramenta de-

Ingratitudinis  
perniciossissi-  
ma detestan-  
daque facies.

videas. Perniciosam hominibus ingratitudinem, & omni malo flagitio comparandam, multis equidem censeo de causis; sed eo perniciossissimam iudicandam, quod, cum duplex liberalitatis genus habeatur, alterum, in conferendis praestandisque beneficiis, in referendis alterum: quorum primum inter homines praeclarum atque excellens, & maxime ad laudem gloriamque accommodatum; alterum vero necessitatem quandam prae se ferens, ut honestum est, & omni laude dignissimum, si praestetur, ita, si contemnatur, turpissimum, & ab humanitate

Tollit enim o-  
mnem libera-  
proffus alienum: Utrumque ingratitudo  
tollere e vita, penitusque extinguere, videtur.

tur. Quis enim, omni sublata spe prae-  
 mii, quod ab ingratis expectare non possu-  
 mus, beneficentiae & liberalitati locum esse  
 putabit? Equidem nihil omnibus divi-  
 nis atque humanis in rebus fieri posse, ar-  
 bitror, nisi quaedam facientibus praemia vel  
 accepta prius fuerint, vel saltem exposita,  
 ut accipiantur. Nam qui rebus bellicis, qui  
 studiis literarum, qui legibus, qui omni de-  
 nique facultati atque operi, student, eam ob  
 rem moveri ad id potissimum, impellique  
 videntur, quod vel utilitatem quandam  
 praemio sibi cessuram arbitrantur, vel, quod  
 multo pulcherrimum, famam atque glori-  
 am. Quae spes si tolleretur, nemo tam ef-  
 fet insanus, qui eiusmodi ceterisque rebus  
 dandam operam, existimaret. Idem puto  
 liberalibus & beneficiis evenire, qui, si  
 nullam sperarent remunerationem benefi-  
 cii, & ne liberalitate quidem ulla uterentur,  
 ut neque agri arantur atque excoluntur, ni-  
 si fertiles, neque arbores, nisi uberrimos  
 fructus pariant, foveantur, purgantur, inse-  
 runtur. Omnem itaque ingrati humani-  
 tatem extinguunt, quibus aut nihil conferri  
 potest, quod nobis gloriae sit, emolumento-  
 que futurum, aut, si conferamus quicquam,  
 vana spe ducti, nullaque accepta gratia, in  
 bonos deinde & gratos viros munifici &  
 liberales esse non possumus. Veremur  
 enim, ne, semper in ingratos incidentes, te-  
 mereque profundentes fortunas nostras,  
 pau-

litatem, quia  
 & humanita-  
 tem.



paupertate aliquando, & rerum inopia, conficiamur. Ingrati enim rerum acceptarum omnia sua sola utilitate metiuntur. Magnifica quidem res, & praeclara, conferre beneficium, munificum sese omnibus, liberalemque praestare, inopibus adiumento esse, confidere ignaris, levare afflictos, opem ferre omnibus, omnem denique munificentiam & liberalitatem in omnes exhibere. Ad quod cum natura ipsa cogere nos quadam humanitatis lege videatur; quanto magis cogi eos existimabimus, qui non ipsi primi contulere, sed accipere beneficium? Sed est quoddam genus hominum in postulandis atque accipiendis muneribus procacissimum; quorum in postulando audacia, in accipiendo confidentia, incredibilis ac prope detestabilis, in referenda vero gratia & beneficio rependendo tanta sunt oblivione, tantaque amentia, ut aut dissimulent ac negent, accepisse se, quod est postremae perfidiae; aut, accepta si fateantur, referre tamen gratiam, cum est opus, minime studeant, aut obliti penitus atque immemores efficiantur, aut, quod omnium censet immensissimum, pro laude, pro gloria, pro vita, pro dignitate, pro bonis omnibus, obtreccationem, ignominiam, calamitatem, perniciem, & omnia mala, referant. Hos omnes ingratos iure optimo nuncupamus; quanquam refert plurimum, quis sit inter eos ingrator, quis ingraticul-

mus

Præcipue hoc  
agit genus  
quoddam ho-  
minum & in  
postulando &  
in accipiendo  
procacissi-  
mum,  
quorum qua-  
tuor potissi-  
mum occur-  
runt species.

mus,iudicandum. Habent enim vitia gradus quosdam magnitudinis, ut remissiora in aliis sint, & mediocria, & interdum fortasse toleranda, in aliis vero maiora, & ne ferenda quidem, inveniantur; quemadmodum nec virtus ipsa omnibus eadem esse solet, sed in quibusdam hebetior languidiorque, in plerisque vero multo eminentior atque praestantior. Utcunque tamen accipiendam putabimus ingratitudinem, quocunque in gradu collocandam, turpem nimirum, ac foedam, & ab omni humanitatis genere iudicari oportet alienam; quippe cum nomen ipsum absonum per se atque infestum gratiam rebus & iucunditatem omnem eximere videatur, ut nihil relinquat nobis, quod iure censeamus appetendum. Appetuntur sane non quidem, quae ingrata & infesta, sed quae grata sunt atque iucunda. Haec ut consequamur, omnem vim nostram & conatus adhibeamus; illa vero tanquam pestifera & perniciosa horremus, fugimus, detestamur. Verum qui beneficium non negat, quanquam turpissimum, non referre gratiam, minus tamen delinquere putaverim, minusque, quam ceteros, in culpa esse, qui cum debere sese fateatur, neque liberalitatem inficiatur alienam, neque immemorem penitus se ostendit acceptorum, videaturque vel aliquid rependere, cum, munificentiam non occultans, gloriam affert eis, qui benefecerint. Qua

pel-

Prima, eaque magis, ac reliquae, excusanda, est eorum, qui quidem neque beneficium se accepisse negant, neque tamen gratiam referunt.

pelleſti liberales, aut ſatis ſibi fore praemii gloriam exiſtimabunt, aut ſi adhuc remunerationis aliquam reſpectus, non omnino a beneficentia & liberalitate deſiſtent. Quem iccirco tolerandum aliquando dicebamus, ſi non voluntas deeſſet gratiae referendae, ſed vel anguſtia rei familiaris impidiretur, vel metu aliquo difficultateque perterritus, differendam in tempus ſtatuat remunerationem, melioremque & reddendi & cumulandi beneficii occaſionem expectandam. Qualem Darium erga Silophonem Samium, ſerunt, extiſſe, qui, cum privatus, neque regiam adhuc naſtus dignitatem, quadam ab illo veſte donaretur, expectandam ratus occaſionem, nihil ſibi principio retribuit; ceterum, ubi primum regnum adeptus, & urbem & inſulam, Silophonti parere iuſſam, eius uſui arbitrioque ſubiecit. Quam ob rem, non oblitum fuiſſe Darium, credendum eſt, ſed meliorem reddendae cumulandaeque gratiae occaſionem expectaſſe. Quod ea de cauſa qui fecerint, non modo non culpandos puto, verum magnopere, mea quidem ſententia, commendandos. Sin illis ac temporis oportunitas, & fortuna ſuppeditaverint, quo pacto excuſari poſſint, equidem non intelligo. Nam & plerumque non expetenda ſolum, ſed quaerenda etiam eſt occaſio reddendi beneficii. Solet enim animus cuiusque cum in rebus ceteris, tum maxime in libe-

Exemplo Darii  
iſtius iſtius.

A quibus diſ-  
ſerunt, quibus  
neque occa-  
ſio, neque fa-  
cultas, ſed vo-  
luntas ſaltem  
beneficii re-  
munerandi  
ſuppedit.

liberalitate spectari, qui si non nisi ad honestum, bonum, aequumque declinans, nulla impulsus malevolentia, nihil temere, nihil flagitiose, nihilque denique avarè, agere conetur, etiamsi mala rerum eventa sequantur, neque ingratus erit, neque temerarius iudicandus; ut, qui sociis obsessis navim frumentariam miserit, eaque prius, quam in portum se recipiat, ab hostibus intercipiatur, non ideo eum vel socii ingratum, vel liberalem hostes, appellabunt, quanquam sunt utilitatem ab eo consecuti non mediocrem. Non enim, quid agamus, semper inspiciendum est; sed quo simus animo, cum agimus. Quod etiam in fabulis iocati sumus, corvum, lupos per ardua montium iuga comitatum, partem sibi praedae fieri postulasse, qui eos secutus nullo tempore destituisset, sociusque fuisset; repulsus deinde a lupis, tanquam non eos, sed praedam cibumque, secutum, neque minus luporum, si occiderentur, quam ceterorum animalium, exta fuisse voraturum. Omne namque beneficium maleficiumve ideo appellandum, quod, a bono malove animo profectum, non ipsum eventum rerum prae se ferre, sed voluntatem atque animum respicere atque intueri, videatur. Quam ob rem quibus non voluntas retribuendi officii, sed facultas atque occasio, defuerit, ab omni, ut arbitror, ingratitudinis crimine absolventur. Idem de his quoque

Min cen-

ut & ii, qui  
non, quam de-  
bent, sed quam  
possunt, remu-  
nerationem  
offerunt.

Secundam,  
eamque pri-  
ma longe de-  
teriore, in-  
gratitudinis  
speciem con-  
stituunt, qui  
asperse neg-  
gant, se un-  
quam benefi-  
cium acce-  
pisse;

censeo dicendum, qui, cum ingens aliquid  
acceperint beneficium, non plenam atque u-  
berem gratiam, sed tamen aliquam, retule-  
re; siquidem non obliti penitus, aut ingrati,  
iudicandi sunt, quorum animus quantocius  
magno beneficio devictus, si non illud, qua  
debet, saltem qua potest, remuneratione  
prosequatur. Nam neque acceptum mu-  
nus & benefaciendi virtus occultatur, & re-  
rum inopia atque egestas faciet excusatum,  
neque omnem ab animo liberalitatem ra-  
dicitus evellit, spe aliqua compensationis  
remanente, cum manifeste appareat, metas  
illi retribuendi non voluntate constitutas,  
sed impositas ab inopia. Videtur enim  
fore, cum fortunatius res sese habebunt,  
gratiam eum multo pleniorē esse relatu-  
rum. Ceterum, qui negant accepisse, quo-  
rum undique permagna est copia, tanta  
sunt feritate atque perfidia, ut maiore qua-  
si esse non possint. Quid enim potest esse  
perfidius, quam eius inficiari beneficium,  
cuius ope atque auxilio fretus, vel periculo  
subtrahitur, & saluti restitutus sit, vel in ali-  
qua dignitate constitutus, vitam sit consecu-  
tus meliorem? Reminiscor equidem, fre-  
quenter me, in eos viros incidisse, qui orna-  
ti a me & cum pecunia, tum rebus aliis,  
sustentati, susceptique hospitio, & in maxi-  
mis difficillimisque negotiis adiuti, usque  
adeo confidentes atque ingratos sese prae-  
stiterunt, ut cognitionem mei & familiari-  
tatem

tatem dissimulare non sint veriti, atque ita mecum egerint, ut si nusquam neque cognitum, neque visum, aut auditum, unquam habuissent, nefandos profecto homines, & liberalitatem delentes omnem. Quis enim conferendum in quempiam beneficium, aut ulla unquam utendum liberalitate, iudicabit, si, de quibus optime se meritum, & quavis gratia dignum, putet, ab iis negligi se contemnique, cognoscat; & a quibus summam caritatem, amorem, decus, expectabat, his contemtui sese videat esse, atque ludibrio, & odio etiam non mediocri? Ingrati hominis poena nulla maior atque atrocior esse potest, & quam ipse vehementius fugere conetur, quam eos ipsos intueri, quibus se sentiat obligatum, officioque devinctum. Quorum eo maxime potentiam horrere fugereque videtur, cum non delectatur aliena in se caritate & benevolentia, sed exurit assidua recordatione beneficii, ex quo, qui gratus est, maximam solet capere voluptatem. Nam & si ingratum sua protervitas absolvat, conscientia tamen, severissima aequi atque iniqui iudicatrix, arcana rerum confessione damnat & torquet. Habet praeterea conscientia mirificos accusatores defensoresque ruborem, trepidationem, constantiam, fiduciam, quorum primis mala, postremis bona reteguntur. Qui vero levatus abs te, atque adiutus, aliquando tui notitiam dissimulabit, si forte obvium te

illi obtuleris, erubeat, necesse est, cogente conscientia. Quid tunc illum censeas cogitare? quibus te petere execrationibus? quo usque vitam illi tuam videri molestissimam? Quorum enim veremur conspectum, potentiam formidamus, eos odio persequamur acerbissimo, & extinctos cupiamus, oportet, ne obvios se nobis interdum offerentibus subpudere erubescereque cogamur. Equidem aequiore animo tolerandos esse, ducerem, si satis haberent, negare beneficium, neque ita nos tacita malevolentia atque odio insectarentur. Est enim turpe satis, atque absurdum, non reddere, quod acceperis. Cui si addideris malevolentiam, nihil potest turpius atque immanius excogitari. Quid esferacius cane? quid totius humanitatis magis expertus inveniatur? cui si semel noti esse coeperimus, perpetuo nos memoria tenebit, nunquam oblatrabit, mordebit nunquam, etiam si fuerit irritatus, & quocunque profecturos longo itineris spatio comitabitur, nunquam a nostro tergo latereque discedens; & quoties vel solo nutu evocabimus, cauda, capite, auriculis, & ipsis demum oculis, incredibili laetitia blandietur. Ingratus autem, omni cane perfidior, ne illud quidem veretur dissimulare, quod constat, sitque omnibus manifestissimum, dico notitiam & familiaritatem, quae non nisi diuturno tempore & multorum testimonio comparantur. Quod animal leone truculen-

Præcipue si  
praeterea be-  
nefactoribus  
suis adhuc  
male velint.

lentius? Sed eum nos ad beneficium flecti saepissime videmus. Etenim nulla tam immanis, tam indomita & immanfueta, fera, quam sui educatoris adventu non summo opere gaudere, gessire, atque arridere, videamus. Ex omni genere animalium solus ingratus beneficientis vultum nequit intueri. Quem veste, quem pecuniis, quem victu, iuveris, quem susceperis hospitio, quem denique capitis interdum periculo libetaveris, cui summum praestiteris honorem, ad dignitatemque sustuleris, is te aut perinde ac nusquam cognitum dissimulabit, aut si id, cum manifestum sit plurimis, inficiari non possit, nihil se tibi debere, contendet. Tum vel nullum dicet accepisse beneficium, vel multo plura & maiora praestitisse, quam acceperit. Quid igitur ingrato, vel dissimulante foedius, vel negante perfidius, vel utroque detestabilius, inveniatur? Quamquam non me fugit, interesse plurimum, quinam maiorem inferant nobis iniuriam, hi, qui, ornati a nobis, notitiam tamen nostri, beneficiique memoriam, dissimulant, an qui, aliquid in se collatum, aperte inficiantur? Utrique enim ad unum ingratitudinis finem, diverso tamen itinere, contendunt. Nam quibus audacia inest dissimulandi, eos tum demum ituros inficias, existimo, si quando velimus praestitas commoditates, collataque in eos beneficia, in memoriam revocare. Tunc enim non igno-



rasse solum, sed ne vidisse quidem, Deos atque homines testabuntur, aut, si id facere non possunt, mendacem te, ac varium, appellantes, mille conviciis insectabuntur, & iurgiis. Quocirca, qui dissimulat, eo minus delinquere videtur, cum hic paulo testis, ille vero multo apertius, inficiatur. Dissimulantem nequitia, negantem etiam & perfidia, condemnat. Tamen ingratus alter, quia negat, alter vero, cum negare paratus, si repetatur. Aliud genus ingratorum ad eos attinet, quibus cum magna sint collata munera, non modo gratiam referre non cogitant, sed ipsius, quod turpissimum est, obliti beneficii, ea ipsa, quae acceperunt, penitus memoria delevere. Rem,

*Tertia, eaque pene nefandissima, ingratitudeinis species est eorum, qui beneficiis, quae acceperunt, penitus memoria deleverunt.*

me hercule, ut primo aspectu tolerabilem, neque nimis magnae deformitatis apparentem, ita, si paulo propius accedas, diligentiusque perspicias, nescio, an omnium perfidissimam, ac prope nefandissimam, iudicandam. Nec vero dubito, plerosque mortaliū, cum maxime ceteris in rebus, tum in hoc, multa inter se, diversaque sentire, & suum cuique esse iudicium, atque sententiam. Nam sunt, quibus humanum & ne turpe quidem, hoc videri soleat, cum invitis plerumque nobis ea excidant, quae, si perpetuo memoria teneremus, summa nos afficerent voluptate, maximumque interdum asserre ornamentum, ut qui literas, qui leges, qui artes reliquas, qui denique res mil-

*Neque enim est, quod non nuli volunt, lapsus memoriae.*

le, didicerint, quarum omnium memoria diuturna in nobis esse non potest, nisi quam rarissime paucissimisque contingat, ut rerum omnium, quae didicerint in vita, ex omni parte recordentur. Quae praeterea aetas magis ad discendum idonea, & ad memoriam magis accomodata, quam tenera illa puerorum, qui tamen vix minimam partem eorum, quae in aetate didicerint, perpetuo tenere potuerunt, instante semper atque admonente praeceptore? Multa praeterea sunt, quae vim illam memorandi soleant impedire, amplissimae dignitates, calamitates, aegritudines, quarum vi atque impulsu non modo, quae accepimus ab aliis, sed nos ipsos, interdum obliviscimur. Ohruitur enim sensus atque memoria multitudine gravissimarum rerum, quas in vita evenire, necesse est, & ipsius fortunae mutatione & varietate confunditur; ut neque aures nostras soni capere magnitudinem, neque oculi solis possint splendorem intueri, sic fieri, ut, quoscunque ex infimo loco ad summum rerum fastigium & dignitatem fortuna sustulerit, pristinae conditionis & amicitiae immemores efficiantur, cum permagni motus animorum, memoriam totam occupantes, minima quaeque depellant, quemadmodum ardentes faeces atque incendia magno fulgore solis obfuscantur depellunturque ab angulis & intuitu oculorum. Saepes etiam solet evenire, ut membra quaedam nimio dolore adeo

Neque impeditur ob novas vel dignitates, vel calamitates, vel id genus alia.

tabescant & corrumpantur, ut nec sentire,  
 nec movere se, queant; eodem modo defi-  
 cere memoriam multitudine & varietate  
 maximarum rerum, non culpam voluntatis,  
 sed naturae opus esse, contendunt, quippe  
 cum humanum sit, & nobis a natura datum,  
 quam iure nos quidem accusare non pos-  
 sumus. Conatur enim nihil mutilum fa-  
 cere, nihil gignere diminutum, sed perfe-  
 ctissima quaeque producere. Rursus peri-  
 culorum & calamitatum tanta interdum est  
 acerbitas, tantus metus atque dolor, ut non  
 modo immemores beneficiorum, sed exa-  
 nimes, non nunquam fieri videantur. Mul-  
 tos memorare solent, vel orbatos filiis, vel  
 exutos dignitatibus, vel aliis fortunae casu-  
 bus laceratos, non oblitos solum praeter-  
 itarum rerum, sed insanos factos aliquando,  
 & summo demum dolore angustiaeque con-  
 fectos; ut Aiacem illum Thelamonium,  
 quem ita insanum propter iram scribit So-  
 phocles, ut, greges armentaque Archivorum  
 ferro invadens, ipsos se Archivos putaret in-  
 terfuisse; ut Hecubam canina latrantem  
 rabie; ut Hieroclem, Parthorum regem, qui,  
 Pacoro filio Aventidio cum omni exercitu  
 trucidato, in furorem conversus, fertur, non  
 cibum sumere potuisse, non amicos allo-  
 qui, non vocem emittere; ut Periandrum,  
 qui, unus inter Graeciae sapientes habitus, fi-  
 lium a Corcyreis interfectum, atque mul-  
 tum dolens, impatientissimo moerore con-  
 fe-

Quid tamen  
 tantum adest,  
 ut exemplis  
 probari posse  
 videatur,

fectus est ; sic Menippum Cinicum, qui,  
 pecunia sibi per insidias erepta, laqueo se  
 suspendens, vitam ex ingentidolore finivit ;  
 sic alios multos. Neque censent, memori-  
 am beneficiorum in tam acerbissimo dolore  
 locum habere potuisse, in quo salutis ac vi-  
 tae memoriam abiecerunt omnem. Quos-  
 dam etiam ex nimia laetitia vita defunctos,  
 ut Dionysium, tyrannum, accepto victoriae  
 nuntio ; ut Sophoclem, ut Chilonem, quo-  
 rum alter, victor in tragoediae contentione  
 declaratus, subito ex ingenti laetitia moritur,  
 alter, filium in Olympia coronatum ample-  
 xus, extinguitur, qui honos maximus apud  
 Graecos habebatur. Multos tantus inter-  
 dum invasit morbus, ut extemplo sensus  
 memoriam & rerum omnium cognitionem  
 amiserint, phreneticos, vel lethargos ; sic Stra-  
 bonem quendam, qui, cum saxo in caput  
 concussus esset, rerum omnium, quas ante  
 noverat, dicitur statim factus oblitus. Quam  
 ob rem non videri tantopere culpandos, qui  
 memoriam abiecerunt beneficiorum, quod  
 plerumque a natura ipsa casuque contingit.  
 Contra vero mihi nulla tam ingens, tamque  
 insignis, ingratitudo videri solet, & quae tam  
 nullam admittat excusationem. Nam ut a  
 pueris initium capiamus, perdiscunt illi qui-  
 dem multa, sed ea diu memoria non tenent ;  
 tamen non ita statim dediscunt, ut ne se-  
 mel quidem recitare possint omnia memo-  
 riter, quae, animo frequenter agitata, saepe-

ut potius con-  
 trarium pro-  
 betur.

Contingit  
enim istud  
magis negli-  
gentia,  
quam memo-  
riae culpa.

que ad verbum repetita, raro e memoria delabuntur. Qui igitur accepit beneficium, si cito referat, si frequenter in animo versabit, saepeque de illo referendo cogitabit, nunquam efficietur oblitus. Quod si multa nobis excidunt, quae, memoria retenta, maximo nobis essent ornamento, quod ego non inficior, nec hoc quidem memoriae magis videtur, & naturae, quam negligentiae nostrae, tribuendum. Cur legum, cur artium obliviscimur reliquarum, nisi quia non frequenter exercemus, non mente, non animo & cogitatione versamus? Hinc praeclarum illud a Pythagora praeceptum, exercendam esse memoriam; hinc Diogenis saluberrima sententia, nihil in omni vita sine exercitatione fieri posse; ob eam homines cum in Mechanicis, tum in ceteris artibus, permiram celeritatem assecutos; hinc etiam & Periandri Corinthii praeclare dictum, exercitationem omnia valere. Cantores vero & cytharoedi tantam habent initio difficultatem addiscendi, ut ne vocem quidem exprimere, aut digitos movere, posse videantur; mox vero, summa voluptate allecti, aut repetentes, quae didicerunt, aut concentus omnes & vocum intervalla crebra cogitatione complectentes, id demum frequenti usu & exercitatione consequuntur, ut, clausis, si velint, oculis, & vocem flectant varietate incredibili, & chordas omnes mira digitorum celebritate percurrant. Ingratus vero, quia nullam capit voluptatem refe-

referendi, ideo nunquam de reddendo beneficio cogitavit, nisi fortasse, cum accepit. Quae res non ad homines pertinet; sed be-  
 fluis ea insita natura, ut, quamdiu cibus ore  
 versetur, sola praesentium delectatione te-  
 neantur. Sic etiam, quae audita semel fu-  
 erint, memoriaque comprehensa, excidunt  
 necesse est, & elabantur, nisi custodita sint,  
 & animo frequenter repetita, nunquam in-  
 termissa. At mutatio fortunae animum ad  
 maiora convertit. Fateor equidem hoc, in  
 illis duntaxat, qui, minimis rebus assueti,  
 quae magna sunt, sine mentis atque animi  
 detrimento capere non possunt. Hi sunt,  
 quorum nimiam felicitatem graviter, ut o-  
 mnia solet, Aristoteles, ab amicis non cen-  
 set esse cupiendam. Putat enim, eos ne-  
 quaquam in amicitia mansuros, ubi fuerint  
 nimium locupletari, discessurosque ab offi-  
 cio, tanquam secundam fortunam capere si-  
 ne amicorum oblivione non possint. Sed  
 ego, idem omnibus evenire, non arbitror.  
 Fortuna vero, quanquam in rebus alijs plu-  
 rimum valet, nullam tamen habet in animo  
 potestatem. Qui Reges, qui Principes, qui  
 Imperatores, efficiuntur, optime illi quidem  
 meminisse poterunt, privatos sese aliquan-  
 do, & in infimo rerum statu constitutos, ad-  
 iutosque beneficio privatorum hominum,  
 quod in Dario supra demonstravimus. Im-  
 mensum nobis Dii immortales vim ingenii  
 & memoriae tribuerunt. Multa invenio  
 man-

Sed mutatio  
 fortunae non  
 nisi male sa-  
 nos aut men-  
 te captos ad-  
 eo turbat, ut  
 pristini sui  
 status penitus  
 obliviscantur,  
 aut beneficio-  
 rum olim ac-  
 ceptorum im-  
 memores red-  
 dantur.

Magna enim ingenii memoriaeque vis est.

mandata literis a nostris maioribus, magna quosdam, & prope divina, fuisse memoria; ut Gneam illum Platicum, qui postredie, quam venisset Romam, omnium Patriciorum, & equestris ordinis civium, nomina cum summa omnium admiratione dicebat, eosque omnes suo nomine compellabat. Cyrrius vero & Themistocles, L. Scipio, alique permulti, idem in suis militibus faciebant. Mythridates quoque tanta memoria fuisse perhibetur, ut duobus & viginti nationibus, moribus, institutis, lingua, differentibus, quibus imperabat, ipse nullo cum interprete loqueretur. Quid dicam de Septio Metrodoro, qui, multorum simul loquentium verba sensaque excipiens, in maximam omnes admirationem adducebat? Plurimos equidem, memorare possem, cum superioribus seculis, tum etiam aetate nostra, quam plurimum memoria valuisse. Nec est eadem vis videndi atque auditus, aliorumque sensuum in nobis. Quippe privi illi atque hebetes magnitudine rerum deficiunt & confunduntur. Animus vero immensus est atque divinus, qui, quo plura capit, maioraque amplectitur, eo magis perfici atque illustrari consuevit. Quo fit, ut, cum defixius quicquam intuemur, hebetentur oculi, & caligine quadam mirum in modum afficiantur, soni magnitudine aures obtundantur; studio vero & assidua contemplationeagnarum rerum non modo non obrui-

Sensus quidem in hominibus differunt; animus vero immensus est, atque plane divinus.

obruitur animus, & vis ipsa contemplandi, sed ingenti quadam & ferope incredibili luce intelligentiaque completur, illuminaturque continuo usu cogitandi. Nemo potest, mea quidem sententia, tam satis doctus esse, tam satis eruditus, tam maximarum altissimarumque rerum memoria refertissimus, qui non colligere sese, & multo plura capere, censeatur. Neque, si qua volet alia, propterea non perdisceat, cum mens multis rebus sit occupata; neque, si perdisceat, rerum obliviscetur ceterarum. Qui vero magnis calamitatibus & fortunae casibus lacerati sint, & in maximis angustis ac necessitatibus constituti, quanquam incommoditates plurimas & detrimenta patiuntur, non tamen ita cetera omnia dediscere putaverim, ut nulla in eis remaneat memoria praeteritarum rerum, & pristinae felicitatis immemores efficiantur. Nam etsi miseris & calamitosus maximum adiciat doloris incrementum prioris fortunae recordatio, suntque ob hoc miseres, cum, felicioribus & tranquillioribus rebus assueti, quae paulo molestiora fuerint, non parum aegre patiuntur, eamque ob rem multo magis afficiantur: repetunt tamen honores, opes, dignitates, amicitias, & multorum in se collata beneficia recordantur; tum, praesentium incommodorum calamitatem acerbitate compensantes, felicissima quaeque meminere, & quod more suo sapienter, ut Poëta: Nimi-

Neque obstant calamitates, angustiae, necessitates, alique fortunae casus,

upa



Quod exem-  
plis superius  
tam altis il-  
lustratur.

um meninisse, necesse est. Quod si Aiace-  
factum primum furiosum, propter iram at-  
que dolorem mox sese interfecisse, & So-  
phocles, & alii plurimi, tradiderunt, nescio  
equidem, quem furiosum, si mori fortiter  
maluit, quam vivere ignominiose. Idem  
multi fecisse memorantur. Nam quod de  
gregibus atque armentis Poëtae confinxere,  
his non magnam admodum fidem putamus  
adhibendam, nisi fortasse, Palladem eius rei  
causam afferentes, id Deorum immortalium  
potestati tribuamus. Orestem quoque fu-  
riae caede parentis invaserunt. Sed nec Py-  
ladem ullis affecit iniuriis, nec eius in Thra-  
cia oblitus est, cum mori se malle diceret,  
quam mactari Pyladem pateretur. Sic in-  
sana facta Hecuba, & propter maximam  
crudelissimamque fortunae acerbiter in  
furorem rabiemque conversa. Verum non  
illa in Helenum, non in Cassandram, sed  
in Polynestorem, saeviendum cognovit,  
quod magis praeclarum facinus agere vel  
optime sana potuisset, quam violatam fidem  
hospitii, per iuratos Deos & necatum filium  
ulcisci. Quod si Sophocles, si Periander, si  
Menippus, Chilo, alique permulti, vel gau-  
dium nimium capere, vel doloris acerbita-  
tem superare, non potuerunt; quid aliud  
causae fuisse putem, nisi insitam & perti-  
nacem in animo memoriam, vel boni, quo  
nimis gaudebant, vel mali, quo nimis ange-  
bantur? Qui si neque victoriae & utilitatis,  
neque

neque calamitatis atque incommodi, meminissent, profecto neque a gaudio nimio fuissent, neque ab intolerabili dolore, superati; sed, cum iis cogitationibus haerentes avelli non poterant, nimiam memoriam mortis causam habuere. Quam ob rem non video, cur deficere memoriam, & oblivisci homines, etiam maximis & periculosis calamitatibus, arbitrari debeamus, asserereque exempla, ad eam rem nihil prorsus attinentia. Optima rerum omnium excogitandarum magistra necessitas est. Nihil enim magis solet ingenium atque memoriam nostram excitare. Nunquam, me hercule, magis sapere solemus, magisque rerum omnium recordari, quam cum mille fortunae casibus expositi, tanquam navis ventis atque fluctibus, exagitamur. Quod vero de moribus dicebatur, quam rarissime solet evenire, ut ita penitus exanimati, sepultis sensibus, efficiamur, ut nec recolamus quidem praeterita, nec praesentia, si qua sunt, satis recte sentiamus; aut si accidat fortassis aliquando, non igitur videntur excusandi, qui tam diu ingrati perseverare poterunt, ut etiam morbum expectarint, ad ingratitudinem perpetuo confirmandam. Erat enim occupandum tempus, ut antereferret gratiam, quam referendi tolleretur occasio. Quam ob rem qui oblitus fuerit beneficii, eum magis delinquere, putaverim, quam quo iure possit excusari, cum sit turpis-

Potius necessitas ingenium atque memoriam excitare putanda est.

Neque de moribus idem est arbitrari.

pissimum genus ingratitude, & quantum  
 ad humanitatem & perfidiam attinet, ce-  
 teris omnibus, quae diximus, anteponendum.  
 Qui non referunt, qui negant, qui dissimu-  
 lant, ingrati quidem omnes iudicandi sunt,  
 ceterum nequaquam cum hoc genere com-  
 parandi; quippe cum nemo prohibeat,  
 quando emendare sese, & quam gratissimos  
 praestare, possint. Enim vero mores, & quam  
 facillime, & quam saepissime, commutantur.  
 Quod cum ceteri permulti, tum maxime  
 Palemon Atheniensis ostendit, qui ex igna-  
 vo & temulento adolescente in sapientissi-  
 mum & gravissimum Philosophum evasit,  
 sola Xenocratis oratione persuasus. Saepe  
 enim colligunt homines sese, & nullo im-  
 pellente, sua ipsi delicta detestantur. Nemo  
 tam ferus & agrestis, tamque ab omni hu-  
 manitate destitutus, qui, si modo peccare se  
 intelligat, non aliquando sibi ipsi displiceat,  
 & ad sanctiores mores melioraque studia  
 permutetur. Qui vero se errare non sen-  
 tiat, is & vitam suam probat, & in ea sum-  
 ma vi atque studio perseverat. Quam ob  
 rem, oblitus qui fuerit beneficii, gratus fie-  
 ri nullo modo potest. Nunquam etenim  
 reviviscet, quod semel est extinctum, ut  
 membrum aliquod, a corpore decisum, cu-  
 ius nullae remansere reliquiae, in corpus  
 amplius coire nullo, ut arbitror, valebit ar-  
 tificio. Nec ulla est tam pestilens & im-  
 manis aegritudo, quam medici vel curare  
 pe-

penitus nequeant, vel saltem levio-  
re non possint. Solis his, qui sunt extincti,  
nullum asserre, nullumque idoneum medi-  
camentum excogitare, valuerunt. Quid  
eam ab his putabimus esse sperandum, in  
quos non conferri quidem videtur benefi-  
cium, sed extingui? Equidem sic mihi per-  
suadeo, nullam certiore, nullamque stul-  
titiā insigniore, quam res fortunasque  
nostras ita temere collocare, ut nobis, cum  
opus sit, praesidio esse non possint. Sed il-  
lum ego longe censeo stultissimum, qui  
non largiendo quidem, sed dissipando potius,  
ita collocat opes suas atque profundit, ut  
statim videantur esse periturae, nullamque ne-  
que loci, neque temporis, recordationem  
habiturae. Sed iam ad genus aliud transfe-  
amus, quod eam ob rem postremo loco  
constituimus, cum non solum cetera ingra-  
torum genera, sed omne scelus atque flagi-  
tium, atrocitate sua videtur anteire. Hi sunt,  
qui pro honore dedecus, pro laude igno-  
miniam, pro salute, pro vita, periculum,  
discrimen & perniciem referre consueve-  
runt; quorum ut atrocitas insignis, ita  
copia quam maxima. Quid hoc scelere  
immanis? quid truculentius excogitari  
potest? Si qui gratiam non retulere, ve-  
hementer abhorremus; si qui negaverunt,  
qui obliti sunt, odimus, detestamur, execra-  
mur. Quo vultu? quo animo? quibus  
oculis intuebimur? qua malevolentia eos

Quartam de-  
nique ingra-  
torum speci-  
em, eamque  
longe imma-  
nissimam a-  
trociſsimam-  
que, co.ſtitu-  
unt ii, qui p. o  
honore dede-  
cus, pro laude  
ignominiam,  
pro salute,  
pro vita, peri-  
culum, discrim-  
en & perni-  
ciem refe-  
runt.

Na

pet-

persequi debeamus, qui, adiuti cum a nobis, maximisque ornati dignitatibus, & in summa rerum fortuna atque amplitudine constituti, oppugnare tamen nos & pedibus conculcare non vereantur? Quos domi, quos tectis, hospitioque suscepimus, quos domestico praesidio sustentamus, ii nos domo, patria, propellere, rebus omnibus exspoliare, & in exilium extrudere, nituntur. Quorum sumus tutati dignitatem, honorem auximus, amplificavimus gloriam, & quorum laudes in coelum usque tollere conati sumus, ii summum nobis dedecus inferre, famam nostram depopulare & afficere turpissima cogitant ignominia. Et quos ab inimicis atque hostibus non sine magno nostro discrimine defendimus, magnoque interdum vitae periculo subtraximus, hi nefanda in nos tela & sceleratas manus intulere. Quos in portum restitimus, ab his in maximas tempestates discriminaque iactamur. Multis vitam ipsam conservavimus, qui, corpus atque animam eripere conantes, mille insidias & mortem nobis atrocissimam machinantur. Quid hoc scelere potest nēdum dici, sed excogitari, detestabilius? quid foedius? quid denique inveniri truculentius? & ab ea, quae est inter homines, caritate magis alienum, magisque liberalitati contrarium? Quis non ab omni officio beneficentiaque desistat, si, quibus hominibus benefecerit, hi sibi omni vi atque studio nocere

Tollit enim  
humanitatem  
& liberalita-  
tem.

cere infidiarique conentur? An ideo sementem electissimam seminavimus, vites propagavimus, ut, perniciosas cicutas inmetentes, non multa, sed aconita & pestilentissima venena biberemus? Et quod per saxa scripsit Themistocles. (nam ille quoque ad ingratos tunc forte loquebatur.) An ideo moenia vestra, domosque, condidimus, ut essent, qui nostra delerent? Quod tantum facinus agitari possit? quod tam immane flagitium excogitari, quod non huius truculentissimi sceleris atrocitate superetur? Contulimus enim beneficium, ut potentiores essent ad tuendos sese, non ad contumeliam nobis inferendam. Dedimus gladium, quo se, fortunasque suas, & si opus esset, nos etiam, nostraque defenderent, non ut in eos impetum facerent, a quibus vitae praesidium accepissent. At poenitebat homines sceleratissimos gratiam, ut par erat, minime referre, nisi vim ultro atque iniuriam nobis intulissent. Alexandrum Macedonem huius detestandi & nefarii sceleris magnitudinem ostendisse, multi memoriae prodiderunt, qui, cum Clitum, nutricis suae fratrem, magnum inprimis & praeclarum virum, interfecisset, quod, Philippi patris gesta in convivio magnifice, ut decebat, extollens, Alexandri gloriae atque laudibus detrahare visus esset, non modo mortuum Clitum, mitigato furore, deploravit, sed se ipsum interficere eodem telo constituit. Quod

Id quod Alexandri maxime Macedonis exemplo illustratur.

Nna

cum

cum milites, detenta manu, facere prohiberent, miserabili planctu Regiam totam, ululatuque complebat. Nec indecorum tantae maiestatis fastigio putavit, faciem crebris unguibus laniare, & circumstantes obtestari milites, ne se tanto dedecore superflitem esse paterentur; sinerent eum mori, qui omnium ingratissimus conservatori suo, & de se optime merito, vitam per summum facinus ademisset, quippe qui se apud Granicum amnem, nudo capite dimicantem, suo clypeo texisset, & Rosacis manum, capiti eius imminentem, amputasset. Postremo cum ferro vitam, prohibentibus suis, finire non valeret, inedia extingui properabat. Triduum namque sine omni cibo atque inclusum iacuisse, moriendi gratia, tradiderunt. Intelligebat enim, nihil a se committi potuisse crudelius, quam pro auxilio atque salute calamitatem & interitum reddidisse, nec ulla alia re tantam ingratitude, quam sola morte, diluendam. Ingratitudo, quantum ego sentio, cuivis homini turpis habenda est; Regi vero atque Principi longe turpissima. Quid enim magnificum illis & praeclarum esse potest, si sint ingrati, qui liberalitatem in primis & munificentiam praestare, & gratiam quandam prae se ferre, ipsa imperii maiestate compellantur? Turpius enim illis est, in beneficio, gratia & liberalitate, quam in praelio superari; quorum in alteris animi nequi-

Dedecet  
potissimum  
ingratitude  
Reges  
atque  
Principes.

nequitia deprehenditur, fortuna in altero potest accusari. Philippus quoque, Quod exemplo Philippi Macedonis declaratur. Alexan- dri pater, etsi amicitias sola, ut ferunt, utilitate coluisset, ab ea tamen, de qua loquimur, ingratitude vehementer abhorrebat, re profecto omni magno scelere atrocior. Hic cum militem in castris haberet, fortem quidem virum, & bellis gerendis plurimum exercitatum, & cui Rex propter singularem & animi & corporis fortitudinem magna praemia contulisset: forte evenit, militem turbido mari navigantem, maximis procel- lis & tempestatibus agitaturn, fracta demum navi, in agrum quendam fuisse deiectum, ibique ab eo, cuius fuisset ager, exanimatum, ac prope mortuum inventum, quanta maxima fieri potuit diligentia & humanitate, curatum, & domo, igni, vestibus, cibisque, ad revocandam animam conferentibus, humanissime curatum. Quid plura bonus vir? Cum militem triginta circiter diebus apud se detinuisset, abeuntem veste pecuniaque donavit. Qui ubi ad Philippum Regem se contulisset, orare coepit, ut iacturam eius & calamitatem miseretur, quem maris fluctus & tempestates, omnibus rebus exspoliatum, ad postremam inopiam redegissent, postulat, dari sibi praedium, in quo a bono viro susceptus evasisset. Hic cum despoliari se per summam & inauditam ingrati- tudinem aegre pateretur ab eo, quem summa caritate, praesidia, vitaeque custo-



dia, texisset, rem omnem, ut sese haberet, Regi patefecit, orat, ne, sua sibi beneficia & humanitatem nocuisse, patiatur, simulque, ne militi, tantum facinus aggresso, diuturniorem concedat impunitatem; Sordidissimum fore tanti Regis spectaculum, si, tam ingratos & nefarios viros aliquam apud se auctoritatem habere, sustineret. Extemplo Philippus, restituto, ut par erat, praedio, militem, ad se vocari iussu, non exauctoravit solum, sed, igni admoto, literis frontem insigniri iussit, ut ludibrio foret omnibus, & animum ingratisimum, & nullius amplius dignum beneficiis, indicarent. Nam ut ego pro Philippo loquar, quantum tibi beneficium praestare possim? quam tantam asserre commoditatem, ut sperem, gratum erga me animum habiturum? Possum tibi centuriam, possum cohortem, possum etiam phalangem, & denique totum exercitum, committere, possum & regni quocumque dare maiestatem. Magna haec quidem & praeclara munera, sed quae, si cum vita conferantur, perexigua sunt, & nullius emolumenti iudicanda, & tanquam vana atque inutilia contemnenda. Si pro vita, quam accepisti, detrimentum referre non pudit, quam, obsecro, mihi habebis gratiam pro cohorte? Tum cavendum mihi cenleo, si quicquam tibi donem. Quoties enim de meis in te meritis cogitabis, toties erit mihi a tam pessima & sordidissima gratia

tia metuendum. Nam quo plura maioraque in te beneficia conferantur, eo maius mihi periculum impendere, pluresque strui suspicabor infidias. Cui opes, cui fortunæ omnes, cui salutem, vitamque debebas, cum tu fortunis omnibus exspoliare conabar. Quo in loco vitam tibi, spiritumque restituit, eum tu locum eripere studuisti. Non possum tantam inhumanitatem exequi verbis. Maius enim est scelus, quam quod satis dicendo possit explicari. Enim vero ceteros, qui a nobis paulo ante dicebantur, alios alia causa facit ingratos. Hic non refert, vel cum avarus est, & inopiam egestatque veretur, si reddiderit, vel quia opus nobis gratia esse non putat. Negabit ille beneficium, cum permolestum sibi videtur, si, se nobis devinctum atque obligatum esse, fateatur, notitiamque nostri dissimulabit, vel ob eam ipsam causam, quam diximus, vel quia videtur referre non fortasse propter inopiam, quam fateri vel pauperiimo cuique solet esse durissimum. Neque enim adeo sapientes nati sumus, neque adeo bonis & subductis rationibus instituti, quin in frequentissimos errores incidamus. Negat enim quispiam beneficium, cum satius duxit, ita facere, quam facientem reprehendere. Nam non possum non fateri, male existimasse. Sed suo tamen errore defendetur. Nam qui per solam peccat ignorance, is, etsi non peni-

Conferuntur  
inter se qua-  
tuor superius  
proposita in-  
gratorum ge-  
nera.

tus videtur excusari, minus tamen delinque-  
re, quam ceteri, iudicabitur. Alius obli-  
tus est beneficii, quod, inficiari non pos-  
sum, esse, quam turpissimum. Sed sua il-  
lum negligentia atque ignavia tuebuntur.  
Qui vero huic nefario generi est affinis,  
hoc vel maxime non potest excusari, cum  
neque paupertate & inopia, neque pudore  
aliquo, neque errore atque negligentia, sed  
sola perfidia, nequitiaque, peccavit, qua non  
ad ingratitudinem duntaxat, verum ad te-  
rissima quaeque impelli flagitia potuisset.  
Nam quos, bonum aliquod accipientes, ma-  
lum referre non pudet, eos nulla fide, nul-  
la modestia, nullis legibus, nullis institutis,  
nulla denique iustitia & pietate, contineri,  
sed ad turpissima quaeque praecipites ituros,  
existimo. Quid enim, ut inquit Poëta ve-  
ster, hosti faciat, qui sic excludit amantes?  
Si eos, qui maxima sibi, amplissimaque be-  
neficia contulerunt, offendere minime ve-  
reatur: quid illis faciet, qui magnum ali-  
quod detrimentum intulerunt? Si eos ini-  
uria laceflat, cum quibus arctissima videba-  
tur familiaritate devinctus: quo dede-  
core, qua contumelia, qua iniuria, quo  
impetu, in peregrinos ignotosque feretur?  
Nulla enim arctior amicitia inter homines  
esse potest, nulla maior familiaritas, nulla  
denique necessitudo coniunctior, quam  
quae mutuis studiis, alternaque beneficiorum  
largitione, continetur, quam, qui ingratus  
est,

est, evertat, necesse est, & caritatem omnem auferat, & beneficium. Quapropter nihil mihi atrocius videri solet, & humano generi detrimentosius ingratitudine. Cuius omnia genera foeda mihi quidem detestandaque videntur; sed hoc postremum omnium constat esse foedissimum, alienissimumque ab humanitate, quae tota in tua benevolentia & caritate versatur. Neque iniuria quidem, qui ingratitudinem definire voluerunt, urentem ventum & caritatis fontem exsiccantem esse, dixerunt. Nulla enim capitalior pestis in amicitia conferenda, nullum maius in omni vita & humanitate discrimen. Nam si sanctissimam amicitiae & necessitudinis vinculum vel a caritate, quae nobis a natura est insita, vel a beneficiorum collatione profisciscitur: quid est, quod ab ingratis non sit penitus desperandum, qui & caritatem nullam habent, & beneficia nec conferunt quidem, nec, quod turpius est, referunt, si conferantur? Sed ego Deos satis demirari nequeo, qui, cum beneficii quidem ipsi sint, & in homines mirifice liberales, & precibus, aere muneribusque flectantur, iustitiam maxime coli iubeant & pietatem, hoc tamen nefandissimum genus hominum per summam impunitatem vivere, & suis etiam donis ali, maxima rerum affluentia patiantur. Quos quidem tollendos e vita omnes censeo, & tanquam ex agro lolium decerpandos, a

Quae inter  
tamen postre-  
mo loco no-  
minatum emi-  
net, tanquam  
turpissimum  
atrocissimum-  
que.

Conclusio  
continet se-  
piani horratio-  
nem ab ingra-  
tis sibi caven-  
di, eosque  
quam maxime  
fugiendi.

quibus, ut supra memoravimus, liberalitas  
omnis extinguitur, beneficentia tollitur, ca-  
ritas & benevolentia summovetur; quibus  
rebus a vita sublati, ne vita quidem ipsa  
satis recta ratione constabit. Ego vero,  
si quid unquam fuerit mihi negotii cum  
ingratis, erit autem, ut opinor, frequen-  
ter, tantum praestabo vel fidei, vel beneficii,  
quantum satis honeste denegare non pote-  
ro. Idem ceteris censeo faciendum, qui  
si magnifici haberi velint, si largi, beneficia  
liberales, id saltem cavere studeant, eamque  
teneant largiendi viam, ne sua sibi benefi-  
cia, aut nunquam in omni vita prosint, aut  
in detrimentum calamitatemque redundent  
acerbissimam. Quod ita praestare quam  
facillime poterunt, si ab ingratis tanquam  
a vento flammaque cavebunt. Haec ha-  
bui, quae dicere de ingratitudine. Di-  
xi equidem pleraque confidentius, ut tu  
quoque, si qua sentias (sentis enim lon-  
ge plurima) in medium, si placeret, af-  
ferres.

DE INGRATITVDINE FUGIENDA LIB. II. 37

IOANNIS ANTONII  
CAMPANI AD PANDVL



quibus, ut supra memoravimus, liberalitas  
omnis extinguitur, beneficentia tollitur, ca-  
ritas & benevolentia summovetur; quibus  
rebus a vita sublati, ne vita quidem ipsa



CÔTES D'

Palurcate

Tufou  
Madras ou Fort S' George  
Thomé ou Meliapour

7 Pagodes  
brastpatan

one

DE CORO

IOANNIS ANTONII  
CAMPANI AD PANDVL-  
FVM BALIONIVM DE  
INGRATITVDINE FV-  
GIENDA

LIBER SECVNDVS.

**N**on temere contendisti a me, Pandul-  
fe humanissime, manifestari tibi,  
quantum habeat vel mali ingrati-  
do, si admittatur, vel, si fugiatur, boni.  
Utilem profecto rem, & quantavis investi-  
gatione dignissimam. Nullam enim cen-  
seo capitaliorem humanitatis ac vitae pe-  
stem, & quae magis fugienda sit omnibus,  
magisque toto animo, totaque mente dete-  
standa, quam ingratitude. Quid, obsecro,  
videri potest cum ab omni genere morta-  
lium, maxime ab iis, qui sive domi, sive mi-  
litiæ, praesse volunt, alienius? Quid vel  
ad regendam civitatem, & animos homi-  
num conciliandos, incommodius, vel ad mi-  
litum benevolentiam comparandam & exer-  
citurum in fide continendum, inutilius? Qui-  
bus in rebus magnam ipse laudem, ingen-  
temque tibi gloriam, peperisti, ut sive belli  
gerendi disciplina, sive regendae atque ad-  
ministrandae Reipublicae studiis, nemo tibi  
anteponendus esse videatur. Etenim ea in  
civitate natus, educatus, & liberalibus arti-  
bus

Præfatio con-  
tinet, præter  
ingratitude  
mentionem  
maxime odio-  
sam,



cam totius Ba-  
lioniorum  
Gentis,

bus institutus es, quia, ut neque fortissimorum sapientissimorumque hominum nulla copiosior, neque gerendis bellis, militari-  
busque studiis & disciplinis instructior, sic nulla statu ipso per superiora tempora tur-  
bulentior, memorari potest, & quae tantis  
civilium cladum fluctibus, tantisque dome-  
sticarum seditionum tempestatibus, fuerit a-  
gitata. Quanquam commune hoc in tota  
& Umbria & Hetruria malum, quod etiam  
& Picentes invasit, ut ne vici quidem inte-  
linis vacare discordiis videantur. Perusia  
vero, postquam ab Achaeis est condita, etsi  
imperium suum longe lateque distendit, e-  
iusmodi semper factionibus fuisse traditur,  
ubi maiores tui primum Civitatis locum  
per multa iam secula tenuerunt, summo  
consensu omnium optimatum, nisi quando  
eos alterius factionis viri partim ferro neca-  
vissent, partim profugos atque extortes pa-  
triiis laribus abegissent. Nam & illi, ple-  
bem secuti, aliquando pulsus, ut est dictum,  
ac trucidatis optimatibus, supremum sibi  
locum in Civitate vindicarunt, quoad ipsi  
quoque rursus vi atque armis a tuis inde  
maioribus pellerentur. Hic tu incredibili  
moderatione animi, summaque domestica-  
rum & civilium rerum sapientia, maxima-  
que animi gratitudine in omnes, qui te, tu-  
amque dignitatem atque amplitudinem,  
conservassent, tantum tibi amorem omni-  
um, tantam caritatem, studium, benevolen-  
tiam,

tiam, comparasti, ut maiores tuos hac in re non aequasse solum videaris, sed eos ipsos longe omnium sententia superasse. Quam Nelli, in re Nelli Balonium, parentem tuum, Pandulfis Patris, patrem habuisti, optimum & sanctissimum virum, & ceteris omnibus aequitate, iustitia, mansuetudine, & praecipua vitae integritate, praestantem, & ab hac ipsa, de qua loquimur, ingratitudine, supra quam dici potest, abhorrentem, qui, cum per aetatem a strepitū populari publicisque negotiis ad quietem sese, & animi tranquillitatem, revocaverit, omnia in te deposuit & domestica & publica gubernacula. Quid dicam in re & ipsius tandem Pandulfi, militari? qui cum pene puer ad sororis tuae virum, fortissimum & praestantissimum hominem, militandi gratia te contulisses, nihil egisti, quo te non tuis dignum maioribus demonstrares, & spectacula de te praeberes longe pulcherrima, ut tantum tibi nominis ac gloriae in hac nostra citiore Gallia comparaveris, tantumque tuis omnibus adieceris ornamentum, quantum ipse, etsi sentio animo, verbis tamen explicare non possum; ubi te in periculis & calamitatibus constantissimum, pugnacissimum in bello, in otio iucundissimum, & in omni tempore, omnibusque in locis, quam gratissimum, praebuisti, ut omnes fortitudinem admirarentur, virtutem laudarent, & diligentiam, & te singulari studio & benevolentia complecterentur, nomenque tuum

um non milites solum, verum Gallia universa loqueretur. Postremo cum nullis periculis succumbere, nullis terreri adversitatibus, non hostibus cedere, non pugnam obtrectare, sed pro gloria & animi magnitudine discrimina subire quam plurima, lacessere hostes, manus conferere, & in confertissimas semper turmas impetum facere, consuesses, non laudis opinionem solum, sed praestantissimae virtutis tuae insignia reportasti, quibus gloriari solebat vehementer Sertorius, vir omnium, quos prisca secula tulerunt, in re militari praeclarissimus. Eadem Philippus, Antiochus, Annibal, aliique permulti, nescio, an tam manifesta gloria reportarunt: Quippe inter mille sequentia tela, multis aliis & illatis & acceptis vulneribus, altero captus oculo, non prius a pugna destitisti, quam hostes tuos omnes, tui unius virtute impetuque perterritos, terga dare, atque in fugam sese vertere, coëgisses. Detraherent, qui velint, & laudibus tuis invideant: nullum profecto verius testimonium virtutis, gloriaeque tuae, nullum apertius indicium fortitudinis, nullum gloriosius insigne rerum a te summa cum laude atque omnium admiratione gestarum. Quas ob res ab Imperatore, in Italiam adventante, ultro militaribus insignibus atque ornamentis donatus es, ut ornatur, hodie, qui magni & in primis clari habentur viri, quae nos aliis in locis omnia for-

fortasse dicemus uberrime. Nostri enim officii esse putamus, pro maximis amplissimisque beneficiis, a te collatis, non ista solum, quae egeris, sed etiam, quae acturus sis, literis memoriae mandare. Sed iam ad instituta redeamus.

denique vero etiam officium scribentis.

Ubi finem dicendi feci, subridens ille, credo propter ea, quae nuperrime ad meam retrudendam ac labefactandam sententiam excogitaverat, sedeamus, inquit, ne semper agamus Peripateticos, qui Stoicorum etiam provinciam ingressuri sumus. Quemadmodum enim corporis quies & respiratio quam maxime prodest, sic ingenium etiam solet mirifice, & ad inveniendum, & ad discernendum, exsistere. Ubi confessum est, equidem non possum, inquit, me continere, quin, ut Chremes ille, caput tibi hodie demulceam, qui, cum heri pridie ad haec varia & difficillima Philosophiae studia te contuleris, tantum videris in ea facultate profecisse, quantum, qui ad eam consequendam non parum aetatis atque otii consumserunt. Valde itaque tibi congratulor, & ingenium non probo solum, sed, aetatis habita ratione, vehementer admiror. Quod etsi opus esse non arbitror, officii tamen mei est, ut ad haec honestissima, quae coepisti, Philosophiae studia te exhorter, & currenti, quod dici solet, equo stimulos admoveam. His, velim, animum tuum, his ingenii vires intendas, manibus pedibusque in-

Sequitur  
responsio  
Nicolai Sulmo-  
nensis ad ea,  
quae Libro I.  
dicta sunt.

Laus Philoso-  
phiae.

um non milites solum, verum Gallia universa loqueretur. Postremo cum nullis periculis succumbere, nullis terri adversitatibus, non hostibus cedere, non pugnam obrectare, sed pro gloria & animi magnitudine discrimina subire quam plurima, lacessere hostes, manus conferere, & in confertissimas semper turmas impetum facere, confuesses, non laudis opinionem solum, sed praestantissimae virtutis tuae insignia reportasti, quibus gloriari solebat vehementer Sertorius, vir omnium, quos prisca secula tulerunt, in re militari praeclarissimus. Eadem Philippus, Antiochus, Annibal, aliique permulti, nescio, an tam manifesta gloria reportarunt: Quippe inter mille sequentia tela, multis aliis & illatis & acceptis vulneribus, altero captus oculo, non prius a pugna destitisti, quam hostes tuos omnes, tui unius virtute impetuque perterritos, terga dare, atque in fugam sese vertere, coegisses. Detraherent, qui velint, & laudibus tuis invidiant: nullum profecto verius testimonium virtutis, gloriaeque tuae, nullum apertius iudicium fortitudinis, nullum gloriosius insigne rerum a te summa cum laude atque omnium admiratione gestarum. Quas ob res ab Imperatore, in Italiam adventante, ultro militaribus insignibus atque ornamentis donatus es, ut ornatur, hodie, qui magni & in primis clari habentur viri, quae nos aliis in locis omnia for-

fortasse dicemus uberrime. Nostri enim officii esse putamus, pro maximis amplissimisque beneficiis, a te collatis, non ista solum, quae egeris, sed etiam, quae acturus sis, literis memoriae mandare. Sed iam ad instituta redeamus.

denique vero  
etiam officium  
scribens.

Ubi finem dicendi feci, subridens ille, credo propter ea, quae nuperrime ad meam retrudendam ac labefactandam sententiam excogitaverat, sedeamus, inquit, ne semper agamus Peripateticos, qui Stoicorum etiam provinciam ingressuri sumus. Quemadmodum enim corporis quies & respiratio quam maxime prodest, sic ingenium etiam solet mirifice, & ad inveniendum, & ad discernendum, exquirere. Ubi confessum est, equidem non possum, inquit, me continere, quin, ut Chremes ille, caput tibi hodie demulceam, qui, cum heri pridie ad haec varia & difficillima Philosophiae studia te contuleris, tantum videris in ea facultate profecisse, quantum, qui ad eam consequendam non parum aetatis atque otii consumerunt. Valde itaque tibi congratulor, & ingenium non probo solum, sed, aetatis habita ratione, vehementer admiror. Quod etsi opus esse non arbitror, officii tamen mei est, ut ad haec honestissima, quae coepisti, Philosophiae studia te exhorter, & currenti, quod dici solet, equo stimulos admoveam. His, velim, animum tuum, his

Sequitur  
responsio Ni-  
colai Sulmo-  
nenis ad ea,  
quae Libro I.  
dicta sunt.

Laus Philo-  
sophiae.

in-

incumbendum est his studiis, quibus non solum negotia nostra, sed otia ipsa, & omnis nostra aetas exornatur. Philosophiae, inquam, noctes diesque invigilandum. Ceterae enim artes admonent hominem multarum rerum; Philosophia sola, & facit, & instituit, & ad omnem fortunae ictum ita parat, ut tegat, atque ita tegit, ut vincat & rideat. Sic enim spero, te, si perseveres constanter, ornamento nobis futurum non mediocri, qualem ipso etiam te initio praestitisti. Cumque multa in eam sententiam adiecisses, ut me benevolentia potius, quam animi iudicio, laudaret; quae paulo ante de ingratitudine dixissem, sic omnia miro quodam ordine atque memoria complexus est, ut dicta mea non solum repeteret memoriter, sed exornaret cuncta, & ubi opus esset, suis novis acutissimisque rationibus confirmaret. Quam ob rem placebam ipse mihi non mediocriter, ut qui, magnum aliquid atque praeclarum dixisse me putarem, quod tanti fuisset Philosophi iudicio comprobatum, neque oppugnaturum amplius, cum tantopere me laudasset, existimabam. Tandem plurima, inquit, a te dicta praeclare, & aequae, ne a novitio quidem Philosopho dicta censeantur. Sed ego, nec omnia tibi concedenda, puto, nec rursus neganda omnia, ne, vel, si cuncta concederentur, ab his studiis, tanquam satis eruditus, evolares, vel, si resellerentur omnia, desperatio.

ratione quadam & rerum difficultate perterritus, e medio currēdi spatio revocatus, a studio philosophandi desisteres. Quam ob rem dicemus pauca quidem, sed huic disputationi non incommoda fortasse, & a studiis institutisque tuis nequaquam aliena, cum, ut veram huius disputationis metam inveniamus, neque oberremus longius, tum ut tui etiam acumen ingenii paulo diligentius pertentemus, quod tum demum acutum atque acre iudicamus, si, quae a te & contra te tela consueverunt, ita & intorqueas fortiter, & constanter excipias, ut, repulso hoste, locum, quem tibi cepisti, tuearis. Rerum tu Digressio ad omnium, quae vivendi praevertunt rationem, atrocissimam perniciosissimamque ingrati-<sup>ulteriore</sup> tudinis confi-<sup>ipsum ingratitudinis</sup> derationem, causas autem, diligenter iudicabas. Causas autem, di-<sup>derationem,</sup> cebas, esse permultas, sed eam potissimum iudicandam, quod liberalitatem & munificentiam extinguere omnem, & e medio tollere, videntur. De liberalitate mox: nunc ingrati-<sup>ulteriore</sup> tudinem ipsam paulo pressius ac propius intueamur. Hanc tu appellas rerum omnium perniciosissimam. Mihi Quae vero ne mala quidem videtur, saepe etiam utilis, nonquam mala, saepe utilis, plerumque necessaria. Placet ante, quam feramur longius, disputationis nostrae iacere fundamentum, ut unum in locum congerere materiam totam, & aedificare, valeamus, nec operam tempusque perdamus oberrando. Placet, inquam, ex divisione tua ingrati-<sup>ulteriore</sup> tudinis definitionem aucupari, quod



quod & commode, ut arbitror, fieri potest;  
 & Physici plerumque idem facere consue-  
 verunt. Omnem tu ingratitudinem qua-  
 tuor in genera consumebas. Primum, eor-  
 um, qui, cum faterentur, accepisse bene-  
 ficium, gratiam tamen referre negligerent.  
 Alterum ad eos attinebat, qui, vel paulo te-  
 tius dissimularent, vel aperte negarent, ac-  
 cepisse. Eos, qui omnium obliiti essent,  
 genus tertium considerabat. Postremum  
 eos maxime continebat, qui pro commodis  
 incommoda, & pro gloria ignominiam, pro  
 auxilio, pro salute, calamitatem, perniciem  
 reddidissent. Ex his facile definitionem  
 colligimus. Omnia namque illo tendere  
 videntur, ut sit ingratitudo, quoties accepti  
 beneficii gratia, vel omnino nulla, vel certe  
 non satis digna, referatur. Hoc tu per-  
 niciosum & fastidiosum arbitraris; ego vero,  
 ut saepe non malum, ita plerumque bonum,  
 & aliquando necessarium esse, contendam.  
 Id nos manifestissimis, ut arbitror, rationi-  
 bus aperiemus. Quod enim mali rationem  
 non habeat, id quo pacto tandem appella-  
 bis malum? Qui navim gubernare, decli-  
 nare scopulos, auram, ventos, regiones  
 que cognoscere, maris tempestatem praevi-  
 dere, stellarum ac siderum intervalla, mo-  
 tumque notare, & cetera, quibus sit opus  
 ad navigandum, ignorabit, hunc tu nautam  
 censeas esse dicendum? Stulta, me Hercule,  
 ista censura. Rursus qui mentem habet &

Cuius suppe-  
 ditatur, tam  
 divisio,

quam defini-  
 tio.

Malum quid  
 ingratitudi-  
 nem non vi-  
 deri partim  
 probatur,

rationem, brutum nec esse, quidem, nec dici iure, potest. Malum vero id appellamus, a quo omnia abhorrent, fugiunt, detestantur; ut bonum id solum dicimus, quod omnia cupiunt, expetunt, amplectuntur, quemadmodum noster Aristoteles. Quaecunque enim appetuntur a nobis, & quaedam quaeruntur delectatione animi, ea mala dicenda esse, non puto; ut nec bona, quae fugimus atque horremus, appellantur. Ingratitudinem vero cum non omnes execrent, paucissimique devitent, quo pacto malam esse censeamus? Plurimos adeo ingratos finxit ipsa natura non homines solum, quorum paucissimos inveniri gratos, tuus clamat Cicero, sed feras etiam, ut nullis obsequiis flecti ad humanitatem & mansuetudinem, nullis leniri aut tangi beneficiis, nulla denique conciliari liberalitate, videantur. De hominibus quidem ipse videris, qui ad res gestas hominum, civitatum, nationum, inquirendas non parum temporis atque otii consumsisti. Sed ego quoque nonnullos, meminisse, audivisse, magnos in primis & praecclaros viros, multas etiam civitates perlibenter hanc sibi saepe ingratitude arripuisse, quam, si, qualem tu, funestam fuissent & perniciosam opinati, summo studio, summaque diligentia devitassent. Quos partim illustratur, exemplis hominum. igitur in tanta nos turba primos aggrediemur? Romanosne, an Carthaginenses? Athenienses, an Thebanos? Omnes enim, late

potiti rerum, sanctos atque optime de Repub-  
 lica meritos cives habuerunt. Ex his pleros-  
 que, aut exilio ignominiose, aut morte cru-  
 deliter, fustulerunt. Quae res si mala visa esset  
 & perniciofa: nunquam in eam univerti ad-  
 duci sententiam potuissent, ut, aut superiori  
 Africano Romani exilium, aut posteriori  
 mortem, intulissent. Quid dicam M. Fu-  
 rium Camillum, sanctissimum virum il-  
 lum quidem, & ceteris omnibus pietate,  
 fortitudine, gloriaque praestantem, sed ex  
 ea tamen civitate, quam ante, quam exul  
 fieret, pulcherrimis ipse victoriis exorna-  
 vit, in exilio ab hostibus atque incendio li-  
 beravit, & post exilium, ne defereretur, ef-  
 fecit? Quid Lentulum? Quid Nasicam?  
 aliosque permultos, magnos sane viros, &  
 reipublicae utilissimos, insigni tamen ingra-  
 titudine agitados omnes; Annibalem, Car-  
 thaginenses pepulerunt, conservatorem &  
 propugnatorem suum: Amikarem Ale-  
 xandri consilia suis civibus patefacientem, in-  
 terfecerunt. Athenienses ea civitate The-  
 seum pepulerunt, quam ipse fecerat civita-  
 tem, & qui, Regis filius, Athenas, aut condi-  
 dit, aut constituit, in Schiro privatus extin-  
 guitur. Aristidem, & re, & cognomento,  
 iustum, cum victoriam omnium pulcher-  
 rimam apud Maratonem Atheniensibus pe-  
 perisset, in exilium ire coegerunt. Quid  
 vestrum illum Aeschinem, qui, exilium suum  
 commune sibi cum Aristide, gloriatur? Quid  
 dicam

dicam Demetrium, cuius tot pulcherrimas imagines cum in foro collocasset, paulo post illum necare nequeūtes, trecentum septuaginta sex eius statuas confregerunt? Quid in Socratem? Quid in Alcibiadem? Quid, si ceteros praetereamus, in Themistoclem, aliosque pene innumerabiles? quorum praeclara domi militiaeque facinora plurimum Reipublicae, cum pacis, tum belli, tempore contulerunt. Quid rursus Thebani? Nonne Cadmum, iam senem, his moenibus, his tectis, his domibus deiecerunt, quas ipse condiderat? virum literarum, ac metallorum, & lapicidarum, inventionem clarissimum. Sed praetereamus sane Respublicas, quae, nisi non malam ingratitudinem existimassent, non tanto consensu omnes fuissent ingratae. Qualem censere fuisse Alexandrum? Nonne magnum & re & nomine virum, &, ut taceantur alia, quinquennio Aristotelicis disciplinis institutum? Quem, obsecro, ex tot suis ducibus non, aut interemit, aut interimere cogitavit? Non Calisthenem necavit; vehementer sibi Aristotele commendatum? Calisthenes Alexandrum, cuius res gestas scripserat, exoravit; Alexander Calisthenem interfecit. Hunc ille, aut fecit, aut conatus est facere, immortalem; hic illum morte affecit crudelissima. At Cassandri quasi ex eadem officina crudelitas insignior habita est, ingratitudo non minor. Hic Alexandrum,

apud quem, aut primum, aut certe non possumus, consilii, fidei, dignitatis, locum obtinebat, veneno confecit; duos deinde filios, Romanemque uxorem, & Olympiadem matrem, ferro necavit? Quid Romulus? Quo pacto fratrem habuit, cuius opo fretus, pastorum saepe manus evaserat, urbemque una fundaverat. Quid Tullum? Quid Tarquinium? Pleni sunt auctores istarum rerum. Repete Pompeium; repete C. Caesarem, oratorem, & tuum etiam, si ita vis, repete Ciceronem. Caesi sunt omnes ab ingratissimis, an non? Quid Octavianum, qui postea Augustus est dictus? Nonne Caesaris, a quo adoptatus fuerat, & haeres institutus, filium, ex Cleopatra susceptum, interemit? neque aetati, neque nomini, affinitatique, pepercit? Non melior Iugurtha in Micipsam, a quo cum esset adoptatus, & in regni partem admissus, non solum duos filios exspoliavit regno, sed eos ambos dolo fraudeque necavit. Sed quid exemplis opus est? praferam apud te, qui refertus es historia rerum antiquarum. Sed, quaeso, repetas paulisper vitam & aetatem tuam, & manum pectori, quod dici solet, paululum deducas. Quoties in vita fuisti, non dicam ingratus, sed tamen non semper cuiusque exactissimus beneficii compensator? Neceesse est enim, ut plerumque sumus ingrati omnes, sive inopia rei familiaris ad referendam gratiam minime suppetant; sive occupatione rerum aliarum; sive

sive quia non egeat is, cui gratiam ipsi debemus; sive cum hamum in esca latere vereamur; sive quia tyranni metuimus odium, si eius inimicus, nostro tamen amico, referamus; sive causis mille. Quod si omnes igitur, qui sunt ingrati, malos censeri oporteat, vide, ne bonum inveniamus neminem. Sunt etiam, quos adeo ingratos non casus aliquis fecerit, sed finxerit ipsa natura, ut universae penitus humanitati bellum indixisse, maximisque decertasse odiis, videantur; ut Cinicus ille Diogenes, qui bonis, malisve insensus, notos perinde, atque ignotos, contumelia persequabatur. Heraclitus quoque & Democritus ita rebelles ceteris mortalibus, ut, quoties, sive peregrinum & ignotum aliquem, sive civem & familiarem, aspexissent, lacrymae alteri excuterentur, alter in risum erumperet. Quid Bellerophontes? Nonne congressus hominum fugiebat odio incredibili? Quid Timon ille Atheniensis? Amabat Alcibiadem, quem eversum funditus patriam cognoscebat; ceteris asper & intractabilis erat. Orationem etiam unicam habuit in omni vita, suis moribus vel maxime consentaneam, qua viros Athenienses, ut sua sese sicu suspenderent, hortatus est. Itaque fuit ingratus Timon, & civibus, & patriae, nescio, an ratione; sed certe natura ingratus. Vides igitur, non omnes fugere ingratitude, sed multos eam sua quidem sponte

ferarum,

complexos. O quae tibi volumina conferem, si tempestatem hanc nostram, & ingratos, non quidem quos audivimus ab aliis, sed quos vidimus ipsi, recensere vellem; non modo hic dies ad dicendum non satis esset, sed etiam te obtunderem audiendo. Sed demus hanc veniam aetati nostrae, tanquam non solum praecepta vendi non teneat, sed etiam vitae spatio maioribus nostris par esse vix possit. In feris autem maxime naturae vis apparet, quas ideo volunt sic appellatas, cum toto corpore, solaque natura impellente, ferantur. Earum plurimae, quanquam multa saepeque conferimus, nec sentiunt quidem, quae conferuntur, nec ullo largitionis genere leniuntur. Nam milvus agrestis semper nulla nostra tangitur beneficentia. Mures item & hirundines, cedo, quas unquam vidisti mansuetas? Versantur tamen nobiscum semper, & nostris etiam in porticibus, in domibus, in cubiculis etiam nostris, educantur; sed tamen ad illam domesticam vernaculamque mansuetudinem flecti nullo modo possunt. Quid vestros illos ericinos, ad hominum ac ferarum perniciem velocissimos, qui ne parvuli quidem excepti mansuescunt? Sed & vipera exemplum est ingritudinis singulare, quae, & congregientis maris colum praecidit, & a suis ipsa catulis nondum natis interimitur. Sed sint sane frivola, quae diximus, & huic rei, cuius est fu-

futura disputatio, non satis accommodata. Quid dicemus Cocticen, memini aliud nomen, an excidit? Cuculum dicunt. Certe sane hanc unam, non negabis, ita fuisse naturam institutam, atque ab ipso initio nascendi comparatam, ut plane ostenderet, ingratitudinem non dandam vitio, sed ipsi potius esse naturae tribuendam. Avis est haud sane multum rapax, sed nec a papacium quidem natura abhorrens multum, quae alitibus infensa ceteris, ubi ova peperit, quoniam suo in nido tuta satis fore non putat, supponit alio, eius maxime, quam sibi cum colore, tum magnitudine, videt esse simillimam; & ne parum convenire numerus videatur, quot subiicit sua; totidem foret aliena. Fovet itaque infelix avis; nihil suspicans mali. At puli, quam primum eruperunt, victu dispares, alteri humiles, parvoque contenti sunt, alteri, naturam secuti, rapiunt omnia, & iam grandiscuti, pingues, laetique, altricem summa delectatione ad se nutriendos alliciunt. Tum sibi curruca placet, & tales, tantosque peperisse, gloriatur. Hos alit, suos negligit. Sed ubi unguibus ac rostro valuerunt, primum cibum per vim eripere, mox ipsos laniare adoriuntur, spectante matre, sibi que gaudente. At vero, posteaquam pennae ad volandum satis crevere, avem ipsam aggressi, unguibus rostroque dilaniant; quam ubi totam sunt penitus depasti, tum demum, quasi

avium,



immo ipsius  
natura,

reddita gratia, nido discedunt. Quid agis  
igitur? An negas, hoc esse naturale? & non  
hominum solum opinioni insitum, sed ipsius  
etiam tributum feris? Quod indicium dari  
nobis manifestius potuisset, homines in-  
stinctu quodam naturae atque impulsu non  
fieri, sed nasci potius, ingratos? Quod si  
fatebimur, & illud fateamur, necesse est,  
quod inficiari iure non possumus, non ma-  
lam esse ingratitudinem, cum nec mali ra-  
tionem habeat, sed in re potius & natura  
reponatur. Natura vero, si cum Aristotele  
sentias, nihil mali parit, sed bona omnia  
producit & gignit. Sed cum eo ventum  
ut in naturae mentionem incideremus, &  
ingratitudinem ab illa proficiscentem osten-  
deremus, non videtur, fore alienum a re  
nostra, si tanta in re (est enim quæsitum di-  
gnissima) paulo diutius immoremur. Sa-  
tis, ut arbitror, quæ ad animalia perti-  
nebant, profecuti sumus. Idem in aliis  
quibusdam faciemus breviter & luculenter,  
ut plane intelligas, opinionem tuam, licet veri  
similem, non tamen totaliter veram, & con-  
stantibus esse rationibus confirmatam. Stabi-  
liri enim prius oportebat mali rationem non  
quidem opinione vulgari, sed iudicio & sen-  
tentia philosophantium. Quo solide iacto  
fundamento, multo firmitus atque altius ædi-  
ficare potuisses. Nunc vereor, ne tua ædi-  
ficia, nondum confecto opere, collabantur.  
Sed redeamus iam, unde defleximus.

Ter-

Terram beneficam esse, maximeque in ho-  
mines liberalem, non Poëtae solum, quibus  
non semper assentior, sed Philosophi etiam  
optimi & sapientissimi, tradiderunt. Et est,  
me Hercule, benefica, & in qua naturae via  
late dominatur. Tota enim ex ipsius nutu  
& dispositione dependet. Hanc nos ter-  
ram appellamus, quod incessui pateat, & pe-  
dibus assidue teratur, adeo ipso etiam no-  
mine sua in nos beneficia negare, ut iure  
non debemus, ita etiam recte non possumus.  
Sic illi semitas, calles, actus, itinera, in ea-  
dem eundi, calcandique significationem in-  
didimus. Tellurem autem propterea nunc-  
cupamus, quod ex ea fructus omnes, alimen-  
taque tollantur, finusque terrae omnipo-  
tentis alumni. Haec quoniam agros, arva,  
praedia, stagnis, fontibus fluviis, irrigat at-  
que humectat, humus appellatur. Haec  
Ops, haec Bona dicitur a nobis, quod &  
opem ferat omnibus, & bonarum rerum co-  
piam perquam abunde suppeditet. Quid  
oracula Deorum? Nonne parentem no-  
stram? nonne magnam parentem ostende-  
runt? quoniam gignit omnes, genitos edu-  
cat, educatos vero rebus omnibus sustentat  
& fovet, recipitque in sese morientes omnes,  
& ne a feris lanientur, occultat. Audio, &  
Fatuam a quibusdam appellari, quod infan-  
tes non antea vagitum emittant, quam, ut  
est hominum fatuitas, Fatuam attigerunt.  
Multa sunt illi nomina, ut quae in Poëta-  
rum

& terrae, alias  
perquam be-  
neficae,

rum officina cadantur ; sed ea nos, ne longus feramur dicendo, relinquemus. Tamen illo tendunt omnia, ut sit natura tota benefica, tota liberalis. Neque me Hercule iniuria. Principio nudos mortales & omnibus exutos rebus, excipit, foveat, alit, & mira multarum rerum varietate delectat, odores præstat suavissimos, colorum mille species, tot etiam sapes, dulcem, suavem, amarum, austerum, acrem, acutum, acerbum, acidum, salsum, insulsum, & ex his qui sunt & commiscuntur, prope innumerabiles. Montes etiam editissimos exogitavit, & opacas sylvas, mille ferarum generibus refertissimas, vel ad usum delectationemque venandi, vel ad materiam, profectis, pro domibus, deliciendam, ut a glacie, pluvia, ventis, imbribus, interdum etiam a sole, tegeremur, mariaque ratibus navigaremus. Fontes etiam, & flumina, vel ad leniendam sitim, cibosque conficiendos, vel ad corporis alvorumque sordes eluendas, quosdam etiam ad morbos corpore depellendos, quales in Baiano tuo plurimos & calidissimos, excitavit. Quot enim genera morborum a natura proveniri homini possunt, tot ibi balnea tellus aperuit. Tot præterea saluberrimas herbas, quibus & pelleantur aegritudines, & animalia, quæ nobis vel ad vestes lana conficiendas, vel ad homines ipsos, oneraque provehenda, ad cibum usu forent, alerentur. Huc adde tot mediter-

diterraneos lacus, qui tanta sunt piscium  
 ubertate. Nam quid arbitraris hunc Thra-  
 sinenum, longe omnium amenissimum  
 & pulcherrimum, admissum a terra, nisi  
 tantam nobis aleret piscium multitudinem,  
 quantam non haec civitas solum, sed univer-  
 sa Hetruria, sentit, sentiuntque Umbri, atque  
 Picentes, & etiam Romani, ad quos quoti-  
 die plena retia perferuntur? Sed quid nos  
 & multis pauca persequimur? Quocunque  
 te veritas, terrae beneficiis plena sunt omnia.  
 Hinc lapides aspiciuntur, ossa matris no-  
 strae, quibus in aedificia multa variaque  
 congestis, nos vitamque nostram, ac fortu-  
 nas, tueri & custodire valeamus. Hinc laetissi-  
 mi colles, oleis vitibusque feracissimi. Hinc  
 tot dulcissima poma, per anni tempora distin-  
 cta mirifice. His nos, atque aliis, beneficiis  
 profequitur in vita, ut nihil deesse possit ad  
 laute magnificeque vivendum. Quid tan-  
 dem, ubi e vita migravimus? Num deserit  
 morientes? Immo verò sovet & tegit, reci-  
 pimurque in eius gremio mortales cuncti,  
 & quod est praeclare apud Pacuvium:  
 Haec omnia animat, format, alit, auget,  
 creat, sepelit, recipitque in se omnia, ut  
 contemplanti mihi saepenumero haud ab-  
 surdum videri solet, maiores nostros tan-  
 tis eam nominibus decorasse, & nunc  
 Deam, nunc magnam, ut est parentem,  
 appellasse. Sed quorsum, dices, haec?  
 Mira est terrae liberalitas, ingens beneficen-  
 tia,

tia; quam si rite coluerimus, beati quidem efficiamur, sed non omnes beati. Nam ex Babylonis singulis modis ducentos, Apulis sexaginta reddere consuevit, Hirpinis ne sementem quidem. At Crustunii foenum gignit inutile quidem & pestiferum, finitimum vero saluberrimum. Adorant Persae orientem solem. Agros enim habent omnium rerum feracissimos. Atlantes & orientem execrantur, agris pecorique pestiferum. Excolant agricolae, si sciunt, infelicem agrum, arent, serant, rem tamen & operam perdant, necesse est; adeo in eos ingrata est terra, fortassis ita iubente natura, quam tute accusare non sentis, cum ingratitudinem tam ardentem accusas? Quid in arboribus? Num credis, omnes, quaecunque a nobis excoluntur, fructus ac poma esse reddituras? Tota erras via, si ita credis. Multa etiam ex his, quae redduntur, inutilia, multa perniciofa sunt, atque sportifera. Soline igitur homines ingrati? Quid seras? quid terra? quid arbores? quid Diu ut & Deorum etiam immortales? Nescio, an ita tuge tibi immortalium, prospere eveniant rationes; mihi certe non eveniunt, ut, quoties voveas, quid, vota illa, cuncta pleneque succedant. Libare Diis videre soleo permultos, litare vero quam paucissimos. Num igitur malos appellabis Deos, si aurum pro farre non referant? Num coelum execraberis, si, confectis sacris, pluviae non cef-

tandem vero  
coeli.

cessent, seges tabescat & corrumpatur? Ut igitur non mali sunt, quoniam ingrati, sic nec ingratitudo quidem mala est, quae saepe a feris, ab hominibus, a Diis immortalibus, ab ipsa denique natura, tam libenter arripitur. Nec is tu quidem es, qui vel Deos possis accusare, vel eorum, quae iidem fecerint, expostulare rationem, nisi velis fortasse cum Diis immortalibus de imperio & maiestate certare, & omnia, quaecunque fecerint, improbare contendas, quorum consilia & rationes absunt a nobis, quantum id coelum omne, quod patens atque apertum intueris, ab hoc infimo terrae globo seiungitur. Quaecunque enim ab his aguntur, bona censemus, oportet, tanquam ab omni temeritatis errore seiugata, profecta quae a maiestate, beneficentiaque Deorum, quos errare qui sibi persuadeat, is maxime totus errat. Ingrati sunt aliquando Dii, quoniam non extemplo referunt, cum & possent, & debeant. An ergo sunt etiam dicendi mali? Non te adeo dementem puto, ut haec dicas. Si ergo non mali sunt, quanquam sunt ingrati; nec ingratitudo mala sit, oportet. Sic nec erit perniciofa, nec detestabilis, iudicanda. Patet igitur, non malam esse. Sed quid? si bonam, si utilem, si etiam necessariam, ostendemus? Nonne totum e tua te sententia deiecerimus? Sed ad definitionem redire oportet. Illuc enim referenda sunt omnia, ut, quid sit, de quo disputetur, & quid

Unde ingrati-  
tudo porro  
nec pernicio-  
fa, nec dete-  
standa;  
potius bona,  
utilis, immo  
etiam neces-

saria aliquando, videatur. Id quod & rationibus probatur,

& exemplis illustratur.

quid ad rem pertineat, intelligamus. Est enim ingratitude, quoties accepti beneficii, aut gratia nulla, aut certe non satis digna, referatur, quae mala tibi perniciosissimaque videtur. Sed vide, quaeso, ne, cum, ingratitudeinem fugiendam, tibi persuadeas, in scelus incidas multo flagitiosius, & ex ingrato longe ingratisissimus efficiaris. Saepe enim potest evenire, ut tum demum referamus beneficium, cum sit recipientibus non gloriae, aut utilitati, sed ignominiae potius, detrimentoque futurum. Iupiter ille, qui est in fabulis, ingratus non fuit erga Semelem, perniciosus tamen fuit. Nota est res, neque indiget explicatione. Sic Egeus ille, Thesei parens, cui maris nomen attribuerunt, cum quaedam in eum Theseus beneficia contulisset, (fieri enim poterat, ut talis Deus beneficio egeret) tria sibi, quae vellet, optare permisit. Optat infelix pater, discerpi filium. Nam tum forte erat iratus. Ille, ne ingratus videri posset, marinam bestiam immisit, fecitque, ut Hippolytus discerperetur. Cum tamen ira illa vehementer desedisset, gemitus parentis vndique exaudiuntur: Hippolytus hic est; facinus cognosco meum. Ego te peremi; morte dignum facinus ausus sum, qui nova natum nece sparsi. O maria! o terrae! o inferorum furiae! impium rapite, atque mersum premitte perpetuis malis. Sic sese infelix confictans pater, Deos omnes, atque Egeum ipsum,

ipsum execratur. Qui si fuisset ingratus, Theseus Hippolyto tuo non esset orbatus, nec patrem ipsum Deum crudelem atque inmane appellasset. Melius ille Domitius seruus, qui, postulante domino venenum, ne viuus in Caesaris veniret potestatem, soporiferum porrexit medicamentum; pauloque post capto Corsiuo, cui oppido forte Domitius praesidebat, Caesar summa eum humanitate complexus est. Laudat ille Philippum medicum (sic enim seruus vocabatur) & re cognita, gratias agit non mediocres. Qui nisi fuisset ingratus, & domini non paruisset imperio; Domitius quidem ante diem veneno fuisset extinctus. Sed quid exempla ista perquirimus? Si aegrotanti amico & aquam postulanti, non obtemperabimus: erimus ingrati; si vero porrigemus, grati, tua quidem sententia, iudicabimur. Pulchra, me Hercule, gratia, quae facit, ut, cum ingrati esse videri nolumus, multo quidem efficiamur ingratiissimi. Si furiosus sit amicus, & ferrum, quo se perdat, exposculet: putesne, illius insaniae obtemperandum, ut ingratitude, quae tibi videtur tam mala & perniciofa, fugiamus? Quid perniciosius, quam ferrum ad necem exhibere? Quid Brenius noster, qui parentem arctissime deuinxit, quoniam se interficere velle videbatur, nonne etiam catenas iniecit? Sic, si amanti amico, cui maximis multisque beneficiis deuincti sumus, operam

P p

dabi-



dabimus, & ad turpes, illecebras, flagitiaque iuuabimus: fugiemus quidem ingratitude-  
nem; sed nescio, an satis faciemus amici-  
tiae. Quis igitur ista tua de Philosophia  
praecepta non videat, ex stultis, ut ait Poe-  
ta, insanos facientia? cum summa potius  
ope nitendum sit, ut amicos a flagitio dehor-  
temur, & quasi magistri ad bene sancteque  
viuendum instituamus. Sunt enim, quem-  
admodum praeclare, ut solet, inquit Aristo-  
teles, non adiuuandi, impellendique ad mor-  
bum, sed omni potius studio a vitiis & turpi-  
tudine retrahendi, ne illi incommoda maxi-  
ma consequantur. Itaque oportet esse in-  
gratum. Quod si oporteat, negare non pot-  
es, vile esse rem ingratitude, & viuendi  
rationibus saepe necessariam. Quam si fuge-  
re nos semper, ut tu mones, detestarique  
volumus, & ita referre gratiam, ut detri-  
mentum pro vilitate, & pro vita perniciem,  
referamus: magis, me Hercule, detestandi  
sumus ipsi, quam sit ingratitude fugienda.  
Sed haec te fortasse non mouent, hominem  
fixum, & tua; ut soles, opinione acriter inni-  
tentem; quod ego in te saepe commendo,  
modo non sis pertinax. Quid si vel iactan-  
tia & ostentatione quadam, vel, quod est pe-  
riculosius, ambitione, quispiam benefecerit,  
vel si captare muneribus haereditatem cupiet,  
si amicitiam & familiaritatem, decipiendi  
gratia, conflare, si donis & largitionibus ope-  
ram impetrare, lenociniis, si plebem, si opti-  
mates

Aliquando  
non solum  
oportet esse  
ingratum;

sed & quam  
maxime fas  
est;

mates, conciliare ad Rempublicam diripien-  
dam, ad alienas fortunas inuadendas, ad spo-  
lianda templa Deorum immortalium, ad  
mille denique flagitia committenda: huic  
tu gratiam censeres esse referendam? num  
potius summo a te afficiendus supplicio? e-  
domo, e laribus, ex ipsa denique ciuitate,  
præcipitandus? Sunt adhuc, qui eam ob  
rem beneficiis uti solent, vt ex paucis, quæ  
fecerunt, multa, & ex paruis multo maxi-  
ma, consequantur, & quod nos de Viua no-  
stro dicere solemus: Passeres mihi, Vina, per-  
quam magnos attulisti, ut & columbas a me  
perquam exiguas reportares. Plurimi Re-  
ges adeunt; multi etiam diuitibus largiun-  
tur, vel poma, vel pullos gallinaceos. Res  
est sane non contemnenda, si tantum largi-  
untur. Sed statim deinde vel pecunias a  
diuitibus, vel a Regibus efflagitant magistra-  
tum. Qualem huic hominum generi te præ-  
stabis? Videntur enim mihi non beneficos  
& liberales, sed piscatores potius & venato-  
res, imitari. Nam, ut ait Poeta vester, au-  
ceps, quando concinnat aream, effundit ci-  
bum; aues assuescunt, sæpe edunt, semel  
si sunt captae, rem soluunt aucupi. Magna  
vero matris familias in pullos gallinaceos  
liberalitas; maior in sues munificentia, quos,  
vbi saginauit, aut exponet, vt vendantur  
multo plaris, quam quod saginando contu-  
lit, aut tandem caesos vsui domestico refer-  
uabit. Itaque multo sic præstant beneficia,

beneficium  
vero semper,  
& erga  
omnes,

ut, non aliena commoditate moti, sed sua utilitate compulsi, ad beneficiendum esse videantur. His tu gratiam censere referendam esse? Oportet esse ingratos aliquando; alioquin humana simul, diuinaque peruerterentur. Nam nec Dii fugiunt ingratitudinem semper, & hominibus saepe est necessaria. Illud autem non modo sum stolidum arbitratum, & a Philosophiae praeceptis abhorrens, sed etiam, te in id erroris incidisse, vehementer admiror. Tollis videlicet beneficium & liberalitatem propter ingratos. Quasi vero solis iis benefacere debeamus, qui & possint, & velint, referre beneficium; ceteros autem, siue inopes, quia nequeunt, siue ingratos, quia nolunt, gratiam referre, contemnamus, nullaque in eos unquam beneficia conferamus. Quibus igitur censere beneficiendum? Divitibus, qui non egeant, an gratis, qui multo cumulatius aliquando retribuant? Utrumque tamen, mea sententia, reprobandum. Nam profundere mihi illud videtur, hoc vero foenerari. Quid enim potest esse profusius, quam cuiquam praestare, quod habeat; quam id elargiri, quo nihil indigeat? Tanto enim beneficium constat esse amplius, quanto magis sit accipienti necessarium; etsi id non voluntate atque arbitrio donantis, sed eius potius, cui donatur, utilitate, metiamur. Si nautae anchorae donentur, si pacatae & tranquillae civitati praesidium nostrum imponamus,

mus, si maxima rerum omnium affluentia  
 frumenti copiam largiamur: quid hoc pot-  
 est esse stolidius? quid a liberalitate & be-  
 neficentia magis alienum? Quod si expecte-  
 mus, maiora nobis referri, quam contuleri-  
 mus; propterea sumus beneficii: quid  
 aliud foeneratores agunt? Hoc, ut arbitror,  
 solum interest, quod illi nude nobiscum,  
 simpliciterque paciscuntur, hi beneficiendi  
 nos simulatione decipiunt. Illis cum, quod  
 sumus polliciti, persolverimus, nihil a nobis  
 amplius postulabunt; hi, nunquam plene si-  
 bi satisfactum esse, iudicabunt, adeo sunt ab  
 ea ipsa, quam simulant, largitione munifi-  
 centiaque remoti, a qua nihil omnino potest  
 esse remotius, quam si quid utilitatis gratia  
 conferatur. Proinde illam ego censeo libera-  
 litatem praecipuam, & munificentiam singu-  
 larem, in qua ne spes quidem ulla appareat re-  
 tributionis, aut, si qua deinceps appareat, non  
 tamen illius impulsu moveamur. Nam ut  
 praeclare Stoicus noster, & acerrime disputat,  
 vel nihil expectandum, vel, quod est multo  
 magnificentius, eorum omnium, quae dedi-  
 mus, effici debemus inmemores. Non igitur  
 intelligo, cur liberalitatem submoveri cen-  
 seas propter ingratos, a quibus vel nihil est re-  
 cipiendum, vel saltem ita recipiendum, tan-  
 quam non videatur expectatum. Officii enim  
 nostri esse videtur, ut omnibus summa cum  
 liberalitate beneficiamus. Ingrati sunt, nec ne,  
 quibus benefiat, id profecto nihil ad nostram

etiam ingra-  
 tos.

beneficentiam attinebit, aut, si attineat, non video, cur alienos errores imitemur, & nostro desimus officio. An quoniam illi sunt ingrati, ideo nos effici debemus illiberales? Quod si pravo erga nos animo fuerunt, vel meminisse desinendum est nobis, vel, eos non sapientiores fuisse, cogitandum. Nec tanti stultitiam faciamus, & temeritatem alienam, ut rationis gubernacula nobis etiam erepta esse videantur, quibus si, cum sunt ingrati, benefacere nolumus; at faciamus, quoniam sunt homines, & in quos res nostras conferre magnificentissime valeamus. Si eorum oderimus mores, spectari conveniet humanitatem, aut, si nihil tale cogitabimus, cavendum erit, ne tantum in nobis valeat aliena nequitia, ut sit nobis ratio, disciplinae nostrae contentui. Afferant hic Camillum, & tuis nunc tecum armis decertabo, magnum virum illum quidem, & cum pace, tum maxime bello, praestantissimum, sed qui eam ipsam ingratitudinem & senserit, & maxime in singulari humanitate resisterit. Hic, cum multa, praeclearaque facinora pro Republica domi militiaeque gessisset, pulsus tamen ab ingratis civibus, forte apud Ardeam, Hetruriae civitatem, exulabat; quo tempore, Galli cum maximas in Italiam copias traiecissent, expugnata urbe atque incensa, Capitolium obsidebatur. Camillus, ubi haec intellexit, mediam ingressus concionem, Ardeates ad bellum hortatur; ipse, coacta

praecipue  
propter hu-  
manitatem.

Exempla Ca-  
milla,

coacta iuvenum manu, primum Gallos, incaute atque inconsulte palantes, adoritur, profligatque; mox, dictator in exilio factus, in eos, qui Capitolium obsidebant, impetum facit; aurum, quod pro redimenda Urbe tunc forte pendebatur, tolli e medio iubet, ferro, dicens, non auro, Populum se Romanum solere defendere. Tandem, hostibus ad unum caesis, ingratos cives ac patriam liberavit, pauloque post Romanos, alio migrare cupientes, constantissime detinuit, & ne patrii lares desererentur, effecit. Qui si, tuis obsecutus praeceptis, opera ingratissimae ferre noluisse: ne ipsum quidem sanctissimae Urbis cinerem intueremur. Maluit itaque homines eos iudicare, quam ingratos, nec mores, illorum, sed suum potius officium, contemplari. Demosthenes, cum missus **Demosthenis,** esset in exilium, legatum Atheniensem, Periclem, secutus, Argos, Sicioniani, Corinthum, & reliquas totius fere Graeciae civitates, sua divina eloquentia conciliatas Atheniensibus, a quibus exul erat factus, societate coniunxit. Qui si civium ingratitudinem cogitare voluisset, non pacis tam insperatae, sed odii acerbioris, auctor extitisset. Maluit itaque sua erga ingratos cives accumbere beneficia, quam ab humanitatis officio aliena temeritate desistere. Palantus, **Palanti,** Dux Spartanorum, cum in Italiam, ignominiae occultandae gratia, se contulisset, Tarentumque arcem, pulsus incolis, occupasset, a

suis tandem damnatus, exilio Brundisium proficiscitur, quo & Tarentini, ab eo pulsi, paulo ante confugerant, ibique, propter amplissimam viri auctoritatem perbenigne receptus, consenuit. Cum vero moriendi tempus appropinquaret, Colligitote, inquit, o viri Tarentini, ossa mea, cum vita excessero, pulveremque tenuissimum Tarentinam in arcem proiicite; haec una recuperandae vobis patriae superest ratio. Sic Apollo cecinit, quo in loco mei pulverem disperferitis, ibi diuturnam vos sedem habituros esse. Quod cum decepti fecissent; redire nunquam amplius in patriam valuerunt. Nam oraculo monitum erat, vbi Palanti pulvis misceretur, ibi Spartanos stabilem tandem & perpetuam sedem habituros. Dignus sane, qui puer a Diogené vocaretur, in quo magna quaedam animi vis apparuit, ut, suorum nequitia contempta, quibus dux fuisset, foret etiam conservator; nec, factum se ab illis exulem, sed ducem potius fuisse, cogitaret. Quocirca liberalitatem ingratitudo non tollit; nisi fortasse apud eos, qui non recte fuerunt liberales, quorum animus non tam in ferendis sementibus, quam in frugibus metendis, occupatus, non, quo beneficium ferre possit, sed unde fertilior gratiam metere, laboravit, quo nihil est magis a liberalitate censendum alienum. Divinum animal homo, & ad sublimia semper erectus, ac Diis immortalibus

Deorum immortalium,

libus prope simillimus, ita comparare debet quos homi-  
 sese, ut, cum in rebus ceteris, tum maxime in liberalitate & beneficentia, Deos ipsos, a  
 in liberalitate & beneficentia, Deos ipsos, a  
 debent.

quibus est ortus, imitetur. Dii enim tanta  
 tribuerunt nobis, quanta & videmus ipsi,  
 atque sentimus, & quae praeterea vix ani-  
 mo & cogitatione complectimur. Nam  
 quod moveatur hoc coelum omne, quod  
 undique patens atque apertum intuemur,  
 sideraque ipsa, incredibili & divino splendo-  
 re lucentia, circumnagantur, irrequieta sem-  
 per, & ad mortales gignendos, & conservan-  
 dos; continue moveantur, eorumque altera  
 noctibus aliquid nobis suae lucis impertiatur  
 altera suo lumine dies nobis illustret &  
 compleat; omniaque, certis sese intervallis,  
 aspicientia, varios in infinitis his, & terrenis,  
 rebus producant effectus, variaque tempe-  
 states, & animalia cuncta, eadem illa varieta-  
 te distinguant; quod etiam mare hoc va-  
 stum & profundissimum, terrae circumfu-  
 sum atque interiectum, cum ad itinera pere-  
 gre perficienda, tum ad pretiosissima gem-  
 marum aliarumque rerum genera focun-  
 dissimum atque uberrimum; quod terrae  
 ipsae, altrices hominum, tot nobis fructus ali-  
 mentaque tanta ministrant; quod gignimur;  
 quod vivimus; quod adulti divinae rationis  
 participes efficimur: haec omnia Deorum  
 sunt munera, gratis tamen generi hominum  
 elargita, ita, ut sine omni spe praemii col-  
 lata nobis esse videantur. Sed nec Dii,



quanquam sumus ingratiſſimi, largi eſſe de-  
 ſtiterunt, nec ullius unquam impietate mo-  
 ventur a ſtudio & conſuetudine benefacien-  
 di. Nulli mare, nulli terram, nulli coelum,  
 intercluſerunt. Patet omnibus mare, patet  
 terra, quibus boni malique nullo certo diſ-  
 crimine perfruuntur. Nalcuntur enim  
 omnes, ſoventur, educantur, & rationis men-  
 tiſque participes efficiuntur & coelo tan-  
 quam teſto quodam operiuntur. Nec ſol  
 ipſe tam lucidus & ſempiternus bonis, quam  
 malis, vilior. Idem gratis atque ingratu,  
 eodemque lumine, cunctis exoritur. Prae-  
 dones maria navigant, nec ſaepe, quam  
 mercatores, naufragiis obruuntur. Terra  
 quoque, & ſerpentes alit, & homines. Sed  
 quorum haec ſpectat oratio? aut cur haec  
 aſſerimus exempla Deorum immortalium?  
 Quasi vero non idem homines facere, non  
 principes, non civitates, ſoleant, cum ſaepe  
 civitates a Regibus, vel ab imperatoribus  
 exercitus, vel plebem a ſenatu, cum largiti-  
 onibus aliis, tum etiam immunitatibus mille,  
 donari videamus. Saepe exercitus corona-  
 tur univerſus, nec, quia unus duove ignavio-  
 res in acie fuerunt, indigni reliqui iudican-  
 tur. Saepe ſociis veſtigalia, ſaepe etiam  
 ſtipendia, remittuntur, non quia bono erga  
 nos animo fuerunt ſinguli illi (ſed enim fieri  
 poſſe non arbitror) ſed quia ſatis putandum  
 eſt, ſi aliter fieri non poteſt, proſuiſſe malis  
 bonorum gratia, quam bonis malorum cau-  
 ſa

sa nocuisse. Danda igitur ita sunt beneficia,  
ut dari tantum, non repeti, aut exprobrari,  
videantur. Nec ita demens esse velim, ut, <sup>Praeterea</sup>  
gloriam hominibus appetendam esse; non <sup>studendum</sup>  
censeam. Quis, illam, nisi demens, nega- <sup>est beneficia</sup>  
bit, esse appetendam? ab hoc tamen studio <sup>neque</sup>  
beneficiendi alienam arbitror. Non enim <sup>propter glo-</sup>  
ex gloria beneficium, sed ex beneficio glo- <sup>riam, neque</sup>  
riam, nasci oportet. Vel nascatur illa, vel <sup>propter uti-</sup>  
non nascatur, beneficentiae studendum est. <sup>litatem</sup>  
Qui vero beneficium & se liberalem utilitatis  
aut honoris causa praestabit, non plus illi  
deberi, puto, quam qui ad nuptias invita-  
mur; ubi, quanquam laute magnificeque ac-  
cepti, cantu, sono, tripudiis, demulcemur,  
gratias tamen nobis deberi existimamus,  
quod nuptiis ornamento fuisse videamur.  
Quod si nec utilitatis, aut honoris gratia be-  
neficia conferantur: non video, cur ingra-  
tis conferri non debeant. Nam ita prae-  
standa sunt interdum, ut nec is quidem sciat,  
cui praestentur. Non possum admirari fa-  
tis Archeilaum, optimum sane virum, & in  
primis clarum. Hic enim, cum accepisset,  
Thesibium amicum, in aduersam incidisse  
valetudinem, premique inopia rei familia-  
ris, ita, ut se curare non posset, ad eum, ut  
aliolet, profectus, aliquando sacculum ple-  
num pecuniae illius pulvino subiecit. Pa-  
tauit enim, Thesibium, si palam dedisset,  
pudore non accepturum. Sic enim dedit  
occulte, ut dandi auctor Thesibio ipsi plane  
esset

esset ignotus. Multa praeterea beneficia ita dissimulante & quasi occulte conferebat, ut ne sperare quidem gratiam, nedum expectere, videretur. Singularis haec Archelilai, & vera, non ficta, beneficentia. Nam qui utilitatis suae gratia beneficus est, sibi est beneficus, aliis infidiosus. Atqui illos duntaxat agros, putas, esse colendos, qui sunt fertiles; arbores non ferendas, nisi quae fructus pariant; steriles vero aut relinquendas incultas, aut agro funditus extirpandas. Optima, me Hercule, colendi ratio, si agros colamus alienos, ex quibus, solam utilitatem expectentes, nihil nobis ad delectationem relinquimus. Lapides, si fieri posset, araremus. Arbores vel ad usum ignis, vel ad tabulas trabesque conficiendas, absciudimus; poma cum ipso ramo plerumque immatura divellimus, ad utilitatem omnia metientes. In nostris vero agellis alia ratione procedimus; non omnia volumus arari, multa ad interambulandum spatia, multa ad sedendum, intermittimus; arborum non fructu magis, quam umbra, delectamur, neque plures ficus, quam vlnos, & laurus, cupressusque, quam nuces ac vites, affectamus; multa nobis ad delectationem, pauca etiam ad utilitatem, serimus. Quapropter quibus utilitas semper est animo, hi nihil ad officium, ad utilitatem omnia, metiuntur. Qui vero humanitatem, qui laudem, qui decus, gloriamque, sectantur, qui honorem rebus omni-

Id quod ulterius probatur.

omnibus anteponunt, qui denique Deos ipsos immortales imitantur, de liberalitate semper, & beneficentia, cogitabunt, atque ita cogitabunt, ut non utilitati studere, sed officio potius intendere, videantur, idque solum meditantur animo, omni utilitate reiecta. Cum multa dederint: quo pacto multo plurima dare, & fortunas omnes in munificentiam possunt, liberalitatemque conferre? nullius ingratitudine perterriti, quo minus munificos se praesent, quam maxime liberales, etiam in eos ipsos, qui fuerunt ingrati, nova semper maioraque beneficia cumulantes, quibus illi perinoti aliquando, quoniam paucis non poterant, multis in se collatis, emoliantur; sicuti lignum, quo durius est, & ad caedendum difficilius, eo crebriores illi vehementioresque ictus incutimus, ut usui nobis esse queat. Quod ubi fuerit caesum, maiore nobis usui esse poterit, quam quod nullo labore decisum ac sectum, molle quidem & flexuosum, sed, gravia quae sunt & ponderosa, ferre non potest. De gratia vero ita statuamus, ut nec tanquam futuram speremus, nec desperemus, quae aliquando possit esse futura. Quapropter cave, censeas, submoveri liberalitatem propter ingratos. Nam quod paulo post adiciemus, beneficos nos etiam adversus gratos esse non posse, quoniam omnes, quorum non essemus experti gratiam, censeretur oporteret ingratos. Quid hoc potest dici stolidius? Id mihi

mihi plus quam ridiculum videtur, & Philosophiae praeceptis minime consentaneum. Est enim puerile quiddam, ut, ab aliquo uno percussus, ab universis se putent. esse percussos. Quod etiam si foret expetenda gratia, quod tibi nequaquam sumus assensi: non tamen, quoniam unum offendimus ingratum, iccirco ceteros in ius vocabimus. Atqui durum est facere periculum. Missum hoc faciamus. Nolo, dissipari fortunas tuas, nolo, profundi rei familiarem; sed tantum, quantum ferre possis, volo, te in omnes esse liberalem, esse munificum, esse largum atque beneficum, etiam adversus inimicos, ut, quod est praeclare a Cleobulo dictum, efficiamur amici adversus ingratos, ut grati. At tu quoniam semel excidisti beneficium, idque, ut tibi quidem videtur, inutiliter contulisti, nulli amplius censes esse benefaciendum; vereris, ne semper sit tibi agendum apud ingratos. Dicam tibi, quod est a Veneto quodam dictum non illepide, ut est ea gens omnibus quidem in rebus, tum maxime in hoc dicendi genere, perpolitata. Hic cum navigare peregre instituisset, omniaque iam essent parata, propinquos ad se domum vocari iubet pridie, quam esset adscensurus in navim, domum familiamque commendat. Ex his quidam, cum lacrymae exciterentur, vehementer dehortatus, memorare coepit, quanta solent pericula impendere navigantibus. Quibus cum ille

ille nihil moveri videretur: Quo ruis? inquit, An nescis, hanc sibi mortem ferre esse fatalem? Pater tuus in mari extinctus est; avus item tuus extinctus in mari. Nunc tu, mari te audeto committere? Tum ille, avus, inquit, tuus in lecto decessit, & pater item tuus decessit in lecto. I nunc tu, audeto in lecto dormire? An si navis una perierit, iccirco nemini putas esse navigandum? Si quis media via ceciderit, nullum amplius eadem eundem censes? Si quis igitur in ingratos inciderit, idque praeter opinionem, nullis iam esse beneficia conferenda? An si quem aegrotum aliqua medicina curare non potest: iccirco ceteris eadem adhibenda non erit? Nimis timide sentis, si ita sentis. Omnes vero, qui munificentia & liberalitate utuntur, magnifici sane habendi sunt, & non parva laude dignissimi. Sed hi magis, mea quidem sententia, commendandi, qui, saepe & multa nulla cum utilitate conferentes, in pristino tamen benefaciendi studio perseverant, etiam si mediocriter offendantur; veluti pugnacissimus quisque miles, quanquam saepe repellatur, pro gloria tamen in confertissimas acies audebit irrumpere, maximum periculum honoris gratia contemnemus. Quod si omnibus in rebus praeponenda esset utilitas, quod tibi nequaquam assentiebar: illud tamen longe videretur utilissimum, tacita tecum inmeritorum conscientia gaudere posse, quam

quamquam in ingratos aut iam cecidisse, aut etiam casura, dubitares, ut qui agrum seminavit alienum, etsi sibi utilitati non cedit, feracem tamen esse desiderat, quoniam ipse seminavit. Sed nec ad utilitatem referenda sunt omnia. Illa deficere potest, gratia non potest. Aut enim congregantur pecuniae, aut in liberalitatem munificentiamque conferuntur. Mercatorum est illud; hoc ad Principes spectat, & eos, qui, robore quodam animique praediti magnitudine, iccirco struendis opibus incumbunt, ut possint esse liberales. Quod si tollantur beneficia: non domus constabunt, non civitates, non imperia, manebunt. Quocirca Titum satis admirari non possum, qui, eum amisisse diem, dicebat, quo non aliquod vel mediocre beneficium contulisset. Sed num Titus gratiam repetebat? Id quidem fuisse, beneficia foenerari. Itaque reiicienda sit omnis utilitatis spes, si beneficus velis, si clarus, si magnificus, haberi. Sin commoditatem sequi, quam gloriam, malis; liberalitatis nomen deponas, oportet, teque ad foenus quaesumque traducas, quamquam haec nimis saepe. Quae hactenus dixi, non tam confutandi tui dixi gratia, quam quod in multis ita fere sentiebam. Iam adiciemus pauca, & quidem exiliter, ac periciune. Mox, cum tui acumen ingenii pertentaverimus, conclusionem ex rebus ultro citroque habitis, si tibi videbitur faciemus, absoluta controversia.

Sequitur alia  
ingrati-  
tudinis  
considera-  
tio.

controversia. Ingratum dicis eum, qui neque refert gratiam, neque beneficium inficiatur; atque eum ipsum primo loco statuit. Porro, qui negaret, accepisse, secundo loco ponebatur. Cui vero accepti meriti excidisset memoria, eum tu tertio collocabas. Ultimus autem omnium, qui pro bonis mala, pro honestis turpia, retulisset. Hic ingratitude metas imposuisti, ut in hac quatuor quidem genera ita consummaretur, ut nihil omnino amplius habere videretur, quod quidem esset adiciendum; nec ullos praeterea ingratos esse iudicabas, tanquam omnia ingratitudinis membra satis ac diligenter exposuisses. Sed videamus, an satis, & omnia, & diligenter. Equidem esse alia quaedam genera ingratorum, video, quae a te neque parum, neque quicquam, explicata, silentio praeter-eunda esse non puto, ne, cum multa dixisse videri volumus, pauca admodum eaque negligenter, dixisse videamur. Nam qui gratiam referunt occulte, qui pro maximis & plurimis acceptis meritis pauca quaedam & exilia, qui tarde, qui insolenter, qui ita denique dissimulenter, referunt, ut non referre gratiam, sed beneficium ipsi potius conferre videantur, ingrati profecto sunt omnes, in tua tamen enumeratione minime reponuntur, nec ad genus aliquod, aut membrum, referri possunt. Qui gratiam occulte refert: quid intendit aliud, quam libera-

Sunt quippe etiam ingrati, qui occulte,



litis tuae gloriam defraudare, abscondere virtutem, famam, laudemque suppressere? Retribuit enim, non tam propensus ad gratiam, quam moleste ferens, si tibi obligatus esse videatur. Quo fit, ut longe sit is habendus ingratisissimus, qui sic est gratus, ut nihil habeat cum gratia & caritate coniunctum. Non melius illi, qui,

qui pro magnis pauca,

magna cum acceperint, paucis se, ut ipsi quidem putant, absolverunt. Est enim ita cumulanda gratia, ut non modo aequari beneficii existimetur, sed magnitudine succrescat immanens. At quorum gratia sera

qui tarde,

est, non fere aliter censo indicandos ingratos, quam eos in ius vocandos, qui creditam pecuniam praestituto tempore non solverunt. Itaque non parva interdum multatione puniuntur. In gratia vero referenda sic constitutum est tempus, ut tum maxime referamus, cum aut necessariam, aut saltem commodam, futuram ei putabimus,

qui insolenter referunt.

cui gratia debeat. Rursum quod refertur insolenter, tantum abest, ab ipsa gratitudine, quantum ab insolentia comitas gratiae se iungitur. Quid tu igitur censeres istos ingratos, an non? Quod si censeras, non sane video, cur eos omnes silentio praeterieris. Ita-que statuamus alia quaedam ingratorum genera, nisi quid habeas, quo possis ista defendere. Nam quid ego de ordine ipso dicam? quem nemo, nisi ineptus, non videbit. Oblitos enim beneficii minus putabas ingratos, quam

Unde emergunt alia quaedam ingratorum genera.

quānq̃ui pro bonis mala, & honestis turpia, retulisset. Itaque tertio loco statuebas. Nam de ceteris non attinet dicere. Sunt enim satis commodē collocati. Utar verbis tuis. Qui obliti essent beneficii, eos gratos fieri posse, magna vi dicendi negabas. Quod equidem perlibenter tibi concedo, veluti, quod est semel a corpore truncoque desitum, aut mortuum, coire amplius in corpus, aut reviviscere, nullo modo potest. Quocirca est in his gratis desperanda, cum excitatricem memoriam penitus abiecerint, & in maiorem facile perfidiam impelli possint, si nulla officii recordatione teneantur. Qui vero mala nobis intulere, non possum non scelestissimos & detestabiles iudicare; possunt tamen praeteritorum memoria leniri, & ad gratiam, benevolentiam, officiumque, converti, ut qui clausis sua sponte oculis incedat, facile illos, cum volet, aperiet, nec poterit nolle diu, & semitam, a qua forte deerraverat, quam primum voluerit, apertis oculis intuebitur, in eaque deambulando persistet. Qui vero caecis aut effosis luminibus huc illuc incertus oberrabit, rectam eundi viam prospicere cum nequeat, omni exiguo lapillo cessabit; qui, ubi semel deflexerit a via, nec cane quidem duce, in eam amplius dirigitur. Nam ut nos quoque tuos Ionas adducamus, erant illi longe ingratisissimi, qui adversus Athenienses, conditores suos, cum

Ex quibus tamen tantum non meliores, sane non magis detestandi, videntur, qui pro bonis mala referunt, quam qui, beneficiorum obliti, prorsus nihil referunt.

Exemplum Ionarum.

Xerxe societatem inierunt, bellumque inferre asperrimum decreverunt, eam urbem adorti, a qua ipsi fuerunt quam saepissime conservati. Sed vide, quam brevi momento ad gratiam reconciliari, & benevolentiam, potuerunt. Themistocles tunc forte duxerat Atheniensem. Is, ubi Ionas defecisse videt, copiasque cum Xerxe iunxisse, periculi magnitudine perterritus, quoniam praefens alloqui non posset, positus symbolis, quocunque essent Ionae applicaturi, per saxa haec scripsit: Quibus nunc vos, o, bellum, Ionae, inferetis? His, qui urbem vestram, qui inoenia, qui tecta, qui templa etiam, vestra condiderunt? qui vos saepe iam in libertatem vindicare? qui toties & cum Dario & cum Xerxe bellum, ne vos desererent, susceperunt? Eos vos non deseritis solum; sed communem vobis atque illis hostem inculcatis? Qua dementia? quo furore perciti, tantum, Ionae, facinus agitis? Itē ad nos, conditores vestros. Quod si tute facere non poteritis, bello discedite, hostem nostrum vestro praesidio spoliare, ut Athenienses non cum affinis suis, sed cum solis hostibus, certaturi videantur. Ionae vero, cum haec legissent, remis incumbentes, bello discesserunt, Xerxem, eorum praesidio nudatum, vincendum, profligandumque Atheniensibus reliquerunt. Quibus si tanta beneficicia, quae Themistocles memorabat, penitus excidissent, Athenienses consecuti victoriam non fuissent; nec adduci Ionae potuissent,

tuissent, ut a Xerxe desicerent. Sed memoria, domina & princeps meritorum, quanquam errare permittit interdum, revocat tamen, & diutius in errore versare non finit. At vero, qui nihil omnino recordantur, cur excusari possint, non equidem intelligo. Immensa est enim memorandi vis in homine, & rerum multitudine non obtunditur, si modo, quae conceperit, frequentis cogitatione repetantur. Qui vero, adiuti nobis, flagitium in nos aliquod, aut scelus, emoliantur, male illi quidem, sed ut vel mediocriter possent excusari, vel quod ira impellantur, aut aliqua animi perturbatione, maxime si non iniusta, moveantur, & hortatu atque impulsu id faciant alieno; vel quoniam beneficium tarde duriterque a nobis extorserunt, vel quoniam, quos primum affecimus beneficio, deinde sumus persecuti dolo, fraude, iniuria, contumelia, vel necessitate compulsi, & angustia rei familiaris, nobis aliquid eripuerunt. Quibus rebus, etsi defendere crimen omnino non queunt, habent tamen aliquid praesidii, quo se recipiant. Qui, quoniam peccare se intelligunt, facile, nacta occasione, se ipsos corrigent; quod facere non possunt, qui sint oblitii, nec ulla necessitate, sed sola negligentia, sunt ingrati. Verum tamen, si haec tibi omnia concedamus, illud nequaquam tibi assentimur, demirari te Deos, aiebas, qui, cum benefici quidem ipsi sint, & quam

Ingrati tamen tales nunquam

sunt impu-  
nos :

maxime liberales, & iustitiam inprimis coli jubeant, & caritatem, ingratis tamen tanti sceleris licentiam impunitatemque concedant, cum iustitiae caritatisque hostes atque inimici esse accerrimi videantur. Nihil ista opinione perverius, nihil, quod Deos magis offendat, quorum illud est proprium & sempiternum, bonos praemiis, supplicium malos, afficere. Quid hoc posse fieri iustius arbitraris? quid dignius maiestate, imperioque Deorum? Nam Pythagoram praetereamus, qui, profectum se ad inferos, dicebat, vidisseque illic Homerum atris serpentibus circumplectum; Hesiodum quoque, columna quadam alligatum, durissima dare supplicia, quod ingrati plurima de Diis mendacia confinxissent, a quibus erant in lucem vitamque producti, & eam ipsam scribendi facultatem consecuti. Quid Menedemus? qui, furiali amictus veste, Arcadicumque gerens pileum, centumque elementa, fraxineamque manu virgam, tragicosque cothurnos, missum se ab inferis, dicebat, speculatorem rerum atque actionum humanarum; quae cum vidisset, rursus se ad inferos reversurum, omniaque Diis manibus renunciaturum. At Democritus, vir acutissimus, ut Physicus, disertus, ut Graecus, duos opinatus est Deos, quorum alterum Beneficium, alterum Poenam, appellabat. Praeclare id quidem. Quid enim dici potuit manifestius? Poena mulctantur mali, beneficio bo-

ni

ni afficiuntur. Nisi fortasse ita non sentiebat, sed esse beneficium Deum, quoniam illius omnia beneficentia & largitione constarent. Poenam vero, Deum alterum, graviter, me Hercule, & praeclare definit, quo demonstraret, qui beneficiis abuterentur, gratiam minime referentes, eos poena quidem esse mulcandos, ut nihil ab hominibus agi possit vel impune, si deliquerint, gratiasque non egerint, vel sine retributione, si benefecerint. Hoc Philosophi, quorum vestigia sequimur, de grato atque ingrato sentiebant. Nec arbitror, videri tibi Epicuro & Cyrenaicis illis assentiendum, qui, nec curare Deos mortalia, nec bonos malosve secernere, constanter quidem, sed tamen inepte, putaverunt. Atqui opinione quidam stolta & vulgari concedi malis impunitatem putas, quoniam non ex templo puniuntur. Nam quae apud inferos aliquando patientur, ea neque ex templo nobis esse possunt, neque voluptati. Sunt enim in solatredulitate constituta; fortasse non vana. Sed nec movere animos magnopere queunt, nisi quae vel oculis nostris visa sunt, vel ab iis accepta, qui videntur. Quocirca istos nunc inferos diimitamus, apud quos scelera ipsa satis quidem, ut opinor, acerbissima poena diluuntur. Sed id nihil ad nos commovendos. Terroris enim cum multum habeant, non omnibus videntur esse. Ingrati qui sunt, quanquam non subito statim fulmine corripiuntur, non

Sed eos iusta  
semper ma  
net, gravissi

maque poe-  
na.

hiatu telluris absorbentur, non mari, non flumine, demerguntur, poenae tamen obnoxii sunt non mediocri. Quippe nullum est genus hominum adeo insensum ceteris, atque invisum, & in quos minus liberaliter munus aliquod conferamus. Quendam enim praese ferunt impietatem, ut eos ne intueri quidem oculis valeamus. Omnibus odio sunt, atque contemptui. Quae poena maior? quod supplicium durius? qui cruciatus excogitari possit acerbior? quam indignos omnium amicitia, beneficio, ope, praesidio, benevolentia, existimari? An impunes eos censere appellandos, quibus propter commissum scelus infesti sint omnes? quibus adhibentur nulla beneficia? qui adversis in rebus nullius ope sublevantur? nullius auxilio foveantur? nullius humanitatem sentiant, & misericordiam? in secundis vero nullius congratulationem, sed omnium invidiam atque odium, consequantur? Si qui Rempublicam & patriam prodiderunt, si qui Deorum immortalium templa diruerunt, etsi scio, haec omnia sine summa fieri ingratitude non posse, fortunis omnibus spoliantur, eiiciuntur civitate, igni etiam atque aqua illis interdicitur; sed habent multos, quorum praesidio sustententur. Plurimi, si opem alio pacto ferre non possunt, eorum calamitatem atque inopiam miserrant. Ingratos vero, non civitate, sed, quod maius est, omnium animis praecipitatos atque deiectos

nemo,

nemo miseratur. Non illis aqua, non igni, sed amicitia, sed amore, sed omni humanitate, interdicitur; nec fortunis duntaxat amicorum, sed sperandi etiam libertate, spoliatur. In secundis rebus detestandi, conculcandique videntur, in adversis illudendi, & aerumna, miseriaque dignissimi iudicantur, ut flagitii loco sit, quoties cuiusque ope sublevantur. Saguntinis ab Hannibale obsessis, & Exemplum Romanorum. populi Romani, quem ipsi saepe iuverant, opem implorantibus, Romani auxilium non tulerunt. Quibus partim flamma sua sponte consumptis, partim ferro ab hostibus interfectis, Hannibal, maximis coactis copiis, in Italiam contendebat. Quo nuncio perterriti Romani, missis Legatis, Gallos Hispanosque sollicitant ne penetrare illum in Italiam; ac per suos fines transitum facere, patiantur; se paratos esse, foedus cum his aequo iure percutere, perpetuamque inire societatem, si modo Carthaginensium copias per suos fines iter facere prohibeant. Legatis derisus contentisque, fere ab omnibus sic responsum, ferunt: Non pudet, o Romani, vestrae nobis amicitiae mentionem facere? qui Saguntinos, amicos, sociosque vestros, in postremo eorum periculo deseruistis, suisque hostibus prodidistis? Quo vultu, quo animo, societatem a nobis, atque amicitiam, postulatis? An audetis fidem nunc vestram polliceri nobis, qui perfidi nunc in Saguntinos extitistis? An, qui



pro acceptis beneficiis gratiam amicis referre neglexistis, eam nobis, ne cognitis quidem, nedum promeritis, referetis? Exemplo hinc abite, & ad quorum aures Saguntii excidium nondum pervenit, socios vobis adseiscite; nobis autem persuadere nequaquam poteritis. Exemplum enim ante oculos habemus, ut in Romanos non plus

habere nos spei, quam fidei Saguntinis, oporteat. Illi, optime de Republica meriti, decepti a vobis, desertique, perierunt. Nos, qui nullis profecuti sumus officiis, quam a vobis sperare gratiam debeamus? Itaque legati Romani, infecto negotio, redierunt. Non mirum id quidem; mirandum magis fuisset, si quicquam exorasent. Pulcherrimum est enim, alieni in re periculum facere; tum id multo pulchrius, si, facto periculo, in discrimen minime ipsi veniamus. Sed ne dici quidem potest, quantum omnium animus offendat ingratus; cui, si etiam ignoscatur a ceteris, ipse sibi certe non ignoscet. Uritur enim assidua recordatione beneficii, nisi fortasse non recordetur, in se ipsum omnem refundens culpam, suo se iudicio sententiaeque damnabit; nec suo tantum, sed etiam alieno.

Nec id quidem immerito aut iniuria.

Nullum quippe maius, nullum detestabilius, magisque execrandum

Nullum enim tam torpe facinus, nullum scelus tam immane, nullum denique tam absurdum, detestabileque flagitium, quod vel mediocri non possit excusatione purgari. Solus ingratus, si verum fateri volumus, nul-

la unquam idonea excusatione purgabitur, flagitium, incum non odio, non iniuria, non iracundia, gratitudine.

concitetur, non casu aliquo & fortuna, sed sua ipse sponte, delinquat. Quo fit, ut ingratos, toto animo, totaque mente, detestemur, & ne vita quidem, nodum beneficio, dignos putemus, etiam si adversus nostros inimicos ingrati fuerint. Adeo ingratitudo est ipsa nobis inimica magis, atque infesta. Quo fit, ut ingratum nemo rectis intueatur oculis; sed omnes mala ei omnia, & calamitates omnes imprecantur &, ut uno verbo complectar, ingratus omnibus est ingratus atque infensus. Hanc tu impunitatem appellas. Ego vero ita censeo, nullum posse acerbius excogitari supplicium, nullos inveniri duriores, & animo, & corpori, cruciatus, quam omnium amore, fide, beneficio, benevolentia, humanitate, misericordia, spoliari. Sed iam finem dicendi faciam, quam multa quidem a te dicta, & graviter, & accurate; sed ita tamen, ut illis quoque litem intendere potuissemus, si modo tempus, voluntasque non defuisset. At vero iam sol coepit inclinare, & ipsi non omnia refellere proposuimus, sed ea solum, quae visa essent quaesito & investigatione digniora. Tu vero, si quid habeas ad haec, quo te defendas, asser in medium. Quod ubi feceris, rem omnem arbitrato tuo, quam rectissime fieri poterit, statuemus. Quae cum dixisset, silentium aliquamdiu secutum est.

Nam

Haecenus Nicolaus Sulmonensis.

Nam & verebar ipse cum tanto Philosopho, in ea praesertim facultate, contendere, & sententiam meam ita retrusam ac labefactam relinquere, turpissimum iudicabam. Sed, quod maiorem me in modum perterrebat, ingratum agere videbar, si, a quo uno id ipsum, quod habebam, disciplinae fuisset consecutus, cum eo de Philosophiae praecipione decertarem. Itaque cum, cedere me illi, respondissem, nec ullis in rebus adversari velle: Non ita facias, inquit, ne plus timiditatis habere concessio ista videatur, quam verecundiae. Tum nos multa diximus, consulto, & pleraque inepta, & inter sese ipsa pugnantia, quo locus tibi foret, ut mea refelleres, vel, si modestius agendum putares, saltem defenderes tua. Proinde si habes tu quidem, quo te, tuasque rationes ac sententias, tueare, ne retice. Nam quod vereris, facile praestabo, qui quidem plura dixi, quam quae erant mea disputatione dicenda, ut tuum illud acumen excitarem, teque ad hanc disserendi consuetudinem instituerem, faceremque promptiorem. Qua quidem re mirifice delectabimur, si frequens accedet exercitatio, & ex usu ipso disputandi vim nobis quandam, & quasi naturam, pariemus. Tum ego, quoniam ita iubes, non defugiam auctoritatem. Malo enim, imprudentiam requiras meam, quam voluntatem accuses. Equidem mecum ipse constitui, nullius, quam tuam, in me aucto-

ritatem

Ad quae  
Campanus.

ritatem potiore fore. Nec adulandi gratia dici putes, cum tantum tibi debeam, quantum homini nato. Itaque iure optimo statui tibi omnibus in rebus obtemperare, quem non solum hortatorem habui ad haec studia, sed praecipuum adiutorem. Dicam igitur, quam brevissime fieri poterit. Nam, etsi condussas video rationes meas, & tuis acutissimis argumentis vehementer improbatas, non tamen penitus arbitror esse deiectas. Habent adhuc, quo se praesidio tueantur, nisi tu novum fortasse bellum indixeris. Quod si feceris, ne portae quidem occcludentur, facile nos devictos esse patiemur. Non faciam, inquit. Nam & tempus, & hic etiam locus, admonuit, ut, facto tandem dicendi fine, ubi quaedam in tuam, si placet, sententiam adiecerimus, domum statim inde repetamus. Mihi vero placet, inquam, & id vehementer exspecto. Sed primum paucis ad ea, quae nuper dicta sunt, respondebo. Etsi praeter spem evenit, ut de re tam plana, tam manifesta, tam acris contentio nasceretur: dicam tamen ipse, quae sentio, dicamque audacius hortatu tuo; quanquam video, perquam iniquo sine loco tecum hodie certaturum. Nam quid dici potest confidentius, quam hominem me ignarum atque imperitum, & a Philosophiae studiis penitus alienum, atque expertum, audere, tecum de Philosophiae facultate contendere? cuius tanta copia in disputando, tanta in repetendo

Eximia laus  
Nicolai Sul-  
monensis.

do memoria, tam denique incredibilis in  
 resellendo vis, & impetus quidam vellemen-  
 tissimus probandi confirmandique omnia,  
 ut saepe, cum te audierim de rebus, ut so-  
 les, maximis acerrime disputantem, in ad-  
 mirationem ipse mecum venerim non me-  
 diocrem. Nam & in dicendo tanta suavi-  
 tas, tam aperta rerum maximarum atque  
 amplissimarum explicatio, ut os istud divi-  
 num quoddam oraculum esse videatur.  
 Nam & obscurissima quaeque, cognituque  
 difficillima, sic aperis, vt nihil omnino dici  
 possit apertius atque facilius, quod non nisi  
 ex praestanti quodam ingenio solertiaque  
 singulari & omnium magnarum rerum at-  
 que artium scientia proficiscitur. Neque  
 enim in sola Philosophia polles, etsi scio, i-  
 lam solam esse non posse, in qua tu prin-  
 ceps excellis omnes; sed in his etiam, quae  
 ad communem usum vivendi pertinent.  
 Quid dicam in his, quae ad Deos immorta-  
 les, ad magnitudines atque intervalla, motus  
 traiectionesque stellarum? Quibus in re-  
 bus, etsi saepe alias claruisti, tum maxime in  
 eo conventu doctissimorum hominum, quem  
 Perusini superiore anno celebrarunt,  
 omnium es sapientissimus iudicatus. Ade-  
 rat incredibilis numerus doctorum homi-  
 num, & quos equidem non contemno, eru-  
 diti viri illi quidem, & toto terrarum orbe  
 delecti, sed quaquam tibi neque vi, neque  
 memoria, neque ullius artis genere, compa-  
 randi,

randi, ne in his quidem, quae ad religionem spectant Deorum immortalium, quam unam facultatem illi maxime profitebantur. Quod si tantos viros tua incredibili & prope divina sapientia superaveris, & eorum dicta sensaque reselleris, si nemo tecum in controversiam & contentionem venire soleat, quin eum, vel respondendo misisce confutes, vel instando copia & varietate confundas: quid est, quod ego tecum audeam decertare, qui, solum hoc biennium Philosophiae studia sectatus, vix equidem prima illius elementa perdidici? Nam & dialecticam, sine qua neminem Stoici futurum putant in oratione sapientem, ego vero semper aspernatus sum, tu vero tanta cura studioque complexus, ut quaedam his de rebus volumina confeceris, quae, ut sunt, ita Insolubilia videris appellasse. Mihi vero legere aliquando cupienti via non dabatur, qui insistere mihi potuisssem. Nam quae primum confirmas, recte quidem procedere videbantur, mirabili quodam contexta artificio, & acute subtiliterque conclusa. Rursus eadem cum reselleres, miro quodam modo cuncta rescindebantur, ut, quae vera prius, nullaue in re ambigua, putaveram, ea mox quam falsissima iudicarem. Quae quanquam ita se haberent: saepe me tamen ad legendum invitabant, subtili quadam copia & varietate plectum; libenterque & ipse ad ea me studia contulisssem. Sed nec

inge-

ingenium, quod quidem his rebus esse debet acerrimum, nec seipsum suppeditare mihi, sentiebam. Quo fit, ut, quam disciplinam atque artem antea saepe contemseram, eius nunc vim & magnitudinem vehementer admirer, saepissimeque in ea percipienda delecter. Quid dicam in Mathematicis? in quibus ipse annum iam penè totum frustra consumsisse videor. Te verò nemo in earum rerum cognitione praestantior, ut non solum, praesentia quae sint, certas, sed etiam, quae futura, praesentias. Quod genus divinandum non pactum tibi peperit gloriae.

Sed iam ad rem ipsam accedamus. Enitatur enim summa ope, ut, si non graviter & facillente, attamen breviter circumcissequer, respondeam, ne, quod spatii tibi erit opus ad concludendum, frustra tuis id ineptiis conteratur. Primum itaque omnium, ut nos quoque ordinem servemus, ingratitude definitionem ex ipsius divisione conficimus, quod & recte fieri censet, tanquam à Physicis, quorum tu es longe princeps, usurpatum, & ego tibi perbenigne concedo. Definis autem, esse ingratitudinem quoties beneficii gratia vel non satis digna referatur. Hoc tibi iecisti fundamentum, quo me vagum ac fluctuantem magno quodam impetu retrulsisti, ut qui nullam mihi sedem, aut locum, certa definitione statuisseni. Mox ingratitudinem malam non esse, quod neque mali haberet rationem, & esset inter-

dum

Transitio ad rem ipsam, si-  
ve ad ulterio-  
rem ingratitu-  
dinis consi-  
derationem.

Repetuntur  
autem quasi  
per compen-  
dium supe-  
rius dicta.

dum a natura ipsa profecta, & a Diis etiam immortalibus frequenter usurpata. Nam & hominum plurimos memorasti, & animalia conquisisti permulta, quorum culpam non in consuetudinem, aut opinionem, sed in ipsam refundere naturam, videbaris. De hominibus mox. Id enim totum est de re nostra. Nam quod ad feras attinet, id nihil ad nos pertinet, de quibus nunc pauca dicemus. Nam si milvus agrestis est semper, si indociles mures atque hirundines, si hericini quoque nulla excepti aetate mansuescunt, si viperae, si coctici, si omnium denique animalium exemplo nitebaris, quod, ubi coaluerunt, omnem abiiciunt memoriam beneficii; eamque ob rem ingratitudinem in re & natura contineri, non in opinione consistere, nec esse tantopere accusandam, quoniam naturam ipsam accusaremus, a qua nihil posse produci mali, Aristotele auctore, contendeas: videamus per Deos immortales, ne latius, quam necesse est, divagemur, atque aliud inveniamus, quam quod erat perquirendum. Quid enim aliud magis a gratia putamus alienum, quam feritatem? Quid ab ipsa illa, de qua loquebamur, munificentia & liberalitate remotius? Liberalitas quidem & munificentia, gratia, largitio, & quaecunque communia sunt eius generis, in animo sita sunt, atque in eo animo, qui quidem nihil habeat feritatis, sed sit benevolus ac mansuetus, parti-

Demonstraturque paulo uberius, a feris ne quicquam esse beneficentiam ac gratiam dicendam aut expectandam,

R r

cepsque



cepsque rationis. Hinc maleficia, hinc beneficia, gigni atque oriri dicebamus. Quo igitur pacto feras, aut beneficas esse, dicemus, aut gratas, quae animo careant & ratione, sintque ab omni humanitate benivolentiaque remotae? Appello autem feras non solum, quae ferociam & impetum nocendi habeant, sed omnes, quae vel toto, ut ais, corpore, vel solius naturae motu, impulsioneque, ferantur. Ex quo genere ne aves quidem excipimus. Non ignoras, Stoicos tuos, recte, ut opinor, de vivendi ratione sentientes, non exiguam fecisse dissimilitudinem inter homines ipsos & animalia cetera, ut nihil in illa iuris habere non putent, quae & rationem non habeant, & sensus nutu atque imperio moveantur, tantumque sint remota a nobis, quantum supremo illo coelo haec infima terra seiungitur. Illis nobis datus est animus; ferae vero ex hoc terreno globo nascuntur. Nam, quod Pythagoras est opinatus, migrare animos nostros divinos & sempiternos in corpora brutorum, id opinionis iam prorsus obsolevit, ut vanum & superstitiosum, & quod ad agrestes illas & imperitas vulgi aures effundebatur. Gratus is maxime habendus est, qui, retenta in animo memoria beneficii, firmam habet rependendi, & perpetuam, voluntatem, quam non impetu fert naturae, sed animi ratione metitur, vultque esse sempiternam; quod est a feris totaliter alienum, cum nec memoria sint

Descriptio  
hominis  
grati.

sunt aliqua; praesertim diuturna, nec animum habeant, cum modo & ratione coniunctum, ducem atque imperatorem rerum honestarum. Minime igitur mirandum, feras ipsas, nec praestare beneficia, nec praestita sentire; quamquam multa video tradita memoriae a viris fortasse gratissimis, sed interdum nimis levia sectatis. Demetrius, Physicus, auctor est, pantheram, ferum quidem animal, & natura truculentum, cum forte catulos, qui in foveam ceciderant, levare non posset, sedentem in viam, homini diu expectato moestum & quasi supplicem occurrisse, togaque leniter acceptum, ad foveam usque perduxisse, tum vero blandientem, & manifesto sese dolore confluentem, quid eum facere oporteret, nutu significasse, mox, eductis catulis, virum per desertissimas solitudines comitatum, reddita nutu ac plausu gratia, tuto in loco dimisisse, sic aspidem, ab Aegypto quodam educatam, dum forte catulos in illius domo peperisset, ex hisque unus hospitis filium interemisset, reversam ad cibum, cognitaque culpa, catulo necem intulisse, sic etiam draconem, Arcadico puero, a quo fuerat nutritus, opem attulisse. Mira de delphinis memoriae tradita referuntur, vexisse interdum pueros in intimum usque mare, eosque deinde ad locum pristinum revexisse; mortuis vero pueris, eos moerore atque angustia fuisse consumptos. Multa nostri maiores

Exempla aliquot ferarum, a multis pro gratis habitarum, ut pantherae,

aspidis,

draconis,

delphinarum,

res litteris mandaverunt, quae, si animum inducere possimus, ut vera fuisse, non ficta, credamus: facile constat, animalia quoque sentire beneficium, & esse liberalia. Nam quae de Cyrho, Romuloque tradunt, quorum alter est a cane educatus, a lupo alter: quid, nisi tantam, quantam natura ipsa patitur, beneficentiam, significare in brutis animantibus, voluerunt? Sic Sandrum Cocom, Alexandri ducem, longa fuga defudantem, a leone fuisse deterfum, pugnantem vero ab elephante, quem nunquam antea viderat, tergo exceptum. Multo mirabilius, quod sequitur. Gargaris, qui postea est Abydis appellatus, ab avo exponi iussus (erat enim ex filiae adulterio natus) plurimarum lacte ferarum, ubera sua sponte praebentium, nutritus; mox suis obiectus; ut eum, fame coacti, lacerarent, illaesus remansit; postremo deiectum in mare, & in litus sua sorte depulsum, cerva quaedam excepit, eumque densissimis in montibus educavit. Captus tamen a venatoribus, & avo dono datus, tot periculis ferarum beneficio superatis, regno successit. At Platonis labiis, cum esset infans, apes infederunt. Fuit deinde, ut accepi, suavissimus. Roscium, cum vix esset natus, serpens implicavit, credo, futuram corporis agilitatem, volubilitatemque portendens. Quid Mida? in cuius os formicae triticeum congesserunt. Divinabant, ut opinor, hominem illum fore quam

Sequuntur  
exempla fe-  
rarum, pro  
beneficis li-  
beralibusque  
creditarum,  
ut canis, su-  
pac,

leonis  
elephantis,

suum,

cervae,

apum,

serpentis,

formicarum,

quam ditissimum. Sic Hieronem, illum optimum & clarissimum virum, amicissimumque populi Romani, expositum a patre, quoniam ex ancilla natus esset, apes ipsae, iterum apum, congesto in os melle, diebus aliquot aluerunt. Nec multo post, cum esset in ludo litteris operam daturus, tabulam lupus eripuit, primaque deinde bella gerenti & aquila in elypeo, & noctua in hasta, confedit. Sed quid miracula persequimur? Haec, & his quae sunt similia, vel vera censenda non sunt, sed a vetustissimis ad quandam originis maiestatem gloriamque conficta, vel, si scuro relin-

Quae vero tantum abest, ut rem rite declarent, ut potius in ob-

pro veris habenda censeamus, profecto quant;

non impulsu naturae suae ferac tanta beneficia praeslitterunt, sed nutu potius, & imperio Deorum immortalium, ad futuram illorum magnitudinem portendendam. Quod facile quidem potest apparere, cum in aliis permittis, quos non est opus referre, tum vel maxime in his, quos ipse paulo ante memoravi. Omnes enim ad id tandem praestantiae dignitatisque pervaserunt, ut digni sane visi sint, qui non quidem a feris, sed a Diis ipsis immortalibus per feras, alerentur, ut egregium quendam, nec vulgarem, ortum habuisse, & divinitatis auxilio digni fuisse, viderentur. Quod si nec divinitatem aliquam, nec rursus signimentum, credamus affuisse: causam agimus meam, tamen si hoc modo agi non valde contendo, nec feras beneficas existimari velim. Quae

si essent, fortasse beneficentia & ipsae caperentur. Sed id nos, ut in magno quidem discrimine, ponamus, benefecerint feriae, nec ne? vicimus sane, si benefecerint, gratiaeque fuerint; sin vero nihil tale egerint, non iccirco de causa decidimus. Cetera enim animalia, vel nunquam potuerunt referre gratiam, vel extemplo duntaxat post accepta beneficia potuerunt. Carent enim ratione atque memoria, ut, nisi quae praesentia sint, non prospiciant, expertiaeque rationis, non nisi vi sensus impulsu, moveantur. Sensus autem, ut saepe me admonuisti, nec praeterita admodum, nec futura, complectitur, sed ea sola, quae praesentia sunt positaque ante oculos, intuetur. Gratitudo vero & ingratitudo non modo in praesentium, sed in praeteritarum, futurarumque, rerum cognitione, memoriaque versatur. Adveniente hyeme, tenere accipiter noctu passerem dicitur, implicitum unguibus, pectorique suppositum, cuius calore foveus, a brumae frigore defendatur; mane vero, cogitato beneficio, dimittit illaesum. Itaque valet recens memoria in feris; sed ea tamen diuturna manere nullo modo potest. Coccyx nutricem suam interimit. Non est dicenda ingratitudo, sed natura potius, & vis quaedam ita faciendi, quae illi ab origine sic videtur insita, ut eam naturae suae legem praeterire non possit. Hominis autem praecleara est, divinaque natura, & ea ipsa ita

Longe tamen  
aliter cum

ita comparata, ut pulcherrimum & commodissimum in vita ducat, liberalitate & munificencia uti sempiterna, mutuaque semper beneficia ultro citroque conferre. Habet enim animum, moderatorem ac principem, & laudis atque honestatis hortatorem, cuius nutu atque imperio gubernatur. Sic amicitiam colimus, sic misericordia tangimur trahimurque humanitate. Amicos autem non solum naturā comparamus, ut aves atque ferae, quae coetus & greges cogunt, nec aliae, quam aliae, sese diligunt, sed tantum se universae naturali quodam societate coniungunt; nos arte, nos studio, nos diligentia, nos officio, confirmamur. Milvi semper oderunt corvos, cygni aquilas, gryphes equas, noctuam cornices insectantur, non quia privata quaedam intercessit iniuria, sed quoniam ita ferantur natura. Contra vero permagna est pavonis amicitia cum columba, si modo amicitia possit appellari. Amat turtorem psittacus; perexigua est inter eos similitudo naturae. Quid tum? Feruntur enim sensu quodam insito, non usu, non consuetudine aliqua, quae plurimum in amicitia valet. Itaque non privatis beneficiis, non studio, non minoribus, sese amant, neque est aliquod inter eos quasi discrimen amoris, ut alium, quam alium, magis amare videantur, nec ulla re in odium concitantur, aut conciliantur in amicitiam. Quod enim a natura est insitum, constans

homine com-  
parata res est;  
quippe qui  
sola mente  
regitur, ac ra-  
tione; qui-  
bus vero ce-  
tera animalia  
carent.

Et id potissimum quidem ob feritatem naturae.

si essent, fortasse beneficentia & ipsae caperentur. Sed id nos, ut in magno quidem discrimine, ponamus, benefecerint feras, nec ne? vicinus sane, si benefecerint, gratiaeque fuerint; sin vero nihil tale egerint, non iccirco de causa decidimus. Cetera enim animalia, vel nunquam potuerunt referre gratiam, vel extemplo duntaxat post accepta beneficia potuerunt. Carent enim ratione atque memoria, ut, nisi quae praesentia sint, non prospiciant, expertiaeque rationis, non nisi vi sensus impulsu, moveantur. Sensus autem, ut saepe me admonuisti, nec praeterita admodum, nec futura, complectitur, sed ea sola, quae praesentia sunt positaque ante oculos, intuetur. Gratitudo vero & ingratitudo non modo in praesentium, sed in praeteritarum, futurarumque rerum cognitione, memoriaque versatur. Adveniente hyeme, tenere accipiter noctu passerem dicitur, implicitum unguibus, pectorique suppositum, cuius calore fatus, a brumae frigore defendatur; mane vero, cogitato beneficio, dimittit illaesum. Itaque valet recens memoria in feris; sed ea tamen diuturna manere nullo modo potest. Coctix nutricem suam interimit. Non est dicenda ingratitudo, sed natura potius, & vis quaedam ita faciendi, quae illi ab origine sic videtur insita, ut eam naturae suae legem praeterire non possit. Hominis autem praecleara est, divinaque natura, & ea ipsa ita

Longe tamen aliter cum

ita comparata, ut pulcherrimum & commodissimum in vita ducat, liberalitate & munificentia uti sempiterna, mutuaque semper beneficia ultro citroque conferre. Habet enim animum, moderatorem ac principem, & laudis atque honestatis hortatorem, cuius nutu atque imperio gubernatur. Sic amicitiam colimus, sic misericordia tangimur trahimurque humanitate. Amicos autem non solum naturā comparamus, ut aves atque ferae, quae coetus & greges cogunt, nec aliae, quam aliae, sese diligunt, sed tantum se universae naturali quodam societate coniungunt; nos arte, nos studio, nos diligentia, nos officio, confirmamur. Milvi semper oderunt corvos, cygni aquilas, gryphes equas, noctuam cornices insectantur, non quia privata quaedam intercessit iniuria, sed quoniam ita ferantur natura. Contra vero permagna est pavonis amicitia cum columba, si modo amicitia possit appellari. Amat turturem psittacus; perexigua est inter eos similitudo naturae. Quid tum? Feruntur enim sensu quodam insito, non usu, non consuetudine aliqua, quae plurimum in amicitia valet. Itaque non privatis beneficiis, non studio, non mioribus, sese amant, neque est aliquod inter eos quasi discrimen amoris, ut alium, quam alium, magis amare videantur, nec ulla re in odium concitantur, aut conciliantur in amicitiam. Quod enim a natura est insitum, constans



Unde etiam  
omnis muta-  
tio, cui vita  
hominum  
subiacet.

est, atque perpetuum, vincitque saepe natura rationem. Illa stabilis manet; haec loco temporeque mutatur. Homo vero sanctum & divinum animal, non solum naturam habet insitam, sed etiam, comitem animi, rationem. Quaedam illi ab animo rationeque tribuuntur, quaedam insunt ab ipsa natura. Nam potum, cibum, appetitumque coeundi, quoniam sunt inpermutabiles, negare certe non possumus, a sola, quam iam saepe dixi, natura proficisci. Ceterum benevolentiam, humanitatem, modestiam, mansuetudinem, clementiam, & inprimis liberalitatem, quoniam sunt etiam ab animo, & plerumque permutantur, quis inscisci possit, a sola aut provenire, aut confirmari, ratione? Ratio vero non solum, quae sunt, sequitur, sed magis etiam, quae videntur. Itaque solet, vel ignorantia, vel nequitia & improbitate, loco temporeque, permutari, ut, quos habuimus amicos, aliqua statim de causa fiant inimici, qui fuerunt liberales, avarissimi quidem efficiantur. Video, campum mihi patere latissimum, si hominis praestantiam complecti vellem, dissimilitudinemque a ceteris animantibus, a quibus tantum, mea quidem sententia, distat, quantum nec a nocte dies, nec coelum a terra seiungitur. Sed, non oblitus instituti, dicam, si fieri poterit, quam brevissime. Omnis nostra vita dandis accipiendisque muneribus, & alterna quadam liberalitate, mutuaque be-

nefi-

Ratio est gu-  
bernatrix

neſicentia continetur, totaque ex caritate & benevolentia conſtans, in officio & ratione verſatur. Hinc novas eorum, quos ſaepe nunquam vidimus, amicitias comparamus; hinc laudem, decus, gloriam, vindicamus; divitias, opes, dignitatesque conſequimur. Nam quid tot principum praeclara geſta? tanta maximorum potentiſſimorumque Regum magnificentia memoratur? in quibus nihil omnino poteſt eſſe perversius, quam non eſſe beneficos. Nemo tam dives, & cui rerum omnium abundantia copiaque ſuppedit, qui non aliorum egeat adiuvento. Si calces, domum, veſtimenta, & cetera id genus, ad uſum rei ſamiliaris attentione, conquiremus: non proſecto a nobis ipsis haec omnia, ſed ab alio quodam, quacere oportebit. Hinc civitates & hoſpitia; hinc fora; hinc Deorum immortalium templa conſtituta, ut homines multi, qui in ſolitudine degere vix potuiſſent, in ſocietatem, unaque moenia convenirent, ubi ſimul habitantes, mutuam inter ſe operam auxiliumque praefarent. Ferae autem, quoniam progreſſi ſumus ſortasſe longius, nec ad nidos conſciendos, nec ad aliquid tale, cuiusquam operae videntur indigere. Itaque ſingulae ſibi nidos aedificant, novas amicitias parant nullas, liberalitate proſuſ, & munificentia, vacant. Si quid habent ſocietatis, id habent a natura; ſed nec alia cibum alii concedet unquam, nec aliena ſuis in ni-

omnium rerum atque actionum humanarum.

Ferae contra, non niſi impulſu naturae, aut ſenſus, trahuntur.

dis ova suscipiet, fovebit, educabit. Quid in homine? Facimus convivia, & quod est multo, ut arbitror, liberalius, hospitii iura servamus, amicos, filios, & propinquos, alimus, sustentamus, erudimus, incredibilique studio & humanitate complectimur. Sed, ne longe à calle deerremus, nec gratæ dicendæ sunt ferae, nec rursus ingratae iudicandæ; veluti lapidem neque vivum, dicimus, esse; si moveatur, neque mortuum etiam iacentem appellamus. Quod enim vitam nunquam habuit, occidit nunquam, Carent animo ferae, carent ratione & memoria. Non igitur beneficium acceperunt. Quod, ut a solo est animo profectum, sic in solo etiam animo collocatur, retineturque memoria: quæ si excidat, tum deum maxime efficiemur ingrati. Quæ autem de terra obijciebantur, idem tibi censeo respondendum, neque beneficam esse, neque liberalem, neque maleficam, neque ingratam, exilimandam, cum beneficium, quod a solo est animo, referre & præstare non possit. Nam quod victum nobis atque alimenta suppeditet, ut ipse graviter quidem, & prope divine, memorasti, non magnopere me movet. Habet enim id iniunctum a Deo, & a natura, ut gignat animalia, foveat, alat, atque sustentet, quo tanquam munere fungatur suo. Quod vel ex hoc licet intelligere. Non enim magis in hominem, quam in animantes alios, videtur esse benefica.

Quæ

Quod maxime etiam de terra valet;

Quae si aliquot in locis est pestilens, ut fa-  
 tae fruges, aut nequaquam omnino, aut per-  
 niciosae, mortiferaeque nascantur: id vel ex  
 coeli sit inclementia, vel ex his, quae sub  
 terra sunt, venis metallorum, quibus, neces-  
 se est, sementes, aut inficiantur, aut, extinctae  
 funditus, nequaquam oriantur: Quid in  
 aquis? Late video patere naturam. Alias  
 pestilentes ferae non bibunt; aliae statim, si  
 bibantur, interimunt. Habet Arcadia fon-  
 tem prope agrum Nonacrinum, quem ab  
 effectu stygem veteres appellaverunt. Con-  
 tra vero in Baiano nostro, quem in locuna  
 tu saepe secessisti, cum temperie coeli, tum  
 maxime loci amoenitate pellectus, quot fon-  
 tes longe saluberrimi? Quid illum Dodonei  
 Iovis fontem? ut nos quoque luisse videamur;  
 fices incendit extinctas, extinguit in-  
 rensas. Quid illum alium Iovis Hammo-  
 nais? Quid alium Solis Introgoditis, gelidos  
 interdiu, noctu vero calidissimos? Mirum  
 id quidem, nec tantopere mirandum, si  
 ferverent interdiu. Nam & fontem Alefi-  
 nae cytharae sono concitari, serunt, qui de  
 magnis maiora loquuntur, & quasi ad tripu-  
 dium prosilire. Sed haec omnia, nescio  
 equidem, an ad aliud, quam ad naturam ipsam,  
 referantur? in qua nihil profecto loci habet  
 ingratitudo, quae in opinione potius, ut ar-  
 bitror, sita est, quam in re atque natura.  
 Idem in elementis aliis ostendissem; sed vi-  
 deci fortasse longior potuissem, & tibi mul-  
 to

item de  
 aquis,

ut in fonte  
 styge,  
 Baiano,

Iovis Dodo-  
 nei,

& Hammo-  
 nais, item So-  
 lis Introgodi-  
 tis;

& ita porro  
 in reliquis  
 rebus.

to notiora sunt omnia. Quam ob rem non conquiramus, quae nihil admonere me possint. Plus enim ab animo haec, quam a

Animus vero  
solus est fons  
atque origo  
gratiae, libe-  
ralitatis, be-  
neficentiae;

ut & male-  
volentiae;

Immo ipsius  
cultus divini,

coelo terra, seilunguntur. Animus ipse gratiarum est domicilium, quo quicunque vacant, nec sentiunt gratias, ut admittant, nec beneficio aliquo, maleficioque tanguntur. Animus est liberalis, idem largus atque beneficus. Quippe si quodvis amplissimum munus, si universum aerarium, si denique vitam ipsam, idque animo invito; in aliquem conferamus, non sumus dicendi benefici. Contra si maxima detrimenta, si acerbissimas calamitates, si cladem, vel amicis & familiaribus nostris, inferamus, idque faciamus invito, ingrati existimandi non sumus animo. Ex omnibus enim rebus, quas Dii immortales hominum generi tribuerunt, sunt autem innumerae, nihil sibi referri postulant, praeter animum expetunt atque sincerum, & omni terrena contagione vacantem. Sic auspicia, vota, ceremonias, litationes, sacraque solennia, tum demum rite fieri, opinamur, cum animo sunt puro, & vestibus illis prope sumillimo, quae non nisi candidissimae solent adhiberi. Sic etiam, quae ad nostram pertinent religionem, omnium, quae sunt, quaeque fuerunt, optimum atque sanctissimum, animum expetunt longe purissimum, nullo furo nullisque obfcoeniis atque illecebris depravatam. Dii namque immortales non munera intuentur, quorum

quorum minime illi quidem egent; sed animum respiciunt, cuius affinitate, & tanquam amicitia, delectantur. Quem si pollutum, contaminatumque cognoverint, nihil secum putant habere commune; sed a sua potius natura deerrantem, exutum sua excellentia, censent, coelestique divinitatis propinquitate spoliatum. Vides, quo me, tanquam in altum, deducat oratio. Sed contraham vela, ne in peregrina, mihiq; incognita, maria devehamur. Deos tu quidem dicis imitandos. Sed illi ab animo repetunt beneficium. Num igitur a trunco? num a lapide? num tandem a feris ipsis? num etiam a terra, quam tu maxime contendeabas esse beneficam? Mihi quidem persuadere non poteris, ut hanc ipsam gratam ingratamve dicendam esse fatear; etsi scio, in eam te sententiam, non quidem quod ita sentires, sed tentandi mei gratia, pleraque neque vera, neque probabilia, coniecisse. Quanquam 'furdo fabulam decantasti. Meliora quaedam memoria teneo, eaque a te ipso in aequum erant otium disputata, non iocandi aut tentandi mei, ut nunc, gratia, sed erudiendi potius, & ad Philosophiam istam tuam claram atque verissimam recto, ut dicitur, tramite perducendi. Quocirca feras istas procul abiciamus. Exemplo enim nobis esse non possunt, ut, qui eas imitari velint, hi maxime ferae dicendi esse videantur. Ii rationem, quam habent, aspernantur; illae nunquam rationem

Additur ulterius adhuc, luculentior, que probatio;

& quidem argu-  
mentis ab  
ipso homine  
petitis.

rationem habere potuerunt. Sed iam ad homines veniamus, ut in area nostra laius aliquando versemur. Sunt enim totaliter de re nostra. Sed eos quoque quam brevissime perstringemus, ut tempus tibi relin-  
quatur ad concludendum. Nam esse Deos ingratos, non attinet dicere, nisi maxime, & videri, & esse, velimus ingrati. Qui si au-  
rum, ut tu dicebas, pro sarre non referant, cave, tamen ingratos censeas esse dicendos. Sciunt enim, quid nobis, ut ait Poeta, rebus-  
que sit utile nostris, quid etiam unicuique referendum; sumusque homines, ut ait idem, illis, quam nobis, multo cariores. Quo-  
circa cum Diis hac in re minime contenda-  
mus. Sed ego vim tuam memoriae, incre-  
dibilemque rerum omnium notitiam, vehe-  
menter admior. Nam quae in Philoso-  
phia graviter & copiose loquebaris: nun-  
quam mihi, aliter persuaseram. Sciebam enim, esse te omnium in ea facultate doctis-  
simum. Sed quae ad historiam pertinent,  
nullam tibi fuisse vel curam, vel notitiam,  
arbitrabar. Verum unde tot efficacissima  
vetustissimorum hominum exempla mana-  
runt? qui tot ingratos undique, tanquam ex  
historiae agro, unam in aream, congestisti, ut  
inficiari iure non possim, te non solum Phi-  
losophum esse acerrimum, sed omnium  
aliarum magnarum rerum diligentissimum  
inquirentem, ut, tanquam Leontinus ille,  
omni de re possis quam accumulatissime dispu-

disputare. Hoc quidem Philosophus, mea sententia, melior, quod ille sibi auream, ut ferunt, statuam collocavit, te vero, nihil ad ostentationem, sed ad veritatem omnia, referentem, nulla unquam praecipitem egit ambitio. Sed ne feramur longius: ingratos istos paulisper, si placet, consideremus. Qui si fuerint natura ingrati, fateor, necesse est, mea me sententia esse deiectum; sin vero nec natura, nec omnes in ingratitudinem inciderunt, velim, ab ista tua tam acervi & oppugnatione desistas, meque meis sedibus stare patiaris. Primum omnium mihi Diogenem, tanquam esset aliqua mihi cum Diogene contentio, mordacem sane hominem, ut Cinicum, ingratum tamen dicendum esse non arbitror. Qui si convitiis persequeretur omnes: quid aliud agebat, quam praecipuam quandam in universum genus humanum caritatem? Vide, ne me mordeas, Diogenes, dum haec a te postulo. Quid oblatrabas malis? Quid censeamus fuisse responsurum, nisi id, quod aliquando respondit? cum vitiis perditos mores haberent longe turpissimos. Quid rursus irascebaris bonis? cum, inquit, inter malorum vicia flagitiaque versarentur. Utrique sane obiurgatione dignissimi. An igitur ingratitudinis illum censes accusandum? Quid parentes ipsi dicere nobis benevolentius potuissent, quam ut nec essemus ipsi mali, nec cum malis vitae consuetudinem haberemus?

Bonos

Repetuntur  
exempla su-  
perius iam al-  
lata, ad quae  
paulo accuratius a Campa-  
no responde-  
tur;

utpote Dio-  
genis,



Democriti at-  
que Heracliti.

Bonos ille inveniri paucos existimabat, quos interdum per meridiem lucerna quaerebat. Si qui tamen invenirentur boni, eos imagines dicebat esse Deorum. Quam praeterea gratus in Corinthium Xeniadem, a quo cum esset emtus, liberos eius singulari cum diligentia sanctissimis atque optimis disciplinis erudit, & tu eum appellare audeas ingratum? Quid de Democrito atque Heraclito dicam? quorum alter deliramenta ridebat humana, miserabatur alter, ut ingentem quandam caritatem in omnes videantur habuisse mortales, quibus non haec caduca & fluxa consecretanda, sed virtutem & divitiarum aeternarumque rerum contemplationem habendam esse, monstrabant; quod ipsi, rebus ceteris contentis atque despectis, omni soluti cura, faciebant. Potuit fortasse ob hoc durior videri Democritus, quod per desertas solitudines, perque hominum sepulchra, oberrabat. An putas, ut mortuos etiam irrideret? Minime id quidem opinor, sed ut, nullis turbis ac coetibus impeditus, & quasi ad mortuos abstracti animi contemplatione traductus, quae vellet, expedite libereque contempleretur, nec distrahatur animus occursum & praesentia rerum alienarum. Hoc si odium generis humani dicendum, si rursus ingratitudinem appellandum esse, censeamus; multi profecto sanctissimi viri atque optimi in eandem incidisse calumniam & humanitatis inimici fuisse

fuisse asperrimi viderentur, qui cum patrum nostrorum, tum etiam nostra, memoria, patriis laribus, urbanisque amoenitatibus & domesticis, praetermissis deliciis, in sylvis ac montibus vitam omnem solitarii peregerunt, ne se humanis contagionibus & quasi vinculis circumplectitur se totos ac liberos ad contemplandam Deorum immortalium gloriam magnitudinemque conferrent. Quos ego si appellem ingratos: tam inique faciam, quam qui, quod ipsi praestare non possunt, id carpere nituntur in ceteris. **Timonis,** Timonem vero, quem ais Atheniensem, inficiari non possum, hominem fuisse duriorum & naturae fortassis ingratorum. Quod tamen si ab animo eius dissentiebat oratio: num quendam interfecit? num hostibus patriam prodidit? num eius urbs incendio conflagravit? num denique quenquam factis offendit? Non possumus dicere id quidem; sed fac, fuisse omni, ut ais, rebellem humanitati, & hominem dicendum putamus, naturae durum. Nam mihi non accusare naturam placet. Nec Timonem istum magnopere defendam. Quis illum exitus exceperit, cives suos, ut se suspendere, admonentem. Nonne publice caesum lapidibus obruerunt? Quod non fecissent, nisi ingratitudinem rem esse malam, & summo dignam supplicio, iudicassent. Et erant Athenienses non imperiti rerum existimatores, & in maximis etiam sceleribus, sola, ut ferunt, cicuta contenti.

tenti. In Timonem vero, tanquam aliquod maius facinus ausum, & rerum ingrati-  
 tudinis, plus excogitandum supplicii putaverunt.  
 Ego vero nunquam inficiabor, & Timo-  
 nem inhumanum, & multos aliquando in-  
 gratos, extitisse. Sed in his, ut saepe dixi-  
 mus, naturam accusandam esse, non puto.  
 Fieri enim potest, ut causa aliqua, quae sit  
 nobis incognita, fuerint ingrati. Sed ego  
 non quaero. Non enim id nunc agitur,  
 siutne ingrati? quorum ego numerum, scio,  
 esse quam maximum; sed an sit ingratitu-  
 do habenda naturalis? Haec nunc igitur  
 controversia. Quae cum absoluta sit, pa-  
 rum admodum mihi erit elaborandum;  
 quanquam in archissimas tu me fauces atque  
 angustias compulsi, ut, nisi pedem refe-  
 ram, effugere nullo modo possim. Bonam  
 esse ingratitudinem, ideo contende-  
 bas, cum multi non casu aliquo, sed  
 nati potius, viderentur ingrati; naturam  
 autem ita comparatam, ut nihil, nisi quod  
 bonum esset, excogitaret, nihilque gigneret,  
 quod quidem esset in mali ratione reponen-  
 dum. Possum haec omnia confiteri; pos-  
 sum rursus negare omnia. Quod si fecero,  
 inagis meae servivero causae, faciliusque ista  
 tua tela repulero. Quod si Pyrrhoniòs il-  
 los velim imitari, qui nihil vel natura bo-  
 num, vel natura malum, opinantes; haec,  
 quae appellamus bona, quae etiam mala,  
 quae

Quaeritur,  
 an sit ingratitu-  
 tudo habenda  
 naturalis?

Opinio Pyr-  
 rhoniorum,

quae honesta, quae turpia, nominamus, solius opinionis esse voluerunt; quod sentiebat & Archelaus.

Archelaus, haud absurde fortasse, (neque enim temere ad id opinionis inducebantur) quid potest videri nobis calamitosius morte? Parentibus & propinquis nostris e vita migrantibus, moesti lucem non aspectamus, plangimus, lumentamur, manus pedesque concutimus, capillos etiam & vestimenta proscindimus. Nihil hoc luctu miserius, Vis atque potestas solius opinionis.

Sunt tamen, qui hoc non solum id ipsum moleste non ferant, sed parentum filiorumque funera cantu ac laetitia persequantur; quales in Asia tradit Euripides, quorum, cum nascuntur liberi, ululatus undique exaudiuntur, cum in miseriam putant natos esse sempiternam; mortuis vero congratulantur, tanquam rem adeptis longe praeclaram. Vide, quid agat opinio. Nos mortuos lugemus, tanquam omni privatos felicitate; illi nascentes deplorant, tanquam in miseriarum & tempestatum mare deiectos. Persae filiarum nuptiis permiscuntur. Nihil apud nos detestabilius. Quidam parentum cadavera torrere ac comedere dicuntur. Nihil apud nos potest esse uestandius. Quid ita, si quis me roget? Nihil asseram praeter opinionem, quae tamen illis quoque potest esse probabilis. Satiус enim putant, in filiorum visceribus condi corpora parentum, quam humi sita, vermibus aut serpentibus devorari, quae pie se facere opinantur. Tan-

ta igitur rerum omnium varietas non a natura, quae una est atque eadem apud omnes, sed a sola opinionum diversitate, manavit. Nam ut est cuique de re aliqua persuasum, sic variam fert dicendi faciendique sententiam; non quod ita sit semper, quale sentitur. Magnae sunt vires opinionis. Radices enim emittit altissimas, quae, cum animo infederunt atque inveteraverunt, uno consensu multorum deleri ac funditus extirpari non facile possunt. Sed tamen missos facimus Aporeticos, eorumque principem, Pyrrhonem, abiciamus, nihil naturae neque turpe, neque honestum, existimantem, sed ad hanc, quam diu agimus, opinionem & consuetudinem omnia referentem, cui ego, ne forte parum sit a me, nequaquam assentior. Dedit nobis natura humana quaedam honestatis. Ad ea nos, qui per vitiorum tenebras obscuri atque incerti divagamur, suo ingenti splendore dirigimur; quae nisi pravis moribus extincta fuerint, ad quamvis nos gloriam magnitudinemque perducent. Placet igitur imitari Stoicos, qui, cum virtutem omnium humanarum divinarumque rerum optimam & pretiosissimam fateantur, vitia maxime illi contraria atque adversa putaverunt, eaque perniciosam esse, & ad bene beateque vivendum nullo modo conducentia, nec ita nudam naturam relinquendam putaverunt, ut non multa illi bona inessent atque honesta, quae

Quae sint naturae,

quae sua ipsa sponte produceret. Sed video, te mutasse sententiam, nec in eadem, qua prius, opinione persistere. Quoties ipse me admonuisti, non omnia dicenda esse naturalia, quae reperirentur in natura, sed ea solum, quae vel semper, vel plerumque, contingerent. Multos enim videmus caecos; an sit caecitas illa naturalis? Datum est nobis lege naturae, ut bipedes, ut rationis mentisque participes, ut apti denique ad ridendum, oriamur. At si quis vel vno pede, vel pluribus, quam quibus nasci homines soleant, vel hebes, atque insanus & rationis expers, oriatur: quis est, qui dicere auit, ortum hunc esse naturalem, & non potius contra naturam factum? Risit semel in omni vita Crassus; Zoroastres vero, qua die natus est, risisse fertur; credo, propter sidera & stellas, quas est postea summa cum diligentia contemplatus. At Demophon, Alexandri miles, egregie tremebat ad solem, calefcebat ad umbram. An igitur haec talia, quae paucissimis contingant, censes dicenda naturalia? Quod si multi sunt ingrati, quod ego tibi nunquam sum inficiatus, si multi scelerei ac detestabiles, si nulla denique civitas improborum vacua, ut ait Xenophon, quod propter tam immensam multitudinem necesse est evenire; quidnam aliud ingrati, quid mali, detestabilesque, dicuntur, nisi quia, legibus naturae non parentes, eius ordinem funditus perverterunt?

adeoque naturalia.

Exempla.

Applicatio dictorum ad ingratitude.

Magna vis est naturae, optimum sibi in omni rerum procreatione proponit; sed tamen, ut Democriti careat medicamento, quo boni, pulchri & fortunati liberi nascebantur, deficit interdum, & quod proponit, praestare non potest; a quo si quid gignatur mali, quod fere non accidit, id praeter suum morem evenies. Fures quotidie suspenduntur; adulteri & parricidae, & qui sunt eiusmodi, acerbissimis suppliciis cruciantur. Cur ita magnus est numerus eorum? sed, ut bonis aequari non possit; putasne datum natura, ut adulteri, ut parricidae, ut fures, efficiantur, quoniam multi inveniantur tales? Ego vero ita sentio. Sed, rectene sentiam, nescio; hoc tantum scio, te quoque idem aliquando sensisse, eam rem solum appellandam esse naturalem, in qua aut omnes, aut plerique, semperque consentiant; contra vero naturam omnia, quaecunque rara insperataque contingant. Quod si populus Romanus adversus plurimos est habitus ingratus, quod ego tibi non plane assentior, si Thebani, si Carthaginenses, si denique permulti; modo id videndum est, an & semper, & in omnes, fuerint ingrati. In exilium profectus Africanus ingratam patriam appellavit. Nolo disputare, an recte appellaverit, cui & Consulatus ante tempus & honores amplissimi decreti. Orantem praeterea tanta turba in Capitolium secuta, ut magistratus pene soli & subsellia vacua remane-

maxime per  
exempla.

manerent. At vero, cum Petilii diem illi dicere voluerunt, vocatus in iudicium, & causam dicere iustus, patriae ingratitudinem exprobravit. Quid si iudicium vel amore, vel magnitudine rerum a se militiae gestarum, vel auctoritate, devitasset; quantum legibus fecisset iniuriam? Sustulisset aequitatem, ius patrium pervertisset, & libertatem populi Romani a se defensam offensusset. Idem in Camillo. Pluris enim auctoritatem publicam, quam privatam dignitatem, facere voluerunt. Quo plane licet intelligere, Romae non tam privatam gloriam paucorum, quam publica legum iura, valuisse. Idem in ceteris censeo esse dicendum. Nullam enim, arbitror, Rempublicam tam dementem esse potuisse, in qua plurimorum sententiae vigent, ut in ingratitudinem communi omnium consensu vel errore aliquo, vel dolo, avaritiaque, conciderit. Sed fac, omnes fuisse ingratos, quos ipse paulo ante memorasti, (non enim est contra me), illud modo videndum est, an fuerint & omnes, & semper, ingrati, vel, id si nimium tibi videatur, an plerique, & frequenter. Quod si esset, non possem non asseverare, ingratitudinem rem esse naturalem, nec ulla reprehensione dignam. Sed longe opinor aliter. Nam si Cn. Pompeius male egit cum Carbone, si Popilius in Ciceronem, Sextilius in Caesarem oratorem, Bersus in Dacrium, multo fuerunt ingratislimi? num eos



Quid de in-  
gratitudine  
senferint ma-  
iores, quam  
uberrime do-  
cetur, partim  
exemplo Ro-  
manorum:

centes in ceteros omnes, num etiam semper, ingratos extitisse? Quid si grati fuerunt aliquando, vel in eos ipsos, quibus postea fortasse non sine causa nocuerunt? Sed non est propositum, causam agere ingratorum, quos ego ne vita quidem, nedum patrono, dignos existimo. Sed quid si isti, quos nunc tam vehementer acculas, aliqua in re laessiti atque offensi, non tam inferre, quam ulcisci, iniurias, putaverunt? Sed eos, ut dixi, minime defendo; pauca tamen afferam exempla maiorum, eaque per breviter, ut quid illi de ingratitudine senferint, intelligere valeamus. Primum omnium populum Romanum consideremus, quem tu quasi reum capitis damnare videbaris, cum in plurimos fuisset ingratus, qui, si de se optime meritos non ornaverit, sed contemserit, non gratia, sed ignominia persecutus fuerit, supplicis quamvis durissimis afficiantur. Sin vero, qui vel in officio & societate mansere, vel in rebus adversis opem auxiliumque tulerunt, maxima sunt ab illo beneficiorum praemia consecuti, eum, si placet, ab hac quasi forensi decertatione liberemus. Et enim consideranti mihi saepe numero & retum a populo Romano domi militiaeque gestarum magnitudinem cogitanti, nulla maior causa videri solet ad tantam illam nominis atque imperii gloriam provexisse, quam ingens quaedam & incredibilis actio gratiarum, & beneficiorum admirabilis compen-

compensatio adversus omnes, a quibuscunque beneficium vel perexiguum accepisset. Quibus enim praemiis cives suos persequeretur, qui praeclarum aliquod facinus pro Republica peregissent? Eorum augebat dignitatem; auctam vero opibus, auctoritate, gloria, exornabat, quibus provocatus optimus quisque labores durissimos terrarumque perpeti; capitis pericula subire, mortem pro patria appetere, non dubitabat. Qui nisi cum privatim, tum publice, fuissent exornati; nescio, an tantam ad eas res gerendas animi magnitudinem contulissent. Omnibus enim, qui dignitatem populi Romani atque imperium tuerentur, qui Rempublicam augerent, eamque diligenter administrarent, maxima erant proposita praemia. Quippe qui insignis quicquam domi militiaeque gessisset, huic coronae, huic statuae, huic orationes; huic triumphi, huic ornamenta, huic mille rerum gestarum insignia, parabantur. Nam quid arbitraris; Romanos tot genera excogitasse coronarum, nisi ut cives suos, qui aliqua virtutis gloria florissent, laudem meritis prosequerentur amplissimis, eosque ad res magnas obeundas ardentius excitarent? Qui urbem aliquam obsidione liberasset, obsidionali donabatur corona; Civica, qui captum civem hostibus eripuisset. Qui vero primus in hostium muros profuisset, murem; qui primum in castra hostium irrupisset, castrensem acci-

ss 5 piebat.

piebat. Quid in bello maritimo? Qui primus in hostium profuisset, navim, navali; quique illorum magnum numerum vel mari, vel terra, cecidisset, triumphali; qui non magnum sudisset numerum, tamen bellum, parva victoria, consecisset, ovali coronabatur. Et ne quid sine praenio fieri posset videretur, si qui, bello cum ipsi, non interfuissent, aliquid tamen, pro imperatoris victoria procurassent, hi quoque sua virtutis ornamenta consequerentur. Imperatorem si quis in bello, servasset, huic etiam Senatus assurgebat; una esse, propeque assidere, iubebat, munus vacationem ipsi patri avoque paterno concedebat. Et quod multo mihi pulcherrimum videri solet, si qui sibi coronam virtute in vita peperissent, eandem mortuis, non illis ipsis solum, sed eorum etiam parentibus, imponi, laudesque clarorum hominum ad cantus & tibicinem in concione laudari, voluerunt; quod genus laudis Naenia dicebatur. Maiorum etiam gesta in convivio canebantur. Quid hoc gratius dici potuisset? Quid dicam tot statuas triumphales, tot amplissima sepulchra, tot clarissimos titulos, tot imagines & monumenta maiorum? Quid tot celeberrimos gloriosissimosque triumphos? Atque ut alte repetam, quid Romulus egit? Nonne Hostilium, quod primus urbem Etruscum irrupisset, frondibus coronavit? Non tunc auro cincta, purpuraque fulgebant? Et tamen erat ali-

quid, quod minus gloriose expeteretur. Nam, quae nunc spe praedae bella geri solent, tunc gloriae cupiditate gerebantur, & quae nunc in auro atque in argento fiunt discrimina, (nam haec sunt, quorum gratia decertatur) tunc in lauro, myrtho, gramineque, fiebant. Felix sane prior illa aetas, contenta, ut ait Poeta, fidelibus arvis. Quid, ne nimis aetati nostrae succenseam, in Comitum Romani? quid in Q. Mutium egerunt? quorum alteri, quod pontem solus contra fortissimum hostium impetum tenuisset, statum in Comitio collocarunt, agrum praeterea, quantum die arari posset, donaverunt, singulique in eius domum munuscula contulerunt; alterum, quod, interfecturus Regem, in hostium castra penetrasset, Regemque ipsum, metu insidiarum perterritum, ab obsidione removisset, maximis sunt, & laudibus, & muneribus, persecuti. Agro enim trans Tyberim donaverunt, quae, ne tanti beneficii excidere posset memoria, Arva Mutia vocaverunt. Quid in Cocleam virginem? quam primam omnium equestri statua decorarunt. Quid in Manlium? a quo sunt Galli e supremo iam Capitolio deiectioni. Commendatus a suis vehementer. Parum id quidem, quando verba magno non constant; sed militari etiam consensu donatus est. Singuli enim milites ac tribuni sex quisque libras farris totidemque vini quartarios in aedes, quae erant illi in Capitolio, con-

contulerunt. Magna, me Hercule, praemia; in tanta praesertim caritate rerum. Fama enim durissima premebantur; sed erant grati in homines. Quid igitur postulamus? etiamne in feras? certe sane, quod equidem vehementer admiror, tam ad unguem, ut aiunt, gratos esse voluisse. Nam cum anserum strepitu Manlius ascensum hostium praesensisset: statuerunt anserum cibaria in primis a censoribus collocari. Vide, quantum abest, ut, fuisse eos ingratos, dicam, qui cum anseribus beneficio certaverunt. Quid in Minutium Augurinum? Pretium farris in tribus nundinis ad assem redigenti, statuum auratam extra portam ter geminam, stipe ab universo collata populo, dicaverunt. Trebio vero, quod aedilis frumentum populo praestitisset, idem honor statuae in palatio & Capitolio cessit; functus autem vita populi humeris in rogam portatus est. Sic Valerius ille, qui Publicola est appellatus; sic Agrippa, Senatus plebisque conciliator; sic alii permulti. Quid dicam, T. Manlium Torquatum non solum aurea corona donatum, sed cognomen sibi ac suis posteris adeptum, quod Gallum singulari certamine superasset, & pro concione a Dictatore Quinto commendatum? Obruor copia exemplorum. Sed indulgebo mihi, paucisque expositis, modum illis imponam. Cornelio Consule exercitum Romanum incaute per hostium fines ducente, cum signa re-  
ferre

ferre non posset, circumfessusque ab hostibus, magno cum periculo in apertam calamitatem incidisset, P. Decius, Tribunus plebis, novo consilio exercitum & consulem liberauit, pauloque post & Samnitum copias fudit. Praeclara quidem res digna nomine Deciorum; sed num fuit consul ingratus? num universus exercitus, gratiam non egit? Laudato enim in concione coronam auream, boves centum, unumque praeter ceteros niveum, auratis cornibus, consul largitus est; a legionibus autem graminea corona capiti eius imposita; porro tertiam milites obtulerunt, qui, Decium secuti, tam praeclaro facinori interfuissent. Iis consul singulos boves & binas tunicas, legiones autem libras farris & vini sextarios contulerunt, ut plane mihi exclamare libeat: O tempora! o mores priscos! quantum in rebus omnibus diligentiam, quantam in beneficiis referendis gratiam, adhibebant. Valerium, postea dictum Corvinum, Camillus Dictator, Servilium Cornelium Lentulus consul, aurea corona donavit. C. Duellio, qui primus navalem victoriam ex Carthagenensibus reportavit, quot honores a Senatu decreti? Et nos quidem audemus illos accusare? Facimus profecto non grate, qui eos sic appellamus ingratos. Nam quid ego dicam templum illud Fortunae? quid aedem Pietatis? quid constitutionem illam praeclaram, qui in legatione morentur, his equestres in

in foro statuas collocandas? Sed praeterea-  
 mus sane exempla domestica. Eumenidi,  
 quod contra Antiochum bellum cum popu-  
 lo Romano gessisset, universam Asiam con-  
 cesserunt. Massiliensibus, quod pecuniam  
 publice exactam Romam misissent, qua se  
 populus Romanus a Gallorum obsidione red-  
 imeret, locus spectaculi in Senatu datus,  
 immunitas decreta est. Foedus quoque  
 cum his aequo iure percussum. Cum Cereti-  
 bus, quod sacra sacerdotemque Romanorum,  
 Gallorum incendia fugientem, recepissent,  
 auspicia propterea fieri decreverunt. Quid  
 illa legatio ad Aetolos, ut ex urbibus Aca-  
 naniae praesidia deducerent, liberos esse pa-  
 terentur, qui soli contra Troianos, origines  
 suae auctores, auxilia non praestitissent?  
 Quam longe, Dii immortales, repetita gra-  
 titudo! ut non solum recentia, & in se col-  
 lata, sed vetustissima maiorum suorum, be-  
 neficia recognoscerent. Sed, ne unius po-  
 puli Romani exemplis inniti videamur,  
 quid senserint ceteri, cogitemus. Ea res  
 indicio esse potest, quantum, ingratitudinem  
 aspernati, vitandum id vitii, ac totis viribus  
 fugiendum, putaverunt. Nam quae de Ari-  
 slide, atque Aetichine, ceterisque, dicebas, non  
 secus accipienda existimo, quam quae de A-  
 fricano & Camillo afferebantur, plus va-  
 luisse ius publicum civitatis, quam privata  
 merita paucorum. Quamquam ideo quo-  
 que arbitror, fieri potuisse, ut civitates non  
 semper

partim Grae-  
 corum

semper bonorum cura atque auctoritate re-  
 gerentur. Saepe factionibus, intestinisque  
 discordiis, statu Reipublicae perturbato, & or-  
 dinum ac magistratuum dignitate sublata, le-  
 ges non valent, aequitatis iudicia con-  
 temnuntur, pelluntur optimi quique, & in  
 sceleratorum omnia potestate sita, non ra-  
 tione, sed libidine, non moderatione, sed  
 impetu, non auctoritate, sed licentia, non  
 denique iure, non legibus, sed iniuria, sed  
 ambitionis furore, geruntur. Quod equi-  
 dem non negaverim tunc accidere potuisse,  
 cum pulsus est e civitate Themistocles, cum  
 Theseus e regno electus, cum missus in exi-  
 lium Aristides. Sed ego non, quid seditio-  
 si, aut scelerati homines fecerint, quaren-  
 dum puto; sed, quid sanctissimi cives egerint,  
 considerandum. Omnes enim invenio fuis-  
 se gratissimos. Sed ne accusa, obsecro, A-  
 thenienses. Nam quid si tuus adesse possit  
 Hippocrates? Ille vero nequaquam tibi ista  
 concederet, qui, cum venientem ex Illyriis  
 pestem praedixisset, missis per omnes Grae-  
 ciae civitates discipulis, ad remedia conferen-  
 da, Athenienses, ac etiam totius Graeciae  
 civitates, honores illi Herculis decreverunt,  
 divino affecti beneficio, divinam gratiam  
 referentes. Quid in Berosum? cui futura  
 praesentienti, & multa, tanquam cerneret,  
 divinanti statuum, aurata lingua; collocave-  
 runt. Quid rursus in Demosthenem? qui,  
 cum civitatem ad bellum contra Alexan-  
 drum



drum suscipiendum impulsisset, idque ut faceret, aurum ab Arpago quodam accepisset, pulsus civitate, forte apud Megaras exul, haud multis post diebus Athenienses legatum ad Peloponenses sollicitandos mittunt, hunc secutus Demosthenes, Sicionios agros, Corinthum, & reliquas Graeciae civitates, Atheniensibus sua illa divina eloquentiae ubertate coniunxit. Qua cognita re, Athenienses, missa obviam navi, eum summo consensu omnium ab exilio revocaverunt, dignitatemque pristinam reddiderunt. Armodium & Arislogonem, quod Ippia tyranno interfecit, civitatem servitute liberassent, publico decreto servis aspicere non licebat, ne, qui libertatem ipsi peperissent, servili pollui aspectu viderentur. Quam propensa gratia, quam honesta? Et tamen adhuc privatos agimus. Cheronesi populum Atheniensem, contra Philippum auxilia ferentem, coronaverunt aurea corona; Gratiarum quoque templum beneficii testimonium erexere. Quid Bisantios atque Perinthios dicam? qui eidem populo, quod eundem regem, omnia eorum oppida ferro atque incendio vastantem, represissent, statuam sex decem cubitorum in Bosphoro posuere, Quid illa Solonis lege praeclarius, qui pro patria in bello cecidissent, maxime illustrandos esse, & clarissimis monumentis exornandos; liberos vero eorum publice alendos atque erudiendos esse? Actionem quoque adversus

adversus ingratos inexpiabili lege sanxerunt, credo. Perdas secuti, apud quos durissimis ingrati suppliciis afficiuntur, infamesque habentur. Audio, quasdam fuisse nationes, aliarumque gentium. ubi, si qui eius criminis convicti essent, palo medio gutture trajecto, necabantur; dignum sane tam nefario scelere supplicium. Quid illud, ab Atheniensibus primum, mox a Romanis, institutum, servos, qui essent manu missi, nulla re alia in servitutem redigi posse, nisi aliqua erga dominos ingratitudine notarentur? Commendandi etiam Massilienses, apud quos ingratos servos, etiam si ter fuissent manu missi, in pristinam tamen conditionem cogere licebat. Sed nimis exemplis abundamus. Satis equidem, arbitrator, demonstratum, neque naturalem esse ingratitudinem, quam optimi & probatissimi quique detestantur, nec rursus bonam, cuius arcendae ac puniendae gratia tot leges excogitatae, tot confirmati mores, tot denique omnium hominum & civitatum consensu poenae constitutae. Atqui utilis est ingratitudo & saepe necessaria. Sic enim tibi videri dicebas. Fateor id quidem; sed his duntaxat utilis, qui in congerendas pecunias, accumulandasque divitias omnem spem atque animum contulerunt: quanquam iis ipsis obesse potest nonnunquam, quos nemo, si modo sciat, esse ingratos, liberaliter poterit magnificoque tractare. Sed eam tu ideo volebas esse necessariam, cum neque furio-

Unde colligitur, ingratitudinem neque naturalem esse, neque bonam.

Sed neque utilem, neque necessariam, eam esse, ulterius demonstratur.

sis parentibus ferrum esset exhibendum, neque amicis turpibus in rebus obsequendum, neque aegrotis familiaribus aqua porrigenda. Quis non tibi ista concedet? Quis tamen ingratitudinem hanc esse fateatur? Nam hoc totum est a me. Praebere enim furioso ferrum, aegroto aquam administrare, quid, obsecro, incommodum maius posset offerri? Tibi vero, qui ista non facerent, viderentur ingrati? Equidem delirare te dicere, nisi scirem, tuam longe ab oratione sententiam abhorrire, & animum ipsum vehementer cum lingua pugnare. Quae maior ingratitudo? quae immanitas effera, quam praestare amico, quae non modo videas non profutura, sed valde etiam nocitura esse cognoscas? Pulchra sane vero benevolentia, tum multo pulchrior, si hoc benevolendi genere adversus inimicos utamur nostros, eosque tanto nobis vinculo colligatos hac ipsa caritate & benevolentia prosequemur. Nam in amicos quidem non attinet dicere. Video, te ample satis de liberalitate magnificeque locutum: ut sumus omnes loquendo magis, quam faciendo, magnifici. Laudamus liberalitatem; in coelum tollimus sapientiam; doctissimum quemque suspicimus, admiramur, & omni ornamento dignissimum indicantes, in summo coeli culmine collocamus; verba tamen sola profundimus, rem & pecuniam continemus, probitas, ut ait Poe-

ta,

ta, laudatur & alget. Si qui gratiam expectant beneficii, eos, ais, vel aucupibus, vel mercatoribus, esse simillimos. Ego vero, in liberalitate pretium expetendum esse, non arbitror; sed nec tamen, si res exigat, desperandum, non quod ipsi repetere debeamus gratiam, sed ii ipsi, quibus fuimus benefeci, officio fungentes suo, ultro nobis, cum opus est, referre teneantur. Nam quid ego dignum tua magnificentia dicam? qui statueris, hominem in beneficiis conferendis, & in hoc ipso genere largiendi, Diis esse immortalibus comparandum, qui, ut gratis, sic etiam ingratis, lunam splendere, lucere atque oriri solem, & terram ac coelum patere, voluerunt? Vide, ne ram, ut est in fabulis, imitemur, quae, cum bove de magnitudine certatura, tanto presso diu spiritu intumuit, ut, suam egressa magnitudinem, rumpereetur. Nam si Dii immortales, quorum beneficio sumus coelum, terram, mare, vitam atque omnia, consecuti, magna in nos semper munera contulerunt; si frumentum, si poma, si aurum, si denique cetera, ad usum hominum produxerunt; num putas, quasi acervos illis extare, qui donis aut largitione minuantur? num vasa, quae depleantur? Habent enim Dii rerum omnium copiam incredibilem atque abundantiam redivivam, quae nec carpendo exhauriri potest, nec ulla vi aut tempestate intercipi. Stabilis est, plena est

Quae sit Deorum, dum  
largos atque  
beneficos se  
praestant,

quae homi-  
num,

& sempiterna, nullo exhaustu, nullaue at-  
tenuatione decrefcent. Itaque Dii secure,  
plenaque, ut dicitur, manu largiuntur.  
Homini alia ratio est habenda. Sunt edu-  
candi liberi, sunt alendi parentes, sunt etiam  
amici atque affines, si qui sint, pauperes su-  
stentandi. Quibus rebus haec fiunt, oportet  
quaerere labore & vigilantia, quaesita ve-  
ro non temere dissipare, nec in sterilem  
terram semina proicere, sed uberrimo &  
fertili solo committere. Nam ubi sunt il-  
la exhausta; novo labori est opus. Tum  
aetas laboris patiens, nisi parata sint iuveni,  
quibus sustentetur senex, in tristissima aeru-  
mina laboriosissimaque miseria confenescet,  
sane fortasse moriturus, illacrymatus infe-  
pultusque morietur. Domus enim aetatis  
senectus est. Illo sunt nostri labores, no-  
strae peregrinationes, negotiationes, consilia  
referenda, ut tranquillam quietem & rebus  
affluentem necessariis tanquam domum ha-  
bitemus. Haec qui non cogitat, atria lu-  
strabit vacua, & tunc demum sapiet, cum  
ne quicquam sapiet. Itaque hominis pluri-  
mum intererit, quibus elargiatur; Deorum  
nihil intererit. Civitates autem & impera-  
tores, quanquam maxima solent conferre,  
cum militibus praemia, tum civitatibus or-  
namenta, qui praeclarum aliquid eorum  
gratia gessissent; non tamen est magnope-  
re mirandum, si nullum saepe velint inter  
gratos atque ingratos esse discrimen. Nam  
sunt

quae denique  
totarum civi-  
tatum impera-  
torumque  
conditio,  
monstratur.

sunt quaedam genera donorum, quae, nisi publice omnibusque conferantur, non gratiam inibunt aliquam, sed odium atque invidiam parient sempiternam, ambitionis potius, quam liberalitatis, nomen habitura. Si quis frumento populum donaverit, exercitum stipendio auxerit, civitatibus vectigalia remiserit, idque publice in universos egerit; maximam ille quidem omnium benevolentiam comparabit, & liberalitatis sibi vindicans opinionem, amplissimam ex ea largitione gloriam consequetur. Sin id efficiet privatim in singulos, invidia conflata multorum, beneficentiae nomen tollitur, suspicio nascitur ambitionis. Quare coactae civitates & imperatores, non ut ingratum quicquam conferri velint, sed ne dissidium pariant, neve factiosi aut ambitionis videantur, ut possint gratis praestare beneficia, praestabunt etiam ingratum; illis ornamentum gratia, his vero ignominiae fugiendae. Accedit ad haec illa altera tua magnificentia, non solum nullam ex liberalitate gratiam expectandam esse, sed, quantopere fieri possit, beneficium occultandum; Thesibium, nescio quem asserabas ab Archetilo, optimo & sapientissimo viro, insigni dissimulatione donatum, cuius exemplo rapuisse me sublimem & in pistrinum compegisse videbaris. Sed ego molam illam asinariam, si modo potero, detestabo. Nam cum omne beneficium ex duobus fa-

A dante quidem beneficium recte illud occultandum;

ab accipiente pissunt constare videatur, conferente altero, altero vero accipiente; nunquam negaverim ab altero perquam diligenter occulendum atque omni studio tegendum esse, ab altero autem, qui acceperit, quanta maxima potest manifestatione, praedicandum, omnibusque patefaciendum. Exemplo nobis potest esse terra, cui, quoties semina committuntur, occulenda sunt & comprimenda vehementer. Paulatim illa deinde commissa exerit atque ostentat, & radicibus longe lateque propagatis, ramusculis exornat, & quo apertius illa videri possint, suavissimo & pulcherrimo flore praecingit, & quasi laetitia gesciens, fructus tandem reddit uberimos. Sic, qui seminat beneficium, occultare illud debet, & quasi tectum animo comprimere, ne cernatur; qui vero accipit, exerere ac manifestare, & quibusdam laudum ramusculis munire, floribusque vestire dignitatis, ut, etsi fuerit exiguum, tanquam semen aliquod, quam latissime propagetur, extollendo & praedicando, postremo vero gratiam referendo. Sed ego ab Archetilo tuo non discedam longius. Fuit is auditor Crantor, a quo cum diligentissime Philosophiae praeceptis imbueretur, dixissetque Crantor carmen illud Euripidis: Num gratiam habebis, virgo, si te servarim? (nam putabat, hoc praestare Philosophiam, ut eam secuti liberi ab omni fortunae impetu servarentur) respondens Archetilo verbum

Exempla.

sequenti: Duc, ait, me, hospes, & ancillam, aut coniugem, ut voles, habe. Quibus verbis ostendit, nullam esse tam uberem & cumulatam gratiam, quae pro accepto beneficio digne satis referri possit, ne libertas quidem, cuius conservandae gratia Clito, gnatus ille Gallicus, filios censuit comedendos. Quod Phalisci plane ostenderunt, qui, proditis a paedagogo liberis, hisque a Camillo restitutis, veteri sese libertate spoliare, quam ingrati censi, maluerunt. Quid Carneades? Nonne, quoties in Crisippi, cuius fuerat auditor, mentionem incidisset, aperte dicere solebat: Nisi Crisippus fuisset, ego profecto non essem? Quid? etiam illud ipse Crisippus, qui, cum adversus Cleantem aliquando paulo contentiosius disputasset, ceteris in rebus se dicebat esse felicem, adversus unum Cleantem infelicissimum, adeo sibi turpissime facere videbatur, a quo disciplinam omnem accepisset, eum sic disputando & contendendo laessere. Platonem adhuc pene puerum, damnato Socrate, suggestum concendisse, accepimus, ac Socratem praeceptorem defendere voluisse. Sed aetate prohibitus, Socratem, quocunque accessisset, habebat in ore, illius virtutem, illius humanitatem, sapientiam, integritatem, in omni hominum frequentia praedicabat. Aliquanto mollior, sed tamen idem sentiens, Epicurus, gratiam amicis, etiam absentibus, dicebat, esse referendam.



Declinatio  
Charitum  
apud veteres

Sed quid ego veterum dicta commemoro,  
cum extant etiam facta? Sculptis in aere  
gratias, quas Graeci *χαῖρες* appellant, So-  
crates primum, mox Speusippus in Plato-  
nis schola, quae erat in academia collocata.  
Erant sorores tres, & virgines, & puellae,  
manus invicem complicatas tripudiantium  
more gerentes, risu praeterea sese ac mu-  
tua congratulatione delectantes; vestis au-  
tem profusa nimis & perspicua, eademque  
omnibus, videbatur. Sed vide, quam venu-  
ste, quam etiam fuerant depictae praeclare,  
nec tam ad oculos detinendos, quam ad  
cominendos animos, excogitatae: quas id-  
eo tres esse voluerunt, ut primam dantem,  
alteram accipientem, reddentem tertiam, de-  
notarent; manus autem confertas & com-  
plicas nihil aliud, arbitror, quam benefi-  
ciorum vincula, significare voluisse, ut nun-  
quam esset finis referendae gratiae, sed eo  
rediret, unde esset illa profecta; puellas qui-  
dem ac virgines, risu sese aspicientes, re-  
centem gratiam, eamque non corrupte, sed  
integre, non turpiter, sed honeste, non du-  
riter atque aspere, sed iucunde ac placide,  
referendam. Quid luculentas & profusas  
vestes? An aliud sibi, credimus, voluisse,  
quam liberalem largitionem atque apertam  
remunerationem esse debere, ut neque ava-  
re conferatur beneficium, neque reforatur  
occulte? Sic Socrates, sic Speusippus, iussit  
Multos facit insepulpi. Quocirca non sic spernunt mer-

mercedio abiciendam puto; non tamen spes recipi-  
dixerim, repetendam esse mercedem, nimis endae ali-  
id quidem esset illiberale; sed nec desperan- quando gra-  
dam quidem, cuius aliquando possis agere: tiae liberalis  
Quid enim stultius, quam providere aliis, atque benefi-  
tibi ipsi minime consulere, cum benefacies? cos.  
Si quem tu ab inimicis aut hostibus eripuisti,  
si quem afflictum excitali, exulem hospitio  
suscepisti, tuque in eandem incidas calamita-  
tatem; nonne ideinadversus te fieri, patema  
que referri gratiam, expectabis? Mihi vero  
nunquam tanti erit in alios liberalitas;  
ut in me ipsam efficiat illiberalis; nec  
tam diligens patronus salutis alienae, ut  
quid mea postulet negligentia non consi-  
derem. Omnes fere mortales spe quadam  
alimur & sustentamur, qua sublata, nemo  
est, qui beneficia putet esse praestanda, ne-  
mo, qui Regibus, qui Reipublicae, qui Sena-  
tui, censseat obsequendum. Quod si, quibus  
nunquam finimus honori, nunquam praesi-  
dio, nunquam utilitati, impetrare tamen ab  
his aliquid non desperemus; quantam in  
his spem putabimus collocandam, quos or-  
navimus, iuvimus, & in, quanta amplissima  
fieri potuit, dignitate constituimus? Tu ta-  
men nihil ab eis censet sperandum. Quid  
ab hostibus, si ab his nihil sperem? Rem  
equidem fateor valde praecelaram, cumulare  
beneficia etiam adversus ingratos, nec fru-  
ctus aliquos expectare, sed ad Deos, non ho-  
mines, ut diximus, pertinentem, quibus tan-

ta rerum omnium aeternarum abundantia, copiaeque suppeditat, ut non solum modio non mensurare, sed nec mente quidem ipsa cogitare, valeamus. Hominis autem fortunae tenues ac perexiguas, & ad omnem iacturam ac tempestatem expositas, diligenter constituendae sunt, ne, navi semel fracta, raso, ut aiunt, capite, limina lustremus aliena, & mendicam, ut dicitur, opem imploremus. Eas vero si quis suo detrimento beneficus etiam ingratas velit elargiri, in bonos atque gratos propter illarum exiguitatem conferre non poterit. Atqui furere tu me & vacare mente, nedum Philosophiam provertere, clamabas, qui dixissem, homines deceptos semel ab ingratas, in bonos & gratos liberales amplius & beneficos esse non posse. . . . Hae tibi illae tam magnae furiae videbantur, quibus universam Philosophiae provinciam populatus, tanquam ad arma atque ad bella excitarem. Sed ego virum securiorem te vidi neminem, qui ne in manifesto quidem periculo pertimescas. Ceterum quoties a te, non dicam pecunias, (nam denegantur illae, nescio, quo pacto, confidentius) sed libellum aliquem vel perexiguum postulavi; tollebas manus, coelum intuebaris, & Deos te immortales iurasse dicebas, nemini copiam esse facturum, quod esses, nescio, a quo tuo, ut dicebas, familiari deceptus, cuius tamen nomen dicere vereraris. Vide, ut tuo te mucrone iugula-

Qua cessante  
omnis corrumpit  
liberalitas,  
omnis beneficentia.

ve.

verim, qui, si sic censes in liberalitate & beneficentia perseverandum, ut nullius culpa terreamur, nec, etiam decepti alieno scelere, ab officio consuetudineque nostra tam praeclara moveamur: cur igitur vel ita facio, ut non sentis, vel ita non sentis, ut dicis? Ne ride. Nam id profecto inficiari non potes. Equidem cum saepe alias, tum etiam heri, vacuus a te discedens, novam istam in te religionem non mediocriter inculcavi. Cum enim Celsi tui videndi magna me libido incessisset, audiveram, mirifice illum de medicina locutum, clarissimos quoque medicos complexum: quos non tunc Deos, quos non homines, testabar? non modo mihi, quo cum esses hac mediocri consuetudine & familiaritate coniunctus, sed ne parenti quidem tuo, si forte revivisceret, copiam esse facturum. Atqui utinam tu solus ea sententia esses. Idem & multi & saepe factitarunt, ut, ab aliquo quodam decepti, vel in rebus aliis, vel maxime in pecunia, quae veris, ut ait Poeta, lacrymis amissa ploratur, nulli amplius fidem putent adhibendam. Negare non possum, facere eos prave; sed tamen eam pravitatem quam paucissimi cogitant, vel quia natura ipsa illiberales occasionem negandi satis idoneam nacti sibi esse videbantur, vel cum, ut est in veteri proverbio, quos ignis flammisque offenderit, hi fumo cinereque terrentur. Si hirundines, si passeret, si columbae, calamitatem

tatem suam minime sentientes, eodem in nido pullos perdere perseverent; non video, cur idem mihi censeas faciendum, nisi fortasse, quoniam illi laqueo saepe capiuntur, mihi quoque laqueum adire ac meme suspendere persuadeas. Nam duces quidem & imperatores semel, ut dicebas, bello superati, novum consilium inire, integrum exercitum cogere, postremo proelium instaurare consueverunt; fateor, si copias auxerint, locum equiorem legerint, vincendi spem firmius duxerint; alioquin, bello discedentes, in certamen iterum venturos esse, non arbitror. Non illepide Venetum illud asserebas. Sed vide, ne non indigni deceptione videamur, si minus, quam sit necesse, caveamus. Vetus proverbium est multorum consensu & opinione probatum: Decipienti me semel Dii male faxint; faxintque bene, si bis idem ille deceperit. Alterum enim in decipientis perfidia positum est, alterum a nostra sola temeritate profectum, qui, quam in foveam delapsi semel inscitia sumus, in eandem iterum negligentia nostra delabimur; quod qui faciunt, omni mihi videntur deceptione dignissimi. Quam ob rem ita nobis cavendum est, ne, quod dici solet, ridiculum incommodum subiungentes, nobis detrimento, risui ceteris, futuri esse videamur. Sunt haec, ut arbitror, propemodum absoluta, nisi novum aliquod bellum exoriatur. Quae reliqua sunt disputatio-

Quae tamen  
cum grano  
salis accipi-  
enda.

rationis nostrae, haud magno negotio retru-  
 demus, &, quam brevissime fieri poterit,  
 refellemus. Vide, quantum in te conce-  
 rim animi, quae, quanquam sunt a te dicta  
 copiose, tamen latere nos diutius, quae vera  
 non sunt, & sese occultare non possunt.  
 Video, divisionem illam ingratorum, cum  
 numero, tum etiam ordine, non tibi admo-  
 dum placuisse. De ordine inquit, dicimus;  
 nunc numerum ipsum, an omnia capiat,  
 videamus: quanquam ita ipse rem omnem  
 explicasti, ut non sit multum nobis elabo-  
 randum. Qui occulte refert gratiam, quid  
 agit aliud, quam gratiam non refert? Ob-  
 tinet enim testimonij vim gratia. Nam &  
 accepta beneficia fateri debet, & promeri-  
 tum ac virtutem testificatur alienam. Te-  
 stimonium vero sic praestandum est, ut pa-  
 lam publiceque nulla cum dissimulatione  
 praestetur. Aliter vero si fiat, neque vim  
 habebit aliquam, nec testimonium rite vide-  
 bitur appellandum. Quocirca qui sic refe-  
 runt, ut occultent, in primo divisionis no-  
 strae genere censéo collocandos. Sic qui  
 insolenter, qui duriter, qui tarde retulerunt,  
 veluti testimonium, vel extra iudicium & sta-  
 tutum diem, vel ab odio, ira, malevolentia-  
 que profectum, iuris ac legum auctoritate  
 repellitur, nullam habens vim ad res ipsas,  
 quarum nascitur controversia, diiudicandas.  
 Saepè iam diximus, tum de munus gratiam *Addimus*  
 esse referendam, cum sit necessaria. Haec praeterea  
 benda

Repetuntur  
 adhuc semel  
 genera ingra-  
 torum supe-  
 rius iam plus  
 simplici vice  
 proposita.

gratiae refe-  
rendae tem-  
pus atque  
modus.

De ordine  
confirman-  
tur ea, quae  
supra iam  
fuerunt alla-  
ta.

benda est enim in animo semper & tanquam parata, omni negligentia & tarditate reiecta. Qui vero, maximis acceptis beneficiis, fidebus se ac nunciis satisfacere, gratiamque accumulate referre, arbitrantur, plus errant, quam tota via. Sunt enim complicatae manus illae gratiarum & perpetuo sese ambitu reddentes, ubi beneficium acceperis, quo plus referas, plus referre tenearis, nec solum benefacienti, sed etiam benefacere volenti. Sedet in animo promeritum, a quo evelli radicibus nec potest, nec debet. Qui arborem ferit, semel ferit; fructus tamen illa semper parit uberrimos. Nec est beneficium in animo, tanquam lapis in agro, qui moveri aratro atque abiici queat; sola memoria excitatur, quae, quo plus excitatur, eo magis magisque complectitur voluntate referendi sempiterna, ut vectigalia, quanquam saepius exacta, debentur tamen semper quotannis. Habet enim beneficium quandam, ut ita dicam, obligationem, meritorum collatione comparatam, & radicem quandam humanitatis altissimam atque immensam, a benevolentia, officio, studio, caritate, profectam, quae omnia debent esse sempiterna, & vires ingentes a vetustatis diuturnitate suscipere. Sed iam ad ordinem accedamus, ubi tu me praeposterum iudicans, machinasque intendens, expugnare undique pertentasti. Sed nondum nostra propugnacula labefacta ac funditus deiecta vi-  
deo.

deo. Oblitos beneficii ceteris, tua sententia, deteriores existimabas, earumque ob rem ultimo in loco statuebas illos; alteros facile, se ad gratiam conversuros, mitigari posse, & odium illud vel vetustate sedari, vel acceptorum meritorum memoria & cogitatione deponi; oblitos, in eadem pertinacia haesuros, nullo pacto ab ingratitudine posse divelli, nec aliqua teneri recordatione, quominus iniuriam nobis afferant & contumeliam, quos nulla officii, cuius omnem illi penitus memoriam abiecerunt, moderatio lenienus, eoque nobiscum agent insolentius, quo quicumque se nobis debere non putat. Quam pulchra haec, quam etiam probabilia; quanquam mihi minime quidem videntur esse probanda. Sunt enim, quos ais, longe, fateor, ingrâtissimi, sed illis alteris nullo pacto, quantum ad ingratitudinem attinet, comparandi. Nam si quando nobis nocuerunt laceffiti, digni videntur, cum suis se adiutoribus se nocere non putent. Quod si putarent, nunquam fortasse nocerent, & quod ego saepe iam dixi, animus est hominum contemplandus, & cum in rebus aliis, tum maxime in liberalitate & beneficentia, quasi ad speculum intueudus; ad animum sunt omnia referenda; animo duce vivimus; animum rerum omnium testem habemus. Quod praeter illum agimus, id non agimus. Qui oblitus trahitur ad nocendum, is errore trahitur



bitur & ignorantie peccati. Qui vero, memoria tenens beneficium, insidiari tibi atque obesse non vereatur, non errore, sed perfidia, non ignorantie aliqua, sed atroci quadam & ceterata immanitate, peccabit. Utinam quidem interst, animone homines & studio ita faciendi, an casu aliquo & fortuna, delinquant? Sponte sua peccarunt illi; hi vero deliquerunt inuiti. Quocirca recte mihi utrumque genus videor collocasse. Tu, si alter censeas, ages, ut voles: ego sequar iudicium tuum, modo aequum te iudicem praebeas & veritati studentem, non mecum desista opera cavillantem. Reliquum est, quod tu mihi maxima & incredibili copia dicendi, extorquere nitebaris, ingratos nequaquam impune peccare, quo in loco, cum Deos deuitari me dicerem, non tam Deos ipsos defendere, quam quam ipse disputando valeres, ostendere voluisti. Nam, & praeter iudices illos inferorum graves atque severos multa impendente ingratissimis supplicia, contendisti, quae mihi paulo inegum alius repententi, vera nimirum esse videbantur, sed ad poenam illam, quam in animo ipse conceperam, non accedebat. Magna, me Hercule, poena, omnibus odio esse, maior, beneficio dignum non putari, multo maxima, omnium caritate, amicitia, ope, auxilio, benevolentia, spoliari. Sed homini irato, & a teo cruciatum expostulanti, non sunt ista satis. Furtum quis com-

misit,

misit, pellitur domo, nulla fide dignus existimatur. Magnum hoc quidem, sed nisi tortus eiulatus emittat, nisi cruci affixus dependeat, nisi vitam ipsam una cum scelere deponat; vix eum putaverim dignas satis poenas ac supplicia perfolvisse. Nam sunt paulo leviora, mulctari pecunia, notas frontibus inuri, mediocribus etiam suppliciis excruciaci, virgis caedi, totam urbem nudatum caesumque lustrare. His ingrati si afficerentur: possem vel mediocriter esse contentus, quanquam duriora illa parari cupiebam. Nam si quis furto deprehensus, etsi fidem non violat, durissima tamen morte mulctatur: qua poena, qua multa, quo supplicio, digni erunt ingrati, qui, sola perfidia adducti, ius omne fidemque pervertunt. Sed iam finem dicendi faciam, nec committam, ut provinciam occupem alienam. Dixi pleraque confidentius; multa etiam percutri celeriter, in quibus me tibi plenius fecisse non arbitror. Nec enim, quae sunt a te contra meam opinionem sapientissime, ut soles, acerrimeque prolata, magnopere me commoverunt, non quod non essent illa dicta praeclare; sed aliud est; controversiam agere, ubi adversarium paulo cupidius oppugnamus, aliud sententiam ferre, ubi, quod verum sit, studiosius diligentiusque perquirimus.

Conclusio  
causae.

est: deinde  
conclusio

U u

Satis

Satis longam mecum egisti controversiam, meque ex omni parte quasi stimulo pupugisti. Nunc sententiam feras, oportet, & quid de ingratitudine sentias, non quid disputare possis, aperias. Vide, quantum tibi tribuam auctoritatis, ut, quem habuerim adversarium, eum mihi iudicem eadem in causa constituam. Spero equidem sententias meas a te paulo ante deiectas, & quasi igni ferroque vastatas reaedificaturam. Quod si feceris, ardentius me ad haec philosophandi studia provocaveris, spemque induxeris meliorem. Nam, ut est in proverbio, qui aliquando non inepte, sapiebat nunquam. Quae cum essent dicta, contieui.

IOANNIS ANTONII  
CAMPANI AD PANDVL-  
FVM, BALIONIVM DE  
INGRATITVDINE FV-  
GIENDA

LIBER TERTIVS.

Praefatio  
Zenonis.

Zenonem illum Ciziceum, magnum in primis divino ingenio virum, a quo nomen Stoicorum simul cum disciplina innavit, cum, ex Phoenicia navigans, naufragium fecisset, oraculum consuluisse ferunt, quo-

quonam pacto vitam posset ducere beatam? responsumque, si vivens mortuos coleret, futurum illum in omni vita beatissimum. Quo responso ab oraculo accepto, Zenonem ad legendum antiquorum libros, annos iam triginta natum, omni se studio & diligentia contulisse, qui, cum annis multis Cratem Thebanum secutus, aliquid se adeptum in Philosophia, arbitraretur, dixisse fertur, nunquam secundioribus ventis navigasse, quam cum naufragium fecisset. Felicem sane navigationem & anram longe secundissimam! qua hominem illum praestantissimum, ex fortunae cupiditatumque fluctibus ac tempestatibus liberatum, in tutissimos Philosophiae sinus portumque tranquillissimum devexisset. Mihi quoque, profectio- nem meam aliquando cogitanti, & latronum insidias atque impetum recordanti, quamquam non tam altus portus, inunitum tamen a tempestate receptaculum datum esse videtur, qui, cum in Hetruriam proficiscens omnem meum animum atque studium ad civilem scientiam contulissem, ita sum fortunae acerbitate vexatus, ut, etsi fortasse non libenter, vere tamen, dicere possum, nullum unquam iter contingere mihi gloriosius ac felicius potuisse, quam cum in latronum insidias incidissem, a quibus non solum rebus ad eam scientiam necessariis, sed illo & animo atque studio spoliatus, totum me, cum ad res gestas mortuorum, tum

Et ipse Cam-  
pani exem-  
plis demon-  
strat,

Uu 2

vel

vel maxime ad sanctissimam Philosophiae  
 disciplinam, statui transferendum. Paucis  
 solam Philosophiam bene  
 enim rebus Philosophia solet esse contenta,  
 beateque vi-  
 vere docere. ut non solum non multis egeat, sed ne mul-  
 ta quidem cupienda praecepiat. Non ego  
 civilia iura contemnā, quae vel maximam  
 partem obtinent Philosophiae, in eaque fe-  
 re tota versantur, vel, ad bene beateque vi-  
 vendum excogitata, ex uberrimo Philoso-  
 phiae fonte manant; quanquam sunt post-  
 ea progressa longius, ut non tam ad sancte,  
 quam ad laute, vivendum quaesita esse vi-  
 deantur. Sed de illis alias fortasse liberius;  
 Philosophia vero cum fructus, alios parit  
 uberrimos, tum ad virtutem atque honesta-  
 tem vehementer accommodata, libidines,  
 voluptates, flagitia omniaque vitiorum ge-  
 nera, detestatur, inimicaque temeritati, e sub-  
 limi quodam excelsoque loco casus conte-  
 mnit humanos, & fortunae minas impetus-  
 que deridet. Hanc qui sequitur, nihil ha-  
 bet, quod desideret beatitudinis, nullus sibi  
 aditus interclusus ad felicitatem; ob hoc  
 ipsum felicior, quoniam sua est quantula-  
 cunque rerum fortuna contentus, ut qui ni-  
 hil omnino sibi putet cum temeritate, nihil  
 cum stultitia, esse commune. Sed Philoso-  
 phiam assequi magnum est, magnique opus;  
 nec humana fluxaque suspicientis, sed divi-  
 na atque aeterna sectantis. Ad eam tamen  
 consequendam plurimum valet exercitatio,  
 valet etiam boni copia praeceptoris. Altera-  
 ram

ram ergo si potero, non contemnā; alterum, fateri possum, nactum me esse praecellarum, & qui me non docere solum diligenter solet, sed ad eam ipsam, quam dixi, exercitationem vehementer hortari, ut currentem non modo calcaribus pungat, sed excitatum ardentius ingenti etiam clamore succendat. Quem si fata superstitem esse patientur, non despero, me quoque aliquid degustaturum, in quō non poeniteat elaborasse. Hic dux consiliorum rationumque mearum; hic hortator virtutum, castigatorque vitiorum; hic meorum praecipuus studiorum adiutor, ut, qui ante ignaro atque imperito remige per scopulos asperrimos navigabam, nunc optimo & sapientissimo fretus gubernatore, placidissimum in portum videar esse delatus. Gratias itaque latronibus agere, & possum, & debeo, non mediocres, qui me, auro ac vestibus spoliatum, in pretiosissima Philosophiae studia compulerunt. Si auro illo non caruissem, nunquam ad hanc me philosophandi provinciam contulisset, cuius animus, pecuniarum studio & cupiditate incensus, legum civilium incendio atque ardore flagrabat. Eripuerunt mihi incitamenta vitiorum, virtutum irritamenta reliquerunt; divitias, quibus ad leges est opus, abstulerunt; paupertatem, Philosophiae comitem, dimiserunt. O felices Deos immortales insidias! o impetum acerrimorum hostium amicum!

o pugnam denique illam, in qua vidi sumus, invictissimam ! gloriosissimumque ex calamitate triumphum ! Tunc enim me primum, a fortunae iugo & potestate subtractus, ad animi mei quietem, tranquillitatem, otium libertatemque, revocavi. Nam contentum esse suis rebus, nihil appetere, nihil quaerere, nihil desiderare, animum ad omnem fortunam, excelsum gerere, virtutem ultro complecti, vitia sponte detestari, ea mihi summa demum videtur esse libertas. Haec Philosophia praestat omnia, in qua nos, Pandulfe, cum saepe alia, tum maxime hoc tempore, cum Sulmonense duce & praeceptore nostro versamur, a quo quaecunque de fugienda ingratitude accepimus, litteris mandare constituimus hortatui tuo. Itaque ubi ipsi finem fecimus dicendi, me, ut solet, commendato, in hunc modum locutus est : Commodum mihi videtur hinc abire, ut ad umbram illam, quae sub ulmo est, fedeamus. Huc iam solis radii penetrarunt; quam ego rem, ne orationis tuae cursum interpellarem, rationesque interromperem, aliquanto sum perpressus diutius, quam valetudo postulare. Ibi, quod est reliquum contentionis nostrae, persolvemus. Eamus, inquam; sed vide, ne quod tu novum in me bellum moliaris. Satis iam videor tecum, nescio quam aequo Marte, conflixisse; fatis iam illo veteri & trito, ut ais, Graeculorum more

con-

Mutato loco,

excitatus a  
Campano,

contendimus. Feci equidem id invitus; et si pace tua dicendum est, etiam lacessitus & a te ipso compulsus. Sed iam vides, inclinare solem; nunc eo ventum est, ut non per inicias contentionesque, discurrere, sed, quod principio dicendi pollicitus es, sententiam tuam statuere, oporteat. Fortassis etiam, expectamur domi; tum vereor, ne hoc tempus vix tibi sit futurum satis ad concludendum. Recte opinaris, inquit; at, Nicolaus Sulmonensis, que ita, subiectis palliis, in umbra confedimus. Hic ille, graviter, inquit, mecum decessasti hodie, meque in mea castra fortiter repulisti. Congratulor itaque tibi vehementer, iam pridem acumen tuum sapientius admiratus, magnum, nescio quid, de tuo mihi ingenio pollicebar; nunc non admiror solum, sed pene, exumpor laetitia, cum vini tuam dicendi, copiam varietatemque, contemplor. Nam cum essent a me dicta per multa, non ad tentandum modo, sed ad rationes illas tuas quasi de industria, confutandas: Dii boni! quam acute, quam varie, quam uberrime, omnia dissolvisti. Perge itaque, ut coepisti, adolescens; Philosophiam totis viribus ac manibus, ut aiunt, pedibusque complectere: spero equidem, in magnum te virum doctissimumque hominem evasurum; me autem habebis nulla tibi opera, nullo tempore, defuturum. Sed, veram suam de ingratitude aperit sententiam, quid ipse sentiam de ingratitude, diligenter attende; nihil iam loquemur fictum, nihil



Et videtur  
omnino in-  
gratitudo  
longe turpis-  
simam maxi-  
meque dete-  
standum sce-  
lus.

nihil simulatum aut commentitium, ad veritatem omnia atque ad ipsam animi sententiam referemus, iudiciumque nostrum, ut sese habet semperque habuit, aperiemus. Contemplanti mihi saepe & res omnes ad bene sancteque vivendi studia referenti, virtutesque ac vitia dies noctesque consideranti, quibus vita nostra vel exornari, vel praeceptis agi, solet, nihil pulchrius videri solet, nihil honestius atque homine dignius, quam esse gratum; contra vero nihil detestabilius, nihil turpius & ab omni genere hominum alienius ingratitude. Vide, quantum adest, ut velim tecum novo bello contendere. Iam enim paulatim in sententiam tuam ipse delabor, ut cognoscere, quid hac de re sentiam, facile possis. Nec agam prolixius. Nam quid per Deos immortales vel ad societatem illam coetumque mortalium inutilius, vel ad vitam honeste agendam incommodius, vel ad amorem, gratiam, benevolentiam, comparandam alienius, vel ab omni officio, disciplina, humanitate, remotius ingratitude? Nam cum omnis nostra vita ulterius consistere beneficiis & mutua contineri caritate videatur, atque ita vivamus inter nos, ut alterius ope atque auxilio vacare nequeamus; sitque societas nostra, ad quam nati homines videmur, in benevola quadam & iunctissima consuetudine constituta; quid hoc scelere potest cogitari perverius? quid in-

insalutarius inveniri? qua re gratia pellitur, *Id vero pat-*  
 humanitas & benevolentia submoventur, *tim propter*  
 communis via honestaque vivendi consuetu- *naturalem,*  
 do pervertitur. Cetera quidem scelera, *qua est, tur-*  
 quantunque sint illa nefaria, unum aut alium *pitudinem,*  
 offendunt, habentque aliquid vel voluptatis,  
 vel utilitatis, quo pellecti homines aliquan-  
 do delinquant. At ingratitude non minus  
 ei, qui committit, quam in quem com-  
 mittitur, obesse solet: alteri, quoniam  
 beneficia nunquam amplius conferentur;  
 alteri, quoniam, quae profutura puta-  
 bat, prodesse non poterint. Itaque  
 omnibus nolesta atque insensa mortalibus,  
 in qua nulla cum voluptate aut delectatio-  
 ne, nulla cum utilitate, delinquitur. Facit  
 quis furtum, ei nocet, cui surripitur, pro-  
 dest autem plerumque furripienti; in adul-  
 terio deprehenditur, iniuriam fecit viro,  
 mulieri ac sibi peperit voluptatem. Si quis  
 ira percitus, & quibusdam quasi furiis ac fa-  
 cibus inflammatus, amens feretur, minabi-  
 tur, franget, deiciet domo familiam, extur-  
 babit; perbrevis erit ille furor. Quid  
 si etiam diuturnus? eos duntaxat offendet,  
 qui causam, quare iratus fieret, praebue-  
 runt. Quid ingratus? Nulla causa, nisi sua  
 perfidia, concitatus, eos laedit, quos non  
 debet, quos debet, non laedit. Non enim  
 inimicis erit ingratus. Sed quid ego vitia  
 commemoro? quasi aliqua possint vitia cum  
 hoc nefario & truculentissimo ingritudinis  
 scelere comparari. Equidem plurimos au-

partim pro-  
 pter turpissi-  
 mos, quos  
 producere so-  
 let, effectus.

dire soleo, aetatem hanc nostram haud parum accusantes, cum aliorum multitudine flagitiorum, tum vel maxime ingratorum copia incredibili. Queruntur enim & multi, & saepe, paucos admodum inveniri homines, qui & cognoscant beneficia, & cognita dignis meritis prosequantur. Accedit etiam vehemens animi perturbatio. Quippe si ab hostibus & inimicis, si ab incognitis & peregrinis, opem implorantes minime impetremus, si etiam irrideamur, aequo id animo ferendum putabimus, non culpa alienae, sed nostrae potius fortunae & calamitati tribuentes. Sed vero despiciemur ab ingratissimos, quos ornavimus, quorum opes auximus & dignitatem: dici non potest, quanta ira, quanta concitacione animi & mentis furore torqueamur; execramur nos ipsos, durissimos atque acerbissimos cruciatus imprecamur; beneficia, quae contulimus, in nostram redundasse ignominiam exilimamur, factumque id non minus temeritate nostra, quam perfidia putamus; aliena. Tunc oculos, si fieri posset, ingratissimos eveleremus, tam ardenti furoris incendio concitati, ut coelum, terram, maria, provocemus, serpentes ac tigres excitemus. Quod & sapientissimus Poeta cognovit, Et sic accensa profatur: (erat enim animo vehementer perturbato) Nec tibi diva parens, nec Dardanus auctor, perfide; (putabat, tantam nobilitatem non posse cum ingratitudine esse coniunctam,) sed duris genuit te cautibus hor-

horrens Caucasus; (non humana stirpe, sed ex lapidibus, natum esse, putabat.) Hircanaeque admoveunt ubera tigres, (e crudelissimis etiam animalibus educatum, ut ostenderet, tantum inesse huic nefario sceleri truculentiam, ut, quicumque tanto se facinori devinxerint, non solum omnem prorsus exuisse humanitatem, sed crudelissimam atque inhumanissimam feritatem induisse, videantur. Quidtum? Vide, quibus illum verbis execretur,) Spero equidem mediis, si quid pia Numina possunt, supplicia hausurum scopulis. (Deos immortales tanti sceleris ultores appellat, & quem hospitio foverat, cuius classem refecerat, socios disiectos a morte reduxerat, ut inter saevissimos scopulos obruatur, exoptat. Quantum praeterea odii? quae malevolentia? quae pertinacia?) Omnibus umbrarum locis adero, dabis, improbe, poenas. (Sua illum conscientia doliturum putat, conceptumque in ingratos odium ne morte quidem posse deleri. O summam Poetae sapientiam!) Eumenidum (inquit,) demens videt agmina & geminum solem. (furore magno concitata perfertur; quam aperte declarat, solam se accusare ingritudinem, & aequo animo ferre non posse?) Quia ne auxilio iuvat ante levatos & bene apud memores veteris stat gratia facti? (Nihil aliud, quam ingritudinem, criminatur, quam, necesse est, fidei violatio sequatur.) Nusquam tuta fides.

Eie-

Eiectum littore egentem excepi & regni demens in parte locavi. Amissam classem, socios, a morte reduxi. (Vide, quam contumeliose exprobrat beneficium? quantam rursus reminiscendo concipit iracundiam?) Heu! furiis incensa feror. (Quam praeterea ulciscendi cupida?) Non potui abreptum divellere corpus & undis spargere? non socios? non ipsum assumere ferro Ascanium? (parum erat in ipsum ulcisci, nisi socios eius ac filium ad supplicium detulisset.) Et patriis epulandum apponere mensis? (Nec satis arbitratur ferro natum interimere, nisi comedendum parenti apposuisset. Quantis vero dignum illum suppliciis iudicabat?) Faces in transtra tulissem, implevissemque foros flammis, natumque patremque cum genere extinxissem. (Magna consternatio debacchatae mentis! Itaque universum genus extinguere penitusque delere cupiebat. Vide etiam, quam non poterat mitigari?) O Tyrii! (inquit,) stirpem & genus omne futurum exercete odii. Exoriare aliquis nostris ex ossibus ultor. (Ultionem etiam ossibus demandabat.) Littora littoribus contraria, fluctibus undas, imprecor, arma armis; pugnentque nepotes. Anigitur speramus, tantam conceptam iracundiam, tam immoderatum impetum, tam effrenatum furorem, tam vehementem & praecipitem odii concitationem, posse depōni? Semper hic poeta visus mihi sapientissi-

tissime accuratissimeque locutus omnia;  
 sed hoc immane atque nefarium scelus  
 quantas odii faces habeat, multo sapientius  
 atque accuratius explicasse. Itaque illa Deos,  
 illa homines, sylvas, montes, feras, litto-  
 ra, non humanis contenta testimoniis, appel-  
 labat. En tibi hominem ex eadem umbra  
 paulo duriores, qui, cum omnes causas ira-  
 cundiae convivam amicum deponere iussis-  
 set, domesticas funultates, vasorum fra-  
 ctiones, adulteria uxoris, omnia haec, in-  
 quit, & quicquid habes tristitiae, meo in  
 limine deponas oportet, sed ingratos ante  
 omnia pone sodales. Intelligebat homo  
 callidus, nulla ex re tam vehementer animos  
 offendendi amicorum, tam ad iram atque odium  
 concitari, quam si, quibus ipsi beneficia  
 contulerunt, opesque auxerunt, ab iis, cum  
 opus est, gratia destituti, proditi esse vide-  
 antur. In rabiem conversa est Hecuba,  
 ut filium ulcisceretur, non Hectorem,  
 quem Achilles, non Paridem, quem Ajax  
 interfecerat, sed Polidorum, quem Rex as-  
 finis amicusque necaverat. Furiis arctatus  
 est Ajax, non aliqua belli calamitate per-  
 cussus, non incendio navium, non Hectoris  
 victoria, non exercitus profligatione,  
 contritus, sed sociorum ingratitudine per-  
 turbatus. Sic enim existimabat, nihil sibi  
 crudelius, nihil calamitosius atque indi-  
 gnius, accidere potuisse, quam non ab hosti-  
 bus, quos semper offendisset, sed a sociis,  
 quos

Exempla.

Mirum, quan-  
tum odium in  
ingratos,

quos non nunquam servasset, & gloriae ornamenta spoliari. Quapropter saepe, quod in hostem remissius cupimus, id in ingratos ardentius imprecamur. Quis hostem supplicio potius, quam misericordia dignum? quis interficiendum crudeliter magis, quam liberaliter servandum esse putabat? Quid in ingratos? Nulla misericordia, nulla liberalitas, adhiberi potest, officio in iniuriam, amore in odium malevolentiamque, converso. Nec ullum, quod vulgo dicitur, acetum acrius, quam quod vino exortum est dulci. Ab hostibus expectas iniuriam, vim, rapinas, clades, calamitates alias innumerales. Si quid horum eveniet, non decipieris; & tu cavere potuisses, & ille functus est officio. Ab amicis autem, beneficio affectis, quid tandem expectabis? Non honorem, auxilium, salutem, consilium, dignitatem? Si quid eveniat secus, tum maxime videberis deceptus, & ille scelerate fecit, & tu tibi ab illo non putabas esse cavendum. Quod si hostes iura quaedam, & servant, bellorum, ne quid dolo agere, ne quid fraude & proditione, videantur: quanto maiori supplicio dignos censuimus ingratos, qui & liberalitatis iura despiciunt, & integritatem, quam nobiscum praecipuam servare debuissent, fraude ac perfidia sceleratissime violaverunt? Sed nimis lente progredimur; velis est hic cursus remisque conficiendus. Itaque oratio.

tionem meam continuam & profluentem diutius demorari, & quasi per ambitum circumactam, retardari non patiar. Utinam par animo adhiberi possit oratio. Equidem ingratos istos mecum ipse considerans, nescio quo pacto, incendor animo, & odio quodam effero incredibili. Unde initium capiemus dicendi? An est quaedam circumscripta & seuncta res, de qua separatim dici possit? Nullum scelus, nullum flagitium, nulla turpitudine, nulla inhumanitas, nulla crudelitas, nulla impietas, nihil denique turpe atque horrendum, quod non ab hoc nefario ingratitudinis scelere exoriatur, nullum vitium detestabile, quod non ab ingratorum perfidia, tanquam ab omnium malorum fonte, manare ac latius profluere videatur. Serpit enim hoc malum, & nescio quo pacto, per omnes vitae actiones incepit, omnia foedans, contaminans, cruentans, quocunque delabitur. Nam quid per Deos immortales amicitia melius? quid utilius, incundius, salutaris, comparatur? At ingratitudo tollit ac delet funditus amicitiam. Haec tota in benevolentia, tota in officio, tota denique in caritate, versatur. Ingratitudo res est odiosa, vitae officia violat, extinguit caritatem. Quocirca definitionem valde equidem commendo, eique vehementer assentior, esse ingratitudinem ventum quendam exurentem, omnem caritatis fontem exsiccantem. In amicitia ad prome-

rendum



rendum quidem diligentissimi ac studiosissimi, ad referendum vero promptissimi, esse debemus; ingrati autem, & in promerendo negligentissimi, & in referendo tardissimi, sunt. Amici fortunas, opes, honores, dignitates, omnia, censent, oportere esse communia; ingrati ad suam, solum utilitatem omnia metiuntur. Quid pietate praestabilius? Ingrati omnem abiiciunt pietatem, neque parentes alunt, a quibus vitam, corpus, animam, susceperunt, neque patriam tutantur, a qua fori & sustentati, nulla ejus in se beneficia meminereque, nec Deos colunt, a quibus, in hanc pulcherrimam lucem producti, vitam simul cum ratione susceperunt, nec aras, focos, templa, delubra, venerantur. Ieram quandam atque immanem prae se ferentes, impietatem, trubicus & cruentis oculis hominum fortunis inhiantis, & tanquam rapaces aves dilanant, diripiunt, depilant, amicorum sanguinem fraudulentis rostris exorbent, officii, benevolentiae, humanitatis, obliti, praedam utilitatis escamque sectantur. Quapropter non iniuria rapacibus duxi alitibus comparandos, quas natura feroces genuit vetuitque congregari. Nunquam enim comitatae, solae semper, aspiciuntur. Quod idem apparet in ingratis, quos, praedae intentos, involare, rapere, exorbere, solo incedere, nemini societate coniungi, nullius amicitiam colere, videmus.

Unde quam O eradicandum genus hominum! o pestiferam

feram & perniciosam herbam! ex vitae hu-  
 ius agro radicatus evellendam. O labein!  
 o maculam! o tabificum venenum societatis  
 humanae! quae concordia, quae societas,  
 quae benevolentia potest esse inter in-  
 gratos, homines teterrimos atque foedissi-  
 mos, ad odium natos, ad rapinas instru-  
 ctos, ad perfidiam educatos? Nam quid di-  
 cam de conservatrice rerum iustitia? quam  
 sic violant funditusque evertunt, ut nihil in-  
 gratis videri possit iniustius, nihil pravius  
 atque iniquius, cogitari? Est illa posita in  
 omnium rerum divinarum atque humana-  
 rum aequabili & perpetua moderatione,  
 unicuique, quod suum est, tribuens, eripi-  
 ensque, quod non est suum. Ingrati nihil  
 agunt moderate, arrogant sibi aliena, quae  
 sunt aliis tribuenda, non tribuunt, quae re-  
 ferenda, non referunt. Distingor equi-  
 dem divellorque dolore, cum aliquem ex  
 istis intueor, non statim rapi eum subli-  
 mem & ad poenam suppliciumque deduci.  
 Nec tecum magnopere dissentio, quanquam  
 multa diximus simulate, esse illos omni cru-  
 ciatu dignos, omni duro supplicio afficien-  
 dos. Etiamne eculeo? Etiam digni sane,  
 qui, lupino sacco cum gallo siniaque consu-  
 ti atque involuti, praecipitentur in proflu-  
 tem. Nam si peccatum aliud alio maius  
 iccirco iudicari debet, quoniam in eum  
 peccatur, in quem minus peccari conve-  
 niret: sola igitur distinguit ingratitudo

vehementissi-  
 me in ingra-  
 tos inuchi-  
 tur.

Est nimirum  
 ingratitudo  
 omnium ma-  
 ximorum vi-  
 tiorum maxi-  
 mum, eaque

Xx

pec-

sola peccata  
distinguit.

Id quod ulte-  
rius proba-  
tur,

peccata. Maiore itaque poena plectuntur, qui parentes, quam qui alienos, necaverunt. Cur ita? Quia plus ingratitudinis commiserunt. Quid qui diripiendam hostibus patriam prodiderunt? Multo maiore. Quam ob rem? Quia in plures fuerunt ingrati, in amicos, in affines, in liberos, in parentes, quorum fortunas & corpora hostium potestati ac libidini subiecerunt, in Deos immortales, quorum aras ac templa dirui funditusque interire curaverunt. Quid in peregrinos? Licetne eos necare impune? Minime. At illi nullo nobis devincti sunt beneficio. Fateor. Non igitur faciemus ingrati, si quas illis insidias atque iniuriam faciemus? Non recte sentis. Genuit nos natura sociabiles, dedit fomenta quaedam & igniculos benevolentiae, quos non suppressere odio, aut extinguere, sed excitare ac succendere debeamus caritate. Aget nobiscum ipsa natura, accusabit ingratitudinis, si, quas illa vires ad benevolentiam omnium gentium dederit, ab ipsa productarum, eas nos in odium & malevolentiam convertamus. Quorsum, dices, haec? Quid putas, nisi ut intelligas, ingratitudinem non solum scelus esse maximum, sed fontem etiam scelerum omnium reliquorum, quae tanto puniuntur acerbius, quanto plus habere ingratitudinis videantur? Quid dicam, violari fidem, officia vitae perverti, extingui liberalitatem, largitiones & munificentiam

tiam e vita tolli, similitudines atque odia nasci  
sempiterna? Quicumque enim est ingratus,  
idem est perfidus, idem iuris, officii, fidei,  
violator, idem omni scelere flagitioque con-  
taminatus. Nam si res, si pecunias, si con-  
iuges, si liberos, si arces, si capita deni-  
que nostra, iis committere soleamus, quos  
arbitramur, aliquo nobis beneficio esse de-  
vinctos; si in hos fortunas spesque nostras  
collocamus; si iccirco iuvamus multos,  
opitulamur, subvenimus, ornamus, ut ha-  
bere possimus, quibus fidem in negotiis,  
spem in periculis, adhibeamus: quales tibi  
videbuntur ingrati, qui praedam tuam, non  
te, secuti, spe ac fide plenum, in media, ut  
aiunt, flamma incendioque destituent? &  
cum opus erit auxilio, miseram atque affli-  
ctam amicitiam deferentes, ad meliorem  
florentioremque fortunae faciem devola-  
bunt? Quo tunc ipse confugies? Quos im-  
plorabis? Quibus supplicabis? Multa qui-  
dem & ampla sperabas; sed frivola, ut di-  
citur, recte nitebaris. Atqui nondum  
concludo, quae volo. Restant alia maiora.  
Sed quae tandem istis possunt esse maiora?  
Nulla crudelitas insignis, nulla immanis  
proditio principum, hominum, civitatum,  
nulla fraus, nulla perfidia, esse potest, nisi  
quam ingrati aut fecerunt ipsi, aut ab aliis  
fieri curaverunt. Vendidit hic auro pa-  
triam. Quam ob rem vendidit? Quia in-  
grato, qui tuto id facere potuit, seise illa,

commiserat. An putamus, alia id de causa tuto facere potuisse, nisi quia, quem patria ipsa exornaverat, extulerat, ad amplissimum dignitatis crexerat, ei se tuto credendam committendamque esse putavit? Prodit hic amicum. Cur non potius inimicum? Eum ipsum fortasse libentius; sed huic se ille nullo modo commisisset. Ergo illum prodidit, qui se commisit. At ideo certe commisit, quia vincula quaedam officii extare putabat, quae iste, nisi fuisset ingratus, nullo modo perfregisset. Omnes igitur, qui produntur, ab ingratis produntur. Quid crudelitatem? unde manare censeamus? Interfecit quis inimicum, iugulavit, suspendit, trucidavit, naribus, oculis, auribus, deformavit. Quis non hunc iratum potius, quam crudelem, appellaverit? Hospitem vero si quis necavit, aut amicum, aut parentem, aut aliqua secum affinitate coniunctum: quis hunc iratum? quis non potius crudelem, immanem, truculentum, censeat iudicandum? Habet id ingratitude, ut, nisi inter coniunctos, vel natura, vel officio, committi non possit. Quam qui committunt, quanto inter se coniunctiores sunt, tanto erit illa iudicanda deterior. Nam, ut dixi, nisi inter aliquos devinctos vinculo, esse non potest. Quinam, obsecro, Alexandrum interfecerunt, nisi quibus ipse, ample magnificeque ornatis, vitam, corpus, animamque cre-

exemplisque  
illustratur.

credebat? Qui rursus Cn. Pompeium tam nefarie trucidarunt, nisi quos ipse, ab hostibus patrio atque avito regno deiectos, in pristino regiae dignitatis fastigio collocaverat? Qui praeterea Darium? qui C. Caesarem confoderunt? nisi quos ipsi ornaverant, quorum auxerant atque amplificaverant dignitatem? Quid dicam, osculum illud sanctissimae Religionis nostrae nefarium atque crudele & inde profectum, unde proficisci minime debuisset? Fuit genus illud mortis ex omni, ut scimus, parte violentissimum, ut plane constet, nullum unquam omnino fuisse violentius, cuius indignitatem, quo nihil deesse posset acerbis, auxit ingratitudo. An igitur dubitamus, hanc unam quaesitam esse rem ad cruciatus illos durissimos coacerandos, ad mortem denique illam acerbissimam & truculentissimam omni suppliciorum ac scelerum importunitate cumulandam? Quicumque itaque crudeliter, quicumque scelerate nefarieque, perierunt, ii omnes ingratitudine perierunt. Hoc unum est malum, a quo omnia scelera, cuncta flagitia, universae turpitudines, manaverunt. Haec ego sentio de ingratitudine, nec fui durior, quin morem tibi statuerem esse gerendum. Vides enim, quae copiosius dici potuissent, quam brevissime esse tractata, ut non tam percurrisse pedibus haec videar, quam alarum celeritate pervolasse. Hoc

Conclusio se-  
riam conti-  
not adhorta-  
tionem ad  
ipsam ingra-  
titudinem ae-  
que, ac ingra-  
tos devitan-  
dos.

tantum adiecerim, nihil tam foedum, tam turpe, tam immane, tam sceleratum, tam denique flagitiosum & detestabile, dici posse, nihil tam nefarium atque impium excogitari, quod ingrato non videatur quam aptissime

convenire. Quocirca devitemus hanc immanem & perniciosam belluam. Non illum amicitia, non aditu, non congressione, non consuetudine, non sermone, non aspectu, dignum existimemus. Acerrimum inimicum humanitatis, liberalitatis extinctorem, Deorum immortalium contemptorem, omnium denique auctorem flagitiorum, aspernemur, abhorreamus, & tanquam pestiferum aliquod animal truculentamque bestiam fugiamus. In hunc stupas, in hunc odia, in hunc faces, in hunc incendia, coniiciamus & tela, atque in eius omnes impudentissima ora, tanquam in nefarium aliquid, conspuamus. Habes iam animi mei sententiam, quam sic tibi manifeste patefeci, ut non tam locutus graviter videar, quam concitatus ardentem. Tu si haec probas, bonam operam navavimus, idemque saepe faciemus. Ego vero, inquam, probo. Atque ita, acceptis palliis, facto tandem dicendi fine, discessimus.

IOANNIS ANTONII  
CAMPANI DE REGEN-  
DO MAGISTRATV AD  
FRANCISCVM LVCIVM,  
EQVITEM SENENSEM,  
PRAETOREM RO-  
MANVM.

**C**Um saepe in eum sermonem incide-  
remus, qui esset de gerendis magi-  
stratibus & rebus publicis admini-  
strandis: memini, Luci carissime, quam  
attente me audires, his de rebus non simula-  
te disputantem, ut solent multi, sed aperte  
differentem, quae sentirem. Iungere enim  
utilitatem cum honestate conabamur, ea  
complectentes maxime, quae ex modera-  
tionis fonte nata ad commune commodum  
civitatis & amplificationem reipublicae per-  
tinerent; quibus ipse quoque mirum in  
modum assentiebaris, videbaturque, fore,  
ut, si quando accederes ad magistratum,  
iturus esses quasi vestigiis orationis nostrae.  
Nunc vero, cum pro singulari prudentia &  
praecipua integritate tua Praeturam urbanam  
adeptus sis crebris nuntiis contendis, expli-  
cari tibi literis, quae coram solebamus, ut, qui-  
bus monitis privatus instruebaris, ea, in am-  
plo gradu dignitatis positus, ad civium tuo-  
rum utilitatem possis accommodare. Nos  
autem hoc tibi libentius obtemperavimus,  
quod in eo versamur vitae curriculo, quod,

Causa atque  
ocasio scri-  
ptionis. -



Christianae  
religionis fi-  
nis prima-  
rius.

Secundum e-  
iusdem prae-  
cepta vivendi  
norma, atque  
modus.

Exemplorum  
usus.

totum pertinens ad pie sancteque vivendum, propositam habet universi generis humani summam honestatem, totum est humanitatis, & docendo, & hortando. Abducti enim terrenis cupiditatibus, aetatem fere omnem in Christianae religionis praeceptione consumimus, quae cum alia instituit praeclare, tum civiles societates in officio & tranquillo vitae statu continet, si eius praeceptis obtemperetur, cuius illud praecipuum est opus, ut quam rectissime vivamus omnes. Haec autem ratio vitae statuendae duabus rebus comparatur, praeceptis & exemplis. Sed de exemplis quidem nihil attinet dicere hoc in loco. Neque enim ad nostrum vivendi genus revocamus; liberior est tibi vitae ratio, & ad agendum, & ad sentiendum: sed tamen, ut imitari oporteat, quos videas in regenda civitate optimos, aut, quod maius est & gloriosius, ut, qui optimi videri velint, te unum imitentur, te praecipuum sequantur honestatis ducem. Accedit etiam antiquitas & cognitio gestarum rerum. Occurrunt tibi exempla maiorum tuorum, gentium & nationum exterarum, civitatum & populorum; ex quibus omnibus aliquid decerpi potest, quod cum laude possis usurpare, qui est fons hauriendis exemplis uberrimus. Nulla enim est tam barbara, tam inculta, quae non aliquid aut gesserit, aut tulerit, memoria dignum, unde, si quid est gestum praeclare, si iuste

ac sapienter factum, si dictum eleganter, graviter, si callide & prudenter excogitatum, omnia cum dignitate possis praestare. In quibus aut non curabis, aut, multorum, qui te antecesserunt, vestigia secutus, errabis, et si non eadem est semper vivendi ratio omnibus; multa tempus, quaedam etiam locus, affert, quibus sapientis viri iudicium facile moderatur. Sed haec, quae ad imitationem optimorum pertinent, magis a te intelliguntur, quam queant explicari a nobis. Praecepta vero tradentur illa quidem, sed haec quoque ad communem cursum civitatum, quam ad stateram religionis, aptiora, ut queri non possis, maius tibi impositum onus, quam quod ferri possit, qui in communi vita & civili societate versatur, ubi aliquanto vagatio est laxior. Itaque nihil a trita, ut aiunt, recedemus via, nec ulla in angustias te compellemus; iter tantum ostendetur, quo sis ad gloriam & laudem expeditior. Civitatis recte administrandae primum locum obtinent Magistratus, quorum tanta vis est, ut, prave negligerque habiti, quaevis maxima evertant imperia; diligenter autem & recte gesti, amplissima quaeque tueantur. In his enim omnis civilis aequitatis moderatio, in his salus & tranquillitas civium, continetur, qui sunt constituti, non ut opes accumulent, qui multitudini praesint, sed ut consent omnium iura, imperium commune crescat, fortunae civium tutae sint ab

Quis vero sit  
praecepto-  
rum.

Magistratus  
vis & effe-  
ctus.

Magistratus  
gerendi gra-  
ve munus;  
quibus vero  
leve videat-  
ur.

Quaeritur,  
quales esse  
oporteat, qui  
magistratus  
gerunt?

Nimirum ne-  
que tardos,  
neque mali-  
gnos;

sive neque  
hebetiores,  
neque prae-  
cipites;

iniuria, & dignitas augeatur universae civita-  
tis. Quod quale sit munus, ex ipsa fronte ora-  
tionis nostrae poteris intueri. Grave pro-  
fecto & onerosum homini ad dignitatem  
cuncta referenti, ceteris videri potest levius,  
qui, ut minimum afferunt diligentiae ad com-  
munem salutem custodiendam, ita ad effe-  
rendam ostentationem ambitionis & inso-  
lentiae plurimum; qua in re adeo ferri ne-  
queunt, ut nihil videri possit inflatius. Sunt  
etiam, qui odio & rapina sic armentur, ut  
non eorum custodiae traditae, sed depopu-  
lationi datae, civium omnium fortunae vi-  
deantur. Nos vero, non quales sint, qui  
gerant magistratus, sed quales esse oporteat,  
quaeri volumus, idemque te velle existima-  
mus, ut possis non solum naturam tuam du-  
cem sequi, sed etiam praeceptis nostris ad  
optimum, quod sit, pervenire. Qua in re  
adhibenda est Platonis diligentia, qui eos so-  
los censuit admittendos reipublicae muneribus,  
qui essent idonei, ceteros autem longe  
repellendos, quorum vel ingenii tarditas,  
vel naturae malignitas, rem communem  
efferre non posset. Quosdam enim tulit na-  
tura ipsa paulo hebetiores & tardos ad de-  
liberandum, alios vero, acutos illos quidem  
& ad consultandum acres & industrios, tamen  
parum moderatos, praecipites ad iram, ad  
inimicitias atque odium, pertinaces, simul-  
tatum cupidos & seditionum; quo nihil est in  
libera civitate perniciosius & magis fugien-  
dum

dum. Haec autem omnia cum ipso nascuntur homine, & deponi saepe non possunt; occultantur non nunquam ad tempus, quo maiores suscipiant vires, ad statum civitatis perturbandum; nec ulla est ad nocendum pestis acerbior. Magistratum igitur praecclare qui vult gerere, hunc ita & natura institutum esse oportebit, ut nihil in eo desideretur, quod ad summum virum pertineat, ut acre ingenium, non abiecta forma, perspicax & matura gravitas in consulendo, vivax atque ardens in re bene gerenda diligentia, & quae satis explicari non potest. Intelligitur tamen comitatis acrimoniaeque mediocritas, ut neque foedetur iustitia inhumani crudelitate, neque lenitate nimia languescat, quorum alterum servilem contentum parit, alterum odium tyrannicum; sed sit facilis quaedam mitisque severitas, nata quidem ab ingenio, sed tamen etiam ab arte profecta. Nam haec quanquam habentur natura; non nihil etiam studio comparatur. Conferunt praecepta clarorum hominum, maxime Philosophorum, quorum ea solet esse sententia, ut neque cruentam tyrannidem, neque mollem licentiam, ferri putent oportere. Neque enim magis Romanorum opes attrivit crudelitas Neronis, quam mollities Sardanapali Assyriorum. Quanquam harum rerum peior crudelitas est & perniciosior. Evertit enim uno momento civitatem; lenitas paulatim enervat,

cum

sed faciles ingenio, formosos, perspicaces, graves, diligentes.

Praecipue vero studeant in omnibus mediocritati;

Cuius poste-  
rioris vis at-  
que effectus  
paulo ube-  
rius decla-  
rantur.

Maxime vero  
oportet esse,  
qui magistra-  
tus gerunt,  
pios;

cum violentius robusta cadant, quam imbecilla deficient. Sed haec, quanquam, ut saepe iam diximus, a bonis institutis, magistamen a natura, desiderantur. Itaque hanc tu quasi primam artem tuare, ut neque du-riorem te praebeas, quam humanitatis postulet ratio, neque laxiorem, quam officii dignitas permittat. Qua mediocritate, mirum est, quantum laudis sibi pepererunt, qui gubernacula rerum publicarum susceperunt. Nec ullum est temperamentum conservandis civitatibus accommodatius, si-ve bello fluctuent res, si-ve pace conquiescant. Quod praeclare Coelius noster, ut est omnium in sermone gravissimus, definivit, interrogatus ab architecto quodam, quod malthe genus ad muros urbium conficiendos esset tenacius, respondit, quod ex magistratuum moderatione & civium concordia conficeretur, ut nullae, quamvis editae ac latae, turre cum illo sint conferendae. Qui autem mediocritatem hanc praestare non possit, tanquam ineptus publicis muneribus arceatur. Pari enim calamitate afficit rempublicam, qui eius vincula ita contrahat, ut rumpat, qui ita laxat, ut dissolvat. Sed de hoc satis multa diximus. Sunt deinde alia quaedam ab animo bene instituto, tanquam a fonte nascentia, quibus si careas, omnia evertantur, necesse est, ut id, quod omnium est primum, & humanis in rebus latissime patet, habere Deum immortalem ante

ante oculos, ducemque ad omnia sequi, ut instituta religionis nec offendas ipse, nec, quantum fieri potest, ab alio quoquam offendi patiaris. Deinde ut conscientia tua, id est, animi sententia, traharis ad iudicandum, nec ulla percitus iniuria, nullius impulsus inimicitiis, nullo, quamvis ingenti, pretio, nullius gratia aut amore, nisi aequi & boni gratia, movearis. Existimes civitatem, cui praesidis, fidei commissam tuae, non potestati traditam, & eum ipsum, quem geris, magistratum non ad utilitatem tuam, sed ad commune commodum universae civitatis, aut, si id non possit, ad salutem bonorum, esse referendum, plusque tibi oneris impositum, quam dignitatis aut honoris collatum, putes, eumque fructum esse uberri-  
mum, ut prosis omnibus, officias nemini, ne lacesitus quidem, nisi publicae utilitatis causa. Postremo est tenendum, quod in publicis negotiis vires habet amplissimas, ut neque bonorum consilia negligentur, neque admittantur improborum. Nam ut a primo incipiamus: Deum immortalem propitium si habueris, firmum tibi iecisti fundamentum omnium, quae facturus dicturusque sis, etiam quae cogitaturus. Omnia secunda sunt colenti Deum, adversa spernenti, & qui religioni studens divina tutatur, fluctuare potest aliquando, mergi nunquam potest. Nec soli tibi religio ipsa colenda est, sed universae familiae tuae metus divinitatis

Tum conscientiae suae motus, sive rectam rationem sequantur;

Denique nec bonorum consilia spernant, nec admittant improborum.

Laus pietatis atque fructus;

nitatis iniiciendus. Faciendae quotannis expiationes delictorum, abluenda scelera & omnes animi sordes Christiano more depouendae, dies festi, ceremoniae celebrandae, denique nihil viro bono & honestatem profitenti, quod ad Dei religionem pertineat, negligendum est. Primum, quia inde orti, contemnere eum sine summa impietatis mercede non possumus; deinde, quia ubi subest religio, & sanctius vivatur, oportet, & moderatius. Coerciti enim vinculo divinarum legum ac metu coelestis supplicii deterriti, efficiuntur ad delicta tardiores, promtiores autem ad officium & honestatem; veremur, ne quid superbe, avare, crudeliter, iniunde, faciamus, ne impii, ne ingrati, videamur. Et quanquam Rodomantum illum Canosium, quem fingunt poetae, non credimus; persuasum tamen est nobis vel a natura ipsa, in tanto divinarum atque humanarum rerum ordine, quem etiam in minimis quibusque intuemur, nihil nasci omnino, quod non divina lege teneatur, eiusque iussis immortalibus & sempiternis obtemperet, constitutumque a supremo iudice Deo, qui rebus omnibus immensa atque infinita mente inoderatur & imperat, ne quid in terris committatur, vel boni sine praemio, vel sine supplicio mali. Unde temeraria Democriti orta sententia, qui ceteros Deos sustulit, praemium poenaeque reliquit, opinatus, ex his duabus rebus

bis vitae officia constare omnia, ideoque Deos esse solos. Stulte quidem; sed demus hanc veniam antiquitati, quae, per devia & conflictationes opinionum agitata, confinxit sibi, quos voluit Deos colere, quem autem debuit, non cognovit. Valet itaque multum religio ad scelera coercenda, quae coercitio hoc melior videri potest, quod scelus & turpitudinem non iussu fugimus alieno, sed nostra sponte declinamus. Parit etiam, nescio quid auctoritatis, ut, si qui, ad id vivendi genus traducti, curam abiecerint rerum terrenarum, his plurimum adhiberi soleat fidei. Nec solum, qui opes fortunasque contemserint, sed etiam illas qui appetunt studioseque accumulunt, tanto habentur meliores, quanto ad religionem & rem divinam propensiores esse videantur. Gignitur quaedam inde opinio virtutis & modestiae, quibus finissima est, quam praestari maxime oportet, auctoritas rerum gerendarum, quae cum frequenter a vitae nascatur integritate, non nunquam ex gloria & admiratione virtutis, tum vero frequentissime a cultu observantiaque rerum divinarum. Quod si nonnulli simulatae probitatis viri falsa superstitione tantum valent ad hominum mentes illiciendas, ut flectere, concitare, lenire, exasperare, soleant; quid in his est existimandum, quorum est sanctitas vitae probata & aperta, spectata integritas & in medium exposita? Quantum in his elucet  
maie-



maiestatis? quantum observantiae & auctoritatis? Ad affectus autem exasperandos aut leniendos, quo genere vitae quid Deo, Principi optimo maximo, acceptius sit, aut homini salutaris, non video. Nec est, quod te sacris ritibus initiari postulem, paucorum illud est opus, & eorum, qui aeterna mortalibus anteponunt, mente freti praesaga rerum futurarum, spretisque dignitatibus & fortunis, quas mortales tanto mirantur & quaerunt studio, omnes cogitationes & vigilias in supremi parentis cognitione posuerunt. Ceteri, quae sunt ante oculos, intuentur, futura tamen, sed raro, & per caliginem aut nebulam insipientes. Nonnulli pecorum more, omni sprete religione, quicquid loquuntur, cogitant, faciunt, turpissimo voluptatis fine metiuntur. Horum neque res gestae probari possunt, neque vita laudari, nullaque sunt auctoritate, a publicis gubernaculis longo intervallo abiiciendi, cum neque ipsi praecleara aut utilia gerere, nec ceteros ad ea gerenda hortari, soleant, aut si fuerint hortati, nemo est, qui assentiatur, etiam honesta suadentibus. Qui enim contemnit Imperatorem Deum, hunc honestatem colere non putant posse. Probitatis autem mirum est, quanta sit veneratio, eius maxime, quae, coniuncta religioni, & integritatem a natura habet insitam, & a cultu divinitatis honestatem, ut, quicquid persuaderi velit, dici non possit, quam facilis

item honor  
atque vene-  
ratio;

lis sit omnium assensus. Fit etiam, ut in eo genere hominum vel minima delicta vix credantur, etiam manifesta; in improbis autem vel maxima scelera, etiam occulta, pro compertis habeantur. Quae fides in rebus gerendis cum in ceteris valet plurimum, tum in his, qui in republica versantur, maxime est necessaria. Tollere inimicitias, discernere, quae sint in rem civium, suadere pacem, hortari atque irritare ad bellum, flectere ad misericordiam, excitare ad iniurias depellendas, denique omnia, quae in libera civitate tractantur, quis magis debet, quam qui positus est in magistratu? quis magis potest, quam qui significationem prae se ferat religiosae bonitatis? Haec autem eo spectant omnia, ut & cultui divino vaces ipse, vacetque familia, & eos ne contempnas, qui, contemplatione delectati rerum divinarum, paupertatem ferre, quam pecuniis accumulandis studere invaluerunt, qui aspernati haec terrena & fluxa, aeternique coelestis boni ardore incenduntur. Horum familiaris consuetudo multum prodest, & ad praestandam bonitatem, & ad ostendendam. Qui autem sacra publica non celebrat, ceremonias despectas habet, templa non frequentat, dies festos non observat, profana sacris & fluxa aeternis potiora existimat; quid hic facere aliud, quam perniciosum civeni agere & immortalis Principi Deo bellum indictum habere videatur?

tur? Porro hunc hominem quo pacto ius tibi tuum redditurum censeas? quo ius in magistratu constitutum, quem videas sanctissimo Deo, quod suum est, non persolvere? nisi levius fortasse sit scelus, Deum fraudare, quam homines, aut acerbioris poena fures, quam sacrilegi, sint puniendi, quorum alterum ad Deum pertinet, alterum ad hominem. Denique ita maxima est vis conscientiae, ut praeceptione religionis minime sciungatur; nec ulla res est in tam vario genere virtutum, unde plus consequi possis laudis & auctoritatis, & fidei, & quibus metus & gratia gignuntur, quae duo eminentissima in republica sunt propugnacula. Haec autem religionis observantia & fructus in vita parit uberrimos, ut, ubi vita exceßerimus, proposita habeat summa praemia in aetatem omnem duratura. Itaque omnium gentium & nationum firmata est consensu. Nam & apud veteres Aegyptios sacerdotum collegia Regibus assidebant in causis iudicandis; & Aethiopum quidam ex sacerdotibus creabant Reges. Graeci causas deferrebant Amphitryonibus, qui erant in Delo ministri Apollinis. Sic deinde Gallis iudicia, sic Chaldaei Babyloniis, Persis Magi faciebant. Quorum omnium vita moresque pendere solebant ex institutis religionis, ut civiles disceptationes & negotia profana sacris essent coniuncta, nec abhorrerent a lege divina iura civitatum, ubi iudem essent aucto-

Exempla Aegyptiorum,

Aethiopum,

Graecorum,

Gallorum,

Babyloni-  
orum,

Persarum,

auctores & reddendi iuris, & rei divinae faciendae. Romani vero, quorum res domi <sup>Romano-</sup>  
aut foris, pace aut bello, consilio aut manu, <sup>rum,</sup>  
gestae summa cum laude atque admiratione memorantur, non nuptias facere solebant, nisi auspicato, & re divina prius facta, non tecta aedificare, non ire in provinciam, non bellum suscipere, non magistratui coaptari. Ius belli habebant Feciales, Aediles aedium sacrarum, Pontifices annalium, Augures tum rerum aliarum, tum inprimis magistratum, Tribuni, qui essent sacrosancti, legibus praeerant, deinde qui suis, quique sacris essent initiati. Sic in stulta multitudine Deorum erant tamen caecae superstitionis acerrimi defensores, eamque omnibus gerendis rebus interponebant, quam qui contempsisset, civis habebatur perniciosus & aperte malus. Itaque nonnulli abdicati magistratu, multi ab hoste caesi, spreta religionis exempla prae buerunt; natioque fuit nulla tam inculta moribus, tam victu barbara, quae non existimaret, Diis suis, quantumcunque excogitari posset, honoris esse tribuendum, & bonos ac pios homines parere sibi gloriam in vita non mediocrem; mortuos autem inigrare in deliciosam quandam & apricam aenoenamque regionem, ubi & multum consequantur boni, & nihil mali patiantur, aetatemque agere cum Diis sempiternam, &, ut quisque aequissimus fuisset in vita, sic & in morte beatissimum futurum. <sup>& aliarum gentium.</sup>

rum. Tum regnare quosdam apud inferos tradit vetustas, & de poenis suppliciiisque decernere, quando in vita essent habiti iustissimi; qui autem turpiter impieque vixissent, extinguere nomen eorum in terris, ipsos autem in loca praecipitari foeda, inculta, tetro, plena calamitatum & suppliciorum; ibi neque aspectare lucem oculis, neque voluptatem animo sentire, posse. Quod si illi in tam vana superstitione ritus, quos semel recepissent, tanta pietate & cura tuebantur, adhibebantque publicis negotiis; quid est nobis in tam vera, tam honesta, tam sancta, religione faciendum? De qua re, si nimis multa scripsimus, dabis veniam plura etiam scribere cupienti. Alterum est praeceptum, ut, cum ad moderandam rempublicam fueris designatus & in magistratu constitutus, non reiicias, quorum sit opinio laudata, sed eos in consultatione magnarum rerum, quae in disceptationem veniant, admittas, audias, attendas; interdum & in causis mediocribus, quarum aliqua possit esse contentio, siue ad cives spectant privatim, siue publice ad universam civitatem. Sit hoc inter bonos malosque discrimen, ut recipiantur alteri deliberandis rebus, alteri, quantum fieri potest, abiciantur. Vetus est illud Anthisthenis, tum demum perire civitatem, cum a bonis mali non secernantur, ut tanquam ager excolenda sit civilis societas. Nec minus sustentandi cives boni & ornan-

Quorum sint  
in magistratu  
gerendo ma-  
xime adhi-  
benda confi-  
lia;

nimium bo-  
norum; ma-  
lorum contra  
reiicienda;  
quos inter  
uti maxi-  
mum interce-  
dit, ita sem-  
per strenue  
servandum  
est, disceri-

di sunt, quam herbae salutare rigandae & fovendae; mali autem radicitus exstirpandi, aut, si hoc fieri nequeat, propter multitudinem improborum, quibus, ut ait Xenophon, abundant plurimum civitates. Depurgatio quaedam adhibenda est, tanquam a lolio frumenti. Observes unumquemque, ut officium, ut mores, ut aetas, ut auctoritas, postulat, interdum ut genus, si a virtutis opinione non abhorreat, ut eorum, qui non minus gloria sua splendeant, quam laude maiorum; nec solos afferat titulos & vetustatem ad rempublicam capeffendam. Per magni refert igitur, quorum consilio utaris, si bonorum, nihil speciosius & tranquillius agi potest; nihil foedius & turbatius, si malorum. Inde salus civitatis, stabilitas, robur; hinc calamitas, tumultus, everfiones, oriuntur. Eam ob rem, quorum sit integritas spectata, mores cogniti & probati, auctoritas non vulgaris, aetas non contemnenda, non despectum genus, eorum sententias minime aspernare. Sic fiet, ut non solum ex re bene gesta, sed etiam, quia consilio clarorum hominum usus sis, laudem consequaris, ut sic vel maxime detractores rerum a te gestarum exitum improbare non possint. Qui autem suo iudicio, nullius consilio, facit omnia, hic aut Deus quidam inter homines habendus est, aut, quod magis arbitror, temerarius iudicandus. Nec te moveat Hesiodi vulgata sententia, qui per se

men; & adduntur rationes.

Hesiodi sententia.

Zenonis.

ipſos rem calleant, priorem locum laudis  
 obtinere, quam qui conſiliis aliorum invi-  
 tantur. Nam Zeno, cui magis aſſentior,  
 eos commendandos inprimis cenſet, qui ab  
 aliis moveri malint, quam ipſi ſuo ductu  
 rem gerere, ut, quanquam induſtria freti ſua  
 valeant ipſi ingenio & conſilio ſint perſpi-  
 caci, tamen, quid ceteris quoque videatur,  
 explorent; & neſcire interdum, quae ſcias,  
 haud inutile eſt. Fingunt Poetae, Iovem,  
 cum quid gravius ſit deliberandum, convo-  
 care reliquos Deos in concionem, & ordine  
 rogare ſententiam, ut intelligamus, eo ma-  
 gis conſulendos eſſe mortalibus, qui rerum  
 praediti ſint experientia, quo ſunt in-  
 genio hebetiore atque obtuſiore, quam Dii.  
 Qui autem per ſe ipſum agit omnia, non  
 tam proſpicere illum, putant, quae ad deli-  
 berandum pertineant, quam contemni ſe &  
 repudiari, tanquam rerum imperitos, arbi-  
 trantur, affectique hac, ut videntur, iniuria,  
 quaerunt, quamvis in ſumma laude, quid  
 accuſent, aut, id ſi nequeant, illud ipſum, con-  
 tendent, honeſtius atque utilius fieri potuiſſe.  
 Quam invidiam diligenter tibi cenſeo fu-  
 giendam. Sed labuntur in eam maxime,  
 qui, cupidi gloriae inanis, omnem ſibi lau-  
 dem ſtudent vindicare; nec volunt cum ce-  
 teris communicare, ut videre in maximis  
 rebus decernendis ſoli videantur. Quae laus,  
 etſi eſt magna, coniuncta tamen cum civium  
 iniuria, plena eſt oſtentationis & inſolentiae,  
 parit.

paritque simultates contentiosas & discordes, quae, nisi fuerint extinctae & sublatae, perniciem afferunt civitati, ceteris contranitentibus & improbantibus. Quapropter adhibenda est moderatio comitatis & optimorum consultatio. Pessimi autem cives, ut ait Plato, careant splendore, lateant oppressa vitia, nullusque pateat aditus ad dignitatem, nec unquam extollantur. At bonorum consiliis honestissimis referta sit civitas, ferveat optimorum auspiciis respublica, ductuque illorum exeant in aciem, & procedant legum decretorumque vexilla, & pacis cohortes illis ducibus suo in loco statuatur. Ubi autem improbitas valet, non imperium illud quidem dicendum est, non civitas, non respublica, sed tyrannis & secessio & turbulentia sicariorum temeraria, praeceps ad omnia flagitia. Quo cum deducta res est, quae alia possunt evertere civitates, si haec non evertunt, aut quod tandem consilium a malis expectandum est, nisi ut bonis se praebeant oppugnatores, & sint impedimento, quicquid ad gloriam, ad decus, ad honestatem, decernatur, propensi ad libidinem, ad iniurias inferendas, ad excitandas seditiones, statumque civitatis evellendum. Parati erant olim Censores Romae, qui pessimum quemque Senatu pellerent. Qua dignitate aut officio quid sanctius? Floruisse illorum rempublicam videmus, quam diu bonorum consilia valuerunt. Postea vero, quam ad

Effatum Platonis.



nefarios perducta res est, ortae civiles discordiae, bellaque intestina rem atque imperium sustulerunt. Non possunt improbi honesta suadere, quibus ipsi sint infensi & praestare non possint. Quis legem adversus se ipsum ferat? quis consilium? quis suffragium? Num expectandum, ut aut ab adultero adulteria, aut a fure furta, nova lege reprimantur? Obstant potius, & quanto maximo poterunt conatu, adversabuntur reprimere volentibus. Accedit ratio servitutis, quae longe bonis, quam malis, est infestior. Bonitas libertate gaudet, quae in legibus & decretis maiorum posita est, improbitatem autem nihil, aequae atque licentiae, delectat, quae, nisi spreitis & conculcatis legibus, vagari non potest. Cum autem leges intereant, deciditur ex tempore in servitutem, quam boni nullo modo, mali facile, perferunt. Eam ob rem Philippus, Alexandri pater, cum opprimere Atheniensium libertatem statuisset, dari sibi sapientiores urbis, postulavit, ut eorum consiliis spoliata civitas facilius in discrimen & servitutem traheretur. Intelligebat callidus Rex, non plus valere foris strenuum militem, quam egregium civem domi, ad rempublicam defendendam, a quo cum esset destituta, citius, quam a milite deserta, caperetur. Sic apud Homerum Agamemnon plures sibi dari in castris Nestoreos, quam Achilles, quorum alteri manu, alteri consilio, valerent. Sed nec magis sunt transfugae

Exemplum  
Philippi,

Agamemnonis.

gae in exercitū ducendo, quam mali cives in regenda civitate, fugiendi. Illi uno impetu vix possent nocere; hi semper uno consilio cuncta funditus labefactant. Sed iam ad reliqua pergamus. Tertium sequitur, quod positum in causis iudicandis praecipuam iudicis integritatem postulat. Magna res & praeclara tibi, civitati salutaris, nullius privatam amicitiam ita colere, ut publica iura violentur. Pluris enim decus civium, quam amici gratia, faciendum est. Nullius iniuicicias ita prosequi, ut non existimes, publica instituta privata caritate esse potiora. Denique nec prece, nec pretio, discedere ab eo loco, quem aequitatis muri tueantur. Unde si civiles procellae te exeant, tum demum abeundum est propugnaculo, cum locum ipsum salva dignitate retinere non possis. Quanquam, si res exigat, immoriendum est patriae, & moenibus & legibus defendendis. Hostes enim publici sunt vindicandi, qui aequitatem oppugnant; qui tuetur, is defensor libertatis dicendus, & salutis publicae propugnator. Quod cum in ceteris magnificum & gloriosum, tum his, qui civitati praesunt, necessarium. Solebant veteres Aegyptii Principis collo appendere veritatem, quam, iudicium redditurus, semper oculis subclausis intueretur. Extat Samii Pythagorae vetus symbolum, legibus opem ferendam esse, iniquitatem debellandam,

Iuvat porro,  
neque gratiorem,  
neque severiorem  
cuiuspiam  
se praebere,

sed perpetuo  
aequitatis  
maxime habere  
rationem.

Studendum  
iustitiae:

Exemplum  
Aegyptiorum.

Pythagorae  
symbolum.

Invigilan-  
dum commu-  
ni potius rei  
publicae bo-  
no, quam cu-  
iusquam pri-  
vati,

stateram non transfiliendam, cor non edendum. Quibus clarissimus Philosophus aperte monet, qualem praestare se debeat, qui magistratum gerat & in republica versetur. Habendus est animus in consulendo liber, in iudicando liberior, ut ea dicas, quae sentias, & sentias, quae, legibus confirmata, ad publicam utilitatem referantur. Nec stateram transfilias, id est, quod aequum iustumque sit, ne transgrediare. Cor non edas, id est, nullius animi perturbationibus subiacere. Agitur amici causa; vide, ne mitior, quia sit amici futura, sententia. Accusatur inimicus; nec ob hoc quidem asperius, quia inimicus, nescio, an etiam levius, iudicandum. Donandae sunt reipublicae privatae civium simultates, ut, non quid tibi libeat, sed quid illi expediat, cogites. Proximo dictus est dies; cave, sub pallio propinquitatis nequitia deliteat. Denique tibi persuadeas, oportere eum, qui magistratum ineat, exuere statim seipsum, & omne suum studium & cupiditatem cum veste deponere, induereque publicam personam universae civitatis, omnia & privata, & publica, sui iuris arbitrari; existimare, quicquid respubli-  
ca, vel singulus quisque, patitur detrimenti, ad suam ignominiam dedecusque redundare. Sed tamen ita corpori consulendum est, ut singula membra concordii assensione moveantur, nihilque sit omnino, quod a mole tota deferatur, nihil, quod non subsequatur

tur sponte sua. Itaque in hoc communi bono elaborandum est, ut non solum in dignitate positus, sed etiam privatis, civibus ne quid fluctuet, ne quid deerret, & veluti solutum atque abscissum a tota republica abesse videatur, sintque omnes participes communis boni, nec alter alteri inferat, aut inferri patiatur, iniuriam. Quod ita fieri potest, si non magis doleant, qui acceperint iniuriam, quam qui non ipsi laceffuntur. Nihil enim tam est magnum atque impeditum, quod, si ex omni sui parte cohaereat & conflictet, non facillime vertatur & cedat, ut navium magnae moles, concordii nexu compactae & colligatae, parva manu in maria pelluntur. Quae consensio rerum publicarum nulla via magis praestari potest, quam pari aequabilitate in omnes, unicuique tamen iuxta dignitatem tribuendo, etsi nullius rei, nisi publicae utilitatis, censeas habendam rationem. Hoc igitur secundum religionis observantiam & consultationem bonorum morum praecipuum est in magistratu bene gerendo, ut, cum te totum ad commodum civitatis instruxeris, in hoc te arnes, pro hoc, quoties opus sit, depraelietur, ut neminem, nisi quantum fert communis ratio, extollendum putes, deprimendum neminem, sed eas publicus arbiter legumque interpret nullam in partem, nisi quo te illarum sanctitas vocat, accessurus, existimes tibi iustitiae defendendae gratia, quasvis graves inimici-

Servanda igitur erga omnes est summa quidem aequitas, tribuendum tamen cuique suum.

Effatum Pit-  
taci Mity-  
leni.

Socratis sen-  
tentia.

Quae sint iu-  
dicia corru-  
pta.

Diversa di-  
versorum

amicitias esse subeundas. Pittacum Mitylenum  
eum, qui unus ex septem est habitus, solitum  
dicere, tradunt veteres, malle se inter inimi-  
cos, quam amicos, sententiam ferre. Nam ex  
inimicis alterum amicum, ex amicis alterum  
inimicum, futurum. Quod quamvis ita se ha-  
beret, esse tamen, si quando in usu eveniret, ae-  
quitatem amicitiae anteferendam, etiam si al-  
ter esset inimicus. Haec tenenda lex est in iu-  
diciis, ne iniustitiam, unicum malum, ut So-  
crates solebat appellare, iustitiae, quod ma-  
ximum est bonum, anteponamus. Nam  
qui amore, aut odio, aut spe, aut metu, iu-  
dicat, is, amplissima maiestate sua recedens,  
vitae officia pervertit, civitati non medio-  
crem facit iniuriam, communi iure violato.  
Quo quid potest esse acriori supplicio ma-  
gis dignum? Eam ob rem, cum in ceteris re-  
bus honestiore vocabulo uti soleant legum  
interpretes, haec turpissima appellatione cor-  
rupta iudicia vocaverunt; quod aut primum  
defloratae pudicitiae, aut earum rerum,  
quae in nihilum evanescunt, dici consuevit,  
ut corrumpantur. Quibus rebus, sicut in  
iudiciis corrupendis, praecipue adversatur  
integritas, ut plane intelligere possumus,  
hanc potissimum rebus iudicandis praestan-  
dam esse. Quod si quid ei desit, qui iudi-  
cium est redditurus, quod ad moderatissi-  
mam aequitatem pertineat; integer appel-  
lari non potest. Cum autem varia sint ho-  
minum officia, ut boni & compositi patris  
fami-

familias, domum instituire, liberos erudire; hominum, diversarum aetatum, officia, boni agricolae, agros bene colere, fodere & arare, etiam conductos; ut boni civis, iusto imperio, legibus, institutis, parere, suis commodis civitatis utilitatem antepone-  
 re; ut optimatum, bene de communi liber-  
 tate sentire, magnificentius vivere; ut ma-  
 turae aetatis, consulere libere, defendere ho-  
 nestatem, iuventutem coercere, omni via  
 decus publicum augere; ut adolescentium,  
 vestigia maiorum imitari, excitari ad lau-  
 dem, gloriam virtute & ingenio quaerere;  
 ut vigilum, urbem custodire, pro portis ex-  
 cubare; ut denique omnium hominum di-  
 versa studia. Eius vero, cui commissa sit in uno quasi magistratu concurrunt.  
 respublica, nullum est singulare munus,  
 quod praeter cetera tueatur; complectitur  
 omnia omnium officia, quaecunque ad  
 commodum, salutem, ornamentum, reipu-  
 blicae pertinere videantur, tuerique com-  
 mune officium debet, efficereque, ut suum  
 quisque tueatur, ne quid domus, ne agri, si-  
 ve sint illi publici, sive privati, denique ne  
 civitas omnis, aliquo afficiantur incommo-  
 do, meminisse, ad utilitatem civilis socie-  
 tatis, ad salutem omnium, se esse constitu-  
 tum, cuius, quanto amplior est dignitas, tan-  
 to sunt delicta habenda graviora. Quippe  
 cum publico munere fungatur, delinquere si-  
 ne publica ignominia non potest. Laudan-  
 dus vero est, qui, sua dignitate servata, sic  
 vivat, ut iure accusari non possit. Magis  
 etiam

etiam commendanda frugi patris familias diligentia, qui domum frugalitate & modestia regat; multo tamen vehementius extollendus est & omnium clarissimus & laudatissimus iudicandus is, qui magistratum bene gerat, cuius illud erit studium acerrimum, cunctam rempublicam, veluti domesticam suppellectilem, componere, expolire, gubernare, ut, quanto viro maior familia est, & familia civitas, tanto huius opera, si recte administraverit, insignior, si prave, detestabilior. Nam si vigilare quemque suis rebus honestum est, quanto honestius erit, reipublicae providere? Contra, si negligere rem familiarem, ignavum censendum est, si liberos destituere, impium; quanto magis communi reipublicae deesse, patriam, id est, te ipsum, liberos, amicos, propinquos, parentes, Deos, fraudare, & impium, & nefarium, est iudicandum? Huic igitur rei omnis adhibenda est diligentia, non solum ne quid ex magistratu tuo respublica capiat detrimenti, sed etiam multo magis, ut concordia, ut moribus, legibus, institutis, crescat, nullaue pars omnino sit, cui debita cum diligentia non consulatur. Atque ita suprema fastigia curanda sunt, ut infima non negligantur, quemadmodum in pulchro & praestanti corpore lavandus quidem poliendusque vultus, sed nec capilli tamen unguiculaeque negligentius habendae sunt, cum parva labe magna saepe ornamenta foedentur.

tur. Si enim caste, si mansuete, si iuste, geras multa, & tamen exiguum aliquid relinquo officii, vel etiam si abiectissimis facies iniuriam, una macula sordebunt omnia, tanquam minus integre ex omni parte gesta esse videantur, ut in sublimi & magnifice structa domo non fere laudatur architectus, si vel basis una paulo sit incultior, aut lapis, quamvis exiguus, intorte collocatus. Vetus est Platonis comprobatio de lyra, in qua si vel una chorda non consonet, omnis concentus offenditur. Par omnium fortuna convenientem quandam efficit in republica & aequabilem consensum multitudinis, si modo nullius dignitati & virtuti detrahatur, iuxta merita cuique tribuendo. Praeclara haec quidem, quae diximus, & praestantis in republica viri, si una ornamenta, sed afferentur alia quaedam non obscuriora, & quae eo spectent, ut ostendant, virum in magistratu constitutum & reipublicae gubernacula tenentem, nulla una virtute contentum esse oportere; sed opus esse virtutum omni praestare genere, ut sit tanquam speculum quoddam honestatis clarum atque splendidum, & quo se ceteri componant ad bene sancteque vivendum. Caput autem huius praeceptionis est iustitia, ad quam unam referuntur omnia. Est itaque omni ope tibi enitendum, ne quid superbe, flagitiose, iniuste, facias, dicas, permittas, acerrius defensor publicae honestatis, maximo omnium,

Dicitur Platonis,



Heracliti.  
Necessitas  
ususque le-  
gum in repu-  
blica bene  
constituta.

omnium, quae ad leges & iura, tam huma-  
na, quam etiam divina, pertineant, habeas-  
que ante oculos praeclaram illam Heracliti  
sententiam, leges, uti muros, esse defenden-  
das, cum multo sit periculosius civitatem  
legibus catere, quam urbem muris. Tum  
qui leges civitatis oppugnant, scelestiores ha-  
bendi sunt, quam qui muros; nec solum ho-  
stes iudicandi, sed etiam parricidae, cum ea  
tollunt, quibus salus & omnium vita conti-  
netur. Etenim turres & propugnacula vim  
externam depellunt, quae rara est, & non  
nisi a potentioribus infertur, vixque multis  
seculis solet accidere, ut moenia pulsantur;  
leges autem quotidiano praesidio civitatem  
ab intestina iniuria tuentur. Muri, ne ab im-  
peratoribus, ne a regibus, capiantur, opem  
ferunt, quorum imperium aequum esse pot-  
est & tolerabile; leges prohibent, ne tur-  
pi & flagitiosae multitudini, ne improbo-  
rum libidini, serviamus. Quae res ferre a  
viris magni & constantis animi nullo modo  
potest, ut, quisquis leges e civitate sustulerit,  
quietem omnium libertatemque sustulerit,  
quae ad publicam utilitatem omniumque sa-  
lutem sunt excogitatae, ut, quantum de le-  
gibus, tantum de beata vita & libertate, de ci-  
vium omnium incolumitate, subtrahatur.  
Earum enim ope custoditur libertas, aucto-  
ritas honorum retinetur, retunditur temeri-  
tas improbae multitudinis, simultates, &  
contentiones submoventur, alitur concordia,

res foris domique amplificatur, passim agitur honestum otium, comprimitur tumultus, sopiuntur inimicitiae, exstinguuntur odia, omnis omnium civium perturbatio depellitur, fortunae, opes, dignitates, denique bona omnia, legibus conservantur, florent, amplificantur, ut multo firmior sit eorum gloria, qui parto imperio legibus moderati sunt, quam qui bello pepererunt. Sunt, qui affirmant, solitum dicere Diogenem, sive Diogenis sententia, fuerit alius, e grege tamen Philosophorum fuisse arbitror, qua in civitate nec leges valerent, nec amnis currens interflueret, in ea pernoctandum sapienti non esse. Et quod item Platonis, a Platone dictum nostri auctores usurpaverunt, sine legibus nec domum ullam, nec civitatem, nec gentem, nec hominum universum genus, stare, nec rerum naturam omnem, nec mundum, posse. Quae, etsi de divina lege dicta videantur, effunduntur tamen ad civitatum iura, quae ex illa priore tanquam in rivos e vivo fonte manaverunt. Tenenda sunt & naturae iura, ne cognationis & societatis, pietatis, amicitiae, ne quid inter propinquos, fiat iniuriae, ne quid fraudis inter socios, ne liberi parentibus adversentur, ne dissolvantur amicitiae, ne subeatur ingratitude, quo vitio nihil detestabilius, & ab universi humani generis societate magis alienum, nec cui defendendi sui facultas eripiat, ne bonis viris honor non adhibeatur, ne anteferatur mendacium

Descriptio  
Iuris natu-  
rae,

& gentium;

it. aequitatis,

iustitiae,

veritati. Quae omnia iura naturae sunt, ut, cogente nemine, nulloque proposito supplicio, quisque tamen putet esse servanda, edoctus a natura, quae quosdam excitavit in nobis igniculos & fomenta virtutis, non a praeceptore tradita, sed ebibita ab ingenio. Accedunt eodem ritus gentium, nationum mores, instituta civitatum, decreta maiorum, quae nullo modo sunt contemnenda. Evertent enim funditus contenta civitatem, cuius salus in his maxime rebus est constituta. Tum qua de re ferenda est sententia, iudicium reddatur; alienae sententiae non facile derogetur. Servanda etiam, quae nulla lege constituta, tamen consensu omnium probata, recepta, usitata sunt, quae ad consuetudinem referuntur, tum quae ad veritatem, utilitatem, honestatem, pertineant, quae ex aequo & bono eliciuntur. Nihil est enim popularius aequitate, multosque habet honestos assensores, plures tamen cum utilitate coniuncta. Tamen cavendum, ut servantur promissa, pacta consent, non rescindantur conventa, iura quaesita nemini auferantur, largitiones non intercipientur, legata reddantur, tributa pendantur, vectigalia persolvantur. Haec si praestiteris, complexus eris prope omnes iustitiae partes, quae his in rebus fere tota versatur. Etiam non contemnenda est opinio bonorum, ut, qui magnis rebus gerendis plus sibi auctoritatis comparaverunt, a dignitate sua

sua non deiciantur. Nam sunt etiam inter privatos gradus quidam contentionesque honoris, ut alter alteri virtute, gloria, rebus gestis, antecellat. Quae si contemnantur, parient seditiones & tumultus, etsi nulum fiat inter plebem optimatesque discrimen, unicuique tamen, quod suum est,tribuendo, eripiendoque, quod alienum. Nam hoc quoque ad iustitiam pertinet, ut opinio, ut dignitas, ut auctoritas, attendatur etiam apud quasdam nationes, ut aetas, quales fuisse Lacedaemonii traduntur, nullam rem magis venerari soliti, quam senectutem. Praeterea in rebus iudicandis nonnihil laudis sibi vindicat clementia, quae propria est viri praestantis & mansueti, & magis naturae nostrae imbecillitatem, quam legum severitatem, aut sceleris atrocitatem, cogitantis. Nam acerbius punire, nocentes torquere, excruciare, crudelissimi solent, iniurias autem moderate prosequi, magnifici animi opus est, & supplicia ad mansuetudinem suam, non ad sceleris atrocitatem, referentis. Non tamen dicam, oblivisci iniurias oportere. Nam id in magistratu nequaquam censeo faciendum; in privatis tamen hominibus nihil magnificentius & salutaris, in Principe vero, ut, si sibi factae sint, nihil speciosius, quam ignoscere, ita nihil perniciosius, si in ceteros, quam negligere. Est genus hominum immane & detestabile, qui nullo, nisi eruento, contenti cruciatu, omnem ab-

clementiae,  
eiusque prae-  
stantia.

Nimirum  
sunt scelera  
quidem non  
negligenda  
prorsus, ne-  
que tamen  
acerbe nimis  
punienda;

Sed etiam in  
poenis mo-

ificiunt humanitatem, etiam in re tenui, novum aliquod supplicii genus excogitant, facta infectaque extorquent. Ii pro palmario habent, multis cladem intulisse. Quibus quid crudelius? ut non modo gubernaculis rerum publicarum, sed etiam vita indigni esse videantur. Romani veteres negabant, ei fas esse lucem intueri, qui hominem vita spoliasset. Nec magni refert, lege quenquam occidas, an contra legem, si modo cupiditate impulsus occidas. Mihi autem videntur scelera non negligenda illa quidem, quae si praetereant impune, nihil est, quod non ausura temeritas sit; sed nec acerbius, quam ferat ratio humanitatis & magnitudo delicti, punienda. Athenienses, quorum praecepta de vita praeclara sunt habita, unde leges nostrae, tanquam e fonte, defluerunt, vel in gravissimo scelere cicutam afferebant, eo supplicio contenti, quod, etsi est leve, tamen eundem habet exitum, quem eculeus. Cui est Phalaridis taurus incognitus aut subscriptio Neronis, quorum alter eum, qui tam immane supplicium excogitasset, illo ipso in tauro necari iussit, alter, quoties esset civis mulctandus morte, dicere solebat, quam velle se se ignorare literas, ne alienae calamitati manum apponeret. Quod si crudelissimis tyrannis poenae acerbitas non placebat: quid iusto imperio & civili mansuetudine faciendum est? Haec autem eo spectant, ut invitum ad damnationem hominis accedas

accedas, ut, quantum voluptatis capias scelere duſ ſemper  
 comprimendo, tantum capias doloris, quod ſervandus.

in ſcelus inciderint, qui ſunt puniendi, nec,  
 quod aetate noſtra plerique ſolent, multos  
 laqueo, plures ſecuri, conſeciſſe, gloriſis.

Nam etſi punire latrones, fures, ſicarios, & Qui in quo  
 ceteros id genus, neceſſarium eſt, fortasſe conſiſtat, &  
 etiam glorioſum, tamen in id neceſſitatis qualis ille ſit  
 non ſponte eſt veniendum, ne, unde gloriā habendus,  
 paulo avidius quaeras, ignominiam conſe- pluribus in-  
 qui videaris, ſi ex aliorum ſupplicio quae- digitatur.

ras. Cogat te neceſſitas ipſa puniendi, non  
 excruciandi libido impellat. Nec ſolum  
 crimina ſpectanda ſunt, ſed etiam cauſa,  
 tempus, locus, perſona inſpicienda, ut quis  
 ſit is, qui deliquerit? miles temerarius li-  
 mitem invaſerit alienum, an compoſitus ci-  
 vis: agro paterno vicinum exturbaverit?  
 adoleſcens in mulierem impudicam ſeciſſe  
 impetum dicatur, an natu grandis in inge-  
 nuam? ſicarius hominem vulneraverit, an  
 inimicus? ab eo factum ſit furtum, qui nun-  
 quam alias, an qui ſaepe, fecerit? a paupe-  
 re propter inopiam, an propter avaritiam a  
 locuplete? iratus convitium dixerit, an con-  
 tumelioſus? pacis, an belli, tempore fuerit  
 viſus armatus? paraverit deſenſionem, an  
 ſeditionem excitaverit? in libera civitate, an  
 in municipio? conſulto deliquerit, an caſu  
 atque fortuito? ſponte, an invitus? ſuo du-  
 ctu, an alieno imperio? ipſe alios hortatus,  
 an ab alijs impuſus? per imprudentiam la-

Diversa hominum de iustitia iudicio,

plus, an praecipitatus temeritate? dolo quid factum, an officio? in quibus omnibus casibus spectandus animus est. Spectandi etiam, ad quos pertinet iniuria, ut in hostes facta dicatur, an in socios? in propinquos, an in alienos? in cives, an peregrinos? in virum honestum, an infamem & detestabilem? in sacrum, an profanum? in privatum, an publico munere fungentem? quo in loco flagitium commissum sit? in templo an in lupanari? in foro, an in pomœrio? Haec omnia ab aequitatis fonte oriuntur, non fere semper explicato legibus ad unguem, iudicis tamen arbitrio reposita. In quo illud est magnificentissimum, imbecillitatem contra potentiam, inopiam contra divitias, tueri atque defendere, ut, cum tota respublica tuo sit commissa imperio, tuae tradita custodiae, quid infirmius sit, id maiore praesidio tueare, ut in urbium mœnibus fieri solet, ubi, quae minus munita sunt, fortius defenduntur. Sunt, qui putent, fortunam quoque spectari oportere, ne seditiones oriantur, quod fere accidit in minuta nobilitate, aut potentium libidine compressa aequabili inoderatione. Existimant enim, nisi aliquid permittatur licentiae, e sua se dignitate esse deiectos; cogunt coetus & multitudinem concitant, adducti spe mutandae & arbitrio suo vertendae civitatis. Quae fluctuatio est communis populis omnibus, ut aliqui aestuent cupiditate dominandi, quae res ad tyranni-

tyrannidem labitur, nisi resistatur. Sunt, diversa studia. quos moveat metus iudiciorum, ut, si legibus parendum sit, poenas suppliciaque verentur, scelerum magnitudine involuti. Multos colligit Aristoteles hoc aut ardore, aut metu, incitatos respublicas factionibus obligasse, ut Rhodiam nobilitatem contra plebem summis arma metu eorum, quae parari dicebantur, ut Heraclienfes, aliosque permultos. Nam de studio dominandi non opus est exemplo; hi lupi, ut aiunt fabulae, usquequaque inveniuntur. Hoc autem uno consilio putant evitari posse, si vento vela pandantur, & vehendum te, quo popularis vocat aura, permittas. Afferunt auctoritatem gravissimam Solonis, si modo auctoritas est ea dicenda, non querela potius. Quippe solitum dicere, aiunt, Solonem, quod Solonis effatum. quidam adscribunt Anacarfi, leges aranearum telae similes videri, siquidem telam illam, si quid leve imbecillumque inciderit, involvere & detinere, grave autem si quid, aut robustum, cedere & rumpi; sic leges coercere invalidos, a potentioribus frangi, solere. Sed & ego fortasse, si de factionibus esset sermo faciendus, putarem, ut eуро carbasa darentur. Verum in libera civitate non arbitror, tantumque abest, ut assentiar, ut nihil existinem, a statu & salute rerumpublicarum alienius, nihil perniciosius, his, qui vivunt legibus, ubi tenenda aequabilitas est & moderatio iuris publici conservanda,



Laus modestiae in magistratibus gerendis;

vanda, ut nihil extollatur, nisi virtus, nihil, nisi quod contra virtutem sit, deprimatur, si modo ea virtus coniuncta sit legibus, in quibus posita est salus civitatis. Plurimum etiam laudis in magistratibus gerendis sibi vindicat modestia, ut nihil appetas, quod non sit appetendum, ut pecunias, ut opes alienas. Nascitur enim ex hac appetitus intemperantia depilatio, rapinae, extorsiones; nascitur etiam libido explendae voluptatis a lege prohibita. Nec ulla res est in administratione imperii flagitiosior, & quae magis offendat popularium animos, quam iniuria libidinis, ut stupra & adulteria, & quae sunt eius generis turpitudines, ut omnis violatio pudicitiae, quae ita custodienda est, ut nullum omnino libidinis in te vestigium videatur apparere. Haec enim omnia & ab honestate vitae & ab officii gravitate recedunt. Rerum autem omnium, nescio an turpissima sit, avaritia in magistratu, quae & odium parit, & maximas solet importare calamitates, & detrimenta gignit, & perversam opinionem integritatis, ut, quem cupidum pecuniarum homines intelligunt, posse eum causis iudicandis integrum esse non putent. Ex eadem quoque praeceptione est frugalitas & victus moderatio. Efficat enim, ut & robustior in otio vivas, & quandam prae se fert opinionem honestatis. Contra ei, qui est deditus temulentiae & eluvioni, corporis vires enervantur, fluctuat animus, volu-

item frugalitatis & moderationis virtus.

voluptatum cupiditatibus incensus, exple-  
 darumque libidinum, quarum origo est  
 omnis a ventre & est pestifera civitati.  
 Dignitate enim abiecta & contempta, res-  
 publica unius Principis intemperantia tota  
 in licentiam luxumque dissolvitur. Prae-  
 clare Atheniensis Solon legem tulit, quae Solonis in  
hanc rem lex.  
 iubebat, temulentum Principem morte esse  
 mulctandum, cum satius sit, unum homi-  
 nem in republica perire, quam in uno viro  
 foedari rempublicam. Et ne dicere nimis  
 multa in eam sententiam videamur, Quibus vir-  
tutibus colli-  
 genda sunt ei, qui gubernacula reipublicae  
 teneat, omnia genera virtutum, vitiaque  
 abiicienda omnia, ne qua parte deficiat.  
 Quod si tanta integritas non detur in vita,  
 ut perfecti eo omni parte simus, omniaque  
 in nobis eluceant ornamenta virtutis, in  
 hoc tamen studendum & laborandum est,  
 ut praestare nitamur omnia, atque ita exi-  
 stimemus, ut, quoniam naturae imbecillitate  
 optimi esse vix possumus, tanto aptiores  
 esse ad hoc munus obeundum, quanto eri-  
 mus vita meliores. Nec deterreri oportet,  
 si qui magis idonei ad rempublicam capes-  
 sendam plus industriae, ingenii, probitatis,  
 attulerunt, quanquam improbitate nemo  
 potest nos vincere, nisi ipsi vinci patiamur.  
 Nam si primum locum honestae laudis non  
 consequemur, eo plus nobis pariemus glo-  
 riae, quo propiores accedamus ad primum.  
 Id autem cum in ceteris rebus est faciendum,

de qua mentis  
praecipue  
forma prae-  
dicti esse de-  
beant in ma-  
gistratu pu-  
blico consti-  
tuti.

Themistoclis  
decretum.

tum maxime in republica gubernanda, & gerendo magistratu. Cetera ad unius ple-  
rumque pertinent rem; magistratus propo-  
sitam habet communem utilitatem univer-  
sae civitatis, ut hoc diligentius gerendus sit,  
quo plures sunt, quorum est causa constitu-  
tus. Et, ut expressius totam hanc rationem  
intelligas, sunt, qui putent, hominem in  
magistratu positum ita pingi & exprimi  
oportere, ut nulla pars corporis vacet offi-  
cio. Primum frontem ad tempus effingunt,  
ut lenis & porrecta in suadendo, aspera, rugo-  
sa, tetrica, in iudicando, quam & observare  
boni possint & improbi formidare. Vigiles  
sint oculi & circumspicientes, modesti tamen,  
nec quales Hypericles in Sophocle depre-  
hendit, cui proxime sedentem egregia for-  
ma iuvenem laudanti, oportet, inquit, o  
Sophocles, Praetoris non solum manus, sed  
etiam oculos, continentes esse. Laudatur  
illud Themistoclis decretum, quo magistra-  
tus a ludis arcebantur, ne respublica ludere  
ipsa videretur. Etiam in ea civitate vetus  
consuetudo diu tenuit, ne minimus aditus  
esset in theatrum & scenam, nisi honesta  
modulantibus. Quod ea de causa faciebant,  
ne, qui essent in spectaculo, magistratus pa-  
rum honesti spectatores fierent. Ego vero  
non eo te angustiarum compulerim, ut ni-  
hil spectes. Nam id moris diu est, quod  
obsolevit. Verum ne sine gravitate &  
immodestia spectes, hoc ipsum est, quod  
prae-

praestare & potes & debes. Etenim nulla causa per urbem stipatum incedere, equo impudenter circumvehi & discursitare, fenestris suspicere, noctu vagum errare, ludis omnibus interesse, & leve, & indecorum est; nec vacandum his rebus, quibus nihil subest dignitatis, sed iuri reddendo invigilandum, studendum concordiae civium, qua servata crescit civitas, sublata dissolvitur. Huc intendendi sunt oculi, hinc tanquam pro portis excubandum. Sequuntur deinde aures duae, quarum altera accusatori est apertienda, altera pandenda defensori. In quo cavendum, ne quid temere credas, neve pertinax sis, ut, quod semel audieris, avelli non possit. Cogites, quis is sit, qui conetur persuadere, quae res, cui obiiciatur, ne plus fidei improborum temeritate detractiōi, quam bonorum innocentiae, adhibeas. Aurium enim nimius assensus linguas exacuit detractorum ad virtutem oppugnandam. Linguam, id est, orationem, tempus & causae variabunt. Acerba & mordax sit in castigando, in monendo conciliandoque inatior & suavior. Denique frontem ducem sequitur oratio, aut frons comes erit orationis. Larga manus & benefica, non tamen ambitiosa & prodiga. Quod si in altero peccandum sit, porrectam potius esse oportet ad munificentiam, quam unctam ad rapinas. Nihil est in viro claro, quod largitate & beneficentia magis eluceat, ab  
 omni

omni tamen ambitu seiugata ; nihil, quod vitam magis famamque denigret, quam ardens & infatiabilis cupiditas aliena rapiendi. Est autem ei, qui provinciae praesit, provincialium gratia, qui civitati, civium benevolentia, reportanda, non pecuniae, per vim & iniuriam extortae domum referendae. Hinc orta est maiorum lex de repetundis, ut eos, quibus praecessent, auferent opibus, non fortunis exspoliarent. Quod ut diligentius fieret, iis, qui magistratum cum laude gessissent in provincia, domi aes alienum persolvebant. Pedibus autem stabilitas quaedam desideratur, non vaga & discursitans, sed firma atque inhaerens, ne quaerendus, a quo ius reddi oporteat. Cautum erat lege apud veteres, non licere ei, qui gereret magistratum, provincia excedere, nisi voti solvendi gratia, quo pateret forum semper, & subsellia, & tribunal, quae loca publica esse voluerunt, quo aditus esset apertior. Denique nullum, volunt, esse membrum, quod ad salutem eorum, qui curae nostrae traditi sunt, non debeat celebrare, & consulendo, & agendo, ut tantum te laudis assecutum putes, quantum diligentia tua commodi fuerit respublica consecuta, tantum dedecoris, quantum illa detrimenti. Haec sunt, quae a nobis & literis & nunciis postulasti. Iacito tibi fundamentum colendi Dei. Quicquid inde aedificaveris, nullae procellae, nulla vis ferri labe-

Conclusio re-  
petit quam  
brevisime ha-  
tenus dicta.

labefactabit. Iustitiam omnibus in rebus servato diligenter. Ea est in Deos, in homines, & in eos, qui mortui sunt, maiores nostros, ut Diis primitiae decimales, hominibus res, maioribus parentationes & exequiae, reddantur. Denique ita statuas tecum, nemini hominum maiorum fraudem inferendam, tum bonos viros non despicundos, publicis consultationibus admittendos, crudelitati, libidini, omnibus flagitiis, bellum indicendum, inserviendum publicae utilitati, legibus & aequitati semper innitendum, nunquam pretio, gratia, libidine, iudicandum, ob rem iudicandam pecuniam non accipiendam, vitandam omnis avaritiae suspicionem, cavendum, ne quam in rem, quam in hominem, aut immanior, aut propensior, fuisse videaris, denique, quicquid repugnat honestati, fugiendum. Haec si praestiteris, summorum hominum, qui rebus publicis praefuerunt, secutus vestigia, & nos profecisse aliquid his monitis laetabimur, & non solum vexilla, quae honori dantur eorum, qui munus suum praeclare obierunt, reportabis, sed civibus salutem paries, tibi gloriam ingentem comparabis, ut non eo solum dignus fuisse, quod gesseris, sed qui per gradus dignitatum ad ampliora extollendus videaris. Quae omnia facillime consequeris, si te reipublicae custodem, praesidem, propugnatorem, memineris esse.

IOANNIS ANTONII  
CAMPANI EPISCOPI  
CROTONIATAE AD  
FRANCISCVM MAXI-  
MVM, CIVEM ROMA-  
NVM, DE DIGNITA-  
TE MATRIMONII.

Matrimonii  
dignissima o-  
rigo

praestat o-  
mnia religio-  
nis Christia-  
nae mysteria.

**M**atrimonii dignitatem & vetustas ori-  
ginis probat, iam inde a primo re-  
rum initio tradita nobis, &, per gradus ae-  
tatum continuata usque in haec tempora,  
gentium omnium testatur nationumque con-  
sensus. Nec potest non dignissimum esse,  
quod Deus instituit, religio tenuit semper,  
leges omnium humanae divinaeque sanxe-  
runt. Vix dum creaverat hominem subli-  
mis Deus, cum illi fortunam sociam atque  
adiutricem excogitavit, &, quod cogitavit,  
effecit, quippe Deo idem est cogitare, quod  
facere; idem facere, quod perficere, tra-  
xitque illam ex hominis ipsius costa, non  
ex terra peregrinaque materia confecit, ut  
esset viro futura coniunctior & gratior,  
quae ipso nata & facta esset e viro. Et ce-  
tera quidem religionis nostrae mysteria,  
quanquam sacrosancta & divina sunt omnia,  
ad curam tamen & custodiam hominis &  
emendationem; cum iam peccasset, viden-  
tur adhibita, hoc unum ad productionem  
uni-

universi generis propagationemque legitimum naturae inventum est, antequam peccaretur. Ita hoc factum est, ut nasceremur; illa, ut lapsi surgeremur, effecerunt. Quantoque est ortus, quam resurrectio maior, & officium, quam remedium, tanto est matrimonium, quam mysteria cetera; praestantius. Tum illa nequaquam ab omnibus admitta sunt, hoc omnes gentes, omnesque nationes, quanquam diversis ritibus, pari tamen consensu, receperunt, remque, ut erat, omnium sanctissimam atque utilissimam rati, quicquid potuerunt laetitiae, plausus, ceremoniae, adhibuerunt; fuitque semper apud omnes praecipua & fere sola celebritas nuptiarum. Quod etiam ex epithalamiis priscis veterum, quae nomen a nuptiis acceperunt, licet intueri, ubi festivitatis & laetitiae plena sunt omnia. Huc tibicines instituto maiorum, huc albentes equi afferebantur, huc pompa, quanta excogitari poterat, maxima cantu, versibus, tripudiis, ducebatur, quod res esset nulla, cui tantas deberi & honestatis & utilitatis laudes arbitrarentur, quantas ei, unde se natos esse intuebantur. Sic cum ceteras aestuantis naturae illecebras diversis nominibus appellarent, stupri, incestus, adulterii, fornicationis, spurcitiae, quod essent foedae & detestabiles, & legum ex his religionumque iura violarentur, solis nuptiis honestissimum matrimonii nomen tradide-

Omnibus gentibus nationibusque sanctissima omnium semper visa res est matrimonium. Hinc singularis apud eas nuptiarum honor,

honestissimum convey-



nientissi-  
mumque ma-  
trimonii no-  
men.

diderunt; plenum honoris, pietatis, reverentiae. Quo enim cariore ac sanctiore nomine domum venire poterat nupta, quo mater familiae iam tunc destinaretur cum veniret? An est ullus affectus in terris honestior aut reverentia maior ulla, quam matris, atque eius matris, quae sit consensu legitimo coniuncta cum patre, non soluto libidinis congressu volutata? Quippe non omnis mater ex matrimonio est, sed quae duntaxat maritalibus vinculis nexa, non licentia flagitii concita, in thalamos ierit nuptiales, consecratos ceremoniis, non caeca libidine in fornicarios sese concubitus praecipitaverit. Ea enim est vera mater existimanda, quae tibi exploratum dederit patrem; & incertum habet patrem, quisquis ex lege non habet, transactaque res pro iudicio est, pessimam ei matrem esse, cui ex matrimonio non sit. Nec venit honesta consensio animorum, quo nuptiales taedae non pervenerunt, sitque impulsu libidinis obsceno, quicquid displicet, cum est factum. Iudicium est, quod robur & pondus adiicit rebus, nec quisquam est, qui non invitus peccet; maluit, atque si liceat, id idem assequi non peccando. Quod opus praecipuum est nuptiarum, ubi omnia fiunt summa cum benevolentia eorum, qui affinitate iunguntur, non afficiuntur iniuria. Et amplectimur reverentia sponsam, non modo quia nobis desponsa est, sed quoniam liberorum

rorum nostrorum, quibus nihil nobis potest  
 esse carius, mater futura sine scelere nostro,  
 sine offensione Dei, sine contumelia pro-  
 pinquorum. Iure itaque matrimonii no-  
 men sortita est res tanta, unde nati omnes  
 matrem cum dignitate, patrem sine dubita-  
 tione, utrumque sine peccati infamia, habe-  
 remus. Sed ea res quam sancta fuerit sem-  
 per & probata omnibus, infinita extant ex-  
 empla, nec gens fuit ulla tam barbara, quae  
 non solutam damnaret libidinem, matrimo-  
 nium amplecteretur. Nam etsi prisca Ara-  
 bes, ut res ceteras, ita & uxores, commu-  
 nes habuerunt; quod fere idem fecisse cre-  
 duntur Britanni & Trogoditae, & in Grae-  
 cia Lacedaemonii, quorum alteris caterva-  
 tim, alteris familiarim, uxores erant, ter-  
 tiis promiscue habebantur: tamen & hi in-  
 tra concessos genti limites sua quisque con-  
 tenti uxoribus tenebantur, nihilque apud eos  
 acerbius, quam adulterium, plecebatur,  
 cum extra familiares uxores catervatiasque  
 lascivirent. Indi quoque veteres, non con-  
 tenti unica, plures cum ducerent, alias vo-  
 luptatis explendae gratia, prolis augendae  
 alias, mercabantur. Quippe non dotem ipsi  
 accipere, sed, quod & alias Cantabri fece-  
 runt, ultro parenti offerre consueverunt.  
 Indi quidam duntaxat bonis; Cantabris vero  
 pro dignitate atque opibus erat proposita  
 merces, quoniam aliqua inesset flagitii tur-  
 pitude his, quae ad voluptatem ducerentur.

insignis reve-  
 rentia atque  
 cultus,

in solutam  
 contra libidi-  
 nem & adul-  
 terium gra-  
 vissima statu-  
 ta poena.  
 Exempla Ara-  
 bum, Britan-  
 norum, Tro-  
 goditarum,  
 Lacedaemo-  
 niorum,

Indorum

Cantabro-  
rum,

Germano-  
rum,

Aegyptio-  
rum,

incertae cu-  
iusdam gen-  
tis,

Taxillorum,

Hos animos quantum attinet, secuti Germa-  
ni, dabant ipsi dotem, uxoribus, non acci-  
piebant. Sed horum quoque par cura ser-  
vandi matrimonii fuit, nec violati poena  
diversa, si qui alienis abuterentur, capitale  
habebatur. Aegyptii vero eodem depre-  
hensos scelere, viros quidem mille plagis  
caedere soliti traduntur, mulieribus nasum  
amputabant, ut, matrimonii iure violato,  
qua parte corporis homines illexissent, ea,  
contaminata pudicitia, foedarentur, & esset  
testimonium flagitii in vultu, quod in vul-  
tu libidinis fuisset incitamentum. Et tradi-  
tum est, fuisse nationem aliam, ubi Rex gen-  
tis nullam ipse quidem haberet uxorem, &  
habere lex vetuit, ceterum per alienas, &  
quotas libitum esset, diversaretur, ut, quam  
nocte quaque potissimum mallet ex omni-  
bus, eam interdum accire ad se iuberet, isque  
apud eos plurimum gloriaretur, cuius uxor  
saepius fuisset accita. Sed Rex quidem ita  
habebat, ceteri nihil aeque, ac matrimonii  
iura, venerabantur. Erant & qui multo  
impudentius uxores ducerent, haberent ta-  
men observantius. Hi Taxilli in Asia po-  
puli fuere, ubi, si quae essent puellae pa-  
rum locupletes, producebantur a suis in fo-  
rum in ipso aetatis flore, magna pompa,  
tubis, classicisque procinentibus, atque ibi  
confluente multitudine, puella ei, qui ad se  
accessisset, primum posteriora corporis hu-  
mero tenus, deinde anteriora, inspicienda  
denu-

denudabat, atque ita, cui potissimum placuisset, nubebat. Sed nec hi quoque ad appetitum differebantur, sed contenti legibus eam tenebant, quam ultro acceperant. Paulo modestius Assyrii. Triumviros constituebant, appellabanturque praefecti nuptiarum, homines probati & graves. Ab his puellae, ubi essent iam nubiles, in multitudinem mediani producebantur. Horum si qui eas conducere vellent, praeconis voce denuntiabant, atque ita locabantur, sed ut discedere ab his non liceret. Iam & hic matrimonia utrinque constabant, Babylonii vero non tam aperta quidem, sed tamen turpiora, compendia. Quippe apud eos puellae cum hospitibus solitae feruntur, exigua pecunia, & quanta hospiti libitum esset, in gremium coniecta, quam summam doti destinabant, mox maritabantur, ut, quamquam turpiter, tamen sine matrimonio non essent. Idem mos est Cyprii, vetustissimis fuit & in Sicilia Eraclicensibus, ut puellae, profectae ad littus maris, primo nuptiarum die publice prostarent, atque ita dotem lucrarentur, illaque esset commendatior, cui plures fuissent congressi; eumque congressum Veneris libationem appellabant. Per reliquam vitam continentissima, meliusque succedebant connubia & honestius, quam inchoabantur. Adhuc stultius & procacius Thebis, quae fuerunt, in Africa puellae viros ultro palam appellabant, &

Assyriorum,

Babyloniorum,

Cypriorum,  
Eraclicensium,

Thebanorum

Perfarum,  
Aegyptio-  
rum, Graeco-  
rum.

Laudatur in  
primis Ro-  
manorum.  
sive Italarum  
continentia,  
pudicitia.

cum quibus, quotque libitum esset, conspurcatae, mox domum reductae, lugebantur a parentibus, ut mortuae, atque ita paulo post despondebantur. Infinitum esset per externa discurrere, remotasque nationes, nationumque diversos & improbatos mores, commemorare, apud quas etiam & parentes liberis nubere, ut apud Persas, & sorores fratribus, ut apud Aegyptios Graecosque veteres, consueverunt. Haec eo referuntur omnia, ut constet, divinitus adinventum matrimonium ubique obtineri, ubique coli, etsi multo sanctiora nostrorum fuerunt instituta, atque ut in ceteris rebus, ita hac nuptiarum quoque sanctitate, gentes nationesque ceteras semper vicit Italia, ubi nunquam eo dementiae aut libidinis ventum est, ut vel pudicitia fuerit contemptui, vel plures quisquam uno tempore uxores inculcaverit. Sed quanto maiores nostri exteros, tanto nos eos ipsos, hac ipsa nuptiarum dignitate superavimus, nec divortia, quae sponte fierent, nec repudia, quae in viri essent potestate, admisimus. Multo stabiliora sunt mysteria nostra, quia fundamentum iecerunt in petra, non ad casum fluctuationemque opinionum quatuntur. Itaque maiores nostri, nondum nacti hanc lucem, qua nos illustramur, ignoraverunt quidem normam ritumque verum nuptiarum, quia verum sponsum Christum non noverant, & Cananaeae nuptias atque apparaturn

ratum non aspexerant, sed tamen tanto ornatu atque copia, tanta superstitione & ceremoniis, rem peragebant, ut omne studium in id atque industriam impendisse videantur, dignique prope fuerint verum cognoscere matrimonium, qui tantum in illo exornando elaborarent. Operae pretium est, intelligere, quo cultu nuptias, qua auspiciorum observatione, celebrabant. Primum omnium puellae adhibebant consensum, ne qua nubere cuicumque invita cogeretur. Inde, ubi dictus dies nuptiarum advenerat, & pompa maiorem ritu parabatur, sponsa virentibus floribus in corollae speciem distinctis, coma praetegebatur etiam verbena, quam Lucinae sacram, ut Veneri myrthum, putaverunt. Mater puellae variam suppellectilem, specilla, acus, calamistrâ, crinalia, inaures, frontalia, reliquumque mundum muliebre in scrinia & cameram congerebat, eaque puellam anteibat, quo intelligeret, esse sibi cum omnibus fortunis suis, quae ad liberam foeminam pertinerent, e patris domo in aliam familiam emigrandum. Inde albi equi, quos vocabant Iovis, strati permagnifice apparabantur, & curru aut thesae, in qua sponsa infedebat, adiungebantur, ut candorem uxorum sine labe significarent, & sine macula esse oportere, & curru, cui per fornices transitus non esset, via patenti atque aperta, nullis latebris obno-

Mos celebrandi apud eosdem nuptias.

origo vocis  
nuptiarum,

Vestes nu-  
ptiales.

Auspicia.

xia, vectaretur. Tum qua via iter sponsae futurum esset; ea tota floribus sparsa, velis late impendentibus, tegebatur, ita, ut coelum non prius aspiceret, quam ad mariti domum pervenisset, ducebaturque capite circumvelato; unde nuptiae a nubendo, quod est velare, dictae existimantur. Panarium etiam deferrebat manu, farris cibariorumque plenum. Inde, ubi venisset ad limen primum vestibuli, sponsus arrectam eam sublimem, ita ut pedes pavementum non tangerent, limini superiori incutiebat, ut aliquoties linen ipsum cervice feriretur, interdum canistro, quod ab infimae plebis puellis, quae non essent nuptae, ferebatur. Limina, in quae puella duceretur, fertis circumpendentibus coronabantur, testimonium novae ingentisque laetitiae, & e qua praecipue penderet domesticum decus. Puella veste induebatur purpurea, verum quae in suppari modum humeros non excederet, ne lacerti nudi relinquerentur, ut corporis reliquae partes sese inter modestiam & verecundiam custodirent, manuum opera in oculis spectarentur. Adde & collo monile, quo testaretur, victam iam esse, & in alterius futuram potestatem transcendere. Et limen ne pedibus contingeret, prohibebatur, ne quid offensionis accederet, omenque acciperet illaesa felicitatis. Eodem spectabat & candida insula, postem utrumque contingens, ad puri consortii signifi-

ficationem. Thorus in aperto, exiguis & pressis gradibus stratus, apparabatur, ut pateret omnibus, & sciri posset ad honestum congressum praemissam & legitimam consuetudinem, ne vetita ac solita flagitia conspicerentur. Eam deinde pueri tres nobiles comitabantur, primus, qui faciem accensam anteferebat, virginitatis insigne, quod ignem sacrum aeternumque Vestae solae virgines custodirent, etiam quia, servato more majorum, sponsa ad excutiendum pudorem noctu linthea velatis oculis ducebatur; alteri duo pueri, arreptam veluti per viam e matris gremio, puellam ad virum tumultuario cursu deferebant, ad auspiciū futurae felicitatis, quod raptae a Romulo Sabinae prospere feliciterque vertissent, Romanamque rem & foecunditate prolis & reconciliatione suorum amplificassent. Velato capite incedebant, ut redeundi ad suos, discedendique a marito, viam non prospicerent, neve oculos in alium quempiam, quam in eum ipsum, ad quem ducebantur, deflecterent. Percutiebat limen, ut sciret, illo ingressam, iniussu viri nunquam egressuram, & cum egrederetur, nisi eodem rediret, caput, id est, decus & speciem suam, offensuram. Panarium cum farre & cibariis, aut canistrum, ferebat, ut intelligeret, illic sibi perpetuo vivendum esse, illic habitaturam. Eodem & camera cum mundo muliebri, scriniaque suppellectili referta, pertinebant. Ingressa thalamum, cingulo



cingebatur ovilla lana confecto, quod mox a viro, cum therum conscendisset, solveretur, futurae concordiae consensionisque auspiciū, ut, quemadmodum illa cincta compactaque fuisset, ita coniuncta cum viro concorsque perseveraret. Tum eodem auspicio hasta gladiatoria, qua gladiator quispiam confossus occisusque fuisset, puella, coma discriminabatur, ut, veluti hasta Myrmillionis inhaeserat corpori, ita uxor viro confertaretur, vel potius quo prolis gignendae robur fortitudinemque auspicaretur, quod res Romana re bellica militarique constaret. Idem annulo ferreo sine gemma, sponsae digitis indito, augurabantur, quod non auro, non argento, non gemma, sed ferro solo & foecunditate prolis, Romanum crevisset imperium, vel ut, captato auspicio, filii fortes ac robusti nascerentur, & eorum, qui uxores ducerent, robur virilitatemque probarent, quod auspiciū non solum nostris curae fuit, sed exterarum quaedam nationes tenuerunt; inprimis Carnanii, qui trans Taurum incolunt, quorum nemini fas erat uxorem ducere, nisi prius cervicem caesi proelio hostis amputatam ad Regem pertulisset, ut, qui digni essent uxoribus, virtute atque robore probarentur, ceteri ut molles effoeminatique carent. Persae vero initio verni aequinoctii, quo maior inesset membris calor, & valentior ad prolem robustam gignendam, duci uxores statuerunt, & qua die cum uxoribus ipsis

Mores Carnaniorum,

Persarum,

ipsis congredierentur, quo sobria conciperetur proles, nil praeter malum aut carnali mendellam vesci statuerunt. Sed de nostris sit sermo, quorum sanctiores nuptiae & fortiora pignora fuerunt. Puella verbena percincta caput, floribusque variis, tristis tamen, viri domum ingredi iubebatur, quod virginitatem, cuius foeminae cura debet esse praecipua, & recuperare nullis artibus potest, paulo post esset amissura. Ubi paulisper stetisset, lanexa mox in sella confidebat, quod totam suppellectilem omnesque divitias lana constare, maiores voluerunt. Ideoque Talassionem nuptiis acclamare soliti, quod lanificii vim significationemque haberent, cui materfamilias praeponebatur, domesticaeque curae praeficiebatur omni, ut lanam, in qua universa erant veterum bona, conieceret. Eandem ob rem euntem ad sponsum puellam iuvenes aliquot colum, fufum, stamenque praeferentes, antecedeabant, quod in his & cura & studium futurum esset mulieris. Cum pervenisset ad ianuam, & pro foribus substitisset, interrogata, quod esset ei nomen? Caiam se vocari dicebat, quod eo fuisset mater Caia Coecilia, Tarquini uxor, una in lanificio mulier a priscis celebrata. Multa quoque ad omnes diuturnitates miscebantur. Nulli pronubae attingere sponsam permittebatur, nisi quae unum duntaxat habuisset virum, ceterae, quae nupissent pluribus, procul inde arcebantur.

Reliqui Romanorum in nuptiis celebrandis servati mores, ritus, ceremoniae.

Viduae admittēbantur nullae, quamvis ar-  
 ctissima propinquitatē coniunctae, ut peren-  
 nitas quaedam promitteretur, vitaeque utri-  
 que longissima, nullis aliis nuptiis interrumpē-  
 penda. Et cum fax illa, quam puer nobi-  
 lis praeferebat, quantum satis esset, praelu-  
 xisset, ab amicis propinquisque utriusque di-  
 ripiebatur, ne aut uxor eam nocte sub lecto  
 collocaret, quam rem supeſtam viro arbi-  
 trabantur, aut vir in sepulchralibus funeri-  
 busque sacris comburendam curaret, unde  
 fatum sponsae portendebatur. Tum hi pue-  
 ri, quos diximus, omnes patrimi matrimi-  
 que deligebantur, nec ulli, diversis parenti-  
 bus nati, aut orbatī altero illorum, anteibant,  
 ut, qui futuri essent utrique liberi, non ex  
 alio viro uxoreve alia susciperentur. Porro  
 ad prolem multiplicandam & porca, quod  
 foecundissima sit, nuptiis mactabatur, & nu-  
 ces late ante ianuam, quod his ludere pueri  
 soleant, spargebantur. Clavus item ad fa-  
 cilitatem partus in vestibulo figebatur, ubi  
 res divina fieret. Faces, quinque accensae  
 in orbem puellam lustrabant, ne aut pau-  
 ciores pareret in vita omni, aut uno partu  
 plures, quod & discrimini foret parienti, &  
 prodigiosum putabatur. Inter sacrifican-  
 dum postea veruino adipe, ne qua fasci-  
 natio fieret, inungebantur, quod arcere  
 ea res, veneficia incantationesque putaretur.  
 Aderant deinde novi apparatus ceremoniae.  
 Ubi iam pernoctassent, postridie nuptiarum  
 com-

compotatio pramiscua viro uxoriq̃ue apparabatur, repotionemq̃ue vocabant. Vir praeterea ignem & aquam, in quis commutatio vitae omnis sita est, uxori porrigebat, ut, quemadmodum his, quibus exilium indictum erat, civium communione, & igni, & aqua, interdicebatur, ita vir uxori, qua cum victurus habitaturusque esset, ignem atque aquam summi consensus mutuaeque societatis auspiciū communicaret, vetabaturque alter alteri domo quicquam dare, quod fere ad nos usque pervenit, ne largitiones inter virum uxoremque fiant, quoniam supervacaneum erat, vicissim se donare, quorum omnia esse communia oporteret, nihilque alter haberet, quod non futurum & alterius videretur. Infidita quippe sunt, quae veteres instituerunt in ornandis nuptiis, quorum magnam partem ipsi reiiciimus, quaedam obtemus, scilicet, ut sponte fiat & cogi quis invitus non possit. Inde sponsam, quod sponte consentiat, putant appellatam. Et observatio temporis, ut non semper liceat. Quippe illi neque festis diebus virgines duci volebant, quod nefas esse putarunt, cuiquam vim inferri, neque viduas, nisi festis, cum concursus non fieret, & multitudo extra urbem per agros vagaretur, ita virginem adspici, a multitudine ad maritum euntem, pulcherrimum putabant; viduas non ita. Et Iunio aut Aprili, vel qui finitimi essent mensibus nuptias fieri decreverunt, quod

Nomen sponsae unde ortum.

Tempus celebrandarum nuptiarum a Romanis praestitutum.

Quae tamen omnia in meliorem ordinem redacta adhuc florentissime vigent:

& ita quidem, ut, repudiis & divortiiis sublati, vinculum hoc, matrimonii scilicet, sit indissolubile.

Cuius contrahendi cupidine ad unum pene omnes ducuntur.

quod ea pars anni laetior esset, & in excrementum humoremque uberior, gestireque omnia naturae impulsu viderentur ad fructus pariendos, universaeque florent. Haec, inquam, omnia a maioribus tradita nobis, etsi magna ex parte obsoleverunt, tamen pleraque adhuc ita constant, ut non mutata a nobis, sed emendata, esse videantur, tantoque nos honestius facimus nuptias, quam prisca, quanto est nostra religio sanctior, quam illorum fuit. Repudia & divortia sustulimus, rem divinam adauximus, amovimus auspicationes, ceremonias sanctiores instituimus. Primumque putavimus divelli a viro uxorem non posse, cum indissolubilia sunt opera Dei, & quod ille colligaverit, id dissolvere homines non debere. Maius est enim vinculum Dei, quam conglutinatio naturae. Instituit parens omnium Deus sanctissimum hoc mysterium, nec minore vimunivit, quam instituerat, voluitque sic esse confixum & stabile, ut mas in foemina, foemina in mari, & vivere & esse viderentur; nec esset sine altera alter, quorum sine altera alter nasci non potuit, fieretque nexus quidam arctissimus, non diversitate morum, non taedio convictus, non satietate consuetudinis, non morbo, non senio, non denique ulla humana vi, dissolubilis. Quod nisi omente summi Dei fuisset, nunquam tantus omnium affuisset assensus, cum iam constet, nullam gentem fuisse nullamque nationem, quae

quae matrimonii legibus & nuptiarum solennitatibus non sit usa. Hoc barbari, hoc Graeci, hoc Latini, hoc omnis recessus orbis, omnis locus, omnes orae, tenuerunt, nec quisquam mortalium est aspernatus, nisi qui humano generi infestus, Deo invisus, sibi naturaeque ingratus, fuisset inventus; atque ita tenuerunt omnes, ut Principum extent civitatumque decreta, quibus ducere uxores iuvenes ad prolem augendam compellere-  
 tur. Itaque, ut multa sanctissime Lycurgus Lacedaemoniis, ita hoc quoque, instituit, ad civitatis amplificationem ratus & orbis terrarum ornamentum pertinere, ut quam plurimi nascerentur, legemque tulit, ut, qui uxorem non ducerent, hi & aestate arcerentur a ludis & spectaculis, ac conspectu prope omnium amoverentur; hyeme vero nudi forum circumirent, seseque detestarentur, & pati iusta dicerent, quod legibus non paruissent, quod, quantum in se esset, civitas non staret, nec imperium, sed servitutem mere-  
 rentur, quia, quibus tueri & propagare imperium possent, non procrearent. Et cum quisquam iuvenis sponte quemque senem observaret, soli, qui uxoribus carerent, contemnebantur. Itaque cum ex his quidam annis plenus in theatrum venisset, postulas-  
 setque a iuniore locum: nunquam, inquit ille, o senex, tibi, cedam, quod pueros, qui aliquando & ipsi cedere mihi possent, non genuisti. Tulit & legem Augustus Caesar,

Inde est lau-  
 datissimum  
 Lycurgi in-  
 stitutum,

Augusti Car-

candem-

faris alio-  
rumque le-  
ges.

eandemque & alii quidam postea confirma-  
verunt, ut iuventuti uxores darentur, popu-  
lumque amplificarent. Nec contentus le-  
gem promulgasse, Augustus privigni filios  
adhuc pueros populo Romano in publico  
spectaculo ostendit, hortaturus, Germani-  
cum, privignum suum, in tam pulcherrimo  
fructu, imitarentur. Et veteri lege cresce-  
re iussum est humanum genus, & annus ei  
concessus ad immunitatem, qui uxorem du-  
xisset, & proletariorum maioribus nostris  
ingens fuit cura. Qui caelibem age-  
rent vitam, nisi sacerdotiis functi, eiicieban-  
tur e templis, quod, quantum ad eos specta-  
ret, exstingui altarium ignem, & Dei cultum  
negligi ac funditus tolli, paterentur; homi-  
num genere paulo post defecturo, nisi dare-  
tur liberis opera, per quos incolitur terra-  
rum orbis & frequentatur. Etiam haere-  
ditatum & caducorum incapaces habentur  
indigni, quibus aliena bona legarentur, cum,  
quibus ipsi honeste legare possent, non pro-  
crearent. Ceteris & munera publica & iu-  
ra filiorum & congiaria Principum confere-  
bantur. Tanta & utilitas nuptiis & reveren-  
tia inerat. Quid igitur matrimonio fan-  
ctius? quod non ex opinione hominum  
inani, sed ex Principis omnium Dei mente,  
factum est, nec novissime institutum a no-  
bis, sed ab illo iam a prima origine mundi  
divius excogitatum; habuitque prius uxo-  
rem homo, quam matrem, quam filios.  
Ideo

Ideo & quod primum omnium habuit, iussus id est ad ultimum servare. Relinques, inquit Salvator, matrem & patrem, & fratres tuos, adhuc autem & sorores tuas, & haerebis uxori tuae. Quam ob rem ita, nisi quia mater & pater, fratres & sorores, naturae sunt opus, uxor Dei mysterium est? Ita, si quis parentem occiderit, supplicio quidem afficitur acerbissimo, sed quod sit in rerum natura, ut igni, aqua, aere, terra, careat, indignus his elementis, per quae pater vitam illi ingenuerat. Uxorem vero quisquis peremerit, divina quoque proponitur poena, excluditur sacris aedibus, hominum commercio exploditur, non vinum & ne sicceram quidem bibere, non ludos adspicere, non in convivium venire, fas est. Interdicitur secundis nuptiis, & thesauro illo pretiosissimo Eucharistiae inhibetur, indignus viatico Dei, qui sustulit opificium Dei, nec alteras sperat nuptias, quoniam, quo sacrosanctius mysterium nuptiarum, eo se fecit indigniorem, qui violavit, omnium destituentus auxilio, tristitiaque opprimendus, qui uno scelere, & datum sibi a Deo auxilium, & praebitam laetitiae consortem, ausus fuerit extinguere. Etiam Deus ipse nubere matrem voluit, non ut viro contaminaretur, quae semper esset virginitatem retentura, sed ut matrimonio non careret. Et ut nasci ipse sine viro voluit, ita sine nuptiis nasci non voluit, non quia necesse esset, ma-

Poena inter-  
ficientis uxorem.

Augetur sanctitas matrimonii per ipsius Servatoris natiuitatem in matrimonio factam.

triuo-



Et est illud  
solum funda-  
men, per  
quod civita-  
tes, conven-  
tus, & omnis  
pene mundus  
consistit.  
Neque id ta-  
men, nisi le-  
gitimum.

Commoda  
matrimonii.

trimonio gigni eum, qui ante omne matri-  
monium fuisset, verum ut matris exemplo  
ad illud ipsum nos hortaretur. Hoc civi-  
tates, hoc conventus, hoc pene mundus  
omnis consistit. Nam nisi certum esset  
cuique & exploratum de liberis, promiscuo  
ferarum more, aut spurca libidinis licentia  
nascetur, quis diligeret, quis curaret, quos  
suos esse non crederet, nesciretque, an quic-  
quam ad se pertineret? Vulgo nascitur, quis-  
quis matrimonio non nascitur; nec legiti-  
mum ille habet patrem, cui mater contin-  
git sine lege, non ad foedus societatis huma-  
nae, nexumque conjugalem devicta patri, sed  
ad tactum pruritumque congressa. Inde le-  
gum sanctitas decretaque veterum sapientum,  
instituere, neque posse eum haeredem esse,  
neque sacris initiari, cuius matrem patri nu-  
ptiae non devinxissent. Et Philosophorum  
quidam ad adolescentem, soluta atque impu-  
dica natum matre, cum saxa in forum ia-  
ctaret, cave, inquit, o adolescens, ne patrem  
ferias, qui ad populum iactes. Populi est  
filius, immo nullius est filius, vel si ita ma-  
vis, potius cuiusque est filius, qui innuptae  
matris filius est. Matrimonium certos li-  
beros facit, non dubios instituit haeredes;  
conventum naturae cohonestat, cupidinem ac  
impetum illum propagationis appetitumque  
congressus sine labe extinguit; marem foe-  
minae, foeminam mari, certo cum fructu,  
nulla cum infamia, connectit. Sine matri-  
monio

monio nec paterfamilias dici quisquam, nec plane domus appellari, nec augeri stirps, nec communicatio consiliorum fieri, potest, nec, benevolentia quae maxima sit in terris, percipi. Uxor domum ornat, regit penetralia, virum ad omnia iuvat, adstat consiliis, laetis applaudit, tristibus consolatur, hospites ipsa excipit, propinquos, cum adveniunt, ipsa complectitur, penates curat, ut mensa, ut lectus, ut omnia, in parato sint, facit, domesticam suppellectilem ipsa distinguit, ipsa tractat, ipsa componit, multa addit industria, diligentia cuncta digerit, fide universa custodit, nocturnus diurnusque comes, socia thori, custos laris, magistra domus, mater gentis, praefecta familiae, temo rei familiaris. Nihil fere habet, qui caret uxore, quod dicere possit suum; servi expilantur, suffurantur famuli, sodales & vicini carpunt, non stipatoria, non capsa, non serinia, tuta sunt ab insidiis, omnia iacent exposita fraudi atque neglectui, situ omnia squalent, domus sordida est tota, nihil reconditum, nihil distinctum, sine modo, sine ordine, sine nitore, dissipata & proiecta sunt omnia. Tum qui uxorem non habet, domi non est, etiam cum est domi, alio cogitat, alio suspirat, habitat tanquam externus in diversorio, non animum, non domicilium figit, non cubiculum penatesque recognoscit, invitus repetit lares, plenos solitudinis & con-

Incommoda  
caelibatus.

fortiū vacuōs; denique non lumen lucet, non cibus sapit, non potus, non quicquam gratum est sine uxore. Si habeas filios, pudet adspicere illegitimos, & ignominiae illorum te miseret; si vero non habēas, desertum te & destitutum sine posteritatis spe ingemiscis. Tum si adsint divitiae, vel careas liberis, miserum est, illas ad alienos pervenire, vel habeas extra legem natos, longe miserrimum est, labores sudoresque tuos maiorumque tuorum tuis liberis, tuo sanguini, non posse relinquere. Uxorem vero in oculis adspicere felicitas est, & per liberos successionemque familiae & nominis, & quando est idem pene, quod tu, & duobus in corporibus unus est animus, unusque consensus. Sola uxor non invidet viro, aut uxori vir, eadem vult, quae tu, eadem illi tristitia, eadem iucunda, quae tibi, coniuncta vita, coniuncta fortuna, est, vix potest superesse in vita, cum demigras, ut Getarum illae, quae mortuis viris sese una coniiciebant in rogos, quo simul morerentur, ut, quos vita coniunxisset, eos nec mors quidem divelleret. Magna vis est caritatis uxoriae. Sola in fine te amat, cum tota ex te uno dependet, tota in te uno quiescit. Cedunt liberi, cedunt fratres, cedunt ipsi parentes, uxoris benevolentiae, & saepe uxor mariti mortem redemit, sua vir uxoris. Nec temere venit in exemplum Rex ille, cui, aut, cum sibi moriendum esset, aut alius, qui

Vis amoris  
caritatisque  
uxoriae

Exempla

qui sponte id subiret, opponendus, nullo propinquorum aut amicorum invento, sola uxor Alceſta ſe obtulit, & alter, cum ex lapſu ſerpentum inſtare aut ſibi, aut uxori, Corneliae, mortem, augures praedixiſſent, idque in eius reſoſitum arbitrio eſſe, caelo ſuo ſerpente, illa ſervata, ipſe extinctus eſt. Infinita ſunt exempla mutuae pietatis; nec ullus eſt affectus amoris tam vehemens & ſanctus, quam qui viris bonis in uxores, eiusque praestantia; uxoribus in viros, eſt. Hic praecepta inſunt divina, ut uxor parentibus, liberis, rebus, poſt Deum omnibus, anteponatur; hic naturae merita longe ſuperantur. Natura non amplius, quam unum, nobis dare patrem poteſt, uxor, ut multorum ipſe pater efficiaris, poteſt; & pater uno nos gignit congreſſu, mater menſibus paucis abſolvit. Uxor nobiſcum eſt, nobiſque inſervit ſemper, nunquam diſcedit a nobis, niſi cum moritur, perdurat nobiſcum ad vitae exitum, tam diu nos comitatur atque obtemperat, quam diu ſpirat. Filii aliquando exeunt e parentum poteſtate, vel emancipati, vel religionis libertate perſiti, alterum ſibi domicilium comparant & ſibi ipſis vivunt, quaerunt, commercantur, ſola uxor ne pedem atque arctiſſima connexio inter virum & uxorem. quidem ſeclit a viro, ſemper in manu, in poteſtate noſtra, eſt tota, nec ante deſinit noſtra eſſe, quam vivere. Quicquid illa lucri, quicquid iacturae facit, viro facit, divitiae illi eadem, quae viro, paupertas eadem,

par dignitas, communis accessio. Et cum liberos discedere a parentibus, parentes a liberis, nulla lex vetat, & interdum aut angustiae domus cogant, aut pestilens morbus impellat, aut causae aliae suadeant, uxorem humanae ac divinae leges unius cubiculi semper atque convictus consortem esse voluerunt, ut, quae e viri costa in viri auxilium facta esset, ea nunquam seiungeretur a viro, nec fontico, nec elephantico morbo, nec ulla pestilentiae vi, maritum derelinqueret, quia nemo discedit a se, nemo se ipsum derelinquit, comes in tectis, comes in lecto, comes in prole suscipienda, in periculis, in laboribus atque in omni fortuna, in omnibus vitae actionibus comes, neque in somnis, neque in vigiliis, abscedit, una caro, mens una, concordia instituta divinitus, humanis quoque legibus confirmata, recepta a barbaris, admissa per omnes secessus orbis terrarum, quia facile inseritur omnium mentibus, quod divinum est. Iure itaque nulli ludi, nulla spectacula, festa nulla, denique nulli vitae nostrae actus, tanta ceremonia pompaeque celebrantur, quanta nuptiae, cum fuerint ornatu rerum, amicorum congressu, concursu propinquorum, apparantur tecta, parietes prope ipsi ac trabes, excitae congratulari & gestire laetitia videntur, novamque dominam laris consalutare, ac poscere novam familiam, per quam incolantur atque inhabitentur, nunc epithalamiis,

nunc

Unde colligitur, iure meritoque in nuptiis celebrandis ritus, pompam, aliasque ceremonias adhiberi.

nunc cantu & tripudiis, complenda sunt omnia. Venit in novam domum nova domina domus, venit in familiam mater, mox futura familiae genetrix eorum, quos ipse procreabis, qui tuis rebus dominabuntur, te per omnia referent. Tu vero, marite, quisquis es, sic existima, venire ad te uxorem, matrem filiorum tuorum, aviam nepotum, Dei manu commendatam, tibi datam ad societatem, non ad servitutem, ad obsequium, non ad mancipium, ad imperium tuum, sed cum gratia, ad potestatem, sed cum reverentia, ut praesit vir, quoniam prior factus est, adsit uxor, quae ex illius costa illi similis facta est, non subsit, quae e latere, non ex pedibus, facta est.

F I N I S.



INDEX



# I N D E X

## RERVM MEMORABILIVM.

### A

<b>A</b> cerra deditioe recepta	Pag. 377.
Adukerii gravissima apud omnes pene gentes statuta pena	737. sqq.
Aegyptiorum mos nubendi	738.
justitia	713
religionis observandae	706
studium	722
Aequitatis descriptio	715 sq.
in magistratu gerendo erga omnes servandae necessitas	490
Aerii montis descriptio	706
Aethiopum religionis observandae studium	712
Agamemnonis apud Homerum desiderium	563 sq.
Alexandri Macedonis maxima ingratitude	333 sqq.
Alfonsi, Regis Siciliae, ad Brachium oratio.	348
munera inter Brachios distributa	396
ad Brachium Legati	397
alteri	399
tertii	401 sq.
Alfonso, Regi Siciliae, a Joanna, Regina Neapolitana, structae insidiae	754
Amoris caritatisque uxoriae vis	ibid.
exempla	755
praestantia	513
Anatum, quae in Thrasimeno reperiuntur, descriptio atque aucupium	350
Angarium, urbs, captum	Anguilla-

Anguillarum in Thrasimeno piscatio	507 sq.
Animi humani excellentia	556 sq.
Animus est solus fons atque origo omnis gratiae, libertatis, beneficentiae, malevolentiae, cultus Divini.	636 sqq.
Anserum, qui in Thrasimeno reperiuntur, descriptio atque aucupium.	513
Antria, oppidum, a Brachio capta	180
Aquila, urbs, obsessa	403. 407 sqq.
Aquilae, urbis, descriptio	401
Aquilanorum perfidia bello ferroque vindicata	402
pertinacia	405 sq.
crebri ad Joannam, Reginam	
Neapolitanam, nunci	408 sq.
maximae angustiae	410 sq.
novus ad Reginam missus nunci	411
Arabum mos nubendi & adulterii poena	737
Archelai de ingratitude sententia	643
Ariminensium ad Brachium Legati	243
Aristippi de vitiis sententia	534
Asium Sfortianis proditum	271
a Brachio multo labore recuperatum	272 sq.
Assyriorum mos nubendi	739
Augusti Caesaris de matrimoniis contrahendis edictum	749 sq.

## B.

Babyloniorum mos nubendi	739
religionis observandae studium	706
Baiani fontis celebritas	635
Balioniorum Gentis magnitudo	572
Nelli celebritas	573
Pandulfi celebritas	573 sq.
Barbianei (Alberici) expeditio	26 sq.
ad Brachium literae	34
Bbb 4	Barculi



# INDEX.

<i>Bareuliorum descriptio</i>	520 sq.
<i>Bastia, oppidum, a Brachio oppugnata</i>	179
<i>Beneficentia a feris neque discenda est, neque expectanda</i>	625 sq.
<i>Beneficentiae continua necessitas</i>	596 sq.
<i>studendum est neque propter gloriam, neque propter utilitatem</i>	603 sqq.
<i>Beneficium a dante occultandum</i>	661
<i>ab accipiente manifestandum est.</i>	662
<i>exempla</i>	662 sq.
<i>Berthae, Brachii uxoris, mors</i>	277
<i>Biordi cum Brachio colloquium</i>	15
<i>Bonifacii, Pontificis, cum Perusinis foedus</i>	12
<i>Bononia in ordinem redacta a Brachio</i>	132
<i>recepta</i>	305
<i>Bononienfium copiae atque Duces</i>	298
<i>Brachianae familiae origo</i>	5 sq.
<i>Brachianorum praedationes</i>	300
<i>cum militibus Regis Siciliae</i>	
<i>de suo utrorumque more bellandi contentio</i>	337 sq.
<i>erga suum Ducem fides</i>	424
<i>pariter atque ipsorum hostium</i>	
<i>propter suum ducem amissum luctus</i>	424
<i>Brachii (Andreae) nativitas</i>	7
<i>adolescentis exercitia &amp; fata</i>	ibid.
<i>primum stipendium militare</i>	9
<i>prima excursio</i>	ibid.
<i>accepta quaedam vulnera</i>	10
<i>cum Biordo colloquium</i>	15 sq.
<i>exilium</i>	16
<i>ad Florentinorum castra susceptum</i>	
<i>iter</i>	17
<i>res gestae atque consilia</i>	17 sq.
<i>fata Viterbii</i>	25
<i>Volsuvii &amp; Fulginei</i>	26
<i>stipendia apud Albericum Barbianum</i>	26 sq.
<i>Brachii</i>	

<b>Brachii</b>	<i>Victoria a Bononiensibus reportata</i>	28
	<i>sententia &amp; consilium</i>	29
	<i>virtus ab Alberico pro concione laudata</i>	30
	<i>&amp; mirifice compensata</i>	31
<b>auxilium Patavinis praestitum contra Vene-</b>		
<b>tor</b>		31
	<i>gloria atque virtus ipsi invidiam parit</i>	32
	<i>interficiendi consilium</i>	33
	<i>ipsi per Alberici uxorem nunciatum</i>	ibid.
	<i>fuga ad Bononiensium castra</i>	34
	<i>aegre habet Alberici exercitum</i>	ibid
	<i>ad Alberici literas responsio</i>	35
	<i>iter in Hetruriam susceptum</i>	37
	<i>auxilium Rochensibus praestitum</i>	38
	<i>ad suos cohortatio</i>	43
	<i>cum Angelo Pergulensi pugna</i>	44
	<i>in resistendo virtus</i>	46
	<i>in dimicando successus</i>	46 sq.
	<i>cum Ludovico Firmiano pugna &amp; victoria</i>	48
	<i>cum eodem initum foedus</i>	50
	<i>auxilium Ludovico praestitum contra Ascu-</i>	
<b>lanos</b>		51
	<i>ad suos adhortatio</i>	56
	<i>iter in agrum Cingulanorum susceptum</i>	56 sq.
	<i>cum Cingulanis pugna &amp; victoria</i>	58 sq.
	<i>ad Legatos Ladislai, Regis Neapolitani, re-</i>	
<b>sponso</b>		61
	<i>Romam versus iter</i>	62
	<i>variae excursiones</i>	65 sqq.
	<i>in castris Florentinorum cum exercitu suo</i>	
<b>adventus</b>		74
	<i>consilium</i>	75
	<i>copiis Regis Ladislai occursum</i>	76
	<i>variae cum his velitationes</i>	77
	<i>elegans a Julio Cesare, praefecto regio Fra-</i>	
<b>ae,</b>	<i>ad cenam ironicam invitati responsio</i>	78
	<i>cum Caesarianis pugna &amp; victoria</i>	79
	<i>iter Romanum</i>	81
		Bbb 5
		Bra-

# INDEX.

<i>Brachii excursions</i>	81 sq.
<i>iter Bononiense</i>	85
<i>excursions in fines Interamnensium</i>	87
<i>irruptio in Perusiam</i>	90
<i>Gallorum Italarumque maximo exercitui</i>	
<i>praefecti singulare gratae mentis specimen</i>	92
<i>cum Ladislao Rege pugna</i>	93 sq.
<i>ad suos cohortatio</i>	96
<i>virtus laudata</i>	99
<i>reditus Torsianum</i>	ibid.
<i>cum Perusinis pugna &amp; victoria</i>	100 sqq.
<i>iter in Tudertinum susceptum</i>	103
<i>cum Querquetensibus pugna</i>	108
<i>cum exercitu ingentique praeda Fractulam</i>	
<i>reversio</i>	112
<i>ad Camertes oratio</i>	115 sqq.
<i>continuae excursions</i>	121
<i>binae cum Comite Carrariae pugnae</i>	124 sqq.
<i>praelium cum Faventinis</i>	129 sq.
<i>cum Michilecto Cotignolano</i>	131
<i>varia itinera</i>	135 sqq.
<i>variaeque excursions</i>	138 sqq.
<i>eruptio mire compensata</i>	141 sq.
<i>cum Rege Ladislao colloquium</i>	143 sq.
<i>iter Bononiense</i>	144
<i>vitae insidiae a Pontifice structae</i>	145 sq.
<i>praelium cum Crasso Venusino commissum</i>	147
<i>excursio in agros Foroliviensium</i>	147 sq.
<i>in Ravennatem, Fanensem, Arimi-</i>	
<i>nensem &amp; Pisauriensem, agros</i>	148 sq.
<i>pugna cum Pandolfo Malatesta</i>	149 sq.
<i>iter Perusinum</i>	156
<i>cum Perusinis velitationes</i>	159 sq.
<i>ad Florentinorum Legatos responsio</i>	ibid.
<i>impetus minus felices</i>	174 sq.
<i>profectio in Tbrasimenum</i>	176
<i>praelium cum Perusinis</i>	183
<i>cum Ciccolino</i>	185
<i>cauta sollicitudo</i>	187
	Bra-

<b>Brachii novum inusitatumque pugnandi genus</b>	189
<i>oratio ad exules Perusinos</i>	190 sqq.
<i>ad milites</i>	198 sqq.
<i>cum Carolo Malatesta praelium</i>	206 sqq.
<i>victoria</i>	210 sqq.
<i>cum Cinello colloquium</i>	218 sqq.
<i>cum Legatis Perusinarum tractatio</i>	221 sq.
<i>cum exulibus deliberatio</i>	222 sqq.
<i>Perusiam ingredientis comitatus</i>	227 sqq.
<i>oratio habita in senatu Perusino</i>	234
<i>nova lex</i>	<i>ibid.</i>
<i>abiturientis praecautio</i>	235
<i>nova expeditio</i>	<i>ibid.</i>
<i>ad Legatos Venetorum acerrima responsio</i>	241
<i>in Tudertinos atque Spoletanos expeditio</i>	244
<i>iter Romanum</i>	<i>ibid.</i>
<i>cum Legato Pontificis in castris colloquium</i>	244 sq.
<i>excursiones</i>	247
<i>cum Legatis Romanis de tradenda urbe pactio</i>	<i>ibid.</i>
<i>exercitus peste correptus</i>	248
<i>cum finitimis inimicitiae</i>	255
<i>cum Senensibus societas</i>	<i>ibid.</i>
<i>ad Martinum Pontificem Legati</i>	260
<i>bellum contra Guidonem Feltranum</i>	261 sq.
<i>simul ac gregarii cujusdam militis inusita-</i>	
<i>tum vulnere</i>	263 sq.
<i>ad Sfortiam literae</i>	265
<i>cum Tartalia ad Volsuvium conjunctio</i>	266
<i>ad Pontificis sui opprimendi cognitae artes</i>	
<i>consilium</i>	269
<i>laudata celeritas</i>	270
<i>ad Pontificem Legatus</i>	279
<i>expeditio in Tudertinos suscepta</i>	281
<i>Florentiam tendentis comitatus</i>	282 sq.
<i>cum Guido Feltrano amicitia restituta</i>	291
<i>cum Pontifice initum foedus</i>	293 sq.
<i>novum contra Florentinos bellum</i>	295
<b>Brachii</b>	

# INDEX.

Brachii nova coepta aedificia	295 sq.
iter in fines Bononiensium susceptum	297
cum Loisto pugna	298 sq.
cum Nicola, Berardi Camertis sorore, celebratae nuptiae	309
ad Joannae, Reginae Neapolitanae, Legator	
responsio	315
nova expeditio	316
in Samnites iter	317
edictum	322
adventus Neapoli	327
cum Rege Siciliae conjunctio	328 sq.
magnificentissimus in urbem Neapolitanam ingressus	330 sqq.
novi honores	332 sq.
ad Alfonso, Regem Siciliae, responsio	337
ad Hispanos oratio	339 sqq.
U Regis Alfonso cum suis praefectis animi gratia susceptum iter	348 sq.
nova expeditio	350
peditatus Lyrin fluvium trajicit	358 sq.
insignis praeda longe lateque coacta	360 sqq.
oratio ad populum Campanum	362 sq.
filius recens natus	373
profectio Neapolitana	385 sq.
reditus in Hetruriam	387
nova dignitas	397
plausibus publicis condecorata	398 sq.
ad Pontificem legati	400
iter Neapolitanum	ibid.
pugna cum Jacobo Caudola gravissima	416 sqq.
miser flebilisq; exitus	420
cladis causas atque praesagia	421 sq.
corpus primo Romam, post vero Perusiam, delatum, dignissimoque templi loco repositum	425
Brachius captus a Feltranis	9
ad Fractam oppidum	15
Brachii	

# I N D E X.

765

<i>Brachius a Pontifice deceptus</i>	24
<i>commendatur ab Alberico Pontificis Legato,</i>	
<i>Bononiam praesidio tenenti</i>	36
<i>Carolus Malatestam ex finibus Camerti-</i>	
<i>um pellit</i>	52
<i>Lepirum capit</i>	55
<i>a copiis Regis Ladislai oppugnatus virtute</i>	
<i>sua liberatur</i>	71
<i>Montonum per prodicionem capere tentat</i>	110
<i>totam regionem vastat</i>	111
<i>a Pontifice Bononiae praeficitur</i>	147
<i>seditionem Bononiensem feliciter tollit</i>	150 sq.
<i>obviam proficiscitur Paulo Ursino</i>	167
<i>inurias sibi illatas acerrime ulciscitur</i>	236
<i>varia in fidem recipit oppida</i>	237
<i>turbas Perusinas decreto restinguit</i>	243
<i>a Pontifice hostis religionis devotusque ju-</i>	
<i>dicatus</i>	255
<i>cogit pacem redimere numerata pecunia</i>	
<i>Ludovicum Firmanum</i>	256
<i>Ulfem Ursinum</i>	257
<i>Cocchum Salimenum</i>	ibid.
<i>Lucenses</i>	ibid.
<i>Nursinos</i>	59
<i>Sfortianos praedatores dissipat.</i>	269
<i>cum suis a Florentinis magnifice habitu</i>	284 sqq.
<i>a Pontifice perbenigne exceptus</i>	286
<i>Pontifici sua desideria exponit</i>	287 sqq.
<i>natam ex concubina filiam Roberto Mala-</i>	
<i>testae despondet</i>	295
<i>praedantes, qui Medicinae erant praesidio</i>	
<i>locati, ad Oriolum fundit, fugat, plerosque ca-</i>	
<i>pit</i>	301 sqq.
<i>Nuceriae custodis horrendum &amp; atrox faci-</i>	
<i>nus ulciscitur</i>	312 sqq.
	Bra-

# INDEX.

Brachius Samnites, Placentinos & Sulmonenses in fidem recipit	318 lqq.
Castellum maris expugnat	351
arcem obsidet	352
ob advenientes hostes iterum relin- quit	352 lqq.
agmen Capuam perducit	355
Minianum Sanctumque Victorem capit	356
finis Pontificis depopulatur	ibid.
Castellum novum Sanctamque Luciam ex- pugnat	ibid.
Legatis Pontificis haud benigne respondet	356 lq.
mox cum iisdem paciscitur	357
cum equitatu Lyrin fluvium trajicit	358
hostium consilia dolo eludit	374 lq.
Sfortiam copiis Neapolitanis praescien- dum curat	385
Tyfernates ad deditionem adhortatur	387
cum eorum Legatis sermones miscet	388 lq.
castra admovet	389
cum aliis eorum Legatis colloquitur	390 lq.
Tyfernum arctiori obsidione cingit	392 lq.
deditione recipit	395
Perusam redux factus magnificentissime excipitur	395
aedificia publica refici curat	395 lq.
auxilium Regi Siciliae mittit	397
varia oppida atque castella expugnat	402 lq.
Aquilam, urbem, obsidet	403
Larigianum, quod ad hostem defecerat, expugnat	404 lq.
paulo crudelius facit	405
Florentinis, mussitante ipso milite, auxi- lium mittit	407
novas copias conscribit	ibid.
Aquilam, urbem, multo gravius obsidet	407 lq.
	Bra-

# INDEX.

767.

Brachius <i>adversus auxilia, quae adventant, pugnam parat</i>	412 sq.
<i>caduceatorem ad hostium castra mittit</i>	413 sq.
<i>cui ab imperatore jactanter responsum</i>	414
<i>suorum consilium rejicit</i>	415 sq.
<i>gravissime vulneratus capitur</i>	420
<i>triduo post moritur</i>	421
Britannorum mos nubendi & adulterii poena	737

## C

Caelibatus <i>incommoda</i>	753
Cales, urbs, a Brachio <i>recepta</i>	321
Calonica, oppidum, a Brachio <i>capta</i>	86
Calzarolum a Brachio <i>captum</i>	39
Camertium ad Brachium <i>responso</i>	120
Camilli <i>exulantis erga patriam beneficentia</i>	598 sq.
Campani (Jo. Ant.) <i>de Ingratitudine scripturi honesta excusatio</i>	523 sqq.
<i>defensio</i>	525 sqq.
<i>animus</i>	528 sqq.
<i>instituti ratio occasioque</i>	537 sqq.
<i>studium philosophandi</i>	675 sq.
<i>encomium</i>	679
Campani ad Brachium Legatos <i>mittunt</i>	321
<i>lubentissime eum suum Dominum agnoscunt</i>	364
<i>plausus publicos agunt</i>	ibid.
Canale oppidum <i>expugnatum</i>	399
Cantabrorum mos nubendi & poena adulterii	738
Capijugum <i>expugnatum</i>	319
Capuae annonae caritas	379
<i>Brachii adventu</i>	
<i>sublata</i>	380 sq.
<i>arx superior in Brachii potestatem recepta</i>	373
Carnaniorum mos nubendi	744
Carrariae Comes cum Brachio per Legatos <i>de pace transgit</i>	316
Carra-	



# INDEX.

Carrariae Comes filium obsidem mittit	317
Casilinum a Brachio oppugnatum	105
Castanea, oppidum, incendio vastata	250
Castellum a Brachio occupatum	77
Leonis a Brachio captum	86
maris expugnatum	351
novum a Brachio expugnatum	355
Sangri a Brachio in fidem receptum	321
Castilionum a Brachio captum	105
Castitionum a Brachio captum	39
Caudola ( Jac. ) Brachianos, qua potest, fugit	320
ejus c mBrachio pugna & victoria	416 /qq.
Cervariorum, retis, descriptio	496 /q.
Cesena portus a Brachio occupatus	133
Charitum apud veteres delineatio	664
Cinelli cum Brachio colloquium	217 /qq.
Cingulanorum cum Mart. Faventino contra Brachium conspiratio	55
Citonium a Brachio occupatum, Senensibusque restitutum	254
Civitatum beneficarum liberaliumve quas sit conditio	660 /sq.
Clementiae descriptio & praestantia	723 /q.
Collazonum a Brachianis expugnatum	85
Collis medius a Brachio occupatus	162
Columella, urbs, a Brachio capta	65
Corcianum a Brachio oppugnatum	ibid.
captum	180
Cortona a copiis Ladislai, Regis Neapolitani, obsessa & prodita	76
Cyghorum, qui in Thrasimeno reperiuntur, descriptio atque aucupium	513
Cypriorum mos nubendi	739
D	
Darii erga Silophonem Samium animus	544
Democriti deliramenta humana ridentis excusatio	640 /sq.
Demosthenis exulantis erga patriam beneficentia	599
Deorum	



# INDEX

<i>Foedus inter Pontificem &amp; Ducem Mediolanensem percussum</i>	378
<i>Fortunati (Divi) oppidum a Brachio expugnatum</i>	157
<i>Fractula obfessa</i>	107
<i>a Brachio liberata</i>	108
<i>a Perusinis oppugnata</i>	121
<i>Frugalitatis in magistratu gerendo praestantia</i>	728 sq.
<i>Fulicarum, quae in Thrasimeno reperiuntur, descriptio atque aucupium</i>	513

## G

<i>Gallorum religionis observandae studium</i>	706
<i>Germanorum, avium, quae in Thrasimeno inveniuntur, descriptio atque aucupium</i>	513
<i>populi, mos nubendi &amp; poena adulterii</i>	738
<i>Glomesium direptum incenditur</i>	271
<i>Graecorum de ingratitude sententia &amp; exempla</i>	654 sqq.
<i>mos nubendi</i>	740
<i>religionis observandae studium</i>	706
<i>Grati hominis descriptio</i>	626
<i>Gratia a feris neque discenda, neque expectanda est</i>	625 sq.
<i>Gratiae recipiendae spes multos reddit liberales atque beneficos</i>	665 sq.
<i>cessans omnem tollit liberalitatem atque beneficentiam</i>	666 sq.
<i>referendae tempus atque modus</i>	670
<i>Gualdum a Brachio occupatum</i>	121

## H

<i>Heracliti deliramenta humana miserantis excusatio</i>	640 sq.
<i>de iustitia sententia</i>	720
<i>Hesiodi de magistratu regendo sententia</i>	709 sq.
<i>Hominis prae ceteris animalibus praestantia</i>	631 sq.
<i>quae sit conditio</i>	660
<i>Homi-</i>	

# INDEX.

771

Hominum diversorum diversa officia	716 sq.
magistratu concurrunt	in uno quasi 717 1qq.
diversa de justitia judicia	726
diversa studia	727
Humanitatis ratio beneficentiae necessitatem docet	598 1qq.

## I.

Jacii, retis, descriptio	495 sq.
Janiculum a Rege Ladislao occupatum	92
a Brachio oppugnatum & captum	95 1qq.
Imperatorum beneficorum liberaliumve quae sit conditio	660 1q.
Incertae cujusdam gentis mos nubendi & poena adulterii	737
Indorum mos nubendi & poena adulterii	738
Ingenii vis atque potestas	556
	excitatur necessitate 559
Ingratitudinis perniciosissima detestandaque facies	540. 618. sq. 680. 1qq.
mentio maxime odiosa	571 1q.
divisio	578
definitio	ibid.
turpitudine naturalis	681
turpissimi effectus	681 sq.
justum odium	686
vitandae seriae admonitio	694
Ingratitudo tollit omnem liberalitatem & humanitatem	541 sq. 562 sq.
dedecet potissimum Reges atque Principes	564 sq.
utilis & necessaria visa quae sit	577 1qq.
	591 sq.
num sit naturalis	642
neque naturalis, neque bona, neque utilis, neque necessaria	657 1qq.
omnium flagitiorum vitiorumque mater	687 1qq.
Ingratorum quot sint genera,	542. 608 sq. 669.

# INDEX

Ingratorum <i>genus primum</i>	543 <i>sqq.</i>
<i>secundum</i>	546 <i>sqq.</i>
<i>tertium</i>	550 <i>sqq.</i>
<i>quartum</i>	561 <i>sqq.</i>
<i>genera inter se conferuntur</i>	567 <i>sqq.</i>
<i>genus tamen turpissimum est</i>	quartum
	569 <i>sq.</i>
<i>fugiendorum causa</i>	570
<i>exempla hominum</i>	579 <i>sqq.</i>
<i>ferarum</i>	584
<i>avium</i>	585
<i>naturae</i>	586
<i>terrae</i>	587 <i>sqq.</i>
<i>Deorum immortalium</i>	590
<i>coeli</i>	590 <i>sq.</i>
<i>aliae quaedam species</i>	609 <i>sqq.</i>
<i>alia genera</i>	610 <i>sqq.</i>
<i>vituperatio</i>	688 <i>sq.</i>
Interficiētis uxorem apud Romanos poena	751
Joannae, Reginae Neapolitanae, ortus resque gestae	254 <i>sqq.</i>
<i>legati ad Brachium</i>	308
<i>ad Pontificem &amp; Ducem Mediolanen-</i>	
<i>sem</i>	409
<i>alii</i>	411
Jonarum ex ingratis ingratos subita conversio	611 <i>sqq.</i>
Jovis Dodonei fontis celebritas	635
<i>item Hammonis</i>	ibid.
Italiam factiones, civiliaque & domestica bella con-	
<i>ficiunt</i>	11 <i>sq.</i>
Judicia corrupta quae sint	716 <i>sq.</i>
Juris Naturae & gentium descriptio	722
Justitiae in magistratu gerendo necessitas	713 <i>sqq.</i>
<i>descriptio</i>	722 <i>sq.</i>
<i>diversa de eadem judicia</i>	725
L	
Lacedaemoniorum mos atque causa in conviviiis ser-	
<i>vos temulentos admittendi</i>	535
<i>nubendi &amp; poena adulterii</i>	737
<i>Ladislaui</i>	

# I N D E X.

Ladislai, Regis Neapolitani, ad Brachium legati	60
literae	65. 67
in Brachium perfidia	67
de capiendō Brachio consilium	70
bellum contra Florentinos	72 sqq.
fuga	98
auxilium Perusinis praestitum	124
cum Pontifice inita pax	127 sq.
improbitas accusata	134
cum Brachio colloquium	143 sq.
mors	144
Larigianorum defectio	403 sq.
a Brachio paulo crudelius	405
vindicta	405
Legati Pontificis ad Romanos a Brachio obsessos	245 sq.
oratio	245 sq.
Legum in republica bene constituta necessitas atque	720 sq.
usus	720 sq.
Libidinis solutae & adulterii apud gentes varias	737 sqq.
poena	737 sqq.
Lucenses coacti pacem redimere a Brachio nume-	257
rata pecunia	257
Lucia Sancta, oppidum, a Brachio expugnatum	356
Lucii piscis descriptio	506 sq.
Ludi equestres a Brachio instituti Perusiae	250 sqq.
Florentiae	291 sq.
Ludovici Galli in Italiam trajectus	80
Lycurgi de matrimoniis contrahendis institutum	749
Lyris fluvii descriptio	357
M	
Magistratus vis & effectus	1697
gerendi grave munus, quibus leve vi-	698
deatur	698
qui rite gerere cupiunt, quibus virtuti-	698 sqq.
bus, & qua, tam corporis, quam mentis, forma,	698 sqq.
praediti esse debeant	698 sqq.
Malatestae (Car.) auxilium Perusinis praestitum	174
Perusiam adventus	184
Ccc 3	Mala-

# I N D E X.

Malatestae <i>ad suos oratio</i>	204
<i>cum Brachio praelium</i>	206
<i>clades</i>	210 sqq.
<i>honestæ captivitas</i>	213 sq.
<i>quædam oppida in fidem veniunt Brachii</i>	237 sq.
<i>(Rob.) cum Brachii ex concubina nata</i>	
<i>filia nuptiæ</i>	295
Mantinianum <i>a Brachio captum</i>	180
Marfanesium <i>expugnatum</i>	327
Marfanum <i>a Sfortia obsessum</i>	127
<i>a Brachio liberatum</i>	ibid.
Martini Pontificis Brachium <i>opprimendi miræ</i>	
<i>artes</i>	268
<i>ad Brachium amica responso</i>	289
<i>cum Brachio initum foedus</i>	295 sq.
Matalonium <i>in fidem receptum</i>	385
Mathematicorum <i>de Brachio recens nato præ-</i>	
<i>sagia</i>	7
Matrimonii <i>origo</i>	734
<i>præstantia</i>	734 sq.
<i>insignis apud omnes pene gentes reveren-</i>	
<i>tia atque cultus</i>	735 sqq.
<i>vinculum indissolubile</i>	748
<i>contrahendi cupido universalis</i>	748
<i>leges</i>	749 sq.
<i>sanctitas</i>	751 sq.
<i>commoda &amp; effectus</i>	752 sqq.
Medicina, <i>oppidum, expugnata</i>	303 sq.
Mediocrîtatis <i>in magistratibus gerendis usus</i>	699 sq.
Memoriæ <i>vis atque facultas</i>	556
<i>excitatur necessi-</i>	
<i>tate</i>	559
Mergorum <i>descriptio atque aucupium</i>	510 sqq.
Minianum <i>captum a Brachio</i>	356
Misianum <i>occupatum</i>	180
Modestiae <i>in gerendo magistratu laus atque præ-</i>	
<i>stantia</i>	728
Mons, <i>oppidum, a Brachio oppugnatum</i>	104
Mons	

# I N D E X.

+ 75

Mons, oppidum, iterum relictum	105
altus a Brachio captus	39
Monticellum a Brachio occupatum	105
Montis Flasci descriptio	266
urbis descriptio	491 sq.
Morum ratio atque effectus	559 sqq.
Motus Britanniae	455
Germaniae	ibid.
Hispaniae	ibid.
Italiae	ibid.
Mucili, reticuli, descriptio	503 sq.
N	
Narnienses a Brachio fugati	167
Naturae excusatio	536 sqq.
quae sint	644
Naturalia quae sint	645
Neapolitanorum res angustae	326
turbae	399
Nicolai Papae erga Pium animus	440
mors	445
Sulmonensis encomium	621 sqq.
de ingratitude sententia	679 sqq.
Nuceriae custodis horrendum & atrox facinus	310 sqq.
a Brachio vindicatum	313 sq.
Nuptiarum apud omnes gentes singularis honor atque cultus	735 sqq.
honestissimum convenientissimumque nomen matrimonii	ibid.
vocis origo	742
celebrandarum ratio, atque modus	756
Nurfini coacti pacem redimere a Brachio numerata pecunia	259.
O	
Opinionis vis atque potestas	643 sq.
Ottinji ad Brachium epistola	68.
P	
Pacani, custodis arcis Capuae superioris, pertinacia	364 sqq.
virtute Brachii fracta	366 sqq.
Ccc 4	
	Paga-



## INDEX.

Paganum captum	350
Pagellae, retis, descriptio	516 sq.
Palanti exulantis erga suos beneficentia	599 sq.
Pergula a Brachio in potestatem recepta	260
Perfarum nubendi mos	740
tempus atque modus	744 sq.
religionis observandae studium	706
Perusia venit in potestatem Pontificis	23
a Brachio obsessa	158
Perusiae descriptio	88 sqq.
dedendae conditiones	226
Perusinae turbae	10 sqq.
Perusinarum rerum nova facies	230 sqq.
Perusini agri praestantia	517
a Brachio fugati	63 sq.
iterum bellum parant	81
a Frastrulanis dissipati	122
venenatis telis usi a Brachio gravissime re-	
prehensi	183
Perusinorum foedus cum Bonifacio, Pontifice, ini-	
tum	13
ad Ladislaum legati	66. 123
solicitude	84. 178
praelium cum Brachianis	100. 183
clades atque fuga	101
apparatus bellicus	106
terror atque questus	113
cum Brachio velitationes	159 sqq.
legati ad Carolum Malatestam	173
ad Brachium	177. 179. 180
dissidium	181
de auxilio adventante lactitia	186
fusorum luctus	215 sq.
consilium	216
ad Brachium caduceator missus, nimio	
potu confectus, domum redire obliviscitur	216 sq.
alius missus, Cinellus	217
legati	221
annua a Brachio imperata tributa	249
Perusi-	

# INDEX.

777

Perusinorum ad Martinum Pontificem legati	254
Petra Melina a Brachio capta	103
Philippi Macedonis exemplum ingratitude seve-	
rissime coercentis	565 sqq.
Atheniensium libertatem opprimere niten-	
tis consilium	712
Philosophia laudata	575 sqq.
bene beateque vivere docet	674 sqq.
Picinini (Nic.) virtus	282
Pietatis laus atque fructus	701 sqq.
honor atque veneratio	704 sqq.
Pii II. Pontificis origo	435
nomen	ibid.
studia admodum pueri	ibid.
primum, idque perdifficile, Basileam iter	436
alterum eodem & hinc per Germaniam &	
Belgium in Scotiam usque protractum, iter	436 sq.
tertium	437
varia munia	ibid.
variae legationes	438
nomine Caesaris susceptae	438 sq.
Mediolanensis	440
Neapolitana	441
publico Senensium nomi-	
ne ad Nicolaum Pontificem suscepta	443 sq.
ad Pannonios, Bobemos,	
Noricos, ceteramque Germaniam, & aliae	444 sq.
ultima ad Calixtum,	
Pontificem, Nicolai successorem	446
Pontificis renunciati prima decreta	447 sqq.
iter Mantuanum	449
discrimen vitae Narniense	449 sq.
pompa Perusiae acta	450
res gestae Senae	450 sq.
Florentiae	451 sq.
Bononiae	452
Ferrariae	452 sq.
Mantuae	453 sqq.
Ccc 5	Pii II.

# I N D E X.

Pii II.	<i>magnanimitas</i>	457 sq.
	<i>finium Imperii Pontificii augmenta</i>	458 sq.
	<i>ipsis summis Principibus verenda auctoritas</i>	459 sq.
	<i>prudentia singularis</i>	461 sq.
	<i>clementia</i>	463
	<i>contemptus pecuniarum</i>	463 sq.
	<i>instituta quaedam laude dignissima</i>	464 sq.
	<i>liberalitas</i>	465 sq.
	<i>magnificentia</i>	466 sq.
	<i>studium peregrinandi</i>	467 sqq.
	<i>ratio studiorum</i>	470
	<i>cura rei publicae</i>	470 sq.
	<i>familiares</i>	471 sq.
	<i>adoptivi</i>	473
	<i>urbanitas &amp; facetiae</i>	473 sq.
	<i>studium aedificandi</i>	474 sq.
	<i>amor literarum</i>	476
	<i>scripta</i>	476 sqq.
	<i>ars divinatoria</i>	478 sq.
	<i>forma corporis</i>	479
	<i>morbi</i>	<i>ibid.</i>
	<i>praesagia magnitudinis</i>	479 sq.
	<i>pericula vitae</i>	480 sqq.
	<i>praesagia mortis</i>	482 sq.
	<i>severus in paranda expeditione in Turcas</i>	483 sq.
	<i>ultimum iter</i>	484
	<i>novissimus morbus</i>	484 sqq.
	<i>mors</i>	488
	<i>funus</i>	<i>ibid.</i>
Pius II.	<i>a Felice Anti-Papa, ad Federicum, Caesarem, missus legatus donatur laurea, moxque</i>	
	<i>ipsius Caesaris adscribitur amicis</i>	438
	<i>Romae honorifice exceptus</i>	439
	<i>Tergestanis praesul praefectus.</i>	<i>ibid.</i>
	<i>Ipodiocanus efficitur</i>	<i>ibid.</i>
	<i>Antistes Senensium designatus</i>	441
	<i>mittitur a Federico ad Bohemos</i>	<i>ibid.</i>
		Pius II.

# INDEX.

173

Pius II. <i>insidias a Senensibus sibi structas mire eludit</i>	441 sq.
Leonorae, Federici sponsae, obviam proficiscitur	442
Pisces eam excipit	443
Senae Federico exhibet	ibid.
a Calixto Romae Cardinalis designatus	446 sq.
eo mortuo, in ipsius locum succedit	447
reduci factus Senam	456
Romam, omni nisu componere allaborat mortuus Italiae, Britanniae, Hispaniae, Germaniae	456 sq.
Pila, urbs, a Brachio capta	173
Pittaci Mityleni de aequitate sententia	716
Platonis de magistratu regendo sententia dictum de lyra	711
de legibus	719
Pons Patulus a Brachio captus	721
a Ladislao obsessus	102
iterumque relictus	135
Praeceptorum usus	136
Praetula a Brachio capta	697
Pyrrhoniorum de ingratitude sententia	102
Pythagorae symbolum	642
	713 sq.
Q	
Quadra a Brachio capta	87
Querquetensium cum Brachio pugna	108
R	
Ratio omnis mutationis, cui vita hominum subiacet, causa	632
rerum atque actionum humanarum gubernatrix	632 sq.
Reipublicae commune bonum anteponendum privati cujuscunque	714 sq.
Religionis apud omnes fere gentes observandae studium	707sq.
Christianae finis primarius	696
Reli-	

# INDEX.

Religionis, secundum ejusdem praecepta vivendi norma atque modus	ibid.
Ripa, oppidum, a Brachio capta	169
Roccha Contracta a Ladislao Rege obsessa	132
Rocchi, reticuli, descriptio	515 sq.
Rocchorum descriptio atque usus	509 sq.
Romanorum a Brachio defectio	249
ingratorum poena	617 sq.
de ingratitude sententia	648
exemplis comprobata	648 sqq.
religionis observandae studium atque fervor	707
continentia atque pudicitia	740
mos celebrandi nuptias	741 sqq. 745 sqq.
vestes nuptiales	742
auspicia	742 sqq.
celebrandarum nuptiarum praestitu- tum tempus	747 sq.
Rucellescum a Brachio captum	86

## S

Salimenus (Cocchus) cogitur redimere pacem a Brachio numerata pecunia	257
Saxoferratenfes a Brachio deficiunt	253
ad obsequium rediguntur	ibid.
Scelerum puniendorum ratio atque modus	724 sqq.
Senensium cum Brachio societas	285
Sensuum differentia	556
Serra a Brachio expugnata	279 sq.
Sfortia a Joanna, Regina Neapolitana, contra Bra- chium missus	265
a Brachio in fugam coniectus	267. 381
Duces Pontificis convocat	321
castra Brachii petit	382
reconciliatur Brachio	382 sqq.
Reginae Joannae	385
cura Brachii copiis regiis Neapolitanis praeficitur	386
Sfortiae ad Brachium literae	265
Sfor-	

Sfortiae <i>apparatus bellicus</i>	297
<i>expeditio Neapolitana</i>	305 sq.
<i>cum Tartalia conjunctio</i>	352 sq.
<i>discessus ab hoc parum amicus</i>	354 sq.
<i>cum eodem simulata reconciliatio</i>	357
<i>in Sueffanum agrum iter</i>	<i>ibid.</i>
<i>ad Aeternum miser exitus</i>	409
Sfortiani <i>praedatores a Brachianis dissipati</i>	269 sq.
Socratis <i>sententia de vitiis</i>	533 sq.
<i>de aequitate</i>	716
Solennia <i>in memoriam Caroli Malatestae a Brachio</i>	
<i>profligati Perusiae quotannis repetita</i>	249 sqq.
Solis <i>Introgoditis fontis celebritas</i>	635
Solonis <i>de legibus effatum</i>	727
<i>de temulento Principe lex</i>	729
Spaternarum <i>descriptio</i>	505 sq.
Spina <i>a Brachio occupata &amp; direpta.</i>	166
Spoletanae <i>arcis descriptio</i>	262 sq.
Spoletum <i>a Brachio obfessum</i>	<i>ibid.</i>
<i>deditione facta in fidem receptum</i>	<i>ibid.</i>
Sponsae <i>nomen unde</i>	747
Strigilum, <i>qui in Thrasimeno occurrunt, descriptio</i>	
<i>atque aucupium</i>	513
Stygis <i>fontis nomen unde ortum</i>	635

## T

Tartalia <i>jungit cum Brachio castra</i>	266
<i>a Pontifice sollicitatus ab eo deficit</i>	268
<i>Urbevetanos contra Brachium sollicitat</i>	277
<i>fuga delapsus</i>	279
<i>a Sfortia occisus</i>	378
Tartalidae <i>perfidia</i>	277
<i>cum Sfortia conjunctio</i>	350 sq.
<i>ab hoc discessus parum amicus</i>	354 sq.
<i>cum eodem simulata reconciliatio</i>	357
<i>in Sueffanum agrum iter</i>	<i>ibid.</i>
<i>a Sfortia occisi copiae fugiunt ad Bra-</i>	
<i>chium</i>	379.
Taxillorum <i>mos nubendi &amp; poena adulterii</i>	738 sq.
Ter-	

# I N D E X.

<i>Terra neque benefica, neque liberalis, neque malefica, neque ingrata, dici potest</i>	634 sq.
<i>Thebanorum mos nubendi</i>	739 sq.
<i>Themistoclis de magistratibus publicis decretum</i>	730
<i>Theophrasti de brevitae vitae sententia</i>	535
<i>Thororum descriptio</i>	498 sqq.
<i>circa eodem retia tendendi labor</i>	501 sq.
<i>piscandique modus</i>	502 sq.
<i>Thrasimeni lacus descriptio</i>	176. 492 sqq. 519 sqq.
<i>insularum in eo exsurgentium descriptio</i>	492
<i>orarum adjacentium situs ratioque vivendi</i>	493
<i>diversarum diversa navigia</i>	493 sqq.
<i>piscandi modus</i>	495
<i>retium, quibus piscantur, descriptio ibid.</i>	
<i>opportunitates piscandi</i>	497 sq.
<i>studium pisces servandi</i>	504
<i>piscandi genus per hamos</i>	505 sqq.
<i>aucupia avium</i>	510 sqq.
<i>pulcherrima conditio</i>	517 sq.
<i>accolarum piscatorum praecipui labores</i>	521 sq.
<i>Ticinum a Brachio captum</i>	87
<i>Timonis Atheniensis austeritas</i>	641 sq.
<i>Tophi, retis, descriptio</i>	508 sq.
<i>Torsianensium ad Brachium legati</i>	177
<i>Torsianum a Brachio captum</i>	86
<i>Trogoditarum mos nubendi &amp; poena adulterii</i>	737
<i>Tudertinorum a Ladislao ad Pontificem defectio</i>	141
<i>ad Brachium legati</i>	178
<i>Tudertum Ladislao deditum</i>	141
<i>ab eodem obseffum</i>	ibid.
<i>Turbae Bononienses</i>	150
<i>Camertinae</i>	114
<i>Neapolitanae</i>	399
<i>Perusinae</i>	10. 17. 242
<i>Romanae</i>	25. 37. 80.
<i>Tutius praefectus Fractae</i>	14 sq.
	Tyfr-

# INDEX.

783

Tyfernatum <i>ad Brachium legati</i>	388
alii	389
Tyfernum <i>a Brachio obsidione arctiori cinctum</i>	392 sqq.
<i>deditione receptum</i>	395

## U.

Vaccariorum <i>descriptio</i>	504 sq.
Vectonenfium <i>ad Brachium legati</i>	179
Venetorum <i>ad Brachium legati</i>	239 sqq.
Verchianum <i>a Brachio captum</i>	62
Vetulus ( <i>Nardus</i> ) <i>fugae reus suspensus</i>	296 sq.
Victor Sanctus, oppidum, <i>a Brachio captum</i>	356
Victus <i>moderatio necessaria in magistratu gerendo</i>	728 sq.
Viri & uxoris <i>arctissima connexio</i>	755
<i>summa servanda aequalitas</i>	757
Vitia <i>neque committenda sunt, neque prorsus igno-</i>	
<i>randa</i>	533 sqq.
Urſi <i>renitentia</i>	223
Urfinus ( <i>Paul.</i> ) <i>dat injuriarum Brachio illatarum</i>	
<i>gravissimam poenam</i>	236
( <i>Ulyſſes</i> ) <i>cogitur pacem redimere a Bra-</i>	
<i>chio numerata pecunia</i>	257

## X

Xerxis <i>de brevitae vitae sententia</i>	535
---	-----

## Z.

Zenonis <i>sententia de brevitae vitae</i>	535
<i>de magistratu regendo</i>	710
Cizicei <i>studium philosophandi</i>	674 sq.





4.3.131

2

485

43 131

00564942